





北京大學《儒藏》編纂中心

#### 圖書在版編目(CIP)數據

儒藏. 精華編. 二四/北京大學《儒藏》編纂中心編. 一北京:北京大學出版社, 2008.12

ISBN 978-7-301-11742-2

I. 儒··· Ⅲ. 北··· Ⅲ. 儒家 Ⅳ. B222

中國版本圖書館 CIP 數據核字(2007)第 024122 號

書 名:儒藏(精華編二四)

著作責任者:北京大學《儒藏》編纂中心

責任編輯:王應

標 準 書 號: ISBN 978-7-301-11742-2/B • 0428

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話: 郵購部 62752015 發行部 62750672 編輯部 62765691

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 45.75 印張 559 千字

2008年12月第1版 2008年12月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup, pku, edu, cn



北京 大學,「九八、五、工程、」重點,項目國家、社會、科學、基金、重、大、項目、「十一五」國家重點圖書出版規劃項目,重大工程出版規劃

# 《儒藏》精華編第二四册

首席總 編纂 季羡林

項目首席專家 湯一介

總

湯一介

龎

樸

孫欽善

王承略

本

册

主

編

董治安

鄭傑文

安平秋 (按年齡排序)

嚴佐之

# 儒藏》精華編凡例

則 爲儒家經典和反映儒家思想、體現儒家經世做人原 的典籍的叢編。 、中國傳統文化以儒家思想爲中心。《儒藏 收書時限自先秦至清代結束。

二、《儒藏》精華編爲《儒藏》的一部分,選收《儒

藏》中的精要書籍

寫者一律收其釋文文本。 互見。 已收入入選的個人叢書或全集者,僅存目録,並 漢文寫作的儒學著作,編爲海外文獻部類 分類法分類,大類、小類基本參照《中國叢書綜録》和 土文獻。 《中國古籍善本書目》,於個別處略作調整。 三、《儒藏》精華編所收書籍,包括傳世文獻和 出土文獻單列爲一個部類,原件以古文字書 傳世文獻按《四庫全書總目》經史子集四 韓國、日本、越南儒學者用 凡單書 注明 部 出

> 編,不改編,保持原書的完整性和獨立性。 四、所收書籍的篇目卷次,一仍底本原貌,不 選

爲 勘價值的版本爲校本。 確定内容完足、精確率高的版本爲底本,精選有校 主,酌校異同。校記力求規範、精煉 五、對人選書籍進行簡要校勘。 出校堅持少而精 以對校爲主 ,以校正 誤

外,其他一律省略。 例,進行規範化標點。 專名號除書名號用角號(《》)

六、根據現行標點符號用法,結合古籍標點通

落。正文原已分段者,不作改動。 七、對較長的篇章,根據文字内容,適當劃 千字以内的短文

分段

一般不分段。

出現順序前詳後略 及其他有關情況。重複出現的作者,其生平事蹟按 及整理時所確定的底本、校本(舉全稱後括注簡稱 介紹作者生平、該書成書背景、主要内容及影響,以 八、各書卷端由整理者撰寫《校點說明》,簡要

九、本書用繁體漢字豎排,小注一律排爲單行。

鳴

謝

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂中心

本册青任編委 谷建 本册 審稿 人何英芳 胡雙寶

張忱石

# 《儒藏》精華編第二四册

經

部

詩

類

詩集傳〔南宋〕朱	詩集傳〔北宋〕蘇	詩本義[北宋]歐陽
熹	轍	修
熹		詩本義〔北宋〕歐陽修

# 詩本義

楊紀榮 劉心明 劉心明

校 撰點

一九 九

鸤鳩 四一	候人 四〇	匪風	防有鵲巢 三九	<b>衡門</b> 三八	東門之枌 三八	<b>卷第五</b> ······ 三八	<b>蒹</b> 葭 三六	采苓 三五	揚之水 三五	蟋蟀 三四	南山 三四	東方之日 三三	子衿 三三	寒裳 三二	有女同車 山有扶蘇 三二	女曰雞鳴 三一	<b>羔裘</b> 三〇	叔于田 三〇	<b>卷第四</b> ······三〇	
<b>節南山 六三</b>	無羊 六二	斯干	<b>卷第七</b> 六〇	黄鳥 五八		鴻鴈 五六		出車 五四	天保 五三	伐木 五二	常棣 五一	皇皇者華 五〇	鹿鳴	<b>卷第六</b>	狼跋	九	伐柯	破斧	鴟鴞 四二	

П	ı
日	- 1
	- 1

目 録	白華 九〇	菀柳 九〇	角弓 八八	采菽 八七	賓之初筵 八六	青蠅 八六	<b>卷第九</b> ····································	車牽 八三	鴛鴦 八二	裳裳者華 八二	鼓鍾 八一	小明 八〇	四月 七八	大東 七七	蓼莪 七六	何人斯 七四	巧言 七三	<b>卷第八</b> 七三	十月 雨無正 小旻 小宛 六九	正月 六五
	時邁		烈文 一一八	維天之命 一一八	卷第十二 一一八	瞻卬 一一七	桑柔 一一四	抑		卷阿 一〇七	<b>卷第十一</b> 一〇七	假樂   ○五		生民 一〇二	皇矣	思齊		文王	卷第十	漸漸之石 九二

周召分聖賢解 一五二	二南爲正風解 一五二	詩解統序 一五一	卷第十五 一五一	序問 一四九	魯問 一四七	<b>豳問 一四六</b>	本末論 一四四	時世論 一四一	卷第十四 一四一	取舍義 一三七	一義解   三一	卷第十三 一三一	長發 一三〇	烈祖 一二八	那 一二六	有駜 一二五	酌	敬之	思文 臣工  二	
										跋(張元濟)	詩圖總序	詩譜補亡後序	鄭氏詩譜補亡	商頌解	魯頌解	十月之交解	定風雅頌解	十五國次解	王國風解	

## 校點説明

任。歐陽修於經史之學造詣很深,成就卓著。書。因正直敢言,與當政者多有牴牾,遂辭官致穑,遂立志研習古文。仁宗天聖八年(一○三○)稿,遂立志研習古文。仁宗天聖八年(一○三○)醇翁,晚年又號六一居士。北宋吉州廬陵(今江西醉翁,晚年又號六一居士。北宋吉州廬陵(今江西醉翁,晚年又號六一居士。北宋吉州廬陵(今江西醉翁,晚年又號六一屆士。北宋吉州廬陵(今江西醉翁,晚年又號六十一○七二)字永叔,號

本人觀點。歐陽氏説詩,往往詩、史並重,在反復有代表性的各類詩作凡一四首,予以重點論析。有代表性的各類詩作凡一一四首,予以重點論析。時重視詩《序》的説法,於毛、鄭異於《序》説之處,較重視詩《序》的説法,於毛、鄭異於《序》説之處,故重視詩《序》的說法,於毛、鄭異於《序》說之處,故重視詩《序》的說法,於毛、鄭異於《序》說之處,故重視詩《序》的說法,於毛、鄭異於《序》說之處,故重視詩《序》的說法,於毛、鄭異於《序》說之處,故重視詩《序》的說法,於毛、鄭異於《序》說之處,故重視詩《序》的說法,於毛、鄭異於《序》說之處,

疑,創發新意,不少論説與訓解,都 及毛、鄭舊説,既給予充分的尊重,又敢於大胆 修用新的學術眼光看待《詩經》一書,對詩《序》以 料對鄭玄的《詩譜》所作的訂補。總的來說,歐 篇,是歐陽氏根據《春秋》、《史記》等書中的有關 以及詩《序》的問題。 式、討論了《詩經》各類詩作的分類原因、撰作時 解》、《魯頌解》、《商頌解》等篇,以專題研究的 解》、《十五國次解》、《定風雅頌解》、《十月之交 序》、《二南爲正風解》、《周召分聖賢解》、《王國 三至卷一五,分别爲《一義解》、《取舍義》、《時 首詩中,有二二首詩只有「論」而無「本義」。 未詳」結語,以待後論。 情況下,則儘量避免憑臆妄說,每每加以「闕其所 每詩的「本義」所在。 代、創作背景、寫作意圖一一進行考論,努力 研讀、玩味各詩本文的基礎上,對於詩作的歷史時 論》、《本末論》、《豳問》、《魯問》、《序問》、《詩解 詩本義》一書在《詩經》學史上具有重要的價值。 本書有南宋孝宗時刻本,是現存最早的版本。 在詩義晦澀而又文獻不足的 卷末附《鄭氏詩譜補亡》 因此,在所論及的一百多 有可取之處。 揭明 陽 資 代 風 世 方 統

對此本有所校訂,則用作校本。兩本互異時,酌用 點,以一九三五年商務印書館《四部 清康熙十九年(一六八○)納蘭性德編刊《通志堂 中明顯的誤字,如「兔罝」誤作「兔置」、「未」誤作 堂本以臆擅改之處,則摒棄不録,不再出校。底本 宋本的校改,擇善吸收,並在校記中説明。凡通志 文淵閣《四庫全書》本爲參校之本。通志堂本對南 經解》本(校記中簡稱「通志堂本」)出自南宋本,且 影印的南宋刻本(有張元濟跋)爲底本。《通志堂 經解》,所收《詩本義》即以此本爲底本。此次校 編制總目置於書前,以方便讀者。 部分,通志堂本、文淵閣《四庫全書》本也都如此 以表格方式排列,譜中文字仍從底本,并適當採 較亂,不便研讀,故借鑒摛藻堂《四庫全書薈要》, 後所附《詩譜》,底本及文淵閣《四庫全書》本格式 今暫仍其舊。原書本無目録,只有篇名,現據篇名 薈要》本的校勘成果。底本卷二《騶虞》篇脱前半 末」、「去」誤作「云」之類,則徑改不出校。本書卷 叢刊三編》所 用

校點者 劉心明 楊紀榮

# 本義卷第一

詩

以

及太姒

月《關

雎》本

謂

文王、太姒,

而終

語

自是三夫人、九嬪御以下,則終篇更無

歐陽

氏

者,是三夫人、九嬪御以下衆宫人爾。 深宫之善女,皆得進御於文王。所謂淑女 非太姒也。是太姒有不妬忌之行,而幽閨 和諧爾。 子,以述文王、太姒爲好匹,如雎 之上,關關然 本以雎鳩比后妃之德,故上言雎 言雎鳩,方取物以爲比興,而下言淑女, 了至於大義,亦已失之。 毛、鄭則不然,謂詩所斥淑女者, 雄雌 《關 和鳴,下言淑 雎》之説者,既 蓋《關 女以配 鳩 鳩 雎 差 雄 在 》之作, 其 然則 雌 河 君 洲 時

> 篇無 對 :: 也。 害志。」鄭氏見詩有「荇菜」之文,遂以 質,不如是之迂也。先儒辯雎鳩者甚衆, 鍾鼓爲祭時之樂,此孟子之所謂 所取也。孟子曰: 洲,聽其聲則和,視其居則有 善之德,反以 之情獨至也哉? 至者,非也。 别。」謂水上之鳥,捕魚而 不離於水鳥,惟毛公得之,曰: 而鄭氏 一語及之,此豈近於人情? 古之人簡 不取其摯,取其别也。 轉釋「摯」爲「至」,謂 鳥獸雌雄皆有情意,孰 猛擊之物比之,豈不 或曰: 「不以文害辭,不 詩人本述 食,鳥之猛 别,此詩 雎鳩之在 也。 鳥摯 雌 · 戻 哉 雄 后 知 琴 以 摰 前 人 妃 雎 情 瑟 辭 之 者 泂 淑 鳩 意 有 皆 1

别,有似淑女匹其君子,不淫其色,亦常有 ,聽其聲則 本義 日 關 詩人見雎鳩雌雄 關 然 和 諧, 視其 居 在 則 河 常有 洲 之

第一

《關 此 友樂之 忘其 淑 别 不 缺 右勤其職 是 助 菜,以供祭祀,以 多差 迫 器 LI 其 也。 女與左右之人,常勤其職,至日夜寢起 其 而 淑女配於君子,不淫其色,而能與其左 而《關雎》作。」蓋思古以刺今之詩 雎》,周衰之作也。 〈事,故曰「寤寐求之」、「輾轉反側」之類 事 切 雎 刺 職 不 一
荇 7,故 ,,故曰「左右流之」也。流,求也 》樂 后妃進,不淫其色以專君,退,與 時之不然。 事,則可以琴瑟鍾鼓 而 菜,左右 也 事,能如此, 日 不 而 厭也。 一哀 不淫 淑女謂太姒,君子謂文王 而不傷」。 其有不妬忌之行,左右樂 流 先勤其 之」者,言后 此詩人愛之之辭也。 其 則宜有琴瑟鍾鼓,以 大史公曰: 八思古 職 友樂之爾 以 而 刺 後樂,故 妃采 也。 「周道 彼 而 右 左 謂 此

爾。 之説,則與下章意不相屬,可謂衍説也 椹熟栗留鳴,蓋知時之鳥也。 箋失之。 有取喻女之長大哉? 章之義,毛、鄭皆通,而鄭説 志夏時,草木盛,葛欲成,而女功之事 豈有喻女有才美之聲遠聞哉? 論  $\Box$ 葛以 : ^ 爲締絡爾,據其下 葛覃》之首章,毛 黄鳥,栗留 爲 長 傳 詩人引 章可驗, 爲 也 得 粉作 之 麥黄 如鄭 而 以 安 鄭 卒

草木方茂,葛將 鳥之聲喈喈然,知此 葛常生於叢木之間,故又仰見 女功之將作,故 事,見葛生引蔓于中谷 爲 絺 本義曰: 綌 也。 其 成 詩人言后妃爲女時,勤於女 其 就 次章遂言葛 卒章之義,毛、 黄 而 可 鳥之鳴乃盛 ,其葉萋萋然茂盛 采。 叢 以 因 成 時 木之上,黄 感事, 就 夏之時, 鄭 之説 樂

而

#### 卷耳

其 也。 也。 耳 以詩三章考之,如毛、鄭之説,則文意 文王之志荒矣。《序》言「知臣下之勤勞」, 闕宴勞之常禮,重貽后妃之憂傷,如此,則 深憂,至勞心而廢 説 在 而 ·易得,頃 也。 手 置之列位 不 於求賢 相 有所采; 國君不能官人於列位,使后 臣下出 論 属。 婦人無外事,求賢審官,非后 日 ,而不在於采卷耳。 筐易盈而不盈者,以其心之憂思 ,以其未能也,故憂思 使,歸而宴勞之,此庸君之所能 且首章方言后妃思欲 《卷耳》之義,失之久矣。云 二章、三章乃言君 事,又不知臣下之勤 此荀 能 至 君 妃越職 妃之職 以 深 子 卿子之 罍 而 求 乖 而

之意頓殊如此,豈其本義哉?酌罰使臣,與之飲樂,則我不傷痛矣。前

後

不然。 者如是 傷」也。 意以爲言 苦之甚,如卒章之所陳也。 樂,亦不爲過,而於義未傷,故曰 其勞苦,而 飲樂爾,故曰「維以不永懷」。 之,酌以 以謂賢才難得,宜愛惜之,因其勤勞而宴犒 盈,而知求賢之難得,因物托意 然采采而 本義 而已。 所以 金罍,不爲過禮,但不可以長懷於 不能 日 接以恩意,酒歡 見周南君后皆賢,其宫中相 宜然者,由賢者臣 非有私謁之言也,蓋疾時之 頓盈。后妃以采卷耳之不 卷耳易得。頃筐,小器也 禮失, 觥罰以 詩人述后 養愛臣下, ,諷其君子。 勤 「維以不永 國事 妃 此 語 爲 慰

Ξ.

### 樛木

語其甚多,●乃詩人之常爾,豈獨於此二章 盛」,又云「能以禮樂其君子,使福禄所 其簡,故未見其失。 考詩及《序》,皆無此意。 失,然於説爲衍也。 無,考於《序》文,亦不述。 下而安之」,又云「衆妾上附事之,而禮 逮下而無嫉妬之心」爾。 論 日 : 毛傳《葛藟 據《序》,止言后妃「能 鄭 箋 ¥, 鄭謂「常以善言逮 凡詩每章重 雖詩之大義未 所説,皆詩 尤爲簡略。 一復前 安」, 意 儀 然 其 本 俱 以

衆妾愛樂其君子之辭也。 則妾無怨曠。云「樂只君子,福禄綏之」者,妾,衆妾附之,而並進於君子。后不嫉妬,妾,衆妾附之,而並進於君子。后不嫉妬,。 后不嫉妬,下其意以和衆本義曰: 詩人以樛木下其枝,使葛藟 見殷勤之意?

故曰衍説也。

#### 螽

斯

也。 忌 ? 故不復云。 厚、戒慎、和集,皆非詩意,其大義則不遠, 蟄蟄,衆聚貌。 者,失也。振振,群行貌。 《序》,宜言不妬忌,則子孫衆多,如螽斯 蟄螽,蝗類微蟲爾,詩人安能知其心不妬 其《序》文顛倒,遂使毛、鄭從而解之,失也。 今其文倒,故毛、鄭遂謂螽斯有不妬忌之性 所比者,但 大率蟲子皆多,詩人偶取其 論 此尤不近人情者。 日 : <u></u> 螽斯》,大義甚 皆謂子孫之多,而毛 取其多子似螽 蟄螽,多子之蟲 繩 明 繩,齊一貌。 而易得,惟 斯也。 一,以爲 也。 比

▶ 「其」,通志堂本無此字。

DП

矣,亦 躬 其民; 爲詩説者,泥於《序》文「莫不好德,賢人衆 然; 多一之語,因以 稱賢大夫者,亦不過國有三數人而已。 徒,三數人而已。 君子、小人之别,下至《兔罝》之人,皆負 材較德,在周之盛,不過方叔、召虎、吉甫之 策謀之臣。 以平其患 A. 小人鄙賤之事, 如此,棄而不 武 論 若鄰 何所美哉? 其謀 或 有 論其 及國有出兵攻伐 兔罝 將帥 有來相 慮 謂周南之人,舉國皆賢,無 深 《春秋》所載諸侯之臣 材智, 用,使在田 長,可 之德,可 如鄭箋所謂武夫者, 則周南國 侵, 之 可爲難得之臣 則 ,以折 賤 可 任 君,詩 使往 野張罝椓杙, ,則又可用爲 以 衝禦難 也 或 守, 而 可以 和 於 有 也 好 復 號 刺 未 論 城 既

> 誣 考今詩《序》文,以求詩義,亦可見矣! 時别自有詩,亦爲此語,故今不敢引據 此,與今詩義絶。 篇,有美有刺,郤、左皆毛、鄭前人,其説 常以盡民,則略其武夫以爲腹心。二者皆引 以扞城其民也; 諸侯有享宴,以 秋左氏傳》晉郤至爲楚子反言,天下有道 且 勤 耳》后妃又安用輔佐君子,求賢審官至於憂 叔 侯扞城爲美,公侯腹心爲刺。 赳赳武夫」之詩以爲言,如郤至之説,則 矣! 布置、椓杙、何容施敬? 者乎? 、召虎、 就 吉甫、春秋賢大夫之材德, 肅 如 肅、嚴 其 布政 説 郤至所引纔詩四 及其亂也,諸侯貪冒,争 則 整貌,而 成禮而息民,此公侯 舉 國 毛傳以爲「敬」, 亦其失也。《春 是《兔罝》 人 可 「句,疑 用 則 又 當 如 公 尋 所 近 則

興周 木之下 南之君,列其武夫,爲國守禦,赳赳 本義曰: 肅 肅 捕兔之人,布其網罟於道 然嚴整,使兔不能越逸,以 路

林

可 勇 倚 扞 力 賢衆多,所任守禦之夫猶如此也。 以 城 ,使姦民 爲 其 腹心。 民 内 不 . 得 可 以見周南之君,好德樂善 以 發爾。 爲公侯好 此武 匹,其忠信 夫者 外外 可

#### 漢廣

能 序》亦云: 而 此,則文王之化,獨能 而 文 風大 化 使 不 正 鄭箋謂 能 人 之行,可使 王之化,男女不 潔,男獨 論 行 盡 化男子也。此甚不然。 曰 「犯禮 無情欲心 ,男女相 「彊暴之男,不能侵陵正女。」如 據《序》,但言「無 有犯禮之心焉。 人人顧 而往,正女將不 奔 也。 禮 相 犯者多。 使婦 侵,如 義 紂 而 時風 人女子知禮 不敢 詩所 而 思 至」,則是女 而 俗 蓋 肆 江 陳爾。 犯 ^ 其欲 當紂 男女恣 漢之 行露 禮 .) 國 時, 夫

> 者使 犯禮 嫁 ? 慕 其 蓋雖正女無不嫁之理,苟以禮求婚,安得 可 (字) 情 得爾。若鄭箋則不然,其一章,乃云男 章,皆是男子見出游之女,悦其美色 游 女,而 但云「無思犯禮」,本無欲女嫁我之義。 嫁 而 欲 由鄭以「于歸」爲「嫁」,乃失之爾 往, 而 我。 相奔犯,今被文王之化,男子 自顧禮法,不可得 則一篇之中, 二章、三章,乃云欲擇尤 前後 而 止 意 也。 殊。 Œ 而 考 不 潔

其馬。 猶忻 知不 翹 章云薪刈其楚者,言衆薪錯雜,我欲刈其尤 不 之女美而 方 翘者 爾 可 之辭 0 慕焉」者是也。 可得,乃云之子既出遊而歸,我則 本義 蓋 ; 此悦慕之辭,猶古人言「雖爲 極 E : 不可求,此一章之義明矣。 衆女雜遊,我欲得其尤美者。 如漢 陳 男 南方之木高而不可息,漢 廣 女之情,雖 而 既述此意矣,末乃陳其 不 可泳,江 미 見而 永 而 執鞭, 其二 不 願 秣 Ė.

### 汝墳

勞。 論。 出伐 伐薪非婦 則所謂婦人者,大夫之妻也。 子,謂周南之大夫以 之言也。 勞於國,而反謂非其事,則又違「勉之以正」 妻自伐薪,雖古今不同,其必不然,理 令伐薪,如君子之賢,不宜處勤勞而 罪,則害及父母。不惟詩文本無此意,且 謂紂爲酷暴,君子避此 「薪爾。爲國者必有尊卑之别,大夫之 則鄭説之失,可知矣。 其意如此,乃是直謂周 論 日 人之事,意謂此婦人不宜伐薪而 鄭氏又以「王室如燬」、「父母孔 《序》言「婦人能閔其君子」,君 國 事勤勞於外者。 勤勞之事,或時 矧賢者固當 南大夫之妻自 如鄭氏之説, 令處勤 不 然 勤 待

爲周誅避事之臣,兹理亦有所不通矣。君子所勤者,周南之事爾。紂雖虐刑,必不

勉之云: 我遠去,我亦不敢偷安其私。 子,不我遐棄」者,謂君子以事畢來歸,雖 見,如飢者之思食爾。 或 力,勤其國 將焚,紂雖 之墳以 事 奔走于外者,其勤 本義 伐薪者,爲勞役之事,念己君子, 日 事 如 魚勞則尾赤,今王室酷烈如 以以 此 周南大夫之妻,出見循汝水 ,而周南父母之邦,自當宣 圖安爾。 其下章云「既見 勞亦可知。思之欲 故卒章 則復 火 Ź 以

### 際 之 趾

論曰: 孟子去《詩》世近,而最善言

「可見」,通志堂本作「有」。

卷

第

七

後儒 《關雎》、《麟趾》作非一人,作《麟趾》者,了 《序》,爲講師以己説汩之,不然安得謬論之 覺其 然至於二《南》,其《序》多失,而《麟趾 詩之本意,是太師編詩假設之義也。 而 出,故借此《麟趾》之篇列於最後,使若化 之時,假設 無及《關 應」,乃是《關雎》化行,天下太平,有瑞麟 趾爾,更無他 如此也? 據詩,直以國君有公子,如麟 虞》所失尤甚,特不可 而爲應,不惟怪妄不經,且與詩意不類。 麟至 非,乃爲曲説,云實無 異 爾。 説 推其所説詩義,與今《序》意多同 雎》之意。 爲詩 此義,以謂《關雎》化成,宜有 然則《序》之所述,乃 義也。 害者,常賴《序》文以 故前儒爲毛、鄭學者自 若《序》言「《關雎》之 以爲信。 麟 應、太師 疑此二篇之 非詩人作 毛、 一》、《騶 爲 編 故故 證。 麟 成 詩 出 有

> 詩 遂執《序》意 據,但直考詩文,自可見其 者,尤爲衍説。 足至」者,鄭謂 人之本義,宜 以 「角端有肉、示有武 解詩,是以 其失之遠 此篇《序》既全乖,不可 也。 太師假設之義 意 如毛言「麟 而不用 解

之獸 族相輔 蹄、角自衛,如我 身爾。其義止於此也。 化,及宗族同姓之親,皆有信厚之行, 以詩人引之,以謂仁獸無鬭害之心,尚 衛其公室,如麟有足、有題、有角,以輔 亦不以爲比,而遠取麟者,何哉? 也,不害人物而 本義曰: 衛爾 《周南 國 || 君以 希出 》,風人美其國君 他獸亦有蹄、角, 仁德爲國,猶 ,故以爲仁獸。 麟,遠人 須 之 衛 所 德 其

詩 本義卷第

八

# 詩本義卷第二

歐

鵲

陽 氏

以 且 鳩 直謂 多,此居鵲巢之鳩,詩人直謂之鳩。● 鵲、鳩異巢,類不能 《序》始,而鄭氏 序》言「德 **鸤鸠,《爾** 考之、詩人不謬、但《序》與箋、傳誤 布穀,或以 鵲 有 論 有成巢,鳩 均 日 一之德。 如 雅》 鳲 據 謂之秸鞠, 爲 詩 鳩 又增之爾。 戴勝。 來居爾,初無配 乃可 作 但言「維 以今物 配 也。 以 今之所謂 而諸家 配」,鄭氏 理考之,失自 且詩人本義, 鳩 鳩之種類 居之」, 傳釋,或 義。 布 以今 因 爾。 况 而

> 巢,而 驚殞 也。 功多 業積累之艱難,宜輔佐君子,共守 積 義、詩人但取鵲之營巢用 興,但取其 作巢甚堅,既 架構樹 拙 戴 云之意,以興夫人來居其位 比夫人起家來居已成之周室爾。 理,容有鳩來處彼空巢。 古之詩人取物 行累 鳥 勝 一,而 雛 「百兩」者,述其來歸 也 者 此意詩雖 有居鵲之成巢者,以 小功,以 枝, 不不 而 鳩 與 死。 初 乃來 能 鳩 一義,以喻意 成 生雛,散飛則棄而去,在 不成窠巢,便以生子,往 絶 作巢,多在屋 無 蓋詩 王業。 異。 居之,則其 文 人取 ,但詩既言鵲 鳩居鵲 今人直 此拙鳥不 爾。 之 功多,以比周室 爲 瓦 禮 意 一當思 此《鵲 興 間 甚盛,美其 自 謂 之成巢, 爾。 或於樹 成 之鳩 然 其所 能 巢 而 周 巢》 可見。 之用 室 於物 自 不 今 往 創 之 比 鵲 以 以

直 作「宜」,

九

得正也

#### 草卑

之負、蠜、負形皆 其本義。 失其本,故枝辭衍説,文義散離,而與《序》 失 以 螽,其生於陵阜者曰阜螽,生於草間 不得禮,又憂被出而歸宗,皆詩文所無, 防爾,而毛、鄭乃言在塗之女,憂見其夫而 意不合也。《序》意止言大夫妻能 也。 自 取 在塗之女,其於大義既乖,是以終篇 比。 以 論 、爲戒。 形色不同,種類亦異,故以阜、草别 日 蓋由毛、鄭不以《序》意求詩義,既 按《爾雅》,阜螽謂之蠜,草蟲謂 大夫妻,實已嫁之婦,而毛、鄭 草蟲、阜螽,異類 而毛、鄭以 I似蝗 一而異 爲 種,二者皆名 同 而 類 交合 相 以禮自 求 者 非 而 以 取

以比男女之不當合而合者爾。物,異類而相合,合其所不當合,故詩人引之。凡蟲鳥皆於種類同者相匹偶,惟此二

之意也。 之歸。 子久 之妻,能 留在 故指以 草蟲喓喓然 男侵陵貞女,淫泆之女犯禮 蕨采薇」云者,婦人見時物之變新 見君子,然後心降也。 有如男女非 八出,而 家。 本義 曰: 故未見君子時,常憂不能自守,既 爲戒,而守禮 以禮 當紂之末世,淫風 思得見之,庶幾自守能保其全 其 而鳴呼,阜螽 義自防,不 召南之大夫出 匹偶,而 以 其曰「陟彼 自 相 ·爲 防 趯 呼 淫 趯然 大行 閑,以 誘 求男,此大夫 風 以淫 所 而行役, 强暴之 南 ,感其君 而從之, 化,見彼 待君子 一奔者, Ш

0

侵陵之事也。

且男女争婚,世俗常事

而

中

思犯禮 也。 之説 訴其 之月? 《序》相違。且鄭又謂露濕道中,是二月嫁 鄭 既行,而淫風 娶之時。 能 暴以侵陵,豈復猶備六禮? 何其説之迂 **彊行六禮,乃是男女争婚之訟爾,非訴彊暴** 速我獄,室家不足」,則了無聽訟之意,與 召 氏 聽 、事,而召伯又能聽决之爾。 若如毛、鄭 ,雖有媒妁,而言約未許,不待期要,而 謂 伯不能聽審爾。 訟 詩人本述紂 論 一,將加侵陵,而女能守正不可犯,自 而 「物有似 日 又謂六禮之來彊委之。 且男女淫奔,豈復更須仲春合 毛氏謂「不思物變 漸止。 行 而 世禮俗大壞,及文王之化 露 非 》,據《序 然彊暴難化之男,猶 者,士師 至其下章,但云「雖 学本 所 而 當 爲 推 且肆其 審 其 美 類 召 彊 禮 伯

> 者也。 足 召伯 本無室家之道,今乃直行彊暴,欲見侵陵 行,其自防閑,以保其身如此。 早夜而出行? 猶以露多將被霑污 行多露者,正女自訴之辭也。「誰 穿我屋,謂鼠無牙,不能穿墉矣,今乃穴垣 干者,謂雀無角,不能穿屋矣,今乃以 我, 迫我興此獄訟。 暴之男,與我本無室家之道,遽欲侵陵 角,何以穿我屋」者,以興事有非意 人皆能聽之,豈足當詩人之所美乎? 而居,是皆出於不意 與下章「亦不女從」是也。所謂非意 聽訟之明也。 本義曰: 女子自言,我當多露之時, 「厭浥行露,豈不夙夜」,謂 事 雖然,事終獲辯者, 也。 獲辯者,●「室家 謂彼男子於我 然 不 豈 謂 而 味 意 而 雀 不 相 於 彊 欲 無 相 不 由 不 干

原作「辨」,據通志堂本改。 上文亦作「獲辯」。

亦由非意相干也

#### 掠 有 梅

女失 禮者矣。 足,則男女有過嫁娶之年,後時 世 禮 不及時有三説 及時,獨被文王之化者,乃得及時 以 詩 一變多 女有未及嫁娶之年,先時 相 喻 世男女,常是先時 世 奔者 ,男女得以 時之詩也。 時 論 故 衰,二章、三章喻衰落又甚,乃是 如 曰 然則先 不禁; 毛、 ,兵既喪亂,民 鄭之説,自 ク標 及時」,則是紂 《序》言「召南之國 有梅 時、 及遭 禮儀既 犯禮爲不及時。 後時,皆爲不及 》,本謂 彊 首 喪,淫風大行, 暴,横見侵陵,則 不 章 安居,與力不 而犯禮者 男女及時之 「梅實七兮」 世男女不 而 爾。 図被文 不 時, . 得 **矣**; 而 如 . 得 犯 且. 男 被

> 義也。 也。 晚, 故前 無一 又執仲春之月至夏爲過時,此又其迂滯 筐塈之」爲時已晚,相 始衰,以二章「迨其今」爲急辭,以卒章「 毛、鄭以首章「梅實七」爲當盛不嫁,至 士」,非男女自相求。 及嫁娶之年, 文王之化者,變其 獨 人得及時者,與詩人之意異矣。 世學者多云,詩人不以 梅實有七、至於落盡、不出一月之間 鄭氏以爲過春及夏晚、皆非詩 古者婚 然後 禮,不 淫俗,男女各得守禮 成婚 學者可以意得 自 奔而不禁。 姻,爲及 爲 主人,「 梅 實記 時爾。 是終篇 求我 也 時 鄭 人 本 早 於 者 氏 庶 頃

落矣。 所 時 言召南之人, 在 者 以 而 然者,召南之俗,被文王之化,變其先 至 七,已而落者多 本 -義 曰: 衰 詩人引此 落,乃 顧 梅之盛時,其實落者少 其 其 以 男女方盛之年,懼 求 興 物 而 庶 在 士: 之盛時不可 者三,已而 以相 婚 姻 遂 渦 以 盡 而

過時也。 者,時也,欲及時也。 之年而 妁相語以求之也。 始求 犯禮 吉者,宜 婚姻,故惜其盛 之淫 俗,男 也,求其 謂者,相語也,遣媒 女各 相宜者也。 年難 1 得 待 其 而 嫁 懼

## 野有死廳

爾。 蓋言 化於六州之内。此皆欲尊文王而 鄭之説,皆云文王自岐都豐,建號稱王,行 文害意,遂云九州之内奄有六州。故毛、 孔 子曰: 自被其 和 就如其説,則紂猶在上,文王之化,止 天下服周之盛德者過半爾。説者執 論 - ,婦人樂有子」,於《麟趾・序》,則 、所治,然於《芣苢 : 「三分天下有其二,以服事殷。 詩《序》失於二《南》者,多矣。 序》,則日 反累之

大亂, 《相鼠》之類是也。有作者録當時人之言 者先自述其事,次録其人之言以終之者, 其凉」、録去衛之人之語之類是也。 以見其事,如《谷風》録其夫婦之言,「北風 《詩》三百篇,大率作者之體,不過三四爾。 屬》之《序》,僅可爲是,而毛、鄭皆失其義。 風,猶文王 牴牾,無所適從。然而 化」者,猶能「惡其無禮 梅》序,則又云「婚姻男女得時」,又似 男」「侵陵正女」而争訟、於《桃夭》、《摽 如《溱洧》之類是也。有作者述事與録當 有作詩者自述其言,以爲美刺,如《關雎》、 有訟。據《野 如此矣,於《行露 序 關 彊暴相陵,遂成淫風」,惟「被文王之 》,則曰「天下純 雎 泌化 所治,不宜 有死麕・序》,則又云「天下 行,天下 •序》,則反有「彊暴之 無 如此。 也。 紂爲淫亂,天下 被文王之化」。 犯 非 禮 其前後 於《野有死 有作 自 不 · 成 應 有 相

成章。 是作 當 下 以 方言 死 時 理 包 一,是以失其 鹿 時 句 作 麢 文 人 意 不然。 則 詩者 詩 肉 昔時吉士以媒道 正 語 者歎 女 文 相 而 其次章三句,言女告人,欲令以 云「有女懷春,吉士誘之」,乃是詩 雜 來。 代 欲令人以白茅包鏖肉 意 屬 以 正 成 上下文義各自爲説,不相 以 其 散 八義也。 其下句則云「有女如 成 篇 女吉人之言,其義未終。 (女德 離 章, ,不相終始者。 如《出 如玉之辭,尤不 未有如毛、鄭解《野有 成 車 思春之正女,而 - 》之類 . 為 其首 是 禮 玉,乃 也 而 · 成 結 文 嫉 其 以

愛惜 無禮 惟 何 曰 彼 周 一,故見 女懷春,吉士遂誘 人被文王之化者,能 本義曰: 而 彼野 包以白茅之潔,不使 其 有 死 (男女之相 紂 麢之肉,汝尚 時 男女,淫 誘而淫 而 污 知 以 爲 廉耻 以 奔 亂者,惡之, 物 非 可食之故, 以 而 所污,奈 禮 成 風 ? 惡其 俗,

> 其淫 遠 無驚 豈 污,二物 木 猶 却之之辭 猶 不可惜,而 然,彊 我 奔之狀, 可 狗吠。 微 用 暴之 賤 以 以 者 爲 曰 : 彼 男 非 猶 薪 奔 可 然,况 禮污之? 未必能動我佩、蓋惡 汝 死 知 無 鹿猶 矣。 疾 有 走, 女 束 其 其卒章 而 以 次 無 白 如 言 動 玉 茅 樸 我 ·遂道 乎? 而 樕 佩 不 之 而

## 騶虞❶

若也,故知毛、鄭爲 不食生物。 前缺) 若 以 此,乃是刺文王 時 發 失。 矢射 豝,下 一曾騶 句 直 虞 歎 之不 騶虞

本義曰: 召南風人美其國君有仁

《四庫全書》本補其篇名,所脱文字以「(前缺)」字樣原書此處篇名及「論曰」前半部分脱去。兹據文淵閣

0

順 德 之首句,●言田獵之得時,次言君仁 囿之虞官, 又 有仁心,惟一發矢而 能供 時 ,卒歎虞人之得禮。 ,不多殺 畋于騶囿之中,蒐索 以職,故 乃翼驅五 以 當彼葭草茁 傷 生, 能 田豕,以 已,不盡 以 時 害田之獸,其 然 田 待君之射, 而 殺 獵 初 也。 生 而 而 故 或 虞 不 詩 騶 官 君 君

### 柏舟

不可 真僞 鄭皆 席 雖 ,我心匪石、席,故不可轉、卷也。 平, 卷也。」毛、鄭 我心匪 以「茹」爲「度」,謂鑒之察形 論 我心 E 尚 可卷」者,其 匪 鑒,故 我 石,不可轉也。 心 解 能 匪 云「石雖 鑒, 度 (意謂 知善惡。 不 可 堅,尚 石、 我 以 不 茹, 席 心 據 匪 可 可 能 下章 然 轉 轉 則 度

> 傳 曰: 曰: 明。 也。 也。 影。 心 鑒 居 乎月乎」者是也。 爲群小所怒,故常懼 兼容,是以見嫉於在側之群小, 善惡皆納,善者納之,惡者不 群 於物,納影在内,凡物不擇妍媸,皆納 云「德備而不遇 小爾。 可 可 「憂心悄悄 時詩人謂衛之仁人,其心 茹者,其失在於以「茹」爲「度」也。 居、諸、語 而 以 剛 「火、日外景,金、水内景。」蓋鑒 毛 茹 胡迭而微」者,謂仁人傷衛日 、鄭反其義,以爲鑒 以文理考之,當是群 亦不吐,柔亦不茹。」茹,納也。 我 心 助 , 愠于群小」者,本 ,所以愠」者,則是 匪 也。 胡迭,更互之辭 鑒 禍 日、月、《詩》傳云「 而 故 憂心焉。 不 可 納 不 茹, 非鑒,不 可茹,而 小 而 也。 愠 文 仁 謂 獨 其 如 理 往月 鄭 不 不 之 其 日 愠 氏 遇 能 能 我 易 H

<sup>▶ 「</sup>詩」,原誤作「時」,據通志堂本改

專恣,日如月然」之義哉?來而漸微爾,猶言日朘月削也,安有「大臣

#### 擊

事 陳 以 是,●則鄭於此 約誓之言。 今以義考之,當時王 之辭,而 魯隱 用 以 見 章,王肅 兵自 其 其 殺 而 而 論 謂 鄭 日 有 .四年二月弑桓公而自立,至九月 日 中間 毛氏 結於諸侯,言其勢必有禍敗之事 其 氏 「衆叛親離」者,第言人心不附 弑 以爲衛人從軍者與其室家 執其文,遂以爲伐鄭之兵, 、阻兵安忍、衆叛親離者、蓋 君之大惡,不務 惟從陳、蔡伐鄭是其用 無説,鄭氏 擊 詩一篇之失太半矣。 鼓》 五. 章 以 爲 自「爰 以 軍 徳和 肅 中 處 之説 1: 民, 兵 州 伍 訣 而 之 而 衛 如 吁 爲 别 下 相

> 敗衄 其東 偕老於軍中? 之,王氏之説爲得其義。 出從軍,已有怨刺之言,其卒伍豈宜 離 門, 散 五日 得有卒伍離散之事也。 按《 春 而 此又非人情也。 還。 秋 左 兵出 一傳》言,伐 既 不 鄭之師, 且衛 由 又未 相 約 暫 嘗 韋

生勤 情。 興工 上 不 所居處,於何所喪其馬,若求與我馬,當於 其士卒將行,與其室家 出者再,國人不堪,所以 林下求之,蓋爲 能爲 者不我信也。 苦,無所不 役,外舉兵 云我之是行,未有歸期,亦未知 本義 曰: 生,吁嗟我心,所苦如此,可信而在 必敗之計也。 同, 而 州吁以弑君之惡自立, 洵,亦信 伐鄭國,❷數月之間 本期偕老,而今濶别 缺别之語,以見 怨刺 也 故於其 因念與子死 於 · '; 兵 其 何 載 内

<sup>「</sup>舉」,通志堂本作「興」。「時」,通志堂本同,疑爲「以」字之誤。

## 匏有苦葉

夷姜。 之之 不可 次偶 大 之父妾也。 亂 獸之行,悖人倫之理,詩人刺之,宜爲甚惡 宣公爲伋娶齊女,奪之,是爲宣姜。 夷姜也。按《史記》,夷姜生子 之言,不可分别,不知鄭氏何從知爲 詩 一人皆稱夫人,皆與宣公爲淫亂者。 附鄭説 而鄭氏謂夫人者,夷姜也。 道 在前 辭 論 牆 也。 也。 且詩作早 日 有茨》刺 ,謂作詩時未爲伋娶,故當是 爾,然則鄭 所 宣姜者,宣公子伋之婦 宣公烝父妾,淫子婦, 詩 미 刺衛 道也,言之醜也。」蓋 公子 晚 不 説 頑 可 宣公與夫人 胡 知,今直以詩之 云: 爲 可據也? , 曰 伋 中冓之言, 夷姜,宣公 皆是 並 也 其 學 甚惡 考詩 爲 獨 編 者 後 據 刺 刺 此

《國語》所載、諸侯大夫賦詩、多不用 之辭 説詩之前,其説如此。 以爲詩之證。 婦,豈有婚姻之禮,安問男女賢愚、長幼相 月 不應謬妄也。 人者,則不應謬妄。 其意,如《鵲巢》、《黍苗》之類,故皆 故其説失之迂遠也。 當與否? 時,男女不相當之詩爾。 才性賢不肖、長幼 義,第略取一章或一句,假借其言,以 有苦葉》,晉叔向曰: 周 而已。」蓋謂要舟以渡水也。 納 書》曰「牝雞 毛、鄭又 采問 也 名之 今鄭氏 蓋毛、鄭二家,不得詩人之意 謂 今依其説 至於鳥獸、草木諸物常 時 飛 無晨」,豈爲 以 宜 又 日 苦匏爲物,當毛、鄭未 匏葉苦, 以深 相 雌 昔魯叔 「苦匏不才,供 若穆子 當,乃是刺婚 以 雄 厲 且烝父妾,奪子 解詩 走日 走 濟 孫穆子賦《匏 淺 去詩 水 潤 ,則本義得 揭  $\sim$ 牝牡 乎? , 喻 春秋 不 時 詩 濟於 男女 用 미 苟 姻 於 引 通 本  $\approx$ 

語通用無常也。

從,而隨 别宣公曾庶士之不若也。 「招招舟子, 如歸妻,迨冰未泮」,言士之娶妻猶有 溺之禍也。 烝淫 不 涉卬否。 疎父子之别。「雝雝鳴鴈,旭 公,如禽鳥之相求,惟知雌 鳴求其牡」者,又興夫人不顧禮義 公貪於淫欲,身蹈罪惡 於必得,不懼滅亡之罪,如涉濟者,不思 同行,不忘其友也。 之理,而涉者貪於必進,自謂不濡,又 水者,淺則徒行,深則舟渡,而腰 問 (衆皆涉矣,有招之而獨不涉者,以 水深淺,惟意 本義 夷、宣二姜,不問可否, 人所誘,曾行路之人 人涉卬否,卬須我友」者,謂行 曰 : 「濟盈不濡軌」者,濟盈 詩 人以 所往 以刺夫人忘己所當 腰 而不自知也。 期於必濟,如宣 匏葉以 雄爲匹,而 惟意所 不如 日始旦。 涉 勉以 也。 濟者, 而 無 興 從 無 凡 待 親 宣 沈 期 宣 雉

> 人引以爲比。 者,水深而無舟,蓋急遽而蹈險者也,故詩

詩本義卷第二

「葉」,通志堂本同,疑爲衍文。

八

# 詩本義卷第三

歐陽

北風

也。 非 狐,莫黑匪烏」者,鄭謂喻「君臣相承 去之辭間之。 人,故時威儀寬徐,今爲刻急之行」者, 亟去爾。皆民相招之辭。 同行」之路,云其可 其凉,雨雪其雱」「喻君 苦之,不避風雪, 也。 「其虚其邪,既亟只且」者,承上「攜 論 詩人必不前後述衛君臣,而中以 日 北 若此,豈成文理?「莫赤 相 風 攜 虚徐而不進乎? 学本 而去 刺 政教暴 衛君暴 爾。 而鄭謂「在位之 鄭謂 酷 虐,百 北 爲 謂 民 亦 當 手 非 風

陽氏

宝菱目: 诗《川所芹录》,所以为贵以喻君臣之恶? 皆非詩之本義也。如一」,且赤、黑,狐、烏之自然,非其惡也如一」,

故其下文云「惠而 也,●言民各呼其同好,以類相攜 既亟只且」者,言 與相攜手,衝風 者、民言雖風雪如此、有與我相惠好者、當 風其凉,雨雪其雱。 散之事,述其百姓 ·莫赤匪狐,莫黑匪鳥」,謂狐、烏各有 本義 曰: 冒 詩人刺衛君暴虐,衛人逃 好我,攜手同車」是也。 雪而去爾。「其虚 加相招 無暇寬徐,當急去也。 惠而好我,攜 而去之辭。曰「北 而去也。 手同行 其那,

静女

論曰:《静女》之詩,所以爲刺也。

)「烏」,原誤作「兔」,據文淵閣《四庫全書》本改。

九

見,搔 其 隨 無此 王宫女史之筆,静女從何得以遺人? 以 如 明,灼然易見,而毛、鄭乃謂正静之女自 毛 意,是静女以彤管所貽之人也。 古人之法。何其迂 功過之筆之赤管也。 毛、鄭之説 待於城隅,不見 日 之女,其德 又非思得賢女 之典法,彤管是書典法之筆,故 城隅,則是捨 事 自 變,遺我 義。 爲説 申其臆 首踟 之説 「静女其 然則既 '彤管。」 所謂 可以 蹰。」據文求義,是言静 ,則是女 訓 皆 説 以 解 以 妹,俟我於城 爾。 其一章,但取「城隅」二字 而 配人君。考《序》及詩,皆 配 不 失其大旨,而一篇之内, 爲 也 君子 徬徨爾。 . 通 美 史所親以 彤管不 ! 者,不足 我者, 説乎以女 既 謂女史所 據詩云: 直言衛國 非 知 陳 隅。 其 書 爲 古 怪也。 文 若彤管是 后 何物, 以 顯 愛而 云 書是 女 妃 有正 刺 遺 有 群 静 而 今 求 以 婦 如 防 所 不 女 妾 義

管 之,謂 君臣 謂 云: 媒 以 據 以 「《静女》, 有共祭祀之文? 者,何取其 注,先儒 説,遂改爲「説釋」,以曲就己義。 見意,如彤管之説,左右 又不然。且詩人本以 静 此 偏 ,何名静女? 此 宣公與二姜淫亂,國人化之,淫風大行, 女家自 ,樂器亦 何以 求 舉,故 上下,舉國之人皆 可以 乃是 「彤管有煒,説懌女美。」鄭既 固 明 刺時也。 有彤 曰「刺 共祭祀。 有始 已非之矣。 荑,茅之始 述 有管,不知此 則 意 ? 衛 本 管 有終? 若謂 義 風 時」者,謂 理必不然 用 皆衍 得矣。 俗,男女淫 衛君 據詩,但言其美爾, 以 意 詩 遺 可刺,而難於指名 示 毛義既失,鄭又 人假 無道,夫人無 説 有 彤管是何物也。 古者 通 難 時人皆可 也。 如此, 設 也。 明,故假 則 奔之詩 據《序》言 以 鍼筆 因 爲言, 改經 其 生 不能 彤 詩 刺 下 德」, 管 物 而 也。 附 就 文 安 秀 爲

之管相遺,以通情結好爾。但彤是色之美者,蓋男女相悦,用此美色

其 鳥 比女之爲美,聊貽美人以爲報爾。 歸,取彼茅之秀者,信美且異矣, 之美,可悦懌也。其卒章曰: 相見,則躊躇而不能去。 然静女,約我而俟我於城隅,與我相失而 雖 男女務以色相誘悦,務誇自道而 女,●贈我以彤管,此管之色煒然甚盛, 他 幽 一獸之行,衛俗化之,禮義 静 可 本義 知 :難誘之女亦然。舉静女猶 i i 故其詩述衛人之言曰: 衛宣公既與二夫人烝淫,爲 又曰: 壞 而 我自牧田 淫 不 然未 彼安然静 如 知 風大行, (此,則 八爲惡, 足以 彼 如女 而 姝 不

新

論曰: 毛傳《新臺》,訓詁而已,其言

篨、戚施本是病人,以口 不當但言其口柔、面柔而已。 爲大惡,詩人刺之,宜加以深惡音污。之言, 君,似非柔者。其淫於子婦,鳥獸之行,最 叛去,《二子乘舟》又殺伋、壽,乃是衛之暴 起、《北風》刺其虐政、衛人怨怒、相攜持 謂之八疾。鄭既以謂籧篨、戚施並 聵、僮昏之類,皆是人之不幸而身病者, 對文公言: 柔」,然後一 至 既 人,不可使俛。」 戚施不可使仰。」注謂: 人,不可使仰。」與僬 鄭 簡 爲言爾。 轉釋「 據詩,宣公淫亂,不恤國事 不知 其 籧篨」爲「口 使宣公口 篇之義皆失。《國語》晉胥 「籧篨不可使俯,注謂" 意 如 僥、侏儒、矇瞍、嚚 何, 面 未 柔」,「戚施」爲「面 不柔耶? 面柔者似之,故 可 遽 鄭意自謂 言 ·, 兵 其 一斥衛 詩 籧篨 得 戚 革 施 數 宣 THI 故 僂 偃

「安」,通志堂本作「孌」。

.

取也。 身不 其 能 卒章,則毛雖簡略,於義爲得。 又改「殄」爲「腆」,以曲成己説,此尤不 官 //,絶。 仰,則 公性 能 大 容兼 俯 惡 今以毛傳訓 實 (是俯矣,又安得籧篨哉? 訓釋甚 則 何 此二事,此尤可 是仰矣,又安得戚 故 邪 委 明。 曲 取 詁 而鄭 此 求 兼 詩本義 小 此 解「鮮」爲「善」, 疾 笑者。 二事。 以 施 斥 又據 之? 鮮,少。 蓋 面 毛 柔 口 口 解 柔

遇 於 或 臨 或 鳥 此 過 潤 人 此 俯 河 仰視 其 之人甚 爾 上築高 臺 面 本義 曰: 下者,多仰 而 而 上 卒章言齊 者多也。 俯 不 共 臺,而 衆,有仰而視者,有俯而不欲 欲 求 面 視之。 燕 不 衛 欲 婉之樂,使國 人惡宣公淫其 遂之以求 面視之。 此惡宣公淫 姜本嫁其子 視。 得此,猶 據詩,公 不 燕 少 遇 不避 婉之樂 人見此, , 反與其 在 此 不 子 絶, 也,言 婦 又 父 如

> 視 者 然 則 不 欲 視者,惡之尤深

### 乘 舟

:

得禮。 仮相繼 所薄 有 而 可 譬夫乘 但 避,使宣公無殺子之事,不陷於罪惡,乃爲 爲 引譬不類,非 謂 國 非 鳥 害」,毛説是矣。 哀 無 而 合理,死不得其所,聖人 騰 悔」也。 人 論 汎汎然迅疾而不碍 「國人傷二子涉危遂往 若壽者,益不當先往 舟者,汎汎然 憐 之行。 而 不足尚,亦猶《語》謂 往,皆見殺,豈謂 而 哀其不幸,故 詩人之意 使伋之齊而殺之,伋當 二子乘 人之意,如 無 舟, 所 也。 維 也。」據傳言 詩 此 汎 汎 制 而 宣公奪伋妻, 暴 而 汎 就死。 汎然不 至 如 之所 述其 虎 其 乘 憑 於 景 舟 不取。 示 覆 事 河 `.**,** . 碍 而 兆

以 物見 也。 所謂 則懼傷惠公子母之道。其義 除,則懼損 惡之草,今乃 誅公子頑, 所共惡,當 道,故不得而 由 防 生 毛公一言之失者,謂「牆所 義。公子頑 公一言之失, 論 E 人取物比興,本以 何害其 者,爲 牆,以比公子頑罪當誅戮,欲 則暴宣姜之罪,傷惠公子母之 加誅戮。然宣姜 若謂「牆以 ^ 口 誅 生於牆,理當掃除,然欲 牆 履 爾。 通乎宣姜,鳥獸之行,人 有茨》文義 内 防 而 鄭 踰 外 非 氏從 詩人乃引蒺藜,人所 防 是於牆 之限爾,若上 常也? 非常」,則雖有 而 是國 皆 意 附 有 簡 以 如此而已。 之,遂汨 反有助爾 且所謂「 防非 難 君之母, 而 明, 有 蒺 蒺 誅 掃

> 子 此 去 頑 豈 當 則近矣。 詩 損牆 誅 人 之本 懼 而 有 不 意 得 所 去 傷 爾。 而 詩 不 得 毛 人 公言「去之傷 誅 本 如如 意 蒺 但 藜 惡

## 相

禮 無 成 行」,考《序》及詩,皆無此義。 比人,此其失也。毛言「居尊 鼠》之義不多,直 不 ൬ 詩之意,言人不如 儀 其 附之,謂「偷食苟得,不知廉 爲 何取 體,而人 説者迂 鼠穴處,詩 論 日 鼠 П 反無威儀 之偷 經 汩 人不以 義 亂, 食? 刺 固 鼠 衛之群 常 爾。 而 容止 譬高 簡 詩言鼠 失之 直 而 一,以 位 臣 彌 明白 毛 位 也 耻」,皆詩 而 無 自 有 遠 鄭 鄭 爲 禮 飾其 也 皮毛,以 闇 氏 本 氏 而未 儀 刺 又 昧 以 所 之 鼠 相

第

曾鼠 此 也。 甚 嫉之之辭也。 之 不 如 也 三章之意皆然,更無他 不 如 鼠 則 何 不 死 爾

### 考

之意果如鄭説,孔子録詩必不取也 其君召之以禮,無不往也。 鄭 矣,人不堪其憂,而不改其樂也。 得爲賢者也。 則喜樂,退則怨懟,乃不知命之狠人爾,安 弗告」,謂誓不告君以善道。如鄭之説, 「永矢弗過」,謂誓不復入君之朝", (解「永矢弗諼」,以謂誓不忘君之惡, 論 日 : 《考槃》,本述賢者退而窮處 孔、孟常不遇矣,所居之國, 顏子常窮 使 「永矢 詩 人 處 進

在澗,碩人之寬。獨寐寤言,永矢弗諼。」本義曰: 考,成。槃,樂也。「考槃

自 謂 然樂居澗中,不復有所他之也。 狹,賢者以爲 告」者,自得其樂,不可妄以語人也。 謂 碩 不 人 - 忘此 居 於 樂 Ш 寬 澗之間 也 也。 「碩人之寬」,澗 「永矢弗過」者,謂 不以 爲 狹 「永矢弗 而 獨 居 安 雖

#### 氓

詩 得之初,殷勤之篤,而責其終始棄背之辭。 鄭於「爾 語,忽以此 語,凡言「子」言「爾」者,皆女謂 也。今考其詩,一篇始終皆是女責其男之 女色衰,而爲其男子所棄 「我卜汝宜爲室家。」且上下文初無男子之 所述,是女 論曰 卜爾筮」,獨以謂告此婦人曰: : 一句爲男告女,豈成文理? 《氓》,據《序》 ~被 棄逐怨悔,而 7; 困 是衛 追序與男相 而 國 自 其男也。 悔之辭 淫 奔之

有葚 未 《序》,但言「序其 至黄而隕,又喻男意易得衰落爾。 其間獨 遷」、下文「桑之落矣」皆是女之自語,豈 自悔之辭。鄭以爲「國之賢者刺此婦 臆説也。桑之沃若,喻男情意盛時可愛; 誘,故于嗟而 嗟女兮,無與士耽。」皆是女被棄 落爲 其 ? 盛 ,於是我從子 夏皆未落, 豈獨 爾。不知鄭氏 筮」者,女「爾」其 而 初 葉沃若。于嗟鳩 仲秋 食之,過則 時,與之耽 此 此 即 皆其失也。 數 時,又謂鳩 我 句爲國之賢者之言? 戒之」,今據上文「以我 事 樂,而不思後患,譬如 爲患也。「兄弟不知, 而 我 何從知爲賢者之辭,蓋 以 往 仲 既 風」,則是詩人序述 蓋女謂 男子 爾。 秋 非 許 兮,無食桑葚。 ? 時 子, 推 也 而食葚, 而 其 我愛彼男子 而 三。「桑 仲秋 文 爾 逐, 鄭 理 乃 之未 安 以 困 且 决 鳩 得 於 賄 見 桑 據 而 以

> 而 我今被其酷暴,乃笑我爾。 詩述女言,我爲男子 今困於棄 若其知之,則笑我」,與詩 逐, 文,本 則當哀 謂 誘 不 我 而 知 奔也 也。 而 意謂使 意正 元 其 相 意 弟 其 知 箋 不 我 知

## 竹竿

既 魚 之樂,以見己志,思 而 無 曲爲之説,常以 籊籊竹竿,以釣 如如 非倫類 思歸之詩爾。其言多述衛 比 興之言,直是衛女嫁 論 婦 日 人待禮 ,又與下文不相屬。詩下文云: : 《竹竿》之詩,據文 以 淇 于 成爲室家。」取 歸 水 淇。」毛 爲 而 不 比 於 得 喻。 謂: 異 爾 或 (國,不 / 求義, 風 物 詩》 俗, 而 釣以 · 見 曰 : 終篇 所 鄭 安

又以 禮 且 水而 不歸 也。 鄭此 而 但 淇水喻禮 而詩云「遠莫致之」,故知 淇 相 恩 |上章以淇水喻夫 ,詩人不必二三其意, 不 水滺滺, 檜楫 若然, 左 泉 意 備,●如男女相配,得禮而 夫家爾,義豈得安? 説,是以 爾 源 右,喻女當歸 不 思 相 也。 小水,當流入淇大水, 遠 則 厚 小水自不流入淇,是衛 泉 莫致之。」 不唯淇水喻 爾,是所 源 松舟。」謂「舟楫 喻 家,下章又以 女,而 夫家 謂 雜亂以惑人也 且 毛説 而 近 又其下章云: 衛 禮,義自不倫, 以淇水喻 而 女 不見 備」,則又以 難 不 嫁 今不入淇 通 相 在 相配,得 淇水 答。 也 夫 女自 夫家 也。 喻 如

之間,衛人之所常遊處也,今我嫁在異國,而遠嫁異國,不得歸爾。又言泉、淇二水家時常出而見之,今我豈不思復見之乎?之樂。云有籊籊然執竿以釣于淇者,我在之樂。云有籊籊然執竿以釣于淇者,我在

之心, 答,而 閒 大 與 也。《序》言「思而 若《谷風》及《氓》則多述夫家之過惡也。 又言淇水滺滺然,有乘舟而遊者,亦可 父 !暇,樂然於二水之上,念己有所 又 思 母 但 不敢道夫家之過惡,亦不敢 衛女之在 兄 陳 弟 衛 皆 或 不 之樂, 其國者,巧笑佩 得 能 相 以 以 近, 禮 見 者 况 思 此 歸 謂 之意 不如也。 玉,威儀 雖 有欲去 水 平

## 揚之水

更代 謂勞民 不流束 而 論 怨 日 以遠戍 /薪」爲 思 : 爾。 據詩三 恩澤不 也。 其《序》言「不撫其民 鄭 章 行於民。 氏不 周 原 以 其 出 且激 意, 戍,不得 遂以 揚之

) 「備」,通志堂本作「行」。

考詩之上下文義也。行意不類。由鄭氏泥於「不撫其民」,而不水,本取其力弱,不能流移束薪,與恩澤不

還歸」者,久而不得代也。 子」,周人謂他諸侯國人之當戍者。「曷月使周人遠戍,久而不得代爾。「彼其之核於束薪,猶東周政衰,不能召發諸侯,獨移於束薪,猶東周政衰,不能召發諸侯,獨本義曰: 激揚之水,其力弱,不能流

### 兔

居亂世,不樂其生之詩也。而鄭氏泥於以桓王之時,周道衰微,諸侯背叛,君子惡爲之説。《兔爰》之義,據《序》文及詩,本取《序》文,致乖詩義,或遠棄詩義,專泥取《序》文,致乖詩義,或遠棄詩義,專泥取《序》文,致乖詩義,或遠棄詩義,專泥

猛失中,詩人未至欲寐而不覺也。大害也。矧夫政體自當有緩有急,就令寬寐而不覺,其惡時甚矣。政有緩急,未爲之事,又以兔、雉喻政有緩急。且詩言欲「王師傷敗」之言,遂以「逢此百罹」爲軍役

世,如雉陷於網羅。蓋傷己適丁其時也。後,逢此百罹」者,謂今時周人不幸,遭此亂世無事而閑緩,●如兔之爰爰也。「我生之則陷身於羅網,兔則幸而雉不幸也。其曰則陷身於羅網,兔則幸而雉不幸也。其曰數物有幸不幸也,謂兔則爰爰而自得,雉軟十義曰:「有兔爰爰,雉離于羅」者,本義曰:「有兔爰爰,雉離于羅」者,

## 采葛

論曰: 詩人取物爲比,比所刺美之

● 「閑」,通志堂本作「閒」。

二七

喻 采葛 鄭未 人不 賢材,離間 之事,此小 他 臣 物 ,皆由失其本義 爾 ·當引· 以 以 者自懼 得於詩,而 爲 至 小 解。 於 事出 小 臣賤有司之所爲也。 親信,乃大臣賢士之所懼,彼詩 遊。 一議, 而 陳 臣賤有司之事以 采葛、采蕭、采艾 己 [使者。 强 事 也。 鄭覺其非,因 爲之説爾,故毛直 可 二家之説, 以 直 述, 自陳,此毛、 . 轉 不 讒 皆 自 釋 人 假 非 /者 以 以 相 曲 王 謂 違 害 爲 臣 取

成惑。 進 累 者 巢》、《巷伯》、《青蠅》,其義皆然。 奪人之所愛,非一言可効、一 ,故曰浸潤之譖,又謂 詩人刺讒,常以 積而後 皆積少以成多 本義曰: 如是 夫讒者, 成,或漸 而 른 疎人之所親 詩 積少成多 ′,知王聽 人以采 人而 至於《采苓》、《 日深,或多言之並 積毁銷骨也 葛、采 讒説,●積微 ,疑人之所信, 爲患、《采葛》 日可爲,必 蕭、 防 有 采 須 艾 而

前

及

放 世

#### F 中 有 麻

多被 記》, 之姓留者也。 愈不近人情矣。 其 逐,亦不見其 人 ,若汎言留氏,舉 何人? 父子皆賢,而 以 世 何 (之意 爲子嗟父,則下章云「彼留之子」,復 放逐,所以 從知之? 諸 云「子國」,則 當時大夫留氏 論 曰 儒皆無考據,不知毛公何從得之。 所 所 : 謂 莊 留 詩人 刺爾,必 爲姓氏,古固 事 「彼留子 王事 况如 毛公又以 族皆賢, 但 既 亦 迹,略見《春秋》、《 毛、 以 其 無 並被放逐,在理 不 嗟」者 莊 事 鄭之説, 所 專 而皆 不 聞 爲子嗟之父, 主留 王 有之。 不 顯 ·; 非 於人 明, 被 氏 留 爲 賢 其 氏 則 大 然 家。 人 後 史 被

異

0 知」, 通 志堂本作「如」。

從之。 未足爲賢矣。 周人衆矣,能此者豈一留氏乎? 稱其賢者,能治麻麥、種樹 此詩失自毛公,而鄭又 而 已矣。 况能之,

以

於丘中,以其有用,皆見收於人,惟彼賢如 處於丘壑,國人思之。以爲麻麥之類,生 子嗟、子國,當時賢士之字,汎言之也。 而録之也。「貽我佩玖」,謂其有美德也。 施施」,難於自進也。 子嗟、子國者,獨留於彼而不見録。「其來 本義曰: 莊王之時,賢人被放逐,退 「將其來食」,思其來

詩本義卷第三

### 詩 :本義卷第四

#### 歐 陽 氏

### 于 田

叔

失,不可不正。 居人」者,「國人注心於叔,似如無 不惟其説迂疎,且與下二章飲酒、服馬文 不類,以此知非 鄭於飲酒、服 論 日 ^ 叔 馬 于田》之義,至 詩人本意也。 無所解説 而 簡 謂 雖爲 人處」, 「巷無 而 明 小

之,以謂叔 非實無人,雖 一章又言,叔出 本義 曰: 出 于田 有 而 詩人言大叔得衆,國人愛 則巷無 不如叔之美且仁也。其 ,則所居之巷若無人矣。 可共飲酒之人矣,

### 羔 裘

服。 據 ? 豹有武力之獸也。故其下 飾、孔武有力」,言裘所以 其之子」,守命不變也。其二章曰「羔裘豹 言稱其人之善。其一章曰「羔裘如濡, 直且侯」者,言此裘潤澤,信可以 旁取《書》之三德,曲爲附麗爾。 鄭皆以「三英」爲「三德」者,本無所據,蓋 三數甚多,苟可曲以 洵,信也。至其下言則稱其 論 詩三章,皆上兩言述羔裘之美,下 曰 : 羔裘晏兮,三英粲兮」,毛、 附麗,則 用豹 言稱其人云「彼 爲 何説不 六經所 人曰「彼 飾者,以 爲君 朝 在 洵 兩 可

之美且 出 有 則巷 而 武 不 無 也 如 能 叔 皆愛之之辭。 服 之美且 馬之人矣,雖有而不如叔 好 也。 其三章又言,

叔

雖

裘之美。其下言始云「彼其之子,邦之彦 章曰「羔裘晏兮,三英粲兮」,亦當是 飾 其之子,邦之司 鮮明貌。 兮」者,謂稱 而 故闕其所未 剛 但「三英」失其義,不知其爲 彊 其 正直之人,稱其 服 直」者 也。 謂謂 英, 服 美也。 以 服 武 爾 力之 粲, 何 衣 述 潤 其 服 羔 物

## 女曰雞鳴

而 其 以 語 人 鄭氏 妻不 見其 之事 述夫 異 論 ·説其 「於其卒章「知子之來之」,以爲「子」 (妻之不以色取愛於其夫,而夫之於 (婦相 國之賓客,又言「豫儲珩、璜雜佩」, ,蓋言古之賢夫婦 日 色,而 與語 「 女 曰 爾。 内 雞 相 鳴, 其終篇 勉勵,以 士 相 日 語者如 皆是夫婦 昧 成其賢也。 旦, 此, 是 所 相

> 之義? 也。 《詩》諸 卒章以此, 文所 是殊不 亦爲賓客,斯 云 有,委 且賓客一時相接,豈 雖 風,言偕老者多矣,皆爲夫婦之言 近人情。以此求詩, 無 又因以「宜言飲 曲 此 又泥 物 生 意, 猶 加 而 不 失 之 通 詩 以 有偕老之 者 酒,與子偕老」 本 致意」, 也。 義 何由 今編考 皆 且 理? 既 非 詩

以 勉其 刺 而 老。凡云「子」者,皆婦謂其夫也。其卒章 乃陳古賢夫 又言,知子之來相和 相樂,御其琴瑟,樂 勉 因 時之不然也。 物以 夫早起,往取 本義 其夫不獨厚於室家,又當尊賢友善, 結之。 日 婦 相 詩 此所謂説德 警勵 鳧鴈 好者,當有以 而 刺 以 不 時 以 勤生之語。 好 淫,以相 爲 色而 具,飲 而 不 贈報之, 不 好色,以 期於偕 酒 説德, 謂 歸 婦 以

# 有女同車 山有扶蘇

美」。 助 侯 刺 所美非美然」。《山 然,不求自得。定本《 也。 差失。漢興,承其訛謬,不能考正 則有之。《山有扶蘇 昏 今。然不知魯、韓、齊三家之義,又爲 漢之際,六經焚滅,《詩》以諷 車》,義則有之。 今考本篇,了無此語,若於《山 ,至于見逐,故國人刺之」。 忽之不昏于齊。 於齊」,「卒以無大國之助,至於見 請 今移其《序》文附二篇之首 妻之,齊女賢而 論 考其本篇, 日 有 二篇相次,疑其戰國、 女同 亦無其語,若於《有女 有扶 太子忽嘗 序》言「刺忽所 不取,卒以無大國之 有女同車》「刺忽也 車 蘇》「刺忽也,鄭 序》言「刺 誦 有 有扶 毛、鄭之説 「則詩 功于齊,齊 相 一,遂以 傳,易 蘇 義 何 美 逐 忽 焕 説 爲 同 非 至 秦

與予之本義,學者可以擇焉。

盛榮華,以 狂且」云者,詩人以草木依託 知爲美,反娶 翱 全,遂斥其 曰 云者,詩 ,則下章之義不異也。 二 山 將 翔,佩 有扶蘇、隰 人極 日 玉 君,「此狂狡之童」爾。 刺鄭忽不能 一瓊琚。 於他國,是所美 陳齊女之美如 有 有 荷 `彼美孟姜,洵美且 女同車,顔 華。 依 不見子都,乃 託 此,而 大國 山 非 如 隰,皆得 舜華。 美 各舉 以 也 鄭 自 見

### 赛 学

侯不 其失也。 ,思大 來,而箋 論曰: 其曰「子惠 或 意 來 褰裳》之詩,鄭 謂 定 鄭人不往,義 其 思我,褰裳涉 亂 也 據 有 詩,但 忽、 正 相反,此 突 怨 争 或

亦不以 我討 當天子之上士」者,亦拘儒之説也。 諸侯不相救卹 難 而 涉 謂 無他士」者,猶言他 衛,後之荆楚」者,穿鑿之衍説 他國思我者 人」者,但言諸 也 鄭 溱 彼 謂 水 大 正之者 難 或 且以難告人,豈待其思 有 而 有惠然思念我 而不往也。●「子不我思,豈 大國思我, 來,則至矣。言甚易而 爾。 非 爾。 侯衆矣,子不我思,則 道遠 詩人假爲此言,以 人爾。鄭謂「大國之卿, 而鄭謂「先鄉齊、晉、宋、 則 而難至,但褰其裳,行 我揭衣渡水往 鄭 國 之亂 也。 而 後往 不來 欲 又曰「豈 述 當 告? 告以 鄭恕 無 來 有 他 爲

子谷

校不脩爾。鄭以學子在學中,有留者,有論曰:《子衿》,據《序》,但刺鄭人學

去者。 辭 忘己」,則是矣。 去者,猶有居者,則勸其 以「一日不見,如三月」,謂 生徒分散,朋友不復群居,不相 何所刺哉? 而廢」。苟如其 毛又以「嗣」 挑達城闕間 鄭謂「子 説, 據詩三章,皆是學校 爲「 ,日遨遊 則學校脩而不廢,其 寧不 習」,謂習 來學,然則詩 「禮樂不 嗣 無度者也 音 見 詩 爲「 而 可 樂 思之 責 廢 人復 其 有 日 而 又

## 東方之日

皆以 君,而 其明 喻 論 未融,喻君不明」。 毛 臣 曰: 謂 而毛亦謂 [月 日 ^ 東方之日 出 東 方,人君 盛於東方」,鄭 ×, 東方之月,毛、 毛、鄭 明 盛, 皆 以 鄭 又 鄭 謂 喻

■「難」字重文,據通志堂本删一

以 此其又失也 詩《序》所 若毛既 所具見,而 家特相 毛、鄭固皆 爲 不 反。 謂 明 謂「君臣失道」者,義 日月在 鄭以爲不明者,蓋遷就己説爾 失之矣。至於 而日出東方, 詩 文考之, 東方、爲君 明最 明 日 臣 不 月 明之説,二 盛 盛,皆智 非 豈得通? 明, 喻 君 則 臣 於

下章之義亦然。 等,而不顧禮義,所謂「不能以禮化」也。 學,而不顧禮義,所謂「不能以禮化」也。 也。此述男女淫風,但知稱其美色以相誇 「在我室兮,履我即兮」者,相邀以奔之辭 「在我室兮,履我即兮」者,相邀以奔之辭 言彼姝之子,顔色奮然美盛,如日之升也。 本義曰: 東方之日,日之初升也,蓋

南山

論曰:《南山》,刺齊襄與魯文姜之

襄公。 往,從而雙之。」詩人之意,必不如此。 屨五兩,喻文姜與 矮,服之尊者」,而不究其説。 **緌雙止」,毛但云「葛屨,服之賤者,** 事 本義已失矣,故闕其所未詳。 0 毛、鄭得之多矣。 文姜與姪 娣 (娣姪 傅 其 姆 傅姆同 曰 Ŧi. 葛 人爲 鄭謂: 處,冠緌,喻 屨 奇,襄公 五. 兩 葛 冠 冠

### 蟀

乎? 謂 謂 尊 能 氏 以以 以 以農功爲 禮樂之外」,鄭 職思其憂」爲鄰國 禮自 論 鄭 禮晏樂自有時,豈如庶人,必 日 惟 : 娱樂爾,初不及農功 此 詩,考《序》及詩, 《蟋蟀》之義,簡 爲 衍 謂 説 爾。 國 侵伐之事。 外 職 至 四 思 也 但 而 易 其 刺 境」,鄭又 皆失之。 外 待 僖 或 明。 農 君 公 之 隙

廣 速,宜爲 爲 有 備侵伐也。 日 周 時,使不廢 蟋 慮也。 **然樂也。** 蟀在堂」者, 其職 「職思其外」者,謂 國之政,所憂非 著歲 事 而 將 更思其 親, 而 外 或 日 事,不 爾 君 月 謂 行 之

## 揚之水

就禮 風 公微 義」。 叛 白 非其盛彊爲晉患也。 盛 而 石鑿鑿然。如桓叔 彊 ^ 義, 歸沃爾,非 弱,不能制桓叔之彊,民皆捨 ,而毛、鄭謂「波流 論 遂如二家之説,則是 鄭 E 則 風 晉 詩人 及 雖 謂 此 弱 (本刺 民 有《揚之水》三篇, 而 知就 據《序》 除 不 湍疾,洗去垢濁, 昭 民 · 叛也。 禮 公封 桓 所患,民得有禮 義也。 所 叔 沃,而 善治其民, 陳,直謂昭 詩・ 弱就彊, 使民 桓 知 使 叔

> 制沃,與不流束薪義同,則得之矣。 垢濁? 以意求之,當是刺昭公微弱不能 流移束薪,豈獨於此篇,謂波流疾湍,洗去

爾。 移白 之説亦 桓叔之彊於晉國, 其民 石,以興 本義 曰: 通 也 從 而 昭公微 樂之,則詩文自見。 激揚之水其力弱,不 如白石鑿鑿然見於水中 弱, 不能制曲 沃 毛、 能 鄭 流 而

## 采苓

「細事」以爲「小行」,詩人之意明白,固不葛》傳同,予於《采葛》論之矣。鄭又轉釋論曰: 毛以《采苓》爲「細事」,與《采

❶ 「親」,疑誤,通志堂本作「晚」。

E.

徵,皆 所 使 爲 薦人,欲使見進用,「舍旃舍旃」是謗 舍旃舍旃,苟亦無然」,以文意考之,本 旃」者,知非二事也。 共 後 文再舉「人之爲言」,而不復舉「舍旃 使見貶退者。 事,而鄭 見 人 失矣。 須 而 易 轉 釋 知者,毛以 至於「人之爲言, 苟亦 分爲二,謂「人之爲言」是 而 考詩之意,不然也。 後 知 也 爲幽 0 首 **「解,鄭** 陽 山 以爲 汕人, 無 名 蓋 其 稱 無 舍

用

H. 漸 人之爲言,胡得焉」者,戒獻公聞人之言, 得 勿 言 積 /聽信,置之且勿以爲然。 ,謂徐察其虚實也。 以 本義曰: 苟亦無 成惑,與《采葛》義同。 信。 采苓者,積少成多, 舍游舍 義止如是而已。 旃 更考其言何 苟 其曰「人之 亦無 如

### 兼 葭

幽王。 收周 紀》, 即有其地。」襄公於是始國,與諸侯通 王封襄公爲諸 戎難,東徙洛邑,襄公以 之禮法,故 戎無道,侵奪我岐、豐之地,秦能攻逐 一年,伐戎至岐而卒。 被 周 周幽 周 禮」爾 十六年,以兵伐戎。 餘民有之,地至岐。 論 德教 秦襄公將兵救 曰 王 國人未服」。 行人。 時,西戎犬戎與申侯伐周,殺 鄭氏 據詩《序》, 侯,賜之岐以西之地,曰: 以 襄公新爲諸侯,未習 (謂「秦 周,戰 子文公立,居 但言 兵送周平王。 按《史記 戎敗走,於是遂 處 又據《詩 有功。 周之舊土,其 刺刺 襄公未 周避犬 西 垂 平 本 周

作《蒹葭》之時,秦猶未得周之地,鄭氏謂 之,但嘗一以兵至岐而卒。 豐賜秦,使自攻取,而終襄公之世,不能取 蓋 言敗逐之。 戎 不論可知。 秦處周之舊土,大旨既乖,其餘失詩本義, 六年始逐戎而取 西戎方彊,而征伐不休」。但言征伐,而不 自 ·序》云,襄公「備其兵 西戎侵奪岐、豐,周遂東遷,雖以岐、 以《史記》及《小戎・序》考之, 岐、 豐之地。 甲,以討 至文公立, 。然則當詩人 西戎。❶

禮,以變其夷狄之俗,然後 草,蒼蒼然茂盛,必待霜降,以成其質,然 旁之人,不知所適,欲逆流 後堅實而可用,以比秦雖彊盛,❷必用 其夷狄之俗,故詩人刺之以詩。蒹葭,水 所謂伊人」者,斥襄公也。 已命爲諸侯,受顯服,而不能以 本義 E : 秦襄公雖未能 而上,則道遠 謂彼襄公如水 可列於諸侯。 攻 取 周禮變 周 地, 而 周

> 成 免爲夷狄也。 中國之禮義,既邈不 不能達,欲順 霜 襄公雖 爾。 得進列諸侯,而 流 「白露未晞」、「未已」,❸謂未 而 下,則不 能及,退 免 不 知 循 困 於 其 所 爲、欲 (舊,則 水 中, 以

興

詩本義卷第 四

討 原誤作「詩」,據通 志堂本改。

原誤作「昧」, 原誤作「此」,據通志堂本改。 據通志堂本改。

# 詩本義卷第五

#### 歐 陽氏

東

門

之

枌

哉 ? 邪 ! 女。 鄭因 而説者又以不績其麻 貴族,宜在 言吉日爾,鄭謂「朝日善明」者,何其 也 如陳葬原 ,而鄭謂之男子。穀旦者,善旦也,猶今 以此原氏,國中之最上處,而家有 附其説者,遂引《春秋》莊公時季 論 「南方之原」,毛以爲陳大夫原氏,而 曰 人所 . 仲」,爲此原氏。 子仲之子,莫知爲男也、 [中,而曰「南方之原」者,何 陳,當在陳國之南方也。 而舞於市者,遂爲原 且原氏,陳之 友

> 男女淫奔,多在國之郊野, 往,而悦慕其容色,贈物以爲好之意。 麻,而婆娑於市中。其下文又述其 旦,期於國南之原野。 者,非一人之失也 氏之女。 下,以相誘説,因 斥其尤者。子仲之子,常婆娑於 本義 曰: 皆 詩 無明 陳俗男女喜 道其 文 而其婦女亦 相誘之語,當 以 所謂「· 淫 增 風, 衍 或 相 南方之 不 而 而 以 務 中 約 惑 以 績 善 樹 蓋 學

#### 衡 門

失,在於穿鑿,皆此類也。 爲任用賢人,則詩無明文。 遲」,其義是矣。 論曰 : 毛、 自「泌之洋洋」以 鄭 解「衡門之下,可 大抵毛、鄭之 鄭改「樂」爲 下,鄭 以 解

原」者,猶東門之墠也。

療」,謂飲水療飢,理豈然哉?

政。 言陳 所謂誘掖之也。 爲,而二章、三章,言大國不可待而得。 既言雖小亦有可 志、故作詩以誘進之。云衡門雖淺陋、若 則不取妻矣。是首章之意,言小國皆可有 妻,諸姓之女皆可娶,若必待齊、宋之族, 可食,若必待魴、鯉,則不食魚矣。 譬如取 何必大國然後可爲。譬如食魚者,凡魚皆 居之不以爲陋,則亦可以遊息於其下。 放,●可以勉進於善,而 水洋洋然,若閱之而樂,則亦可以忘飢。 國 以此勉其不 小,若有意於立事,則亦可以 티 : 詩 爲,其二章、三章則又言, 能,而誘進之也。其首章 以 惜 陳 其儒 僖公其性 無自立 不 次 之 此 爲

## 防有鵲巢

有甓」, 説也。 汗漫,不切於理。 不然,而獨引鵲 處勢自然,喻宣公信讒,致此讒人」。 論之矣。鄭以「防之有鵲巢,卬之有旨苕, 論曰 則無所解,蓋理有不通,不能 : 詩 人刺讒之意,予於《采葛》 巢、旨苕邪? 若謂 處勢自然,則何 至於「中唐 其説 爲 物

積累 連 鵲巢,斯積累成之爾。❷ 又如 而 一言一日之致,必由累積 將及我也。 國之君子皆憂懼及己。謂讒言惑人,非 而成。旨鷊,綬草,雜衆 本義曰: 中唐有甓,非 詩人刺陳宣公好信讒言, 而成,如 色以成文,猶 一甓也,亦以 苕饒蔓引,牽 防之有

- 「恣放」,通志堂本作「放恣」。
- 「斯」,通志堂本作「漸」。

多言交織以成惑,義與貝錦同。

## 匪風

字。 設爲發問 鬵」,則惟以老子烹小鮮之説解「烹魚」 之車」者,非 失詩人之意。 止 解烹魚,至於「溉之釜蠶」,則無所 」,是矣。 今考詩人之意 論 曰 之辭,而其意在下文也。 也。 而云「非有道之風」、「非 毛 傳 至於「誰能烹魚,溉 「 發, ,云「誰能 發飄風」、「偈, 烹魚」者, 毛、鄭 説 之 有 偈 消

難 而 不安,我中心自有所傷怛而 而 往者,非 本義 曰: 我顧 思天子 瞻 治 嚮 爲 周之道,欲往告以所憂,而 其 詩 風 之飄 人 國 以 政, 檜 發,非爲車之偈偈 以安其人民。 或 政 不寧也。 亂, 憂及 其 其 禍

> 若言誰 卒章 周 政,國亂平, 誰將西至于周,使其慰我以好音者,謂 烹魚者,必 人來平其國亂 日 能治 誰 先滌 能 則我民安矣。 安 烹 我 濯 魚 也。 人民,必 其器 溉 之 ,器潔則 釜 故其 先 鬵 平 下文又問, 可 · 其 以烹魚。 國之亂 謂 有 思

## 候人

維鵜 耶 則 在 不得詩之本義,而鄭猶近之。毛云: 而 不 濡翼矣。 梁,可謂不濡其翼乎?」詳其語,謂 -濡,爲 「不濡其翼」,則毛、鄭各自爲説,然皆 論曰 「不遂其媾」,毛、鄭訓「媾」爲「厚」, 小人竊位爾,其謂 非 此非詩人意也 《候人》,箋、傳往往得之。 常」。考詩之意, 不濡其 鄭謂「當 謂 八翼爲 鵜 不 非 宜 濡 在 翼 鵜

哉 ? 理? 爲「會」。 事,但以 又謂「天無大 厚、久之訓 鄭 聚合好之義也。 知其何據而云也。 喻小人不足任大事爾,安有 尤迂濶之甚 又以「遂」爲「久」。 其説是 况歲 媾,婚媾也。 南山 大抵 凶 矣。 也。 雨,歲不熟,則幼弱 ,飢人不止幼 訓 朝隮之雲不能大雨, 、婚媾, 釋既 至幼 據詩,本無 馬融 鄭於注《易》,又以 乖, 古人多連言之,蓋會 今徧考前世訓 弱者 謂「重婚爲媾」,不 則失之遠 弱 飢 也。 幼 天 早 弱 則何其迂 者飢」, 鄭箋「 者飢 歲 假設 計 飢 之 之 此 朝 以 無

鴮 澤 於 走 求 朝 道 刺 也 者三百人, 路 其 魚以食者。 本義曰: 一,俗謂 者。 斥遠君子,至有爲 加 淘 近彼 曹共公遠賢 河,常群 因 謂 取 此 小人,寵 水鳥 鵜 當 居 候人,執 以 居 泥 以三 而 比 泥 水 水中,以自 中 親 小 飢則没 人。 命之芾, 之役,以 不肖,

> 之魚 用 事 言彼小人者,婉 其媾」者,婚媾之義 竊禄 求 言 在 彼在朝之小人,不下從群小,居卑賤, 也。 其 了,則材 魚 高位、處非其宜 於高 以 而 但 食 食, 力不 以 介而 位, 便 今 彊 辟 得 乃 而 敏,如 柔 孌然佼 不 不 貌 ,而失其 佞 稱 濡 然 貴 其 其 媚 高 小人 賤 翼、味 悦 服 處 好 匹 類 漁梁 弱 也。 可愛,至使之任 人, 而不勝任 偶,各以 也。 女之飢乏者。 其 之 如 其卒章則 Ŀ 曰 彼 「不遂 辆 其 而 類, 越

## **鳲**

位之人,用 論 日 心不一也。 《鳲 鳩》之詩,本 如 毛、 鄭 以 以 刺 鳲 曹 鳩 或 有 在

❶ 「辟」,原脱,據通志堂本補。

均 章所陳 均 一之鳥, 與《序》之義 之 可以 德 而謂 īF. 而 淑 特相 所 或 人君子爲詩 謂 X 反 則乃 淑 也 人 0 是 君 此 美 子 人所 由 其 以 刺 鳲 用 又 如 之 鳩 心

故 在 意 梅、棘,彊爲之説以 是,始略言淑人君子,刺 人之意豈若是乎? 不通,故不能爲説 也。 君子,獨於中間一章,刺 梅、 也。 在棘、在榛, 《序》言在位之人,非止曹君, 其既以鳲鳩 也。 則皆無所説者, 有均一之德,至 附之,然非毛、鄭 至 爲疏義 又其三章, 曹無此 其 不 者,覺 稱 人,而 其 皆美 由 一於其 服, 之 其 蓋 理 本 非 淑 既 刺 在 詩

復 也 愛之之意。 自 則 朝從上 從下 上 義 而 日 下。 而 加 : E 而 下, 又 欲 其勞如此,所 鳲 則顧 各 鳩 顧 之鳥,所生七子, 盡 後其 後其 其 愛也,故 八下者 上 者爲不足, 謂 爲不足, 用 心 其 不 哺 皆 有 則 故 子

其

臣

事國懷私,不

一心於公室爾

梅、在 位 也。 故詩人以 隨之,故其身則 四 八君子其 國,内 及其子長 ·棘、在 此刺今在位之不然也。 死之辭 正 (心一者,其 此刺曹臣之在位者。 或 榛 也。 人, 歎其何不長壽 而 也。 在 飛, 桑, 此亦用心之不 衣服儼然, 去 而 在 其心念其子 他 木, 胡不萬年 可以 因思 萬 則 年 其 古 外 而 則 心 淑 在

## 鴟鴞

易 《書》之《金 此失其大義 皆據《序》 明,而 由是一 論 日 康成之箋與《金縢》之《書》特異 縢 以爲義,惟《鴟 篇之旨皆失。 》,其 毛、 也 鄭 作詩之本意,最 但 於 據詩義,鳥之愛其巢 鴟 《詩》三百 鴞》 鴞 》一篇,見於 失 其 可 大 五篇,

年,罪 易明。 馬 政,而 詩 幼君,遂有流言,周公乃東征 崩,成王幼,周公攝政,管、蔡疑其不利於 王之怪己誅其二叔,乃序其意,作《鴟鴞 爲是,毛、鄭爲非者,理有通 宰,中避而出,作 誅管、蔡,後爲詩以貽王。 毛、鄭謂先爲冢 其大義者二也。《金縢》言周公先攝政, 八叛者 幸聽 公避 其不通者 以 呼鴟 毛、鄭不然,反謂鴟鴞自呼其名,此 貽王。此《金縢》之説 周公以 (誅管、蔡。二説不同。 人斯得」,謂東征 誅 政,乃是常禮,二叔何 而 毛、鄭乃謂武 鴞 之爾。 居東者二年,又謂 而 冢宰 也。《金縢》言「周公居東二 告之日 毛、鄭乃謂二叔既 詩貽王,已作詩,後乃 . 聽 王崩,成王即位,居 政,而二叔流言。 寧取 二年而得 也,其義簡直 不 我 而誅之,懼 疑 而 .通 罪人 知《金縢 而 也。 三監、 流言 勿 斯得 流 武 毁 攝 喪 成 失 mi Ŧ. 中 我

攝。 鴞爲鸋鴂、爾雅》非聖人之書,不能無失,其 也。 也。 爲「成王」,此又其失也。 無之,可知其臆説 者多同,而成王誅周公官屬,六經、諸史皆 此其不通者三也。 臣之屬,則周公將以何辭奪其 刑 又謂鸋鴂爲巧婦,失之愈遠。今鴟多攫 官屬也,「室」者,官屬之世家也,又毛謂「子 政爾,若已能臨二年矣,有能 年,何待周公而 則周之國政 ,成王多得 其尊親大臣之屬,周公復歸,其勢 也,使周公有間隙 成王幼,未能 刑賞,國之大事也,周公,國之尊 且周公所以攝者,以成王幼 我室」者,周室也。 、,成王當自行之,若已能臨 周 行事,遂攝政,若避 公官屬 歸 也。 矧周公誅 攝乎? 而出避,成王能 詩謂「我子」者,管、蔡 諸儒用《爾雅》謂 而 鄭謂「子」者,周 誅 此其 之。 刑 管、蔡,前 政 政其尊親 不通者 而 而 且 而 攝 必 不 以 周 居東, 能 周 乎 鴟 説 ?

子而食、鴞、鴟類也。

己戮 子 鴞,爾寧取我子,無毀我室,我之生 也。 業,甚艱 得成此室。 難,至於口、手、羽、尾皆病弊,積日 之愛其巢者,呼彼鴟 室者,我祖宗積德累仁造此周室,以 予維音曉曉」者,喻王室不安,懼 `,非無仁恩,非不勤勞,然未若我作 ,使我憂懼爾。 又云「予室翹翹」,懼爲風 其兄弟,乃作詩以 本義 難 以譬寧誅管、蔡,無 其再言鴟 周公既誅管、蔡,懼 其他訓詁,則如毛、鄭。 鴞 曉諭 鴞者,丁寧 而告之曰, 成王。 雨所漂摇,故 使 有動 累 鴟 云有 而 亂 成 育 告之 鴞 摇 成 我 功 巢 王 14 周 覻 疑 傾

破斧

論曰:《破斧》,箋、傳意同而説異!

類。 言,破 斧斨 理不 詩 况今考詩《序》,並 義 比物,長於譬喻, 然皆失 人所惡者,本以 ,國家之用」,其言 刑傷成王, 切當,非詩人之本義也。 况民之日用,不止斧斨。 缺國家之禮 詩 本 · 意 則都無義類矣。 0 以斧斨比禮義,其事 無禮義之説。 四國流言毀傷周公爾 義,所以周公征之。 毛 雖 謂 簡, 「斧斨 其意謂 至康成又以 爲説汗漫, 民 詩人引類 之用 四國 不 流

多過。 也。 之者,以哀此四國之人陷於逆亂 缺,然後克之。 兀 可缺,斧無 或 爲亂,周公征 錡、銶,義與首章同 本義 故孟子曰「不以辭害志」者,謂 티 : 破理 其難 一蓋詩 斧斨 .討,凡三年,至於斧破 如 人欲 刑戮、征伐之用 此。 甚其 然周公必 事者,其 爾。 斨 也 刃 斨

## 伐柯

之説異矣。 《伐柯》詩,以 騰之後,群臣猶不知周公,則 成不然,反謂 之詩,未敢 縢,不見周公欲代武王之事, 王,以明己所 獲,猶懼 監及淮夷叛,周 不知」者,謂武王崩,成王幼,周公攝政,三 上下」等語 ム「治國 序》,都無此意。 桓 居 論 東不 日 成王 不以 部 且成王已得金縢之書,見周公 一,不惟 歸。 以 君 刺朝廷 公,而心有流言之惑,故周 毛傳 成王 禮 討叛之意。 臣 則 公出往討之。 於此之時,周之大夫作 一既遭 謂 疑惑,乃作《鴟鴞》詩 且詩《序》言「刺朝 簡略汗漫而已,考之詩 不知周公之忠也。 不安」,至於「所 「禮義,治國之柄」,又 雷風之變,已啓金 而成王未啓 與《詩》、《書》 雖得《鴟鴞》 及罪人 願 廷 既 公 金 示 康

> 復何所 郊謝 區 欲 代 止 一説王迎之事,由是失詩之大旨也。 天,遂迎公以歸 武王之事,乃 惑,而疑於王迎之禮哉? 捧書涕 ,是已知周 泣, 君 公矣,群 臣 悔 康 過 品 出

媒,其義 之事,而 以何物 也。 如 事,弟列籩豆,爲相見之禮 覯之子,籩豆 也,亦誚 則不遠」者,謂所伐之柯,即 答者曰: 有聖德,成 王不知公,使久居於外,而不召何 詩人刺成 本義 伐之,乃問云: 亦然。 其易知 猶發問,是謂不知也。 E : 「必以斧伐也。」以斧伐柯,易 王 有 君 其卒章又云「伐 王君臣,譬彼伐柯者,不 「伐柯如何」者,發問之辭 而 臣 踐」者,謂 不 皆不能 知,以譬周公近親,而 「如何 欲 知 即 也。 見之子,非 手執之柯 可見矣 可伐? 柯伐柯, 取妻必 又云「 是 知 我 其 知 而

九 器

罭。 罭」。 也。 鴈 不 則 鴈 止 宜 囊,小網九 宜獨言九囊者是 緵罟謂之九罭」者,謬也,當云「緵罟謂 喜 則 水 宜於理,近是,而言略不盡 ,又下飛田陸之間,由 耶 毛説得矣。 高 ? 鳥 然則網之有囊,當有多有少之數, 論 文理 彼 前 飛,今不 而遵渚,乃曰不宜,至遵陸,又曰 蓋 鴻 儒 囊,於理通 解 考之, 鴈者 獨 不詳詩文「鴻飛」之語 「罭」爲「囊」,謂緵罟,百 鴻 九 ,捨水陸皆不 · 得 罭 飛遵渚、 毛 緵罟,當 翔於雲際,而飛 〕説爲 》之義, 也。 周公不得在 是也 九罭既爲小網, 遵陸,毛皆以 統 毛、 可止, 言緵罟謂 其 鄭 ^ 義。 爾 當何 自 不越水 爾 朝 囊 相 且 鴻 爲 之 所 不 百 之 不 網 違

> 謂成 公, 衮衣 都 迎 王 而 猶 君 也。 留 、毛、 意謂 王當 其説 未 臣 於 能 東 不 遣 ,東都之人安能 知周公,尚安能 皆 斥 鄭 都 人 成 疎 又 也 持上公衮衣,以 且 王 爲 迂 當被衮衣, 此 二説。 矣。 是詩 且 毛云 人 使賜 賜 周 之 衮 以 大 衮留 意 衣 賜 見 所 夫 周 而 周 爾 以 方 公 公。 封 迎 之? 患 見 而 至 成 迎 唐 東 鄭 於

服也 公。 譬猶 成 云鴻 加 而 留 王 下 ,上公宜 君 循 滯 鴈遵渚、遵陸,亦 鱒、魴大 云「我覯之子,衮衣繡裳」者,上公之 本 義 渚 東 臣 陸 不知 都,譬夫 日 在朝 魚,反在九罭小罟 也 其 周 心 大 因 鴻 廷者也。 而 夫 謂 鴈 謂 不召,使 以 東 不 周 都 得 周 公不 之人 飛翔 其二章、三章 公 出 久 得 , 因斥言周 居 於 處 居 日 雲際, 朝廷, 於外。 東 我 都,

衮 下 通志堂本有「衣」字。

:

之人 未歸 所 言終當 在朝廷,然無以公歸,使我人思公而悲也。 以 知也。 (述東都之人猶能愛公,所以深刺朝 留 留 爾 去也。 此 公之意云爾。 則 未得 不復 曰「公歸不復」者,言公但 及來也。 所 歸 是以有衮衣者雖 故 其卒章因 處 此 信 宿 道東都 間 廷 宜

### 狼 跋

《序》,止言王不知,則未啓金縢以前 之初,流言方興,管、蔡未誅,而 遂迎公以歸,是已知公矣。而《狼跋》 金縢》,自成 近則王不 所作之詩也。 論 日 王啓鑰見書之後,悔泣謝 知 據 ^ ,而周公不失其聖。」考於 序》言: 康成乃言「致太平, 「遠 則 周公居 四 或 東 政 詩 流

> 之「遜」。 之位。因以遂其謬説 成王之位, 膚,猶言膚革充盈也。孫, 此其所以 其疎謬也。然毛、鄭皆釋「碩膚」爲「美」,❶ 謂成王有大美,又不解「赤鳥」之義, 之孫,亦已疎矣。且詩 胡、疐尾,是矣,而謂公孫爲成王,是 政七年之後,遁避成功之大美,而 公孫碩 迎公歸 膚」,又以「孫」爲「遁」,謂 失也。 後事,與《序》所言 又爲 之大師 膚,體也; 可謂惑矣。 本美周公,而 終 當讀如「遜 始 碩,大也。 乖 無 · 矣。 愆 毛 復 周 古 毛 豳 傳 成 皆 碩 知 以 公 跋 於

而 難,譬彼狼者 於外,成王見 狼能不失其 本義 曰: 周公攝政之 進 疑 猛 於 則疐其 ,公亦不失其 内, 公於此 が胡 退 初, 正 則 時 四 和 和 跋其尾。 進 或 退之 順 流 其

❶ 「毛」,原脱,據文淵閣《四庫全書》本補

失爾。其卒章則直言其德不可瑕疵也。 意以見周公遭讒疑之際,而無惶懼之色, 蓋以見周公遭讒疑之際,而無惶懼之色, 也。然《序》本言周公不失其聖,謂不損其 也。然《序》本言周公不失其聖,謂不損其

詩本義卷第五

### 詩 義卷第六

既簡

略、未知其得失。

鄭引「飲

酒之禮

於

旅

也語

」,謂此嘉賓語國君以

先

王

德教,國

君以

此

賓語示天下之民,使其

化之,皆不

歐 陽

氏

義

,必須君臣

|漸積教化使然,豈飲酒之際,

一言可致?

此其曲

説也。

考詩之意,

使

偷

於禮

義者,非

也。

且使庶

民

不

·薄於禮

君子則傚我者,謂傚我厚嘉賓也

鹿

鳴

爾。 此 爾。 周 類 中」者,衍説 食,以與群臣 「示」爲「寘」,遂失詩 行 意,可謂 安能知其 得臣下之歡心 古字 其義止於如此。 論 日 多 謂示我於周 衍 也。 通 ^ 説 誠 燕飲,如 鹿鳴 用, 也。 不誠 爾。 聖人不窮所不知鳥 》,言文 示、 義。 其曰「人之好我,示 ? 鹿得美草,相呼 考詩之意 而 視 考上下經文, 傳 毛傳「德音孔昭 主 義 恩禮之勤 云「懇 能 同 心,文王 燕樂嘉 誠 而 鄭 一有 若 騰 發 初 我 改 此 無 之 酒

此 恌,君子是則是傚」者,又言我此嘉 凡人之欲與我相好者,示我於周行之臣 所爲,常厚禮有德者。 令德之音遠聞,我待之厚禮,所以示 意 好我,示我周行」云者,言我有賢臣,與其 其燕樂,三章之義皆然。 有旨酒,嘉賓式燕以邀」者,謂君子當傚 同樂,既飲食之,又奏以笙簧,將以 嘉賓不薄之意,使凡爲君子者當 如此爾。 本義 曰: 其二章云「德音孔 文王有酒食,能與群臣 故其下 其首章言「人之 言又云「 昭,視民 則 賓皆 幣帛 傚 民 不 恩 共 我 我 遇 有

DC 九

厚嘉賓也。其卒章之義甚明,不煩曲解

## 皇皇者華

改爲 也。 已也。 其所 皆失矣。毛以「懷」爲「和」,初無 之説 又衍 訪問爲咨」,意謂大夫出 (出見忠信之賢人,止一「周」字,豈成文 、就之訪問。 其 □遠 説 以 大義 凡詩五章,悉 爲箋、傳,故其穿鑿泥 論 「私」,用穆叔之説爾。 也。 累 其云「送之以禮樂」,則詩文無之, 日 章 僅 而 丁寧之意甚多,不止有光華而 毛、鄭之失,在乎皆用魯穆 有光華」,此但解首章 存 《皇華》《序》及箋、 也。 今詩文乃 用此爲 據《序》,止言「君遣使 解, 使,見忠信 日「周爰咨 其「忠信爲周, 滯,於義 則一 傳皆失之, 義理,鄭 篇之義 一句爾。 之賢 不 通 叔

> 謀矣。 皆親戚乎? 若此之類甚 以「親戚之謀爲詢」、《書》曰「詢于衆」,豈 施 穆叔直謂「咨難」爲「謀」,若《書》曰「汝有 問爲咨」,則 理 據 鑿泥滯,於義不 君。」則又不止問於人爲謀,以事告人亦 而 爲「咨事」? 止云咨禮,二説亦自不同。 曰謀矣。《書》又云: 大疑,謀及卿士庶人」。 周。 何? 於何事 ? 詩首章,直言使臣將 則其義簡直 其又以「咨禮義所宜爲度」,而 其又以「謀事之難易爲咨謀」, 直 不可,奚專於咨禮 以 公所問 其下咨謀、咨度、咨詢,非 周 .通 何者非 不 而 爲 解 亡 命 爾有嘉謀,人告 周 自 則凡問於人,皆 事,而獨以「咨諏 而出,有光華 德之説 多,故可 [明也。 詳 且度,忖度也 義哉? 周 又曰 可 知 徧 廢 其 又 穆 也。 訪 叔 之 于 口 而 事

<sup>「</sup>止」,原誤作「正」,據通志堂本改

之興 爾。 其 聞,不徒 之勞,不忘 勉 爾 首 諏、謀、度、詢,其 其 章 二章以 、於事 云「于原 稱 詩家若此 國之初,其 本 義 美其賢材 **股**將 下, 日 每 國 : 思,惟 事 隰」者,其道 則 事,周 ,其類甚多。 周 · 而 出 戒其調 君 義 能將 之 恐不及 臣 不 詳 或 也。 勤 異,但變文以叶 訪 君 君 御 路所 勞於 問,因 命 遣 詩 車 也。 爲 人述 馬, 其 經 國 事 臣 以 懷,思 雖 光華于 也。 如 此 出 博 有驅 見周 此 既 採 也。 馳 韻 廣 又 外 其

常棣

然 光 明 論 日 其言 雖 毛 簡 傳 鄂 然於 不 義 韡 韡 未 失。 ۰, 旧 云 而 鄂 鄭 鄂 改

> 之故 害義。 意矣。 雖不 詩之人指當 煩 韡 何 而 矣,言求兄弟」,於詩雖無所發明,然未爲 之恩親無如兄弟之厚。皆衍説也。 爲説,曰「始聞常棣之説」也。 後世之誦是詩以相戒者,所誦詩之時 「不」爲「 今矣,意謂 原隰裒矣,兄弟求矣」,止言「裒,聚也, 鄭謂 從 改字爲「拊」。 韡」者, 鞾韡 ,故能定高下之名」者,亦非 而 解亦可,在毛氏已爲衍, 鄭則不然,且詩 毛謂「聞常棣之言爲今」者,蓋 得此義? 「能立榮顯之名」,既於詩無文, 後世之人亦莫如兄弟矣。 時爲 先 也,古詩之 儒 蓋 今,而義不 又云原隰「以 固 已言鄂,則足見相 已 言 止云「兄弟求矣」, 語 其 通於後, 如 非 而 此 如 鄭又 相與聚 也 此, 且. 父從 毛 則 此 即 故 嫌 承 且 求 解 義 丽

●「常」,原作「棠」,據通志堂本改。

生矣。❶ 如 也 教 圖 相 動,無情之物, 人本欲親兄弟,如毛、鄭之説,則是作詩 飲酒之飫」爲私者,燕私之意也,鄭乃 (友生」之説,毛、鄭意同,而皆失。 [非常大疑之事,豈詩 與 隰 聚 急 也 居之理? 難 乃 時親兄弟,安平則不 土 或 地 高或下,不相 此尤 高 下之 人本意哉? 爲曲 别 名 説 爾, 爲謀, 也。 如親 土 毛 安 地 示不 友 者 詩 云 謂 有 不

内 謂 比 取 此既言兄弟之相 中,必求其兄弟,如脊令飛 常常 閱 人之親莫如兄弟,凡人有 兄弟之相親宜如此。 時,雖有朋友,但能長歎而無相助者, 惟 者, 棣之木花萼相承 本義 曰: 兄弟是念,雖在 至逢 外侮,猶 作詩者見時兄弟失道, 說者如是,又言兄弟雖 原、隰 共禦之。 韡 因 韡 又 鳴而求 廣野,衆聚之 極 然 死 陳 可 又言當急 喪 愛者 人情, 可 其 畏 類。 惟 有 之 乃

> 則 樂,以謂兄弟宜以此 謂 兄 和樂矣。 弔 反 弟 其 視兄弟不 自 不 相 使其深思,如此爲是乎。 咸 求 也。 如 如 友生。 此 由 入, 及 是盛 相 乎 樂,則妻子室家皆 此 陳籩 喪 乃 亂 責之之辭 豆,飲 平 而 安 酒 ~; 所 寧

### 伐 木

爲文王之詩。 詩,文王之詩 父。「陳饋八簋」,又以爲天子之簋 且文王之詩,雖欲汎言凡人須友以成 「自天子至于庶人,未有不 曰「以速諸 論 日 父」,毛謂天子謂 《伐木 也。伐木,庶人之賤 作《序》者自覺其 ×, 文王 一之雅 須友以成者」。 同 , 姓諸 也。 非, 為事,不 故 則 侯 其 猶 宜 此

其

友 忘

乎?

其

義甚明矣。

然果如此義, 在人也,可不

則 求

而

其

類,

相呼而

去。

其

而

飛,遷于他木,方其驚飛倉卒之際,猶

此

詩

主

以鳥鳴求

友爲喻爾。

至其下章,

了不及鳥鳴之意,但云「伐木許許」、「伐木

便述朋友之事,與首章意殊不類,蓋

失其本 矣。 故闕 其 所

賤

當

嚶。 農也。 考詩之意,是鳥在 説爲 大夫、士、未居位時皆不爲農、亦不必自伐 之事」者,亦非 人賤 鳥矣,猶求友聲。 木,庶人當伐木者, 一昔日 事,可矣。 以 繆也。 出自幽谷,遷于喬木。」又曰: 「 事爲主,豈 天子、諸 未居位 古者四 詩 云: 在農 今詩 侯 也。 民異業,其他諸侯至於卿、 得 之事 木上、聞伐木之聲,則 矧伊 爲 每 時,與友生爲伐 又無位可居,以此 且文王未居位 爲 以 文王之詩? 「伐木丁丁 ,人矣,不求友生。」 伐木爲言, 主 为 因 而 及 未 鳥 木 鄭 是 於 鳴 知 嘗 勤 氏 以 相 庶 彼 驚 嚶 鄭 苦 在 云 庶

## 天

詩既 鄭謂 不能 愛其 興」爲「每物益多」及「草木暢茂,禽 大」,「川之方至」爲「萬物增多」,皆詩文 受福禄,亦詩文無之。 雖國君受天之福,則當被於民物, 上之辭, 無文,則爲衍説。 無 「先公」是矣。若鄭謂群臣舉事得 論 小失。 曰 《天保》六章,其 其文甚顯 鄭以「俾 毛以「公」爲「事 爾 而 多益」、「以莫 易 明 義 也,皆 然毛、 潤 宜 無 碩 不 下

禀以信厚之德,則何 多益」而 俾爾戩穀」,又曰 本義 曰: 衆也。 天之安定我 既 福 日 無 不可 一何 所不宜 福 以 君甚 不除」矣, 除 而受天 之? 堅 固 又 俾

爾

E

此,而 茂。 其 姓皆被及之。 公先君,而神亦詒之多福,使民及群 福我君如 之浸長,而 也 文意重 所陳者,使我君皆承之也。 大抵此詩六章 日如月之常明,如山之常在,如松柏 久,故多引常久不虧壞之物以爲況, 國 詩人「爾」其君者,蓋稱天以爲言 其卒章云「無不或承」者,●謂上六 家 E 一複,以見愛其上深至如此爾。 興盛 Ħ 此,至于四 降 又增之。 維 爾 前既 如 日 遐 Щ 不足」也。 福 阜岡 欲其 時豐 既則又言,非 其 陵之高 興 所 潔 盛,則又欲 其 下 以 酒 殷 食, 章 勤 祀 惟 如 削 重 恒 、章之 之常 其 黎 其 天 複 曰 111  $\nabla$ 之 如 先 永 流 欲 如 百

出 車

論 E 詩 文雖 簡易, 然能曲 盡 人事

> 情哉 就車 之義不失者幾何? 於理豈然? 邪,自可 則不遠矣。 而 西戎諸侯,由是四章、五章之義皆失,一 古今人情 毛、鄭謂 ? 而使人 以 又言先出 馬 然學者常至於迂遠 其以草蟲 挽 駕 出 也, 而 車 車 車 求詩義者, 遠 出,若衆車邪 于牧以就 於野,然後召將率, 就 比 馬于牧,此豈 南 仲,阜螽比 馬,且一 以 乃不 ,遂失其 求 二車 近 以 近 亦 人

遂戒其僕夫,以趍王事之急難。 二章陳 出 備述之,故其首章言南 還之詩,自其始出車,至 狁,其成功而還 施 至于郊,則稱天子之命,使我來將此衆, 本義 曰: 以謂軍 容之盛雖如 也。 西伯 命 詩 南仲爲將, 仲爲將,始駕 人 其 歌 此,然我心 執 其 訊 (事,以 獲 醜 往 而 則 戎 爲 伐 其 車 勞

不」下,通志堂本有「爾」字。

於此 子出 子 簡 消釋 昔我 心 强 螽 王 叙 除 Ŧ 平 南 時 則 事之故 其 躍 書 玁 迫 事 春日 也。 之時, 降。 ,,我 仲之功赫赫然顯大,而玁狁之患自此 歸 也。 出 將 狁 而 而 而 從 時, 泥 士 不 與 師 南 僕 公,不得 塗矣。 我 其室家 能守禮,每 室家相見歡 時,黍稷方華,今我 其 非 暄 執 仲征伐之故也。 我常憂心忡 則 所以 四 類之草蟲 訊 亦 妍,草木榮茂,而禽鳥 章、五 獲醜 安居。 勞 我所以久 獨居憂懼 則曰,自 瘁矣。 以此 而歸,豈不樂哉? 章則言其 欣之語 合, 忡,今君子歸矣, 我 草蟲爲戒。 自懼獨居, 非 君之出, 於外 如此者, 其卒章則 章 不 來 遂 思 凱 如 歸 其 城 歸, 將 此 旋之樂。 ,以我 我 朔 和 者 見 述 故 有 蓋 雨 方 其 由 君 君 所 阜 畏 雪 而

章

而

由

#### 湛 露

又以 之貌,天子賜爵, 書,而 乾 晞。 ? 詩 之禮,是古雖 葉低垂之意見於文也,今但言露 爾 爲 箋 則 以 露之在物,柯葉低垂,●喻諸 燕 有「在宗載考」之言,遂生穿鑿 論 若詩 何其 初無 三王 二章 日 非 此 : 喻似醉之狀矣。 詩 人欲述諸侯似醉之狀 柯葉低垂之文,鄭何從 臆説 後 爲 據《序》, 但 燕同 者,詩既無文,皆 以禮飲酒 言夜飲者 也? 則貌變肅敬,有 姓, 止言「天子宴諸 詩但言露 三章爲 有至夜者 天子燕諸 燕 禮 燕庶姓 有宵 似 侯 爲 非 則 匪 露 爾 而 有 衍 所 則 當 陽 見 似 侯 見 得 説。 設 卒 日 此 不 H 醉 鄭

而

柯」上,通 志堂本有「使」字。

0

以

不 柯

燭

義 晞

Ŧī. Ŧi.

申 道 燕 私之 侯之厚,此詩人所以爲美也。 而舉其燕私 恩 盡 殷 勤之意。 殷勤之意,以 蓋 書 見 燕 天子恩 常 禮 不

比云。 比 實離離然,亦喻諸侯在燕有威儀爾。 棘」者,以露之被草木,如王恩被諸侯 乾,厭厭之飲,恩被於諸侯,非至 者,露以夜降者也,因其夜 雪,若水泉之浸,其類非一,而獨 有令德令儀爾。 其桐、其椅,木之美者 又云「令德」、「令儀」者、言此與燕之臣、 止,其義如此而已。 芃芃 事,多於卒章 本義曰: 黍苗」之類是也。 湛湛之露,潤霑於物,非至 天之潤澤於物者,若 别引他 其言「在彼豐草」、「杞 「在宗載考」,毛傳 物,若《下泉》之詩 飲、故近 以 醉 曙 取 露 詩 則 則 以 雨 爲 不 若 其 皆 不 爲

鴻鴈

之述 就陽,喻民 鴈比之子。 鴈》詩云: 鄭於三章所解皆然,則一篇之義皆失也。 于征,劬勞于野。」以文義考之,當是以鴻 各不同,雖不盡如此,然如此者多也。 子,不稱其服」者是也。 逑」,又如「維鵜在梁,不濡其翼。 必先道其物,次言所刺美之事者,多矣, 關關雎鳩,在河之洲。 **職者**。 論 日 「鴻鴈于飛,肅 知就有道,之子自是 上下文不 而康成不然,乃謂 詩所刺美,或取物以爲 相須,豈 詩非一人之作, 窈窕淑女,君子好 肅其羽。 鴻 成 侯 鴈 彼其之 文 伯 知 喻, 之子 理 卿 辟 《鴻 ?

來、還定、安集之,至于矜寡,使皆得其所。其居。 而宣王之興,遣其臣四出于野,勞其居。 而宣王之興,遣其臣四出于野,勞

五六

不 子之尊,必不自往,作《序》者不言遣使,以 臣 據 知 以 臣自 于 爲 其 一,疑非 君命 ,澤爾 民 待言而 《序》言「美宣王」,而 肅 所 我者,謂我好興役動衆爲驕奢也。 由宣 誉 然 訴 潰 安集流 也 築 使 而 王能 本義。 可知也。 其卒章云「哀鳴嗸嗸」者 勞 居室,其暫止於野也,如 臣 其 其 奔 遣人,以恩意勞來之也。 民,而不憚劬勞爾。 自訴云,哲人知我者 體 走 且 也 于 使離散之民還定、安集 復何疑哉? 外, 其二章言 如 此詩之説 鴻 鴈 使臣 之飛,其 但 鴻 愚 述 或 謂 比 鴈 使 羽 天 不 我 使 集

沔水

則是規正宣王之過失爾。今考詩文及箋、論曰:《序》言「《沔水》,規宣王也」,

傳,乃 本意爾 事 了 不 是 及 刺 宣 諸 王 侯 也 驕 恣 蓋 不 箋、 · 朝 及 傳 妄 未 相 得 侵 詩 伐 之 等

言諸 德親 侯未洽 忘」者,謂諸 之,則皆親附矣。 謂人人皆知親親之恩,又規王若以恩德懷 侯,雖不念王室之亂,然誰非父母所 懷來之也。「嗟我兄弟,邦人諸友。 其或來或不來不可常,又規王宜常以恩德 諸侯,如海 行而不安,居不可弭忘者,又規王以 念亂,誰無父母」者,言此同 止」者,言諸侯之來者,如隼之或飛或止, 「念彼不蹟 侯 諸 本 義 侯。 朝王,如 王之恩 曰 ず載 納 侯 云「沔 : 衆水也。 起 不 德,故詩 水朝 宣 し載行。 循 王. 彼 法度者,王念之載 念亂者,厲王之亂 中 海,以 流 「鴥彼 興 水,朝宗于海」者, 心之憂矣,不可 於 規 此規王當 戒宣 厲 姓、異姓 飛 隼,載 王 一之後, 王, 生? 不 之諸 容納 起 飛 以 也 弭 載 恩 諸

我 諸 懷 若親 侯 來 之 有 友 能 也 而 循 敬禮之,則讒言其能興乎? 法度者,無使讒人害之,故 「鴥彼 飛 隼 率彼 中 陵」者,  $\Box$ 

#### 黄皂

然其 蓋 功,故能 之亂,内修 天下室家離 詩,考文求義,近是矣。其曰「宣王之末, 撫 不 不 ,凡二十篇,其興衰撥 能 諸 論 有箴、 侯,其 曰: 無過也 無 刺 恢復 之事。 過, 政事,外攘 散」者, 《序》言「《黄鳥 境 言有 有規、有誨、有 功 土,安集 德之大,蓋 毛、鄭以爲室家 書》 過 則非 稱成湯 而 夷 能 人民, 亂 也。 狄,征伐 改 symp中興之盛 南征 刺者,蓋 改過不吝者, 爾 宣王承 刺 内用賢 宣 北伐,則 宣王之 . 所 相 王,而 去之 向 厲 臣 有 Ŧ

是也; 燎》 《六月》、《采芑》、 吉 能 《崧高》、《韓奕》是也; 《烝民》是也; 皆修,則《車攻》、《鴻鴈》、《斯干》、《無 恢復文武之業,萬 是所刺者,一邦之事爾,非 有大功者,不能無 行其野》四篇皆曰「刺」者,所謂 鳴》曰「誨」、《祈父》、《白駒》、《黄鳥》、《我 矣,然《庭燎》曰「箴」,《沔水》 漢》是也。 云「此邦之人,不可與處」,則他 一人爾。 祈父爾。 無過 甫、仲山 是 也; 也。 慎微接 荒歳 其爲功德盛矣,其 甫之徒多矣。 其所任賢臣,如方叔、召虎、尹 其 遇災而懼, 多 有遺 下,任賢使能,則《吉日》、 親 淫昏,亦 小失 紅江 民安集 禮諸 **賢**,乘 漢》、 也。 側 侯,賞 夙 白 其 不 舉天 國富· 身修 《常武》 興勤政,則《 如《黄 歳 駒 用 所 日 歳 人之失者, 功褒德, 而 下皆然也。 邦 人 德, 稱 「規」,《 雖聖人不 皆 鳥 衆, 口 去者,亦 是 美者衆 處矣, 則 廢 也 鶴 庭 刺 雲 則 職

終爲昏亂之王矣,異乎聖人録詩之意也。下室家離散」,如此,則宣王者,有始無卒,不能用賢」,於《黄鳥》又云「宣王之末,天滅爾。而毛、鄭於《白駒》注云「宣王之末,我識爾。而毛、鄭於《白駒》注云「宣王之末,以爲勸戒也。

詩本義卷第六

# 詩本義卷第七

Ŧ

陽

斯

解,至 謂 其 復 茂矣」者,喻 意散離,前後 他 如竹 (本旨,害於大義, 詩 差其章句,章句之學,儒家小之,然若 秩 多不 Щ 論 有 苞矣」者,喻時 秩 日 者,喻國富饒,民 斯干」者,喻宣王之德流 一章之内,每 同 民佼好。 錯亂, 毛於《斯 鄭箋 不 而 則不可以不正 人民 詳詩之首 干》,詰 句别爲一説, 又以「兄及弟矣」已 失詩之旨歸 取 之殷衆 足 訓 如取 卒 而 出 矣。 也。 隨 於 是 如如 Ш 以 文 然 松 出出 鄭 乖 又 文 爲 與

後,謂 知之。 以 跂 云似 言「我 且 不 此 又 升 方 前後錯亂者也。 又復言 E 可 以 而 戒 如 相 爲 鄭訓 簟 爲 其 鄭 祭祀爾。 發 句 + 章爲廟者, 章,皆是述造屋之事,而 「如跂 似續姜嫄先 續妣祖 其次句則已 祭祀 寢 説 明, 章。 臣 下 謂 釋皆是矣,然不言其旨歸 而 都 則 民,兄弟 文 乃可推 時 下四章, 乎? 且詩、 斯 理推之, 一章都無考室之義。 無 至如《七月》云「 翼 骨 鄭 倫 且「約之閣閣」一 之比 止用「君子攸 祖 無 肉 以此 據。 便 次。 )别言築寢 一章爲 直述 相 」,初無義理。 相詬病,下章承 謂 何以見詩人之意? 興,必 愛好 知其 今若獨 此 是 占夢 所 成 成 繆 謂 廟,不 廟 須 矣,又隔 無 )躋\_\_ 躋彼公堂」, 生子 其下 也。 鄭 文意散 上 用一句, 相 輒 下 章 詬 且宣 . 知 且 則何 自了下 句, 别 與 之, 成 病 何 詩 章 如 章 關 如 以 王 而

考室之辭也。 毛、鄭所以不得詩之本義者,由不 也 則直 有所 惟爲 其肘」,迂矣 近 慮 之,「有常」近是矣。 考室之義 於他詩皆訓 行」,於《假樂》則 爲「大」,於義是也。 幠 「棘」爲「急」,而毛於此詩爲「稜 斯革」云「夏暑希革張其翼」者,迂之甚 爲 而 而謀爾。 謂 .簡難曉,鄭訓爲「戟」,謂「如挾弓矢戟 革,變也,謂 慮而 圖 「清」,莫知 改字,先儒已知其非矣。毛訓「芋」 廉隅繩直如 」、「謀」近是。謀者,事疑未决, 言也,蓋言兄弟相親 也 爲 鄭又改「猶」爲「瘉」,改「芋」爲 ? 古人成室而落之,必有 「圖」,爲「謀」,又或爲「尚」, 義當爲急,矢行緩則枉 孰 爲 毛 如鳥驚變而 是。 訓「 「有常」,鄭 矢行也。 毛訓「猶」爲「道」, 毛、鄭於他詩皆 秩 今以「斯 悚顧 於他 於 鄭 好,無相 廉」,意 此 干」義 又謂 以 世 詩 爲 〉詩 如 頗 訓 疑 别 急 心 流

> 明矣。 《斯干》爲考室之辭,則 頌、禱 云宫廟 祝 且《序》但言考室,而詩本無 「謂之善頌、 ,亦衍説也 如 歌 善 於斯 . 禱 」者是矣。 一篇之義簡易 哭於斯, 聚 而 或 通 知 族

常安榮而壽考,如松竹之在 詩人 Щ 親 宣 祖 西 相 謂頌禱之辭 其間,四 也,有常處而不遷壞者也,竹也松也,生於 考室之辭。 先之 南 居 王 好矣,無相猶矣。 其户。爰居爰處,爰笑爰語」云者, 以成室不遷壞 處、笑語於其中,亦「 與宗族兄弟相親 如竹苞矣,如松茂矣」云者, 本義 曰: 世不殞墜,得保有此 時常茂盛 也。其二章曰「兄及弟矣,式 其首章曰「 宣王既成宫寢,詩 不 如山澗,而人居 似續妣祖、築室百堵、 凋落,草木之壽者也 好,無疑 秩 聚國 秋斯 山澗也。 官寢 族 間 干,幽 於斯」之 以 以以 澗 此室, 作 共 也 承 所 Ш 南 爲

類 約之、椓之,施功力以成此室,以 世 而 庭 如 而 也,其四隅如矢行而直 又言宫寢之制度,其嚴正 去鳥鼠,然由君子增大而新之也。 生子之事者,謂安此 安寧也。 革也,其軒 ,謂上所言兄及弟也。 ,亦禱頌之辭也。 爲王,女則宜人之家室,而不貽父母之 平直,其楹植立,晝夜寬明,宜君子 此,宜君子升而居之也。 也 笑 語 其六章已下至于卒章,盛 非 翔如暈之飛也,謂此室 人 之所 也 寢而生男女,男 其三章乃 如人跂 獨 其五章又 其竦起 爲 必 而 蔽 有 如 其 翼 風 陳占 言 之 鳥 四 居 翼 共 雨 工 則 之 其 美 章 驚 敬 而

#### 無羊

論曰:《無羊》之義,簡而易明,然毛

文 ? 《鴟鴞》曰「余未有室家」,則鳥獸以所居爲 遂附益之,以爲庶人無故不殺 人本爲考牧,不應汎言獻夢。 詩「衆維魚矣」,但言魚多爾, 何從而知此「爾」宣王,而彼「爾」牧人邪 人,豈特於無羊、無牛爲 皆失之矣。 既不關考牧事,因謂占夢之官獻夢於王。 養之祥,「室家溱溱」,爲人之子孫 年」,●謂人衆 不 室家矣。牛羊牢闌,亦其室家 「以雌以雄」,鄭爲牧人搏 爾 以 解 爲斥宣王,又謂「衆維 及人之子孫衆多,皆不關 爲 以 養。 雌 此爲 以 且一篇之中,所「爾」者皆是牧 相與捕魚,是歲 雄 \_**,** 繆説,不 使 學 者 「爾」宣王? 禽獸,迂矣。 何 待 魚矣,實 熟,庶人相 所 也。 何 論 而 雞豚,惟捕 從 牧事。 有 爲鄭學者 而 ? 捕魚之 衆多。 口 鄭 維 鄭 知。 亦 據 以

❶ 「實維」,原作「維此」,據通志堂本改

乎? 者,見 薪蒸, 以 野草茂而 最多,故夢魚者占爲豐年。 雌 溱」,謂牛羊 事,呼牧人 以雄」者,謂牛羊在野,牧人有餘 本義 其數若此之多也。」其曰「以薪以蒸, 人畜各遂其樂也。 而牛羊 而 牧 畜 曰 人 牧 而告之日 所 以 蕃息衆多也。 飽 掌,牛羊 時 宣 此此 Ŧ. 合其牝牡。 一既修 牧人之樂也。 ⊥: 「, 蕃 厲 魚之爲物, 息。 誰 王 歳 謂 一之廢 詩人 無水旱,則 所以云 爾 無 「室家 因 力於 生 4 白 此 子 羊 美 職

### 節南山

失也。 政 父作 敗 誦」之言,遂以爲 亂 論 考詩之言, 日 號 天仰訴,斥責其 作 極 序》者, 陳幽 此詩家 王 見其 君 任 父 臣 大 卒章 所 師, 作 無 '', 此 所 致 其 王

> 避。 陳 恐 憚,直指其惡而自尊其言,雖施於賢王, 者,果何 乃 何人也。説者遂謂 歲矣,然則幽王之時,所謂家父者,不 車,距幽王卒之年至 父,按《春秋》桓十五 乖,此不近人情之甚者。 究窮王之致亂之由,與 戲談,豈有作詩之人,極斥 知,其言不如是 本,欲使王 曰父子皆字家父。 求車之家父爾,至平王 其亂亡之狀,而 不可,况於幽 卒乃 人 自 哉哉 心 言作 化 ? 也。 王昏亂之主? 其言以 此 至於君 自道其名字,又 此尤 幽王之時有兩家父, 詩 年,天王使家 桓王卒之年,七 詩言民畏其上,不 以 示 遷善。 又自 爲 窮 臣 時始作 敢戲 其 極 曲 之際,無 (君臣 稱其 王 説 使家 談 然 之 也。 詩 過惡 (顯言 之 則 父 字 致 也 父 來 義 家 亂 知 所 E 求 頓 我 敢 有 Ŧi. 極

❶ 「飽」,通志堂本作「肥」。

之,非 若 刺者 多矣 謂誦 亦 句 鄭 得之,而 也,家父爲作詩者所述爾。今《序》 孟子」自著其名,而《崧高》、《烝民》所 者,亦不通也。 古人之不爲也。 説之乖繆 言而已。 「吉甫作誦」者,皆非吉甫自作之詩。 誦」爲「詩」也。詩云「誦言如 注以「 [追刺前王,則改過無及,而追暴其惡,此 不 「至」,鄭 者,豈 通 毛、鄭 然則 不免 其 豈 追 憯 也 莫懲 刺 又轉 一 安 ? 改 在 得 之過也。 小失。所謂 過 前 作《節南山》詩者,不知 且 失 以 按《詩》三百五篇,惟 王之惡 `解「至」爲「善」,皆失之。 」爲一句,「嗟」 故言平王時作詩刺 於 追 不不 爲 非 以 思 詩 ·欲暴 前 家 毛、鄭於 乎? ,則未之有 昊天」, 父 王之美以 君惡於後世 作 憯莫懲 訓 此 醉」,蓋 詁未 詩 字 此 毛 (刺今) 訓 詩 獨 嗟 也。 遂 夫 嘗 既 爲 寺 幽 何 誦 至 如 失 以 所 謂 王. 前 人

> 命。 詩 騁」,本是一章, 不 牡 人之本意也 自 不惟 自 爲 四 牡 其 怪 項領。 妄, 非 ", 又 且 而 意 (言天 詩 鄭注分爲兩義,蓋 爲 我 意 民 瞻 本 不 怪 四 無 出 天 方,蹙 啚 不 至於「 書,有 自 出 政 靡 所 駕 所

自爲 此下 者爾 所 作 四 在 莫懲嗟」者,謂民無善言,而莫有懲艾嗟 鄭皆得之,其十章之所失者五。 爲治不平, 牡 位 詩 者言 項領。 昏 ,致百姓於憂勞也。 政」者,責幽 民,而使王政害民 。二曰「不弔昊天」者,言昊天不弔 本義 五曰「家父作誦」云者,作《節南 亂 三 三 : 諸 我駕 致王 我瞻四方,蹙蹙 侯 此 大師 交争,一 政 王不自爲政,而 大領之 亂,民被 尹氏, 而 如此也。 四 四 四 其害。 爲 方 牡 靡 日 下 皆無 · , 四 「駕彼 所騁」云者 民 使此 三日 顧 大義 所 日 可 山》詩 天下, 四 瞻 尹氏 之 哀 関 憯 而

也。詩之本意如此爾。 以究王之失,庶幾王心化善,而能畜萬邦其害矣,其卒章則曰有家父者,常有誦言,者,既已具陳幽王任用大師之失,致民被

#### 正 月

《正月》者,乃大夫教其民叛上之詩也。 謂「父母」爲「文武」,鄭謂「彼有旨酒」爲 惟其爲大害者,如毛、鄭解「瞻烏」之意 之説繁衍迂闊,而俾文義散斷,前 今推著詩之本義,則二家之失不 句,其辭固已多矣,然皆有次序。 尹氏大師」,皆詩無明文,二家妄意而言 也 鄭又謂 論 蓋 車載 以 覆 Œ 車 二章「以商事 月》之詩十三章, 喻覆國 爾,不必商 喻治國」者, 後錯 論 而毛、鄭 九 可 + 則 知。 四

> 之戒。 之意 情之 擇明 丁其 車 誨 非 子仕亂邦,非 林木、屋非 益 悔 極 心,不救王惡,而教民 詩之意矣。 之日 也。 取其暴揚主過也,以其君 陳怨刺之言,以揚君之惡,孔子録之者, ,豈詩人之意 也 可入,而其臣 君 所 時 不然,謂 写寧 爾 苦,而指切其惡,尚冀其 詩 至其不改悔 如毛、鄭「瞻烏」之説,異乎孔子 而歸之。是爲大夫者,無忠國之 日 烏所止 貽 鄭謂 「不自我先,不自 所宜處, 烏 患 哉哉? 擇 下猶有愛上之忠,極 於父祖子孫,以 「苟欲免身」,而後學者因 也,止 富 而敗亡,則録 人之屋 烏,巢鳥也,當止 而將 叛也。 屋則 及 心難革,非 而 禍 近 幽、厲之詩, 我後」, 禍 集,譬民 也。 警懼 以 苟自免」 以譬 爲 謂 後 盡 而 規 鄭 君 於 下

傷。民之訛言,亦孔之將」云者,降霜非本義曰: 其一章云「正月繁霜,我心

六六

我,胡 言自 言己 甚 自我 者,言父母 而 心京京。 時 所以然者,見時人民 乃遭罹憂患如此,蓋適丁其時爾。 於刑罰,所以懼 誰之屋」云者,大夫懼禍, 而我爲之憂,是以 云者,刺王但見人言從口出,而 念我無禄」者,念,思 憂心惸惸,念我 君 於繁霜之害 獨 哀我人斯,于何從禄? '先後者'直歎己適 臣 口,莠言自口。 俾我 % 爲 不 可 哀我 知憂 王 生育我,猶不欲使我 憂 瘉 憂 ? 小心, 癙 物 懼也。 爾,以見幽王之朝 而 而思去也。 《無禄。 不自 也 民 見 之訛 憂心愈愈,是以 無 侮慢也。 我先,不自我後」云 其二章云「父母 也,思 又 憂以痒」云 遭之爾。 辜,并其 民之無辜,并其臣 言 曰「念我 思 既自爲 以 毋 瞻烏爰 去其 有 害 食 不分善惡, 其三章 臣 疾病, 1者,大 其 多 於 又曰「好 獨 僕濫 其 曰 及止,于 有侮\_ 禄 位 小人 或 也。 也。 牛 日 不 夫 及 而

知 又曰「 岡 蒸者 知 卑,不能 國之民 克 林,侯薪 非 之訛言,寧莫之懲」云者,言 也。其五章曰「謂 害,彼皇皇上帝,果憎 定 而 又 云者,道民 言 意 有定,靡人弗 ,其能知我夢之吉凶乎? 陵,亦能 仰 所 哀 1,瞻彼 則 「召彼 .瞻,天 安, 之人,其 他 雌 不見禍罰,而 人之居 阻險,以 何 侯 而 雄」者,意 故 )則 中林 怨訴於天之辭也。 將及 使人 人 蒸 老,訊之占夢。 不 夢 可 禄 則往 勝。 夢 禍 可 民 傾覆,言 忽 致 位 禍罰 然 今方 也。 山蓋卑,爲 何 爲 者 謂 有皇上帝,伊 覆。 而 無 誰 使 得所欲,今民 烏之雌雄,尚 殆 其 之? 無所 乎? 危 如 害 不 四 烏 此 殆之民反 而 可 視天夢 具 章 止 山至卑,止 人 然此 此驕昏之主 莫之懲乎 忽也。 云人之乏薪 岡 此怨訴 曰 於 曰 勿 若天 爲 誰 予聖, 陵。 謂 訛 方 夢。 瞻彼 云僧」 被 能 之言 言 然 Щ 危 其 翼 既 爲 有 中

者,大夫 則 菀 訛 如 倫 常畏懼王之恩私 然 譬 殃,地有 不懲,因 胡爲虺蜴」云者, 不 雄 首 侮 如不 理,而 其 蹐 言之小 虺 不 猶 戒王之意,六章又戒小人而 「謂天蓋高,不敢不局。 不 尾 慢老臣之辭 特。 場見 謂 異 口 毛 不 天 維號斯言 色 八自傷 良 又戒其 ·我得。 時 人也。 人輒走。 局 天之抓我,如 高 爾 が所 而 去人雖遠, 同 蹐 獨 訛 致 難 也。 言之人,聞我正言則走 而 立 執 而 小人日 淪 别, 難恃 其七章 大夫既戒王 一於昏 畏懼 别之, 陷。 我 有倫有脊。 然大夫所哀之 凡禽鳥之雌 故引以爲言。 仇仇,亦不 也。 者,天 ,汝無恃王不懲汝, 朝之辭 言天地 謂 烏之首尾 不 Ė 地 謂地蓋 我 我之斯言甚 瞻彼 厚託足雖安, 克。 有 無忽訛言 也。 猶如 不 哀今之人, 雄 時 我 見 厚,不 毛色, 阪 人,蓋 其六 彼 五章 而 力 此 田, 求 降 以 避, 我 宜 福 而 敢 音 既 云 有 有 其 雌

非也。 矣,如 力,而 也。 彼有 勢傾 立者 姒 之方揚,寧或滅之。 昔言「兩 自 之憂,然猶 古言謂「耦」爲「仇」,其複言「仇仇」者, 而 云者,言我心之憂如 天之机 我 猶 傷 所 鄭箋是矣。 正、政,古用字多 「, 乃 欲 獨 滅 或 口 危 或 知 又言火燎于原,其勢盛,若不 列 7,天之扤 立 也 有 求 兩」,今言「雙雙」也。 我」者,君子居危,推其命於天也 菀 其 結 而 撲 我 然而 欲 之。 無 耦居者,又不出力助我也。 相 無 作 滅之者,周 救 如之何,故於下章遂 助。 詩時,周 則傚者,又不與 詩上七章皆述王信 茂 之也。其 我,惟恐不 今兹之正 盛 云瞻 赫赫宗周,褒姒威之 一,今我 結, 通, 實 雖 彼 而國 未 赫 而 ,胡然厲矣。 八章曰「心之 阪 獨 傾折 滅 然 毛 大夫 立 田之苗 之政何 而 訓爲「長」, 我相遭, 於昏 而 也。 訛 既 必 及亡 云 可 朝 言 滅 爲 其 傷 有 惡 憂 亂 褒 燎 國 獨 猶 特 而 乙

其 炤。 棄其 政 也 水,魚所樂也, 憂國之將亡,又自傷 也 則宜其覆矣。此又 此,猶恐覆敗,而今乃履絶險而不以爲意 又顧其僕,使不覆所載者,謂 或 「魚在于沼,亦匪克樂。 所謂 ,故先言陰雨者,謂 以 九 匪 而 章 樂。 以 憂心慘慘,念國之爲虐」云者,大夫既 輔,則必覆 車 致 其十章又戒其無棄 爲 此 日 比 棄 昏 始言 猶欲 虐」者,意 | | | | | | | | | | | 身 雖 其 惑, 潛 仕 輔 滅 推 救之之辭 藏 而 圖 而 爾。 永 周 其 隱伏, 池 邦 覆 池謂 主 懷、又窘陰 禍 偷王不 沼 其 既覆 於褒姒者, 國君爲 車遭 亂 無 將及 近 載, 潛雖伏矣,亦孔之 而 之本, 也。 所 爾輔, 人,常易得 以 而 喻 雨 洮 知 於禍之辭也。 虐政,而 近 求 水 其 王 戒 禍 駕 雨」云者, 助, 人,終被 而 泥 + 慎 將 也。 車者當 謂 益其 歸 沙濘,而 傾 以覆 則 王 禍 覆 溺 章 其 世 及 如 其 謂 女 國 又

> 哀彼衆· 於亂 且 可 亂 之,國君既 者,言彼佌 無禄 其鄰里親 有屋、穀 憂心慇慇」云者,大夫既自傷將及禍 可哀此惸獨而 深肴。● 之急辭也,故以爲卒章。 奈何矣,反告富 Ė ,述危亡,戒其君及其民,備矣。 ,天夭是椓。 邦 佌 人 也。 治比 佌 以 不知危亡 戚 不能 生, 佌之小 彼 爲樂者,而 其十二 其 有屋, 蔌蔌 卹之也。 (鄰,昏 卹 而 今民 ,人,蔌蔌之貧陋 哿矣富人,哀此惸 矣,彼富人之有餘者, 人以哀惸獨 可 章 憂,而 姻 Ė 我獨 無禄食,天 孔 大夫憂國 「彼有 方 云 有 憂 猶 也。 有 旨 念我 此 以 [者,陳 者, 酒 八又夭 窘 知 民 其 酒 獨 獨 今之 其 初 又 而 有 無 害 禍 尚 云 又

<sup>「</sup>肴」,通志堂本作「殽」。

# 十月 雨無正 小旻 小宛

年,安 子以 刺 旻》、《小宛》,正其失而從其是者,於「浩浩 不慎 公友爲周司 王者,以「番維 四詩者,毛氏皆以 昊天」,置之而不 焉者,慎之至 司 年,至 (之惑,君子辨之,而 厲 褒姒 徒,安 后 也。 王 論 知無 前 寵 日 其 故至於有所疑 亂 後世 知 而 八 番 徒,而非番也。 政知之也,其言幽 鄭 君子之所以貴 其 爲 也。 年,始以 司徒」、「豔 「慈焉。 謂 爲 司 敢辨者,闕其所 褒姒非王后,不得稱 厲 徒 爲刺幽王, 吾於《十 Ŧ 也 世 鄭謂《十月》爲 友爲司徒, 司 ? ,則雖聖人猶 取 妻煽方處」及 徒 信馬 就使番 按幽王 月之交》、《 於衆 也? 鄭氏皆以 王 是不 疑也。 時, 人者, 其 在 毛 不 以 前 位 鄭 刺 或 可 + 厲 爲 小 栢 此 闕

末。 其 爾,而鄭氏乃以 致 匿召 王出 載 義 臆 知,而七子者安知 詩 至于豔妻,此 見,鄭氏何從 使衛巫監謗,得謗者 妻,亦安知豔 遂 用事,以致流亡,則不 公等諫,又云「暴虐侈傲」而 以 ,施於厲、幽皆可 及於禍 説之繆妄者也。 無后黨之文, 亂亡,不應前 属王之事,惟云好專利,任 前世諸 豔 公家,而不言王后 奔于彘十四年,《本紀》惟 妻自 也 書 亦 是厲王之后。 而 妻爲 八人者,皆是用 皆無 七子者皆是后 知之? 而豔妻姓氏本末尚皆不 世都没 厲 皆爲后 之。 厲、幽皆昏 而殺之,拒芮良夫、召 雖 王后 小 得 鄭氏 據詩 宛》之詩,據文求 使厲 所在及其 而 略 黨? 也? 不 就 Ë 而不 亦 列皇父、 用 見。 王 使 之親 事亂政之人 言 不能爲説, 亂之王也, 是三者皆 榮夷公, 若使豔 由 褒 太子 載 按《史記 黨。 既 豔 姓 也。 姒 氏 静 卿 無 妻 不 稱 口 所 以 始 厲

也? 疑者, 以 以 《十月之交》從毛 畏恐懼之言,似是一人之作。 刺 云 推 爲必然之論,此不 近,後二百年而 而 相告曰: 施於厲、 正月》不云「大夫刺」乎,安得 厲 四 見 理爲 邑人 不 相語曰: 詩 非 然,又 王 不捨鄭 又云《小旻》、《小宛》,其 人情也。毛氏當漢初興,去《詩》 何 得, 之言爲 ,則《小旻》、《小宛》從 之《序》 刺 也 幽皆可, 厲 「火起某坊。」 以 從 ? 「火在某坊。」則誰 也 而 之 似 皆言 曰 : 非, 從 鄭氏出,使 是 可 爲 而 足毛也。 而 矣。 之 大 爲 待攻而 而 刺幽 子亦從毛爲 邑 疑 夫 鄭 郊野 一中失 若其 爲 刺 學 郊野道路之 可矣,《 或者 者强 必 其 既 道路之言爲 可 火, 然 説 説 破 卒 口 夫 獨 以 又曰, 附 之 無 有 從乎? 邑人 旻》、 章皆 刺 也 以 知。 爲 論  $\widehat{+}$ 據 益 可 幽 似 刺 月》 之, 據 走 《宛 然 人 則 m 或問 是 有 出 而 則 吾 猶 是 望 而 而 怖 則 乃 推 不 而

政,十 詩之意 事。 况 篇名往 不 王 政久矣,安有 夫、諸侯不肯 言天降饑 七章,都 言衆多如 雨 雨 下 疑 詩六章如毛、鄭 ,則吾從之矣,其曰《雨 王于外,及在位之人不能 無正」之名,據《序》曰「雨自上下者也, 無 自二章 教令,繁多 且 而 四 使 TF. 王 往 闕。 ,如《巷 年而 毛 無 **>** 饉於 既 雨 無 亦 於 此 出 而 義 古之人於詩,多不 而 詩 可 從 王 教 義,與《序》絶 例。 奔,宣王未立 四 非 伯 10(序》 下,皆言王 以 如 卒崩于外, 王 令所 國及 政 》、《常武》之類是 從 出 雨,而 箋、傳, 其或有 也,此 但 毛 居, 下如 無 云「浩浩 矣, 罪之人,淪 而 非 無正》,則吾不 一流于 述 命名者,則必 悉 雨 異。 何 無 是 īF. 聽 周、召 篇 是 之 厲 疑 爾 人 命題 昊天」 中所 彘 其 第 刺 多 夙 王 而 而 己 周 者 不 陷 今考 夜 也 闕 不 篇 刺, · 復 後之 畏 公攝 朝 之 乎 非 刺 焉 爲 厲 辜 章 述 得 ? 出 而

所疑 可 傳之失,不可以不論正其本義。 箋、傳之説,皆得詩人之意。惟《小宛》箋、 及七子、豔妻之失,吾既已詳之矣,其餘 知 等事爾 焉。 也。 然則 《十月》、《小旻》,鄭氏 獨不知何爲而列於此,是以 ,殊無一言及於教令自上而 無 正」不爲「昊天」之《序》, 差其 下之 時 闕 其

人」又爲文武,不應重複其言而無他義也。而作詩以刺王者亦非一人,故各陳其事而刺之,不必篇篇编舉其惡也。《小宛》時也。而毛解「鳴鳩」、「戾天」,謂「行小人之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之之道」,●不可「責高明之功」,正與詩人之為相反。又謂「先人」爲「文武」,亦疎矣。

理。 邁 鄭以螟蛉之子比萬民,亦疎矣。 田之什・桑扈》詩以交交爲飛往來 出卜,皆繆論 而問謂之ト。 一、月征 交交者,參雜相亂之謂也。 爲視朝、視朔、及謂岸獄 也。 毛以交交爲小貌,亦初 卜者,决疑之謂也,有疑 中人 鄭於《甫 至 持 以 日

是也。

日之樂,謂王也,因戒之,使無耽此樂,宜 王,云人誰不飲酒,一人則齋肅通明,雖 其曰「有懷二人」者,以下章所陳二人刺 先王之業,故曰「念昔先人」,謂思宣王也。 王不自勉强奮起,曾飛鳩之不如,以墜其 者,謂此鳩雖小鳥,亦有高飛及天之志,而 先王之業。其曰「宛彼鳴 而温克,一人則昏然無知,但以 本義 曰: 大夫刺 幽 鳩,翰飛戾天」云 王 敗政,不能 沉醉苟一 飲

「之」,原脱,據通志堂本補。

七

其身, 勉之。 問 敬 訟,而入於岸獄。云「宜」者,謂 其 不然也。 國人失其常業,而至於窮 以 章,則言小人、君子所苦,以見舉國之人, 速自改悔。 矣,王何獨不 不得也,世有善道,凡人皆 不 今皆失所也。 王。云「所生」者,亦謂宣王 時,王亦宜夙夜汲汲勉厲,庶無忝辱 而 人云: 食,則相與群飛,雜 知稼穡之艱 形而爲蜾 爲善,譬如螟蛉之子,教誨 命之無常也。 '不少休息,今日月之行甚速,不 云 中 王又愚暗,不 「此粟自何 云譬如脊令,且飛且鳴, 嬴子也。 原 爲也。 謂彼桑扈食肉之鳥,今無 、難,猶 有菽 既以 今世 又言人性雖惡 庶 既勸勉之,則又告 亂 而 曉民事, 民 此 能 循 部 皆 寡,乃相 得 塲 可爲,爲 語警之, 愚人云「 成 可 之,則可 而 也。 採, 穀 争粟,有 至 其 ? 乃 勢 其下二 與 則 往 則 於 謂 握 爲 不 使 得 者 又 可 自 可 肉 失 其 其 如 勤 變 變

> 於朝者如集 不分」是 冰,常憂殞陷 也 于木, 王 也 既 危懼 驕 昏 而 如 不安, 此, 則 又如臨 其君 子立

詩本義卷第七

履

# 詩本義卷第八

又以「

寢

廟」、「大猷

」、「他人有心」

與

毚

歐陽

氏

巧

母且 無法 言王即位,且爲民父母,其後乃刑殺無罪。 可通,若云亂 位之臣,則與《序》 王信讒之詩。 「大」,鄭訓爲「傲」,據詩言亂如此大,則義 1父母 度,二 學者附益以增鄭過,就令只依鄭 」,且,當爲語助,鄭音「苟且」之「且」, 論 日 且」「苟且」之「且」。 章 據《 如此傲,豈成文理? 以下所斥君子,又皆 而 鄭於首章,解 巧 文異矣。毛訓「幠」 言 • 亦豈成文 序》,是 爲 刺 大 理 夫 以 王 「日父 ? 刺 傲 爲 在 慢

> 所據也。 説不通也。「委委」、「蛇蛇」,古人常語, 無旨歸。 舒遲安閑之貌,毛訓爲「淺意」,不知其 犬之能擬聖人之能,不惟 兔」共爲一章,言四 蓋由誤分章句,失詩本義,故其 事各有 四 所能。 事 不 ·類,又 乃以 何 殊 乃 田

先自 實謹慎不敢有罪辜也。此首章之義,大夫 我遭此大亂之世,我畏天之威已太甚矣, 然規爲 忖度之」云者,寢也,廟也,衆工之所成也, 致亂之事。 曰,悠悠昊天,爲我父母,我無罪辜,而 夫傷己遭此亂 一之事 訴也。 秩秩大猷,聖人莫之。他人有心,予 本義 曰: 也。 制度,本於君子,是君子者皆知衆 '其二章、三章,遂述幽王信 其四章曰「奕奕寢 先王之大道,聖人之所謨也。 世,而 幽 王信惑讒言以敗政, 被讒 毁,乃呼天而 廟,君子作 使 訴 大

意 云者, 心,則不待 人自謂也。 王獨不能, 善之人,王宜愛護,使得樹立,勿縱讒 在染柔木,君子樹之」云者,以柔木比 之大道, 謂 聰 以狡 明 之人,下 無所不知。 兔比 聰 而 其五章「躍躍毚兔,遇犬獲之」 爲 明者,雖予亦能之。 讒邪所惑也。 狡惡之人, 王所當誅 通 小 而至於忖度 人之 茂賤 予,作詩之 事 , 常常 蓋 H 歎 邪 達 也。 傷 柔 幽 聖

## 何人斯

名乎? 世俗 其義,誠爲 臆説矣。鄭於《何人斯》,爲蘇公之刺 得 則 篇之語無及暴公者,此所以不通也。 則不遠矣。 之,何假迂 言「維暴之云」者,是直斥暴公,指 斥其同侣之姓名,故曰何人斯。 也,不欲直刺之,但刺其同行之侣,又 文
簡
。 輒至 人 也,必因其言,據其文以爲説,捨此 於 不同,故 論曰 其所,於《詩》屢見之,以前後之意 誉 其五章、六章義 然求其義者,務推其意理。 生之具,尤 難 口 但 古詩之體, 見也。 其語言 以刺其同 鄭 以「何人」爲「同侣」,則終 今以 ·亦異。 所 顧 侣,而又不斥其 尤 意深則言緩, 惜者,常不欲 下章之意 重 所謂魚梁者 複 鄭 然 説 名 則 求之, 而 首 不 暴 及 則 理 不 他 得 姓 刺 章 欲 爲 其

簧,而

顔

不

慙

愧

使人易惑

而

難

辨

也

其

王 可

推

而

通

不

煩論著,

惟「君子」當爲斥

章

及

卒

章、箋、傳粗

得

其義,

學

言,出

口

而

無忌

憚,

又善悦

人聽,其美

如

笙

厚矣」云者,謂

讒

人能言,然徐

緩

敢

爲

大

曰

「蛇蛇碩言,出自口矣。

巧言如簧,顔

之

往來行路之言,焉足聽納於心也。

其六章

謂

害之也。「往來行言,心焉數之」云者,

於 邪? 乖 情 詩 詩 風 推 廢逐,而利我所有也。 斯》有之,此朋友乖離之詩也,於蘇公之被 譖,其語又然。 廢,又爲此言矣。「胡逝我梁」者,《 弁》,父子乖離之詩也,於太子宜臼之被 (取當時世俗所甚顧惜之物,戒人無幸我 ,則夫婦、父子恩義絶 言文義首卒參考,以求古人之意,於人 也,其棄妻之被逐者爲 之 一魚梁而 不遠,則得之矣。《谷風》、《小弁》之道 》、《小弁》皆有之。 「求之、《何人斯》之義見矣。 可知 蘇、暴二公事迹,前史不見,今直 也。 每以爲言者,假設之辭 。然則詩人之語,豈 詩 E 《谷風》,夫婦乖 \_ 蘇公之意 毋 逝 而家國 我 此言矣。 梁 喪。 亦 者 也。 然。 妄 何 何 ^ 獨 發

逝我梁」者,欲利我所有也。「不入我門」「其心孔艱」者,心傾險而不平易也。「胡本義曰:「彼何人斯」者,斥暴公也。

俱仕 脂 逝我梁,不入唁我? 者,與我 行,我亦不遑舍而 而 自南者, 歎己 所愧畏,不懼其來窺爾。其四章云 進而陰窺其家私矣。 其聲,不見其身。」●陳,堂塗也,蓋 而 譖,又今待我不如初, 爲譖我者,今爾何利我梁而 可」者,意謂借有二人相從,則我 從。其二章曰「二人從行,誰爲此禍? ,吾已從爾 中人,有似譖言爾。 不疑。其三章云: 王 聽 朝,相從 譖者 絶 也 也 適遭之也。 伊誰乎? 出 伊 言 從爾,爾所亟 入親好之意。 誰 或緩或急,有一于此 始者不如 而蘇公者,自 則爾爲譖 云 其下章則述與 胡逝我陳? 乃惟 從? 飄 不入弔 風 暴公之言是 取其 今,云 惟暴之云」 行,爾車既 我者 不 云爾所安 不 省 言 我 知 不我 内 其 之 果 미 我 又 聞 知 無

<sup>「</sup>身」,原誤作「人」,據通志堂本改

索,而 故 惟 相 恐相失也。 此,常使我心病之也。 藏,我安得不知汝之譖我乎? 害於人乎? 隱匿形迹,能使我不見不覺,如鬼蜮之 也、篪也、貫也。 其卒章則極 一,則 應 而 爾之從,云何 汝相好之歌 則惟當 致爾 和, 爾 我心安,還而 以 不我知。 面 如兄弟之吹塤、篪, 不入也。 與爾詛 目 其下章又言我與爾 我則不得而知汝。 與 ,以究極爾反側之心。 敢 我 告病。 其不信爾。 捨此三物,不足以 相 其或入或不,●有 不入我室,則 視,無 言我待爾之勤, 又云 窮 道其事,云汝 相 三物, 爾 極, 故我 聯 相 今汝 我 還 比 不 親 莫 而 可 乃 謂 喻 如 愛 知 塤 貫 此 而 何 我

#### 莪

風非取其寒,亦非詩意也。 民,非詩人之本意,以下文推之可見。 鄭氏之失,惟 病亡之時」,滯泥之甚矣。 孟 子之所患也。 論曰 以視「莪」爲「蒿」,以文害辭, (蓼莪))之義不多,毛傳特簡, 又以餅、罍比 其以「終養」爲 貧富之 飄

此

同類 其 勞矣,而我不得終養以報也。 之功也,思我之生也,父母 草木之微者,其茂盛 父母者,見彼蓼蓼然長大者,非莪即蒿, 日 也,此 本義 曰: 「鮮民之生」者,言不遂其生,不如死 述勞苦之民,自相哀之辭也。 周人苦於勞役,不 如此 者,由天地 養 育我者,亦劬 餅、罍,物之 ·得養 生 其

不」下,通志堂本有「入」字。

也 政害人,我獨罹之也。 暴急而 南 Ш 烈烈」,望 中人也。 之可 言王 畏 威 虐 也。 可畏, 飄 風 而 暴 發

#### 大東

幣等 病爾。 施 了 非詩人之本義也。 列 王之時,困於役重 下至卒章,喻王置官司而 不 位,而責周 ,主人所致之禮」,又以公子發幣於周 關 星 事? 何 論 役 日 詩 辰 亦何暇及於主人爲 重財竭之意。若但言督察官司, 名職至多,宜舉其大而 不可? 且謂王置官司 鄭 氏 無 又若必刺官司 以「有饛簋飱」爲「客 而財竭,大夫作詩 據《序》,本爲譚人遭 反幣,自「天漢有 無督察之實。 而無督察之實, 客致 飱,使還反 失職 要者,義 光 以 告 以 之 幽

> 與 句錯亂。然不繫詩義之得失,學者自求之 義類求之,當離者合之,當合者離之,使章 分章,則當有義類。今毛、鄭所分章次, 襄」以下 有光」屬「鞙鞙佩璲」爲一章,分「雖 義,故其 文,莫見王官之義。 止 於掩 王官相 兔、 (爲説 爲别章。 近 簸 汗漫 《揚、挹 方 可以 使詩不分章則已,若果 而 酒漿之類,又 爲 無指歸。 蓋鄭氏不得 善譬。 其以「天 今詩 詩 其 所 則 下 漢

王政 出涕者,傷今不然 大夫反顧昔時,譚人蓋嘗如 之君子履行此 得以自足者,由周道平直 飱,有捄棘匕」者,足於豐饒之辭 、村軸皆空,至於窮乏,以葛屨而 偏 本義曰: 而 賦 役重,無 道,使下民 《大東》之首章曰 也。 小 其二章遂言,今則 無大,皆取於東,使 而賦役均也。 視 此。 而 有所 所以潸然 也 有饛 履 賴 譚 也。 周 簋

可見矣。

數 周 木 之辭也。 其公子佻 濫 舟之賤,亦衣熊羆之裘,而 矣,故云可 可載刈,●若斯人者,勞苦而 明 於天之辭 周 百 有 又 有 苦 ,使其 言天 光 之 皆 用 官 牽牛,不能 雖 重歛 有 不材,而冗食矣,其横費如 也。 而 方 如 言雲漢 亦能下 此,王 禄食。 事侈富,潔 啓明、長 雖有織 力 謂 也。 佻 也。 言當飲漿者,今飲酒矣, 以休息之也。 疲 彼刈 然 一官無 爲 之光 監 而 其意言 奔 其六章以 其五章則 女, 我 庚,不能 心病也 我民乎? 走於周 薪者,爲水浸 駕 不能 其 以 者, 車 其 衣 1我民 謂 而 爲 服 職 行 助 下,皆述譚 刺 其四章則言 輸 天 來撫 其三章 我 以 日爲 其 困矣,天之雲漢 私家之人,皆 王 其 物 不 織 困 相誇,至於 多取 不言日月之 祗 能 勞之者, 弊 而 此, 書 而 其 役往 腐壞, 下 者 成 佩 於 則將 俾 七 X 所 一, 告 監 我 章 仰 下 東 來 以 玉 也 V 之 備 操 訴 致 而 死 尚 病 頫 而 X

> 擇之。 辭也 其 不 斗 天又不可得 於供億,其取資於地者皆已竭 -,不能 柄,反若有 可用而已,箕張其舌,反若 又言雖 有 其餘 天畢, 爲我挹酌酒漿。 有箕,不能 也。 訓 所挹取 解, 不 其卒 能 則毛、鄭多得,學者當 於東也。 爲 ·章則又言,箕斗 我 我 其意言我 掩 簸揚 捕 有所噬,斗 是皆怨 鳥 矣, 糠 潤 粃 欲 譚 訴 取 非 雖 其 於 困 西 徒

#### 四月

夫斥 失皆 不足 其 論 先 日 論 祖 一<del>,</del>此 惟 毛、鄭 以 失之大者 先 於《四月》之義, 祖 匪 人」爲作 也 且 大 詩 夫 之大

「刈」,通志堂本同,疑爲衍文。

朝宗 其 惟 僭 且 情 安 凡 之仕者世禄,故詩 通 奪」之「予」,鄭以「予」爲「我」,是以其説 文無之,此 國之紀」,直謂江、漢紀率南國之衆 鄭之所失,於此尤多。詩曰「滔滔 此,不可垂訓,聖人删詩,必棄而 大 事 人夫不 知後 自 其才也。 也。《書》曰:「官不必備,惟其人。」 詩人本患下國之構禍,豈可反 不及之事,詩人之意决不如此。 爲 叛之君以爲 祖 于海爾,而鄭氏 人 罪 刺 幸而 世 、之先 以來,任非其才爾。 其 继 所 先 干 亦其失之大者。 詩所 遭者 遭亂世,反深責其先祖 祖者、積善流慶於子孫 祖 任 美? 用 謂 亂君歟,治君歟 小人, 推 匪 於理豈然? 刺在位貪殘之臣, 於人 人者,言非 以 爲 而 情 在 比 凡言任才非 予,當爲「予 位 吴、楚之君。 决 貪 才 無 稱吴、楚 不録 ? 江 殘 矧考詩 就使如 也。 一以人 一漢,南 JII 此 爾 而 今此 也 謂 莫 其 自 何

> 故推 早 詩者人人意異、《四月》之詩以寒暑爲 時在位之臣,何必遠及其先祖。 儒 非 是 執文害義,蓋 任 也。 是人也,故云 1,譬有 其 非人也。● 考其三章之次第,可 初始,而言見事皆有漸,不圖之於 能 治 是人則當知患難。昔之通 水之人,使之 有如此。 而鄭氏 直以 或謂詩 以見矣。 謂 爲 非 治木之官 人但當刺 曰 : 人者,身 作

害。 人,當時 禄 月夏暑氣盛,至六月盛極當退,於此之時 凋 萬物已有將衰之漸, 者,貪殘刻剥於其下,使民 盡於秋冬。乃於首章先本其事,云自 在 其二章遂言,貪殘之政使民物傷耗 位 本義 曰: 之臣 何安然忍予之禄 , 自其先 周大 而 夫 祖 以 人 刺 未見 位者,蓋 來,所任 物 继 耗 王之臣在 也,如 竭,如 未  $\exists$ 非其 見其 草木 彼世 位 四

「非」下,通志堂本有「其」字。

也。 者 濁 之臣 則 如 者,勉其下國之辭 使其爲善。 曷 其 栗、梅,不知其下美草皆被蹂 其曰「山 而 曰 萬 極 殘之臣,日 一、民被 `云能穀」者,謂 其 物 言 秋 納南方之衆水,滔滔 曰「相彼泉水、●載清 已,而云民 「民莫不穀,我 譬彼諸 辭 凋 害物廣 民 詩人於此 日 盡 愈緩、蓋知其 物 之 有嘉卉,侯栗侯 患淺,猶 也 凄 侯可使 自構怨亂 竭 其 也,謂如採於山者,但知 然 誰 其 三章,言有次第,蓋如此 使 日 如 (日 ) 亂 不有生,我獨何 獨 此 思 百 爲善,可 也 冬日寒 滔 泉水 何害」者,民被患愈深, 有 草 之禍於下 無如之何,但自 滔 所 俱 謂 離 而 載 澄之則 江 梅」者,又言貪 歸以苟 病 流 瘼矣,爰其適 此江、漢二大川 風 濁。 使爲 漢, 也 凛 踐 南 清 歸 或 悪 冽暴急 我 而 免也。 爲 其 國之 殘賊 乎 日 亦何由 及 撓之則 而 . 構 海 貪取 此 傷 章 彼 紀 也。 也。 歎 而 殘 害 又 會 則

> 事 能 不 其欲去,則不如魚鳥 有 也。 如草木之依山隰 周 爲 南 相 其下二章,則哀其 或 率而 一之紀。 尊 天子,則 汝下 ,得遂其生也。 有 . 國 所 之諸! 土地 逃避 人 民 侯, 爵 之 禄 辭 當 欲居, 也 何 盡 所 瘁 謂 則 不 以

#### 小明

言 下 乃 但 於 無 是 述 幽 亂 出 大 征 謂 Ŧ. 王 世 論 之《大 夫 行 H H 也 曰 : 悔 勞 小 0 小 苦,畏於得罪,不敢 仕之辭,如《序》之説 其 鄭 其 ^ 明》、《小雅 小 明, 謂 明 明 之意。 損 「名篇 序》云: 其政事。」據詩,終篇 : 》「明 大 日 雅 ^ 明 小明》 復 上 大夫悔 是 歸 天」,謂 明 也, 之事 者 明 T 仕

0

<sup>「</sup>明」,原脱,據通志堂本補。「相」,原誤作「視」,據通志堂本改。

之《小 之説,則周之大夫皆懷貳志,教其友 之説。夫悔仕者,悔不退而窮處 他國,無安處於周邦也,故引「鳥則擇 無恒安處? 宜勉其未仕之友以安居 處」,乃是大夫 神將祐爾以福 安,但「靖共爾位」之職,惟「正直是與」, 類有何義 「其友之未仕者」,且大夫方以亂 而去,此豈足以垂訓 義 明 荷如鄭説,●則《小旻》、《小宛》之 平 自是 蓋鄭謂大夫勉未仕之友去之 ? 也。 自相勞苦之辭,云無苟 名篇者偶 詩云「嗟爾君子, 鄭乃以「嗟 也? 而不仕,安得教其 爲 誌 爾君子」爲 别 爾。 世悔 爾 無恒 如鄭 以 T 則 安 偷 叛

#### 鼓鍾

論曰:《鼓鍾·序》但言刺幽王,而

何人。 巡之事 宣王 蓋自 淮 初 不 王之樂也。 籥者,曰: 夷之樂者 僭。」其辭甚美,又疑非刺也。 先言憂心, 湯,憂心且傷。淑人君子, 又伐,而服之乃在 安得爲刺幽王 知實 Ŀ 無幽王東至淮徐之事 然旁考《詩》、《書》、《史記》,無 矣。其詩曰: 時,嘗遣將征之,亦不自往,至魯僖公 成 刺 ·,無由遠至淮上而作樂, 王 其卒章云: 何 時, 非也。 而後言君子,不知憂心者復 事,若據詩 「美哉 詩人以文王之詩 也? 徐戎及淮夷已皆不爲周臣, 昔季札聽魯樂, 莊 《書》曰「徐、夷並興」, 「以雅以 王 猶有憾。」蓋 文, 鼓鍾 ,然則不得作樂於 時 懷允不忘。」 將將 則 而 毛謂 作 爲 南 其事不明。 不 樂 淮水湯 知 周 以 見 以 幽 於 南 舞 籥 此 淮 南 爲 王 爲 其 東 文 不 1 南 南

- )「如」,原誤作「知」,據通志堂本改
- 「文」,原誤作「人」,據通志堂本改

南爲何樂也。皆當闕其所未詳。《召南》,然則此所謂「以雅以南」者,不知

## 裳裳者華

爾。 鄭以「君子」爲先人,考詩及《序》,皆了無 明王,由是詩之義不可得而見。毛又以 毛、鄭之失者,以「裳華」喻君,以「之子」爲 類,絶功臣之世也。其卒章又戒王 此義,失之尤遠。 「左之」爲朝祀之事,「右之」爲喪戎之事 
 () 而當親君子。義止如是而已矣。
 由 論 日 小人在位 《裳裳者華》 一而讒 諂 進,故棄賢者 刺 幽王者三 一毋近小 之 事

是人而傾心用之,則君臣有榮譽也。又曰言其葉、華並茂,喻賢材美衆盛也。我見一本義曰:「裳裳者華,其葉湑兮」者,

也。 其卒章則又言,左右常當親近君子,而慎 者、君子、小人各適其用,而節制在己也。 調 則似君子也。 其所習,左右有小人,則似小人,有君子, 馬,使駑、良並駕而 而讒諂得進,因戒王以馭臣之道,當如馭 華,或黄或白」,刺王朝君子、小人雜處 可法,故得慶於後 有功之臣,功烈顯赫也。 「裳裳者華,芸其黄矣」,言其華色光耀 和其轡緩急,以節之爾。 陳二章刺王不能也。又曰「裳裳者 而世禄不絶也。 進退,遲速如一者,在 我見是人作事 謂 善馭臣下 章,法 也, 皆 喻

#### **須**

交於萬物有道,自奉養有節。」今考詩下二論曰:《鴛鴦・序》云:「思古明王

車

馬

恐懼。 章,言「 相反, 梁與 翼。」鄭謂明王之時, 飛而 前 時也? 世,鴛鴦飛止,亦宜 之雙自是物之本性,了不干人事。 止則耦,飛則雙,此 之類,其肉 之義,了不涉及《序》意。 而 世 二章,其下文皆云「君子萬 無 詠歎 畢羅,詩 中 事 義未可知也,宜闕其所未詳。 遭畢羅,乃是物之失所者,而謂 而鄭皆爲明王之時,理豈得通? 乘馬 材 然則人不驚駭 其二章云: 則 ,然義猶有説 常主之所能 委 不登俎,非常人所捕食之物, 之以 在 人本不取其驚 「廐」 、莝,有 猶 自雙耦,何必果 爲交萬物之實。 人不驚駭,而 與遭 爲, 近 而 鴛鴦在 於 事 且鴛 而不足當 通。若其上二章 畢羅 則 自 不驚 奉 予之以穀,此 年」,是 為 一梁,戢 二章 養之事 也 非 自 詩 明 幽 如 其 其 義 若 王 匹 王 兀 是 故 之 左 之 鳥 鳥 思 此 無 鴈 在 又 正 今

且

解

慶,自 辭也。 不及 王既 惡褒姒之亂 止,顧無如之何,因 (序》,言褒姒之惡,敗亂其國,大夫不能 党詩 佐, 詩三章,燕喜燕譽,飲食歌 連 燕樂之事,使略及之,猶在人情或有, 其所憂之急者,遂言已得賢女之後, 亟相飲 章 他 得賢女之後,改爲善行,大夫 論 相燕樂,故雖 庶幾 所思賢女,尚未有其人,而 復句 事 人之本意哉? 食 可 惟説飲 述其燕喜燕譽, 鄭 救王爾。 歌 欲 氏 舞。 求 以 酒 思得賢 無賢友、旨酒、嘉殽, ·賢女以輔 ^ 言其喜 歌舞。 車牽》之詩, 思得者,是 且 女,以配君子爲 詩 至其三章, 舞,皆以 甚 然則鄭 佐 本 也。 幽 諸大 未 以 周 以 王 氏 見 據 大 此 爲 詩 慶 夫 之 救 亦 相

説

詩

喜

捨

輔

八四

正 爲一句, 改,下言則已 幾分爲二事。 亦 王自 云: 無 相樂,喜之甚也。」然則上言方庶幾幸 庶幾」, 也。 非 道 詩 有美茂之德, 「王若有美茂之德 思 以爲「庶幾王之變改」,是式飲、 皆文意乖離,害詩本義,不可不 得 本意也。 賢 喜甚,又以「雖 又云: 女 以 ,則詩 至於「雖 救 其 「我與汝用是歌 惡。 人 則賢 復何 無德」三言 無旨酒、式 鄭 女來 箋 所刺乎? 配 平. 主 林 庶 論 斷 變 飲 舞

友, 祗 者,非 逝兮。 喜」者,謂 來 賢女之辭也。 與我 以相好爲友、見《關雎》之文。又曰「依 本義曰: :飢思 匪飢 王 一合配 彼 食,非 厞 所思之女, 「匪飢 渴,德音來 亦足以承王之燕 也。 間 渴 關 思飲,乃思賢女以 匪渴」云者,言我 「雖 車之牽兮,思 雖 括」者,所 無 無衆 好友, 妾 喜 與 式 也 變 謂 相 燕 德 所 季 思 好 女 聲 得 且 思

> 我觀 謂 雖 之無厭射也。又曰「雖無旨酒,式飲庶幾。 得 則衆 鷮皆 之辭 **式**燕 彼 得,求之不已,將有得也。 傾 矣,賢女雖無德及汝,可配王 且 而樂之爾。 止」者,勉其不已之辭也。 此賢 酒 無 平 心求之而 舞」云者,思賢女而不可得之辭也。 殺 1來依 也。 林 嘉 妾之有令德者皆來化其 且 爾,我心寫兮」者,歎賢女難得, 雖 殽,式食庶幾。 女,與王燕樂而享榮譽,則 有 其蔭蔽。 謂 不美善,庶幾 好 集 陟岡、析薪,言得之易也。 彼 未見也。「高 爾 維 平林之廣,能容飛 無 鷮 射」云者,此 碩女賢淑,能容其下 辰 彼 雖 可飲食 碩 無 Щ 故其下則云 以 女 仰 德與女,式 謂賢 則當 善行也。 惡褒姒嫉 止,景 則飲食 八鳥,則 女 共 我好愛 雖 行 使 歌 之 歌 鳴 舞 妬

通志堂本作「音」。

詩本義卷第八

# 詩本義卷第九

歐 陽 氏

藩

齫

也。 今謂 聲。」蓋古人取其飛 鄭 説 於變黑爲白,則 物,古今理無 言變亂善惡,其爲害大,必不引以 有之,然其微細不能變物之色,詩人惡 説 前世儒 今之青蠅,所汙甚微,以黑點白,猶 聚 也。 論 蚊成雷也。 日 《齊詩 者亦多 青蠅之汙黑白,不 不 ₩ E 未嘗有之,乃知毛義不 同,不知昔人何爲 見於文字。 聲之衆,可 匪 鷄 則 以 鳴 獨 然 亂聽,猶 蒼蠅 爲喻, 蠅 有 鄭 之 此 氏 爲 之 如 至 讒 或 説

> 賓 之 初 筵

者。 主 所 之際,始與其坐賓頓出小人之態,號 其先,至於受神之福,配 皆中其節。 王 肅 以 荒 及乎射祭訖 廢,飲 刺 然、禮修樂備、物 論 也。 曰 酒無 先與群臣射而擇士 如鄭氏之説,則王之飲 衛武公之作是詩 度,天下化之,君臣沈湎, 事之後,燕其族人, 有其容,揖 尸 登 一餕,禮 也,本以 ,然後祭祀 讓 河,賓 周 旅 無 呼 旋,

爾。 於藩籬之外, 也。 故 加 其曰「止于樊」者,欲其遠之,當限之 多 本 詩人引 也,營 義 日 鄭 以 誉 青 然 説是也。 喻 讒言 蠅 往 之爲 來,飛聲可以 漸 棘、榛皆所 物 漬之多,能 甚微, 亂 至 以 致 其 惑 之 積

聽

聚

大失 今詩 側 刺 情 不 附 時 禮之賢 也。 哉? 爲害也 如 五 會,詩人之意本未必然。 至 此。 章 失禮 鄭氏 丁,其前 君, 蓋 一,學者當自擇之。 而 詩 敗 暮 長 鄭 俗 二章陳古如 爲 人之作,常陳古以 (於禮學,其以禮家之説曲 氏 淫 不 是 液之昏 分别之, 其 日日 主 彼,其後三 此其所以 義或 之内 ,此豈近 刺今。 可通 朝 爲 於 爲

既 也。 孫 殽 臣 沈 失 受 蔌 下 而 湎 威 賜,乃 相爵 於酒。 起 ,皆有次序,而酒旨樂 飲酒,必賓主秩秩然 其下二章, 已也,或 本義 日: 或因 傾 又 相 其前二章,略陳昔之人君 側 行 號 湛 《賓之初筵》, 遂刺王之君 其 祭其先祖,神享 射 樂。 呶 冠 禮 雜 弁。 蓋 以 圖 揖 明 肅恭,至於籩豆、 籩豆亦 又立監 讓 非 和,又其不 臣 周 以 刺 旋、因 上下,飲 而 淫 幽 史,以 無 降 液爲 王 次 與其 其 徒 君 勝 燕

> 其所謂 耻。 罰 也,言我三爵 者,又戒人 爵不識,矧敢多又」云者,又教飲者以 勿言,匪 曰 1,是以 「式勿從謂,無俾大怠」者,戒醉 不飲者 「勿」、「無」,皆禁止之辭 以自縱,而至於大慢惰也。 無 由 ,皆使之醉, 爲 勿語 以 醉 己昏然無所識知矣,其又敢 有,則醉言 言不可聽,至於謂羖羊 由醉之言,俾出 而 無度可 時 人 也 反 知 以 童 也。 者 其 不 匪 羖 卒 無 醉 醉 辭 云 從 爲

#### 采 菽

觀其 旂 福 0 據《序》,但言幽王侮慢諸侯,不 衣 鄭 論 謂 服 E 車 乘之威儀,所以 諸 詩 云 侯 來 朝, 君 王 子 來 使 爲 朝 人迎 敬 且 言 之, 省 觀 禍 其 因

多飲乎?

來朝, 其幅 諸侯 爾 纙 説 交匪 福 命 天子所賜 謂其法制之極也。「天子所予」者,謂此諸 者,乃言君子所至,車旂如此之盛爾,亦不 之。」毛謂 怠紓緩之心,天子以是故賜予之」者,皆 届」爲「法制之極」,「天子所予」爲 侯旂、鸞、驂駟與 ,詩及《序》文皆 以 維 也 舟 禮 一戶」者,直自言邪幅爾。 爵秩、車服 束 車服之盛可觀 其 紼 「汎汎楊舟,紼纚維之」者,鄭謂 無 君 猶諸 下文云: 「明王能維持諸侯」,是矣。 紓緩之心,然後賜 爾。 子 維 ·思古 侯 舟 以 有等差,當賜 御 如 其 刺 以 無之。 民 天子以 所服 爾。 樂 幽 刺 以 王 爾 禮 只君子, 赤芾、邪幅,皆 其曰「君子所届 不 據詩 爵 法者,非 能 如 也。 則 鄭謂 命維 鄭 賜諸侯也。 賜 但 所 其曰「 矣,不待 非 一君子 天 制 也 述 説 子 諸 諸 有 省 所 彼 是 紼 衍 解 侯

> 角 弓

爾。 如夷 怨王 其 所 侮慢 旨 無 王 理 不 見晛,「喻小人雖多,王若欲興善政 附,謂「人心皆有仁義,教之則進」; 誅 尚 親 此 也 如食老人,宜使之飽,如飲老人,宜 八狄,而 滅」; 这老人, 九 不 勝多少」,則非 義 者,有所比類之辭也。 如 論 口 與與 毛、 族 · 親 通。 弓之爲物,其體往來,張之則内 曰 而 上章意不相屬, 王不能變化」。考《序》及詩, 鄭之説,「老馬 遇之如幼稚」,雖非 其「 「如蠻 好 不論 讒 角 如 佞, 弓》,據《 如 食宜 老者飲食多少 詩之意也。詩述九 骨肉 髦」,又謂「小人之行 饇 相怨, 序 如如 反 由 至於教 ×, 爲 毛、鄭失其 酌孔 駒 詩 但 而 言 本 作 也。 取 -義, 而 謂 ... 則 幽 雨 雪 塗 言 族 度

也。 恩結之,則亦 之則來,弛之則去,古今通然,是詩人所 成時所用。 族之親,王若親之以恩,則内附,若不 mi 來, 弛之則外反而去。 也。 毛謂「不善紲檠,巧用則反」者,衍 **紲檠**,制弓使不反之器也,蓋造 已成之弓,則體有往來,其 離 叛而去矣。 詩人 其 引 義如 此 以 弓 此 以 喻 説 取 張 未 mi 九

身也。 者,●由好讒佞 若遇之失其道,則亦怨叛 效上之事,云兄弟不令而交相賊害,則 翩然而外反矣。二章言王 亦效之,各相怨於一方,貪爭 下民亦將效上之所爲也。 毛、鄭之説皆是。其一章言雖骨 ,變易是非善惡,乃以老馬爲駒,不 本義曰: 五章、六章 而 《角弓》之詩,自四章以 被 則刺 離 間 王 也。 三章、四章遂言 一與骨肉 而 所 不已,至於亡 乖 以 因 離 不 述 如角, 肉之親, 如 賜 讓 此,則 顧 九 佞 己 民

仁恩也。

謂王 日 九 其七章、八章又述骨肉相 在 君子有所美之道,則 徽猷,小人與屬」者,徽,美也,猷,道也。 木,又教之塗,喜著又附之。其曰「君子有 自如此,而王又好悦以來之,❷如猱喜升 食之人,務自飽足而已。 族 人 其後 而 ( 蠻 如 也。 不 將消也。 而好讒佞,如此 而辨 以 髦」,言骨肉相視 其 恩 其 所以如此, 意下及九族,而自爲 非 「莫肯下遺,式 也。 亡 小人争趨而爲之矣。 謂 無 取王之寵 其 又言讒佞之人 如 怨之言,云王 H 肆爲讒佞,傍若 夷狄,無禮義 矣,如雨雪見 居婁驕」者, 如如 驕 傲也 貪

「見」,通志堂本作「親」。

「悦」,通志堂本作「讒」。

#### 菀柳

虐,甚 所届。 我。 謀,而又後必誅 蹈 朝,其下文遽 謀政事,王信 也 亦其失也。 人之心」,以爲斥幽 君子不逆詐,而詩 王之語 亦豈得 一當分爲 爲「謀」,又以謂假 如鄭此 論 使我中 考詩初無 調詩 ,鄭何從而得之? 通? 曰 兩 説, 人呼上帝 「俾予靖之,後予極 心悼 言王使 句,豈成文理? 讒,不察功考績,後 我,於義皆必 則詩人 笺: 此 病。 人假使朝王,王必 意,又與下文不屬, 王,言王心無常,不 我 上 方 而告之曰,幽 然則「上帝」與「甚 謀 使我朝王,王 ?呼天, 之, 可知 帝 不 乎 初 考於詩意, 然也。 其臆説 言王 無 者 馬」, 反 假 愬 留 不 誅 留 王 使 也。 知 訓 我 之 彼 朝 可 放 我

> 不去? 言彼 予邁 之以 我 柳,尚可 王之惡,人心叛離如此,而王不悔 今天警動 則 動 待其 也。 ·鳥之飛,猶能戾天,而人心何之不可 獨安然當此 焉」,謂 本 義 以 蓋諸侯怨叛之辭也。 極。 日 我,使我 依 待其可往 安 而休息,而幽王暴虐不可親 其二章之義皆同,惟言「後 也。 不 虐王之時,將罹其凶禍 尚 無自暱近之,又使我安 詩 朝 尚 人言彼菀然茂盛之 則 也 往 一焉。 蹈 録之以 改 動 其卒章 也。 也 見 幽 而 謂

#### 白華

申 立 妾。 居后位,故使下國之人效之,立妾爲妻, 后 而 論 周 立 日 褒 : 人 推本其 姒 《白華》,據《序》意,言 ,致下國化之,亦多 事, 由 褒姒淫惑幽 棄 幽 妻而 王

之事 言「之子」者,棄妻斥其夫也, 爲妖大之人。此又其穿鑿也。 所以失也。 家所解,終篇不及下國之人妻妾事,此 詩,本爲下國之人以妾爲 言及之爾 自然其孽子爲嫡矣。今考詩但述妻、妾 蓋妾子爲孽,妻子爲宗,既升妾爲妻,則 妻,以孽代宗」,雖爲 人」者,乃刺幽后爾。又《序》言「以妾爲 刺幽王者多矣,何得《序》獨言刺幽后也 后。今考詩八章,五章常言「之子」,則 所謂「之子」,爲斥幽王,「碩人」,爲斥 正妻被棄,而 碩人」者,大人爾,毛既以爲斥褒姒,遂解 ,而無及嫡、庶之語,乃作《序》者因 且《序》言「刺幽后」,而鄭 Ŧ 不 能 治 兩事,而其實一也, 也。 妻 爾。毛、鄭 然 今考詩意 則 所謂 「碩 周 人 以 是 其 作 ? 妣 詩

言二物各有所施,可以並用,如妻妾各有本義曰: 白華以爲菅,白茅以爲束,

薪,卬 下也, 也。 也。 皆非其 化之然也。「鼓鍾于宫,聲聞于外」者, 烹餁而爲燎燭,棄妻自傷失職者,由 道 均其恩愛 覆露之而 容。彼英英然白雲者,於彼菅也、茅也, 職 被遠棄 邁,往也。「有鶖在 之子懆懆然棄逐 也。碩人者,大人也,王后是矣。「樵 王后爲惡於内,而聲達于外,使人效之,而 一三其德,曾此鳥之不如也。「有扁斯石, 製 ,可以並居,而之子乃獨 鴛鴦 難 烘于煁」者,物失其所也。桑薪宜 滤池北 言化自 心,亦 所 而使之子心不善也。 戢翼, 無異,而之子乃獨棄我,蓋 無 處,如妾不宜居正位,而妻不宜 所擇,而君子之於妻妾,亦 上行 流,浸彼稻田」者,自 由褒姒 雌雄相好之鳥也,言之子 我,使我邁邁 而及下也,此 梁,有鶴在林」,言二物 奪 . 據 后位 遠棄 步,猶 而下效之 刺 我 而去也。  $\pm$ 高 而 及 彼 由 不 而 見 桑 道 天

棄妻指此 履之卑兮」, 助 在 也 也 下 而 石常在人下而助 扁石,乘石也,人 佐 言至賤之物 人爾,今之子遠我 當 履 人 常 八升者 以 在 而 升 人 進彼,使 車 下 如妾止 者也 而 爲

無

舒

### 之

我

病

當

爾 王 荆舒之所處 不至爾。 虐,致天 至 詩但述征 漸漸之石」比戎狄不可 征 就使戎狄爲不可伐,幽王置而 犬夷,●宣王伐 命 曰 下 將率東征」。 荆 然考詩 離 舒 《序》 也。 心,因言 且戎狄無 之文,惟言東征 言「 鄭氏 獫 狁, 戎狄已 蓋 戎 不 泥於《序》文,遂 伐,「山川悠遠」 序詩者言 狄 可伐之理,如 但 叛 幽 叛 之, 王自 而 厅, 則 專 荆 荆 出 是 舒 舒 王 文 以 此 暴 又

> 辭也 也。 雨之兆 王」,此尤臆説也。 出矣」,爲「不能正 其捨簡 之常語,鄭於此獨以「皇」爲「正」,至「不 而 山 則 「維其勞矣」者,詩人述東 III 不切,蓋其衍說也 是 爾、毛説是也。 鄭以爲「荆舒之國,勞勞 易而就迂 幽 豈 獨 王 荆 知 舒 所伐矣, 回也? ?有之? 豕 荆舒,令出 涉波, 鄭曲 復 「不皇」者,詩 此 何 月離畢, 爲 刺 又不通 征者自 比興, 使聘 廣闊 問 又 但 之論 訴 何 於 將 或

子也。 將雨 阻 Ш 不皇朝矣」者,謂 之地,將不得 ]1[ 之驗也,謂 本義曰: 其二章云 皆東征之人 漸 出 征 「不皇出矣」者,謂 漸 久 役 叙 也 者 高石與悠悠然長遠之 。<br />
處于外,不得朝見天 其 豕 在 所 涉 險阻之中,惟 歷 波 險阻之勞爾。 而 月離 深

夷 通志堂本作「戎」。

九

## 詩本義卷第十

歐陽氏

王

文

爾。 王」,又謂文王聽虞芮之訟,而天下歸 遂爲世惑,可不慎哉?《泰誓》曰「惟十 始,蓋出於疑似之言,而衆説咻然附益之, 甚盛德,所以賢於湯、武者,事殷 一年」,「師渡孟津」、《武成》曰「誕 也。 金,積毀消 而後世誣其與紂並立而稱王,原 論 惟九年,大統未集」。 而毛、鄭於詩,謂文 嗚 骨。」豈虚言也哉? 呼 語 有之曰 王「天命 此 所 謂 之大 之 疑 文 膺天 王 者 以 似 衆 · 有 其 之 四 節 П

> 王也。 箋,初無改元稱王之事,未害文王之 王。 。 盛德爲天所相而 至武王因之,遂伐紂滅 王,攻伐諸國,威德並著,周國自此盛大, 意,以謂周自上世以來,積功累仁,至於文 爲王」云者,惑後學之述甚者也。● 爲「受天命而王天下」,鄭又謂「天命之以 虞芮質成,毛、鄭之説雖疑過實,然考傳及 楊子所謂「衆辭淆亂,質諸聖者」也。 之,其實積毁之言也。 命怪妄之説,不勝其多。 而不惑者,以孔子之言爲信也。 三分天下有其二,以服事殷。」此一言者, 餘國,説者因 由是以 惟《雅》之《序》言「文王受命」, 來, 以 司 興周者,自文王始也,其 馬遷《史記》及 爲受命之年乃改元 商 然而學者可 本欲譽文 而有天下。 孔子曰: 諸 詩人之 王 以 讖 爲 至於 毛以 斷 而 緯 而 文 尊

<sup>「</sup>述」,通志堂本作「尤」。

爲「光明」,不知其何據也。 若如毛、鄭之説,是文王已滅殷而盡有天 自服殷之服。此二者,皆是殷已滅之事, 於一國之中,理已爲不可。 義 服之中,又言殷之諸侯來助文王祭者,皆 詩,言商之子孫衆多,有國者皆在文王九 怪妄也。説者但言殷未滅時,文王自稱 於其父,而言國之興也,有命自天。 王爾,此所以失詩本義,而 毛、鄭之注《文王》,則是天諄諄命 之歷數在爾躬」,又曰「天既訖 亡之際,必推天以爲言者,尊天命 今之常理, 於緝熙敬止。」詩屢言「緝熙」,毛、鄭常以 勦絕天命」之類,其言甚多。 如 此 此又厚誣文王之甚者也。 而 Ŧ 已,故《序》但言「受命作周」,不 初無怪妄之説也。 也。 且詩 人述作周之業,歸 使諸家 況毛、鄭於此 《爾雅》云: 《書》 蓋古人 殷命」,又曰 詩曰 得 西 也。 首「天 此 、於興 肆 伯 其 稱 如 功 干

> 也。 詁之言爾。 易」,當音「難易」之「易」。 以正説詩之失,若《爾雅》止是纂集説詩 理,乃是秦、漢之間學詩者纂集説詩博 許慎《説文》:「熙,燥也。」孔安國傳《尚 於光明」,謂「賢中之賢」,此穿鑿之尤甚者。 士之言,則何煩復引也?《頌•敬之》云: ·和」,●隨文義各自不同。 廣」,近是矣。 學有緝熙于光明。」毛、鄭説以爲「學有光明 **緝熙**,光也。」《爾雅》非聖人之書,考其文 緝熙云者,接續而增廣之也。「駿命不 「熙,廣也。」他書或訓爲「安」,或 凡引《爾雅》者,本謂旁取他書, 緝,績也。 績者,接續 而此「熙」訓 而 成 功 爲 博

下,然由文王在上,其德昭著于天也。「周據武王以爲言也。言武王雖滅殷而有天本義曰: 「文王在上,於昭于天」者,

「或」下,通志堂本有「訓」字。

九五

九六

所親 者,謂 乎? 乎? 文王 雖 不顯 也。 墜文王之令聞,則本與支皆可傳於百 而 流 者,言勉勉勤修文王之業,使文王之善聞 哉周,侯文王孫子。文王孫子,本支百世」 一生此王 舊 君 多士,文王以 可 于後世者不止。● 亦世。 輔也。 以 始受天之眷 也。 有顯名,而 因 子,武王。 邦 其俯 是 自 爲文王之子孫也。子孫能 其 文王 帝 其 世 命也。 仰之間,常如在帝左右,言爲天 國。 世之不 命維新」者,據后 亹 一德,其 周 而 自 亹 謀 王國克 孫,成王也。 寧」者,言周之興也,不獨 顯 上 命 |文王,令聞不已。陳錫 「文王陟降,在帝左右 事忠 衆 大矣。 顯,厥猶翼 世 而 能如 士 以 興盛也。 敬 佐 生,維周之楨。 來, 此,乃是周之君, 文王 其 稷、公劉 惟 爲 顯 「凡周之士, 翼。 成 周 此多士,生 不是帝 有 功業者 勉勉不 周 思皇多 不 以 世 顯 至 來

> 奪,惟 墜。 臣 於 戒 猶 厥 周,天命靡常」也 蕃 文王之德於此乎! 有 也 子孫以戒 而 命,侯于周 上帝乃命之爲周 天 [屏,而今也乃命爲周諸侯,由商 商孫子。 周 服 作裸將,常服黼 周 臣 以謂 奪之,周 大哉,天命 殷 或 德所 穆穆文王,於緝 一,爲 使, 服 成王,又引商之衆士以戒周 殷之衆士乃服其 者 亦 服」者,以 幹 在 商之孫子,其麗不億。 見其亡 事 無 而 有 ! 失其世德, 之臣,文王用 世 無 諸侯 冔」者,詩 常主,故又曰「侯 德 商之子孫數甚衆多,而 「殷士膚敏、裸將于京。 當續 國之故臣 戒成 熙敬 而 0 天子之。 昔也天命爲 王 服 而 뱥 以 人既先引商 也。 廣之,敬慎 而 之以 配天命而 也,故引以 假 來助周祭 言美哉 哉天命, 寧 天 Ŧ 上帝既 所 之群 服 失 商之 周  $\pm$ 于 予 德 邦 不

<sup>● 「</sup>聞」,原誤作「間」,據通志堂本改。

之時, 福禄 常虞度殷之興亡,皆自天也。其卒 言,天無聲臭,其命難 不易,無使天命 則可以使萬邦信天之輔有德也。 故能 又丁寧之曰,當如殷之未失衆 [配上帝,宜鑒殷之亡,知天命之 至 爾躬而止,當明揚善聞 知,但效法文 · 章 王 又 所 1

#### 棫

賤有 之。 解 詩人本以文王能官賢才,任國大 詳,而二家之説 奉璋」之説 此爲 絶簡 司之末 如鄭説,則 論 能 莫見其 官人也。 事,民庶人人能之,詩 也。 棫 豫 得失。其首章棫樸之義 相違,然 (樸))五 奉璋助祭,與 斫 鄭所以 棫樸,將 毛得 然者,牽於二章 毛於 祭 而 而 積薪 其 (事,故 鄭 積 人必 四 失也。 (薪,乃 事 章 不 不 美 頗 所

> 事,汗漫而無指歸,此皆其失也。 鄭説更無官人之意,但汎述法度、爲政等於祭祀乎? 自「倬彼雲漢」而下二章,如不必連章言之。● 且官人之職多矣,豈專同,然能奉璋助祭,亦止能官人之一事爾,

採之以 用。 在宗 臣 雲漢在上,爲天之文章,由賢才在朝,爲國 從,以見王所官人,入宗 國,必衆賢居官以共濟。 官之以充 六師及之」者,又言王有所征伐,則六師皆 言舟之行水,由衆人以楫櫂之,如王之治 趨 言文武之材,各任其 廟則奉璋助祭,皆髦俊之士。其三章 而事之,以見君臣之盛也。 本義 曰: 備薪槱,以 列位,而王威儀 詩人言芃芃然棫樸茂盛, 喻 文 王 其曰「周王于邁, 廟、居軍旅、皆 事 濟濟然,左右之 養 也。 育賢 其四 其二章言 才美茂, 口

「章」上,通志堂本有「首」字。

九七

之光采。 · , 動 也,言文 其 E 王 周 能 Ŧ. 官群材, 壽 考, 遐 各任 不 作人」 其 職

作

但 以 又言 國自 喻 享壽考, 治也 金 王 臣 玉 當 下 一之質 勉 雖 邈然在上,無 勉用人,而但提其綱紀爾。 有 蓋言官 賢 美 矣 才,必待獎 ,必待追 人之成效也。 所 動 用 琢 作 而 而 於人, 成德業。 成文章 其卒 · 章 而

#### 思

聖爾。 也 廟」,又以爲文王在辟雍,群臣助王養老, 三章,皆了不及大任 思齊》之義,主述大任之德,能 三,鄭 所以聖者, 論 今詩四章,鄭箋自「惠于宗公」而 <del>-</del> 曰 非 但天 (序)言 由其 人性 母大任之賢 德有 思 雝 雝 所 在 由 文 宫, 設文 成 也 王 肅 所 王 肅在 然 蓋 以 則 下 之

質 ? 欲化 顯 能 來觀 明者」,無射爲「無 德,遽云順于大臣 詩 在 者」,「不諫 於辟雍之人,以不顯爲「有賢 之「射」,謂「不顯亦臨 又别述神無怨 于宗公」,鄭 方得觀禮。 毛以「無射」爲「無厭」,鄭讀 不聞 大姒嗣徽音,則百斯男」,是方述 宗 亦臨,無射亦保」,鄭何據而知是在 諫争者」,皆得助祭於廟。 .禮,亦前世之常事,不足彰文王之聖。 本意,其 廟, 人,雖狂愚之人皆得觀,豈 [亦式],以爲「有仁義之行 自古王者在 臣 亦 就如 以 助 人」,以爲「有孝悌之行 爲 爲 恫,上下文義 祭 衍 鄭説, 順 ,便爲文王之事,其 説 等 辟 射 于大臣,據詩上 事 ,失詩之旨遠矣。 雍 才者」。 「無射亦保」,皆觀禮 未 不明、無射之 聞 序》及詩 「射」爲「射御」 且詩但云「 何由 必 才之質 且 而 須 限 夫 不 能 觀 大 賢 聯 姒 人皆 文 聞 オ之 而 射 禮 而 屬? 下文 者 本 不

義? 是在 之弊,至於如此。 之人?「不聞亦式,不 文理推之,當 仁也 宗 「不諫」,何據知爲孝悌? 廟之人? 讀 毛以「思齊」爲「思莊 不不 如 諫 聞一, 「見賢 亦人」, 何 據 思 學者 何 知 據 齊」之 爲 穿 而 擊 知

其德。 神無 毎思 賢德 之助 愛者,周姜也。 人,文王幼育於賢母,長得賢妃之助,以 而子孫衆多,又能 大國之婦也。京,大, 家邦」。 者始,故 然怒怒。 也。 也。 慕任、姜而繼其美聲,有不妬忌之賢, 本義 曰: 其德廣被,由 自大姜、大任,以至大姒,相 其可 「雝 日刑 宗公,先公也。 雝在宫,肅肅在廟」者,言文 思而齊者,大任也。 大任,文王之母也。 文王 于寡妻,至于兄弟,以 輔佐君子,順事先公,而 内及外,由近及遠, 所 室,國也。 以聖者,世 言周世 言大姒 有賢 有 可 思 繼 賢 婦 有 妃 御 自 成 而

光也。 神,而 也。 言 保」,言不以 廟 爲皆中 諫 多、敏疾而 廣 其爲幼小之子, 有 母,幼被養育 也。「不聞亦式,不諫 臨,又無厭 王平居 育 肆戎 無 事 而 德,小子有造 而能入於善也。毛謂「性與天合」者, 則 厭倦 言日 詩人既述文王修身之善,能 有雖未嘗聞,舉必中法也,又不待教 出處有常度,又述其遇事之聰明,所 疾不殄,烈 肅 假,大也。 在 理,然後 肅 ,則皆有名譽,爲俊髦之士矣。 宫 ,不獨文 倦 不絶,其施於事者,光大 然 人 中 而 ,而能守其常也。 所不見 , 而 而養育成其性也。 本 」,言文王有 至 則 敬 假不瑕」,戎,衆也。 王,古之人自其幼小, 成 其 言文王之應於事雖衆 雝 所 「不顯 人也。 雝 而殆,常端莊若 亦人」者,式,法也 然 以聖者,由生於 而 亦 成 和 故曰「肆成 有 臨 人之德, 保,守也。 和敬於 既又推 而 無 事 射 有 在 無 人 瑕 所 亦

#### 皇矣

爲 亦非 伐 伐崇墉」,則崇 詩稱「密 謂二 而 旅」、「侵自阮 者,皆不 夏世,而終篇無殷 之事。 功 夏、殷者,非 考 詩 也 國爲紂及崇侯者,崇侯是其一也, 論 阮、徂、共爲 上 阮、徂、共者,鄭 E 見於前書,莫可 下文考之,義不 則 而 人」,則密 詩謂 德 詩 最盛 述大伯、 疆 可 也。 人言周 四 」,二者 序 知 國者,毛以 也。 可知 ¥, 四國 事 爲 且詩述文王 ? 國 王 但言 世 亦非 亦似 爲國也。 詩 一,以 也。 德 季,又多言文王 能 知其是 則毛説 謂二國者, 文王 所 也。 通 充 國名, 爲四方, 其曰「以 積,至文王 故 上「維 一,何 鄭所謂 非 也 否 又曰「 德 矣。 因 而 彼 遠 毛 按 鄭 且 知 惟 以 四 非 徂 據 或 以 紂 鄭 及 以

國以 共。」 也。 爲在 甚多。 説 也。 詩 後徂 前 以 有 且詩云: 是皇」,又云「正是 但 國」之文, 反著其伐 言 不恭、 爲 以 徂 不恭, 密人距周之侵 無 若如 四國 之作不 今以文考義,止於侵密、伐崇二事爾。 四 ,下章先 阮、徂、共既 」,是矣, 然毛 爲 方。 罪見侵, 鄭 ·功最詳,其先後無次,詳略 爲 而 「往」,小異 而 命之罪 説,以上下文考之,乃 密 云「侵阮 詩 應 目 數 不言 徂 外 云 人不恭,敢距 如 而 理必 而 而 不 又有 此 猶以阮、共爲國者,亦 侵伐 後阮 後 四 不被討 四 可 絶 三國 列 不 ,遂往侵 或 國」,詩人之語, 爾 爲 串 無 共 六國 ,崇不在 然。 順之」, 國 爾,是亦不然。 倫 夷及 大 則 理, 則 而 義 毛傳 **冷**崇, 大邦,侵阮 不 共」,以「 上章 徂、阮、共 此 四 又云「 皆 復再見, 四國之數 國當 所 詩 亦同 失之也。 是密 以 先 人 失宜 四 此 從 難 不 非 但 類 或 手 通 而

尤疎也 述哉? 通, 詩 口 訓 君、順、比七者,皆古今常言,毛、鄭 文二國,當是密及崇 故當從毛也。詩既止述侵 有 學者,又謂周侵三國,召兵於密而不從者, 何 密 而 人本 以 則 而 人 也 岐、邠、豐、召也。「串夷」,依毛傳則 不 如以爲「昆夷」,則上下文義絕不相屬 距 能討,所侵之國,又無必勝之功, 服 爲 未 雖未害文理,然於義 欲 嘗加討。 , 徂 功業,何以示 之,則密 所 稱述文王之功業,若周侵三國 阮、共當是密國地之别名,如 則僅能止其旅,共則不見勝 以 知 亦 其不然也。 是文王有所舉,隣國 有罪矣,就如 威德,詩人亦何足 也。 密、伐崇,則上 度、明、類、長、 而爲毛、鄭 爲衍,去之 鄭説 曲 然 不 敗 周 稱 則 順 則 而

乃赫然下視四方,求民之所歸,定見此密、本義曰:《皇矣》之首章言,大哉,天

配天。 其 孰可 既 土。 有 流 能 岐 者 而 帝 民樂就有德,皆共刊除樹 遲久也。 天下。 主 周之山 固」者,謂世 ,謂立其德可配天者以爲君也。 增大,遂 亦遷就以 光,後世子孫受天之禄 友 定 其兄太伯 或 「其政不獲」,謂失 國之自大,乃眷然 地肥美,可以 失政 民 而推其始,自太伯、王季,言 其二章乃本周作宇之始,岐周之 , 作、棫、松、柏皆拔起茂悦, **①** 者 其四章又言,王季之德 以配 一, 而 成周家之德,累世積習,常久 而暴亂,乃於彼四方諸 積 L', 使 讓 天意遲久之,慎其所擇 天而受命。「天立厥配」 德久 建國,乃使之作 Ē 人也。 爲 以 顧 木,而營理邑居, 傳聖子, 周,與之使宅 無喪失,遂 政之道也。 其三章言,帝視 昭 而 此 周 國 「受命 謀 至 邦 餘 奄 季 度

<sup>「</sup>悦」,通志堂本作「盛」。

其

恭,則 之也。 見其 我懷 泉。 地 也 似 王 變革,使人不識 渭之間,以定周 福 揚 國,自阮至共 有 扈 世 之 其 暴 含 而示天下。 0 然後侵之,而密人不 ~德者 羡 是 爾 密人既服,外患已除,乃度善原於岐、 其 所爲,蒙 威 亂 而 可 赫然奮怒,整其師 也,當 岸,高也,當先 五. 無 明德深厚,不外爲聲形,又不大爲 者, 先修 者,宜先據 以 不 改,遂 章言,天謂文王無信從諸 君 反 滅人之國以 而止。 德 率 助 其六章又言,周 大邦, 國。 受天 不 紂 而 爾 威 知,如天於人物,使人 無 可勝以臨之,無 兄 不自知,故諸侯不 德 其七章言,天謂文王, 福,及于子孫。 其 道。 張高 而 弟之國, LI 爲德,所以 不伐滅其國者, 文 旅 待 敢 與周 以制 王 以 之。 有其岡 侵之,兵人 順 以 爲 承 下 故密 師 ,謂 往伐之。 仇 先 厚周 侯之跋 信 比 放者, 陵、 據 諸 而 其 水 勝 之 但 不 侯 從 改

而

崇,而 之功,務極 類是也。 皆歸,詩人上述伐崇,皆先言「帝謂」者, 天討有罪」、「 介而 威德著, 倫: 遂歸 事必稱 章又言周 威 周 也。 德 師 侵密 周 其 加 則四方皆服 執 也。 天,於興師 美,然功業大小、次第先後亦 於 生 師 而外患息,乃定 肅將天 四 獻 攻具 方, 馘 侵一伐,未必能 , 禱 (之盛 無 威」、「恭 討伐 敢 兵 詩人雖推大祖 侮戾者,言天 ,而崇城 而 尤 伐之, 託天 邑 行 居 天 使天 遂 高 八罰」之 代伐 命, 大 以 如 下 下 難 滅

#### 民

生

論 曰 妄 儒 不 知 所 守 而 無 所 惟

似 通志堂本作「類」。

所 高 異於人,欲以 天歆饗 可 有天異,乃往 於冰上,而 辟之,又置於平林,而 而 則喜 稷 求子,姜嫄從帝嚳 辛 息 以 傳 比,乃高 一後故 一,姜嫄 爲 也。 爲帝矣,得 也。 遍 則 巷等處,以顯其異。 以無 附 信 而降 天子,以玄鳥至之日,親祠于郊 攻 也。 后 毛 ,攻其一二之尤者,則衆説 而 而 辛氏後世子孫之妃 履其指拇, 歆然感 有 福, 人道 從 謂姜嫄者,帝嚳高辛之配 稷之生,説者 爲 顯 取 鳥 又謂當祀高禖時,有上帝 説 其靈,乃置 乃生后稷。 而育之。 用天子之禮祠高禖者, 以 而生子,懼人不信, 翼覆藉之,於是姜 前 而 而見于天,將事 林間 曲 世 學之 以 鄭謂姜嫄 不 凡怪妄之説, 於隘 此 人收取之,又置 姜嫄 勝其怪 而 1: 爲 爾。 巷,而 六 好 有身,遂 以后 經 奇 高辛 非 齊敏 矣, 帝 嫄 牛 稷 可 得 也。 從 知 羊 牛

第。 各以 姜嫄 妃簡 不近 之常事,有何爲異? 姜嫄從高辛祠 己説。毛能 異兒,遂收育之爾。 子,懼而棄之,及見牛羊不踐等事,始 靈異之事也,直言姜嫄 於《史記》者是矣。 可攻 之子棄之牛羊之徑及林間、冰上乎? 而生矣, 家 狄以 毛、鄭之前 ,其後生后稷,豈特駭而 人情者也。 至二家解詩,乃各增損其事, 其 合 生后稷事 而 所 破 解 且有所禱 之,况 玄鳥至之日,祀高禖 自 并 不 爲説 力 正同。 於郊禖 信履迹之怪,善矣。 以 世 毛傳《商頌》亦言,高辛次 者反 相 家 一,已傳姜嫄之事也,今見 而 初無 固結,若折 白 就其妄説,猶若 夫婦生子,乃古今人 其先生契 欲顯其靈,而 而 攻之, 出,履大人之迹, 相 生子,則是以 高禖祈子與 乖 戾 異之乎? 則 如 也 而 以 亦 此 至 ,未嘗以 生契,與 然直 可 以天子 也 理 遷 以 知 就 道 次 爲 屈 生

四

父母 天諄 輔 故 子 讖 能 堯、契皆不 之,理不 紀》出於《大戴禮》、《世本》諸 又 不然,直 之 下 據 以 孫 緯 無 失 理 以 而 ·,此聖賢 理 理 之不 諄 后稷於堯世爲二王之後。 訛 其 一甫 而皆由 謂堯不徒非嚳子,亦非高辛氏之族, 專用《命曆序》言帝嚳傳十世, 皆爲帝嚳之子,先儒以 (興爾。 生, 有言語、文告之命也,惟人有德 繆 傳 及 亦 能 ",而 诵 謂 非 爲 申 有 通,固難取 蓋 后稷天自生之爾。 之通 其臆 灣子, 之。 天 無 其 所謂 自 申、甫皆父母 所 相 五 然所謂天 論 考正 出 生之也。 去 帝 天 而猶以后稷爲嚳後 也。 千 君 生聖賢者,其人 信。 矣。 夫天命有德,以 五. 臣 天生聖賢,異 六 世 而鄭 命 詩 今《史記 百 次 年 所 曰「維 有 其言無 又自 世 其言 夏有 生 至 德 長 周 也 歲 ... 天 必 因 堯 短 久 以 削 非 於 王 所 # 以 於 老 及 因

> 之事 取其怪 周,而 於如 於人 紛亂 雜 歆 周 附鄭説者 而 誣天也。 意果如是乎? 稷,不王其身而王其 四 詩 取 然接 百 紛 》,•孔子之所 \*,後 此。 其訛 之説,遠 亂 而 如 餘 王 感 鄭 説 生之,在於人理皆必 歳 世其 天下。 謂 而 附 之 夫 繆之世次,鄭則不取其 蓋毛於《史記 而 以以 生后 是 毛説者謂 説 三家或異或同 爲 可 解數千歲前 蒼帝靈 , 是 不 商, 無人道而 必 且 録 稷,其傳子孫一 近 天不 信 天 商 也 人情、 既 乎? 有天 后稷 一,必有其義。 威仰之子,其乖妄至 千歲後之子孫, 因 》,不取履迹之怪 自 人道 無稽 生子,與天自 神怪、人理 是 「感姜 下 然 諸 無之事,可 帝 則《 臆出、 儒附之, 駮 嚳遺 嫄 千歲 自 百 生民》 世 以生 蓋 與 歲 腹 次, 君 必 異 姜 而 日 而 感 爲

<sup>「</sup>於」,通志堂本作「之」。

以惑世也, 闕焉 之學也,不窮遠 也,故闕其所未詳 破 之不疑。《 以 而 爲能,闕所不知,慎其傳 有 生民》之義,余所不知 待可矣。 毛、鄭之説,

他

説 鄭氏 所 謂公尸 神 能 爾。 持 而 也 和 樂 盈 曲 汨亂經義也 ,於詩大義未 論 守成,神祇祖考安樂之」者,但言人 日 在沙、在渚、在潨、在亹、皆水旁爾、 和樂,如水鳥 而 爲分别,以譬在宗廟等處者,皆臆 린 ^ 其曰「鳧鷖在涇」、「在沙」, 鳧鷖・序》言「太平之君子 爲 甚害,然學者戒於穿 在水中及水旁,得其

#### 假 樂

爾。 之禮法者,亦非也。 義,理不然也。其二章言「子孫千億」、「 王 飲」之「燕」也、《語》曰「子之燕居」,則 忘成王之法爾。 君宜王」,則「不愆不忘」,當爲戒其後 王德美甚衆,不應獨言其官人,若專爲 義,則不可以不明。 私」之「燕」也。 事可 而作,則《序》當見詩人之意,况考文求 而不列 而鄭氏乃以「宜人」爲「能官人」。 論 日 陳,大意止於臣 : 所嘉之事者, 假樂• 三者皆爲 而 鄭以爲成王 「燕及朋友」,非 序》所以但言「 民嘉 以 小失,然既汩 詩文意 美成王之 循 顯 用周 謂 嘉 世 更 官 成 燕 燕 無 成

王 一君子 本義 曰: 有顯顯之德,以宜 詩 人言大 哉 其人 可 樂者, 民,而受天 彼 成

息也。 息也。 息也。 息也。 意言成王福禄及其子孫之衆,世世宜爲 之禄,爲天所保右,而命之以爲王也。其 之禄,爲天所保右,而命之以爲王也。其 意也。其 三章言成王外有威儀, 世過差忽忘也。其三章言成王外有威儀, 其卒章言在燕私則朋友,在公朝則卿士, 其卒章言成王祖禄及其子孫之衆,世世宜爲 是以共治之,王享其福禄,總其綱紀而已。 其卒章言成王福禄及其子孫之衆,世世宜爲 是也。其

詩本義卷第十

點校周允誠

一〇六

# 詩本義卷第十

歐陽丘

四

有德, 尸之入也,使祝贊道、扶翼之。 之祭祀,擇賢者以爲尸,豫撰几,擇佐食, 用 輔翼」,得之矣。 而 「有孝」爲「成王」,「有德」爲「群臣」,言王 苦土。 、九章皆言用賢,不應忽於此章三句,特 其所失者三。 祀用 論 以引以翼。」毛以爲「道可馮依以爲 尸之事。 毛、鄭二家 **^** 卷阿》言召公戒成王,求 詩 曰 : 而鄭謂「馮」爲「馮 於其本章「豈弟君子, 所 解,得詩義者多矣, 「有馮有翼,有孝 據詩十章, 几,

賢臣 鳥 ? 集。 且詩 鳳皇 之,又絶不 嘗以「亦」别爲他物也。鄭又言「因時鳳 而 集爰止」者,謂吉士來居王 之失一也。 四方爲 於梧桐之上,梧桐則菶菶萋萋然茂盛 菶萋萋, 雝雝 矣,于彼高岡。 嘗有鳳至,此其失者二也。 且詩人言「亦」者多 而 至,故以爲喻」,考於《詩》、《書》,成王 衆 鄭以「亦集爰止」爲衆鳥 難 鳥上傅于天? 人但言「亦集爰止」,安知「亦」爲衆 而來,喻賢 鳳皇,世所稀見之鳥,故詩人引以 如下章「亦傅于天」,豈可鳳自來集, [則]義 得,王能 相屬,且詩 詩曰「鳳皇于飛,翽翽其羽, 已不倫, "喈喈」者, 梧桐生矣,于彼朝 者所在,群士 致之。 ·矣,皆是連上爲文,未 此理不通,灼然 本無祭祀之事,此 而 其義止於如此爾 言鳳鳴高岡, 以上下 也,謂「衆鳥 詩日二 朝,如鳳 幕 · 章 而往仕 文義 陽。 鳳皇 (可見。 皇 而 時 慕 喻 亦 鄭 集 鳴 未

説 之理 取其 所常 出 川 也 車多 ? 向 梧 朝 雕 有之木,無時不生,詩人言生朝陽者, 生於朝陽,猶君德之温仁」者,亦 桐 君 雕 此其失者三也。 陽而茂盛爾,安有太平然後生朝陽 此妄説 喈 而 臣 太平而 喈 馬 相 閑, 而 也。 得 和 謂其 而 後生朝陽」,且梧 鳴, 鄭又謂「梧桐生,猶明 樂 得優游之樂 以 也 喻 故 成 其 王 下 能 文遂 也 致 桐 賢 世 衍 而

荡

帝 ,自是詩人之深意,而鄭 「君王」, 也 |章以下,每言「文王曰咨,咨女殷 論 而 毛、鄭惟於《板》及此 意 謂 斥 言上帝者多矣,皆 厲王者,皆非 謂「厲 詩以「上 也。 王 弭 ^ 謗 商 天

綱 多矣; 蕩 則 作,終篇不刺王而但述殷商,不得 類,斥王之言多矣。 而 通矣。至於「流言以對」,箋云「王若問之, 述殷紂,不宜 意,所以云然也 而獨召穆公之不敢也? 今,興迷亂于政。 矣,今不暇遠引,如《蕩》之前《板》也,所 穆公不 厲王施倨慢之化」者,亦非也。 靡聖管管」、「天之方虐」之類,斥王之言 紀條理 蕩 以對」、「侯作侯祝」,謂「王與群 ,廣大也,謂蕩 祝 蕩 詛 切 敢斥言 《蕩》之後《抑》也,所謂「其在 刺之」者, 以 鄭 綱 治之也。 意 中取一句獨斥厲 王 皆謂 文章」者,謂天 然無 一惡,故 顛覆厥德,荒湛于酒」之 鄭又謂「天降滔 亦 豈凡伯、衛武公敢斥, 厲 限畔 文章,條理也。鄭 非 王者 蓋鄭見詩爲厲 也。 H 也。 陳 1,皆非 厲 文 、下廣 《序》言「 王,此理 王 王 且詩終篇 之 臣 咨 德」,是 詩人之 也 乖 嗟 難 王 于 殷

遠。 達 之興 傷周 惡已甚,顧力不可爲,則傷 其事 有深淺。時君之過惡 義 也。」是穆公見厲王無道,知其必亡,而 考詩之意,如此 淺,故其言切,而傷者其意深,故其言緩 矣,直自傷其國之將亡爾。 者欲其君聞而知過,傷者顧 過惡已大,然尚 蕩》之《序》云: 矣。 此意 王之有規誨,成王之有戒之類是也。 室爾。 (也,能 作詩之人,不一其用心,未必皆同,然 ·而責 無 詩之所陳殷商之事,自其初用小人, 以以 凡 人善惡有大小,故作詩之意 (消之。 一蕩 以 事 所以言不及厲 謂 事以殷爲鑒 蕩」爲「法 可力救之,庶幾能改,則 凡言刺者,皆是也。 初以文王興,終以 者多,蓋 「召穆公傷 小,則勸戒之而 度廢壞」,遂 一, 因 王,而遠思 然則刺者 人之常情 以其君 嗟而已。 歎人事 周室大 不可 厲 與 常常 文 i 其意 其 從 失 蓋 也。 過 其 Ŧ 壞 刺 而 而

命

至於大 失者 ,詩之大義也 命傾亡,其訓 義 則 毛、 鄭得之矣。

周

於初, 稷猶 葉未 惡,言此等事皆殷紂 於人,其應甚疾,而尊嚴 王者 多邪辟之王以君天下,遂言天之生民,其 氏之世」者,言非獨文王之鑒殷,殷之初 命厲王也。 王,奈何有 上天乎,此厲王者,下民之君 室將 知其必亡者,以王爲無道,根 而 難信,謂 ,國之本也。 有 禍 在,天下諸 本義 曰: 而厲 敗爾。 害,本實先撥」者,謂紂時宗廟、 由 王而隳 王踐 初而無終,謂 天果愛斯民乎? 其二章以 蓋穆公作詩時,周室尚 召穆公見厲王 侯未盡叛,但王自爲惡 而行之於終也。 壞,乃 又曰「殷鑒不 所行,文王咨嗟 下 仰天 心之威 ·,乃條陳王者之過 初則命文王,終 而 也,天之禍 可畏,乃命 則宜常命 無道 遠,在夏后 訴 本先壞爾。 其日 日 以 蕩 而 「枝 則 戒 督 傷

滿

者當又鑒厲王也。此言傷之尤深者。興,亦鑒夏之亡矣。謂今既然,則後之興

抑

汎 雖 自 亦 斥言王,而遠引殷商,於《抑》則以「小子 汎論之語多,指切厲王之語少。 陷於過惡。其詩汎論人之善惡無常,在 士,見王爲無道,乃作詩刺王不自修飾 也。 以 論 以刺王不自修而陷於不善,然其言大抵 修則爲哲人,不自修則 ,以自警也。」考詩之意,武公爲 汎 哲 論 暴虐,賢者佯愚」之類是矣,皆非 鄭於《蕩》謂 日: 論 人、愚人,因以 之語爲 《序》言: 刺 召穆公畏王監謗,不 王,如「靡 自警也。 爲愚人爾。 衛武公刺 哲不愚」, 蓋詩終篇 而毛、 厲 厲 王 其 王 詩 鄭 意 卿

可

於祭末

而

:有厭倦乎」者,衍説也。考詩

設饌 也。 然。其曰「公將不利於孺子」者,主言成 皆爲斥王, 亦不欺暗之謂。 必不然。况考詩義,亦非 爲暴虐之長王,斥以小子,而乳臭待之,理 之幼,疑周公害之,猶言欺孤兒爾,理亦 孺子者,成王幼,周公屬親 多矣,皆王自稱,爲謙損自卑之言也,未 亦難安也。 爾室,尚不愧于屋漏」者,不欺暗之謂 臣呼其君爲小子者也。《書》曰「小子封 不敢斥,理實不通,然臣斥其君爲小子 神之格思,不可度思」者,言幽 小子胡」,君命其臣可也。周公呼成 ,厲王時 於西 衛武於厲王,非如周公之尊親,而 北隅」、「神之來止、不可 人,不 何前 今徧考《詩》、《書》,稱小子者 鄭引禮「祭於奥,既 後之不 宜 相 異 類 如 也。 也? 此 而尊,其 則 詩云「相 畏 度 有 監謗 知,況 鬼  $\pm$ 語 也。 在 厲 通 Ŧ 或 爲 而

説。 言, 小子」 刑」,當以九言爲一句也。 詩句無長短之限,短或一二言,長至八九 句,皆失其本,既害詩義,不可以不正也 童羊譬王后與政事,又言「天子未除 上下文,直謂修慎容德,爲 小 取其意足而已。 子。」 祀 二者尤汩亂詩義者也。至於分斷 之事 以上下文考之,殊無倫次,亦其 蓋言事有是非 也。 詩又曰: 「罔敷求先王克共明 相 人儀 亂 彼 者 童 法 爾 爾,了 而 角, 鄭 衍 稱

念作 修慎,則習陷爲昏愚矣,如《書》言「惟聖罔 之隅」云者,汎言人當外謹其 不陷於過惡, 而 「人亦有 陷 人性本善,而初不明,不能勉自開發, 狂」也。 於不善。 本義 言,靡哲 日 「庶人之愚,亦職維 是其 其首章曰「抑 武公刺王不 不 威 愚」云者,謂哲人不 儀爲德之廉 抑 修 容 慎其 止 威 疾」云者, 儀,維 則舉 隅 容德 也 自 動 德

服也。 已,敬慎 慮 道 則」云者,言君天下者,欲使 可 天下爲己任,可謂自彊者也。 **疆於人,乃以一身所爲而** 人,四方其訓之」云者,競,彊也 亦以自警其怠忽也。 惡,在乎自修慎與不修慎, 愚人者,自 四國順之二云者 而本善,惟不自修慎,而習陷 而 而天下歸仁也。 · 訏謨定命,遠猶辰告。 哲人之愚 終爲 深 而 以 圖 服從,其君 動 人,則四國服從矣。 昏愚者,譬人之疾,是其不 加 威 章、二章皆汎論,下章乃 儀 以 戻其 亦維 以 時 爲 相 臣 ,覺,警動 性爾。 二者爲君天下者言也。 斯戾」云者, 民 告 相與 戒 法 其二章曰「無 敬慎 爾 者 謨 此 其 謀 也,言德行修著 訓 以譏 雖 謂 謂一 以 四 人威儀 道 於過惡,終爲 汎論 言哲 「有覺德行 、要在 修 出 方、四國訓 四方,謂 王而勉之, 身 亦汎言 日克己, 命令, ,維民之 人之善 人性 專 一言 而 幸 競 天 維 莫 遠 明 而

被,而 夜寐, 顛覆 也。 祐,則大戮當至,如泉水之流,汎 爲惡者有戮,乃躬自蹈於罪咎。 有 矢戎兵,用 文、武之業,又不求先王所作之典刑,不 淪胥以亡」云者,言王荒于湛樂,不思繼 王克共 逷 防 其 廷内知日 厥德,荒 所 與 身 其 兵亂,禦夷 「女雖湛 一守爲 人民,謹爾侯度,用戒 洒埽廷内,維民之章。 君臣皆將滅亡也。其四章曰「夙 、明刑。 以 「惕」同 以 章 自 防 戒 君之法度,此乃 夕洒埽以示 潔 日「其在 禍 湛 樂從,弗念厥 戎作,用遏蠻方」云者, 肆皇 其容 (狄,而不知修身以遠禍敗 于酒」云者,指 亂 謂 也。 警惕 i 德。 天 于今, 弗 質, 人嚴潔,而 之也。 尚 又刺 以 定 紹 不虞」云者,教 修爾車 興 如 也。 王 防 時 彼泉 迷 其 一知 非 罔 而皇天 事 亂 敷求 安定 濫無 五 修 意 不 以 于 ·馬 章 之事 知 刺 戎 刺 修 興 不 不 知 備 王 紹

妄出 惠 兵戎 也。 起 德自其身者,子孫 其報,當施德 惠于朋友,庶民小子。 言不可苟,雖莫有持我舌者,而言不可 日苟 之玷,尚 在其 潔其廷之勤 者,亦教 不承」云者,又戒王慎言與德,謂善惡 云者,又戒王之慎出話也。「無易由言, 居 子 愈於洒埽 ,則王子孫之衆世世爲萬民承順 \*, (於外, 也。 身, 左右當友君子,和 矣,莫捫朕舌,言不可逝矣」云者,謂 慎 王 爾 柔 可磨 而 其七章 自 爾 知備 出 可 廷内 于朋 以遠 修 「話,敬 顔 也; 而 也。 不 夷 不 日 與修戎備乎? 猶 友、庶民、小人,皆 禍 狄於遠,而 知修飭其身之要, 「無言不讎,無德不報 遐 斯言之玷,不可爲 爾 謂 將獲 也。 威 有 慎 子孫繩 柔其 儀, 愆」云者 出 其六章曰「白 報 「話,敬 類以 也。 無 不知敬 繩,萬 不 謂王 視視 接之,以 柔 威 又戒 嘉 儀 爾 使 各 民 知 知 謂 慎 以 靡 懷 無 施 有 防

不欺 不愧 民法 愆 懈 怠忽也。 思」云者,謂君子非徒不以不我見而自欺, 爲善以應之也。 其舉止,不愆於儀,而不至於僭差而賊害, 又有神鑒於幽 于儀。 ,言失所望也。 所 民罕有不效以爲法者。 Ė 於 爲 公暗也。 類 爲 「辟爾爲德,俾臧俾嘉。 日 王之爲德,當使稱善而美之,則宜 幽 于屋漏 語 善 也。 「投我以桃,報之以李」,言有待 是效。其下章乃刺王之不然。 隱 常 道 不僭不賊,鮮不爲則」云者,謂 此又戒王不惟自修於顯,又當 也。 如 則庶 「神之格思,不可度思,矧可射 此 謂上若修德以示下,則下 射, 而 無曰不顯,莫予云觀」云者, 「彼童而角,實 幾遠 不 其 謂下當效上之爲善,而 厭也。 可測,宜常畏懼而 八 章 罪 也。 謂人心樂善,惟 厭,怠也。 淑 相在爾 不 虹 慎爾止,不 遐 小子」云 室 遐 其九 不 也 慎 可

> 使小 指 可否,而欲教告王以 未知臧否者,不度可否也。 告,而武公自悔也。 面命之,言提其耳」云者,刺王之不可教 子,未知臧否。匪手攜之,言示之事。 其下章乃以刺王。其十二章曰「於乎小 德之行。 其維愚人,覆謂我僭,民各有心」 德。其十一章曰「其維哲人,告之詁言,順 忍,然後可以緡絲,人必温恭,然後可以 言人必先觀其質性之如 言緡之絲。 云者,又汎言哲人可教,愚人不可教如此。 以 反 人惑 爲惡,使民 所從,乃取 面語之,乃提其耳而告之欲其聽, 亂 温 而 温恭人,維德之基」云者,汎 不 無 已驗之事以示之欲其信 知 所效,譬猶當童 小子者,武公自謂 所從也。 善道,非徒引其手而 何也。謂木必 言我小子不度 荏 染 而 柔 反 柔

「待」,通志堂本作「德」。

諄,聽 子 不忍棄王而不告也 此 是王 民 難,而教 者,君暗 當扶持王,雖遽教 使我未知 悔,而又自 自滿者,何人早有 而 昊天孔昭,我生靡 時也。 ,告爾舊止,聽 遂死而不得言也。 知,亦聿 甚 之靡盈 王 我妄言、皆據舊事之已然者,庶幾 忽,不以爲德,而反以 終 心自滿,教 我 不 藐 告王,然我 於上,臣憂於下,臣言甚 「視爾夢夢,我心慘慘。 可 ,誰夙 信 解 既 藐。 否,而遽教告王,然我爲卿士, 聽 耄」云者,言使我不知 也。 也。 知 匪 不 用我謀,庶無大悔」云者, 抱,持也,謂扶持也。 而 之,不爲過 知而不成其德? 用爲教,覆用爲 可 亦老矣,今而不言, 樂」云者,武公自 借 莫成」云者,武公已自 言我小子所告 其十四章曰「於乎小 人爾。其十三 E 未 爲罪 知 也。 亦既 也 至 惟 如此 誨 借 前 虐 抱子。 爾 聽 章 言自 人不 傷 爾 云 君 諄

> 國。 猶 差忒,言王爲惡必及禍也,而王方爲邪僻 遠引前世興亡之驗,天之於人 大棘」云者,急辭也,言天方將喪我國, 可 困急,言天愛民,必降禍罰於王也。 取譬不遠, 昊天不忒。 不 至 一於大 悔 也 天 方 口 艱 福善禍 難 其 德 不暇 俾 喪 民

#### 菜

王事 文亦無王所征伐之國。 役,亦是暴 惡甚多,故《序》 王,其政昏亂,人民 厲王」,而不 雅》,皆無用兵征伐之事,在此《桑柔》,語 跡, 論 曰 據《國語》、《史記》及《詩》大、 政之一事,宜 言所刺 <u></u> 桑 不能 柔 之事。 · 勞苦,上下愁怨王 》之《序》 以 徧舉 凡鄭氏 或有之。 蓋厲、幽 但 也。 以 然考 其 爲 芮 暴 於 之過 虐 厲 兵

迹,不 從 於刺 至其 意不 以 采其 **瘼此** 曰 : 廷 久 亦 傳皆無其 道,當用賢者」,不惟 人,喻王無德,不能 濯 非 乃 旅 出 可 本義 劉 .厲之詩,常以昊天、上帝爲斥王,至此 聯 詩 下 久 征 應詩 知毛説 者, 鄭獨以 菀彼 大 屬, 伐, 出 」,乃云「群臣恣放,損王之德」者, 民。」據詩, 人本意也。 (事,不 事,宜 厭 士卒勞苦,是大舉兵也 理 亦 無明文、《序》又不 桑柔,其下 亂之 非 自 非 「昊天」爲「上天」。 卒勞苦 矣。 知鄭氏何據而 口 詩 有 辭也。 但 見, 義 又曰「 所 庇 以 也 取 民 伐 等 故不復具列 桑 ·侯旬。 喻 爾 主名與其 事 誰能 鄭 無 其 疎遠 下, 皆 餘 以爲「治國 葉,不能蔭 鄭以詩言「 爲説也。 捋采 非 小失甚多。 , 又與下 執熱,逝不 鄭既 詩 勝 也。 旁稽 在 其 敗 於 也 文 捋 覆 史 朝

本義曰: 桑柔捋采,病此下民者,以

於兵役 之病。 維,秉 政,臣 得 他 所 必 桑 適 彊争之心, 者、民歸其咎於上之辭也。 何 行之道, 夷,無國 吏奔走於道 桑 ~滅,有 以 遭之爾,其 往 往」者,謂欲止則不 蔭 木 無 其 葉 皆 葉 心 民勞苦不息,則禍 此臣 意若 也 下 用 有 不 民 衆 不 方頻急 無 ·, 故 於 能 枝 必 也。 至於泯 而 競。 路 福有 民 此 人, 葉 蔭 盡 實刺禍由 以 何人生此禍 《勞苦怨訴 也。 臣 如 常見 此汎言暴政之爲害, 爲 而 誰 民 根 滅, 此 「旟旐 既 詩 喻 喻 生. 原, 勞苦之 也。 則 将采 也。 属 人 王 知 民 其 無 王 歎 獨 之辭 所安,欲 階 人 亂 有 致 來 亂之階,爲 嗟, 哀王 爲 德 靡 以 雖衆,皆爲 ? 日 辭 四 言諸君子 翩 空枝, 也遠, 桑 也。 不 也 所止疑,云 生而 也。 牡 至 能 爲 騤 行 庶 今爲梗 喻 庇 一爲 暴 騤 而 君 不 民 則 而人不 民 本 虐 子 不 或 有 灰 可 召 也 無 之 知 徂 或 燼 平 所

得賢 王以 王之 逝不以 削 亂 卿、大夫、士也。告誨之者,謂芮伯也。 謂 况斯削」者,刺王謀 矣,又急迫之以禦捍 挑 位之臣,皆有去王之心。 也。「多 方降怒 自 濯 外則守土公、侯、伯、子、男,内則在位公 也。 禍 西 逢 辭 臣 逃 其 可憂之事, 誨王以方今外、内守土、 君 不 徂 天 「告爾憂恤,誨爾序爵。 遭 濯? 避 暇 煩 於 以 也 我 僤 東,靡所 以 也。 紓 王 何能 王 親 怒 苟 患,如 虐政, 其 痻, 如 免 既 而 何 自守善道,譬如遇水患者 謂 彼 列則 以 孔棘 定 臣 溯 能淑,載胥及溺」者,言 不 執熱者,孰 如蹈水火也。 事不慎,亂日滋 火 處」者, 一寇盗。 民 相 風 幸 喻矣,則又曰 遭 我圉」者,謂 與 生此 ,亦孔之僾」者, 就 此 謂 不知逃亂之所 溺 亂亡 「爲謀爲毖, 遭王暴虐, 虐 不 矣。 誰能 王之時,天 · 思 一之禍 序爵者, 是謂 | 今群 往 而國 民 執熱, 就 疲 臣 水 思 在 H 圖 病

臣禄食 痒。 稼穡 就之 其 列 伯 同 而 念穹蒼」者,言天降喪亂,將滅亡 者,言王盡民之力於稼穡,而 風 如 也 食」者, 「天降喪亂,滅我立王。 降此 民 於 則 ,故不煩復解。 義 力 歲 彼 既 有 17,雖 哀 心 可寶,當以禄養賢才, 嚮 以 以 位 又 聞 肅 へ蝗螟 言民 禍 恫中國,具贅卒荒。 也。「稼穡 風 念 如 速 心, 小有不 亂 贅 而 天 而 告誨 并云不逮 日 (疣, 而 災 爲 遠, 本無怠惰之心,而不 歎,未必 滋 災,稼穡 而 王可 逆 而 救 使 維實、代食 風 或 患 不 憂 中 聞 家 則難 者 可 害大義者,皆 也。 或 盡 好是 日 也。 恤 卒 病, 而刺 , 削 故 至荒亂 靡 蓋 蟊 稼 而 其餘 哀痛 維 重歛之爲 有 以 呼聲者 賊,稼穡卒 穡 王 王不然也 好」者,言 臣各懷 我王 旅 爲 不 逮於 鄭 力民 群 喻 力, 能 無 臣 氏 代 具. 群 事

之辭 慮 成 之民 亦非 天皆 此 孔 昊天無不能鞏固,●周室無自爲敗亂, 爾後」者,此稱天以戒王之辭也。言藐 而 不忝先祖 曰「藐藐昊天,無不克鞏。 大惡 城, 而 填 士民 則 也。 也。 斥言之者多矣,何假微箴也?「哲夫 不 人, 收無罪 爲斥王者,非 論 哲 能 寧,降 病也。 ,謂命此幽王爲君,故使邦靡有定, E 興人之國,婦有才智者干外事 婦傾城」,但謂 ,下全爾子孫 言天不惠養我,使久不安,而 據詩,述幽王有人之土田,奪人 此大厲」者,述民 詩 其下遂陳幽王之事 云 而説 也。 膽 有 印 也。 罪 又云「微箴之」者, · 旲 天, 士: 等 多 無忝皇祖,式救 事,直 而毛、鄭 才智者爲 呼天而仰 則 不 陳 也 我 其 以 則 调 昊 降 訴 F. 又 藐

> 也,謂 事,則 爾。 也。 鄭 内 教誨 傾 不如此也。 其 謂疎遠者,不暇更言近也。 人。 寺人皆王所親近者,其日相 「心逸日休」之「休」。 蠶 謂 政,及共祭祀之事也。 敗 織」者,謂婦人不當與 「陰静」等語,皆其衍説 人國 而 而習成其性爾。 丈 婦 寺無訓近之義,且詩 但當樂其蠶 匪 毛 大,陽 止不蠶而干公事。 爾。 訓「寺」爲 匪 公事者,王后以下所治宫中之 誨,時維婦 此 也」,「婦 義 織 不待 爾。 「近」,鄭 言婦寺者,舉 而毛、鄭以爲「休息」 寺」者,謂 訓 「休」之義,當 所刺婦 解 「婦無公事,休 外事,苟無 陰 親 考詩之文義、 汩亂 謂「近 而 彻 近, 口 類 則 婦 本 知 愛 而 不 如 不 陽 婦 而

詩 本義卷第十一

原脱 據通志堂本補

一七

卷

第

+

# 詩本義卷第十一

歐陽氏

### 維天之命

義也。 周 行 爾 早晚不可 之事爾。 於祭文王也,乃述文王有盛德,以受天 於祖考,作爲歌頌,因其祭祀 繼紹文、武之業,於時天下治安,乃歸其美 而 公居攝 不已」者,以詩下文考之,非詩人之本 鄭以「命」爲「道」,謂天道「動而 論 《序》言以「太平告文王」者,謂成王 曰 知 五年之末者,既無所據 蓋頌作於成王之時而已,其年 ,亦不必 維 天之命」者,謂天命 知。 而鄭謂告太 而歌之。 出 不止, 平 文王 臆

文所無,以惑後人者,不可不正也。惠我文王」,「謂爲周禮六官之職」者,皆詩説。因謂既告之後,遂制禮作樂,又解「驗

之也。 順文王之德不敢違。 又戒其子孫,益篤 以及我爾。 謙言,天本命文王興周,而文王不卒,遂假 「假」。 顯文王之德。 文王中道而崩,天命不已,王其後世,乃 本義 「假」之爲言,如「不以禮假人」之 溢,及也,如水溢 日 不言武王,主於祭文王也。 假以及我,我其承之,以 成王謂 天命文王以 而旁及也。 成王 承

#### 烈文

新即政,諸侯來助祭於廟,則祉福當爲文、王錫之,鄭以爲天錫之。據《序》,言成王論曰: 詩云「錫兹祉福」,毛以爲文

詩 也。 邦者 武 易見、故《序》不復云也。今考詩意、乃 文》之《序》,但云諸 來助祭,已事 中,則《訪落》是也。 於《抑》箋與 述之事,其言略而 人述成王即位之初,與 所 人述成王 1,非也 在于 其《序》皆言詩人所述之事。 臣受福 錫 宜 爾 人 從 沭 ,自相勑戒之辭也 邦 此 初見於廟,諸侯來助祭, 而 無 成 毛 意 去, 競 王 而 同 不備者,以詩文甚 毛、鄭 告在 侯 以禮遣之,則《臣工》 維 亦非詩人之本義也。 王之見于廟也,諸 助祭,而不言詩 人,四方其訓之」,鄭 廟 以爲 群臣謀政事於 諸 無 侯 無大累於 之語,云 封 至於《烈 靡 既 于 明 所 是 而 是 侯 廟 爾 無

我 諸 君 侯 曰 于爾邦」者,由言無 臣 本 ,烈文辟公,文、武 義 曰 以 無 疆之休,子 成王祭於廟,乃呼 孫 封 錫 其 不 此 永 在 保 祉 于 之。 爾邦 福 助 祭 之 無 惠

而

君

崇之」, 前 不 此 大 爾 有 身所 辭 功 世之王皆不忘勉强於此。 顯 君 邦 封 心于爾 勑 也 明 世 其 其 修 又曰「念兹 德 臣 而 王 其 邦 之辭 爲 所 而 序 也。 四方之訓者, 以 使百辟爲法 而 也。 尊崇諸 增大之,故曰 言我周之爵命, 戎功,繼序 莫彊於人,乃 侯,諸 乎? 此臣戒其 王也 其 侯 皇 維 嗚 宜 桂 之。 呼 其 以 王 建 其 其 可

#### 天 作

荒,奄也,謂奄有之爾。 Щ 本 雨 義,但謂 者, 衍語 者,是也。 論 日 天 也。 「天作 有 又云「天 此 何 高 高 Ш Ш Ш 不 生 鄭謂 ,大王荒之」,考詩 大王 興 此 雲 雨 高 依 高 乎? 以爲 山 山」爲「 使 或 毛又 興 岐

安之。 起高 佼易之道」者,皆非也。 文王康之」者,作,起也,彼,大王也, 山少, 豈獨能安山 言艱難也,故其下言戒子孫保之也。 也,謂大王自 彼作矣」爲「作宫室」,又云「岐邦之君,有 作」者,益 「天生萬物於高 山,大王奄有之,大王起於此,而文王 「彼徂 非 豳 矣,岐有夷之行」者,徂,往 也。 往遷岐,夷其險阻 山,大王行道,能安天之 生之物乎? 且物 生於平地多,而 「彼作矣, 一而行。 鄭謂 謂天 高

### 時邁

説 ? 其子之,實右序有周」爾,鄭謂「多生賢知, 使爲之臣」者,詩 論 日 .鄭以「天其子之」既爲子周矣,嫌 據 詩 既 ,但言「時 無文,鄭何 邁 其 從 邦,昊天 而得 此

> 是誰 器,而後巡守爾,不得云王巡守而天 兵。 贅以 其下文又云「實右序有周」,義 其失尤多也。 之功而歌 其功而歌之」。 謂 也。「我求懿德,肆于時夏,允王保之」, 弓矢」,鄭謂「王巡守而天下感服,●不 「我武王求有懿德之士而任用之,故 多 呼武王而戒使長保也? 考武王之事,蓋天下已定,遂收 生賢臣之語爾。 頌之,其下文云「允王保之」者, 。如鄭之説,是武王陳臣 「載戢 鄭於此頌, 干戈,載 無 所 屬, (下服 復 下 陳 兵 用 故

巡守所至之邦,天當子愛之,以其能右助邦,昊天其子之,實右序有周」者,言武王以爲告祭柴望之樂歌也。其曰「時邁其定天下,以時巡守,而其臣作詩頌美其事,定天下,以時巡守,而其臣作詩頌美其事,

思文 臣工

我

有

周

也。

「薄言震之,莫不震疊」者,

國,聊警動之,而諸侯皆警懼

而

脩

職

也

「莫不」者,非一之辭也。

王

巡守諸

百

神、及河喬嶽、允王維后」者、言武

之君

也。

「明昭有周,式序在位」者,言

顯

山川百神,信矣,我王真天

下

Ŧ

又來安和其

所行之事也。

作頌者既已述巡守之事,乃

於卒章頌周之功德以告神,因以戒王。

載戢干戈,載橐弓矢」者,言王以

武除

所至之邦,考其功過

而黜之,皆天子巡

守 邁

昭有周之命,以序諸侯之在位者。謂時

食爾, 俱來」。 種。 曰 : 説,至於《思文》、《臣工》,又爲此説,不 芑。」毛謂詩言「誕降」者,「天降」也,鄭 至,以穀俱來」,此出於今文《尚書》僞《泰 鄭氏之失,毛意 誓》之文也,故於《臣工》又云「赤烏以牟麥 王舟,出涘以燎。 而鄭於《思文》,謂「武 工》又曰「於皇來牟」,毛但以「牟」爲「麥」。 云「天應堯之顯后稷」,爲之下此四穀之嘉 播時百穀」者、蓋其爲舜教 蓋毛、鄭於《生民》已爲天降 論 如後世有勸農之官也。 日 誕降嘉 甚矣,漢儒之好怪也。 : ^ 思文》曰 種: 似 後五 亦 維 王 同 也。 「貽我來牟」、《臣 渡孟津,白魚躍 柜 日,火流 維 民耕殖,以 《書》稱 秠 非 維 爲 謂 《生民 四 烏, 糜 穀之 遂 維

亂,成功而兵不用也。又曰「我求懿德,

我求周之美德,陳于是

夏

而歌之,遂戒

Ŧ

,信矣,王宜保守之。

于時夏」者,「我」者,作

頌之臣自

我也,言

肆暴曰

后 初伏生口 也? 在 天有顯然之迹,特爲 有《泰誓》三篇,初無怪異之説,由 得於河内女子,其書有「白魚」、「赤鳥」之 爲怪説 事,推天 毛、鄭之 天爲后稷降 而 女子《泰誓》,世知非 誕降」,則毛、鄭 於 異 前 (矣,安知四穀之種爲 稷 端端 而後 何 後魯恭王壞孔子宅,得真《尚書》, 可 地 前前 地 起,奇書怪説不 以 謂 學者,亦覺其非,但云詩 無 有 傳《尚 ? 爲言爾。 白 後 無 也。 種之説、《詩》又無明文,但 穀 不 自周、秦、戰國之際,去聖 稽之言矣。 一也。 書》先出,而《泰誓》三篇, 然 而 何據而 則 民 真,棄而不用,先儒 然則毛、鄭於后 后 百 不 可 稷 自秦焚書之後,漢 后 穀 粒 云天 降此 是 勝道,而 稷 草 食 木 而 以 爲 待 降也 」, 其 四 先儒 人美 后 天 [穀,其 未 是 稷 降 有 嘗 河 稷 降 大 雖 種 古 其 謂 内 喜 主 種 云 有 遠 使 與 P

然則白魚、赤烏之事

甚爲繆

説爾。 麥。 漢以 説 之穀,億度以爲麥,而苟欲遷就「來牟」之 據 不 妄 公之前,説詩者不以「來牟」爲麥可知矣。 臆度僞《泰誓》不可知之言爾。 中不知爲何穀,是毛、鄭妄信 通,若謂「來麰」爲麥,則非爾。 後之學者 稻、粱之類甚多,而獨無麥謂之「來牟」,是毛 書所見,直用 言麰又言 爾雅・ 來辨」爲麥,始出毛、鄭,而二家所 ;僞《泰誓》但云「以穀俱至」,則在百穀之 可 既 明智之士 存, 然謂 以 前已有此名,故孟子亦言「麰麥」。 古今諸 不正 釋草》載《詩》所有諸穀之名,黍、稷、 汩 舞爲麥之類,或爲大麥,理 麥,則明 以 亂 中。 麥不當有二名,因以 經 不 儒 此二頌 義,則中人 待 謂「來辨」爲麥者,更無 牟者,百穀中一 非一 論 毛、鄭之説爾,是 而 物,蓋麥類 可 知 以 下 偽 其可信哉? 不 然 且毛、鄭 書不 穀爾, 能 毛、 牟爲 也。 無 可 尚 鄭 大 之 他 知 所 可

爾,然則闕 ,則二篇之義,亦當闕其所未詳 ,旁考六經,「牟」無義訓,多是 「來牟」既 其不 不爲 · 知可 也。 而 於《爾雅 「來牟」之義 人名 亦 無 既 地 他 未 名 解

### 敬之

其所 何 也。 所 運 説 其 以 行 四 以 降監 書 行」。 淺 鄭遂云「天上下其事 兹」,毛但易「士」爲「事」,而 論 而 爲「光明」。 鄭 夜 則所得者幾何 也 日 ? 氏遂言天運 善惡、禍福於人者,乃天之至神 照臨 且天之蒼然在 《敬之》一章, 緝 熙,詩 萬物者,日月之明 至於此頌云「學有緝熙 也? 書之常語 日月,以日月瞻視, ,謂轉運 毛、鄭失其 上者, 陟降 也,而 厥 日月, 都 也。 氣 無 義 其 其 者 施 日

> 于光 旨,不惟衍説,實惑後人,不可以不正也。 之意 蓋自武王崩 成王幼,未能 賢中之賢,此豈爲 見群臣,自陳 之志」。 行」者,成王答群臣見戒之意 而 王「自知未能成文、武之功,周公始有居攝 命不易哉」,當爲「難易」之「易」,毛、鄭以 「變易」之「易」者,非也。 一家對 邪? 明」, 且周公所以居攝者,以 執 然 況考詩 之初 ,遂云「學 則 不能於詩頌,然後始 視事,遂代之攝行 緝 即 熙 文了 攝 通義哉? 不 政也 有 爲 無 光明 光 一,豈待嗣 此 明, 語。 爾。 于光 示示 武 可 政 王初崩 以 我 有居! 鄭 明」, 鄭 君 事 悟 氏 顯 謂 祭 爾。 攝 廟 成

不易哉」云者,言王者積功累仁,至於受命王者乎? 其舉止善惡,天監不遠也。「命遠,凡一士之微,其陟降天常監見之,況於天道甚顯,然其命不易,無以天高爲去人天道甚顯,然其命不易,無以天高爲去人

義

Щ

天之道,但當以日月勉强 至於其道光明,然更賴群臣 意 之任,而告示我以顯然可修之德行也。 而 ,爲謙恭之辭 王 甚 艱 難 也 日 ,維予小子,不 成 王 一乃答 積學 輔 群臣 而增緝 助我所 聰 見 明 廣大, 負荷 於敬 戒 Z

酌

他説。 也 王之師也。 王之用師,率叛國以事紂」, 闇昧之君,謂誅 但 師,是矣。 於鑠王師」者,武王之師 云「遵, 養之爲言,不待訓詁, 論 爲義疏者述其意云,率 日 率; m 二説 「於鑠王師 遵養時晦」,毛、鄭之説皆 養,取 紂 自相違 以定天下。 ; 遵養時 異,毛謂 晦, 也。 則鄭又以 而其義自 昧 此 鄭 則 晦」, 師 箋云「文 武 毛 以 而 公 王 爲 取 更 毛 明。 文 謂 是 無

> 是厚 紂。 陷 毛不 師 臆説 世知是文王率殷之叛國以事紂。 此 如鄭之説,是詩 師 爲一義,如此豈成文理? 毛以「遵」爲「率 毛訓 之不可諫, 死,孔子目爲殷之仁人。 君、雖非詩 鄭皆斷「遵」一字獨爲一義,而「養時晦 養」當連言,及下「時晦」共爲 於禍 取紂,實是武 一同爾。 ,穿鑿可知矣。 誣 鄭謂「遵」爲「文王率殷之叛國以 爲「取」 且毛 敗,遂冒 文王也。 謂率師,猶以上文有王師之言, 然不 人所謂「遵養時晦」之義,然 若鄭 一者,苟 死以 忍棄其 人但著一「遵」字,而使 王之事。 謂文王養紂以老其惡者, 紂 欲曲就己之 毛謂 爲暴虐,比干直 進 者,猶冀 君 但詩人之意, 蓋比干非 武王率師 而 不救 一事,而 説爾 可救 《其惡, 不 以 於萬 之鄭之 諫 知 取 又 紂 與 率 後 闍

文」,原誤作「大」,據通志堂本改。

鄭氏此説,近世學者多以爲 其惡 也。 也。 孔子也。由是言之,鄭氏 者,惟孔子; 子尚何極稱其美哉? 美於此,則非於彼 樂,云《武》「未盡善」,略見其意,而 貶之,但咨嗟歎息,極 ,利而取之。 苟如鄭説,則文王幸紂爲不善,養成 孔子於湯、武之事, 孔 如 子 余於此頌,因衆論而正之也。 以 所 其 謂 一言而爲萬世信 文 愛 此 君 王 可 之 者 小人尚 知 意篤 是故知文王之用 矣,此聖人之深 異 稱文王之美而已。 心甚非之,其 八乎仁 可 非,而著論以 或不爲,而 故 謂 人之 以 一者,亦 無 於論 用 明 惟 心 孔 意 目

純 謂 師 動 熙矣,是用 有 也 師 本義曰: 時 「遵養時 而 而 不 興 耀 用 大介」者,介,助也 「於鑠王師」者,美武 其威武,養之以 王師,爲大助 晦」者,循養以自晦之道, 也。 一,時 晦 也。「時 謂 至 王之 周 而 興 後

> 武王之所爲 之」者,謂武王之功興 以德,不專用武, 用 承其業,爲有嗣矣。 承之也。「蹻蹻王之造」,言蹻蹻然武功, 師,實天下之至公,信可謂王師矣。 也。 「載用有嗣」者,謂後世 以 師 「實維爾公」者,武 此 助 Ŧ 其 業,成 興 爾 王寵受而 我 龍

#### 有駠

彊 則能 謂 公用 貌 以喻臣能彊力, 畜 其禄食,禄食足,則臣盡忠者,皆詩文所 又謂 馬者,必先豐其養飼, 臣,必先足其 安國」。 論 肥彊 日 「馬肥彊 ,則能盡 有 據詩,但述乘馬 已爲衍説 駜」之義,毛以 禄食, 則能升 力,以喻 則莫不 高 養飼 而鄭 養臣者, 進 肥 豐 遠 盡 彊 又 一馬 謂 忠。 則 臣 爾 彊 肥 必 馬 喻 肥 僖 力

二六

説,則 無 朝, 與明義明德 其國治民安,然後君臣燕樂有威儀爾。 臣之有道」者,謂僖公君臣之治國之道,致 舞,此豈近於人情? 分别,非詩之本義。 其所爲,群集於 説,謂僖公君臣既明德義,則潔白之士 者,解「在公明明」 生意爲衍説,以自累也。 振鷺」爲新來之士。 興潔白之士」,鄭 君 愈遠 此 舊臣 與之飲酒。 又妄意 也。 夙 而 夜在公,而 詩 振 已,潔白之士 朝, 人, 也,故爲義 又謂僖公君臣 振 鄭 因謂「在公」 鷺,鷺 而 所 所以然者,皆由 若以首章之義 不惟詩 委曲 謂 據《序》,言「頌 新來之士飲 君 于下」,毛 爲説,故 無明文,妄爲 一群 臣 疏 者 集 明 一無事, 爲舊臣, 於 義 廣 君 委 酒 如 鄭 明 以 失 曲 鄭 之 之 君 德 醉 相 爲

本義曰:「有駜有駜,駜彼乘黄」者,

鷺,取

其能自修潔,翔

集

有威儀

也。

鄭

於

唐

頌》,箋傳是矣。

振鷺, 燕飲以相樂 也。「在公明明」者,謂修明其職也。 兮」者,言其群臣能自修潔,有威 在公明明」者,其 而後言胥樂者,先公而後私 公寵 載燕」,其義皆同卒章,●箋傳是矣 鷺于下。 錫 道 其 臣 也。 車馬之盛 鼓咽 胥,相也。 臣修其官,稱 咽,醉言舞。 也。 也。 其先言在公, 其 夙 車服 儀,君 下章「飲 夜 于胥樂 之謂

那

皆讀「置」爲 鼓,殷植 濩》樂,始 論 日 鼓 : 用 植」, 周 詩 植 云: 縣 鼓,故詩 鼓, 謂三代之鼓 湯 置 伐 人歎 我 桀 鞉 定天 美之者,非 異 鼓 制 下, 毛、 足

鼓,取 無一 人歌 圍 也」,若依《序》説,商人 毛、鄭之非 者頗多,又況鞉 衆樂器 必亦舉其大者。 作《大濩》,雖是成功之樂,詩人欲歌頌之, 也 詩人必不引以爲成湯之美事, 「下管鞉鼓。」蓋 方」、「奄有九 (改夏制者,不可勝數,不獨植鼓 」、「武王載旆,有虔秉鉞」之類是也。 [湯之功德,當舉其大者,如「正域 頌成湯功德,不應遺大舉小。 物相襲者。 如 述其祀時樂舞之盛,以衎樂先祖 其變夏制而 中一器爾。 毛、鄭 也。 爲植 之説 有」、「聖敬 據《序》云「《那 |自虞夏以來,舊物常用者, 至於樂舞,其器甚衆,商 非植鼓乎? 據禮家之説,三代器服, 二, 已 靴 立殷 靴,器之尤小者也。 貫 口 、作頌,以爲 制 而摇之,非 知 日 則器服變制大 矣。 躋」、「式于九 ^ 》, 祀 以 且 書》 也。 此 祀 若曰 詩 植 湯 成 口 曰 彼 之 湯 知 植 商 稱 兀

爲周 爾。 得之矣。 始得《商頌》於宋,宋之禮壞 Ŧ 皆可爲湯孫,不知頌作 者,斥主祀之時王 所謂湯孫者,不得爲太甲也。 者,當是湯之孫爾。若以湯爲 孫者,太甲也。二家之説皆非 者,成湯也,言湯善爲人子孫 類是也 頌·我 爲太甲者,但以世次數之,太甲於湯 執競》 頌》亡失之餘,纔五篇僅存爾。 殷武》祀高宗,又云「湯孫之緒」,則《那》 、謂其先祖爲孫,理豈 爾 至《烈祖》祀中宗,又云「湯孫之將」, 而微子封於宋,又四 蓋商有天下六 祀武 將 古人作頌之體 頌曰: 常祀文 王 ,亦言祀時鍾、鼓、管、磬 王,但述祀 「湯孫奏假。」毛 爾。 百 自太甲以下至紂, 得 此 年 於何時,所斥者 通? 白 而 類甚多, 時羊 樂 餘 爲 也。 也。 孫, 年,而 崩 周 鄭以 當孔 頌言湯孫 4 久 謂 自 則是 H 鄭 如《周 孔 湯 天 爲 湯 下 何 孫 商 孫 湯

湯孫 毛引《禮記》「齋日」之説,亦 而 如「不可射思」之「思」。 綏我思成」者,綏,安也,思,語助也,安然 成者,謂下章所陳管、磬和 诗, 言 不 知是 爾。 不 商之何 置,當讀 知 其作 三,鄭 於何王之世 如「置器」之「置」。 以爲 非也。 調 太甲 而 成聲也。 思, 讀 妄 順

其述 Ŧ. 臣 聲容之美。又言諸侯助祭者皆 與 祀 言管、磬,次言庸、鼓,次言萬舞,皆述 而 可可 一,而 其 執事者皆恭恪。 升 其 先 薦 樂 執 本義 其 謂湯之子孫矣。 謂之「湯孫」者,言其能 之。 (始云 「湯孫 也 事 祖 之臣,皆由商王之能 成湯 曰: , 先 自 其 鄭 解 《猗那》之頌,詩人述商 美其樂舞,及其 小 一章三稱其主祀之 假」爲「升」,是 奏假」者,言 者,故先言鞉鼓, 其大義 主 將其事也。 能 止 商 助 1悦懌, 於 祭諸 也 奏 祀 此 如 之烝 時 其 群 此 侯 樂 次 Ŧ

> 者,謂 當 也 孫 又云 之意或然也 稱 詩 湯 能 爲 人 孫, 作 於 於赫湯之孫 能 應 此 祀 將祀 至于 自 頌 事 稱 湯 則 事 以 再 盛 孫 也 可,若於赫 爲 美之孫,以 ~~者, 也。卒云「 祀 者, 成湯 其述樂先 謂 蓋 詩 於 之樂 者,盛 赫 無 誇其先祖,故 定體 湯孫之將」 小者,而 歌 湯之孫 其言 美之辭 也 間

#### 烈祖

祖 以 嗟 可 烈祖 以 爲 世 成 丙 論 常常 爲 湯 」者,中宗也。 日 以 事 祖矣,此古今人之常也。 : 者,非也。 湯 也 爲祖 一,何必 (序)言 ,中宗之後 曲 烈 如 鄭 爲之説 丙 執《那》頌「烈祖 祖 以 祀 甲 哉 中 世 -爲 以 祖 中 是 頌 戊 則 宗爲 則 亦

諸 乃是 羹,雖 國,而 引和 傳《春 臣 爲 諸侯有和順之德」者、非也。 據詩上言「既載清 羹當以五 齊侯陳 争。」毛訓「假」爲「大」而 用詩本義,但取其一句,足以曉意而已,如 意本譏齊侯與子猷同欲,不得爲和也。 亦有 鵲巢》本述后妃,而 侯 亦然」。 和 直陳 以喻 哉? 羹爲喻,以謂和者,鹹、酸異味,相 ī秋》也。 《左傳》魯昭二十年,晏子爲 趙孟治之之類是也。 和 鬷 非 和、同之異,云「和,如羹焉」者,其 羹,既 假 詩義,而 味相和 祭時酒 因引此頌云「亦有 君臣以 詩 無言」,以謂諸侯助祭,總升堂 無 戒 明文,乃是臆 爾。 既 與羹爾。 未爲 可 ·酤」,下言「亦有和羹」, 平。 否相 魯穆叔引以喻晉君 古人引詩喻事 甚失。 鬷 已,鄭謂 濟爲和,故曰「 假 鄭 方晏子引頌 其失自左氏 無言,時 何據 説 和羹」,但 鄭 也。 利則不 和 而 \*,多不 至於 爲 靡 和 有 君 濟 大 有

説

無 者來升堂獻酒,而神饗。 福 疆」,假,至也,據詩,但言神至 人本意也? 先儒各用其意 言總大政,能使上下 爾。 也。 獻 齊 酒 一,寂然 之禮, 蓋鄭訓「假」爲「升」,遂云諸 至如詩云「來假 無 今詩又無明文,亦鄭之臆 爲 言 解,以就 而 皆 杜 如 預 且諸 成己説, 豈是 和 注《左 來饗,降 羹。」以此 而 侯助祭, 饗,乃 氏傳》: 侯 助 福 降

而

獻,而 也。 有争」者,謂執事之臣總至無喧譁,又不交 平」者,戒慎其事也。 者,言調 常之福,申錫 本 神賚 既 義 和 載 日 此羹之人,謂膳夫也。「既 清 我,使成祀 及 酤 爾。 嗟嗟 ,齊我思成」,謂以 我 爾者,爾 而「鬷假無言,●時 事 烈 也。「亦有和羹」 祖 中宗, 時主 祀 清 以 戒 酒 之 其 既 有

鬷 假 誤作 「總至」 據通 志堂本改。

得禮 侵 豐穣,使我備物而祭,致神歆饗而 穰」者,我時王受天命溥將此祭祀,而天降 享也。「我受命溥將,自天降康, 諸侯也。「以假以享」者,謂諸侯既至 下云「來饗」者,謂神來至而歆饗也 上云「以享」者,謂諸侯來助,致享於神 約軝 其 一所以 職 錯 位 衡,八鸞鶬鶬」者,此始謂助祭之 神 以 - 明錫 見 在廟之人,皆肅 以 眉壽、 黄耇 恭 之福 降福也。 豐 而 年 舉 而 也。 也 動 穰 助

#### 長

汩 不 而 可 識 亂 鄭 以 爲 六經者不可 以 論 不 非聖之言,然今著于箋,以 爲 曰 去也。 黑 帝 一帝 勝數。 鄭惑 立子生商 至「玄王桓撥」,又云「承 讖 學者稍知 緯, 其不 ·經之 害詩 上 正 道,自 説, 也

> 其 求義,謂 是矣。鄭何據而爲「三正之後」乎? 考文 桀」,毛以「苞」爲「本」,「蘖」爲「餘」,訓 遂莫達。九有 而 下所歸,用 此三蘖莫能遂達其惡,皆伐而去之,并拔 也、昆吾也,所謂三蘖也。 本,小而附者爲蘖。夏所謂本也,韋也、 加王爾。玄者,深微之謂也,老氏言「玄之 黑帝而立子」者,亦宜去也。 又玄」是矣,不必爲黑也。 正厥事」、「寧王遺我大寶龜」、《商頌》亦 武王載旆」之類甚多,蓋古人往往以美稱 本也。 去之也。 其曰「九有有截」者,言湯已爲 一本而生三葉也。然則大者 此九有之師 有截, 韋顧既伐,昆吾 以伐三蘖,并其本 達,生長也。 「苞有三蘗,莫 《書》稱 顧 爲 詁 夏 云

詩本義卷第十二

# 詩本義卷第十三

歐陽

氏

義解

愛其 芾 蔽 能 非 勞人,故舍於棠下。棠可容人舍其下, 蔽芾,小 毛、鄭謂「 甘棠, 蔽 小樹也。 芾,乃大樹之茂盛者也。 風 樹 甘棠》,美召伯 而 日,俾人舍其 貌 勿翦勿伐《召伯 蔽带」爲「小」者,失詩義矣。 不 據詩意,乃召伯死後,思其人, 忍伐,則作詩 茇,舍也。 下也。 也。」其 所茇。」毛、鄭 召伯本以不欲 時 益非 芾,茂盛 (詩曰: 小樹 皆 貌。 則 煩 謂

《邶·日月》,衛莊姜「遭州吁之難,傷

東方 窮也 尊親如父母,義無此 父母,而「 窮之人尤怨之辭 母 不 自出 能 女無 畜 遇我不終」者,非也。 養 父兮母兮,畜我不卒」者,謂 不嫁,其 我終身, 也。 理也 曰「畜我不卒」者, 而嫁我於衛,使至 鄭謂 莊 姜尊莊公如 妻之事夫, 困 困

見答於先君」也

其詩

日日日

居月諸

我後 其新 尚 非 而 不容,安能 將去,猶顧惜其家之物。 棄之辭也。 發我笱。 新 安 也。 猶不忘其家,所以 昏,而棄其舊室。 所 能 昏「毋之我家,以取我室家之道」者, 「《谷風》,刺夫婦失道也。」衛 蓋舊室所 生之子孫」者,亦非 禁 我躬不閲,遑恤 其 恤 禁其新 毋之我 其 後 以 事乎? 昏毋發我笱者,言棄 其 詩 家 見棄者,爲有 深嫉 乎? 既 日 其夫也。 我後」者,舊室 以 毋 而歎 也。 又云「何暇 見其妻雖去, 逝 據詩 我梁, 日, 新昏爾, 人淫 鄭謂 我 身 妻 於 被 毋

後,後事也。

萬舞, 哉 ? 可任 左手執籥,右手秉翟」者,謂 伶官」也。 能籥舞,言文武道備」者,非 用, 「《簡兮》,刺不 Ē 矧能籥舞,豈足爲文武道 是 而 其 詩 借 反 其 使之執籥、秉翟 日有 非 : 所 用賢也,衛之賢者仕於 力 宜 爲 如 也,豈 虎,執轡如組 此賢者才力皆 也。 爲 備? 伶官也 以 爲 能 云

薄 爾。 但 長以 琚。 也。 之敗 物。 玩 好也? 好,當 齊德 其詩 爲 ,桓公救 匪報也,永以爲好 《木瓜》,美齊 瓊琚 玩好,結己國之恩」者,非也。 於 日 如「繼好息民」之「好」。 寶玉 : 衛,衛思厚報,永爲兩 而 封之,衛人思之,欲 投我 桓公也。」衛國 取厚報之意爾,豈 以木瓜,報 也。」鄭 謂「欲 國之好 之 木瓜, 有 **\*** 以 厚 詩 狄 以 瓊 報 齊

「《蘀兮》,刺忽也。君弱臣强,不倡而

屬 無其 女。」毛謂「君倡 近得 鄭謂 和 者,蓋大臣也。 須君倡則 之」者,非也。 ,非詩人之本義。 也 君,自 之矣。 。」其詩 風喻號令,喻 和 以 爾。 又 曰: 日 詩人本謂 强 臣 弱 如鄭 和」,是矣。 相 君 蘀兮蘀兮, 「叔兮伯兮,● 或 之説,與上文意 服 有 君 ·政教, 蘀須風 女倡矣,我 以伯、叔 臣 鄭謂 風 吹則 乃行之」, 其 倡 稱 吹 其 則 群 予 女。 不 和 相 和 臣 臣 臣

必仲 女婚 逅 草,零露 時, 相遇,適 思不 娶失 無 春時也? 野 夫家者」,學者多以此説爲 有 溥兮。 期 時, 蔓草 我 而 願 會 邂 《周禮》言「仲春之月,會男 ÷, 兮。」此詩 有美 逅 也。 相 民窮於兵革, 遇 一人,清揚婉兮。 其 詩 於野草 文甚 曰 : 之間 明白,是 男 非。 野 女 有 男 尊 失 何

<sup>■ 「</sup>叔兮伯兮」,原作「伯兮叔兮」,據通志堂本改。

禮》會男女之禮者,衍説也。 仲春? 鄭以蔓草有露爲仲春,遂引《周如其説,乃是平時之常事,兵亂之世,何待

輪 得仕進,莫能施其用矣。其下章伐輻、伐 毛謂「伐檀以俟世用,若俟河水清 伐檀兮,寘之河之干兮,河水清且 河水雖清漣,然檀不得其用,如君子之不 之意,謂伐檀將以爲車行陸,而寘於河干, 爾,初無俟清之意,知毛之説非也。 不可得也。 如毛之説,是寘檀於濁河之側,以俟河清, 禄,君子不得仕進」也。其詩曰: ,義皆同也。 《伐檀》,刺貪 據詩文,乃寘檀於清河之側 也。在位貪鄙, 且漣」。 漣漪。 無 坎坎 功受

大采邑之民」爾,又云「我不去者,念子故豈無他人? 維子之故。」鄭謂「此民,卿大也」。其詩曰:「羔裘豹袪,自我人居。《羔裘》,「晉人刺其在位不恤其民

何論 爾。 據而限以卿大夫采邑? 舊之人」。 在位 云 故舊?《序》但云「不恤其民」, 我 者,晉國執政之大臣,民於上 豈 據詩,乃晉人述其 無 他 或 可往 皆曲説也。 顧 國 子 民 而 怨 上 鄭 不 位 何

取,況此義自明,何必改之以曲就衍説 之。然義有不通,不得已而改者,猶 饋,田大夫見其勤農樂事而喜爾。 南畝,田畯至喜。」據詩,農夫在田,婦子 之日于耜,四之日舉趾。同我婦子,●饁 大夫設酒食也。鄭多改字,前世學者 「喜」爲「饎」,謂「饎,酒食也」,言餉婦 《七月》,陳王業也。」其詩 日 所不 已非 鄭易 爲 也 往 田

基。」鄭謂「山有草木,以自覆蓋,成其高「南山有臺,北山有萊。樂只君子,邦家之「《南山有臺》,樂得賢也。」其詩曰:

■ 「婦」,原誤作「父」,據通志堂本改。

大,喻 也,豈由草木覆蓋,然後成其高大哉 考詩之義,本謂 (才爾。 人君 且山 有 賢 以 高 臣 其高大,故草木託 山多 以 自 草 尊 木 如 如 顯 一者,非 周 大 國 以 也。 生

爾。 其所 也。 也。 菁者 子,樂且有儀」,謂此君子樂易 教學之,又不征役」者,衍説 漸至於官之」者,拘儒之狹論也。 人,秀士、選士、俊士、造士、進士,養之 育材者各因其性而養成之。或教於學,或 儀。」育材之道博矣,人之材性不一,故 育人材,則天下喜樂之矣。」其詩曰: 命以官,勸以爵禄,勵以名節,使人人各 能 而鄭 樂易,所以 莪,在彼中阿。 而鄭氏引禮家之説,曰「人君教學 《菁菁者莪》,樂育材也。君子能 謂 然則君子所以長育之道,亦非 有官爵然後得見君子,「 容衆。 既見君子,樂且 有儀 ··; 所 也。 以 而 既 又曰「既 有 爲 見 威 國 以 君 法 極 善 有

則未往之人不見君子,而不得教育矣。氏於《詩》,●常患以衍説害義,如其所説,心喜樂,又以禮儀見接」者,亦衍説也。鄭

74

容,如 士,鄭 義 服 帥、 言宣王命方叔爲將,以伐蠻荆,取之之易, 由 今人云拾芥也。 王征伐四夷,所往必獲 物,于新田亦得之,于菑畝亦得之。 如采芑爾。芑,苦菜也,人所常食,易得之 失之,以謂 物名訓詁尤多,其學博矣,獨於采芑之 命方叔 「薄言采芑,❷于彼新 師徒、車服之盛,威武之容。 「《采芑》,宣王南征也。」其詩 又謂 詩下章所陳是也。 爲將,而 和 治 宣王中興,必用 其所以往而 軍 師 士之家,而 徒、 也。 田,于此 車服之盛,威武之 毛、鄭於此 其言采芑,猶 必得之易者, 新 養 而其首章 美天下之 菑畝」者, 育其身。 稱 如宣 篇 述

0

<sup>「</sup>於」,通志堂本作「解」

<sup>「</sup>薄言」,原誤作「于以」,據通志堂本改。

可謂迂疎矣。

漸 集維霰。]箋云: 離心知必亡國,必然之理也。 雪將降,必先下霰,見霰知必 亡有漸 考詩之意,非謂不親九族。 孤 死喪無日,無幾相見」也。 ,自微至甚,如 危將亡」也。 類弁》,「刺 爾。 國 「喻 先霰後大雪。」非 |將亡,必先離 其 妣 詩 王 幽 日 也。 王不親九 有漸, 如 有雪,見九 暴 故其下文云 其 彼 戾 (九族, 詩 雨 族亦 謂其危 無 意也 雪, 親 族 有 如

首。 武 王居 藻,述事之言也。 比物者, 藻,得其性 水 Ŧ 草,猶人之依 王在 焉。」 鎬京,將不能 《魚藻》,刺 一句 其詩 在鎬, 豈樂飲 則肥 之中, 曰: 充。 明王」,明王之時 幽 詩 以 王也。 不能 人謂幽 詩之言有述事 自樂,故君子思古之 魚 酒。」鄭謂 兼 在 言萬物失其 此 在 王時,萬物 兩 藻, 魚之 有 也。 魚 者, 處 頒 有 於 依 其

> 爾。 得其 也。 其 性 如人依明王者,非詩人之本意 亦安其 性 其 義 乃思古武王之時, 而 樂。 也 不 止 安其 於如此而已。 「王在在鎬」者,謂武王安其樂 其言「魚在在藻」者,言萬 生,王亦將 萬物 鄭謂 不 得其性,故 能 也 魚依水草, 長 有 物 其 之

訴。 苟 蹶 宜酷虐,蓋民怨尤之辭,猶言天未悔 天而訴之辭也。 方難」,又以 鄭以爲 而今反使民皆病也。 板,下民卒癉」者,上帝,天也,其民呼天而 如 」、「方虐」、「方懠」及「天之牖民」,皆呼 鄭 曰「上帝板板」者、●謂天宜愛養民下、 《板》,刺 説,其卒章云「敬天之怒」,又豈得 上帝斥王者,非也。 爲斥王者,亦非也。 厲王也。」其詩曰 其謂「天之方虐」者,天不 其 義 如 其下云「天之 此 而已。 「上帝 「天之方 禍也。 毛、 板

❶ 「板板」,原誤作「反反」,據通志堂本改。

爲斥王乎? 故凡言天者,皆謂上天也。

爾。 懼 天上帝,則不我遺。 爲民父母」者,亦非也。蓋詩人述宣王訴 民饑饉,不能爲國,則將摧壞先祖之基業 詩,摧,當爲「摧壞」之義,謂旱既大甚, 摧。」毛訓「摧」爲「至」,初無義理。 于父母及先祖 者,其義同也。 摧」爲「唯」,嗟也。 ,側身修行,欲 故其下章又云「父母先祖,胡寧忍予」 「《雲漢》, 爾。 仍 而毛、鄭皆謂「先祖,文、武 叔 銷去之。」其詩曰: 美宣王也。」「遇 改字,先儒不取。 胡不相畏? 先祖 鄭又改 烖 而

降 曰: 王者,皆非也 也,其義與《瞻 罪罟。」皆述周之人民呼天 《召旻》,凡伯刺 「旻天疾威,天篤 印 》同。 幽 降喪。」又 而毛、鄭 王 大 壞 而 常以 怨訴 也。」 云: 其 之辭 爲 斥

「《有客》,微子來見祖廟也。」其詩

周」, 所因,以此知其不然也。《卷阿》曰 愚,亦惟斯戾」者,似因上文先述 然。詩言「亦」者多矣,若《抑》曰「哲人之 孔之哀」、「民亦勞止」之類甚多,皆非 不通,不能 于天」,●則 義不通,已 皇于飛,亦 愚,然庶人之愚,自云「亦職惟疾」,則 馬,而微子亦乘白馬也。 以謂彼既爲是,此又爲是者爲亦也。 毛、鄭之意、謂亦者、又也,有因 「亦周」、「亦武庚」者,謂周人與武庚乘 高 鄭以 飛,亦傅 有 客有客, 爲「亦武庚」者,其 爲 集爰 鄭 見 説 更無所 别 于天。」鄭亦 也。 論。 止。」鄭以爲「亦衆鳥」,其 亦白其 至於「人亦有言」、「亦 説。 至于下章又云「亦 《菀柳》曰: 馬。」 無 今考詩之文不 所説,蓋 説 毛 一之辭 皆 以 庶 非 又無 其謂 其 傅 鳳

<sup>「</sup>于」,通志堂本作「其」。

「武庚」之文,二家妄自爲説,所以不同也。馬」者,直謂有客乘白馬爾。況詩無「周」及亦。蓋亦者,詩人之語助爾。然則「亦白其

后稷 鄭謂 據詩意、依、猶賴 子孫」者,亦非也。其上下文方言姜嫄 怪妄、《生民》之論詳之矣。 之此説,是用「履帝武敏歆」之説也,其言 彌月不遲。」毛謂「上帝是依,依其子孫」。 赫姜嫄,其德不回。上帝是依,無災無害, 天帝之靈 時事,與上帝依其子孫,文意不屬 「依其身也」,天「依馮 「《閟宫》,頌僖公」也。 其詩曰: 而生后稷,無災害爾 也。 謂上帝是賴者,言姜 而降精氣」。 而毛謂 で依其 鄭 生

### 取舍義

「《緑衣》,衛莊姜傷己也。」 言妾上僭,

先儒 黄裹。」毛謂「緑,間色,黄,正色」者,言 夫人失位也。 有所 況毛義甚明,無煩改字也。 己説,則何人不能爲説,何字不可改 僭而夫人失位,其義甚明。 色賤,反爲衣,正色貴,反爲裏,以喻妾上 「椽」,謂禒衣當以素紗爲裏,而 所以不取鄭氏於詩改字者,以謂 不通,當闕之以俟知者,若改字 其詩曰: 「緑兮衣兮,緑 當從毛。 而鄭改「緑」爲 反以黄。 也? 六經 以 就 間

所責 之辭 褎如 臣 寓 子以責於衛 而 如 不 于衛,衛不能修方伯連率之職,黎之臣 ,如不聞也。 ,其卒章云「充耳」者,謂 塞耳 能 充耳。」毛謂「大夫襃然有尊盛之服, 「《旄丘》,責衛伯也。狄人迫逐, 稱 無 也。」其卒章曰: 聞知也」。 鄭謂「充耳、塞耳也、言衛 鄭義爲長,當從鄭 據 詩,四章皆 「叔兮伯兮, 衛諸臣 黎侯 聞 責

詩 曰 : 争」,●「男女相 我 服,疎矣,且棄女不當 意,云「如荼」者,是以 茶,茅秀,物之輕者,飛行無常。」考詩之 茶,英茶也。 雖則如荼,匪我思祖。」言女雖 從鄭。 所思爾。 一出 出 其 其 東 以文義求之,不得爲喪服。 門 棄 闄 言皆 閣,有女如荼。」毛  $\approx$ 「思保其室家焉」 閔 喪服。 女比 喪 亂 服 也。」鄭「公子 物 也。 也 而 下文云: 輕 鄭 毛 美,匪 謂 謂 謂 其 喪 五

恥之 乘驪 謂 曰: 齊子豈弟。」毛云「言文姜於是樂易然」者, 服」、「與文姜淫、播其惡於萬民焉」。 文 姜 色 垂 《載驅》,齊人刺襄公也。」「盛 ·轉引古文《尚書》,以「弟」爲「圛」,而 「四驪濟濟,垂轡 轡而 也。 爲淫穢之行,曾不畏忌人,而襄公 行 其 魯道,文姜安然樂易,無 義 其 明。 濔 鄭 濔。 改「豈」 魯道 有蕩 字 其 其 慙 車

甚矣。當從毛。❷訓「圛」爲「明」,以謂闓明猶發夕也。迂疎

三八

爲比。 鄭謂: 符在 《孔叢子》言鰥魚之大盈 不能 是其本義。 以 説,又其下文言從者如 則 子,其義得失,不較可 恣行,無所畏忌,以見齊子强盛,宜以大魚 不無據矣。 可 魯桓弱不能 知,義 梁,其魚魴鰥。」毛謂「鰥,大魚」也。 防閑文姜,使至淫亂。」其詩曰: 「《敝笱》,刺文姜也。」「魯 皆當從毛。 「鰥,魚子也。」孔 亦可通 鄭改「鰥」字爲 苟如鄭 制强 説,則小 然鰥 則敝 知 雲 也。詩人之意,本 車,則毛爲大魚, 爲 雨,是其黨 笱不能制大魚, 「鯤」,遂以爲魚 穎達《正義》引 大魚 猶 不 桓公微 能制, 非 毛 一敝

0 0

<sup>「</sup>載驅」至「從毛」,通志堂本此篇在下篇「争」下,通志堂本有「兵革不息」四字。

民,得 其 乎? 非 用 魏君儉嗇,不能用 不取於民,食園桃 嗇 反不能取之以道,至使國 食之物,於理不 謂 有 實之殽。」 不 常度,其取於民 能 謂 其不取於民,但食桃 毛説爲是,當從毛。 其力」,鄭謂 東 慐 用 有 有桃 其 毛 桃 民 謂 尚 通 園 也 刺 可 其民 而 「魏君薄公税,省國 時 取 已。 其 有道,而過自儉嗇 有桃,其實之食 其詩 而 日 者,謂不知爲國 園 食, 也。 用不足而 考詩之意 日: 況國有 有桃,其實之 夫 桃非終歲 八憂其 袁 爲 人民, 本 有 君 儉 爾 嗇 者 刺

也 彼其之子,碩大無朋。」毛謂 焉 盛 彊 一平均 詩人但憂桓叔盛大,將奪晉國,本不 《椒聊》,刺晉昭公也。 其 知 無 詩 朋 日 其 黨 蕃 衍 「彼其之子」,曲 椒 盛 聊之實,蕃 大,子 朋 孫 君子 比 將 衍 有 見沃 也, 沃 盈 晉 桓 升。 之 鄭 或 叔

> 其爲 相 ,謂其特盛出於倫類也。 附之謂 政 平均 也。 也 無 毛以「朋」爲「比」,比者,以 朋者,謂 桓 義當從毛 叔 盛 大,無 與

候。 野,而見天星,義簡而直,故皆當從鄭 喻男女成婚,於義不類。 所見之月候,嫁娶早晚爲有理。 時。」參、心皆三星,而知鄭義爲得者, 末,四月之中,見於東方矣,故云 星,心星也。二月之合宿,故嫁 成、若薪蒭待 天。」毛謂 得 其 今我束薪於野,乃見在 時。」其 《綢繆》, 詩 三星, 人事而 刺晉 : 亂 後束。」 參也。 也。 綢 鄭 或 束 天,則三 鄭謂 男女待 謂 亂 薪 毛以 娶者 則昏 因 不 束 星 得 月 以 姻 薪 束 以 在 其 其 不 而

昭 羽,衣裳楚楚。」考詩之意 好 公無法自守,將至危亡,但好奢侈 「《蜉蝣》,刺 而 任小 人」也。 奢也。 其 昭 謂 詩 公國 日 曹國 小 迫 蜉 而 蝣 迫 而 之 而

略」者是也。 飾 爾,與詩之義正相反也。 修」,則是昭公不 生 其 也 衣 服 鄭謂「不 , 楚 楚然 毛謂 能 知 如蜉 渠略「猶 修 君 飾 臣 蝣 當從鄭。 衣服,不 死 雖 亡 有 有 無 羽 羽 日, 如 翼 翼 以 不 如 自 渠 能

其 爲政,困病 之屬。」毛、鄭皆謂 病。」鄭謂: 稂。」毛謂: 下民」也。 義自通,何煩改字? 《下泉》,思治 其民。 其詩曰: 「稂,當作『凉』。 「稂,童粱, 大意則同,但稂 泉流 也。 「冽彼下泉,浸 理當從毛。 浸病 曹人疾 非溉草,得 其草,如共公 凉草, 共 爲童粱, 公 蕭 彼 水 侵 而 苟 刻

肉。 者莫知所從。 惟 此 或 (將。」毛謂肆者,陳于牙, 鄭謂「或肆 「《楚茨》,刺幽王也。」 其詩曰: 一句,雖不害大義,然各爲一説,使學 詩之大義、毛、鄭皆得之、無所違異。 以理考之,當從鄭 其骨體於俎,或捧持 將者,齊于 而 「或 進

獨

降,有娀氏女簡狄,配高辛氏帝,帝率與 書,故於怪説尤篤信。 其事,故務爲奇説也。 皆王天下數百年。 皆以神異而生子,蓋堯有盛德,契、稷後 間,學者喜爲異説,謂高辛氏之妃陳鋒 情物理推之,事不爲怪,宜其存之。 鳥至而生焉。」古今雖相去遠矣,其爲 祈于郊禖而 姜嫄履大人迹而生后稷。 女,感赤龍 人物,與今無以異也。 命玄鳥,降而 無説。 吞鳶卵而生契者,怪妄之説 《玄鳥》,祀 鄭學博而不知統,又特喜讖緯諸 精而生堯,簡狄吞乙卵而生契, 生契,故本其爲天所命, 生商。」毛謂 高宗也。」其 學者喜爲之稱述,欲 由是言之,義當從毛。 至帝摯,無所稱,故 毛氏之説,以 高辛四妃,其三 詩 也。 春 日 秦漢 分 玄鳥 天 以 而 氏 鄭 地 天

謂

詩 本義卷第十三

# 詩本義卷第十四

歐陽

氏

時 世 論

謂被二公之德教者,是周公旦、召公奭所 皆不合。 繫之召公,謂之《召南》。 之周公,謂之《周南》。 屬太師,分而國之。 尤純。至武王滅紂,巡守天下,陳其詩 教於己所職六州之國,其民被二公之德教 旦、召公奭之采地,使施先公太王、王季之 作邑於豐,乃分岐 鄭氏譜《周南》、《召南》,言文王受命 而爲其説者,又自相 《邦周、召之邑,以爲周公 其得聖人之化者,繫 其得賢 今考之於詩義, 人之化者, 抵梧。● 所 以

> 烏有所謂二公所施先公之德教哉? 言文王之化。蓋此二十二篇之詩,皆述文 羊》、《摽有梅》、《江有汜》、《野有死麕》,皆 雷》,皆大夫妻之事,《漢廣》、《汝墳》、《羔 妃、夫人德化之應、《草蟲》、《采蘋》、《殷其 事,夫人乃大姒也。《麟趾》、《騶虞》,皆 之事、《鵲巢》、《采蘩》、《小星》,皆夫人 十五篇 施太王、王季之德 公也。謂旦、奭共行先公之德教,而其所 人之化者,謂周公也,得賢人之化者,謂 言召伯聽訟,《何彼穠矣》乃武王時詩。❷ 王、太姒之事。其餘三篇、《甘棠》、《行露》 譜》考詩義,不能合者也。●《譜》言得 螽斯》、《桃夭》、《兔罝》、《芣苢》,皆后 《關雎》、《葛覃》、《卷耳》、《樛 教爾。 今周、召之詩 此 木 妃

- 「梧」,通志堂本作「牾」。
- 「時」下,通志堂本有「之」字。
- 「不」上,通志堂本有「皆」字。

四

所施 者之風,故繫之周公」; 亦 其夫婦身自行之,以 謂文王、大姒之事者,其德教自家刑國,皆 述、既非先公之德教、而二《南》皆是文王、 施 之德,諸侯之風」,「故繫之召公」。 人之化者爲 不能合也。 惡俗,成周之王道,而 大姒之事,無所優劣,不可分其聖、賢。 《譜》 《關雎》、《鵲巢》所述一 〈詩》之《序》曰,「《關雎》、《麟趾》之化,王 Ξ, 又不得而與。 自 然《譜》本謂二公行先公之教,初不 有 謂先公之德教者,周、召二公未嘗 ,而二《南》所載文王、大姒之化,二公 何以爲夫人? 則爲 優劣,故 後之爲鄭學者,又謂《譜》言 鄭 文王,賢人之化者爲大王、 學者又自 以 然則鄭《譜》之説,左右 聖、 化其 二《南》之事,一 賢 大姒爾,何以 著 别 「《鵲巢》、《騶虞》 相抵 於 下,久而 之 歌 爾。 梧矣。❶ 頌 變紂 爾。 今詩 及 王 聖 皆 之 有 所

> 爲頌。 甚。 時,而 同,故 之失也。 所述,故於《詩》時 餘篇,作非一人,所 子殁,群弟子散亡,而六經多失其旨,《詩》 爾 而不傷。」太史公又曰: 秦漢已來,學者之説不同多矣,不 小雅》,其義類 河,何 諷誦 不通也。 王 席 周之德盛於文、武,其詩爲風,爲雅, 以 世久失傳,故於《詩》之失,時世 於六經之失、《詩》尤 《關 風有《周 政衰之詩,皆與鄭 相傳,五方異 爲 昔孔子嘗言《關雎》矣,曰 王者? 又不 雎》作。」 南》、《召南》,雅有《大雅》、 非一,或當時所作,或 ·言詩 世之失,周 何 作非一 而 俗,物名字訓往 以 作 爲諸 之時 「周道缺,詩 氏之説其 魯、韓三家 甚。 國,先後 侯? 世。 詩 《詩》 尤 獨 甚 則 非 意 後 鄭 往 自 #

以

志堂本作「牾

諸侯 雎》爲 類 皆云后妃之化所致。 之興自大姒始,故於衆篇所述德化之盛 姒賢妃,又有内 德所及,下至 遠自上世 之興,豈專由 効,故曰「《麟趾》、《關雎》之應」、「《騶虞》, 稱述,遂以《關雎》爲王化之本,以謂文王 來遠矣。 葦》之所述,蓋其功業盛大, 趾》與《騶虞》之瑞,●亦以爲后妃功化之成 衰亂 其所以衰 巢》之應」也 也。 之不服者,天下歸者三分有二,其 蓋 周衰之作者,近是矣。 常 則宜思其 其威德被天下者,非一 其思彼之辭甚美,則哀此之意亦 以 積德累仁,至於文王之盛 哀 思其所以 女 昆蟲、草木,如《 傷爲言,由是言之, 今德? 助之功爾。 初 何其過論 有婦德之助以 惟 至於天下太平、《麟 興,此《關 其後世因 而言詩者過爲 周之爲 敷! 積累之勤, 靈 事也。 臺》、《 雎》之所 婦 夫王者 征 謂 興爾 周 《關 其 伐

> 康王 也。 札聞 知自 康 王 之,成王不敢康。] 所謂二后者,文、武也。 貳,怨而 擇,❷然其去周秦未遠,其爲説必 深,其言緩,其意遠。 王之爲武王也。 則成王者,成王 之遺民焉。」而太史公亦曰: 儒之所傳,其 鹿鳴》刺焉。」然則《小雅》者,亦周衰之作 此也。 時 <u></u> 何 已後之詩, 作,遂以「 魯 周頌 執 人之歌《小雅》也, 而 不言 競 得此言也。 司 • 昊天有成命》曰: 「二后受 馬 ,其周德之衰乎? 曰「周道 遷之於學也 成 也。 而毛、鄭之説 然則《昊天有成命》當 王」爲「成此 執 孔子. 猶文王之爲文王, 吾有 缺而《關 競武 日「哀 曰: 取焉。 Ŧ 以以 雜 ,無競維烈 「仁義陵遲 王 博 有 頌皆是成 猶有先王 而 功不 思 昔 作 老 而 不 吴 無 傷 而 師

<sup>「</sup>趾」,原脱,據通志堂本補。

<sup>「</sup>雜」,通志堂本作「雖」。

DП

四

通。 出 曲 豈不簡且直哉? 而毛、鄭之説,豈不迂 信其己説,以頌皆成王時作也。 者,亦成王也。 後世何所適從哉?《噫嘻》曰「噫嘻成王」 也。 而 王者,成王也。成、 之」,鄭以爲「成安祖考之道」,皆以爲武 於《周 也? 從 學 其意,各以增就其己説,而意又不同,使 Ŧ. 辨者 難 者 據詩之文,但云成、康爾, 已後之詩。 謂 所謂 成 如毛、鄭之説, 拾 之文、武 通 南 成、 ,或信焉 簡而 以 爲成王、 》、《召南》,辨其不 去 康者,成王、 帝 從迂,捨直 一詩時 爾。 而毛、鄭亦皆以 是 而毛以爲「成大功 皇。 而 則 康王,則於詩 世遠 康者、成王、康王也 然則《執競》者,當 不 文義不完 自 知 洗 康 彼 其 而 王 (非,或 成 從 昧 合者,而 也,猶文王、 康,奄 曲、捨易 爲武王,由 而毛、鄭 而 詩所謂 而 難 文理 疑 明 而 有 《關 也 通 易 而 诵 而 成 自 四

> 之説並立於世 以不辨,辨而 車之覆而疾 而 而 之言也。 雎》之作, 曲遂其 有待焉。 若 説 取 驅以追之也。 雅 其 也。若余又將自信,則是笑奔 夫毛、鄭之失, 患於自信其 不敢必,使余之説得與毛、鄭 ,以待夫明者而擇焉 也 近 、頌 是者焉,蓋其説合於孔子 (也,則 然見其失,不 辨之而不敢必, 可 也 可

## 本末論

152

之國 於本 則得 文王 矣》,武王之詩,不列於雅,而 其詩,則 一國,而 一, 而 也 列 關 一,考其詩,則文王之詩 於本國,周公亦自有詩,則不得 雎 周公之詩也。 下繫之周公、召公。 》、《鵲巢》,文王之詩 上繋於豳 豳,大王之國也,考 周、召,周公、召公 召公自有詩, 也 寓于《召南 也,不繫之 何 列

矣,不得爲晉,而謂之唐。鄭去咸林而 南》,而 説者之紛然也。 其説多矣。 在位之君,而風繫已亡之國。晉之爲 也,或繫之邶,或繫之鄘,或繫之衛。 感物,文之以言,善者美之,惡者刺之,以 者、《詩》之本義 幸者、遠出聖人之後,不得質吾疑也。 應之曰,吾之於《詩》,有幸有不幸 詩 其 南、爲鄭甚新,而遂得爲鄭。 録之,以屬太師,播之於樂,於是考其 而 此太師之職也。世久而失其傳,亂 司, 别之,以爲風、雅、頌,而次比之以 人之意也。 揄揚怨憤於口,道其哀樂喜怒於心, 《棠棣》,周公之詩 而 於文王之雅。 蓋《詩》之類例不一 用之宗廟、朝廷,下至鄉 問者曰,然則其將奈何? 在爾。《詩》之作也,觸 古者,國有采詩之官, 衛之詩,一公之 也,不 如此,宜其 自漢已來, 列 也。 於 晉 詩 不 事 幸 徙 述 唐

此

而

河

末 ? 也。 於此 也。 人人 謂詩 孔子生於周 之志者,經師之本也。講太師之職,因 聖人之志者,本也。求詩 繫於彼,或繫於此,所謂 之志也,經師之業也,今之學《詩》者不 己學,其於聖人,有得有失,此經 説者整齊殘缺以爲之義訓,恥於不知, 廢而異端起。 爲勸戒,此聖人之志也。 雅、頌,删 而不知其要,逐其末而忘其本也。 人之意者,本也。 (各自爲説,至或遷就其事,以曲 四者,而罕有得焉者,何哉? 惟是詩人之意也,太師之職也,聖人 察其美刺,知其善惡,以 作此詩,述此事,善則美,惡 介工其 其 煩 次序,又採 末 及漢承秦焚書之後,諸儒 重,列於六經,著其善惡,以 方修 禮 正其名,别其 者 樂 周道既衰,學 太 之 積 人之意,達聖 師 多 壞,於 爲 之 而 勸 職者 則刺 無 戒,所謂 勞其 師之 何謂 類 所 成 本 其 其 而

若聖人之勸戒者,詩 師矣。 學者 太師之職 學足矣,又何求焉? 謂 所 不知可也。 聖人之勸戒,是謂知學之本而得其要。 焉,又不得,然皆其末也。 考之諸儒之説,既不能通,欲從聖人而 人之意,則得聖人之志矣。 夫學者,知前事之善惡,知詩人之美刺 今去其汨亂之説,則本義粲然而出矣。 具在也。 事之善惡,言之美刺,所謂詩人之意,幸其 傳 高、召、邶、鄘、唐、豳之風,是何疑 而 不能達者,●猶將闕之,况其末乎? 1,得其 不通 而 妄自爲之説者,經師 今夫學《詩》者,求詩人之意 然頗爲衆説汩之,使其義不明。 其末,闕其所疑可 有 本而 蓋詩人之作詩也,固不謀於太 所 不知,何害 通 其 人之美刺是已。 (末,斯 其末之可疑者,闕 若《詩》之所載, 乎學《詩》也? 盡善 也。 之末 雖其本 也。 而已, 也? 得 知詩 其 質 其 知 有 其

#### 翻問

也。 三章、 作也。其言豳土寒暑氣節、農桑之候、勤 鄭得之矣。 豳,興起王業艱難之事,此詩之本義,毛、 生樂事、男女耕織、衣食之本,以見大王居 之義果若是乎? 應之曰,《七月》,周公之 章之半、七章、八章爲頌。 三體,而一章之言,半爲雅,而半爲頌, 知 其 末 所謂《七月》之本義幸在者,吾既得之 鄭氏之説 或問,《七月》, 四章、五章、六章之半爲雅,又以 其詩八章,以 有所難知者,闕之可也。 其爲風,爲雅,爲頌,吾所不知 自相 栩 抵梧者矣。❷ 其 風 也。 一章、二章爲風 一篇之詩,别 而 鄭 今詩之 氏 雖 爲

<sup>「</sup>善」,通志堂本作「牾」。

風 經 鄭 爲 詩 不 頌 非 之風可矣,謂之雅、頌,則 謂 者多,故自漢 之大法焉,至其考之於事 禮》者,不完之書也。 頌 事,雅,天子之事也。 者 能 、天下之政 爲雅 氏 之爲名,未必然。 告功於神明者,此 雅、頌之説 之頌,此毛、鄭之説 L, 豈非 尤 事 儒 通 下,六篇皆非豳 頌 也 推 所 鄭 也。 取,至 尊之,宜其分 所學之 党 以《周禮 問 問者又 興,六經復 乎? 謂之雅,以 者又曰 不 或以爲黷亂 戾 經 哉 也 日, 應之日,今之所謂 • 又其戾者也。 然於其 也 ? 今所謂《七月》者 事, 其 籥章》之職,有 今豳 豳之風 鄭氏 出 經 其 禮 夫 , 非天子之事,又 獨《七月》一篇 以 ,而《周 然則風,諸侯 樂制 詩 則 成功告於神 不驗之書 所 所 爲 或 繁 爲 七篇,自《鴟 自 以 風 雅、頌 雜 度 之 分爲 禮 爲説,有 蓋 事 而 而 難 吹 謂 獨 有 鄭 《周 嫲 之 明 獨 不 周 之 氏

> 之日, 禮 亦嘗 豈 而 , 吾 其 自 一》所 足 有 寓 以 由是言之,豳 經有其文, 謂 白爲 矣, 豳 於 可逆意而 嫲 詩 嫲 故齊、魯、韓三家之《詩》 雅、 風 而 國之風 爾, 豳 今亡者乎? 猶 謂然乎? 頌 豳 者, 有 其 ? 其 不 猶 豈 自 然 可 有亡者乎? 不 有 則《七月》 知 至於《七月 爲《七月》? 詩 者,經 乎? 皆 無 而 周 其 無 應 下

#### 骨問

逆。」 日 海 其 泮 邦 克 又曰: 獻 蠻 淮 或 夷 問 既作泮宫, 貊 馘 ,《魯詩 伐戎狄 莫不從 又曰 憬彼淮夷,來 **>** 淮夷 之頌 命, 服 「既 荆舒, 何 僖 攸 其盛 克淮 公盛 服 荒 獻 也。 夷,孔 其 徐宅,至 矯 矣, 琛。」《閟 矯 《泮水》 信 武 淑 乎 不

徐,而 侯,而 年,圍 于 主兵率諸侯之師,而 楚侵陳,六年,伐鄭,是時 項者各 僖公在位三十三年,其伐邾者 者,又皆與頌不合者,何也? 夷、戎狄、荆舒、徐人之事,●有見於《春秋 其 五 率從。」其武功之盛,威德 宅,至于海 敗。 楚,楚爲伐齊取穀。 與 霸不及 可 夷 曰 **介諸侯** 數也。 徐 魯亦與焉 來 許,是時晉文公方 二十六年,❷齊人侵伐魯鄙,魯乞 一,此魯國自用兵 敗 同 會盟 也。 邦,淮 ,魯侯之功。」 戎 皆無 狄 十八年,宋伐 然魯在 征伐,見於《春秋》、《史記 爾。 是膺 夷蠻 詩人所頌之事。 十五 魯亦與焉爾。 春秋 一貊,及 《春秋》所記僖公之 荆 一 又 曰: 舒 所加, 年,楚伐徐 稱 也。 齊桓公方稱伯, 齊,魯救齊, 時, 彼 伯,主兵率 四、敗莒、滅 按《春秋 其 常 南 如詩 夷,莫 遂 爲 四年,伐 二 十 又 魯 弱 所 元荒 而 日 陳 國 而 救

> 乎 ? 兵, 會也 勝而 僖公十年,齊侯、許男伐北戎,魯又不與。 十七年伐 僖公即位之元年,齊桓二十七 舉義兵,北當戎與狄,南艾荆及 是膺,荆舒是懲」者,鄭氏以 是言之,淮夷 或 烏 大國,皆齊、晉 有 一淮夷 之説 春秋》 輒敗。 詩人所頌威武之功乎? 國 惟其 於 雖 是 既繆, 山戎,遠在僖公未 十六 侵鄫,齊桓來會,謀 矣。 必書,烏有所謂 能 由是言之,魯非 未 滅 主兵,其 年, 而詩 嘗服於魯也。 其 項,反見執 自主兵 所謂 會齊 所救者,又力不 所 戎狄是膺」 侯 克 於齊。 謂 伐 即位之前 强國 服淮 年也。 于 救鄫 其 僖公與 其 邾、 群 淮 所 可 夷之 舒。 侵 其 莒 爾。 爾 齊 戎 伐 所 齊 事 狄 由 柜 栢

公二十六年。

0

<sup>「</sup>六」,原誤作「五」,據通志堂本改。按,《春秋》事在「徐人之事」,原誤作「徐之人事」,據通志堂本改。

豈僖 召 强 孟 助於齊以報之,以此 之,蓋徐人之有楚伐也,不求助於魯, 之伐徐,取婁林,齊人、徐人伐楚英氏以 舒者,亦繆矣。 惟三年,徐人取舒一見爾,蓋舒 伐許,又從齊桓救許 面 林 陵。 制。 縛 不 Ŧ 子又曰 所謂「遂荒徐宅」者,亦不合於《春秋》 桓 荆舒是懲」者,皆與《春秋》不合矣。 心之邑。 公事 救 敢 一之十三年也,是時,楚方强 然則鄭氏 銜 徐,而又力不能勝,楚卒敗徐,取 璧降于楚。 此豈 僖之四 速 也? 「周公方且 進 ,乃次于 魯僖得 由是言之,詩所謂「戎狄 謂僖公與齊桓南艾 在僖公之世,未嘗 年,從齊桓 荆,楚也。僖公之元年 十五 以 而 膺之」。 脛,而楚遂 見徐非魯之與國 爲功哉? 力不能勝,許男卒 年,楚伐 (伐楚, 如孟 盛,非 爲 與 而 六年, 與魯 徐,又從 子之説 刑及 徐取 齊盟 齊 以 魯 而 也 是 群 之 其 楚 干 楚 所

> 以 不 何 ? 矣。 所修 能 俟 《詩 《春秋》可信,則《詩》妄作也。 也。 焉 達者,猶 應之日,吾固已言之矣,雖其 <u></u> 》,孔子 也。 詩》之言不妄,則《春 將闕之是也。 ,所删 正 也。 惟 春 闕 秋》, 其不 秋》 其將 本有所 疎 孔 奈

#### 序 問

可

夏 則 言 氏,安得 氏,故可知其作者。《詩》之《序》不著其名 之曰、《書》、《春秋》皆有《序》, 作乎? 非二人之作,則作 親受學於孔子,宜 可以知 風、雅有變、正, 或問、《詩》之《序》,卜 而知之乎? 也。 日,何以知之? 而 論《關雎》、《鵲巢》,繫 其 雖然,非子夏之作, 得《詩》之大旨,其 者其 商 作 應之日,子 誰乎? 乎 而 ? 著其 應

也。 失,隨而正之。惟《周南》、《召南》,失者 《毛詩》諸《序》,與孟子説《詩》多合,故吾 以其源流所自,得聖人之旨多歟? 今考 然不見其終始,亦莫知其是非。 其經文亦不同,如逶迤、郁夷之類是也。 復見,而《韓詩》遺説,往往見於他書。至 《詩》始出。久之,三家之學皆廢而《毛詩》 《詩》之説分爲齊、魯、韓三家,晚而毛氏之 之周公、召公,使子夏而序《詩》,不爲此言 於《詩》,常以《序》爲證 來,學者多矣,其卒捨三家而從毛公者,蓋 獨行,以至于今不絶。今齊、魯之學,没不 分爲數家,不勝其異説也。當漢之初 自聖人没,六經多失其傳,一經之學, 也。 至其時有小 自漢以

詩本義卷第十四 多,吾固已論之矣,學者可以察焉。

五.

# 詩本義卷第十五

歐陽氏

## 詩解統序

易之,用是通者 辭也,曰猥細之記也。 不足通者有三,曰 人皆能明, 詩》,其難亦不讓二經,然世人反不難 難易, 幾 秋》。夫豈然 非唯 Ŧī. 經之書 繫人之所 是果不足通歟? 今人易 而經無不通矣。 世 亦罕。 平 而 人號 章句之書 得 ? 不習之,考于 有深淺耳。 若然,孔子爲泛 使其存心 經,皆聖人之言 爲 難 大抵謂《詩》爲 唐韓文公最 也,曰 通者、《 先儒, 今考於 淫 《易》 褻 則 儒 爲 之 人 而 古 與

予欲 經者, 豈足 濶 妄。 鄭二 知道之篤者,然亦不過 成、平、桓之間 概之體,皆所未正者,先儒既無所取捨,後 不明,三《頌》昧於商、 私見,而謂之兼上 風》惑於先後、《豳》居變風之末,惑者 果於其 奪,猶不辨其物之曲直,而欲制其方圓,是 合之於經,故先明其統要十篇 人因不得其詳,由 而明聖人之用焉, 樂》、《春秋》,道所存也 廣邃 蓋《詩》載《關雎》,上兼商世,下及武 學,其說熾辭辨,固已廣博,然不合于 明 志 亦不爲 聖 邈,有不失者鮮矣,是 鄭學之妄,益毛氏 成乎? 人 本意 少,或失於疎略,或失於謬 , 君臣得失, 風俗善惡之事 故二《南》牽於聖賢、《 乎? 一下,二《雅》混於小大 是難易之説 迹其道 魯而 《易》、《書》、《禮》、 議其《序》之是否, 、《詩》關此五者, 疎 無辨,此一 不知其 略 亦 興馬。 ,庶不爲之 而 不 미 用之與 至者, 疑 一經大 溺 也。 或 而 於

蕪泥云爾

## 二南爲正風解

乎? 《南》之詩,作於事紂之時,號令征伐不 篇之詩,在商不得爲正,在周不得爲變焉。 作乎? 於受命之後爾,豈所謂周室衰而《關雎》始 得全有天下,而亦曰 疑之際,天下雖惡紂而主文王,然文王 聖人不能斷其疑。 也。二《南》之詩,正變之間,可疑也。 然則周、召可爲正乎? 曰,可與不 風之生,天下 無 明 天子、諸 二《南》起王業,文王正天下,其 天子,號 史氏之失 無 侯當大治之世,不得 王 令由 也。 當文王與紂之時,可 矣,故曰諸 服事 己出,其 推而别之,二十 於紂焉。 侯 可 無 謂之正 有 可,非 正 (可謂 則二 風。 風。 五 止 不 疑 可

> 治亂而迹之,當不誣矣。 變,而在周爲 分焉。以治亂本之二《南》之詩,在商爲 之變乎? 詩》者多推於周,而 此 不得 正乎? 不疑 不辨於商 或 而輕其與 日,未諭。 故 奪 正變不 也

## 局召分聖賢解

謂周公能行聖人之化乎? 之民得之者深,故因周公之治而繫之,豈 周、召聖賢之異而分之,何哉? 文王之心則一也,無異也。 者,蓋上下不得兼,而民之所化有淺深爾。 乎其民, 豈異 所得有淺深焉。 文王之化,出乎其心,施 之,有異焉者,非聖人之治然也,由其民 聖人之治無異也,一也。 乎? 然孔子以周、召爲别 召南之民得之 而説者以爲 統天下而 大抵 周 南 由

后

妃之號。

夫后

妃之號,非詩人之言,先

考於其詩,惑於其《序》,

儒《序》之云爾。

以

異同之論争起,而聖人之意不明矣。

也

紂之中世,而文王之初,是文王受命之前

]。世人多謂受命之前,則大姒不得

有

天下而淺深、厚薄殊矣。二《南》之作,當

者,故其詩略。

是以有異焉,非聖人私於

其深,故其心淺。心之淺 心之感者厚,故其詩切。

感之薄者,亦猶

#### 王 或 風 解

者

淺

,故因召公之治而繫之,豈謂召公能

於雅、頌,何也?

曰,謂其本諸侯之詩也。

殆不然矣。或曰,不繫

又曰,不統於變風,

何

也?

日,謂其周

洂

行賢人之化乎?●

作焉。 《春秋》憫其微,無異焉爾。 《文侯之命》而不復録、《春秋》起周平之年 不 之什,謂雅、頌不足興也。 平、桓、平、桓而後、不復支矣。故《書》止 後而不次於二《南》,惡其近於正 不興,王者之迹息矣。《詩》、《書》貶其失, 無王矣。 周平之年,謂正朔不足加 絶於《文侯之命》,謂教令不足行也。 而治其事、《詩》自《黍離》之什而降於風。 法與不 六經之法,所以法不法, 周之衰也,始之以 正朔不 正,然後聖人者出,而六經之書 加,禮樂徧 也。 教令不行,天下 夷、懿,終之以 然則詩處於衛 出矣。 降於《黍離 Æ 不 圃 Ē 雅、頌 起於

深,故其心厚。

召

聖賢之異而

别其稱

號爾。

蓋民之得者

慮之也。

由是假周、召而分焉、非因周、

周迹之始,其將略

而

不具乎? 聖人所以

於變風,則文王之迹殆矣,惟頌焉,不可

混

之始也。

列於雅、頌,則終始之道混矣,雜

0 原作「聖」, 據通志堂本改。

義

乎 ? 也。 《詩》不降於厲、幽之年,亦猶《春秋》之作,不 也。 絶其 也 而 月,言王人雖微,必尊於上,周室雖弱,不 弱,而無異二《南》之詩爾。 侯 侯,而雅、頌未可知矣。 在惠公之世爾。 王 正之詩 絶之太遽矣。 止燎乎? 後,有如宣王者出,則禮樂征伐,不在 號之存、黜諸侯也。 而 《黍離》之降,憫雅、頌之不復也。 其體 正,苟絶而 無 桓王而 太遽云者、《春秋》之法,書王以 也。 王 巾 不 次於至正之詩,是不得 加 後,雖欲其正風,不可得也。 不著云者,周、召二《南》, 近 周 《春秋》之作,傷典誥之絶 不興,其尊周乎? 姓 正 則 而 存 貶之不 次衛之下,别正變 奈 王號,嫌其 何推波助瀾 若然, 豈降 著矣, 貶其 無 混 故曰, 於諸 加 王 正 之 則

#### 五 或 次解

惡同, 末焉。 魏、唐,以土地比也。 法尊其同 幽東遷,無異是也。 檜、曹,以美惡比也。 之次,以兩而合之,分其次以爲比,則賢善 而 王,以世爵比 「比」 乎? 者著,而 後之次,是皆不足爲訓法者。 得失」云者,衛爲紂都,而紂不能 豈徒云哉? 不通,或者又以爲聖人之意,不在於先 或 加 「淺深」云者,周得之深,故先於召。 風》之號,起 醜惡者明矣。 不得 姓 ,而異姓者爲後,鄭先於齊,其 曰,周、召,以淺深比 近 也。 於 而 Œ 明《詩》者,多泥 鄭、齊, 周終 加衛 馬。 豳能終之以 秦、陳,以祖 或曰,何如其 於先,明 豳,皆· 姓族」云者,周 以族氏比 大抵《國風 有 也。 正 幽、紂之 裔 有 所 於疏 比也。 之,周 也。

裔」云者,陳不能 地」云者,魏 晉之亂,非 興舜,而襄 本舜地, 魏 褊 儉 唐 之 爲 等 堯

理

然也。

土

封

以以

舜

先

堯

明明

也。

祖

遇艮之隨,乃引《文言》之辭, 大於秦,子孫之功,陳不 如 矣。 以爲卦 穆姜卜,

氏》不爲誕妄也。 是《文言》先於孔子而有乎? 夫穆姜始筮時,去孔子之生尚 推此以迹其怪,則季札 四十 不然、《左 年 爾,

是以 天子至甚無 觀樂之次,明白可 ·黍離》已下,皆平王東遷、桓王失位之詩, 列於《國風》,言其不足正也。 道, 則周之樂工,敢以周王 驗而不足爲 疑 借使周 矣。 之 夫

法者。 詩降 微 其 解 同 諸 ,然猶不公傳於 昔孔子大聖人,其作《春秋》也,既 侯乎? 是皆不近人情,不可 人, ●第口授而已。

又可 况 樂工 其妄,庶不 驗 孔 子分定 而 敢 明白彰顯其 爲 爲 無據云。 信 也。 君之惡哉? 本其事而推之,

此

#### 定 風 雅 頌 解

違焉, 者,物 明焉。 後,何 也。 無哉? 之不作也。 子不採風,樂官不達雅,國史不明變, 變風息焉。 自夷、懿始、雅之變自厲、幽始。 生於文王, 國而成者,衆不得而 古詩之作,有天下焉,有 詩 其滅然也。 風一矣。 不得而欺也。 之息 觀天下而成者,人不得 職《詩》者之罪也。 而雅、頌雜於武王之間,風之變 《詩》出於民之情性 久矣,天子、諸侯 王道廢,詩不 不欺焉, 頌明 王通謂諸侯不 不私焉, 違 也。 作焉。 通之言, 矣。 莫 雅著矣。 會神 而 或 情性其 得 私 貢詩, 馬, 覇者 秦 然則 明 而 忧 漢 非 而 有 自 風 而 不 成

不」下, 通 志堂本有「欲」字

五五

蓋周公之心也,故能終之以正。然則變而不能復乎。豳之去雅,一息焉,有變乎? 曰,豳是矣。幸而成王悟也,不於聖人之心矣。或問,成王、周公之際,風

### 十月之交解

萬 《正月》惡褒姒滅周。 予謂 出於鄭氏,非 《節彼》,刺師尹不平,此不當譏皇父擅恣。 因 然李斯、趙 刺厲王,又妄指毛公爲詁訓時,移其篇第, 而 世 引前後之詩以爲據,其説有三。 ,鄭氏自《十月之交》已下分其篇,以爲當 《小雅 非大亂之世者,必不容二人之專,不 同 疾而共醜者,二篇譏之,殆豈過 》無厲王之詩,著其惡之甚 高 史傳所聞,况褒姒之惡,天下 不 同生於秦 此 不當疾 也。 豔妻之説, 其二曰: 一 曰 : 也

> 又其 載,鄭桓公在幽王八年方爲司徒爾,豈 哉 是,其能通《詩》乎? 氏之説 斯亦惑矣。 爲鄭氏者獨不能自信,而欲指他人之非, 友,此不當云「番維 桓公哉? 是三説皆不合於經,不可按法。 詩》者,不以 ? 亂說歸 其 何從 三日 今考《雨無正》已下三篇之詩, 向,皆無刺厲王之文,不知鄭 而 文害辭, : 爲 幽 據 司徒」。 王 也。 不 時, 以辭害意。」非如 孟子曰: 司 予謂《史記》所 徒 乃 鄭 桓

### 唇 頌 解

不免變風之例 曰,非頌也,不得已而名之也。 魯頌》章句不等。 或問,諸 侯 爾 無 何 正 頌無「頌」字之號,而 頌乎? 風 而 魯 頌 有 惟 頌 四篇之體, 一章,而 何 也?

子,其 能 四 然聖人 政,國人猶未全其惠,而《春秋》之貶尚不 天下人亦曰 于周,而史克作之。」亦未離乎彊 遺之,使當時諸侯有過於僖公之善者,聖 宇,脩宫室,大牧養之法爾。聖人猶 而 也,皆追述也。 不過文、武。文、武之頌,非當其存而作者 可之,猶曰天下有 忍絶去而 篇 謂之備三《頌》,何哉? 逃,未知其頌 曰有頌乎? 皆有。 人是之,未可作焉。 也。 何謂 非 (所以列爲 强 勸諸侯之不及,二也。 勸? 乎? 可, 其《序》曰 不存之乎? 先儒謂名生於不足,宜矣。 何從 僖公之德,孰與文、武? 然後作之無疑矣。 頌者,其説有二。 貶魯之 曰,僖公之善,不過復 特取於魯, 非之者。 而興乎? 頌之美者, : 故曰 訪於衆人,衆人 「季孫行父請 大抵不列於風 又訪於天下, 其非 一勸 爾。 也 僖公之 請於天 勸 乎? 頌 而 敢 鄭

是矣。豈鄭氏之云乎? 而與其爲頌者,所謂憫周之失,貶魯之彊

## 商頌解

矣。 微子繼之。是聖人之意,雖惡紂之暴,而 庚於宋,以 周公之心,其益三也。 也。 意,存一頌而有三益。 以《商頌》,豈多記 曰,頌具矣。曷謂予紂之不憾? 曷謂明武王、周公之心? 按《周本紀》稱武王伐紂,下車而封武 古《詩》三百,●始終於周。 予紂之不憾,其益二也。 爲商後。 而廣録 及武庚叛,周公又以 **曷謂大商祖之德**? 大商祖之德,其益 者哉? 而 明武王、 曰,憫 聖人 仲尼 存 商 廢 兼

「百」下,通志堂本有「篇」字。

五七

詩本義卷第十五

# 鄭氏詩譜補亡

如《鄘 後。 諸 曹共公身歷惠、襄、頃三世之王,其詩 晚,其君又當數世之王,則皆列於最後, 時,則繫之平王之世。 宣王之世、《淇澳》美其人相,當在平王之 詩、《柏舟》之作,乃武公即位之初年,當繫 者、則考其詩當在某王之世、隨事而列之、 考之」之説 方,依鄭所謂「循其上而省其下及旁行 止之君,旁繫于周,以世 年表,接於《春秋》,而次序乃明。 國惟衛、齊變風在共和前,後皆 予之舊圖,起自諸國 鄭氏《譜序》云,自共和 ·柏舟》、《 也 然有 衛 淇澳》皆 君之世,當周 其詩不 一相當 得 封, 以後,得太史 可 衛武公之 而 而 知 詩 止 宣王已 今《詩》 其 數 一於詩 列 早 王 如 而 右 四

> 第取有詩之君,而 説而次之,亦可據以見其失,在予之别論, 詩,失其世次者多。 粗述其興滅于後,以見其終始。 ,頃王之世之類是也。 略其上下不復次之, 今爲鄭補譜,且從其 今既補之。 若周 鄭 則 而

篇

此不著焉。

五九

殷其雷	羔羊	行露	采蘋	草蟲	采蘩	鵲巢	麟趾	汝墳	漢廣	芣苢	兔罝	桃夭	螽斯	樛木	卷耳	葛覃	開雎	文王	
			=																周
																何彼穠矣	甘棠	武王	召

夷王 柏邶 頃侯 釐侯 厲 共和 釐侯 武 石 柏鄘 武公 釐侯 宣 邶 武公武公州吁黔牟 幽 武右 公日 月 淇衛 燕 邶 鄘 平 莊公宣公惠公 宣公惠公 桓 衛 莊 惠公惠公 釐 文公 戴公 懿公 載鄘 惠 文公 蝃鄘 相

鼠

0

「下」,疑爲衍文。通志堂本作「或」。

失錯者, ●各隨而正之如後。 實,則其失尤多,已具予之别論,大小論亦 江有汜 摽有梅 翳虞 小星 野有死鏖 自邶、鄘已下,下有依毛、鄭之説而又 周詩世次,依毛、鄭説,則如此。 考於

六〇

襄

鄭氏詩譜補亡

											41-	75		L-3
新臺	静女	北風	北門	泉水	簡兮	旄丘	式微	谷風	匏葉	雄邶	<u> </u>	領人凱風	考槃。鼓	緑衣終風戴公

子孝伯立。卒,子嗣伯立。卒,子建伯立。王封康叔於衛。康叔卒,子康伯立。卒,脩據《史記》年表及《衛世家》云,周武

惠右公	芄蘭	鶉奔	桑中	偕 老	墻衛	宣右公	有狐	伯兮	竹竿	氓衛	乘二舟子

应二年之時,●故繫於惠王之時。 应二年之時,●故繫於惠王之時。 应二年之時,●故繫於惠四王之世,而 於左。惠公歷桓、莊、釐、惠四王之世,而 於左。東、吳、

匪風	葨隰 楚有	素	羔裘	厲夷 王	
			桓公	共和	
			桓公	宣	
武右公	緇衣	莊公	武公	丝	檜
大叔	於叔	仲子	莊公	平	
昭右公	有女	<b>厲</b> 公	昭公	桓	鄭
扶蘇	子儀	子亹	子厲	莊	
厲 公	蔓草	東門	厲公	釐	
厲 公 右	溱洧	文公	厲公	惠	

公立	封	
立,當平	于鄭,立	脩 曰:
王時,	三十五	鄭桓
而鄭之緣	年,爲	公以周立
變風始始	犬戎所	宣王二一
作。至于	殺。子武	十二年始

		之際	夷厲	詩在	次其	無世	右檜
			-				
				莊 公	女日	遵路	羔裘
						厲 公	褰裳
昭右公	之揚水	子衿	風雨	之史 墠門	丰	狡童	蘀兮
						文右公	清人

「時」,疑爲「詩」字之誤。

公已無詩,凡十六君,至于君乙,而爲韓哀

文公,凡七君,而有詩者五,次于譜。

自穆

六二

鄭氏詩譜補亡

會諸侯已前,亦前立之事,故皆繫于桓世。女同車》,昭公前立時事,《褰裳》,厲公未《大叔于田》已上三篇,當繫平王時。《有所滅。莊公、共叔段之亂,在平王之世,則

	哀 公	未東 明方	之東 日方	著	還	鷄鳴	胡公	哀公	懿	
脩塘									孝	
據周武王封太公於齊,卒,子乙公						武公	獻公	胡公	夷	
政王									厲	
封太								武公	共和	齊
公公				莊公	成公	文公	厲公	武公	宣	7
か 齊								莊公	幽	
卒							釐公	莊公	平	
子							襄公	釐公	桓	
乙公		猗 嗟	載馳	敝 笱	盧令	甫田	南山	襄公	莊	

凡十六君,至于康公貸,爲田和所篡。而有詩者二,次于譜。自桓公已下無詩,王時,齊之變風始作。凡十君,至于襄公,立。卒,子癸公立。當懿

	平	葛屨	汾沮洳	園有	十畝	伐檀	碩鼠	
	桓		洳	桃	・畝之間			
魏								

右魏無世家,❶其詩在平、桓之間。

家」,疑爲「次」之誤。

六二

													_
										僖 侯	靖 侯	共和	
						僖 侯	蟋蟀	殤侯	穆侯	獻侯	僖 侯	宣	
										文侯	殤侯	幽	
昭右侯	鴇羽	羔裘	杕杜	綢繆	椒聊	之揚水	有山樞	鄂侯	子小侯	侯	文 <b>①</b>	平	
								晉侯	哀侯	子小侯	鄂侯	桓	}
											晉侯	莊	
								之有 杜杕	無衣	武公	晉侯	釐	
									采苓	葛生	獻公	惠	

**9** 0

「成」,原誤作「武」,據通志堂本改。「侯」上,通志堂本有「昭」字。「文」下,通志堂本有「侯」字。

		-4-		
		秦仲	厲	
		秦仲	共和	
	莊公	秦仲	宣	
	襄公	莊公	幽	
駟驐	文公	襄公	平	秦
出公	靈公	文公	桓	余
		武公	莊	
	德公	武公	釐	
成公	宣公	德 公	惠	
晨風	康公	穆公	襄	

公已下無詩,又十九君,至于靖公,爲魏、三君,至于獻公,有詩者四,次于譜。自惠僖侯立。常宣王時,唐之變風始作,凡十立。卒,子厲侯立。卒,子靖侯立。卒,子成侯立。卒,子武侯立。卒,子成侯

韓、趙所滅。

一六四

作,凡十一君,至于康公,有詩者三,次于件,內十一君,至于康公,有詩者三,次于中立。當周宣王時,命爲大夫,而變風始中立。當周宣王時,命爲大夫,而變風始中立。當周宣王時,命爲大夫,而變風始權與不不,於秦邑,爲附庸。	作	仲	非					
一君,至于康公,有詩者三,沒 一君,至于康公,有詩者三,沒 養院立。卒,子公伯立。卒,子 養成 一君,至于康公,有詩者三,沒 一君,至于康公,有詩者三,沒	凡十	业。 當	丁卒,	脩據				
来	君,	周宣	条侯立	周孝				
成公 成公 成公 成公 成公 有詩者 三, 你是 你是 人名伯立。 卒, 不是 , 而變 是 , 爲 附 是 。 內 , 子公伯立。 卒, 不	至于	王 時,	一。 卒	王封北	襄右公	終南	兼葭	小戎
有詩者三,海景是,爲附	康公,	命爲	,子公	非子於				
者 一	有詩	大夫	伯立	秦邑				
	者三,	而變	。 卒,	],爲				穆公
大	次于	風始	子秦	庸。	康右公	權與	渭陽	無

皇帝。 譜。共公已下無詩,●又二十一君,是爲始

● 「公」,原脱,據通志堂本補。		六君,至于湣公,而楚惠王滅陳。	于靈公,有詩者五,次于譜。成公已下,又當周厲王時,陳之變風始作,凡十三君,至

共和

宣

幽

平

桓

莊

釐

惠

襄

頃

陳

釐公

武公夷公文公

厲公

宣公

穆公

靈公

幽公

釐公 武公 平公

桓公

莊公 宣公 宣公 共公

「立」,原作「寧」,據通志堂本改。

六五

孝公立。卒,子慎公立。卒,子幽公立。❷

卒,子申公立。卒,弟相公立。卒,申公子

脩據周武王封嬀滿於陳,是爲胡公。

蜉蝣 共公 昭公 僖公 莊公 惠王 右昭公 共公 襄 曹 鸤鳩 共公 下泉 候人 頃

卒,子釐公立。● 卒,子昭公。當周惠王 伯 詩,次于譜。共公已下無詩,又十君,至于 時,曹之變風始作,至于共公,凡二君,有 繆公立。卒,子桓公立。卒,子莊公立。 立。卒,子惠伯立。卒,子碩角立。卒,弟 卒,子素伯立。卒,弟幽伯立。卒,弟戴伯 脾立。卒,子仲君立。 脩據周武王封叔 振鐸于曹,卒,子太 卒,子宫伯立。

伯陽,宋景公滅曹。❷

0

子」,原脱,據通志堂本補。

「鴟鴞」,原誤作「鳲鳩」,據通志堂本改。 宋」,原誤作「采」,據通志堂本改。

葛藟	中谷有蓷	揚之水	君子陽陽	君子于役	黍離	平王	
			大車	采葛	兔爰	桓王	王
					丘中有麻	莊王	

狼跋	東山	破斧	九罭	伐柯	鴟鴞 ③	七月	成王	
							周公	豳

六六


鄭氏詩譜補亡

思齊	緜	靈臺	早麓	棫樸	杕 杜	出車	采薇	天保	伐木	者皇 華皇	四牡	文	
									華黍	白華	南陔	武	
大明	文王	<b>菁青者</b> 莪	彤弓	湛露	<b>蓼</b> 蕭	由儀	崇丘	由庚	南山有臺	南有嘉魚	常棣	成康昭穆共懿孝夷	二雅
=			桑柔	抑	蕩	板	民勞	小宛	小旻	無雨正	之十 交月	厲	
其我 野行	黄鳥	白駒	祈父	鶴鳴	沔水	庭燎	鴻鴈	吉日	車攻	采芑	六月	宣	
大無 車將	北山	四月	大東	蓼莪	谷風	巷伯	人 斯	巧言	小弁	正月	南節山	幽	

					: 27								
				卷阿	泂酌	公劉	假樂	<b>見</b>	既醉	行葦	生民	文王有聲	下武
						常武	江漢	韓奕	烝民	崧高	雲漢	無 羊 羊	斯干
初賓 筵之	青蠅	車牽	類 弁	鴛鴦	桑扈	者裳 華裳	洛瞻 矣彼	大田	甫田	南信山	楚茨	鼓鍾	小明

詩本義

不何	<b>ナ</b>	ナ 漸	ച	泉系	白	限	黍	平	٨	遊	鱼	平	鱼
黄草	華苕	之漸 石漸	瓠葉	籐蠻	白 華	隰 桑	黍苗	采緑	人 士 都	菀 柳	角弓	采菽	魚藻



## 詩譜補亡後序

若使徒 百年後 道 之於經,而證以《序》、《譜》,惜其不合者 儒之論,苟非 家之學者,果有 大 傳於今者,豈止一人之力哉? 者,何以 人,而悖理 《詩》,其學亦已博矣。 逸、發明遺義、 幾熄於戰 迹前世之所傳,而較其得失,或有之矣。 蓋《詩》述 歐陽子 不不 抱焚餘 徒 害經之甚,有不得 見先儒 爲 國 E 詳 異 商、周,自《生民》、《玄鳥》上 殘脱之經, 倀倀於去聖人千 而 能 論 其 焚於秦。 而正其訛謬, 昔者,聖人已殁,六經之 哉 中間之説,而欲特 終 以 始 ? 吾未之信 相訾也? 予嘗依 而抵梧, 質諸 自漢 已 其箋、傳, 後之學者, 得 己 而後 毛、 來 以粗備。 也。 " 收拾 鄭 改 立 先 於

> 可得, 曆四 乎? 文 曲直,❷其能於自決乎?❸ 折其是非,猶不盡人之辯 書,不能徧通其旨。 説,不止於箋、傳 之失既 載,然則孰 牒、鳥獸、草木、蟲魚之名,與其 旁及列國 陳稷、契,下迄 方言訓 太平已上皆亡之。 有注而不見名氏,然首尾殘缺, 年,奉使河東,至于絳 雖《崇文總目》祕書所藏亦無之。 世言鄭氏《詩譜》最詳 多,然 話、盛 君 能 臣 無失於其間哉? 衰治 不敢 世 陳 而已,恨不得盡見二家之 一次、國 靈公,千五 輕爲 亂、美刺之由,無 。夫不盡 其國譜旁行 地 改易之。 Ш 州偶得 其能使之自 而欲斷以訟 ,求之久矣, 見其 六百 予疑毛、 風 。意其 歲 ,尤易爲 俗 封域、圖 自 之間 周 而 之 欲 服 爲 不

0

<sup>「</sup>梧」,通志堂本作「牾」

<sup>「</sup>以」,通志堂本作「其」。

<sup>「</sup>能」下,通志堂本有「果」字。

第也。 而 歌之次第也。 周 雅 訛 而 者,足以見二家所説世次先後甚備,因 紀》、世家》、年表》,而合以毛、鄭之説,爲 予未見鄭《譜》,當略考《春秋》、《史記·本 魏、唐、秦、陳、檜、曹、豳,此鄭氏《詩譜》次 魏、唐、陳、曹,此孔子未删之前,周太師樂 齊、衛、晉 鄘并於衛,檜、魏無世家,其可考者,陳、 不可以不知。 而 詩圖》十四篇。今因取以 求其 見予 領 南、召南、鄁、鄘、衛、王、鄭、齊、豳、秦、 其次比莫詳其義,惟封國、變風之先後 舛, 不 通 ,然得以論正,予豈好爲 於鄭氏之學盡 得失,較然矣。 黜檜後陳,此今《詩》次比也。 列 、曹、鄭、秦,此封國之先後也。 商、 顛 倒錯 魯,其 周、召、王、豳 周、召、鄁、鄘衛、王、鄭、❶ 亂,不可 正、變之風 心焉 而 仍 復序。 補鄭《譜》之亡 爾。 同 存 出於周 其 十有四 異論 夫盡 凡《詩 圖 哉? 邶 其 庶 國 説

> 之文補足,因爲之注。自「周公」已下,即用舊注 損、塗乙、改正者,八百八十三,而鄭 周公致太平」已上,皆亡其文。 譜》復完矣。 補 譜 十有五,補 其文字二百七、《譜 予取孔穎達《正義 云。 氏 》所載 序 》自 之 增

凡

七〇

鄭 氏 ,詩譜 终

鄭」下,通志堂本有「齊」字。

## 詩圖總序

益微。 雅》; 篇 興 之下,太子宜臼遷于洛邑,號東周 其十篇爲《小雅》,十二篇爲《大雅》,三十 南》、《召南》,其八篇爲《小雅》,六篇爲《大 篇,其二十三篇繫之周公、召公,爲《 召公行政 變雅始作。 王立,而周道微缺。 焉。 在《召南》之風; 周之詩,自文王始。 周之盛德之極,文王之詩三十 頌。 武王之詩六篇,四篇爲《小雅》,二 而平王之詩貶爲風,下同列 ,謂之共 是爲詩之正經。 厲王死于彘,天下無君,周公、 和,凡 又六世,厲王政益衰, 成王之詩五十三篇, + 成王之際, 四 其後二世,昭 年。 ,周之室 國。 而 厲 頌 周 王

鄘、 曹、 變。 絶。 頃 詩 鄭之次比,考於舊史,先後 文至頃,凡二十世,王澤竭 風 時,陳風始變。 齊風始變。 王之事,故 周之太史以 政,管、蔡作 於桓、莊,而 王、豳皆出於周,邶、鄘合於衛,檜、魏世家 始變。 無正 王時,猶有靈公之詩。 此孔子未删《詩》之前,季 衛、王、鄭、齊、豳、秦、魏、唐、 鄭、魏,此變風之先後 其可考者,七國 次宣王時,秦 風,其變風 惠 繫之豳 夷王 亂, 爲,周公詩主 王 詩止矣。 時,曹風 厲王崩,周召共和,唐風 周公及其大夫 時,衛 謂 風 自懿王始作。 而 一始變。 國變風。 初,成王立,周公攝 己。 始變。 風 於是 道 也。 始變。 不 而 陳、齊、衛、晉 至平 嫲 札所 同。 止矣。 詩 陳 周、 作詩七篇 或 不作。 而諸侯之 最 王 懿王 公劉、太 次厲 聽 陳、檜 召、 周、召、 後 時 蓋 邶 始 Ŧ. 自 至 鄭

夏矣。 以予考之, 遷說然也。 遷説之謬,言古詩雖多,不容十分去九。 篇,孔子删之,存者三百。 失者,可指而見焉。 説,而依其 言,而説者推定世次,皆且從鄭之意,其所 始得《春秋》次序。今其圖亡,今略準鄭遺 著爲後王之法。 者五篇,而夏頌已亡,故録魯詩以備三頌, 子之禮樂,故有頌,而商頌至孔子之時,存 頌 時,皆有其次,說者莫能究焉。其外魯之 考其得封之先後、爲國之大小與其詩作之 唐、秦、陳、檜、曹、豳,此今《詩》之次第也。 次第也。 今既依鄭爲圖,故風雅變正與其《序》所不 四篇,商頌 康成所作《詩譜》圖,自共和而後, 周、召、邶、鄘、衛、王、鄭、齊、魏 次第推之,以見前儒之得失。 Ħ. 篇,鄭康 監三代之成功,法莫大於 司馬遷謂古詩三千 何以知之? 今書 成 鄭學之徒皆以 以爲魯得用天

> 十君 十一篇,亡者六篇,存者三百五篇云。 篇,猶是言之,何啻乎三千? 所載逸詩,何可數焉? 而取其一篇者,又有二十餘君而 以圖推之, 詩三百 取 有 其 更

傳

避 題 殷、慇、楨、讓、樹、桓、完、覯、愼諸字,均以 地,示人爲學之道 疑,絕不爲穿鑿附會之説。 其説經,於先儒義訓,有不可通者,均付 俱來之怪説。 子、后稷天生及白魚躍舟、火 民》、《思文》、《臣工》諸詩,復力詆高 配六卷,其原刻各卷,遇玄、敬、警、鷩、檠、 而言也。 周易》河圖、 》、《通考》暨《四 闕 右書《晁 筆,當刊於南宋孝宗之世。 歐陽永 志》十五卷, 誠古人之先知先覺 洛 書爲妖妄。 叔 庫》均十六卷,則併圖 者也。 不信符命之説,嘗 此爲宋刻本,鈔 與 是真能 是 流 是書 本同。 爲 通志堂 脚踏 者。 烏 於《 禖 以 **^** 生 闕 斥 實 且 穀 祈 解

> 本即從此出,然校勘未精,字句不免訛 瓘 跋, 飹 見 世之治 此 傎 倒 已佚,俟訪得續補 新 宋刻 經學者。 爲世 間孤 原有開 海

禧三年張 誤,篇次亦偶 張 亟印行,以 元濟

故

刊

鹽

#### 詩 集 傳

[宋]蘇 轍 撰

目録	麟之趾 一〇	汝墳 九	漢廣	芣苢 八	兔罝 八	桃天 七	螽斯 七	樛木 七	卷耳 六	葛覃 五	關雎 四	周南開雎 國風	卷第一	校點説明			目録		
	柏舟 一九	<b>邶柏舟</b> 國風 一九	<b>卷第二</b> 一九	騶虞 一七	何彼禮矣	野有死麕 一六			梅						采墳 一一	草蟲 一一	采蘩 一	鵲巢 一〇	召南鵲巢 國風 一〇

卷第四 王黍離 木瓜 有狐 丘中有麻 …… 中谷有蓷 揚之水 ……… 君子陽陽 君子于役 …… Ŧī. 五 五 九 九 九 子衿 ..... 風雨 蘀兮 羔裘 山 有女同車 女曰雞鳴 **|有扶蘇** 

五

五

叔于田

大叔于田

=

五九

五

Ŧi.

Ŧi.

Ŧī.

Ŧi.

五

Ŧī.

五九

汾沮洳 七一	葛屨 七一	魏葛	猗嗟 七○	載驅	<b>敝笱</b> 六九	盧令 六九	甫田 六八	南山 六七	東方未明 六七	東方之日 六六	著 六六	還	雞鳴	<b>齊雞鳴 國風</b> 六五	<b>卷第五</b> 六五	溱洧	野有蔓草 六三
	有杕之杜 八○	無衣	鴇羽			綢繆 七八	椒聊 七八	揚之水 七七	山有樞 七七	蟋蟀 七六	<b>唐蟋蟀 國風</b> 七六	<b>卷第六</b> 七六	碩鼠 七四	伐檀 七四	十畝之間 七三	陟岵 七三	園有桃 七二

目録	東門之楊 九一	東門之池 九一	衡門 九○	東門之枌 九〇	宛丘 八九	<b>陳宛丘 國風</b> 八九	卷第七 八九	權輿 八八	渭陽 八八	無衣 八七	晨風	黄鳥 八六	終南	兼葭	小戎	駟駿八三	車鄰	秦 車 鄰 國 國 · · · · · · · · · · · · · · · · ·	采苓
五	七月 100	<b>豳七月 國風   ○○</b>	<b>卷第八</b> 1○○	下泉 九九	<b>鸤鸠</b>			國風		重	<b>育文 木旦</b>	素冠	羔裘	<b>檜羔裘 國風</b> 九四	澤陂 九三	株林	月出 九二	防有鵲巢 九二	墓門

魚麗 一一九	杕杜 一一八	出車 一一七	采薇 一一六	天保 一一五	伐木 一一四	常棣	皇皇者華 一一二	四牡 一一一	鹿鳴	鹿鳴之什 小雅	卷第九	狼跋 一〇八	九罭 一〇七	伐柯 一〇七	破斧 一〇六	東山 一〇五	鴟鴞 一〇四	詩 集 傳
	鶴鳴 一三一		庭燎 一三〇	鴻鴈   三〇	吉日 一二九	車攻 一二八	采芑 一二七	六月 一二六	青菁者莪 一二五			湛露一二四		南山有臺 一二二	南有嘉魚 一二一	<b>南陔之什 小雅</b> 一二一	卷第十 一二一	六

録	巧言 一五二	小弁 一五〇	小宛 一四九	小旻 一四八	17 小雅		正	十月之交 一四三			4	無羊 一三六	斯干 一三五	我行其野 一三四	黄鳥 一三四	白駒 一三三	祈父 一三三	祈父之什 小雅 一三三	卷第十一 一三三
七		裳裳者華 一六九	瞻彼洛矣 一六九	大田 一六七	甫田 一六六	信南山 一六五			小明 一六二	無將大車 一六一	北山	什 小雅		四月 一五九	大東 一五七	<b>蓼莪</b> 一五六	谷風 一五六	巷伯 一五五	何人斯 一五四

隰桑 一八二	黍苗 一八一	采緑 一八一	都人士 一八〇	都人士之什 · 小雅 · · · · · · · · · · · · · · · · ·	<b>卷第十五</b> ····································	<b>菀柳</b> 一七九	角弓 一七七	采菽 一七六	魚藻 一七六	賓之初筵 一七四	青蠅 一七四	·車牽 一七三	類弁 一七二	鴛鴦 一七一	桑扈 一七一	<b>桑扈之什 小雅</b> 一七一	卷第十四 一七一	詩集傳
文王有聲 二〇一	下齿 100	靈臺 一九九	皇矣 一九七	<b>思齊</b> 一九六	早麓	<b>棫樸</b> 一九三	[	大明 一八九	文王 一八七	<b>文王之什 大雅</b> 一八七	<b>卷第十六</b> ······· 一八七	何草不黄 一八六	<b>                                      </b>	漸漸之石 一八四	瓠葉 一八四	緜蠻 一八四	白華 一八二	Л

目 録	雲漢 二二六	桑柔	抑 二一九	蕩 二一八	<b>蕩之什 大雅</b> 二一八	卷第十八 ······ 二一八	板 二一五	民勞 二一四	卷阿 二一二	泂酌 二一二	公劉 二〇九	假樂 二〇九	<b>凫鷖</b> 二〇八	既醉 二〇七	行輩 二〇六	生民 二〇三	生民之什 大雅 二〇三	卷第十七 二〇三
九	執競 二四五	時邁 二四五	我將 二四三	昊天有成命 二四三	天作 二四三	烈文 二四二	維清	維天之命 二四一	清廟 二四〇	清·廟之什 周 頌 二四〇	<b>卷第十九</b> ············· 二四〇	召旻 二三七	<b>瞻</b> 卬 二三五	常武 二三四	江漢	韓奕 二三一	烝民 二二九	

載芟 二五四	小毖 二五四	敬之 二五三	訪落 二五三	閔予小子 二五二	小子之什 周頌			載見 二五一	<b>雝</b> 二五一	潛 二五〇	有瞽 二五〇	<b>豐年</b> 二四九	振 <b>鷺</b> 二四九	噫嘻 二四八	臣工 二四八	臣工之什 周頌 ·············· 二四八	思文 二四六	詩 集 傳
<b>是</b> 证					商頌	閟宫 二六四		有駜	駉	<b>駉 魯頌</b> 二五九	<b>卷第二十</b> 二五九	般	齊 二五七	桓	酌	絲衣 二五五	良耜 二五五	10

### 校點説明

川,以大中大夫致仕,尋卒,年七十四。途曲折,數遭貶謫。徽宗繼位,遇赦北歸,寄居潁世。年十九,與兄同登進士第,又同舉制科。然仕权,晚號潁濱遺老,與父洵、兄軾以「三蘇」之號名蘇、晚號潁濱遺老,與父洵、兄軾以「三蘇」之號名

居額川的晚年時代。 「話樂傳》的撰作始於年未二十的青少年時代, 「成稿於謫居筠州的中年時代,而最終修訂完成於隱 「成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 成稿於謫居筠州的中年時代,而最終修訂完成於隱 本音和、

小序反復繁重,非一人之詞,疑爲衛宏之所集録毛《詩集傳》凡二十卷(據宋刻本),其説以《詩》之

《詩》者多依小序,蘇轍《詩集傳》始去取相半,其廢公之學亦不激不隨,務持其平者。自漢以來,說見於今傳,其尤不可者皆明著其失。」可知蘇轍於毛學,而餘文悉從刪汰。其自序又云:「獨采其可者公之學。故存其發端一言,取小序首句爲毛公之

序言詩,則鄭樵唱而和之也。

,詩集傳》的版本,現存可見者有三。南宋孝宗

刻本有重刻、漏刻、誤刻之處、《四庫全書》往往從明 什》和卷十二《小旻之什》合爲一卷,共十九卷。 刻本並無實質區别,只是明刻本將卷十一《祈父之 名、卷數與萬曆二十五年畢氏刻本同。 萬曆三十九年,焦竑編,顧氏刻《兩蘇經解》本,書 經解》本,十九卷,書名題爲《潁濱先生詩集傳》, 淳熙七年蘇詡筠州 本,係據明刻本抄録 詩集傳》; 明萬曆二十五年,焦竑編,畢氏刻《兩蘇 公使庫刻本,二十卷,書 明刻本和宋 名題 明 明 爲

於正文之前。

家圖書館。

以明刻本(簡稱明本)爲校本,校是非,亦校異同,酌此次整理,以《續修四庫全書》影宋本爲底本,

出校記。

的避諱字悉予回改。原書無目録,今據正文編,置蘇氏節引他書原文者,加引號,意引者不加。書中在校點中,對行文中刻書字體作了規範處理。

校點者 王承略 馬小方

## 詩集傳卷第一

### 周南關雎

> 詩。 薄,二公無與,而强以名之,可乎? 者之風也,故繫之周公。 《毛詩》之敘曰:「《關雎》、《麟趾》之化,王 蓋因其職而名之也。 外,遠於文王,功業明著,則詩作於下,此 王,雖有德而不見,則其詩不作, 召公在 《召南》有召公之詩,而《周南》無 召公。」然則二《南》皆出於先王,其深淺厚 之德,諸侯之風也,先王之所以教,故繫之 東、北則紂之所在,文王之初所不能及也。 西,而化行於南方,以其及之者言之也。 理之最明者也。 而諸侯之妻固稱夫人。 夫文王受命稱王,則大姒固 然則謂之《周》、《召》者, 謂之「南」者,文王在 周公在内,近於文 《鵲巢》、《騶虞》 稱后妃, 周 公之

#### 國

#### 風

孔子編《詩》,列十五國先後之次。 二

《齊》詩先《晉》,何也? 晉之失國自定公 《檜》、《曹》之後《陳》,已亡之國也。《豳 之失國自平公始,自平公以來者,田氏之 韓、魏、趙滅晉。齊之亡也,先晉十年,而 王之十六年,而田氏滅齊。二十六年,而 魏、唐,晉也,諸侯之亡者莫先於晉。 《詩》之所先,而先亡者《詩》之所後也。 之列於十四國之後,非十四國之類也。 先後也。《秦》之列於八國之後,後是八國 《王》、《鄭》、《齊》、《魏》、《唐》之相次,亡之 者晉,其次齊也。 自其失國之君而以爲亡焉,故諸侯之先亡 齊也。定公之立,先平公三十年矣。孔子 始,自定公以來者,韓、魏、趙之晉也。 試考其世次,而論其亡之先後: 後亡者 南之爲首, 而亡也。 《陳》之後《秦》,將亡之國也 正 風 也。 鄭之亡也,當安王之子 《邶》、《鄘》、《衛 。周安 齊 嘗

爲之先後焉。以爲已亡矣,無所事先而 者常先,秦最後亡而列於八國之後,以爲 亡也,盡於烈王之曾孫王赧之五十九年, 滅之。《檜》先而《曹》後,因其亡之先後而 曹之亡也,當周敬王之三十三年,宋景公 檜之亡也,當周幽王之世,鄭桓公滅之。 以亡國視焉。 亡矣,知其將亡,而不以列於未亡之國,蓋 歲,而陳亡。然則孔子之編《詩》也,陳將 之亡也,當周敬王之四十一年,孔子卒之 世子必列於後。秦之所以後於八國者,猶 秋》書諸侯之會,王之大夫必列於上,王之 非特後之,而又兼是八國而有之也。《 帝之二十七年,則周之亡也亦久矣。後亡 則鄭之亡也亦久矣。衛之亡也,當秦始皇 烈王之元年,則齊、晉之亡也久矣。 王世子之後諸侯也。蓋以爲異焉耳。 此《陳》之所以後《秦》也。 周之 陳 知

以 也 鄘之詩,學者以爲衛矣,何也? 敘以衛 鄘、魏於前 滅、其詩之所爲作者、衛、晉也,是以列邶 衛,魏爲晉,何也? 者,鄭之所滅也。 者,衛之所滅也; 也,其長短緩急之候,於是焉在矣。 視其面 不知者,以爲妄言也; 其知之者,以爲 脉,而知其人之終身疾痛、壽夭之數。其 觀其國之厚薄,三者具而以斷焉,是故 國之存亡,孔子預知之。讀其詩,聽其聲 之所以 其後亡也,此《檜》之所以後《陳》,而《曹》 而其風不同,故邶、鄘、魏不 先 馬 而 後《檜》也。 魏詩不爲晉,何也? 顔也。 而 無 ,而以衛、晉終之。 疑也。 夫國之有詩,猶人之有脉 檜詩不爲鄭,而邶、鄘 魏者,晉之所滅也,檜 嗚 呼 ! 邶、鄘、魏之詩作於既 良醫之視人也,察其 數十百年之間 可没也。 敘不以晉也。 雖主衛、晉, 邶、鄘 邶、 爲 猶 可

乎! 繼之以《豳》、《秦》、《魏》、《唐》,何 之當然也。 此風之特異者也。 非豳人之詩,故不列於諸國,而處之其下, 詩,而言豳之風,故繫之豳,雖繫之豳,而 蓋以爲 之類,何也? 此周公與周大夫之所作也。 風》,檜之未亡而作矣。《豳》之非十 蓋以爲晉矣,非亡 主也。」夫亡國之詩,而季子言之若此乎? 季子觀樂於魯,至於歌《魏》曰: 洳》之三章,而三稱晉官焉,非晉 不及,而廢其爲晉,則學者之陋矣。《汾沮 凡敘之不舉其國者,文之所不及也。 雖不以晉,亦不以魏,然則是不舉其國耳。 孔子之未編《詩》也,太師次之,以豳 大而婉,儉而易行,以 豳耳,非豳人之詩 季子之觀樂也,既歌《齊》,而 以其特異而別之,亦理 國之詩也。 也。 德輔此, 非豳 至於《 一而何? 「渢 則盟 ·四國 以其 也 人之 檜 ? 渢

之所能知也。至孔子而後定,蓋非太師將歸於此二國。至孔子而後定,蓋非太師若也,而不能決其長短。意天下之諸侯,爲秦之有也,而繫之秦。以秦、晉之强相

關雎》,后妃之德也。

也,則不若是詳矣。孔子刪《詩》而取三百也,則不若是詳矣。孔子刪《詩》之端,未嘗對言之也。非不能詳,以爲詳之則隘,是以常舉其略,以待學者自推之。故其言以常舉其略,以待學者自推之。故其言以常舉其略,以待學者自推之。故其言以常舉其略,以待學者自推之。故其言以常舉其略,以後世之爲《詩》者附之。由於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲出於子夏,予竊疑之。子夏嘗言《詩》於仲以為對之。

《雅》之旨,于今傳於世。』《隋經籍志》曰: 也。 獨采其可者,見於今傳,其尤不可者,皆明 衛敬仲又加潤益。」古説本如此,故予存其 衛宏之所集録也。東漢《儒林傳》曰:「衛 重,類非一人之詞者,凡此皆毛氏之學,而 之,以自信其説。 著其失,以爲此孔氏之舊也。 宏從謝曼卿受學,作《毛詩敘》,善得《風》、 而無由。其存者,將以解之,故從 五篇,今其亡者六焉。 「先儒相承,謂《毛詩敘》子夏所創,毛公及 一言而已,曰是詩言是事也,而盡去其餘。 詩之亡者,經師不得見矣,雖欲詳 是以 其言時有 亡詩之敘 未 反 而 覆 嘗 附 煩 益

之洲」,言未用也。述,匹也。言女子在物之摯者不淫。水中可居者曰洲。「在河關關班鳩,在河之洲。窈窕淑女,君子好逑。

《葛覃》,后妃之本也。

求之者,是以寤寐不忘以求淑女,將與共家差荇菜,左右流之。窈窕淑女,寤寐求之。 等,接余也。左右,助也。流,求也。服,求之不得,寤寐思服。悠哉悠哉,輾轉反側。求之不得,寤寐思服。悠哉悠哉,輾轉反側。

參差荇菜,左右芼之。窈窕淑女,薘瑟友之。參差荇菜,左右芼之。窈窕淑女,确武墓世。凡《詩》之敘類此。窈窕淑女,不可得也。凡《詩》之敘類此。窈窕淑女,舜己以鐘世,荷其得之,則將友之以琴瑟,樂之以鐘時,從我也。 以表表表之。窈窕淑女,琴瑟友之。

《關雎》三章,一章四句,二章章八句。

集于灌木,其鳴喈喈。 葛之覃兮,施于中谷,維葉萋萋。黄鳥于飛,

葛者,婦人之所有事也。方葛之盛時,黄葛者,婦人之所有事也。方葛之盛時,博有事,而又及其所聞見,言其樂從事於此也。覃,延也。萋萋,茂盛貌也。黄鳥,摶也。覃,延也。萋萋,茂盛貌也。黄鳥,摶立道也。言女子在家習爲婦功,既成,則之道也。言女子在家習爲婦功,既成,則

事也。

曰綌。斁,厭也。 莫莫,成就貌也。濩,煮之也。精曰絺,麤

害澣害否,歸寧父母。言告師氏,言告言歸。薄污我私,薄澣我衣。

言,辭也。《春秋傳》曰:「言歸于好。」師,

五.

母矣。 衣,禮 也。 女師 污,煩撋之也。澣,濯之也。 氏 害澣害否」云者、言常自 也,則告之以適人之道矣。 常自絜清以事君子,則 也。 服也。 婦人謂 此女師所以告之之言也。 嫁 日歸。 絜清以事君子 言其告教於 可以歸 私,燕服 薄,亦 辭 寧父 也。 也 師

《葛覃》三章,章六句。

卷耳》,后妃之志也

采采卷耳,不盈頃筐。 采采,不已之辭也。 耳。若夫求賢審官,則君子之事也 而不盈焉,則志不在卷耳也。 今將求賢 畚屬也。卷耳易得之物,頃筐易盈之器, 人知勉其君子求賢 卷耳,苓耳 嗟我懷人, 寘彼周 以 自 助,有其志 也。 頃筐 行。 可

> 陟 彼崔嵬、我馬 虺隤。 我姑酌彼金罍, 維以

不 永 懷

且也。 矣。 徒酌 不求賢以自助,亦無以濟也。 崔嵬,土山之戴石者也。虺隤,病也。姑, 酒以 譬如爲國之難,知小人之不足任,而 將陟險 自慰,不以爲深憂也,則終不免 而馬病,不求良馬以任之,

不永傷。 陟 彼 高 岡 ,我馬玄黄。 我姑酌彼兕觥,維以

Щ 此章意 育日 岡。 不 盡 玄馬 申 -殷勤 病 則 也,凡詩之重複 黄。 兕觥,角爵,所 類 此。

陟彼砠矣,我馬瘏矣。 石 不知擇,至於人又病也,則無及矣,亦吁嗟 以爲罰 Ш 戴 也。 土曰砠。 瘏、

浦,皆病

也

馬

病而

我僕痛矣,云何吁矣。

卷耳》四章,章四句。

而

Ē

寘之列位,而志不在,亦不可得也。

其福禄。苟其不和,雖有福禄,而不能室家既和,故其君子無所憂患,而能安履上。后妃以逮下故,衆妾得敘進於君子。本下曲曰樛。木以樛故,葛藟得纍之而南有樛木,葛藟纍之。樂只君子,福履綏之。

荒,奄也。將,大也。 南有樛木,葛藟荒之。樂只君子,福履將之。

安也。

南有樛木,葛藟縈之。樂只君子,福履成之。

縈,旋也。成,就也。

《樛木》三章,章四句。

《螽斯》,后妃子孫衆多也。

螽斯, 蚣蝑也。不妬而多子, 一生八十一螽斯羽, 詵詵兮。宜爾子孫, 振振兮。

子。詵詵,衆多也。振振,仁厚也。言后

卷

妃子孫衆多,如螽斯也。

薨薨,群飛聲也。繩繩,戒慎也。螽斯羽,薨薨兮。宜爾子孫,繩繩兮。

揖揖,會聚也。蟄蟄,和集也。螽斯羽,揖揖兮。宜爾子孫,蟄蟄兮。

《螽斯》三章,章四句。

《桃夭》,后妃之所致也。

夭夭,少壯也。灼灼,盛也。婦人甚少而桃之夭夭,灼灼其華。之子于歸,宜其室家。

盛,不以色驕其君子,而以宜其室家,此后

桃之夭夭,有蕡其實。妃之德所致也。

之子于歸,宜其家室。

蕡,大貌也。

始言其華,中言其實,終言其葉,言其容德桃之夭夭,其葉蓁蓁。之子于歸,宜其家人。

皆盛也。

七

桃 天》三章,章四 白。

《兔罝》,后妃之化也。

肅

敬、是以至於椓杙、而猶肅肅也。 肅兔罝, 椓之丁丁。 猶知敬之。 將,敬而不可慢,故其夫雖置兔之鄙人,而 於妻妾也,無所復敬矣。今婦人能以禮自 者,其心無所不易。 野之鄙人,禮之所不及也。禮之所不及 也。干,盾也。 肅 肅 敬也。 夫人知敬其妻妾,則無所不 兔罝,兔罟也。 置兔之人,野之鄙人也。 人而無所不易,則 赳赳武夫,公侯干城。 丁丁,核杙聲 赳赳,有 其

而

猶

肅肅,則其敬也至矣。

肅肅兔罝,施于中逵。 者,可以直致; 桃夭》曰「致」,而《兔罝》曰「化」。 而化者,其功遠矣。 赳赳武夫,公侯好仇。

夫致

仇,匹也。

肅肅兔罝,施于中林。 中林、聞見之所不及也。非人之所聞見、 丁丁,人之所聞也。 赳赳武夫,公侯腹 中達,人之所見也。

兔罝》三章,章四句。

《芣苢》,后妃之美也。

采采芣苢,薄言采之。 厭 芣苢,馬舄,馬舄,車前也,宜懷任焉。● 室家和平,故婦人皆樂有子,是以采之不 也。 有,藏也 采采芣苢,薄言有之。

力之貌也。置兔之人,則赳赳之武夫也。

0 「任」,明本作「姙」。

(兔罝))言其能使婦人以禮克君子之慢,故

(桃夭)言后妃能使婦人不以色驕其夫,而

今武而知敬,故可以爲公侯干城也。

近。

世未嘗患無

武夫,獨患其不知敬

而不可

采采芣苢,薄言掇之。 采采芣苢,薄言捋之。

掇,拾也。捋,取也。

袺,埶衽也。襭,扱衽也。采采芣苢,薄言襭之。

《芣苢》三章,章四句。

《漢廣》,德廣所及也。

漢之廣矣,不可泳思。江之永矣,不可方思。南有喬木,不可休息。漢有游女,不可求思。

就以休息,江漢不可得而方泳也。絜之行,不可犯以非禮。譬如喬木不可之化,行於南國,雖江漢之游女,皆有廉潛行曰泳。方,拊也。●思,辭也。文王

翹翹錯薪,言刈其楚。之子于歸,言秣其馬。

翹者,以言欲取女之尤高絜者也。然猶也。楚,薪之尤翹翹者也。取薪之尤翹此知女子之不可犯,而思以禮道之之辭

當秣其馬,以示有意焉耳。不敢斥言取之,故曰,於是子之嫁也,我

漢之廣矣,不可泳思。江之永矣,不可方思。 當秣其馬 じ示有意焉耳

漢之廣矣,不可泳思。江之永矣,不可方思。翹翹錯薪,言刈其蔞。之子于歸,言秣其駒。

蔞,草之尤翹翹者也

《漢廣》三章,章八句。

《汝墳》,道化行也。

遵彼汝墳,伐其條枚。未見君子,怒如調飢

也。調,朝也。是時,紂猶在上,君子久墳,大防也。枝曰條,幹曰枚。怒,飢意

君子也。

役于外,故婦人遵汝而

伐薪,勞苦而念其

遵彼汝墳,伐其條肄。既見君子,不我遐棄。

● 「拊」,明本作「泭」。

斬而復生曰肄。

(汝墳》三章,章四句。 然为道。 就具害者,如魚之勞於水也。然而有文王 被其害者,如魚之勞於水也。然而有文王 被其害者,如魚之勞於水也。然而有文王 以爲之父母,可以無久病矣。雖婦人而知 以爲之父母,可以無久病矣。雖婦人而知

《麟之趾》、《關雎》之應也。

麟之趾,振振公子,吁嗟麟兮!

《毛詩》之敘曰:「《關雎》之化行,則天下以信厚振振而不自知,猶麟之於仁也。其身則爲之,父母之所以資之者遠矣。是賢,故其生子無不賢者。夫公子之賢,非賢,故其生子無不賢者。夫公子之賢,非於也天矣。《關雎》之時,人君與其后妃皆麟,仁獸也。其於仁也,非有意爲之,其資

麟之定,振振公姓,吁嗟麟兮!言其時也。捨麟之德而言其時,過矣。公子之信厚如麟之仁,此所謂應矣,未嘗公予之信厚如麟之仁,此所謂應矣,未嘗此》之時。」夫《關雎》之化行,則公子信厚。縣

定,題也。●

麟之角,振振公族,吁嗟麟兮!

《麟之趾》三章,章三句。

# 召南鵲巢 國風

鳩性拙,不能自爲巢,而居鵲之成巢。國維鵲有巢,維鳩居之。之子于歸,百兩御之。《鵲巢》,夫人之德也。

君積行累功,以致爵位,夫人起家而居有

● 「題」,明本作「額」。

之宫。

非鳲鳩也。百兩,百乘也。御,迎也。諸鳩之均一,乃可以配焉。説雖無害,而鳩《毛詩》之敘以「鳩」爲「鳲鳩」,言夫人如鳲之。如鳩之託鵲巢,非有德,誰能安之?

維鵲有巢,維鳩方之。之子于歸,百兩將之。

侯之子嫁於諸侯,送迎皆百乘。

方,據也。將,送也。

《鵲巢》三章,章四句。維鵲有巢,維鳩盈之。之子于歸,百兩成之。

《采蘩》,夫人不失職也。

之事。 一之事。 一之事。 一以采蘩? 一方以用之? 公侯

夫人,執蘩采以助祭。

蘩,皤蒿也。沼,池也。

沚,渚也。公侯之

于以采蘩? 于澗之中。于以用之? 公侯

宫,廟也。

其還歸,則舒遲。言各獲其宜也。也。公,事也。其在宗廟之事,則竦敬,被,首飾也。僮僮,竦敬也。祁祁,舒遲被之僮僮,夙夜在公。被之祁祁,薄言還歸。

《采蘩》三章,章四句。

要要草蟲,濯濯草螽。卡見書子,憂《草蟲》,大夫妻能以禮自防也。

喓喓草蟲,趯趯阜螽。未見君子,憂心忡忡。

覯,以禮遇也。草蟲鳴,則阜螽躍而從之。草蟲,常羊也。阜螽,蠜也。二者皆蝗類。亦既見止,亦既覯止,我心則降。

禮自防。至於既見,而後心降也。然其未見也,常自憂不當君子,●故每以婦人之於君子,猶二物之相從,其性然矣。

●「當」,明本作「得見」。

陟彼南山,言采其蕨。 亦既見止,亦既覯止,我心則説。 未見君子,憂心惙惙

乎? 然而常憂不得也。婦人之從君子, 也。憂不見禮,而後乃見禮矣。 亦豈有不見禮者乎? 蕨,鼈也。 陟南 Ш 而采蕨,豈有不得者 然 而常憂不見禮

陟彼南山,言采其薇。未見君子,我心傷悲。 亦既見止,亦既覯止,我心則夷。

,山菜也。 《草蟲》三章,章七句。 夷,平也。

《采蘋》,大夫妻能循法度也。

行潦。 于以采蘋? 南澗之濱。于以采藻? 維錡及釜。于以奠之? 宗室牖下。 于以盛之? 維筐及筥。 于以 誰其尸 湘之? 于彼

蘋,大蓱也。藻,聚藻也。 方曰筐,圓 日

有齊季女。

幼而習之,既嫁而奉祭祀,則終身行之, 徵、請期,主人皆筵於廟中户西西上 之間也。 祖廟既毁,教于宗室。教成之祭,牲用 筥。 此所謂能循法度也 羹。今使季女設焉,所以 几,以爲女子外成者也。 魚,芼用蘋藻。」奠於牖 之廟也。 「婦人先嫁三月,祖廟未毀,教于公宮。 湘,烹也。 《昏禮》,納采、問名、納吉、納 此所謂教成之祭也。 錡 , 釜屬 下,何也? 也。 成其 祭禮,主婦設 宗室,大宗 《記》曰: 婦禮也。 户 牖

采蘋》三章,章四句。

《甘棠》,美召伯 也。

《皇矣》言美周。 《甘棠》言美召伯,《江有汜》言美媵,《何彼 檂矣》言美王姬,《魚麗》言美萬物盛多, 或言正詩不言美,因各爲

此 言美矣。未嘗不言,而爲不言之説,此皆 五詩之説。夫五詩言美,則正詩未嘗不

近世之浮説也。

蔽芾甘棠,勿翦勿伐,召伯所茇。

國人思之而愛其棠,不忍伐也。 召公巡行邦國,重煩劳百姓,蔽棠而舍。 蔽芾,小貌也。 一伯,●武王之世矣,而詩稱召伯,思者之 甘棠,杜也。 茇,草舍也。 召公之爲

勿翦勿拜,召伯所説。 蔽芾甘棠,勿翦勿敗,召伯所憩。 蔽芾甘棠,

辭也。

拜 ,拔也。説,舍也。

甘棠》三章,章三句。

《行露》,召伯聽訟也 厭浥行露, 豈不 角 何 以穿我屋? ·夙夜? 誰 謂女無家,何以 謂行 多露。 誰 速 謂 我 雀

> 獄 ? 以穿我墉? 速我訟,亦不女從。 雖速我獄,室家不足。 誰謂女無家,何以速我訟? 誰 謂 鼠 無牙,何

雖

以禮自保,故其稱曰: 行者未嘗不欲 《南》當文王與紂之世,淫風之被天下,如 厭 矣,今而穿墉,則鼠有牙矣,謂强暴之無 獄,故其自辨曰: 夜也,謂道之多露,是以 露之濡物。《召南》之女被文王之化,能 亦有室家之道矣。 室家之道,信矣,今而召我 女子之所以自保如此,然猶不免强暴之 不欲從人也,謂世之多强暴,是以不可。 而穿屋,則雀有角矣,謂鼠之無牙,信 浥,濕意也。 行,道 謂雀之無角,信矣,今 雖 也。 召我獄,然而知其 不敢,女子未嘗 速,召 以 獄,則 强 夙

0 「二」,明本作「牧」。

室家之道不足,而終不之從者,召公明於

聽訟也。

《行露》三章,一章三句,二章章六句。

《羔羊》、《鵲巢》之功致也。

過矣。 《毛詩》之敘曰:「《召南》之國,化文王之《毛詩》之敘曰:「《召南》之國,化文王之政,在位皆節儉正直,德如羔羊。」夫君子政,在位皆節儉正直,德如羔羊。」

雖欲委虵,而不可得也。此所以爲《鵲巢》為,以飾縫也,皆婦人所爲實功也。委虵,自得之貌也。言《召南》之大夫服其羔裘,自公而退食於私家,無所不自得也。夫君自公而退食於私家,無所不自得也。委虵,主者大夫,羔裘以居,素絲以英裘。紽,組羔羊之皮,素絲五紽。退食自公,委虵委虵。

之功致也。

羔羊之缝,素絲五緫。委虵委虵,退食自公。羔羊之革,素絲五緎。委虵委虵,自公退食。

緎、緫,皆缝飾也。

《羔羊》三章,章四句。

《殷其靁》,勸以義也。

殷其靁,在南山之陽。何斯違斯? 莫敢或

遑。振振君子,歸哉歸哉。

哉」,言不可歸也。 《召南》之君子,遠行從政,其室家思一見《召南》之君子,遠行從政,其室家思一見言此,而從事於四方,不敢安也。既而子去此,而從事於四方,不敢安也。既而子去此,而從事於四方,不敢安也。既而

息。振振君子,歸哉歸哉。殷其靁,在南山殷其靁,在南山之側。何斯違斯? 莫敢遑

説。

若《樛木》、《螽斯》之類,皆意不盡

申

之下。 何斯 違 **斯**? 莫或遑處。 振 振君子,

《殷其靁》三章,章六句。

《摽有梅》,男女及時也。

摽有梅,其實三兮。 摽有梅,其實七兮。 求我 求我庶士,迨其今兮。 庶 士,迨其吉兮。

摽有梅,頃筐塈之。求我庶士,迨其謂之。 摽,落也。 塈,取也。 盛 極則落者,梅也。

其吉而後嫁焉,可也。及其三也,及今焉 女子之盛時,猶是梅也。 方其七存也,迨

吉,三而及其今,盡而聽其謂,此所以各及 嫁之,可也,失今則過矣。 而取之也,謂之娶,則嫁之矣。 及其既盡,頃 七而 澤其

詩及《中谷有蓷》、晉《無衣》之類,固自 其時也。 凡詩每章有先後深淺之異,如此 有

當矣。

殷

勤

而

릲

欲强

求其説,

則迂

雜

而 不

(標有梅》三章,章四

句。

《小星》,惠及下也

嘒彼小星,三五在東。 肅肅宵征,夙夜在公。

寔命不同

嘒,微貌也。三,心也。五,**噣也**。

噣在東方。三月,心在東方。 命,禮命也。

諸妾從夫人,以次敘進御於君所,猶小星

之從心、噣也。「肅肅宵征,夙夜在公,寔 命不同」云者,妾自謂卑賤,不敢與夫人齒

之辭也。

寔命不

嘒彼小星,維參與昴。

肅肅宵征,抱衾與稠。

禂 ,帳也。 猶,若也

小星》二章,章五句。

Ŧi.

正月,

《江有汜》,美媵也

江有汜,之子歸,不我 以。 不 我 以, 其後

也 決復人爲汜。● 江則有汜, 適則

悔。

蓋不敢怨,而竢其悔耳。 自悔矣。此則善原人情也。 悔過,而不以怨言犯之,蓋事之不失,而適 而妾不敢與我齒矣。《江有汜》欲求適之 我,而不以貴賤臨之,蓋使之得進御於君, 之之道也。故《小星》欲求衆妾之不敢齒 而之子之不我以,何哉? 夫不敢怨者,悔 其後則必悔矣。 有媵。❷

也處。 江 有渚,之子歸,不我與。不我與,其後

水岐成渚。 處,止也。

江 有 沱,之子歸,不我過。 不我過,其 嘯

也歌

**《書》曰:** 「岷山導江,東別爲沱。」嘯歌,以

言其不怒也

《江有汜》三章,章五句。

《野有死鏖》,惡無禮也。

野有死廛,白茅包之。有女懷春,吉士誘之。 時也。 也。 誘,道也。 野有死廛,有欲用之,猶以白茅 亦必得吉士以禮道之而後可。疾時不然 包之而後行。今有女於此,思以春適人, 古者昏禮以歲之隙,自冬及春,皆其 《孫卿子》曰:「霜降逆女,冰冸

殺内。」

林有樸樕,野有死鹿。 樸樕,小木也。 知以白茅純束而取之。況於有女如 將取樸樕、死鹿以爲 白茅純束,有女如玉。 (玉,而 用

0 「適」,明本作「嫡」,下同 「決」上,明本有「水」字。

六

可 不以禮成之哉?

舒而 脫脫兮,無感我帨兮,無使尨也吠。

走失節則佩帨動,非禮相陵則狗吠。 脫脫,舒遲也。 帨,佩巾也。 尨,狗也。 奔

野有死庸》三章,二章章四句,一

三句。

何彼禮矣》,美王姬也。 焉。」而近世學者又因此詩稱「平王」、「齊 袵席,《關雎》作。 漢儒之言《詩》者曰: 仁義陵遲、《鹿鳴》 「王道衰,詩人本之 刺

無不咸在,蓋《關雎》、《鹿鳴》之作也久矣, 予讀《儀禮》,觀其燕饗之樂,風、雅之正詩 侯」,則遂以二《南》爲東周之詩無疑矣。

時 豈文王歟? 非復衰世之詩也。 一號也。 至於齊侯,則武王之世,太公 譬如商人謂湯武王,蓋亦當 夫平王者,周之先王,

> 得爲成、康子孫之詩,而此詩獨不得爲文 望得稱齊侯矣。 且《周頌》之言成康,猶不

王之詩哉

何彼禯矣?唐棣之華。曷不肅雍?王姬之車。 若是華也。 禮,猶戎戎也。 肅,敬也。 唐棣,移也。 雍,和也。人之見 王姬之美盛

王姬之敬也至矣。

姬之車也。

人之見其車者,猶知肅雍,則

王姬之車者,則相告曰,曷不肅雍

乎,此王

其釣維何? 何彼禮矣? 貴,娶而得之者,由禮 魚之深,釣而得之者,由絲緍也。 維絲伊緍。 華如桃李。平王之孫,齊侯之子。 齊侯之子,平王之孫。 也。 王姬之

《騶虞》、《鵲巢》之應也 《何彼禮矣》三章,章四句。

彼茁者葭,一發五豝。吁嗟乎騶虞!

詩集傳卷第一

八

## 詩集傳卷第二

### 邶柏舟 國風

之。頃公之世,變風既作,而邶、鄘、衛皆 邶、鄘封他諸侯。 以奉商後。 人之思舊而好亂也,於是改封微子於宋, 幼,●三監與武庚叛,周公伐而誅之。 管叔、蔡叔、霍叔監之,謂之三監。 及成王 桑土之野。武王克商,以封紂子武庚,使 自有詩,各以其地名之。 貢》冀州太行之東,北逾衡、漳,東及兖州 邶、鄘、衛,本紂之畿内,其地 而以 其餘民封康叔 其後衛人并邶、鄘 於衛,以 在 患商 而 |《禹 有

也,意之踈矣。是以獨載毛氏之説,不敢《타》,容有不知其世者矣,然猶欲必知焉,《詩》,容有不知其世者矣,然猶欲必知焉,《非別於五於漢,其間遠矣。儒者之傳之作,而至於漢,其間遠矣。儒者之傳之作,而至於漢,其間遠矣。儒者之傳之,而至於漢,其間遠矣。儒者之傳之,而至於漢,其間遠矣。儒者之傳之,而至於漢,其間遠矣。

微我無酒,以遨以遊。 汎彼柏舟,亦汎其流。耿耿不寐,如有隱憂。

傳疑也。

使與衆物皆汎於流而已。 有仁人而不用,譬猶以柏爲舟而不以載,

薄言往愬,逢彼之怒。 我心匪鑒,不可以茹。亦有兄弟,不可以據。

茹,入也。逢,迎也。鑒之於人,美惡無所

❶ 「及成王幼」,明本作「及成王王幼」。

九

不仁,此愬所以爲迎其怒也。蓋朝無善有不據也。愬不仁,必於仁人。今愬之於不受。惟擇其可,而後受。故雖兄弟,而

我心匪石,不可轉也。我心匪席,不可卷也。

人矣。

威儀棣棣,不可選也。

所謂不可轉與不可卷也。 斯踽踽涼涼,然君子不以其故自改也,此習也。選,擇也。小人之惡君子,曰何爲習也。選,擇也。小人之惡君子,曰何爲不之堅、平,過於石、席也。棣棣,富而閑石雖堅,尚可轉,席雖平,尚可卷。言我

憂心悄悄,愠于群小。 覯閔既多,受侮不少。

靜言思之,寤辟有摽。

嬖而州吁驕,故云。

日居月諸,胡迭而微? 心之憂矣,如匪澣閔,病也。辟,拊心也。摽,舉手貌也。

月當微耳,日則否,豈有日月更代而微者

衣。

靜言思之,不能奮飛。

澣,不忘濯也。憂患既深,思奮飛以避之,而微耳。是以憂之不去於心,如衣垢之不而不得其志者,常也。君子而不遂,如日歟? 君子與小人,常迭相勝。然而小人

而不能矣。

《柏舟》五章,章六句。

《緑衣》,衛莊姜傷己也。

女,美而無子。莊公之嬖人生子州吁,母裹,言妾上僭,而夫人失位也。莊姜齊暴,間色。黄,正色。以緑爲衣,而黄爲緑兮衣兮,緑衣黄裹。心之憂矣,曷維其已。

以爲衣,既已緑之,而又以爲衣,此則我之就,過也。治絲而緑之者,汝也。緑非所緑兮絲兮,女所治兮。我思古人,俾無訧兮。

所就也。古之人爲是上下之分,所以使人

無所訧耳。

之人所以爲是君子、小人之辨者,誠得我之薄,而以禦風,其弊立見矣。譬如小人之薄,而以禦風,其弊立見矣。譬如小人以緑爲衣,惑者不知其不可也。若夫絺綌絲兮綌兮,凄其以風。我思古人,實獲我心。

《緑衣》四章,章四句。

心之所憂也

《燕燕》,衛莊姜送歸妾也。

莊公薨,完立,而州吁弑之。戴嬀於是莊姜無子,陳女戴嬀生完,莊姜以爲己子。

燕燕于飛,差池其羽。之子于歸,遠送于野。大歸。

瞻望弗及,泣涕如雨。

燕燕, 鳦也, 春則來, 秋則去, 知有所避也。

也。《禮》:「婦人送迎不出門。」遠送至燕將飛而差池其羽,猶戴嬀之將別而不忍

野,情之所不能已也。

燕燕于飛,頡之頏之。之子于歸,遠于將之。

瞻望弗及,佇立以泣。

將,送也。頡頏,左右顧也。 1913年

瞻望弗及,實勞我心。

燕燕于飛,下上其音。

之子于歸,遠送于南。

陳在衛南。

仲氏任只,其心塞淵。終温且惠,淑慎其身。

先君之思,以勖寡人。

淵,深也。 任,大也。塞,瘗也。●

《燕燕》四章,章六句。

「瘞」,明本作「實」。

\_

《日月》,衛莊姜傷己也。

日居月諸,照臨下土。乃如之人兮,逝不古

處。胡能有定,寧不我顧?

莊姜,賢妃也。莊公惑於嬖妾,而不禮焉。

日月也,奈何捨我而逝,不復其故處乎?及完立,而不能終。故其自傷曰,君夫人

定,何用不顧我哉? 石碏之諫莊公曰:雖然捨我,而能有所定,尚可也。 苟爲無

「將立州吁,乃定之矣。若猶未也,階之爲

亂。」莊公不從,故及於禍。此「胡能有定」

之謂歟?

東方。乃如之人兮,德音無良。胡能有定?好。胡能有定,寧不我報? 日居月諸,出自日居月諸,下土是冒。乃如之人兮,逝不相

使我可忘之而已。日始、月盛,皆出於東方。「俾也可忘」,徒

俾也可忘。

胡能有定,報我不述。 日居月諸,東方自出。 父兮母兮,畜我不卒。

《日月》四章,章六句。
畜,養也。呼父母而訴所怨也。述,循也。

《終風》,衛莊姜傷己也。

終風且暴,顧我則笑。謔浪笑敖,中心是悼。《絲儿》得另言作己也

終風,終日之風也。風、霾、曀、雷,皆以

州吁之昏暴也。

霾,雨土也。州吁往來皆不可常,莊姜雖終風且霾,惠然肯來。莫往莫來,悠悠我思。

思之無益也。

曀夷陰,虺虺其靁。寤言不寐,願言則懷。

懷,安也。安於其所,不欲往也。

《終風》四章,章四句。

《擊鼓》,怨州吁也。

擊鼓其鏜,踊躍用兵。土國城漕,我獨南行。

人伐衛。州吁既立,將脩先君之怨於鄭,漕,衛邑也。南行,伐鄭也。莊公之世,鄭

國者,有城漕者,我獨南行伐鄭,去國遠宋,與陳、蔡共伐之。 是時,民有爲土功於

而宋公子馮在焉。

鄭人將納之,故使告於

役,爲最苦也。

孫子仲者,公孫文仲,伐鄭之帥也。從孫子仲,平陳與宋。不我以歸,憂心有忡。

爰居爰處? 爰喪其馬? 于以求之,于林

之下。

民將征行,與其室家訣別曰,是行也,將於

衣山林,求之林下,庶幾得之。 求之於林之下。蓋預爲敗計也。軍行必何居處,於何喪其馬乎? 若求我與馬,當

死生契闊,與子成説。執子之手,與子偕老。依山林,求之林下,庶幾得之。

幾獲免於死亡,故曰「執子之手,與子偕契闊,勤苦也。成説,歷數之也。然猶庶

老」。

《擊鼓》五章,章四句。

《凱風》,美孝子也。

衛之淫風流行,雖有七子之母,猶不能安凱風自南,吹彼棘心。棘心夭夭,母氏劬勞。

子之過也。 子之過也。 所已。 則風,南風也。 而已。 則風,南風也。 棘,難長之木也。 其室。 子欲止之,而不忍言也,故深自責 其室。 子欲止之,而不忍言也,故深自責

棘薪,言其成也。 凱風自南,吹彼棘薪。母氏聖善,我無令人。

其澤。我曾此泉之不若也。 浚,衛地,其下有寒泉。泉在浚下,而浚蒙爰有寒泉,在浚之下。有子七人,母氏勞苦。

睍睆,好貌也。鳥猶能好其音以説人,而睍睆黄鳥,載好其音。有子七人,莫慰母心。

我獨不能說吾母哉!

《凱風》四章,章四句。

雄雉》,刺衛宣公也。

《毛詩》之敘曰:「宣公淫亂,不卹國事。

夫久役」是矣。以爲并刺其淫亂、怨曠,則忮不求,何用不臧」。以爲「軍旅數起,大言宣公好用兵,如雄雉之勇於鬭,故曰「不軍旅數起,大夫久役,男女怨曠。」夫此詩

此詩之所不言也。

展,誠也。思得信厚之君以事之,而不可雄雉于飛,下上其音。展矣君子,實勞我心。

得,故勞也

征役既久,思歸而不得之辭也

百爾君子,不知德行。不忮不求,何用

不臧?

不貪求,斯可矣,何用不之善哉?●告其君子曰,吾不知孰爲德行,苟不忮害,忮,害也。宣公好害而多求,國人苦之,故

《雄维》四章,章四句。

《匏有苦葉》,刺衛宣公也。

則吾揭,無不渡也。則亦不畏、不義、不足。」恃苦匏而涉深濟,未有不溺者也,而已。」恃苦匏而涉深濟,未有不溺者也,而絕有苦葉,濟有深涉。深則厲,淺則揭。

之妻,昏亂甚矣,故云。忌,非禮之人也。宣公烝於夷姜,而納伋

有瀰濟盈,有鷕雉鳴。

濟盈不濡軌,雉鳴求

鷕,雉聲也。軌,軾前也。飛曰雄雌,走曰其牡。

招招舟子,人涉卬否。 **雝雝鳴鴈,旭日始旦。** 昏,而國人化之,故此章爲陳昏禮之正也 迎用昏。 旦,大昕之時也。 雝 禮而後行,不得其偶不行也 不肯從。言衛人相率爲亂,而其君子猶待 卬,我也。 雝 ,鴈之和聲也。 冰之未泮,昏姻之時也。 人皆輕涉,而操舟者,獨招招然 自納采至請期 人涉卬否,卬須我友。 士如歸妻,迨冰未泮。 納采 用鴈。 用昕 宣公淫 旭日始 親親

谷風》,刺夫婦失道也。

匏有苦葉》四章,章四句。

❶ 「不之」,明本互乙。

五五

習習谷風 采葑采菲,無以下 谷風 葑,須也。 夫婦黽俛同心,憂樂共之,而何怒之有? 京東風 以以 菲,芴也。 也。 陰以 體。 風行於陰雨 雨 德音莫違,及爾 **黽勉同心**,不宜 人不以其下之不善, ,而不廢其 有怒。 同 和 死

足矣。

而

弃其上之可食,譬如婦人德音不違而

涇以渭濁,湜湜其沚。宴爾新昏,不我屑以。 湜湜 涇水入渭, 之濁耳。 ,水見底 然其沚湜湜然,上下如一。 渭清 也。 而 沚,小渚也。 涇 濁。 涇以渭故 屑, 絜也。 婦人 人謂

> 吾絜也? 自言修絜如此,奈何以新昬之故,而遂不

毋逝我梁,毋發我笱。 告之無益之辭也。 既而曰,我躬且不容,何暇卹我後哉? 見弃,猶憂其後之不繼也,故告 成業,不知其成之難,則將 之笱,因人之成功之謂也。 梁、笱,皆所設以取魚。 閲,容也 我躬不閱,遑卹 逝人之梁,而發人 新昏因舊室之 輕用之。 而 止之。 我後。 我 知

不我能慉,●反以我爲讎。既阻我德,賈用

▶ 「慉」,明本作「畜」。下「慉」字同。

不售。昔育恐育鞠,及爾顛覆。既生既育,

比予于毒。

者,人之所弃惡也。 皆,養也。夫婦之親,而至爲仇讎,故雖平 皆,養也。夫婦之親,而至爲仇讎,故雖平 皆,養也。夫婦之親,而至爲仇讎,故雖平

來塈。● 來墅。● 不念昔者,伊予有洸有潰,既貽我肆。不念昔者,伊予我有旨蓄,亦以御冬。宴爾新昏,以我御窮。

怒也。 旨,美 我御窮而已,及其富樂,則不我以,不念昔 美菜者,所以御冬月之無也。 由 [我而獲此安息也。 也。 貽,遺也。 蓄,聚 也。 肄 ,勞也。 洸洸, 塈,息· 武 今君子亦以 也。 也。 潰潰, 蓄

《谷風》六章,@章八句。

《式微》,黎侯寓于衛,其臣勸以歸也。

黎,今黎陽也。

露? 式微式微,胡不歸? 微君之躬,胡爲式微式微,胡不歸? 微君之故,胡爲乎中

乎泥中?

微,而不可 覆藉之者也 於其地乎? 自歸乎? 衛不吾勤,其不吾納者可見矣,而 所以觀其人者,於其微耳。是以試之於 衛不能納而不歸 式,試也。 '則止。今君之寓於衛久矣,而 狄人迫逐黎侯,黎侯寓于 衛人非君之故之爲,而 中露、泥中、言其暴露,而無 ,其臣尤之,故曰,君子之 胡 胡爲 爲 衛。 不 久

《式微》二章,章四句。

- ❶ 「予」,明本作「余」。
- 「六」,原作「八」,據明本改。

二七

《旄丘》,責衛伯也。

其言與前相復,非一人之辭明矣。 能修方伯連帥之職,黎之臣子以責於衛。」 致、相因之辭也。而毛氏之敘《旄丘》,則 敘,相因之辭也。而毛氏之敘《旄丘》,則 (一書,故《式微》、《旄丘》之 衛,侯爵,時爲州伯,故稱伯歟? 孔氏之

旄丘之葛兮,何誕之節兮? 叔兮伯兮,何多

日也?

前高 蔽 無 之國也。 而百節 ,荷黎亡,則衛及矣,奈何久而不救哉? 以 其闊 曰旄丘。誕,闊 廢矣。 旄丘之葛,其節雖甚闊 節 而 譬如諸 謂 患不相及,苟 也。 侯,雖異國 叔兮伯兮,同姓 斷 其 也,然而 而 一節 相 爲

夫豈無故而久處於衛哉? 以爲與衛同

以

也。

何

其處也?

必有與也。

何其久也?

必有

旄丘》四章,章四

句。

患,勢之所當救也。

瑣兮尾兮,流離之子。 狐裘蒙戎,匪車不東。 將爲己患也。 之微而不忌,譬如流離之養其子,不知其 瑣,小也。 蒙戎,亂貌 充其耳,其後衛人遂有狄難。 大則食其母。 相接,故狄之爲患,黎與衛共之。 而 東方諸侯,無與我同患者耳,是以止於 吾車不能渡河,以告東方之諸侯也,以爲 不去。 蓋是時 尾,末也。 也。 然告之而不聽, 衰衰然如 狄之虐始於黎。 久留: ,衛猶在河北,黎、衛壤 叔兮伯兮,褎如充耳。 叔兮伯兮,靡所與同。 於衛、裘已弊矣。 流離,梟也,其子長 衛人 以 非 或 狄 衛 土

《簡兮》,刺不用賢也。

《毛詩》之敘曰:「衛之賢者,仕於伶官,皆

可以 方之人兮」。毛氏既以西方美人爲周,● 思愬之天子,故曰「云誰之思? 承事王者。」夫此詩言賢者不見用,而 知周之不足愬,故曰「彼美人兮,西 西方 美

之人者,言其宜在王室也」,可乎? 而又以彼美人爲衛之賢者,曰「所謂 西方

Щ

碩人俣俣,公庭萬舞。 簡兮簡兮,方將萬舞。日之方中,在前上處。

舞者之前列也。 碩人,非所宜舞於中庭也 日中而舞未止,言無度也。 於擇人、言其盡心於舞、 簡,擇也。 萬舞,干舞也。 俣俣,壯大貌也。 而不知其他 方且萬舞,而勤 在前 上 俣俣之 一處,居 也。

赫如 有力如虎,執轡如組。 渥赭,公言錫爵 左手執籥,右手秉翟。

彼 組 善御者,執轡於上,而馬馳於下,如織 組也。 織組者,總紕於此,而成文於

> 彼美人兮,西方之人兮。 組也。 有 胞翟閣寺者,惠下之道也。」惠不過一散。 也,而錫之以一爵。《記》曰:「祭有畀煇 使之執籥秉翟。 榛,隰有苓。云誰之思? 言有力而善御者,可以禦侮矣,而 「赫如渥赭」,卿大夫之容 西方美人。

兮,西方之人兮」。 復知其賢,亦將無如之何矣,故曰「彼美人 周之所在也。 仕於諸侯而不得志**,**則思愬之天子。 西方, 則宜有苓也。傷碩人之不當其處也。 榛,栗屬。 苓,大苦也。 山則宜有榛 《簡兮》三章,章六句。 周衰而天子不能正諸侯,雖 言其不能及遠也。 心,隰

泉水》,衛女思歸 也

氏」,明本作「詩

凡 齊音傲辟喬志。」蓋諸國之音,未有同 好濫淫志,宋音燕女溺志,衛音促數煩志, 猶莊舄之病而越吟,人情之所必然也 衛國之女,思衛而作詩,其爲衛音也固 《泉水》、《載馳》、《竹竿》,皆異國之詩 衛》者,以其聲衛聲歟?《記》曰: 而 詩,皆繫於所作之國。 在《衛》、《猗嗟》雖刺魯莊 故《木瓜》雖 而 在《齊》。 「鄭音 而 美齊 . 者。 宜 在

毖彼泉水,亦流于淇。 變彼諸姬,聊與之謀 有懷于衛,靡日不 . 思。

也。 將見 毖,流貌也。 父母終,思歸寧而不得,是以思衛之諸姬 水出於他國,而 已之法,而 不歸,法之不得已也。 而與之謀也。 廢其當然之情,故閔 淇,衛水也。 流于淇。 夫思 歸,情之所當 女子嫁于異 變,好貌也。 聖人不以不得 而録之也 國 泉 然

> 弟。 問 .我諸姑,遂及伯姊。

至也。 宗,故禮緣 以歸之義。 戰,敗于滎澤。 適 不獲,故言其所由以歸之道,以致其 濟,人于河,溢爲滎。」《春秋傳》: 始有事於道者,祖而舍載,因 曰餞,禮畢遂行,宿於近郊。 衛之道也。《書》曰: 既言其所由以歸之道,則又言 人情,使得歸寧。 曰婦人有出嫁之道,遠 故濟水及衛。 「導沇水 因以問其姑 飲 游、禰 衛女思 酒於 衛 東 於其 其 及 其 流 所 思 歸 口 > 狄 爲 側 而 由

姊,今曷爲不得哉?

**遗臻于衛,不瑕** 出宿于干,飲餞于言。 有害? 載脂載牽,還 車言邁

干、言,亦所由適衛之地 舝,設舝也。 還車,還旋其車而試之也。● 也。 脂,脂 車 也。

出

宿于泲,飲餞于禰。

女子有行,遠父母兄

<sup>0</sup> 「旋」,明本作「施」。

遄,疾也。害,何也。言其至衛,非有瑕疵

也,而曷爲不許哉?

我思肥泉,茲之永歎。思須與漕,我心悠悠。

駕言出遊,以寫我憂。

其憂而已。 漕,皆衛邑也。知其不可,是以出遊,以寫所出同、所歸異曰肥泉,蓋以自况也。 須、

《泉水》四章,章六句。

《北門》,刺仕不得志也。

已焉哉,天實爲之,謂之何哉!出自北門,憂心殷殷。終窶且貧,莫知我艱。

命者之辭也。 命者之辭也。一,用者,君也。而歸之天,知君子仕於亂世,如出自北門,背明而向陰

交徧讁我。已焉哉,天實爲之,謂之何哉!王事適我,政事一埤益我。我入自外,室人

不免於罪也。謂之「室人」者,在内而不事則其處者,爭求其瑕疵而譴讁之,言勞而我,國之政事,復并以厚益我。已事而反,適,之也。埤,厚也。天子之政令,既以適

事也。

交徧摧我。已焉哉,天實爲之,謂之何哉!王事敦我,政事一埤遺我。我人自外,室人

敦,敦迫也。

《北門》三章,章七句。

《北風》,刺虐也。

其虚其邪? 既亟只且。北風其涼,雨雪其雱。惠而好我,携手同行。

並爲急刻之行矣,尚曷爲不行哉?與汝携手同行而從之。昔之虚徐者,今亦故其民苦之,而相告曰,苟有惠而好我者,邪,讀如「徐」。北風而又雨雪,其虐甚矣。

北風其喈,雨雪其霏。惠而好我,携手同歸。

其虚其邪? 既亟只且。

喈,疾貌。霏,甚貌。

莫赤匪狐,莫黑匪烏。惠而好我,携手同車。

其虚其邪? 既亟只且。

之貽。

未有赤而非狐、黑而非烏者、言其君臣爲

惡如一也。

《北風》三章,章六句。

《靜女》,刺時也。

靜女其姝,俟我於城隅。愛而不見,搔首

踟躕。

於君。思而不可得,是以踟蹰而求之城之女,既有美色,又能待我以禮者,而進之衛君内無賢妃之助,故衛之君子思得靜一

靜女其變,貽我彤管。彤管有煒,説懌女美。

隅,言高而不可逾

也

自牧歸荑,洵美且異。匪女之爲美,美人樂其有法,而後説其美也。失,且以次敘群妾之進御者。煒,赤貌也。古者,后、夫人必有女史彤管之法以記過

也。苟有以是女進者,吾非此女之美,乃無復斯人矣。故願得幽閑處子,而進之君牧,田官也。荑,茅之始生者。蓋言宫中

《静女》三章,章四句。

美其人之遺我者耳。蓋求之至也。

新臺》,刺衛宣公也。

安也。 婉,順 也。 鮮,善也。

新臺有洒,河水浼浼。 者也。 洒,高峻也。 殄,絕也。猶言病 燕婉之求,蘧蒢不殄。 而不死

魚網之設,鴻則離之。燕婉之求,得此戚施。 將適世子而得宣公,猶網魚而 非所求也。 新臺》三章,章四 戚施,不能仰者也。 句。 得鴻,所得

《二子乘舟》,思伋、壽也。

一子乘舟,汎汎其景。願言思子,中心養養。 節而先往,盗殺之。伋至,曰:「乃我也。」 告伋,伋曰:「君命也,不可以去。」壽竊其 於公,公使之於齊,使盜先待於莘。 宣公納伋之妻,生壽及朔。 朔與其母愬伋 而 又殺之。 不返,汎汎然徒見其景,欲往救之而不 自衛適齊,必涉河,國 人 傷其 壽以 往

> 二子乘 可得,是以思之,養養然憂 舟, 汎 汎 其 逝。 願 言 而不知所定也。 思子,不瑕

有害? **曷爲不去哉?** 言二子若避害而去,於義 救於兄,而重父之過,君子以爲非義 而死之,尚可也。而壽之死,獨何哉? 夫宣公將害伋,伋不忍去 非 -有瑕疵·

也

而

《二子乘舟》二章,章四句。

也。

無

詩集傳卷第二

## 詩集傳卷第三

#### **鄘柏**,舟 國風

## 《柏舟》,共姜自誓也。

汎彼柏舟,在彼中河。 髡彼兩髦,實維我儀。 妻守義,父母欲奪而嫁之,故誓而不許。 衛釐公之世子共伯餘,立未逾年而死。其

之死矢靡它。母也天只! 不諒人只! 中河,舟之所當在也。婦人之在夫家,猶

舟之在河也。 飾也。儀,匹也。之,至也。矢,誓也。 髦者,髮至眉,子事父母之

天,父也。

汎彼柏舟,在彼河側。 髧彼兩髦,實維我特。

# 《牆有茨》,衛人刺其上也。

牆有茨,不可掃也。中冓之言,不可道也。

所可道也? 言之醜也。 茨,蒺葜也。冓,成也。衛宣公卒,惠公

能去。 幼,其庶兄頑,烝於宣姜。衛人疾之,而莫 譬如蒺蔾之生於牆,欲掃去之,恐

其傷牆也。

所可詳也? 言之長也。 牆有茨,不可襄也。中冓之言,不可詳也。

襄,除也。

所可讀也? 言之辱也。 牆有炭,不可束也。中冓之言,不可讀也。

三四

之死矢靡慝。母也天只!

不諒人只!

特,匹也。慝,邪也。

《柏舟》二章,章七句。

《君子偕老》,刺衛夫人也。

象服是宜。子之不淑,云如之何!君子偕老,副笄六珈。委委佗佗,如山如河,

天也? 胡然而帝也? 玉之瑱也,象之揥也,揚且之晳也。胡然而班兮玼兮,其之翟也。鬒髮如雲,不屑髢也。

也。屑,絜也。髢,髲也。瑱,塞耳也。玼,觧盛貌也。翟,褕翟、闕翟也。鬒,黑

第

之也。 女有德,可以配君子故耶? 嗟今無以受也。以是盛服尊女,使如天帝然者,非以揥,所以摘髮也。揚,眉上廣也。皙,白

子之清揚,揚且之顔也。展如之人兮,邦之瑳兮瑳兮,其之展也。蒙彼縐絺,是紲袢也。

媛也。

明也。 不爲也。 美女也。 「絆」,暑服則加紲絆,以自斂飭。 客之盛服也。 瑳,鮮白貌也。展衣,夫人以禮見君 顔,顔角豐滿 如是人者,可以爲邦之媛矣,而 締之靡者爲縐。 也。 展,誠 也。 清,視清 袢 讀 及賓 如

句,一章八句。《君子偕老》三章,一章七句,一章九

「顔角」,明本作「額角」。

0

三五

=

《桑中》,刺奔也。

「明大命于沫邦。」●蓋紂都朝歌以北唐,兔絲也。託采唐以相誘也。《書》曰:

是也。

「有齊季女」,言雖幼而知好禮也。言雖長而忘禮也。美有禮則稱「季」,曰姜、弋、庸,皆著姓也。刺無禮則稱「孟」,

《桑中》三章,章七句。

《鶉之奔奔》,刺衛宣姜也。

奔奔、彊彊,皆有常匹相隨之貌。言宣姜鶉之奔奔,鵲之彊彊。 人之無良,我以爲兄。

鵲之彊彊,鶉之奔奔。人之無良,我以爲君。鶉、鵲之不若也。兄則頑也。

君,小君也。

《鶉之奔奔》二章,章四句。

《爱人主我,我只要可见是,从重三事,樹之榛栗,倚桐梓漆,爰伐琴瑟。定之方中,作于楚宫。揆之以日,作于楚室。《定之方中》,美衛文公也。

室。百姓説之,而作此詩。定,營室也。公大布之衣,大帛之冠,始建城市而營宮一年而卒。齊桓公城楚丘,以封文公。文懿公爲狄所滅,戴公渡河東徙,以廬于漕,

・「沬」、《尚書・酒誥》作「妹」。

此矣。 此矣。 此矣。 是室中,則十月中也,於時可以營宮室矣。 是室中,則十月中也,於時可以營宮室矣。 此矣。 是室中,則十月中也,於時可以營宮室矣。 是室中,則十月中也,於時可以營宮室矣。

降觀于桑。卜云其吉,終然允臧。 升彼虚矣,以望楚矣。望楚與堂,景山與京,

終皆然,信善可居也。 桑土可以居民。從而卜之,而得吉,卜其高,有陵阜可以屏蔽其國,降觀其下,有也。文公之將徙於楚丘也,升虚而望其也。文公之將徙於楚丘也,升虚而望其堂,亦衛邑也。景山,大山也。京,高丘

匪直也人,秉心塞淵,騋牝三千。靈雨既零,命彼倌人。星言夙駕,説于桑田。

事,雨既止,見星而駕以行,舍於桑田矣。靈,善也。倌人,主駕者也。文公勤於民

牝牡則三千也。世之學者曰:「衛武、衛 充實而淵深,則宜其有騋牝三千也。 是以民説,而稱之曰,不直哉是人也,其心 之也甚難,其間必有幽、厲大亂之君爲之。 舊,而謂之變。 年,其畜之也 周室不競,至幽、厲而大壞,其敗亦 備,是以其詩發而爲正詩。 深,而蓄之也厚矣。 周之興也,積仁行義凡數百年,其種之也 之之詩也,然猶不免爲變詩,何也?」曰: 文、鄭武、秦襄之《風》,宣王之《雅》,皆美 公元年,革車三十乘。季年,乃三百乘。 所能致耳。 强之業,必深厚者爲之,非輕揚淺薄者之 王澤之薄也久矣,非是人之所能復也。 而此言三千者,蓋其可用者三百乘,而其 馬七尺曰騋。《春秋傳》: 亦厚 夫自其正而至于變,其敗 矣。 至於文、武,風 是以 自成、康以來, 其詩不 言富 數百 俗純 復 文 其 昔

矣,是以不免於變。老者之所以爲老,爲能。今夫五人者,其善之積未若其變之厚亦必有后稷、公劉、文、武積累之勤而後而後能自其變而復于正,其反之也亦難,

可乎? 其所由來者遠矣。

其積衰也。

因其一日之安,而以爲壯也,

《定之方中》三章,章七句。

《蝃蝀》,止奔也。

蝃蝀在東,莫之敢指。女子有行,遠父母《毛詩》之敘曰:「衛文公之詩也。」

兄弟。

適人矣,何患於不嫁而爲是非禮也?而況爲之乎? 故告之曰,女子生而當行也。是以國人莫不惡之。指之猶且不敢,和而雨矣,猶女子之不待父母媒妁而行者級蝀,虹也。蝃蝀之雨,暴雨也,不待陰陽

朝隮于西,崇朝其雨。女子有行,遠兄弟

父母。

矣,何至汲汲於非禮也?也? 譬之女子之生,至於成人,則自當行朝而雨至矣,何苦不俟而爲彼蝃蝀之暴雨醨,升也。崇,終也。朝有升氣于西,終其

乃如之人也,懷昏姻也。大無信也,不知

人苟知事之有命也,則不爲不義,安而竢命也。

之矣。

《蝃蝀》三章,章四句。

《相鼠》,刺無禮也。

其群臣,坟刺在位而無禮者。」《毛詩》之敘曰:「文公之詩也。文公能正

何爲?相鼠有皮,人而無儀。人而無儀,不死相鼠有皮,人而無儀。人而無儀,不死其群臣,故刺在位而無禮者。」

三八

相,視也。 皮故邪? 人者,豈以其面,亦以其禮也。 亦有皮而無禮耳。 視鼠之所以爲鼠者,豈以其無 人之所以 苟無禮,則 爲

相 鼠有齒,人而無止。 人而無止,不 死

亦鼠矣。

何俟?

止,容止也。

相鼠 有體,人而 無 禮。 人而無 禮,胡不

遄死?

相鼠》三章,章四句。

《干旄》,美好善也。

彼姝者子,何以畀之? 孑孑干旄,在浚之郊。 《毛詩》之敘曰:「衛文公之詩也。」 素絲紕之,良馬四之。

招 凡旗皆注旄於干首。 古者招庶人以旃, 士以旂,招大夫以旌。干旄,所以招之

> 也。 四、數也。既有以招之,又有以贈之,故人 素絲、良馬,所以贈之也。 紕,縫也。

思有以畀之也。

孑孑干旟,在浚之都。素絲組之,良馬五之。

彼姝者子,何以予之?

鳥隼曰旟。 組,縫組 也。

孑孑干旌,在浚之城。素絲祝之,良馬六之。

彼姝者子,何以告之?

注旄而不設旒修曰旌。 《干旄》三章,章六句。 祝,屬也。

載馳》,許穆夫人作也。

《風》,無先後大小之次,固當以世爲斷。 列國之詩,皆以世爲先後,非 今《載馳》之一章曰「言至于漕」,戴公之 如十五國

0 「凡」,原作「九」。據明本改。

皆非孔氏之舊也,蓋傳者失之矣。《清人》,文公之詩也,而列於莊、昭之間。桓王之詩也,而列於平王之上,《鄭》之詩也,而列於文公之下,《王》之《兔爰》,

載馳載驅,歸唁衛侯。驅馬悠悠,言至于漕。

大夫跋涉,我心則憂。

解憂也。 人將歸,親唁其兄,雖大夫之往,而不足以夫之弔衛者也。草行曰跋,水行曰涉。夫

既不我嘉,不能旋反。 禮,國君夫人,父母在則歸寧,父母没則使 而 矣,弃其社 爲禮施於無故 人思歸唁其兄,而許人以禮不許。 大夫歸寧於兄弟,而夫人不行。故許 !猶以此不許。故曰「不能旋反」,言其執 稷宗廟,而 而 欲 歸 視爾 廬於漕,思歸唁之, 寧者耳。 不臧,我思不遠。 今衛國亡 夫人 穆夫 以以

忠愛而已。

也愛而已。

也愛而已。

也。●然要之,夫人終亦不行,

我要之,夫人終亦不行,

是以其心不可越故也。蓋爲此詩,以致其心不

是以其心不

是以其心不

既不我嘉,不能旋濟。視爾不臧,我思不閟。

閟,閉也

許人尤之,衆稺且狂。 陟彼阿丘,言采其蝱。女子善懷,亦各有行。

者,皆衆不更事之人也,不然則狂者耳。 獨以是禮不許我,何哉? 衛,亦各有道矣。 丘之物爲不少矣,獨采其蝱而已。然人 有尤之者,以人各有 偏高日 阿丘。 蝱,貝母也。 要以不爲不善則已,而 所取 也。 故曰,其尤我 行,道 今我之懷 也。 無 阳

<sup>● 「</sup>遠忘」,明本互乙。

大夫君子,無我有尤。百爾 我

者 ? 衛,不如使我一往親見之也。 子曰「無我有尤」,雖竭爾思慮,以爲我謀 之有無。 極,至也。夫人思歸,行衛之野,而觀其 許人雖尤之,而其心不已,故告其君 問其控告于大國,誰因者,誰至 麥

載馳》五章,一章六句,二章章四句, 章六句,一章八句。 孫 章、四章章八句。 或言四章,一章、三章章六句,二 豹賦《載馳》之四章,義取「控于 以《春秋傳》 叔

#### 衛 淇 奥 或 風

大邦」,非今之四章故也。

淇 (奥》,美武公之德也

> 子,終不可諼兮。 瞻彼淇奥,緑竹猗猗。 琢 如磨。 瑟兮僴兮,赫兮咺兮。 有匪君子,如切如磋, 有 匪 君

如

奥,隈也。猗猗,盛也。「匪」、「斐」通,有 樂,富而好禮者也。」子貢曰:「《詩》云: 而 厚也。子貢問於孔子曰:「貧而無諂,富 見之者,皆不忍忘也,是以知其積諸内者 見於外者,瑟然,倜然,赫然,咺 以求全其性。然亦不可得而見也,徒見其 矣,如切如瑳,如琢如磨,日夜去惡遷善, 然不可得而見,所可見者,其隈之緑竹也。 明也。咺,著也。諼,忘也。淇之澤深矣, 文之貌也。 『如切如磋,如琢如磨。』其斯之謂歟?」子 今淇上多竹。 無驕,何如?」子曰:「可也。 賜也,始可與言《詩》已矣。 瑟,矜莊也。 君子平居所以自修者亦至 僴,寬大也。 然。人之 未若貧而 告諸往

曹,而子貢印其自勿差冢善导之,比听渭而知來者。」孔子告之以貧而樂、富而好

「告諸往而知來者」。如衛武公,所謂富而禮,而子貢知其自切瑳琢磨得之,此所謂

好禮者歟?《記》曰:「富潤屋,德潤身,

心廣體胖。故君子必誠其意。《詩》云:

「瞻彼淇奧,緑竹猗猗。」」

會弁如星。瑟兮僴兮,赫兮咺兮。有匪君瞻彼淇奥,緑竹青青。有匪君子,充耳琇瑩,

充耳,瑱也。琇瑩,美石也。弁,皮弁也。

會,弁之縫中也,蓋飾之以玉

子,終不可諼兮。

如圭如璧。寬兮綽兮,猗重較兮。善戲謔瞻彼淇奥,緑竹如簣。有匪君子,如金如錫,

兮,不爲虐兮。

綽,緩也。較,兩輢上出軾者。重較,卿簣,積也。金、錫、圭、璧,言其既成也。

士之車也。

淇奥》三章,章九句。

《考槃》,刺莊公也。

考槃在澗,碩人之寬。獨寐寤言,永矢弗諼。《《夢》 東東公七

考槃在阿,碩人之邁。獨寐寤歌,永矢弗過。

考槃在陸,碩人之軸。獨寐寤宿,永矢弗告。

考,成也。槃,樂也。澗也、阿也、陸也,皆

非人之所樂也。今而成樂於是,必有所甚

桓不行,從容自廣之謂也。弗諼,既往之惡,而不得已也。寬也、邁也、軸也,皆磐

不可復諫也。皆自誓以不仕之辭也。戒不可忘也。弗過,不可復往也。弗告,

《考槃》三章,章四句。

《碩人》,閔莊姜也。

東宮之妹,邢侯之姨,譚公維私。碩人頎頎,衣錦褧衣。齊侯之子,衛侯之妻。

(禮》:

君

聽

朝

於路

寢

夫

人人聽

内

事

於正

或 此 君 章 夫 言 人 莊 姜親 嫁以 戚之盛 翟 衣。 也。 衣 錦 **順** 者 在 長 塗 貌 之 也 服

之太著也。莊姜,齊世子得臣之妹也。 我,禪也。衣錦而尚之以褧,惡其文

滅。妻之姊妹曰姨。姊妹之夫曰私。邢,周公之後也。譚近齊,後爲齊桓公所

螓首蛾眉,巧笑倩兮,美目盼兮。 手如柔荑,膚如凝脂。領如蝤蠐,齒如瓠犀。

瓠瓣也。螓,蜻蜻也,顙廣而方。倩,口輔此章言其容貌之好也。蝤蠐,蝎也。犀,

好也。

盼,白黑明

也

翟茀以朝。大夫夙退,無使君勞。碩人敖敖,説于農郊。四牡有驕,朱幩鑣鑣,

憤,馬 貌 此 也。 章言其 纏鐮 茀 車 扇 車 服之美 汗 也,人君 後 幛 也。 也, 以朱。 敖敖, 以 翟 羽 鏣 長 爲 鑣 貌 盛 也

寢。」大夫退,然後罷。 夫人始至,故爲之

夙退也。

葭菼揭揭。庶姜孽孽,庶士有朅。河水洋洋,北流活活。施罛濊濊,鱣鮪發發

姓也。 罟也。 可関 有 此章言齊之强也。 如 也。 此 菼, 薍也。 人者,而君不答,則君 孽孽,衆也 庶姜, 河在 朅, 壯 同 齊之西北。 姓 貌 可 也。 也 責 ,而 庶 是詩 士,異 罛 夫人 魚魚

《碩人》四章,章七句

《氓》,刺時也。

送子涉淇,至 氓之蚩蚩 一,抱布 于 頓 貿 絲。 丘 匪 匪 我 來 | 愆期 貿 絲 子無 來即 **心良媒。** 我 謀。

將子無怒,秋以爲期。

見弃而自悔之辭。布,幣也。貿,買也。此詩前二章皆男女相從之辭,後四章皆女

婦人之車所以障者。「漸車帷裳」,言其不

顧艱難而從之也。

言既遂矣,至于暴矣。兄弟不知,咥其笑矣。三歲爲婦,靡室勞矣。夙興夜寐,靡有朝矣。

靜言思之,躬自悼矣。

以

垝

,毁也。

復關,氓之所在也。

體,卦兆之

爾車來,以我賄遷。

既見復關

,載笑載言。

爾卜

爾筮

,體無咎言。

乘彼垝垣,以

望

一復關。

不見復關

**泣涕** 

漣

漣。

之丘

也

託

買

絲

而

就之謀,爲淫亂

也。

頓丘,一

成

「言既遂矣,至于暴矣」,言昏姻既成,而「靡室勞矣」,言不以室家之勞爲勞也。

遇之以暴也。

總角之宴,言笑晏晏。信誓旦旦,不思其反。及爾偕老,老使我怨。淇則有岸,隰則有泮。

也? 反,復也,不思復其舊言也。 洪猶有岸,隰猶有畔,何女心之不可知始也,將與女偕老, 今老,而反使我怨。反是不思,亦已焉哉!

《竹竿》,衛女思歸也。

豐

一,亦若可

'久者。

婦人喜而從之,不知其

三歲食貧,而至於相弃也。

帷裳,童容也,

其

將黄

八而隕。

男子之始相得也,意厚而

財

氓》六章,章十句

吁嗟女兮,無與士耽。 女之耽兮,不可説也。 女也不爽,士貳其行。 自我徂爾,三歲食貧。 桑之未落,其葉沃若。 體也 鳩食其葚,葚美而不能去,則將依焉,不知 桑之未落也,其葉沃沃然,爲若可依者也。 淇水湯湯,漸車帷裳。 吁嗟鳩兮,無食桑葚。 士也罔極, 二三其德。 桑之落矣,其黄 士之耽兮,猶 可説 (而隕。 也。

四四四

爲「適異國而不見答,思而能以禮者」,失之喻,以爲此夫婦不相能之辭。故敘此詩寧者也。毛氏不知泉源、淇水、檜楫、松舟此詩敘與《泉水》敘同,皆父母終,不得歸

之矣。

籊籊竹竿,以釣于淇。 淇。❶ 其近 不可得歸 籊,長而殺也。 爾。 猶言 [誰謂 淇近,則 也。 蓋亦父母終,而不得歸 河廣? 衛近 籊籊之竿,而可以釣于 豈不爾思,遠莫致之。 矣。 一葦杭之」,言 非不欲歸也, 寧

父母。 泉源在左,淇水在右。女子有行,遠兄弟

者也。

淇水在右,泉源在左。巧笑之瑳,佩玉之儺。

子,俾無尤焉,以慰父母兄弟而已。 爲必遠父母兄弟也,則自修飭以順事君瑳,巧笑貌也。 儺,行有度也。 知女子之

《竹竿》四章,章四句。

《芄蘭》,刺惠公也。

芄蘭之支,童子佩觽。雖則佩觽,能不我知。

容兮遂兮,垂帶悸兮。

之多知也。觽,所以解結,成人之佩也。於地而不能起。童子雖佩觽,然不能如我芄蘭,雚也。雖有支,然不得所依,則蔓延

● 「而」下,明本有「不」字。

也。 容刀也。 人君治成人之事,故雖童子而 悸悸,有節度之貌也。 「遂」、「璲」通,佩 言德不足以稱 玉 也。 :佩觽。 帶,紳 容,

芄蘭之葉,童子佩韘。 容兮遂兮,垂帶悸兮。 雖則佩韘,能不我甲。

其服也。

韘,決也。¶ 能射御,則佩決。 《芄蘭》二章,章六句。 甲,狎也。

河廣》,宋襄公母作也。

宋桓公之夫人,衛文公之妹也,生襄公而 出,思之而義不得往,故作此詩以自解。

誰謂河廣? 一葦杭之。誰謂宋遠? 跂予

度,而跂可見,所以緩説其思宋之心也。 杭,渡也。 蓋曰「雖在衛,猶在宋」耳。 河廣矣,宋遠矣,以爲一葦可

> 誰謂河廣? 曾不容刀。 誰謂宋遠? 曾不

崇朝。

刀,小舟也。崇朝,行崇朝也。 《河廣》二章,章四句。

《伯兮》,刺時也。

伯兮朅兮,邦之桀兮。伯也執殳,爲王前驅。

君子上從王事,不得休息,婦人思之,而作

是詩。伯,其字也。朅,武貌也。殳,長丈

二而無刃。

自伯之東,首如飛蓬。 豈無膏沐,誰適爲容。

婦人、夫不在、無容飾。

其雨其雨,杲杲出日。 願言思伯,甘心首疾。 君子當至而不至,猶欲雨而得日也。思之 而不得見,是以甘心於首疾。

决」,明本作「玦」,下同。

焉得諼草,言樹之背。願言思伯,使我心痗。

**諼草,令人忘憂。背,北堂也。痗,病也。** 

《伯兮》四章,章四句。

《有狐》,刺時也。

有狐綏綏,在彼淇梁。心之憂矣,之子無裳。

綏綏,匹行貌。衛之男女失時,喪其配偶,

婦人自傷不若狐也。

有狐綏綏,在彼淇厲。心之憂矣,之子無帶。

厲,深也。

有狐綏綏,在彼淇側。心之憂矣,之子無服。

《有狐》三章,章四句。

《木瓜》,美齊桓公也。

投我以木瓜,報之以瓊琚。 匪報也,永以爲

好也。

桓公城楚丘以封衛,遺之車馬器服,衛以

將報之以瓊琚。瓊琚之於木瓜重矣,然猶復安。衛人德之,故曰,雖投我以木瓜,我

不敢以爲報也,永以與之爲歡好而已。

好也。投我以木李、報之以瓊玖。匪報也、投我以木桃、報之以瓊瑶。匪報也、永以爲

永以爲好也。

《木瓜》三章,章四句。

詩集傳卷第三

## 詩集傳卷第四

## 王黍離 國風

於西 故城以待之,而 戎狄 德未弃於天下,其勢必有遷者。 洛陽遠於 既 遂徙居 晉文侯、鄭武公立其太子宜咎,是爲 方之間,北 世,幽王失道,申侯 成 7戏。 ,而其旁國 ,祀其先王,而 成王在 東都。 周衰,子孫不能及遠, 豐,欲宅洛邑,使周公營之。 得 其 無當 時 河 地在《禹貢》豫 以 陽, 還 會 興者,唯 居 漸冀州之南。 與犬戎攻而滅之。 東諸侯焉。 西都,以爲宗周近 是可 而文武 州、 以復立, 其後十 太華 平王, 自平 之

> 不能 故 王 東 不曰《周 遷 被 , 天 而 下, • 變 黍 風 與 離 諸 遂 》, 而 作 侯 比。 日《王 其 風 然 及 其 • 黍 其 Ŧ. 離》云。 號 境 未替, 内 而

《黍離》,閔宗周也。

宗周,鎬京也。

知我者謂我心憂,不知我者謂我何求。悠悠知我者謂我心憂,不知我者謂我何求。悠悠彼黍離離,彼稷之苗。行邁靡靡,中心摇摇。

蒼天,此何人哉!

黍,過者閔之,彷徨不忍去,而作是詩。 靡平王東遷,而宗周爲墟,宗廟、宮室盡爲禾

靡,猶遲遲也。

邁 蒼天 知我者謂我心憂,不知我者謂 彼黍離離,彼稷之穗。 靡 靡,中 此 何 心如 人哉! 噎 彼黍 知我者謂 行邁靡靡,中心 離 離 ",彼稷<sup>、</sup> 我 我心憂,不 何求。 之實。 如醉。 悠悠 行 知

我者謂我何求。 悠悠蒼天,此何人哉!

行者見黍稷之苗,而及其穗且實,蓋行役

之久也。

《黍離》三章,章十句。

《君子于役》,刺平王也。

勿思!日之夕矣,牛羊下來。君子于役,如之何日之夕矣,牛羊下來。君子于役,如之何君子于役,不知其期。曷至哉? 雞棲于塒,

鑿牆以棲雞曰塒。君子行役而無至期,曾

雞與牛羊之不若,奈何勿思哉!

桀,日之夕矣,牛羊下括。君子于役,苟無君子于役,不日不月,曷其有佸? 雞棲于

飢渴?

《君子于役》二章,章八句。 佸,會也。雞棲于杙曰桀。括,至也。

《君子陽陽》,閔周也。

君子陽陽,左執簧,右招我由房。

其

樂

只且

1

樂,此賤事耳。然君子居之,又且相招而陽陽,自得也。簧,笙也。人君有房中之

居,則周不可輔矣。此所以爲閔周矣。其貴者不可居也。雖有貴位,而君子不樂之,則以賤爲樂矣。君子以賤爲樂,則

只且! 君子陶陶,左執翻,右招我由敖。其君子陶陶,左執翻,右招我由敖。其

敖、舞者之位也。陶陶、和樂也。翻、纛也、舞者之所翳也。

《君子陽陽》二章,章四句。

《揚之水》,刺平王也。

懷哉懷哉,曷月予還歸哉?揚之水,不流束薪。彼其之子,不與我戍申。

樂

之盛 能自流者,物斯從之,安在其揚之哉? 或揚之,雖 揚 之水, 也,諸侯 非 束 自 聽 薪之易流,有不 流之水也。 役於王室,無敢違命。 水不能自 流 矣。 流 水 及 周 之 而

周,而 還歸哉」,久戍而不得代之辭也。 諸侯之不戍之辭 其衰也,雖令而不至。平王未能使諸侯宗 之母家,在陳、鄭之南而近楚,是以戍之。 「彼其之子,不與我戍申」,周之戍 强使戍 申 ·焉,宜諸侯之不 也。 懷哉懷哉,曷月予 從 申,平王 也 者 怨 其

蒲。彼其之子,不與我戍許。懷哉懷哉,曷懷哉懷哉,曷月予還歸哉? 揚之水,不流束揚之水,不流束楚。彼其之子,不與我戍甫。

月予還歸哉?

蒲,蒲柳也。申、甫、許,皆諸姜也

《中谷有蓷》,閔周也。

脩矣。 人之不淑矣。 嘅其嘆矣,遇人之艱難矣。 中谷有蓷,暵其乾矣。 有女仳離,條其 中谷有蓷,暵其 有女仳離,嘅 中谷 (濕矣。 條其 有 歗 蓷, 暵其 其嘆矣。 有女仳 遇

離,啜其泣矣。啜其泣矣,何嗟及矣。

嘆之。 見弃者 免也。 長者; 也。 及其無故而見弃也,則 無故而弃之者。 後,人之不善者弃之矣, 衰薄,其始也,人之艱難者弃其妻耳, 草長遠地則易枯。 蓷, 鵻也。 今也既先燥其生於乾者,又燥其 旱及於濕 及其 嘆之者,知其不得已也。 ,則條條然 暵,燥也。 甚 也 故其以艱難 ,則盡矣。 ,則雖其生於濕者, 而 中谷之蓷,旱之所難及 歗 仳,别也。 泣 歗者,怨之深矣。 及其既甚,至有 而 譬如周 己。 而 見弃者,則 脩,長 以不善而 泣者,窮 人風 生而 亦 也 其 不 俗

《中谷有蓷》三章,章六句。

《兔爰》,閔周也。

《毛詩》之敘曰:「桓王之詩也。」

我生之後,逢此百罹。尚寐無吪!有兔爰爰,雉罹于羅。我生之初,尚無爲。

非其所爲,而反受其禍,是以寐而不欲常被其禍。其曰「尚寐無吡」、寧死而不欲常被其禍。其曰「尚寐無吡」、寧死而不欲見之之辭也。或曰,羅所以取兔也,兔則見之之辭也。或曰,羅所以取兔也,兔則是之之辭也。或曰,羅所以取兔也,兔則

我生之後,逢此百憂。尚寐無覺!有兔爰爰,雉罹于罦。我生之初,尚無造。

四

動

也

罗,**覆**車也。 造,亦爲也。

我生之後,逢此百凶。尚寐無聰!有兔爰爰,雉罹于罿。我生之初,尚無

庸。

罿, 罬也。庸, 用也。

《兔爰》三章,章七句。

《葛藟》,王族刺平王也

或曰刺桓王。

縣縣葛藟,在河之滸。終遠兄弟,謂他人父。

謂他人父,亦莫我顧。

縣縣,長也。水厓曰滸。王謂同姓曰叔

王族之託王以爲盛也。王今弃遠兄弟,而父。葛藟生於河上,得河之潤以爲長,猶

緜緜葛藟,在河之涘。終遠兄弟,謂他人母。謂他人父,彼非王族,亦安肯顧王哉!

謂他人母,亦莫我有。

涘,厓也。謂其夫父者,其妻則母也。

Ŧī.

縣縣葛藟,在河之漘。終遠兄弟,謂他人昆。

謂他人昆,亦莫我聞。

夷上洒下漘。●聞,與聞吾事也。

《葛藟》三章,章六句。

《采葛》,懼讒也。

一日不見,如三秋兮。彼采艾兮,一日不見,他采葛兮,一日不見,如三月兮。彼采蕭兮,

如三歲兮。

之者。是以一日不見君,而如三月之久也。耳。雖事之無疑者,猶不敢行,畏往而有讒絺綌,采蕭所以供祭祀,采艾所以攻疾病朝有讒人,則下不敢有所爲。采葛所以爲

《大車》,刺周大夫也。

《采葛》三章,章三句。

大車檻檻,毳衣如菼。豈不爾思? 畏子

不敢。

大車哼哼,毳衣如璊。豈不爾思? 畏子

不奔。

啍啍,重遲貌也。 璊,赬也。

淫奔者止也,乃使其夫婦相與以禮,久要夫婦之正也。古之聽男女之訟者,非獨使穀,生也。生則有内外之別,而死則同穴,穀則異室,死則同穴。謂予不信,有如曒日。

● 「下」下,明本有「日」字。

《丘中有麻》,思賢也。

丘中有麻,彼留子嗟。彼留子嗟,將其來《毛詩》之敘曰:「莊王之詩也。」

施施

「將其來施施」。施施,徐也。也,民思其賢,而庶其肯徐來從之,故曰也,民思其賢,而庶其肯徐來從之,故曰陵之間,而殖麻、麥果實以爲生者。子嗟子嗟,當時賢者。留,其氏也。隱居於丘子嗟,當時賢者。留,其氏也。隱居於丘

庶幾肯來從我食也。毛公曰:「子國,子嗟父也。」「將其來食」,丘中有麥,彼留子國。彼留子國,將其來食。

庶幾肯來遺我以善也。 丘中有李,彼留之子。彼留之子,貽我佩玖。

《丘中有麻》三章,章四句。

## 鄭緇衣 國風

爲幽 孥與賄焉,不敢不許。周亂 之心,加之以貪冒。 大。 依、疇、歷、華, 章君之土也。 罪,無不克矣。 貪,必將背君。 河、潁之間乎? 是其子男之國,虢、鄶爲 時,王室多故,公懼及於難,問於史伯: 河、右洛、左濟,主芣騩而食溱洧,脩典刑 「吾何所可以逃死?」史伯曰:「其濟、洛、 虢叔恃勢,鄶仲恃嶮,皆有驕侈怠慢 王司 鄭桓 徒,甚得周衆與東 公友,宣王之母弟。 若克二邑、鄔、弊、補、丹、 君若以成周之衆,奉辭伐 君若以周難之故,寄 而弊,是驕 土之人。是 若前華、後 食采於鄭, 而

● 「弊」、「畴」、「華」、《國語・鄭語》作「蔽」、「睬」、「幸」。

卷第四

五四

邑,則今鄭是也。及既得號、鄶,施舊號於新華之鄭是也。及既得號、鄶,施舊號於新司徒,而變風始作。鄭者,其所食采地,今司徒,而變風始作。鄭者,其所食采地,今以守之,可以少固。」公從之。幽王十一年以守之,可以少固。

《緇衣》,美武公也。

還予授子之粲兮。 緇衣之宜兮,敝予又改爲兮。適子之館兮,

蓆,大也。

《緇衣》三章,章四句。

《將仲子》,刺莊公也。

畏也。之? 畏我父母。仲可懷也,父母之言,亦可之? 畏我父母。仲可懷也,父母之言,亦可將仲子兮,無踰我里,無折我樹杞。豈敢愛

觀之,莊公非畏父母之言者也,欲必 將以 厚將崩。」及太叔完聚,繕甲兵,具卒乘, 城過 爲請於莊公,而封之京。祭仲諫曰:「都 武公夫人姜氏,生莊公及共叔段。 于死耳。 命子封帥車二百乘以伐京而逐之。 貳於己,公子呂又諫,公曰:「不義不暱, 行不義必自斃。」既 襲鄭,夫人將啓之,則曰: 百雉,國之害也。」公不聽,曰: 夫叔之未襲鄭也,有罪而未至 而太叔命西鄙、北鄙 可可 愛段, 由是 矣。 」 致 多 叔

也,未 以謀兄弟,譬如踰里而折杞也 子,祭仲也。杞,柳屬也。 大亂」,莊公豈不忍者哉? 而公弗禁,祭仲諫而公弗聽,小不忍以致 此詩以爲「不勝其母以害其弟、弟叔失道 以示得其情也。 故因其言而記之。夫因其言而記之者, 不禁,而 于死,是以諫而不聽。 得所 日 畏我父母,君子知其不誠也, 以 殺之也。 然毛氏不知其説,其敘 諫而不聽,非愛之 未得所以殺之而 異姓 將,請也。 而干公族 仲

之? 豈敢愛之? 畏人之多言。 畏也。將仲子兮,無踰我園,無折我樹檀。 將仲子兮,無踰我牆,無折我樹桑。 畏我諸兄。 仲可懷也,諸兄之言,亦可 仲可懷也,人之 豈敢愛

多言,亦可畏也。

檀、强忍之木也

將仲子》三章,章八句

《叔于田》,刺莊公也。

叔于田,巷無居人。豈無居人?

不如叔也

洵美且仁。

段,而以刺莊公者,言莊公力能禁之而 禁,俟其亂而加之以大戮也。 人作《叔于田》、《大叔于田》之詩,非以 之爲人,多才而好勇,不義而得衆。 之信美而又仁者,是以從之者衆也。 於巷無居者。夫豈誠無居者乎? 叔,共叔段也。叔之出田也,民皆從之,至 莫如 然詩 言叔 惡 叔 不

洵美且好。 不如叔也,洵美且武。 叔于狩,巷無飲酒。 叔適野,巷無服馬。 **豈無飲酒**? 豈無服馬? 不如叔也,

《叔于田》三章,章五 一句。

《大叔于田》,刺莊公也。

二詩皆曰「叔于田」,故此加「大」以別之,

非 謂段爲「大叔」也。 然不知者又加「大」

于首章,失之矣。

叔在藪,火烈具舉。 大叔于田,●乘乘馬。執轡如組,兩驂如 襢 裼暴虎,獻于公所。 舞。

將叔無狃,戒其傷女。

之也。狃,習也。 節,御之善也。 内曰服,外曰驂。驂、服之和,如舞者之中 用火宵田也。 暴,徒手搏

磬控忌,抑縱送忌。 在藪,火烈具揚。 叔于田,乘乘黄。 兩服上襄,兩驂鴈行。 叔善射忌,又良御忌。

抑

叔

翱翔。

曰 服馬相次也。 襄,駕也。 縱,覆簫曰送。忌,辭也 上,駕馬之最良也。 騁馬曰磬,止馬曰控,捨拔 鴈行,言與

釋掤忌,抑鬯弓忌 叔于田,乘乘 在藪,火烈具阜。 鴇。 叔馬 兩服 慢忌,叔發罕忌。 齊首,兩驂 如 手。 抑 叔

> 將畢 也。 驪白雜毛曰鴇。 ,則馬行遲,發矢希。 掤,所以覆 矢也。 如手,言如左右手之相 鬯,弢弓也。 既畢,則覆 矢而 田 事 助

《大叔于田》三章,章十句。

《清人》,刺文公也。 清人在彭,駟介旁旁。二矛重英,河上乎

也。 歸,高克奔陳。公子素爲之賦 狄于境。高克之爲人,好利而不顧其君, 鄭邑也。 文公欲遠之不能,於是久而不召,衆散而 文公之十三年,狄入衛,使高克將兵 駟介,馬之被甲者也。一車而二矛, 彭,鄭郊也。 高克之師,皆清人 是詩。 而禦

「大」,明本無此字。

Ŧī.

人 以君 所以 備折毀也。 無政刑矣。故《春秋》書之曰「鄭弃其師」。 在 禦 口消,駟 而 逐大夫不能,而假興師焉,以爲大 狄 也 介麃麃。 英,矛飾也。 ,以禦狄 爲 二矛重喬,河上 名, 翱翔 而 逐 於河上,非 高 克也。 平

消,亦鄭郊也。喬,高也。

逍遥。

清

《羔裘》,刺朝也。

故也。

舍,施也。其裘光澤如濡,其人信直而有緇衣、羔裘,諸侯之朝服也。侯,君也。羔裘如濡,洵直且侯。彼其之子,舍命不渝。

惠之稱其最。 易分下然也。 君德,其民稱之曰,是出令而不變者。 言

德之稱其服。傷今不然也。

禮,維君用純。故諸臣之羔裘,以豹飾羔裘豹飾,孔武有力。彼其之子,邦之司直。

袪袖。

晏,鮮盛貌也。大國三卿英者,才過人也。羔裘晏兮,三英粲兮。彼其之子,邦之彦兮。

粲,衆也。

《羔裘》三章,章四句。

遵大路兮,掺執子之袪兮。無我惡兮,不寁《毛詩》之敘曰:「莊公之詩也。」《遵大路》,思君子也。

袂而告之曰,無我惡而去我。君雖失德,君子去之,而欲留之,故願見之道路,擥其摻,擥也。袪,袂也。寁,速也。故,舊也。

五七

然而不速去者,舊臣之宜也。

「魗」、「醜」通。好,舊好也。

《遵大路》二章,章四句。

女曰:「雞鳴。」士曰:「昧旦。」「子興視夜,《女曰雞鳴》,刺不説德也。

之,雜佩以報之。」
之。知子之順之,雜佩以問之。知子之好在御,莫不靜好。」「知子之來之,雜佩以贈之,與子宜之。宜言飲酒,與子偕老。琴瑟明星有爛。」「將翱將翔,弋鳧與鴈。」「弋言加明星有爛。」「將翱將翔

如此而已,苟子有所招來而與之友者,吾以爲肴,相與飲酒,偕老而不厭。且非特鳴,明星見矣,可以起從外事,弋取鳧鴈歸夫婦相戒以夙興,婦人勉其君子曰,雞既

問,遺也。雜佩,衡璜、琚瑀、衝牙之類。其所宜也。雜佩,衡璜、琚瑀、衝牙之類。曰:「以弱弓微繳,加諸鳧鴈之上。」宜,和明星,啓明也。弋,繳射也。加,中也。史將爲子雜佩以贈之。言不留色而好德也。

《女日雞鳴》三章,章六句。

《有女同車》,刺忽也。

彼美孟姜,洵美且都。有女同車,顔如舜華。將翶將翔,佩玉瓊琚。

彼美孟姜,德音不忘。 而不取,卒以無大國之援,至於見逐。故 親迎則同車。舜,木槿也。都,閑也。 國人稱同車之禮、齊女之美以刺之。禮, 國人稱同車之禮、齊女之美以刺之。禮,

行,道也。

# 《有女同車》二章,章六句。

《山有扶蘇》,刺忽也。

山 之 慮· 盛也。 有扶蘇,隰有荷華。不見子都,乃見狂且。 蓞。 謂 草,則又曰:「此大臣無恩,而小臣放恣之 之謂也。」然而喬松非惡木,而游龍 宜云尔。」然而扶蘇非大木也,鄭氏知其不 蘇」、「荷華」也,曰:「此高下、大小各得其 夫苟高而爲扶蘇之槁,不若下而爲荷華之 扶蘇,扶胥,小木也。荷,扶渠也,其華菡 可,故易之曰:「此小人在上,而君子在 大國之援,終以見逐。 毛詩》之敘以爲「所美非美」,故其言「扶 也。」夫使説者勞而不得,皆敘惑之也。 子都,世之美好者也。 也。 忽之爲人,自絜而好名,非有爲國 莊公多内寵,而忽辭昏於齊,失 譬如 狂,狂狷也。 扶蘇之生於 非美 下

以爲絜而害於國,乃所謂狂耳。如荷華之生於隰,得其澤以滋大。故君子山,其居非不高矣,而枝葉不足以自芘,不

《山有扶蘇》二章,章四句。

蘀兮》,刺忽也。

唱和之意也。「蘀兮蘀兮,風其吹女」,此憂懼之辭,而非曰:「君倡而臣和,猶風起而蘀應也。」夫曰:「君倡而臣和,猶風起而蘀應也。」夫

譬如人君不能自立於國,其附之者亦不可蘀,落也。木槁則其蘀懼風,風至而隕矣。蘀兮蘀兮,風其吹女。叔兮伯兮,倡予和女。

五九

以 倡也,予將和女。 久 也。 故 懼 而 相告曰,叔兮伯兮,子苟 蓋有異志矣。

蘀兮蘀兮,風其漂女。叔兮伯兮,倡予要女。

要,成也。

《蘀兮》二章,章四句。

《狡童》,刺忽也

能餐兮。 彼狡童兮,不與我言兮。 維子之故,使我不

賢者欲與之圖事,而忽不與,故憂之不遑

食也。

彼狡童兮,不與我食兮。 能息兮。 維子之故,使我不

食,禄也。

狡童》二章,章四句。

褰裳》,思見正也。

我思,豈無他士。狂童之狂也且。 狂童之狂也且。子惠思我,褰裳涉洧。 子惠思我,褰裳涉溱。 子不我思,豈無他人。 子不

鄭世子忽,立未逾年,厲公逐之而自立。

渠彌,祭仲又立子儀。厲公之出奔,復入 殺之,而立子亹。 四年,祭仲逐厲公,而召忽。 二十餘年,四公子爭立,至厲公復入,而 居鄭櫟。子儀十四年,厲公入鄭。凡鄭亂 一年,齊人殺子亹及高 二年,高渠彌 後

可緩 鄭少安。故鄭人思大國之正己,曰,子苟 吾恐他人之先子也。狂童之狂也甚矣,不 無難入者。子苟不我思,豈無他人乎? 惠而思正吾亂,褰裳而可以涉溱、洧矣,鄭 也。 溱、洧,鄭之二水。狂童,忽也。

鄭之亂,忽實啓之。 《褰裳》二章,章五句。

六〇

《丰》,刺亂也。

故追念其君子云尔。人有以異志不從者。既而所與爲異不終,丰,豐也。巷,門外道也。君子親迎,而婦子之丰兮,俟我乎巷兮。悔予不送兮。

子之昌兮,俟我乎堂兮。悔予不將兮。

昌,盛也。將,送也。

其欲者,必由禮而後可也。 也。或曰,錦之爲貴,而褧之爲尚。將濟錦衣,庶人嫁者之服也。伯、叔,君子之字衣錦褧衣,裳錦褧裳。叔兮伯兮,駕予與行。

《丰》四章,二章章三句,二章章四句。裳錦褧裳,衣錦褧衣。叔兮伯兮,駕予與歸。

《東門之墠》,刺亂也。

除地曰墠。茹藘,茅蒐也。除地以爲墠,東門之墠,茹藘在阪。其室則邇,其人甚遠。

説

也。

四

之遠茹藘也。室,其室雖近,而其人不可犯以非義,如墠室,其室雖近,而其人不可犯以非義,如墠則茹藘在阪不在墠矣。女子絜己以居於

東門之栗,有踐家室。豈不爾思?

子不

我即。

墠、栗皆曰「東門」,又曰「出其東門,有女可得也。東門,鄭之爲亂者之所在也。故家之道矣。非不尔思也,子不由禮,故不栗,女摯也。徒取栗以爲禮,而可以行室

《東門之墠》二章,章四句。

如雲」。

《風雨》,思君子也。

譬如君子,雖居亂世,而不改其度也。夷,風且雨,凄凄然。雞猶守時而鳴,喈喈然。風雨凄凄,雞鳴喈喈。既見君子,云胡不夷。

六

風雨瀟瀟,雞鳴膠膠。既見君子,云胡不瘳。

瘳,愈也。

《風雨》三章,章四句。風雨如晦,雞鳴不已。既見君子,云胡不喜。

《子衿》,刺學校廢也。

青青子衿,悠悠我心。縱我不往,子寧不

嗣音?

之曰,我雖不往見子,子曷爲不傳聲問留者,而莫之禁。故留者念其去者,而責以青。嗣,續也。學校不修,則有去者、有青衿,學子之所服也。禮,父母在,則衣純

青青子佩,悠悠我思。縱我不往,子寧

我乎?

不來?

青,佩之組綬也。

挑兮達兮,在城闕兮。一日不見,如三

月兮!

來無所爲耳。而不來見我,使我思之,一挑、達,往來相見貌。去學而游於城闕,往

日而若三月也。

《子衿》三章,章四句。

《揚之水》,閔無臣也。

《毛詩》之敘曰:「忽之詩也。」

無信人之言,人實廷女。 揚之水,不流束楚。終鮮兄弟,維予與女。

譬如失衆之君,雖其私暱爲之盡力,以求興揚水以求其能流,雖束薪而有不能載矣。

女」,失衆之辭也。「無信人之言,人實廷相告教之言以譏之。「終鮮兄弟,維予與之,●而衆不與,終不可得也。 是以稱其私

■ 「興」,明本作「與」,當是。

不可信,則人將誰復親之者? 此所謂小人女」,失衆而多疑之辭也。夫苟以人言爲舉

之愛人,知愛之而不知所以愛之也。

無信人之言,人實不信。揚之水,不流束薪。終鮮兄弟,維予二人。

《揚之水》二章,章六句。

《出其東門》,閔亂也。

出其東門,有女如雲。雖則如雲,匪我思存。

縞衣綦巾,聊樂我員。

之樂而不可得,鰥寡相見之辭也。 聚巾,聊以樂我哉? 縞衣,白衣,男子之 聚而無所從者,曰,此非我所思,安得縞衣 樂國男女相弃,有出其東門而見婦人如雲

縞衣茹藘,聊可與娱。 出其闉闍,有女如荼。雖則如荼,匪我思且。

DЦ

藘,所以染也。 閩,曲城也。闍,城臺也。荼,茅秀也。

茹

《出其東門》二章,章六句。

《野有蔓草》,思遇時也。

野有蔓草,零露漙兮。有美一人,清揚婉兮,

邂逅相遇,適我願兮。

就? 毛氏由此故,敘以男女失時,思不期息傷不及也。故思得君子,以被其膏澤。 思之而不可得,故深思之曰,苟有是人也, 思之而不可得,故深思之曰,苟有是人也, 必婉然清揚美人也,鄭無是人矣。然猶庶 幾邂逅而見之,以適其願。邂逅,不期而 幾邂逅而見之,以適其願。邂逅,不期而 幾一。故鄭伯享趙文子於垂隴,子太叔賦 歌此矣。或曰「有美一人」,婦人之謂也。 以則「彼姝者子,何以界之」,亦婦人也, 如此矣。或曰「有美一人」,婦人之謂也。 然則「彼姝者子,何以界之」,亦婦人也, 如此矣。或曰「有美一人」, 如此矣。然猶庶

六三

而會。 信如此説,則趙文子將不受,雖與

伯有同譏,可也。

野有蔓草,零露瀼瀼。 邂逅相遇,與子偕臧。 有美一人,婉如清揚,

《野有蔓草》二章,章六句。

《溱洧》,刺亂也。

之以勺藥。 洧之外,洵訏且樂。 曰:「觀乎?」士曰:「既且。」「且往觀乎。」 溱與洧,方涣涣兮。士與女,方秉蕳兮。女 維士與女,伊其相謔,贈

涣涣,冰釋而水盛也。 蕳, 蘭也。 訏,大

也。勺藥,香草也。

洧之外,洵訏且樂。 曰:「觀乎?」士曰:「既且。」「且往觀乎。」 秦與洧,瀏其清矣。士與女,殷其盈矣。女 維士與女,伊其將謔,贈

之以勺藥。

瀏,深也。

《溱洧》二章,章十句。

詩集傳卷第四

# 詩集傳卷第五

## 齊雞鳴 國風

後。既封於齊,通工商之業,便魚鹽之利, 山之陰,濰、淄之野。太公姜姓,本四岳之 國於營丘而爲諸侯伯。其地東至海,西至 民多歸之,故齊爲大國。其後五世至哀 河,南至穆陵,北至無棣,在《禹貢》青州岱 齊,古爽鳩氏之虚,武王以封太公望,

雞鳴》,思賢妃也

公,而變風作。

毛詩》之敘曰:「哀公之詩也。」

聲。」「東方明矣,朝既昌矣。」「匪東方則明, 「雞既鳴矣,朝既盈矣。」「匪雞則鳴,蒼蠅之

月出之光。」

夫人不忘夙興,故以蠅聲爲雞鳴,以月出

爲東方之明。

·蟲飛薨薨,甘與子同。」「夢會且歸矣,無庶

予子憎。」

旦明而百蟲作,方是時也,予豈不欲與子 同夢歟? 然群臣之會於朝者,亦欲散朝

而歸治其家事。

是以爲之早作,庶其無以

我故惡子也。

《雞鳴》三章,章四句。

《還》,刺荒也。

《毛詩》之敘曰:「哀公之詩也。」

兮,揖我謂我儇兮。

子之還兮,遭我乎峱之間兮。

並驅從兩肩

六五

知恥之,則荒之甚也。利也。言齊人好田,至以還儇相譽,而不還,捷也。峱,山名也。獸三歲曰肩。儇,

《爱》三季,季四万。陽兮。並驅從兩狼兮,揖我謂我臧兮。兮,揖我謂我好兮。子之昌兮,遭我乎峱之子之茂兮,遭我乎峱之道兮。 並驅從兩牡

《還》三章,章四句。

《著》,刺時也。

而,尚之以瓊英乎而。 以瓊瑩乎而。俟我於堂乎而,充耳以黄乎乎而。俟我於庭乎而,充耳以青乎而,尚之俟我於著乎而,充耳以青乎而,尚之

縣之者曰紞。素、青、黄三者,紞之色也。君子,故識其充耳之飾。充耳,瑱也,所以出,揖之於庭,又揖之於著,於時婦人遂見門、屏之間曰著。禮,壻親迎,受婦於堂以

四五。似玉者,所以爲瑱也。言此者,刺時不親尚,飾也。瓊華、瓊瑩、瓊英三者,皆美石

迎也。

《著》三章,章三句。

《東方之日》,刺衰也。

闥兮。在我闥兮,履我發兮。兮,履我即兮。東方之月兮,彼姝者子,在我室方之日兮,彼姝者子,在我室兮。 在我室

也。發,起也。 因 日升於東,月盛於東,其明無所不至。國 日升於東,月盛於東,其明無所不至。國 日升於東,月盛於東,其明無所不至。國 也。發,起也。

《東方之日》二章,章五句。

蚤、莫不易挈壺之職 其説亦已陋矣。 因 時,挈壺氏不能 毛 在,何至 「東方未明」,「不能辰夜」,而信以爲然, 詩 》之敘 一於未 日 掌其 明 朝 而 職。 廷. 顛 雖 倒 興 夫 或 衣 居 失之, 裳哉? 雖 無 衰 節 亂之世, ,號令不 而天時 毛氏

東 折 東方未明 方未 事舉。 柳 未 猶 何以 遽 東 爲 明,尚 樊 ,而至於顛 有 方未明,起 政必有節,及其節 堪之,故 圃 晞 以 ,顛倒衣裳。 苟爲無節,緩急皆所以害政也。 爲緩,而 可以 狂 顛 夫 倒 必將 瞿 裳 徐 倒矣,而猶有遲之者,則政將 而 瞿。 衣。 服 顛倒其衣裳,可謂急矣,然 自公召之者。 其服,而無至於顛倒也。 有受其害者。 不能辰夜,不夙則莫。 倒之顛之,自公令之。 顛之倒之,自公召之。 而爲之,則用力少而 夫起 然則 者已 東方 夫

> 莫,常不 也。 之常緩。以爲已晚者,爲之常遽。 豈不知柳之不可用哉? 意事之已至,而遽者不知事之未及。 「折柳樊圃,狂夫瞿瞿」。 所以備患者,常出 夫苟不知 此無節之過 不能及事之會矣。 爲 政之節,則或失之蚤,或失之 也。 於倉卒而不精。 瞿 瞿,狂貌 無其備 爲藩 以爲尚蚤者,爲 以禦狂夫, 也。 而不得已 緩者 故 故其

《東方未明》三章,章四句。

既曰歸止,曷又懷止?南山崔崔,雄狐綏綏。魯道有蕩,齊子由歸

南

Ш

[》,刺

襄公也

雄狐之綏綏。 南 人君之尊, 平 Ш 也。 齊南 齊子,魯桓夫人文姜也,襄公之 如 Ш 南 也。 疾 Ш 其以人君 之崔崔; 綏綏,行 襄 而 求 匹 爲 公之行,如 之 此行也。 貌 也。

六七

第

五

妹 而 通 於 襄 公。 婦 人謂 嫁 日 歸 懷

思也。

葛屨五兩,冠緌雙止。 魯道有蕩,齊子庸止。

既 日 庸止,曷又從止?

襄公有偶於齊,曷爲又相從哉? 止」,則緌具於上矣。言文姜有匹於魯, 葛屨 五 兩」,則 屨 具於下矣。 「 冠 緌 而 雙

蓺 麻如之何? 衡從其畝。 取妻如之何?

必 告父母。 既曰 告止,曷又鞠止?

田

之。取之如此其重,而魯桓曷爲不禁,使 之。● 譬如娶妻,必告父母,成禮 蓺,樹也。 蓺麻者,必衡從獵其 而 而後 後 取 種

得窮極其邪 行哉? 鞠,窮也

析

薪

如

之

何?

匪斧不克。

取妻

如之何?

匪 媒不得。 既 日 得 止,曷又極止?

南

山》

四章,章六句

《甫田》,大夫刺襄公也

六八

無田甫田,維莠驕驕。 其小 人 遠人自至矣。 思遠人,則必自其近者始,近者之既服,而 而力不給,則莠盛矣,「無思遠人」,思遠 甫,大也。 而求諸侯,故告之曰「無田 而德不及,則心勞矣。 ·者始,小者之有餘,而甫田 襄公無禮 無思遠人,勞心忉忉。 義而求大功,不 田 甫田」,田 甫田 可 ,則必自 '啓矣。 甫田 脩 德

婉兮孌兮,緫角丱兮。 無田甫田,維莠桀桀。 道則有所必至也。 之童,而至於突然弁也,豈其求之哉? 子曰:「君自是爲之,則殆不成。」夫總 夫欲得諸侯而求之,則失諸侯之道也。 莊 君子之得諸侯,亦未嘗 未幾見兮,突而弁兮。 無思遠人,勞心怛怛。 其 角

獵」,明本作「耕」。

無憂,而其既來也不去。此求之至也。得已而受之也。不得已而受之,故其來也而將安往? 故夫諸侯之來,非求之也,不求之矣。苟修其身而治其政令,諸侯不來

《甫田》三章,章四句。

《盧令》,刺荒也。

《毛詩》之敘曰:「襄公之詩也。」

盧令令,其人美且仁。

獵相尚,故聞其纓鐶之聲而美之,曰此仁盧,田犬也。令令,纓鐶聲也。時人以田

人也。猶《還》曰「揖我謂我儇兮」耳。

盧重鐶,其人美且鬈。

重鐶,子母鐶也。鬈,好貌也。

盧重鋂,其人美且偲。

鋂,一鐶貫二也。偲,才也。

《盧令》三章,章二句。

會之,莫知愧也。

《敝笱》,刺文姜也。

鰥,大魚也。筍非所以執魴鰥,而又敝矣,敝笱在梁,其魚魴鰥。齊子歸止,其從如雲。

宜其魚之不制也。文姜之歸于魯,其從者

之盛如雲,則亦魯桓之所不能制也。

敝笱在梁,其魚魴鱮。齊子歸止,其從如雨。

敝笱在梁,其魚唯唯。齊子歸止,其從如水。鱮似魴而弱鱗。如雨,多也。

《敝笱》三章,章四句。 唯唯,出入不制也。如水,亦多也。

《載驅》,齊人刺襄公也。

公疾驅其車以會文姜,文姜夕發於魯而往也。諸侯之路車,有朱革之質而羽飾。襄藏騙薄,疾驅聲也。簟,方文席也。茀,車蔽載驅薄薄,簟茀朱鞹。魯道有蕩,齊子發夕。

兀 驪 濟 濟 垂轡 濔 濔。 魯道有蕩,齊子豈弟。

濟 濟,美貌 也。 濔濔,衆貌也。 豈弟,樂

易 也。

汶水湯湯,行人彭彭。 魯道有蕩,齊子翱翔。

湯湯,大貌也。 彭彭,衆貌也。言公與文

汶水滔滔,行人儦儦。 姜會於通道衆人之中而無所愧 《載驅》四章,章四句。 魯道有蕩, 齊子遊遨。 也

猗嗟》,刺魯莊公也

猗嗟昌兮! 頎而長兮,抑若揚兮。美目揚

兮,巧趨蹌兮。 射則臧兮。

美也。 猗嗟,嘆辭 揚,秀發也。揚,眉之美也。 也。 昌,盛也。 頎,長 也。 蹌,趨 抑,

之巧也。 齊人傷魯莊公徒有威儀技藝之

好,而不能止其母之亂也

猗嗟名兮! 美目清兮,儀既成兮。終日射

> 侯,不出正兮。 展我甥兮。

也。 目上爲名,目下爲清。正,所射於侯中者 展,誠· 也。 姊妹之子曰 甥。

猗嗟孌兮!

清揚婉兮,舞則選兮。

射則貫

兮,四矢反兮。 以禦亂兮。

選,精也。 復其故處也。 貫,習也。四矢,乘矢也。反, 君子之於射 也,將安用之,

猗嗟》三章,章六句。

亦以禦亂焉耳。

今莊公徒以爲技而已。

#### 魏 屨 國風

之都在五 約。 夫畢 萬。 而晉自僖公以來,變風既作。及魏爲 魏,本姬姓之國,晉獻公滅之,以封大 焉。 其 地· 其民 南 猶有虞夏之遺風,習於儉 枕 河 曲、北涉汾水、舜、禹

獻公所并,其人作詩以譏刺晉事,如《邶》、

《鄘》之詩,其實皆衛之得失。故孔子之編

《詩》,列之《唐》詩之上,亦如《邶》、《鄘》、

《衛》之次。然毛氏之敘《魏》詩,則曰:

是以爲刺。

急,國迫而數侵削,役乎大國,民無所居。」「魏地陿隘,其民機巧趨利,其君儉嗇褊

蓋猶以爲故魏詩,而不知其爲晉詩也。

《葛屨》,刺褊也。

糾糾葛屨,可以履霜? 摻摻女手,可以縫

裳? 要之襋之,好人服之。

纖纖也。女子既嫁,三月廟見,然後稱婦。糾糾,疏貌也。夏葛屨,冬皮屨。摻摻,猶

焉,故其降也,猶可以不陷。今葛屨而以裳,服之賤也。君子之爲國,致隆而極廣

矣? 故曰「要之襋之,好人服之」。襋,領也,而使之縫裳,及其成爲婦也,將安使之履霜,及其暑也,將安用矣? 婦之未廟見

好人提提,宛然左辟,佩其象揥。維是褊心,好人治之,猶有降也,柰何遂使之縫裳乎?也。要、領,衣之貴也。衣之貴者,而使是

《葛룛》二章,一章六句,一章五句。 以爲爲是無益,故爲其益者,而至於縫裳以爲爲是無益,故爲其益者,而至於縫裳以爲爲是無益,故爲其益者,而至於縫裳,然稱者之。如,辟貌也。讓而辟者必提提,安諦也。宛,辟貌也。讓而辟者必

《汾沮洳》,刺儉也。

彼汾沮洳,言采其莫。彼其之子,美無度。

美無度,殊異乎公路。

然而非法,非公路之所宜爲也。莫,酸迷也。涉汾而采莫,其儉信美矣。汾水出於晉,其流及魏。沮洳,漸潤也。

美如 彼 汾 英,殊異乎公行。 方, 言 采 八其桑。 彼汾一曲、言采其竇 彼其之子,美如英。

彼其之子,美如玉。美如玉,殊異乎公族。

《春秋傳》曰:「晉成公立,始宦卿之適以 其主君之路車,謂之公路, 則軞車公行也。然則公路、公行一也。 車,戎車之倅也。盾,庶子也,而爲軞 行。」趙盾請以括爲公族,而盾爲軞車。 爲公族,其餘子亦爲餘子,●其庶子爲公 蕢,水蕮也。公路、公行、公族,皆晉官也。 列,謂之公行耳。 以其主兵車之 車, 以 軞

(汾沮洳》三章,章六句。

《園有桃》,刺時也。

袁 不知我者,謂我 有桃,其實之殽。 心之憂矣,其誰知之? 士也 騙。 心之憂矣,我 彼人是哉,子曰 其誰知之,蓋亦 歌 且. 謡 何

勿思

思」。 乎? 袁 其不可者見矣。 之憂矣,其誰知之」。人之不知其非也,蓋 將舉而從之。此君子之所憂也。 之驕而詰之者,曰彼人是矣,子獨謂 子憂其不可,而歌謡以告人。而人且有謂 也。夫必耕而後食,小人之所謂難也,而 子所謂「許行之道」,魏人則有治此説者 以衣帛,仁人君子不得坐而治民矣。 亦喜其可喜,而未思其不可也。 有人焉且力行之,尚有非之者哉 有桃,則食桃。非其園之所有,則不食 然則不耕者不可以食粟,不織者不 世皆以夫人爲是,而莫知其非者 故曰「其誰知之,蓋亦勿 故曰「心 思之,則 1 此 維 則 何 君 孟 可

0 其餘子亦爲餘子」,明本無此句。

何其。心之憂矣,其誰知之? 其誰知之,蓋不知我者,謂我士也罔極。彼人是哉,子曰園有棘,其實之食。心之憂矣,聊以行國。

棘,棗也。聊以行國,行告人以不可也。

亦勿思。

極,中也。

《園有桃》二章,章十二句。

陟彼岵兮,瞻望父兮。父曰:「嗟予子,行役《陟岵》,孝子行役,思念父母也。

見,則思其將行之戒以自慰。猶,尚也。山無草木曰岵。孝子登高以望其父而不夙夜無已。上慎旃哉,猶來無止。」

尚可以復來,無止死也。

夙夜無寐。上慎旃哉,猶來無棄。」 陟彼屺兮,瞻望母兮。母曰:「嗟予季,行役

山有草木曰屺。

夙夜必偕。上慎旃哉,猶來無死。」 陟彼岡兮,瞻望兄兮。兄曰:「嗟予弟,行役

必偕,必與同役者偕,無獨行也。

《陟岵》三章,章六句。

(十畝之間),刺時也。

夫國削則民逝矣,未有地亡而民存者也。《毛詩》之敘曰:「其國削小,民無所居。」

且雖小國,豈有一夫十畝,而尚可以爲民

者哉?

甚矣。 甚矣,而可以易仕之樂,則仕之不可樂也之。夫有十畝之田,其所以爲樂者亦鮮 此君子不樂仕於其朝之詩也。曰雖有十 此君子不樂仕於其朝之詩也。曰雖有十

十畝之外兮,桑者泄泄兮。行與子逝兮。

詩

泄 泄 開 貌 也

十 畝之間》二章,章三句。

伐檀》,刺貪 也

不稼不穡,胡取禾三百廛兮? 瞻爾庭 坎坎伐檀兮,寘之河之干兮,河水清且 有縣貆兮? 彼君子兮,不素餐兮。 不狩不獵 一漣猗 胡胡

不然,不稼不穡,而 世,其難合也,如檀之於河。 水 伐檀而寘之河上,河非用車之處,雖使河 坎坎,伐檀聲也。 清 且 一漣,而 猶 不 見用。 檀性堅忍,宜爲車耳。 取禾三百廛,不狩不 君子之仕 至於小 人則 於亂

獵,而 之曰穑。 小人未可 縣貆 百畝 以取 於庭矣。 了曰廛。 而取 之矣。 君子不得其君不仕, 貉子曰貆 種之日 稼。 斂

坎坎伐 不 稼不 穡,胡取禾三百億兮? 「輻兮,寘之河之側兮,河水清 不狩不獵 且 直 胡胡 猗。

> 膽 爾 庭 有縣 特兮? 彼君子兮,不 素 食兮。

水 平則流直。 潤 三歲日特

瞻爾庭有縣鶉兮? 不 坎坎伐輪兮,寘之河之漘兮,河水清且 稼 不穡,胡取禾三百囷兮? 彼君子兮,不素飱兮。 不 狩 不 淪 胡胡

淪 ,竭也。

伐檀》三章,

九

句。

《碩鼠》,刺重飲也

碩鼠 逝將去女,適彼樂土。 碩 鼠,無 食我 黍。 樂土樂土,爰得我所。 三歲貫 女,莫我肯顧

碩,大也。 重歛以 自封, 猶鼠之食人以自

養也。 貫 (,事也。

德。 碩 女,莫我肯勞。 得 我 鼠 逝將 直。 碩 鼠 去女,適 ,無食我麥。 碩 鼠 碩 逝 鼠 彼 將 《樂國。 去女, 無 三歲 食 適彼 我 樂國 貫 苗 女,莫我 樂郊 樂國, 三歲 爰 肯 樂 貫

詩集傳卷第五 勢,勞來也。欲適樂郊而不可得,故曰,誰 爲樂郊,可長號而求之者哉! 《碩鼠》三章,章八句。

## 詩集傳卷第六

### 或 風

既作,其詩憂深思遠,猶有堯之遺俗。● 侯。 雖晉詩而謂之《唐》,以爲此堯之舊,而 沃,其孫穆侯又徙於絳。 太岳之野。晉侯燮之曾孫成侯始徙居 虞,謂之唐侯,南有晉水,至子變改爲 其地在《禹貢》太行、恒山之西,太原 唐者,帝堯之舊都,成王以 僖公之世,燮風 封 母 弟 故 非 曲 晉 叔

晉德之所及也。

蟋 無已太康,職思其居。 蟀在 荒耳,苟樂而不荒,斯可矣。 乃已太康歟? 也,瞿瞿而不違禮耳。 不皇樂也。曰,不然,君子之不爲樂,懼其 莫矣,而君不樂,日月捨女去矣。 儉而不中禮,故告之曰,蟋蟀在堂,歲其遂 除,去也。 蟋蟀,蛩也。 堂 一,歲 此詩君臣相告語之辭也。 聿 其莫。 歲寒則蛩入於堂。 吾念吾職之所居者,是 好樂無荒,良士瞿 今我不樂,日月其 君子之於樂 聿,遂也。 君曰,無 僖公 瞿 除 以

無已太康,職思其憂。 蟋蟀在堂,役車其休。 無已太康,職思其外。 蟋蟀在堂,歲聿其逝。 歲 既思其職,又思其職之外。 晚 則 入居於室,而役車止。 今我不樂,日月其邁 今我不樂,日月其慆。 好樂無荒,良士休休。 好樂無荒,良士 蹶蹶,敏 慆,過也。休 蹶 也 蹶

俗」,明本作「風」。

蟋蟀》,刺晉僖公也。

七六

《蟋蟀》三章,章八句。

《山有樞》,刺晉昭公也。

有車馬,弗馳弗驅。宛其死矣,他人是愉。山有樞,隰有榆。子有衣裳,弗曳弗婁。子

木之不采,終亦腐敗摧毀,衣服、車馬、鍾鼓、飲食而不能用,譬如山極,莖也。 婁,亦曳也。 愉,樂也。 人君有

歸於無用而已。

榜,山樗也。杻,檍也。考,擊也。保,有鍾鼓,弗鼓弗考。宛其死矣,他人是保。山有栲,隰有杻。子有廷内,弗洒弗埽。子

且以喜樂,且以永日。宛其死矣,他人入室。山有漆,隰有栗。子有酒食,何不日鼓瑟?

安也

《揚之水》,刺晉昭公也。

山有樞》三章,章八句。

揚之水,白石鑿鑿。素衣朱襮,從子于沃。

既見君子,云何不樂。

諸侯之中衣,緣以丹朱,領以黼繡。 既知昭公之不振也,故將具諸侯之衣,以 於石乎? 祗以益其鑿鑿耳。鑿鑿,絜也。 於石乎? 祗以益其鑿鑿耳。鑿鑿,絜也。 然起,雖物之易流者有不能流矣,而況 以益其鑿鑿耳。鑿鑿,絜也。

既見君子,云何其憂。

揚之水,白石皓皓。

素衣朱繡,從子于鵠。

揚之水,白石粼粼。我聞有命,不敢以告人。皓皓,白也。繡,繡領也。鵠,沃之邑也。

卷第六

永,引也

七七

不敢以告人,爲之隱也。桓叔將以傾晉,粼粼,清澈也。命,桓叔之政命也。聞而

而民爲之隱,欲其成矣。

四句。《揚之水》三章,二章章六句,一章章

《椒聊》,刺晉昭公也。

椒聊之實,蕃衍盈升。彼其之子,碩大無朋。

椒聊且。遠條且。

遠條且」,言信如椒之遠芬也,條長也。晉,猶以椒之芬而奪物也。故曰「椒聊且。篤碩廣大,無有與敵者,以桓叔之德而傾盈升,則其近之者未有不見奪者也。桓叔极之性芬烈而能奪物者也,今其實蕃衍而

矣。

故其成也,則曰「今夕何夕,見此良

根聊之實,蕃衍盈掬。彼其之子,碩大且篤。

兩手曰掬。 椒聊且。遠條且。

何」。「子兮子兮」云者,有所愬之之辭也

懼其失之也,則曰「子兮子兮,如此良人

而居於亂世,室家不能相保,既已成昏,而

人」。「今夕何夕」云者,幸之之辭也。

然

綢繆》,刺晉亂也。

椒聊

》二章,章六句。

綢繆不已,時至而後親迎,民之爲之也勞合,而釋之則解。是以綢繆固之,而後可以望其合也。三星,參也。古者昏禮於歲以望其合也。三星,參也。古者昏禮於歲以望其合也。三星,參也。古者昏禮於歲以望其合也。三星,參也。古者昏禮於歲

七八

綢繆束芻,三星在隅。今夕何夕,見此 邂

逅 ? 子兮子兮,如此邂逅何?

參在東南,則十月之後也。

者? 子兮子兮,如此粲者何? 綢繆束楚,三星在户。今夕何夕,見此粲

參直於户,則正月也。三女曰粲,大夫一

《綢繆》三章,章六句。

《杕杜》,刺時也。

人? 有杕之杜,其葉湑湑。 不如我同父。 嗟行之人,胡不比焉? 獨行踽踽, 豈無他

人無兄弟,胡不依焉?

君子欲告之,而懼其不信,故告其所與行 譬如杕杜條幹不足以相扶,特盛其葉耳。 踽,無所親 **杕**,特貌也。杜,赤棠也。湑湑,盛也。 也。 晉君遠其兄弟而親 異 姓, 踽

> 者,庶其無疑之也。 之人,使爲之佽比其兄弟。 必告其所與行

人? 有杕之杜,其葉菁菁。 人無兄弟,胡不佽焉? 不如我同姓。嗟行之人,胡不比焉? 獨行眾 睘, 豈 無

他

《杕杜》二章,章九 句。

《羔裘》,刺時也。 羔裘豹袪,自我人居居。

之故。

無所託矣。今奈何不吾卹乎? 以安其居。舍羔則豹無所施,而無民則君 甚貴,而以羔爲本, 君之處於民上,猶豹袪之在羔裘耳。 以不去,非無他 人也,特以故 君雖甚尊,而 舊 且吾之所 念子耳。 由 豹雖 有 民

羔裘豹褎,自我人究究。 豈無他人,維子

子豈反謂我不能去,而苦我哉?

**豈無他** 

人,維子

詩 集

究,久也。君之所以能久於此者,由有民

好,舊好也。

《羔裘》二章,章四句。

《鴇羽》,刺時也。

毛詩》之叙曰:「昭公之後,大亂五世。

君子下從征役而作此詩。」

黍,父母何怙? 悠悠蒼天,曷其有所?

肅肅鴇羽,集于苞栩。王事靡盬,不能蓺稷

鴈,性不木止,猶人之不安於征役也。 肅肅,羽聲也。苞,稹也。 栩,杼也。 鴇似 盬,

不攻致也。 怙,恃也。

稷,父母何食? 肅 肅鴇行,集于苞桑。王事靡盬,不能蓺稻粱, 肅鴇翼,集于苞棘。王事靡盬,不能蓺 悠悠蒼天,曷其有極? 肅 黍

父母何嘗? 悠悠蒼天,曷其有常?

行,列也。

《鴇羽》三章,章七句。

《無衣》,美晉武公也。

豈曰無衣七兮? 不如子之衣。 安且吉兮。

禮,侯、伯七命,冕服七章。 諸侯不命於天

子,則不成爲君。周衰,諸侯有不俟王命 者。武公始并晉國,獨能請命于周,故曰,

以晉之力,豈不足以爲是七章之衣乎?

然而不如子之賜我,安且吉也

豈曰無衣六兮? 不如子之衣。 天子之卿六命,車旗、衣服以六爲節。 不 安且燠兮。

《無衣》二章,章三句。

敢必當侯、伯,故復稱其次也。燠,煖也。

《有杕之杜》,刺晉武公也。

有杕之杜,生于道左。彼君子兮,噬肯適

八〇

我? 中心好之,曷飲食之?

我乎? 哉? 者。 人,彼君子則亦舍我而逝耳,尚誰肯 願休息也,而特生寡蔭,人是以無往就之 噬」、「逝」通。 杜之生於道左,行者之所 譬如國君,士之所願事也,而無恩於 苟誠好之,曷不試飲食之,庶其肯從 適我

遊 ? 有杕之杜,生于道周。彼君子兮,噬肯來 中心好之,曷飲食之。

周 ,曲也

《有杕之杜》二章,章六句。

《葛生》,刺晉獻公也。

葛生蒙楚,蘝蔓于野。予美亡此,誰與獨處。 曠者。 之被野耳。 獻公好戰攻,君子征役不反,故婦人多怨 婦人之託君子,譬如葛之蒙楚、蘝 今予所美亡矣,將誰與哉?

亦獨處而已。

葛生蒙棘,蘝蔓于域。予美亡此,誰與獨息。

域,塋域也。

角枕粲兮,錦衾爛兮。予美亡此,誰與獨旦。 之也。 旦,朝也。 物存而夫亡,是以感物 而思

夏之日,冬之夜。 百歲之後,歸于其居。

不可得,則曰不可生得而見之矣,要之百

夏之日、冬之夜,思者於是劇矣。 思之而

歲之後,歸于其居而已。居,墳墓也。 思

之深而無異心,此《唐風》之厚也。

冬之夜,夏之日。百歲之後,歸于其室。 《葛生》五章,章四句。

《采苓》,刺晉獻公也。

采苓采苓,首陽之巔。 舍旃舍旃,苟亦無然。 人之爲言,苟亦無信。 人之爲言,胡得焉

苓, 取之,首陽則信有苓矣,而采者未 陽,故謂之首陽。 大苦也。 首陽,雷首也。 采苓者皆曰,吾於首 夷、 齊居 必然 陽 其

也。

而爲之者,世無有也。然則不禁讒,而讒 不然,則人之爲言者,將何得焉? 實之故也。 也, 苟亦勿信, 姑置之而徐究其實。 不究其實而 事蓋有 故教之曰,人之爲此言以 | 輙從之。申生之死,不究其 似而非者。獻公好聽讒言 事苟 無 得 告

采苦采苦,首陽之下。 舍旃舍旃,苟亦無然。 苦,茶也 人之爲言,苟亦 人之爲言,胡得焉 無 與。

自

L止矣。

舍旃舍旃,苟亦無然。 采葑采葑,首陽之東。 《采苓》三章,章八句。 人之爲言,苟亦無從。 人之爲言,胡得焉

#### 秦 車 鄰 國風

作。 夷狄。 孔子敘《詩》,列之八國之後,由此故 物之野。二十九世而并諸侯,有天下,故 有西周畿内之地,在《禹貢》荆岐、終南、惇 兵救周,平王賜之岐豐之田,列爲諸侯,遂 以秦仲爲大夫,以誅西戎。而秦之變風始 至曾孫秦仲,而犬戎滅大雒之族,宣王乃 大蕃息,孝王分大雒之國爲附庸,邑之秦。 子。非子事周孝王,養馬汧、渭之間。 垂。 姓曰嬴。夏、商之間,子孫或在中國,或 水有功,舜命爲虞官,掌上下草木鳥獸,賜 其六世孫大雒,大雒適子成,庶子非 其後,平王東遷。 唐虞之際, 皋陶之子曰伯翳, 佐禹治 商之衰也,中潏居於西戎,以保 而秦仲之孫襄公興 也。 馬 西

禮,而秦之先君皆所未有也。也,則使寺人傳告之。凡此皆人君之常類也。寺人,内小臣也。士之將見秦仲御、禮樂之好。鄰鄰,衆車聲也。白顛,的鄰、禮樂之好。鄰鄰,衆車聲也。白顛,的秦自非子始封,至曾孫秦仲始有車馬、侍

者不樂,逝者其耋。 阪有漆,隰有栗。既見君子,並坐鼓瑟。今

不能用矣。 大君之有禮樂,猶阪之有漆、隰之有栗也。故 古不與人用之,則亦爲無用之物而已。故 古不與人用之,則亦爲無用之物而已。故 人君之有禮樂,猶阪之有漆、隰之有栗也。

者不樂,逝者其亡。 阪有桑,隰有楊。 既見君子,並坐鼓簧。 今

《車鄰》三章,一章四句,二章章六句。

卷

《駟驖》,美襄公也。

與賢者共樂也。 與賢者共樂也。 以之媚子,從公狩。言其常 以出田。其馬碩大而馴服,御者以手執 職以出田。其馬碩大而馴服,御者以手執 職以出田。其馬碩大而馴服,御者以手執

遊于北園,四馬既閑。 奉時辰牡,辰牡孔碩。公曰左之,舍拔則獲。 者,於其平居遊於北園 襄公之所以能 左。其射也,舍拔而獲獸矣。拔,筈也。● 射必以其時。 春、秋獻鹿、豕群獸。 時,是也。辰,時也。 於是公謂御者左之,以射其 使車 馬 輶車鸞鑣,載獫歇驕。 故虞人翼獸以待公, 禮,冬獻狼,夏獻麋 調 也,則既 適 射 中 閑習之 前 獲多

■「筈」,明本作「矢括」。

八三

喙獫, 乘車 驅獸 也。 也。 凡此皆遊於北園之所習也。 ,所謂驅逆之車 四 短喙 載,始也。獫、歇驕,田犬也,長 歇 乘 馬 驕。 也 始之者,始達 也。 輶 車 置鸞於鑣 輕 車 也 其 搏 所 於 暰 以

《駟驖》三章,章四句。

《小戎》,美襄公也。

小戎俴收,五楘梁輈。

以革束之者五束,有歷録之文也。朝,轅也。轅上曲句軛謂之梁輈。一輈而五,五束之也。楘,歷録也。梁,軛也。也。收,軫也。兵車之比乘車,則前後淺。兵車在前,啓行者元戎,其次小戎。俴,淺

游環脅驅,陰靷鋈續。

外轡,以禁其出,故《春秋傳》曰:「如驂之游環,靳環也。游於服馬之背,而貫驂之

也。 也,在軾前輈上,靷環附焉。靷,驂之所引 有靳 沃鐶也。 軫,著服馬之外脅,以止驂之入。 續,續 .。」脅驅 靷也,綴鐶於其端。 以革 爲之,首屬 於 鋈,以白 軛 陰,揜軌 「尾屬 於

文茵暢轂,駕我騏馵。

言念君子,温其如玉。 念其君子,而亦無怨也 茵,車褥 民樂爲之用,故矜其車馬而不厭。 秦之西垂,以 轂,長轂也。 也 青黑曰騏。左足白曰馵。 板 以虎皮爲之,謂之文茵。 爲 屋 在其板屋, 亂我心曲 襄公屢征 西戎,而 雖婦人 暢

赤馬黑鬛曰駵。黄馬黑喙曰騧。四牡孔阜,六轡在手。騏駵是中,騧驪是駿。

龍盾之合,鋈以觼軜。

觼,在軾前,所以繋驂之内轡者,以白金沃龍盾,畫龍於盾也,合而載之以爲車蔽。

之。軜,駿之内轡納於觼者也。駿之外

轡,則御者執之。

君子於何爲還期乎? 何我念之深也。

傻駟孔群, 公矛鋈錞, 蒙伐有苑。

伐,盾也。畫雜羽於盾,苑然有文也。 公,三隅矛也。錞,其鐏也。蒙,雜也。以薄金介馬曰俴駟。孔群,言其和也。

虎韔鏤膺,交韔二弓,竹閉緄縢。

馬帶也。交二弓於韔,備折毀也。閉,檠虎韔,以虎皮飾弓室也。鏤膺,以刻金飾

檠,以繩約之於弓隈,以備損傷。也。緄,繩也。縢,約也。殆弓則以竹爲

厭厭,安也。秩秩,有序也。言念君子,載寢載興。厭厭良人,秩秩德音。

《小戎》三章,章十句。

《蒹葭》,刺襄公也。

遡洄從之,道阻且長。遡游從之,宛在水蒹葭蒼蒼,白露爲霜。所謂伊人,在水一方。

中央。

成之。 其道求之,則宛然在水之中耳。 故告之曰,有賢者於是不遠也,在水之一 戎,知以耕戰富國强兵,而不知以禮 霜,然後堅成,可施於用矣。 其强勁,而不適於用。 蒹,薕也。 葭,蘆也。 蒹葭之方盛也,蒼蒼 曰遡洄。 之也,則道阻且長,不可得 方耳,胡不求與爲治哉? 非不蒼然盛也,而君子以爲未成。 順流而涉曰遡游。 至於白露凝 維不以其道 而見矣。 襄公興 逆流而 如 義終 於 戾 E 以 求 西 爲

中坻。遡洄從之,道阻且躋。遡游從之,宛在水蒹葭凄凄,白露未晞。所謂伊人,在水之湄。

八五

水草之交曰湄。躋,升也。坻,小渚也。

遡洄從之,道阻且右。遡游從之,宛在水蒹葭采采,白露未已。所謂伊人,在水之涘。

《蒹葭》三章,章八句。 涘,厓也。右,出其右也。小渚曰沚。 中沚

《終南》,戒襄公也。

此詩美襄公耳。未見所以爲戒者,豈以壽

考不忘爲戒之歟?

裘。顔如渥丹,其君也哉?終南何有? 有條有梅。君子至止,錦衣狐

曰,終南則有草木,以自衣被而成其深,公既爲諸侯,受服于周,其人尊而悦之,故合裘,錦衣以裼之。」渥丹,赤而澤也。襄矣,錦衣以裼之。《記》曰:「君衣狐疼南,周南山也。條,稻也。梅,楠也。錦

裳。 終南何有? 之佩玉,非以爲容好而已,將使壽考而不 紀,基也。 如渥丹,其君也哉」,嚴憚之辭也 如堂之牆。青黑爲黻,五色備爲繡。 君子則有服 佩玉將將,壽考不忘。 堂,亦基也。終南有畢道,其旁 有紀有堂。君子至止, 黻衣繡 章 以 自 嚴 飾 而 成 其 尊 君子 顔

《終南》二章,章六句。忘禮也。

《黄鳥》,哀三良也。

其慄。 息。 交交黄鳥,止于棘。 維 此奄 彼蒼者天,殲 息,百 夫 我良 (之特。 誰從穆公? 人。 臨 如 其 可 子車 贖 兮, 奄

人百其身。

國人哀之,爲賦此詩。言臣之託君,猶黄穆公以子車氏之三子爲殉,皆秦之良也。

維

《晨風》,刺

如 鴪彼晨 何 未見君子,憂心欽欽。

鴪,疾飛貌也。 晨風,鸇 也。 賢者之欲仕於

第

六

大國,猶晨風之欲止於北林。故其未獲見 也,欽欽而憂,君奈何獨忘我而不顧乎?

如何如何,忘我實多。 山有苞櫟,隰有六駮。 未見君子,憂心靡樂。

以百人贖其一身也。

然三良之死,穆公之

命也,康公從其言而不改,其亦異於魏顆

其死,曾鳥之不若也。 「人百其身」者,欲

鳥之止于木,交交其和鳴。 今三子獨不得

爲也。以爲山則有櫟,隰則 言「六」,未詳。 櫟,柞櫟也。駮,榆梓也,其皮青白如駮。 賢者之仕 於大 有 一颗,可 國 以 特自

子車仲行。

其慄。

國而獨無其人乎故也。❶

Щ 有苞棣,隰有樹檖。 未見君子,憂心如醉。

如何 棣 如何、忘我實多。 ,唐棣也。 檖,赤羅 也。

其慄。

鍼 虎。

(晨風》三章,章六句。

無衣》,刺用兵也。

豈曰 無衣? 與子同 袍。 王于 興師,脩我戈

0 「故 也」,明本無此二字。

八七

矛,與子同仇。

其民猶思周之盛時,而稱先王焉。 今無恩於民,而用其死也。秦本周地,故也,民皆自脩其戈矛,而與之同仇矣。傷也,民皆自脩其戈矛,而與之同仇矣。傷 古者君與民同其甘苦,非謂其無衣也,然

戟,與子偕作。 豈曰無衣? 與子同澤。王于興師,脩我矛

澤,褻衣,近垢汙者也。

兵,與子偕行。 豈曰無衣? 與子同裳。王于興師,脩我甲

《無衣》三章,章五句。

《渭陽》,康公念母也。

黄。我送舅氏,悠悠我思。何以贈之? 瓊我送舅氏,曰至渭陽。何以贈之? 路車乘

瑰玉

교

渭陽。傷母之不及見而作是詩也。而秦姬卒。穆公之納文公,而康公送之而文公之姊也。文公遭驪姬之難,未反母之兄弟曰舅。康公之母,晉獻公之女,

《渭陽》二章,章四句。

《權輿》,刺康公也。

於,我乎! 夏屋渠渠,今也每食無餘。吁嗟

乎,不承權輿。

於康公,而遇之薄矣,食之無餘者。故曰穆公好賢,居之以大屋,渠渠其深廣。至

乎,不承權輿。 於,我乎! 每食四簋,今也每食不飽。 「不承權輿」。權輿,始也。

吁嗟

《權輿》二章,章五句。

詩集傳卷第六

### 陳宛丘 國風

化之。 也。 刺之,而陳之變風始作。 名山大川,西望外方,東不及孟豬。 其封域在《禹貢》豫州之東,其地 滿於陳,都於宛丘 武王賴其利器,用與神明之後,封其子嬀 大姬,蓋列國之風,皆有所自起。 婦人尊貴,好祭祀、巫覡、歌舞之事 昔帝舜之胄有虞閼父,爲武王陶正, 陳、太皥、伏犧氏之墟、今淮陽郡是 五世至幽公,淫荒遊蕩 之側,妻以 然原其 元女大姬。 無度, (風,出 廣平,無 方周之 `, 其 大姬 國 於 人 民

> 惡,而 蕩無度,亦理勢然也。 風,爲儉不中禮。 侯各因其舊俗而增之,善者因善以 禮自將,亦不至於惡。 盛 時,王澤充塞,其善者篤於善,不善者 不善者 日 以益甚。 陳以大姬之餘俗,爲遊 其後周德既衰,諸 故晉 以 堯之遺 入於 以

《宛丘》,刺幽公也。

望兮。 子之湯兮,宛丘之上兮。洵有情兮,而無

❶ 「下」下,明本有「日」字。

卷

第

七

八九

坎其擊缶,宛丘之道。 無冬無夏,值其鷺翿。

缶,盎屬。

《宛丘》三章,章四句。

《東門之枌》,疾亂也。

東門之粉,宛丘之栩。子仲之子,婆娑其下。

也。栩,杼也。子仲,陳大夫氏也。婆娑,東門、宛丘,爲亂者之所期會也。枌,白榆

舞也。

穀旦于差,南方之原。不績其麻,市也婆娑。

相差擇,而推南方原氏之女,原與子仲,陳

穀,善也。差,擇也。

爲亂者,相告以良日

穀旦于逝,越以鬷邁。視爾如荍,貽我握椒。大夫之著也。今而猶然,則其民可知矣。

擇,今則又相告而往矣,於是遂以其麻行芣也,小草而多華。男女既相告以相差逝,往也。越,於也。鬷,麻緫也。荍,芘

椒,相與爲淫蕩而莫知恥也。

往會之。

於其

會

也,相

謔

以

荍

而

相

遺

以

《東門之枌》三章,章四句。

《衡門》,誘僖公也。

宋之子?姜? 豈其食魚,必河之鯉? 豈其取妻,必豈其食魚,必河之魴? 豈其取妻,必齊之衡門之下,可以棲遲。泌之洋洋,可以樂飢。

之 ? 水也。 其所有而爲之,及其至也,雖天下之美無 必此四者而後可,則終身有不獲者。 必魴、鯉、取妻必姜、子、此四者誰 **衡門,橫木爲門也。** 足之心以待之,則終亦不爲而已矣。 加焉。不然,雖有天下之至美,而常挾 然人未嘗必此四者,而 夫棲遲必大屋,樂飢必飲食,食魚 棲遲,遊息 後可 也。 以 巡, 故從 不欲 僖公 爲。

《衡門》三章,章四句。

《東門之池》,刺時也。

東門之池,可以漚麻。彼美淑姬,可與晤歌。

温,柔也。晤,遇也。

陳君荒淫無度,而

國

女,以化之於内。婦人之於君子,日夜處人化之,皆不可告語。 故其君子思得淑

而無間,庶可以漸革其暴。如池之漚麻,

漸漬而不自知也。

東門之池,可以漚紵。彼美淑姬,可與晤語。

紵,麻屬。

東門之池,可以漚菅。彼美淑姬,可與晤言。

菅,茅也。

《東門之池》三章,章四句。

《東門之楊》,刺時也。

卷

第七

而昏以爲期。至於明星煌煌,而又不至,牂,則春夏之交也,時既已晚矣,幸其成禮牂,盛極貌也。昏禮以歲之隙,楊葉牂東門之楊,其葉牂牂。昏以爲期,明星煌煌。

是以怨之也。

東門之楊,其葉肺肺。昏以爲期,明星皙皙。

《東門之楊》二章,章四句。肺肺,亦盛極也。

《墓門》,刺陳佗也。

墓門有棘,斧以斯之。夫也不良,國人知之。

知而不已,誰昔然矣。

能及其後,故以《墓門》刺焉。夫墓門而生亂。是以國人追咎桓公,以爲桓公之智不陳人知佗之不臣矣,而桓公不去,以及於疾病,佗殺其太子免而代之。桓公之世,疾病,佗殺其太子免而代之。桓公之世,

九一

棘 佗,故以斧、鴞皆爲佗之師傅。 其序此詩 之去, 昔者誰爲此乎? 也。佗之不良,國人莫不知之者,知而不 棘 亦曰:「佗無良師傅,以至於不義,惡加於 然毛氏不知《墓門》之爲桓公,而以爲 盛,以害女墓也。斯,析也。 ,亦以斧析之則已。 不然,吾 蓋歸咎桓公也。 恐女 夫,陳佗 死 陳 而

訊予不顧,顛倒思予。 墓門有梅,有鴞萃止。夫也不良,歌以訊之。

萬民。」失之矣。

梅,楠也。鴞,惡聲鳥也。萃,集也。墓門 唐之而不予顧,至於顛沛,而後念吾言矣。 告之而不予顧,至於顛沛,而後念吾言矣。 告之而不予顧,至於顛沛,而後念吾言矣。 夫顛沛而後念其言,則已晚矣。訊,告也。 《墓門》二章,章六句。

《防有鵲巢》,憂讒賊也。

防有鵲巢,邛有旨苕。誰侜予美,心焉忉忉。《毛詩》之序曰:「宣公之詩也。」

禄位。譬如鵲巢、旨苕,恐爲人所奪耳。之。朝有讒人,而君不明,則君子不保其衆鳥皆得居之, 邛有旨苕,衆人皆得采防、邛,皆丘陵也。苕,草也。防有鵲巢,

侜張,誑也。予之所美,謂君也。

之有甓,衆人所得踐履也。邛之有嚞,亦唐,堂塗也。甓,令適也。嚞,綬草也。唐中唐有甓,邛有旨嚞。誰侜予美,心焉惕惕。

《防有鵲巢》二章,章四句。

衆人所得共采也

《月出》,刺好色也。

月出皓兮,佼人懰兮。舒慢受兮,勞心慅兮。月出皎兮,佼人僚兮。舒窈糾兮,勞心悄兮。

月出照兮,佼人燎兮。 婦 人之美盛,如月出之光。 舒夭紹兮,勞心慘兮。 僚、懰,皆好

也。 紹,皆舒之姿也。 燎,明也。 舒,遲也。 悄、慅、慘,皆憂也。 窈糾、慢受、夭 思

而 不見,則憂矣。

月出》三章,章四 一句。

《株林》,刺靈公也。

胡爲乎株林,從夏南? 匪適株林,從夏南。

母,朝夕而往夏氏之邑。 靈公與其大夫孔寧、儀行甫淫於夏徵舒之 故其民相 與語

非徒適株林也,將以從夏南耳。 曰,君胡爲乎株林乎? 將以從夏 株林,夏 《南耳。

氏邑。 子南,●徵舒字也。

駕我乘馬,説于株野。 乘我乘駒,朝食于株。

株林》二章,章四 句。

> 《澤陂》,刺時 也。

《毛詩》之叙曰:

寤寐無爲,涕泗滂沱。 彼澤之陂,有蒲與荷。 「靈公之詩也。」 有美一人,傷如之何。

不見,故憂傷涕泗也。 陂,澤障也。 婦人之色,如蒲荷之美,思而 自目曰涕,自

曰泗。

彼澤之陂,有蒲與蕳。 有美一人,碩大且卷。

寤寐無爲,中心悁悁。

寤寐無爲,輾轉伏枕。 彼澤之陂,有蒲菡蓞。 蕳,蘭也。卷,好也。 有美一人,碩大且儼。 悁悁,猶悒悒也

《詩》止於陳靈,何也? 古之説者曰: 王 之後,天下未嘗無詩,而仲尼有所不取也。 澤竭,而詩 不作。 是不然矣。 予以 爲 陳靈

0 「子」,明本無此字。

則其詩無有不善,則今之正詩是也。及其之純,其心和樂而不流,於是焉發而爲詩,之存亡也。是以當其盛時,其人親被王澤者,發於思慮之不能自已,而無與乎王澤盍亦嘗原詩之所爲作者乎? 詩之所爲作

一日無詩,而仲尼有所不取也。故曰:遠義,而無所歸嚮。由是觀之,天下未嘗大亡也,怨君而思叛,越禮而忘反,則其詩詩也,亂而不蕩,則今之變詩是也。及其

不合於禮者矣,而猶知復反於正,故其爲

衰也,有所憂愁憤怒不得其平,淫泆放蕩

非天下之無詩也,有詩而不可以訓焉耳。而無度,不可復取。故《詩》止於陳靈,而為。及其邪心大行,而禮義日遠,則詩淫存,而民之邪心未勝,則猶取焉,以爲變也。止乎禮義,先王之澤也。」先王之澤尚也。此乎禮義,先王之澤也。」

之也。 故曰「陳靈之後,天下未嘗無詩」,由此言

《澤陂》三章,章六句。

### 檜羔裘 國風

不可得而推也。

不可得而推也。

本可得而推也。

《羔裘》,大夫以道去其君也。

其所以朝天子之服也。檜君好盛服,故以緇衣、羔裘,諸侯之朝服也。錦衣、狐裘,羔裘逍遥,狐裘以朝。豈不爾思? 勞心忉忉。

其朝服燕,而以其朝天子之服朝。 夫君之

如膏,言光澤也。

《羔裘》三章,章四句。

也。憂不見是人也。

也。憂不見是人也。

「謂棘人也。樂樂,瘠貌也。博博,憂勞為也。君子之居喪,皇皇若無所容者,此意也。君子之居喪,皇皇若無所容者,此意,幸也。喪禮,既祥祭而縞冠素紕。棘,庶見素冠兮,棘人樂樂兮,勞心博博兮。

庶見素衣兮,我心傷悲兮,聊與子同歸兮。 庶見素鞸兮,我心藴結兮,聊與子如一兮。 裳。 《禮》「韠從裳色」,故韠亦以素。 者之所輕 子哀未盡,能自割以禮。」」夫三年之喪,賢 曰:「子夏哀已盡,能引而致之於禮。 子也。]子路曰: 曰: 「先王制禮,不敢過也。」夫子曰: 「君 畢,見於夫子,援琴而弦,切切而哀,作而 也。」夫子曰:「君子也。」閔子騫三年之喪 「子夏三年之喪畢,見於夫子,援琴而弦, 者,願見有禮之人,與之同歸 除成喪者,其祭也朝服編冠,朝服緇衣素 衎衎而樂,作而曰: 『先王制禮,不敢不及 素衣者,素裳 而不敢過,不肖者之所難而不敢 『何爲皆君子也?』夫子 也。 聊 與子同 也。 《記》曰: 歸」云 閔

《素冠》三章,章三句。

不勉,此所謂如一也。

《隰有萇楚》,疾恣也。

隰有萇楚,猗儺其枝。夭之沃沃,樂子之

無知。

有知而恣也。君子幸其少而柔和,不樂其以喻君子有欲而不留欲也。夭,少也。沃以喻君子有欲而不留欲也。夭,少也。沃良楚,銚弋也。蔓而不纍,其枝猗儺而已,

《隰有萇楚》三章,章四句。

《匪風》,思周道也。

匪 風發兮,匪 瞻周道,而怛然傷之也 其至發發; 周道既喪,諸侯爲票疾之政。 非車 車偈兮。 也,而其行偈偈。 顧瞻周道,中 非 心 風 是以顧 怛兮。 也, 而

匪風飄兮,匪車嘌兮。顧瞻周道,中心弔兮。

迴風爲飄。嘌嘌,無節度也。

好音。 誰能亨魚? 溉之釜鬻。誰將西歸? 懷之

民皆以好音歸之矣。西,周所在也。 疾之政爲哉? 誠有能復爲周家之安靖,之先王,其所以治民者,亦猶是也,安用票 亨魚者,亦絜其釜鬻,安以待其熟耳? 周鬻,釜屬。亨魚煩則碎,治民煩則散。善

《匪風》三章,章四句。

### 曹蜉蝣 國風

澤,其民化之。其遺俗重厚,多君子,務稼野。昔堯嘗遊成陽,死而葬焉。舜漁雷其地在《禹貢》兖州陶丘之北,雷夏荷澤之曹,今之濟陰郡,武王以封叔振鐸。

蜉蝣》三章,章四

句。

又寡於患難 穡,薄衣食,以致蓄積。 介於魯、衛之間。 不末時、 富而 無教,乃更驕 侈。

十一世昭公立,而變風遂作。

蜉蝣》,刺奢也。

毛詩》之叙曰: 「昭公之詩也。」

蜉蝣之羽,衣裳楚楚。心之憂矣,於我歸處 知慮 即,而楚楚然絜其衣服,如蜉蝣也。 蜉蝣,渠略也,朝生而夕死。方其生也,不 死,而自 好其 八羽翼。 曹君危亡之不 是以

以及其身, 曰我將於何歸處乎? 君子悲其淺陋,而知其不能慮遠,憂其國

蜉蝣掘閱,麻衣如雪。 蜉蝣之翼,采采衣服。 心之憂矣,於我歸説。 心之憂矣,於我歸息。

朝 掘 閲 則朝服,夕則深衣 掘 地解 閲 也。 麻衣,深衣也。 諸侯

《候人》,刺近小人也。

《毛詩》之序曰:「共公之詩也。」

彼候人兮,何戈與祋。彼其之子,三百赤芾。 乘軒。 芾黝珩,三命赤芾葱珩。 殳也。 芾, 舞也。 之,至使之服赤芾者三百人,何哉? 祋。夫候人,則知何戈與祋而已,而 候人掌道路送迎賓客而爲之衛,故何戈與 晉文公入曹,數之以乘軒者三百 一命緼芾黝珩,再命 大夫以上,赤芾

人,即此歟?

維鵜在梁,不濡其咮。 維鵜在梁,不濡其翼。彼其之子,不稱 咮,喙也。 人,當何戈而役耳,今乃處朝廷而 之上,曾不濡翼,而得魚以爲食。 鵜,洿澤,當在水中求食而已,今乃處魚梁 達者也。 遂,達也。與小人爲婚媾,未有 彼其之子,不遂其媾。 服赤芾。 譬如 其服。

九七

一次

《候人》四章,章四句。

鳲鳩在桑,其子七兮。 淑人君子,其儀一兮。《鳲鳩》,刺不壹也。

其儀一兮,心如結兮。

之,其中亦信然也,故曰「其儀一兮,心如而心不然者矣。君子之一也,非獨外爲一亦如是也。儀其見於外者,有外爲一,莫從下上,平均如一。君子之於人,其均鸤鳩,鵠鵴也。鳲鳩之哺其子,朝從上下,

其帶伊絲,其弁伊騏。 鸤鳩在桑,其子在梅。 淑人君子,其帶伊絲。

九八

然,亦不可得也。 以下,而不可得也。 以下,而不可得也。 以下,而不充,则爲不一矣。君子 是一,不可得也。既已充矣,而求其有一不 是者,故周旋反覆視之,而無 之行,無不充足者,故周旋反覆視之,而無 之行,無不充足者,故周旋反覆視之,而無 不如一,譬如絲帶而充之以瑧弁耳。夫無 不如一,譬如絲帶而充之以瑧弁耳。夫無 不如一,不可得也。 既已充矣,而求其有一不 然,亦不可得也。

居一以俟之,而無不及者。此得一之要也。 題失其在棘,從其在棘,則失其在榛,是以 以君子,正是國人。正是國人,胡不萬年。 以其一人,則在桑而已,其子則不可常也。以其 門鳩則在桑而已,其子則不可常也。以其 以其

《下泉》,思治也

冽彼下泉,浸彼苞稂。愾我寤歎,念彼周京。 《毛詩》之序曰:「共公之詩也。」

冽,寒也。下泉,泉之下流者也。 也。稂,童梁也。 稂非溉草,得水則病。 苞,本

民之苦於虐政,猶稂之得下泉也。 愾, 歎

聲也。

冽彼下泉,浸彼苞蕭。 愾我寤歎,念彼京周。

蕭,蒿也。

芃芃黍苗,陰雨膏之。 冽彼下泉,浸彼苞蓍。 愾我寤歎,念彼 四國有王,郇伯勞之。 京師。

芃芃,盛也。 下泉、陰雨皆水也,然稂、蕭、蓍以病,而 稂、蕭、蓍、黍,皆非溉草,而 黍

有 苗以盛,則下泉無度,而雨有節也。 王事,皆非民之所樂也,然得君子以勞 國之

第

七

詩集傳卷第七

來之,則民不至於病矣。 郇伯,文王之子

郇侯,爲州伯也

下泉》四章,章四

句。

九九

## 詩集傳卷第八

### 豳七月 國風

當國 周公之所以當 以周公當國,而終成之。故《七月》者,道 則言豳公而已,不及於周公,故謂之《豳》, 成王尚幼,恐其不能承,以墜先公之功,是 王業之艱難。文、武受命,功未及究而 作《七月》之詩,言后稷、公劉勤勞民事,致 之王迹實始於此。 豳,脩后稷之業,勤卹愛民,民咸歸之,周 一而 翢 不辭者,重王業之艱難也。 ,邠之栒邑也。 國而不辭 故周公遭二叔之難,而 昔公劉自邰出居於 也。 周公之所以 然是詩 没,

而以周公之詩附之。夫豳公之詩,一國之而以周公之詩附之。夫豳公之詩,一人之事也,以爲皆非天正、藥,故謂之豳之變風。夫言正、變者,必原葉時。原其時,則得其實。衛武、衛文、鄭其時。原其時,則得其實。衛武、衛文、鄭武、秦襄之詩,一時之正也,而不得爲正,何者? 其正未足以復變也。周公、成王之何者? 其正未足以復變也。周公、成王之何者? 其正未足以復變也。周公、成王之何者? 其正未足以復變也。周公、成王之一時之變,而足以敗其數百年之正也哉?

《七月》,陳王業也。

栗烈。無衣無褐,何以卒歲?七月流火,九月授衣。一之日觱發,二之日

火,大火也,大火,寒暑之候也。《春秋此詩言月者,夏正也,言日者,周正也。

南畝,田畯至喜。三之日于耜,四之日舉趾。同我婦子,饈彼

始,餘章終之也。此章陳衣食之饋也。田畯,田大夫也。此章陳衣食之婦子也,於是田畯來而喜之,不譴矣。饈,耕。於其耕也,丁壯無不適野,故饈者,其財。於其耕也,丁壯無不適野,故饈者,其豳土晚寒,正月始脩耒耜,而二月舉足以

女執懿筐,遵彼微行,爰求柔桑。 七月流火,九月授衣。春日載陽,有鳴倉庚。

倉庚,離黄也。懿筐,深筐也。微行,小逕

月之將授衣,故於春日之陽而倉庚之鳴也。柔桑,樨桑也,蠶之始生宜之。知九

也,女子行求柔桑以事蠶矣。

春日遲遲,采蘩祁祁。女心傷悲,殆及公子

同歸

昏禮於歲之交,故女子之處者,怨慕悲傷,蘩,白蒿也,所以生蠶。 祁祁,衆也。 古者

七月流火,八月萑葦。蠶月條桑,取彼斧戕,思以是時歸於公子。

以伐遠楊,猗彼女桑。

桑。知火流之將寒,故八月則采萑葦,以葉盡,則條猗猗其長也。少枝長條曰女而采之曰條,取葉存條曰猗。猗,長也。 乾

<sup>● 「</sup>毛」下,明本有「布」字。當是。

七月鳴鵙,八月載績。載玄載黄,我朱孔陽,

爲公子裳。

故鳥物之候,或 鵙,伯勞也,五月陰氣至則鳴。 也。朱,深纁也。 至是,絲事畢,而 從 麻事起矣。 陽,明也 其 氣 焉。 玄,黑而有赤 績, 豳地晚寒, 治 麻 也。

而將寒之候。穫禾也。隕,墜也。蘀,落也。四者,物成不榮而實曰秀。葽,未詳。蜩,螗也。穫,四月秀葽,五月鳴蜩。八月其穫,十月隕蘀。

于貉,往搏貉也。十一月,鳥獸氄毛,其皮其同,載纘武功。言私其豵,獻豜于公。一之日于貉,取彼狐狸,爲公子裘。二之日

言公子,猶言君 豕一歲日 於十二月,則 可取,於是擇其 豵,三歲日 君 與 狐 子 狸,以 民皆田 也,從其貴者言之耳。 豜。大獸公之,小獸 與公子爲裘。 以以 繼 武 事。

私之。

五月斯螽

動股,六月莎雞

振

羽。

七月在

月而入於牀下。言此三物者,著寒之有在野,寒則依人,故自七月漸近,❷至於十斯螽,蚣蝑也。莎雞,天雞也。蟋蟀暑則八月在宇,九月在户,十月蟋蟀入我牀下。

漸,非卒來也。

人此室處。 穹室薰鼠,塞向墐户。嗟我婦子,曰爲改歲,

穹,窮也。窒,塞也。向,牖也。墐,塗也。

0

<sup>「</sup>近」,明本作「寒」。「曲」下,明本有「薄」字。

廬,窮窒隙穴,塞牖塗户,以禦寒之人。蓋牀下,知大寒之將至,於是相告以葺其室改歲十一月,周正也。十月,蟋蟀人伏於

十月穫稻。爲此春酒,以介眉壽。 六月食鬱及薁,七月亨葵及菽。八月剥棗,

民

之所以備寒者,至此而後畢

也。 以 也 而 春 可食。 釀,故爲此酒以繼之。 夏食去歲之蓄,至於六月,始有果實成 養老者,必有酒 春酒,凍醪 鬱,棣屬也。 也,冬釀 以助 薁,蘡薁也。 養其氣。 而 夏 熟。 夏不可 介,助 剥,擊

食我農夫。 七月食瓜,八月斷壺,九月叔苴。 采茶薪樗,

麥。嗟我農夫,我稼既同,上人執宫功。晝九月築場圃,十月納禾稼,黍稷重穋,禾麻菽

爾于茅,宵爾索綯,亟其乘屋,其始播百穀。 先種 補屋之弊漏,并及其 人都邑,治宫室。 綯,絞也。 春夏爲圃,秋冬爲場,故須築以待納禾稼。 後熟 曰重,後種先熟曰 乘,登也。 晝取茅而夜索之,以綴 私 農事既畢,故相告以 室, 1零。 曰將復始播 同,聚 也。 來

其蚤,獻羔祭韭。 二之日鑿冰沖沖,三之日納于凌陰。四之日

歲之穀,不暇治屋矣。

先 薦 絶 亦始啓冰 至於二月,四陽作,蟄蟲 則納冰於地中,故 十二月,陽 天地,譬猶火之著於物也,故常有以 古者藏冰發冰,以節陽氣之盛。 則冰於是大發,食肉之禄老疾喪浴, 寢廟」。 而 氣蘊 廟薦之,故曰「仲· 至於四月,陽氣畢達,陰氣將 伏 细 日日 而 在 起,陽始用事,則 未發,其盛 北 春獻 陸 而 陽氣之在 羔開 藏 解之。 在 冰。 下, 冰, 冰

一〇四

夭札。 癘。 食。 之?」此之謂也 是乎用之。其藏之也周,其用之也徧,則 也, 無 冬無愆陽,夏無伏陰,春無凄 取之。其出之也,朝之禄位,賓食喪祭,於 於是薄衣而温食。 而 雨,雷出不震,無灾霜雹,疾癘 「其藏之也,深山 殺,雷不 不及,故曰「火出而畢賦」。 血氣收縮,陽處 及其居大夏也,血 藏冰、發冰,亦猶是也。 今藏川池之冰,弃而不用,風 發 而 窮谷,固陰沍寒,於是乎 震,雹之爲灾,誰能 不然,盛者將 英 氣發越,陽散於外, 内,於是厚衣而寒 申豐有 人之居大冬 不降,民不 風,秋無苦 過而爲 不 言 禦 越

躋彼公堂,稱彼兕觥,萬壽無疆。 九月肅霜,十月滌場。 朋酒斯饗,曰殺羔羊,

勞饗其群臣朋友。 滌,掃也。於是場功畢,國君因其閑暇,而

《七月》八章,章十一

白

鬻子之閔斯。 鴟鴞鴟鴞,既取我子,無毀我室。 《鴟鴞》,周公救亂也。

恩斯勤

下民,或敢侮予。 迨天之未陰雨, 徹 誅而 子之閔之而已。 先王之愛其室家與其勤之者至矣,庶幾稚 既已出周公矣,王又不信而誅周公,周公 取其子,而又毁其室,是重傷之也。管、蔡 周之先王,勤勞以造周,如鳥之爲巢。 呼而告之曰,既取我子矣,無復毀我 詩以遺王。 周公東伐二叔,既克,而成王未信,故爲此 王業壞矣。 鴟鴞,惡鳥也。 彼桑土,綢繆牖户。 恩,愛也。 稚子,謂成王也。 鬻子,稚子也。 鳥之有巢者 今女 室。 苟

桑土,桑根也。爲國者,如鳥之爲巢,及天

今女下民,乃敢侮予,將敗我成業哉。之未雨,而徹桑之根,以綢繆其牖户矣。

予手拮据,予所捋荼,予所蓄租,予口卒

痡,❶曰予未有室家。

每言之。

成,而將或毀之哉 蓄租,則至 拮据,撠挶也。 ൬ 痡,病也。以手捋荼,則至於拮据, 不辭者,曰 於卒痡。 予未有室家故也。 荼, 萑苕也。 予之所以勤 租,亦蓄也。 勞,病 奈 以 何 既 瘁 П

摇,予維音曉曉。 予羽譙譙,予尾脩脩。予室翹翹,風雨所漂

而風雨漂摇之,則其音得無急乎?曉,急也。爲室之勞,至於羽殺尾敝,室成譙譙,殺也。脩脩,敝也。翹翹,危也。曉

《東山》,周公東征也。

鴟

鴞》四章,章五句。

我 慆慆 徂 歸 士而作此詩。 也 東 , 久也。 ,則又遇雨,士於此尤苦。 山,慆慆 不歸。 周公東征,三年而 言士之從者既久於外,及其 我來自東,零雨 故於四 歸。 其濛。 勞歸

蜎蜎者蠋,烝在桑野。 我東曰歸,我心西悲。 久在 東,未嘗不曰歸 宿於車下? 士行,求而人人與之曰,彼蠋 而使往遺之。 念西而 烝,塵也。 勿」、「物」通。 桑野,吾君子豈亦蠋 悲。 東征之士,皆西人也,方其在 其室家於是 於其往也,戒之,使物色其 耳,而 枚, 制彼裳衣,勿士行枚。 敦彼獨 未 也。 爲 可 哉, 之制 宿,亦在 以歸,故其心 蠋 而 也, 亦敦然獨 桑 其 則 (裳衣, 蟲 車下。 可 也。 以

● 「痡」,明本作「瘏」。下同。

果贏 我徂 町 暉 之實 鹿場,熠燿宵行。 東山 亦施 慆 慆 于 不 字。 歸。 不可畏也,伊可懷也 我來 伊 威在 自 室,蠨 東、零 蛸 雨 其 在 户。 濛

也。 果 贏,栝樓 則 町畽 Ŧi. 物至矣,非足畏也,所以令人憂 声鹿 也。 迹 伊威,委黍也。 也。 熠燿,螢 火 蟰 也 蛸 長 家 無 蹄

思耳。

鸛 我徂東山 有敦瓜苦,烝在 將 鳴于垤,婦歎于室。 又遇雨 垤,蟻冢 雨則長鳴而喜。 「慆慆 , 故 歎。 也。 一栗薪。 不歸。 瓜苦,瓜之苦者也。 既 而知其將至也,則 婦人念其君子既歸,而 自我不見,于今三年。 洒埽穹窒,我征 我來自東,零雨 鸛 好水, 洪漾。 | 幸至。 洒 埽

> 親 倉 結 庚 于飛 其 縭, 熠耀 九十其儀。 其羽 之子 其 新 于 孔 歸 嘉 皇 駁 其 其 舊 如

之何? 之嫁 辭 此章 而盛其禮也。 也。 也,母戒之,施衿結帨。 歸 倉庚飛 士與 其 室家 馬黄白曰皇,駵 而 熠燿其 相説好,追 羽 譬 白 如 道 九十,言多 婦 曰駁。 其始昏之

人之嫁

女

東山》四章,章十二句。

儀也

《破斧》,美周公也

既破我斧,又缺我斨。 哀我人斯,亦孔之將 周公東征,四國是皇。

周 皇,匡也。 言以危周公,周公危,而 爲用也,斧破而斨缺 公危,而成王無與 將,大也。 爲其國 斧破 則 成王 盡 而 安,尚 矣。 ,則成王 斯 存 管、 ",尚 可 一亦危 蔡流 有以 也

我徂

東山

,慆慆不歸。

我來自東,零雨其濛。

也。

是以自我不見,于今三年,而

不

也。

穹室以

待之。

瓜之苦者,人所

不

取

敦

然

著於栗薪而不去。

婦人之從君子,當如是

卷第八

不得

不嫌於自救,哀人之不治,以誅管、蔡,而如是而周公亦清矣,然而未免於小也。維退,以避二叔之難,則其亂將及於四方。救其身也。使周公嫌於救其身,潔身而矣。故曰周公之東征,亦四方是爲,非以矣。故曰周公之東征,亦四方是爲,非以

既破我斧,又缺我錡。周公東征,四國是吪。

後可以爲大也。

哀我人斯,亦孔之嘉。

哀我人斯,亦孔之休。既破我斧,又缺我銶。周公東征,四國是遒。蒟,鑿屬。吪,化也。

銶,木屬。 遒,固也。

《破斧》三章,章六句。

伐柯如何? 匪斧不克。取妻如何?《伐柯》,美周公也。

匪媒

哉? 今成王欲治國,弃周公而不召,亦伐柯而不用斧,取妻而不用媒,豈可得

不可得也。

代柯伐柯,其則不遠。我觀之子,籩豆有踐。 代柯伐柯,其則不遠也。治國而用周公, 阿以伐柯,其則不遠也。治國而用周公, 一之見周公者,亦見其籩豆有踐而已,非 人之見周公者,亦見其籩豆有踐而已,非 人之見周公者,亦見其簉豆有踐而已,以爲執 爲不可及耳。踐,行列貌也。

《伐柯》二章,章四句。

《九罭》,美周公也。

九罭之魚鱒魴。我覯之子,衮衣繡裳。

也。衮衣繡裳,上公服也。求大魚者,必罭,罟囊也。九罭,言其大也。鱒魴,大魚

大網。見周公者,不可不以上公之服也。

鴻飛遵渚,公歸無所,於女信處。

清·鴻之所當在也。信,再宿也。周公居 唐,周人思復召之,而恐東人之欲留公也, 東,周人思復召之,而恐東人之欲留公也, 東,周人思復召之,而恐東人之欲留公也, 東,周人思復召之,而恐東人之欲留公也,

鴻飛遵陸,公歸不復,於女信宿。

當復西耳。不復者,不復其舊也。猶是矣,非其所願居也。苟其得已,則義鴻飛而遵陸,不得已也。周公之在東,亦

悲兮。 是以有衮衣兮,無以我公歸兮,無使我心

也。言周公之於天下,無有不欲己得而親居,是以有衮衣可也,無以公歸,而使我悲東人安於周公,不欲其復西,故曰,使公

事之者也。

九罭》四章、章三句、

《狼跋》,美周公也。

跋,躐也。疐,跆也。公孫,周公。周公,狼跋其胡,載疐其尾。公孫碩膚,赤舄几几。

其灵也们各合其尾,然而月尾长常长為良之盛也。老狼有胡,其進也如將躐其胡,豳公孫也。碩,大也。膚,美也。赤舄,屨

累也。周公之輔成王,亦多故矣,二叔流其退也如將跲其尾,然而胡尾未嘗能爲狼

言以病其外,成王不信以憂其内,人之視

尾也。然周公居之,從容自得,而二患皆周公如視狼然,前憂其躐胡,而後憂其跲

知其解患釋難之方也。

釋。

人徒見其履赤舄几几然安且閉,

圃

狼疐其尾,載跋其胡。公孫碩膚,德音不瑕。

既還而作《東山》。故《豳風》著此三詩,以周公既出而作《七月》,未還而作《鴟鴞》,

一〇九

## 詩集傳卷第九

# 鹿鳴之什 小雅

《鹿鳴》,燕群臣嘉賓

也

也。 大, 歌韓侯取妻、皆事之小者、而 臺》言麋鹿魚鼈、湯》刺 謂 無 而 其可得而知量,盡於所知而 雅》言道德之存亡。 在《小雅》,《行葦》言燕兄弟耆老、《靈 大者,謂其不可 小,●不可以形盡也。 何也? 故雖爵命諸侯、征伐四 小雅》之所以爲小、《大雅》之所以 《小雅》言政事之得失,而《大 得 政事 而 知 蓋 飲 沛 雖大,形也; 酒 |其所謂小者, 無餘 國,事之大者 號 然其無涯 在《大雅》。 呼、《韓奕》 也。 其所 道 者 謂 爲

> 《小雅》焉,有《大雅》焉。」以二《雅》爲皆政 之叙曰: 亡,所指雖 也,而有小、大之異,蓋未之思歟? 夫政之得失,利害止 「雅者,正 小,而 其 所及 於其 也。 政有 者大矣。 事。 小大, 而 道 《毛詩 德之存 故有

呦 呦呦 吹笙鼓簧,承筐是將。 呦 周, 苹 , 以 信者,可以其願得之,而不可强取 然自得,而鳴呦呦矣。 之食苹,則夫 鹿 鹿鳴,食野之苹。 燕之,從 忠信也。 藾 鳴,食野之蒿。 蕭 也。 容 思 鹿食於野,無 以 筐, 篚屬, 以 盡 忠信之道示 其 人之好我,示我周 我有 我有嘉賓,德音孔昭。 歡 我有嘉 所 使其 嘉賓,鼓瑟 以 所 行幣 畏 自 賓,而禮 我矣。 得, 忌 也。 帛 吹 則悠 如 笙 也。 行。 鹿 樂 忠

視民不恌,君子是則是俲。 我有旨酒,嘉 賓

式燕以 敖。

視,觀也。恌,輕也。敖,遊也。

鼓瑟鼓琴,和樂且湛。 呦呦鹿鳴,食野之芩。 我有嘉賓,鼓瑟鼓琴。 我有旨酒,以燕樂嘉

賓之心。

芩,草也。湛,樂之久也。

《鹿鳴》三章,章八句。

四牡》,勞使臣之來也。

《皇皇者華》以遺使臣、《四牡》以勞其來。

以事言之,當先遺後勞,今先勞而後遺,何 也?《鹿鳴》之三常施於禮樂,不獨用 於

先後歟?

勞遣,故燕禮、鄉飲酒歌焉,意者以其聲爲

四 . 牡騑騑, 周道倭遲。 豈不懷歸? 王事 靡

我心 傷悲。

第 九

> 事無不堅固者,是以不獲歸而傷悲也 騑騑,行不止也。 倭遲,歷遠之貌 也。 王

四牡騑騑,嘽嘽駱馬。 豈不懷歸? 王事靡

盬,不遑啓處

嘽嘽,喘息也。

白馬黑鬣曰駱。

啓,跪也。

處,居也

翩翩者鵻,載飛載下,集于苞栩。

王事靡盬

不遑將父。

曰:「祝鳩氏,司徒也。」謂其孝故尔,是以

騅,夫不。 夫不,祝鳩,孝鳥也。 《春秋傳》

孝子不獲養而稱焉。鯡之飛也,則亦下而

集于栩,不若使者之久行不返,不獲養父

母也。 將,養也。

翩翩者雕,載飛載止,集于苞杞。

王事靡盬

不遑將母。

杞,枸檵

也

駕彼四駱,載驟駸駸。 豈不懷歸? 是用作

歌,將母來說。

《四牡》五章,章五句。

《皇皇者華》,君遣使臣也。

皇皇者華,于彼原 隰之異,維 駪,衆也。 皇皇,煌煌也。 煌煌之華,生於原隰,而不知 其所 隰 在,而無不煌煌者。 高平曰原,下濕 駪駪征夫,每懷靡 一四隅。 臣 及。 奉 原 駪

煌也。不以遠近嶮易易其心,亦如華之無不煌

君命以出,而每懷不及事之憂,不忘咨訪,

周,忠信也。爰,於也。訪問於善爲咨,咨我馬維駒,六轡如濡。載馳載驅,周爰咨諏。

事爲諏。

我馬維騏,六轡如絲。載馳載驅,周爰咨謀

咨難爲謀。

我馬維駱,六轡沃若。載馳載驅,周爰咨度

咨禮爲度。

陰白雜毛曰駰。咨親爲詢。我馬維駰,六轡既均。載馳載驅,周爰咨

詢

《皇皇者華》五章,章四句。

《常棣》,燕兄弟也。

《春秋外傳》曰:「周文公之詩也。」蓋傷

管、蔡之失道而作之,以親兄弟。

常棣之華,鄂不韡韡。凡今之人,莫如兄弟。

於上,而鄂不韡韡者也。兄弟之相爲益,常棣,棣也。鄂,其承華者也。未有華盛

以爲小人好以親爲怨,而樂從其疏也,故亦猶是矣,故曰「凡今之人,莫如兄弟」。

此詩每陳朋友之不足恃者以告之。

死 聚也 間,則他人相舍,而兄弟相求矣。 喪之威 之威。今使人失其常居,而聚於原隰之 兄弟之相懷,不見於其平居,而見於死喪 ,兄弟孔懷。原隰裒矣,兄弟求矣。 裒,

脊令在原,兄弟急難。每有良朋,況也永嘆。 弟也。 脊令,渠雝也,飛則鳴,行則揺,不能自舍。 人之急難相救,不舍斯須,如脊令者,唯兄 己。 雖有良朋,其甚者不過爲之長嘆息 況,甚也。

無戎 兄弟鬩于牆,外禦其務。 每有良朋, 烝 也

圃

鬩,很也。 也,其能久者,無爲戎以害己則善矣,尚可 望其禦侮哉? 雖内鬩,而不 務,當作「侮」。 廢禦外侮。 烝,塵也。 使朋 友而 兄弟 相 忿

> 喪亂既平,既安且寧。雖有兄弟,不如友生。 則不能 有以朋友爲賢於兄弟者。 親相責望,則兄弟常多過失,易以生怨,故 人居平安之世,不知兄弟之可恃,而以至 得其實,其必試之於患難,而後 夫觀人於平安,

儐爾籩豆,飲酒之飫。兄弟既具,和樂且孺 兄弟具來,以觀其樂否。 遠其兄弟,故教之陳其籩豆,飲酒至飫,使 之者過矣。 儐,陳也。 飫,饜也。 孺,屬也。 苟樂也,則其疏 患世之疏

得之。

宜爾室家,樂爾妻帑。是究是圖,亶其然乎。 妻子好合,如鼓瑟琴。兄弟既翕,和樂且湛。 苟其親之,其樂豈特妻子而已。 帑,子也。究,深也。 於兄弟之以天屬也哉? 妻子以好相合耳,及其和也,如鼓瑟琴,況 亶,信也。 特患不親之耳。 翕,合也 小人思慮

不

能及遠,常以爲兄弟之於我,無所損 益 伐木許許,釃 有人助 也、鬼神亦將祐之以和平矣。 酒有藇。 既有肥羜,以速諸父。

其妻帑者。 不知兄弟之相親,亦所以宜其室家,而樂 患其淺陋 而 不信,故使之深思

而 遠圖之,以信其然否。

《常棣》八章,章四句。

《伐木》,燕朋友故舊也

且平。 聲; 嚶其鳴矣,求其友聲。 伐木丁丁,鳥鳴嚶嚶。 矧伊人矣,不永友生。 出自 相 彼 神之聽之,終和 幽谷,遷于喬木。 鳥 矣,猶求 友

甚小,而須友者,伐木也。 丁丁,伐木聲也。 友,況於事之大於伐木,而 木爲安,而 忘其群者,鳥也。 是以先王不遺朋友故舊,以爲非特 不獨有也,故嚶然 鳥出於谷而升於木, 嚶嚶,兩鳥鳴 物之無知,而不 人之有知 而 鳴、以求 也。 事 也 其 以 之

藇,

寧適不來,微我弗顧

許許,林貌也。 釃酒貌 也。 羜,未 以筐曰釃,以藪曰湑。 成羊也。 速,召也。

伐

木至小矣,而猶須友,故君子於其閑暇,而 酒食以燕樂之,所以求其歡心也。

於粲洒掃,陳饋八簋

既有肥牡,以速諸

舅。

寧適不來,微我 有咎。

伐木于阪,釃 粲,鮮明也。 酒有衍。 天子八簋。 籩豆有踐,兄弟無遠

民之失德,乾餱以愆

故君子於其朋友故舊,無所愛者。

衍,多也。

民之失德也,有以乾餱相譴

讁

有酒湑我,無酒 · 酤我。 坎坎鼓我,蹲蹲 舞我。

迨我暇矣,飲此湑矣。

湑,茜之也。 酤,買也。有則湑之,無則酤

四

舞,盡其有以樂之也。及我之暇,而飲我之,不以有無爲辭也。奏之以鼓,重之以

以湑,道主人之厚也。

《伐木》六章,章六句。

《天保》,下報上也。

可得而知也。 言皆臣下所以願其君者,然古禮廢矣,不豈以答是五詩,於其燕也,皆用之歟? 其人君以《鹿鳴》之五詩宴其群臣,《天保》者

天保定爾,亦孔之固。俾爾單厚,何福不除。

君,亦甚固矣。使之無不厚者,是以無福保,安也。單,盡也。除,開也。天之安吾俾爾多益,以莫不庶。

庶者。 不開。予之使之多受增益,是以無物不蕃

天保定爾,俾爾戩穀。罄無不宜,受天百禄。

降爾遐福,維日不足。

開其心智,使之無所不宜,以能受之。戩,福也。穀,禄也。將使之安有福禄,故

後可以長有其福,而日且不足矣。此所謂《詩》云:「宜民宜人,受禄于天。」如是,然

「何福不除」也。

天保定爾,以莫不興。如山如阜,如岡如陵。

如川之方至,以莫不增。

興,作也。言萬物無不作而盛者,此所謂

「以莫不庶」也。

君曰卜爾,萬壽無疆。吉蠲爲饎,是用孝享。禴祠烝嘗,于公先王。

予也。蓋言非獨天助之,先祖亦莫不辭也。蓋言非獨天助之,先祖亦莫不也。君,先君也。卜,予也。尸嘏主人之也,夏曰禴,秋曰嘗,冬曰烝。公,先公吉,善也。蠲,絜也。饎,酒食也。春曰

神之弔矣,貽爾多福。民之質矣,日用飲食。

群黎百姓,徧爲爾德。

也。黎,衆也。百姓,百官也。爲其德,言無有不順也。弔,至也。質,成神報之以福,民無爲而飲食,百官象之而

崩。如松栢之茂,無不爾或承。如月之恒,如日之升,如南山之壽,不騫不

落而有承者,惟松栢也。如此。恒,常也。騫,虧也。木落則無繼,天、地、神、人無有不順,則其所以願之者

《天保》六章,章六句。

《采薇》,遣戍役也。

詩之作,則非文王之世矣,故其詩曰「王命天子所,謂我來矣」。天子,謂紂也。然此爲西伯,以紂之命而伐玁狁,故其詩曰「自《采薇》、《出車》、《杕杜》,此三詩皆言文王

之。 爲紂 王而 此詩非文王之世之詩明矣。 得爲文王,而不得爲紂。 南仲,往城于方」。 夫紂得命文王,而不得命南仲,故王 ,故叙以爲文王之世,歌此詩以 稱王,後世之所追誦也。 王,謂文王 王不得爲紂,則 也。 而毛氏 文王未 遣 以 勞

一六

行者内憂歸期之遠,而外爲飢渴之所困,憂心烈烈,載飢載渴。我戍未定,靡使歸聘。采薇采薇,薇亦柔止。曰歸曰歸,心亦憂止。

亦甚 病矣。 然戍者未定,則無以使之歸聘

天子,是以若是急也

采薇采薇,薇亦剛 王事靡盬,不遑啓處。憂心孔疚,我行不來。 反也。 兵行,故有不反之憂。 晚,不可復留也。歲之陽,十月也。不來,不 始言薇作,次言薇柔,終言薇剛,言時日已 咋 曰歸曰歸,歲亦陽止。

戎車既駕,四牡業業。 彼爾維何,維常之華。 君子,將帥 爾,華盛貌,《説文》作「薾」。 汝不速反乎? 而其馬業業然壯也。 也。 其車陳於道路,如華之盛, 亦庶乎一月而三捷,以求 彼路斯何,君子之車。 豈敢定居,一月三捷。 豈以是安於遠戍,使 常,常棣 也。

駕彼四牡,四牡騤騤。 牡翼翼,象弭 騤騤,强 也。 腓,辟 魚服。 也。 君子所依,小人所腓。 豈不日戒,玁狁孔棘 象弭,以象骨飾弓

速歸

耳

昔我往矣,楊柳依依。 行道遲遲,載渴載飢。 哉 ? 末也。 翼,躬服弓矢,相戒以玁狁甚急,豈獨暇豫 也。 所恃,以辟患難也。 此章深言其往返之勤苦,所以深慰之也。 將帥之車,非獨君子之所依,亦 其勞苦憂患,亦與士卒共之耳。 魚服,以魚獸之皮爲矢服也。 且將帥之在軍,畏慎翼 我心傷悲,莫知我哀。 今我來思,雨雪霏霏 小人之 棘,急

《出車》,勞還率也。 我出我車,于彼牧矣。 召彼僕夫,謂之載矣。 牧,郊也。 而使之載。 曰,有至自天子所,而使我出征者,召僕夫 其將北伐也,出車於郊而 王事多難,不可緩也 自天子所,謂我來矣。 王事多難,維其棘矣。 告之

我出我車,于彼郊矣。設此旐矣,建彼旄矣。

《采薇》六章,章八句。

況 彼 瘁。 旗 旐 斯 胡 不 斾 斾 ? 憂 心 悄 悄 僕 夫

月矣。

蓋既城朔方,六月而出兵,十月而還

八

天子命我,城彼朔方。 王命南仲,往城于方。 方也。 盛也。 揚 龜 旐之不斾斾,與僕夫之甚瘁,不如其志也。 天子以是命我,今使南仲爲將以往,庶乎 後世之追誦也。 王,謂文王也。 也。 虵 日 況,甚 襄、除也。文王命南仲往城 彭彭, 壯盛也。 旐 ,鳥隼曰 也。 是時文王未王,而稱王者, 南仲,文王之屬也。 [旟。 君子勇於從事,維 出車彭彭,旂旐 赫赫 交龍爲旂。 旄,干旄也。 南仲, 玁狁 央央,明 朔方,日 方,朔 、央央。 于襄。 施施 恐旗 玁

既 喓喓草蟲,趯趯阜螽。 春日遲遲,卉木萋萋。 矣。 草蟲鳴而阜螽躍,婦人之念君子,亦猶是 見君子,我心則降。 之曰「赫赫南仲,薄伐西戎」。 然則,既伐 見,而後知喜其成功也。 玁狁,又伐西戎 止於朔方,來年春而歸也。 方其未見也,以不見爲憂耳, 也。 赫赫 倉庚喈喈,采蘩祁 赫赫南仲,薄伐西戎。 未見君子,憂心忡忡。 南 故其終 簡書,戒命也 仲, 玁狁于夷。 也, 及其既 則 祁 矜

《杕杜》,勞還役也。

王

事多難,不遑啓居。

**豈不懷歸**,畏此簡

書。

今我來思,雨雪載塗。

文王之伐玁狁

也,采薇而行,采蘩

而

歸。

今

曰「黍稷方華」,則六月矣,「雨雪載塗」,則十

昔我往矣,黍稷方華。

狁之患於是而除,有以報天子矣。

禮也。軍中上下同事,故遣役,而遂遣率。兵之出也,有遣役,而無遣率,蓋爲軍中之

及其還也,率、役分勞,蓋爲國中之禮也。

國中貴賤異數,故勞率,而後勞役。《禮》

曰「賜君子小人不同日」,此之謂也。

遑,暇也。春而出征,至於十月,歸期日月陽止,女心傷止,征夫遑止。

矣,而猶不至,故女心傷悲,曰吾君子亦遑,暇也。春而出征,至於十月,歸期及

暇矣乎,曷爲不時至哉?

言采其杞。王事靡盬,憂我父母。 卉木萋止,女心悲止,征夫歸止。陟彼北山,有杕之杜,其葉萋萋。王事靡盬,我心傷悲。

餘矣。今王事靡盬,非獨以病行者也,又山之草木非一也,而獨采其杞,則山嘗有

以憂其父母,曾山木之不若也。

檀車幝幝,四牡痯痯,征夫不遠。

檀車,以檀爲車也。幝幝,敝貌也。痯痯,

罷貌也。

匪載匪來,憂心孔疚。期逝不至,而多爲恤

卜筮偕止,會言近止,征夫邇止。

君子不載不來,使我憂心甚病。

歸

期

逝

言其家念之至也。 是卜之筮之,而同曰近矣。「征夫邇止」,矣,而不時至,徒多爲相恤之言而已。於

《杕杜》四章,章七句。

魚麗于罶,鱨鯊。君子有酒,旨且多。《魚麗》,美萬物盛多,能備禮也。

鱨,揚也。鯊,鮀也。寡婦之笱而獲鱨鯊,麗,歷也。罶,曲梁也,所謂寡婦之笱也。

施者小,而得者大也。古之仁人,交萬物

詩 集 傳

所不備也。 而爲酒醴以燕樂之。其酒既旨且多,言無 殖,無有求而不得。君子於是及其閑暇, 有道,取之有時,用之有節,則草木鳥獸蕃

魚麗于罶,魴鱧。 君子有酒,多且旨。

鰋,鮎也。

鱧,鮦也。

魚麗于罶,鰋鯉。 君子有酒,旨且有。

物其有矣,維其時矣。

物其多矣,維其嘉矣。

物其旨矣,維其偕矣。

有則患其不時。今多而能嘉,旨而能齊, 偕,齊也。多則患其不嘉,旨則患其不齊,

有而能時,言曲全也。

《魚麗》六章,三章章四句,三章章

二句。

詩集傳卷第九

\_

## 詩集傳卷第十

## 南陔之什 小雅

《南陔》,孝子相戒以養也。

〈白華》,孝子之絜白也。

《華黍》,時和歲豐,宜黍稷也。

秦亡之,而獨存其義。毛公傳《詩》,附之用之。孔子編《詩》,蓋亦取焉。歷戰國及此三詩,皆亡其辭。古者鄉飲酒、燕禮皆

於是復爲「南陔之什」。則《小雅》之什,皆「鹿鳴之什」,遂推改什首。予以爲非古,

復孔子之舊。

《南有嘉魚》,樂與賢也。

南有嘉魚、烝然罩罩。君子有酒、嘉賓式燕

以樂

南有嘉魚,烝然汕汕。君子有酒,嘉賓式燕在水,至深遠矣,然人未嘗以深遠爲辭而不有不得也。苟君子之求賢,心誠好之而不有不得也。苟君子之求賢,心誠好之而不。雖不可得,猶久伺而多罩之,是以魚無求。雖也。罩,鑵也。罩罩,非一辭也。魚之

以行。

南有樛木,甘瓠纍之。君子有酒,嘉賓式燕汕,樔也。樔,橑罟也。衎,樂也。

綏之。

未嘗不纍之而上。物之相從,物之性也。地,是豈可强使從人哉? 然其遇樛木也,如是,而吾則强求之歟? 非也。瓜蔓於魚非有求於人,而人則取之。以爲賢者亦

<u>-</u>

之有?」 求 豈 耳。 有賢者, 孔 子 而 曰 : 不 願  $\neg$ 從 未之思也, 夫何遠 人者 哉 ? 獨 患 不 ż

又思。 翩 翩者鵻,烝然來思。 君子有酒,嘉賓式燕

既 故士 古之君子,於士之至也,則酒食以燕樂之, 然來思」者。惟莫之用,是以終舍而 蓋孔子歷聘於諸侯,老而不厭,乃所謂「烝 節,不可廢也,君臣之義,如之何其廢之? 之養父母,義有不可已者。 懷其親,●來而不去。 父子之相親,物無不然者。 故夫不之鳥常 燕矣,而猶未厭安之也 一可得 而留 也。又,復也。 君子之事君,如子 故曰長幼之 思,辭也。 去。

南 有嘉魚》四章,章四 白。

南山

有臺》,樂得賢也。

Щ 有臺 北 Ш T有菜。 樂只君子,邦家之基。

南

樂只君子,萬壽 a無期。

樂只君子,德音是茂。 南山有栲,北山有杻。 樂只君子,民之父母。 樂只君子,萬壽 南山有桑,北山有楊。 人,亦未有不由此也。故終篇歷言之。 家之基,内則身享壽考之報矣。 且非獨 如山之長育草木,多而不厭,外則能 之有草木以自覆蓋也。 臺,夫須也。 此而已,至於德音洽於衆聽,餘慶及其 菜,草也。 無 疆 樂只君子,邦家之光。 樂只君子,德音不已。 樂只君子,遐不眉壽。 南 Ш 國之有賢人,猶山 君子之長育人才, 有杞 北山 有李。 爲邦 後 如

栲,山 樗也。 杻, 檍 也。

南 山有枸,北 Щ 有楰。 樂只君子,遐不黄耇。

夫不」,明本作「擇木」。

樂只君子,保艾爾後。

,枳枸也。 楰,鼠梓也。

南

山有臺》五章,章六句。

《由庚》,萬物得由其道 也。

《崇丘》,萬物得極其高大也。 由儀》,萬物之生各得其宜也。

三詩皆亡。鄉飲酒、燕禮亦用焉。

燕禮,升

首》爲節。《新宮》、《狸首》皆正詩,而詞義不 歌《鹿鳴》,下管《新宫》。 見,或者孔子删之歟? 不然,後世亡之也。 射禮,諸侯以《狸

蓼蕭》,澤及四 海 也。

蓼彼蕭斯,零露湑兮。 燕笑語兮,是以有譽處兮。 既見君子,我心寫兮。

凡詩之「譽」,皆言樂也。 一、長大貌 也。 蕭,蒿也。 諸侯來朝,其衆 「譽」、「豫」通。

> 之以燕禮,於其燕也,極其笑語之樂而無 莫不思盡其心之所有以告之。天子又申 及,如零露之於蕭然。 且賤如蕭蒿。 然王者推恩以接之,無所不 故其既見天子也,

間,諸侯是以樂處於是也

蓼彼蕭斯,零露瀼瀼。 既見君子,爲龍爲光。

其德不爽,壽考不忘。

蓼彼蕭斯,零露泥泥。 瀼瀼,多貌。龍,寵也。 既見君子,孔燕豈弟。

宜兄宜弟,令德壽豈。

泥泥,濡貌。兄弟,同姓諸侯也。

蓼彼蕭斯,零露濃濃。 既見君子, 鞗革沖沖。

和鸞雝雝,萬福攸同。

鞗,轡也。革,轡首也。 必乘車迎之於門,故云。 軾曰和,在衡曰鸞。 諸侯燕見天子,天子 沖沖,垂貌也。在

(蓼蕭)四章,章六句。

湛 露》,天子 燕諸 侯 也

湛湛露斯, 匪暘 足者。 湛湛,凝也。 日而後乾也 燕諸侯而飲之酒,如露之凝於物,無 飲酒至夜,非醉而不出,如露之得 不晞。 晞,乾也。 厭厭夜飲,不醉無歸。 厭厭,久也。 天子 不濡

湛湛露斯,在彼豐草。 則成之,異姓則辭之。 渫宗也。 宗子,不醉而出,是不親也,醉而不出,是 宗,同姓也。考,成也。古者族人侍飲于 天子之飲諸侯亦然。 厭厭夜飲,在宗載考。 故在同姓

湛湛露斯,在彼杞棘。顯允君子,莫不令德。 將言其醉而不亂,故以杞棘言之。 任之矣。將言其無不醉,故以豐草言之。 君子,莫不令德」,言醉而 露之在草也,如將不勝; 其在木也,則能 也。 「顯允

其桐其椅,其實離離。 豈弟君子,莫不令儀。

不亂

桐、 之不爲實所困 夜,將之以禮,禮終而莫不令儀,如桐、倚 椅 雖 實繁,而 也 枝不 披。 君 子 雖飲 酒 至

四

湛露》四章,章四 白。

#### 彤弓之什 小雅

《彤弓》,天子錫有功諸 侯也

彤弓弨兮,受言藏之。 我有嘉賓,中心貺之。

鐘鼓既設,一朝饗之。

《春秋傳》曰:「諸侯敵王所愾,而獻 其賜之也,行之以饗禮。「一朝饗之」,言 彤弓,朱弓也。弨,弛貌也。 以覺報燕。」凡諸侯賜弓矢,然後專征伐。 王於是乎賜之彤弓一、彤矢百、玈弓矢千, 大飲賓曰饗。 其 功。

彤弓弨兮,受言載之。 并厚之以大禮也。 我有嘉賓,中心喜之。

鐘鼓既設,一朝右之。

載,載以歸也。右,助也。

囊,韜也。醻,報也。鐘鼓既設,一朝醻之。

《形弓》三章,章六句。

《菁菁者莪》,樂育材也。

君子之長育人材,如阿之長莪,菁菁然菁菁,盛貌也。莪,羅蒿也。阿,大陵也。菁菁者莪,在彼中阿。既見君子,樂且有儀。

古者貨貝,二貝爲朋。百朋,言其所以禄菁菁者莪,在彼中陵。既見君子,錫我百朋。菁菁者莪,在彼中沚。既見君子,我心則喜。

盛也。

汎汎楊舟,載沉載浮。既見君子,我心則休。

士之多也。

降也。 《小雅》上述文武,下及成王,然其詩之次, 則武、成之世所以追誦文王,而非文王之 且其言文王事紂之際,猶有追稱王者,然 武、成之詩,其餘則有不可得而詳者矣。 言天下治安、爵命諸侯、澤及四海者,爲 列於四,非復以世爲先後也。今將辯之, 事爲次,故《常棣》雖周公閔管、蔡之詩,而 鳴》至於《杕杜》九篇,皆以施於燕勞,以其 皆非其世之先後。周公既定禮樂,自《鹿 先後,周之盛時蓋已定之矣,仲尼無所升 物,浮沉無不載也。二《雅》之正,其詩之 世所自作也 則其言伐玁狁、西戎者,爲文王之詩,其 君子之於人,無所不養。譬如楊舟之於 故《儀禮》之歌詩,其次與今詩合。

菁菁者莪》四章,章四句。

六月》,宣 王 北 伐 世

玁狁孔 六月棲棲,戎車既 之。 戎服,而告其衆曰 宣王承衰亂之後,玁狁内侵,命尹吉甫伐 (棲,不安也。 兵,且又有王 六月方暑,而 熾,我是用 急。 飭。 常服 命,不可緩也 ,玁狁甚熾,我是以 不遑安,飭其車馬 王于出 四牡騤騤, 征 以 于, 曰 載是常服 匡 ,載其 Ŧ. 急於 也。 國。

出

四 有嚴有翼,共武之服。 比 我服既成,于三十里。 牡 成矣 也。 其 軍事 物四 (周官》: 力 脩 八,則 也。 ,物馬而頒之。」毛,齊其色也 驪,閑之維 閑,習也。 廣 於是 其 「祭祀、朝覲、會同,毛馬而 既比其物,而又四驪,言馬 大有 出 則,法也。 顒。 征。 則。 王于出征,以 薄伐玁狁 古者師行 維此六月 馬既齊矣,服既 以以 既 日三十里。 奏膚公。 佐天子。 成 物,齊 頒之。 我 有 服 餘

> 玁狁 織 文鳥 也。 也; 之章 之北 中是 焦穫 也。 匪 顒 一茹,非 匪 大貌 商日 也。 也。 皆所以啓突敵陣之前行 茹 翼,敬也。 也。」鎬,鎬京也。 ,周之藪也。 章,白旆央央。 ,整居焦穫。 其所 也。 寅 旆,繼 織文,徽識之文也。鳥章,革 (車,先 膚, 當人 言將帥之德也。 旐 大也。 疾 者 郭璞曰: 也。 元戎十乘,以先啓 侵鎬 也; 也。 方,未詳。 公,功 整居,言無 及方,至于 周 夏 「扶 日 也 日 元 鉤 也。 風 服 戏,先 車 涇陽,涇 池 ·, 先 憚 嚴,莊 涇 事 陽 也。 行。 陽。 也 息 瓠 īE

戎 車 既 薄伐玁狁,至于太原。 後視之如軽,前視之如軒,車之調 安 如輕 如 軒。 四牡既 文武吉甫,萬 信 既 也。 邦 佶 爲 且. 佶, 閑。

吉甫 飲御諸友,炰鼈膾鯉。 燕喜,既多受祉。 來歸 侯誰在矣,張仲孝友。 自鎬,我 行永久。

壯

健

也

共武之服,以定王國。

所 朋 來歸 友,而 無非賢者。 自鎬,歸其采邑也。 張 仲在 侯,維也。 焉。 張仲,賢人也。 吉甫既還, 燕其 言其

《六月》六章,章八句。

與

(采芑》,宣王南征也。

74 其車三千,師干之試。 薄言采芑,于彼新田,于此菑畝。 、騏翼翼。路車有頭,簟茀魚服,鉤膺鞗 之。方叔之治軍也,陳其車馬,而試其衆以 之。方其治田也則勞,而及其采芑也則佚。 者,於何取之? 其必於新田、菑畝,而後得 芑,菜也。田一歲曰菑,二歲曰 扞敵之法,又親以身率之。 故宣王之南征,則亦使方叔治其軍,而後用 赤貌也,金路赤飾。 涖,臨也。 師,衆也。干,扞也。 鉤膺,樊纓也。 方叔率止,乘其 士之從之者,皆 方叔涖 新田,三歲 將采芑 四 奭, 革。 止 騏

> 不得不尔耶。 車三千,爲二十二萬五千人,以荆蠻强 知愛之,是以美其車馬之飾 而無厭 也。 其

薄言采芑,于彼新田,于此中鄉。 方叔 八鸞瑲瑲。 其車三千,旂旐央央。 中鄉, 芾、葱珩。 也,約之以革。 民居在焉,故其田 服其命服,朱芾斯皇,有瑲葱珩。 錯衡,文衡也。 方叔率止 一尤治。 ,約軝 三命,赤 軝,長 轂 錯 涖 止 衡

陳師鞠旅。 其車三千,師干之試。 鴥彼飛隼,其飛戾天,亦集爰止。方叔 也。 戾,至也。爰,於也。鉦所以止,鼓所 雖勇而不教,則不知戰之節,亦不可用也。 矣,然必集於其所當止,而 旅,治兵之終也。隼之飛而至天,甚迅疾 鞠,告也。 顯允方叔,伐鼓淵淵 淵淵、闐闐,鼓聲 方叔率止 後可用。言士 · 鉦 ,振旅闐闐。 人伐鼓, 也。 % 池止, 以 進 振

言其遇 章之陳師,未戰 故 非即戎之車。 詩人詳其治兵,而略其出 征,先治其兵,既衆且治,而蠻荆遂服。 聲者,無不服 方叔命 敵。 其鉦 故三章皆治兵也 其 二章之服,非即戎之服。三 人擊鼓 (明信 而振旅。 以 也。 誓之,士之聞 至於卒章,而後 兵。 意者方叔之南 首章之車, 其鼓 故

方叔率止,執訊獲醜。 蠢 如霆如雷。 爾蠻荆,大邦爲讎,方叔元老。 則嘗征伐 猶,謀也。 顯允方叔,征伐玁狁,蠻荆 玁狁而克之矣,況於蠻荆,安有 嘽嘽,衆也。 戎車嘽嘽 焞焞,盛也。 嘽 克壯其猶 嘽 來威。 焞 方叔 焞,

采芑》四章,章十二句。

不

來服而畏之者乎?

陳也

我 車攻》,宣王 東既攻,我馬既同。 一復古 也。 四牡龐龐,駕言徂東。

> 東,東 攻, 既齊,則往東都田獵,以治兵焉 力,田獵齊足,所謂同 堅 都 也。 也。 同, 宣王内 齊 也 脩 也。 宗 政 廟 事,車 龐 齊 龐,充實也。 毫, 既 戎 堅,馬 事 齊

田車既好,四牡孔阜。 草也。 甫,大也。 田者大刈草以爲防,所謂 東有甫草,駕言行狩。 甫

駕彼四牡,四牡奕奕。 之子于苗,選徒囂囂。 舄,諸 於是諸侯來 苗、狩,皆田之通名 侯之服也。 朝,王因與之出田。 也。 建旐設旄,搏獸于敖。 赤芾金舄 金,黄朱色 敖,鄭 會同 Ш 也。 也。 赤芾金 . 有釋。

決拾既依,弓矢既調。 決, 同」,言無不善射也。 調 强 鉤 弱等也。 弦 也。 拾,遂 言射 射夫既同,助我舉柴。 事修 也。 柴,或作「掌」,積也。 備 伙,手 也。 指 「射夫既 比 也。

二八

言諸侯亦助之舉積禽也。

四黄既駕,兩驂不猗

猗,倚也。 言御者之良也。

不失其馳,舍矢如破。

言射者之良也。不善射者,爲之詭 獲,不然則不能。使御者不失其馳,而舍 遇則

矢如破,然後爲善射也。

蕭 蕭馬鳴,悠悠旆旌。 悠,言不譁 兵之出,徒聞其馬鳴 也。 不驚,驚也。不盈,盈也。 徒御不驚,大庖不盈。 蕭蕭,徒見其旆旌悠

之子于征,有聞無聲。 之。我則不聲,而人則聞之,必其實有餘 允,信也。展,誠也。 允矣君子,展也大成。 我必聲之,然後人聞

驚,猶警戒也

車攻》八章,章四 句。

故曰,信哉其君子矣,誠哉其大成矣。

也。

《吉日》,美宣王田 也。

吉日維戊,既伯既禱。 田車既好,四牡孔阜。

升彼大阜,從其群醜

伯,馬祖,天駟也。 古者將用馬力,則禱於

其祖。從,從禽也。 醜,類也。

吉日庚午,既差我馬。

獸之所同, 麀鹿麌麌。

漆沮之從,天子之所。

庚。 漆、沮在渭北,所謂洛水也。 差,擇也。外事用剛 同,聚也。 鹿牝 日 日,故禱以戊,擇以 麀。 麌麌,多也。 言自其上驅

獸,而至天子之所也

悉率左右,以燕天子。 瞻彼中原,其祁孔有。 儦儦俟俟,或群或友,

言禽獸之多且擾 儦,行則俟俟。 燕,樂也。 三爲群,二爲友。 也。 祁,大也。 趨則 率,馴

儦

既張我弓,既挾我矢。 發彼小豝,殪此大兇。

以御賓客,且以酌

醴。

壹發而死曰殪。

燕而酌醴,所以厚賓也。

(吉日》四章,章六句。

鴻鴈》,美宣王 也

鴻 鴈 于飛,肅肅其 羽。 之子于征,劬勞于野。

爰及矜人,哀此鰥寡。

往,徒聞其羽聲肅肅,未知所止也。 後,人民離散,譬如鴻鴈之飛四方,無所不 鴻鴈背陰向陽,如民之去危從安。 王遣使,勞來安集之,雖鰥寡無不寧息。 厲王之 及宣

矜人,人之可憐者也。

雖 鴻鴈于飛,集于中澤。之子于垣,百堵皆作。 則劬勞,其究安宅。

集于澤也。 垣 使者所至,招來流民,使反其 ,而安處之。 故其民雖勞而不怨, 曰其終將 然後民知所止,如鴻 都邑,築其牆 鴈之

> 鴻鴈于飛,哀鳴嗸嗸。 維此哲人,謂我劬勞。

維彼愚人,謂我宣驕

民復其故居,勞而未定,如鴻鴈之嗸嗸也。

興廢補敗,不能自靖,不知者以爲宣驕耳。

鴻鴈》三章,章六句。

庭燎》,美宣王也

過矣,非所當譏也。 宣王不忘夙興,而問夜之蚤 毛氏猶謂雞 晚,足以 人不脩其 爲 無

官,故敘曰「因以箴之」,過矣。

夜如何其? 夜未央,庭燎之光。 君子至止

鸞聲將將。 對曰,夜未央,庭燎光,朝者至而聞其鸞 安於寢,而問夜之早晚,曰 央,久也。 庭燎,大燭也。

夜

如

何

矣?

則

宣王將視朝,不

夜如何其? 夜未艾,庭燎晣晣。君子至止,

鸞聲噦噦。

夜如何其? 夜鄉晨,庭燎有煇。君子至止,艾,將盡也。晣晣,明也。噦噦,徐也。

言觀其旂。

夜聞其鸞聲而已,晨則見其旂矣。至此,

然後可以視朝。

《庭燎》三章,章五句。

《沔水》,規宣王也。

嗟我兄弟,邦人諸友。莫肯念亂,誰無父母。沔彼流水,朝宗于海。鴥彼飛隼,載飛載止。

猶有所止,諸侯獨奈何肆行不顧,曾無所沔,水流滿也。 水流猶有所朝宗,而隼飛

曰,爾莫肯念救吾亂,人豈有無父母而能畏忌哉? 故告於兄弟之國與其友邦之君

生者哉? 君臣之不可廢,猶父子之不可曰,爾莫肯念救吾亂,人豈有無父母而能

去也。

念彼不蹟,載起載行。心之憂矣,不可弭忘。沔彼流水,其流湯湯。鴥彼飛隼,載飛載揚。

蹟,不循道也。 弭,止也。

湯湯,無所入也。

飛、揚,無所止也。不

鴥彼飛隼,率彼中陵。民之訛言,寧莫之懲。

我友敬矣,讒言其興。

《沔水》三章,二章章八句,一章六句。

《鶴鳴》,誨宣王也。

渚。樂彼之園,爰有樹檀,其下維蘀。它山 鶴鳴于九臯,聲聞于野。魚潛在淵,或在于 之石,可以爲錯。

其上有檀,而下有蘀,言大者之無所不容 澤,而聲聞于野,魚潛于淵,而時出於渚, 而攻玉,言世未有無用之物也。求賢者, 也。它山之石,以爲無用矣,猶可以爲錯 言物無隱而不見也。人之樂之於園者,謂 臯,澤也。 蘀,落也。 爰,曰也。 鶴鳴于深

亦猶是耳。

淵。 鶴鳴于九臯,聲聞于天。魚在于渚,或潛在 之石,可以攻玉。 樂彼之園,爰有樹檀,其下維穀。它山

穀,楮也。

《鶴鳴》二章,章九句。

詩集傳卷第十

# 詩集傳卷第十

### 祈父之什 小雅

《祈父》,刺宣王也。

祈父,予王之爪牙。胡轉予于恤,靡所止居。 祈父,司馬,掌封圻之兵、《書》作「圻父」。

宣王之末,敗於姜氏之戎,爪牙之士爲是

怨之歟? 恤,憂也。

祈父,予王之爪士。胡轉予于恤,靡所底止。 祈父,亶不聦。胡轉予于恤,有母之尸饔。

敗身没,不得還守祭祀,而使母獨主祭也。

亶,誠也。尸,主也。饔,祭食也。士憂兵

《祈父》三章、章四句。

《白駒》,大夫刺宣王也

皎皎白駒,食我場苗。 縶之維之,以永今朝。

所謂伊人,於焉逍遥。 宣王之世,賢者有不得其志而去者。君子

欲其於是逍遥。 矣,而莫或留之,何哉? 故於其去也,猶 我場,我將繁維而留之。 思之曰,白駒,人之所願乘也,苟其肯食於 逍遥,不事事也。 今賢者既已仕 雖 逍

遥,猶愈於去耳。

皎皎白駒,食我場藿。

繁之維之,以永今夕。

所謂伊人,於焉嘉客。

客,亦非執事者也。

皎皎白駒, 賁然來思。 爾公爾侯,逸豫無期。

慎爾優遊,勉爾遁思。

黄白曰賁。既去矣,而猶欲其復來,故告 **豈少哉**? 之曰,子苟來也,將待爾以公侯,其爲樂顧 曷亦慎爾優遊,而勉 爾 遁以 來

從 我 慎 , 戒也。 勉、强 也

皎皎白駒,在彼空谷。 生芻一束,其人如玉。

無 金玉爾音,而有遐心。

人之望之,如玉之絜也。 來而莫之顧,則去而入於空谷,甘於生芻 君子於是知其不

肯少留,而猶欲聞其音聲,故告之曰,無貴 爾音,而有遠去之心。愛之至也。

《白駒》四章,章六句。

《黄鳥》,刺宣王也

黄鳥黄鳥,無集于穀,無啄我粟。此邦之人,

不我肯穀。言旋言歸,復我邦族。

集木而啄粟者,鳥之性也。士之願仕於朝 去而已矣。夫去,非士之患也,使天下之 而食於禄,亦猶是矣。今而却之,彼亦有

黄鳥黄鳥 ·無集于桑,無啄我粱。此邦之人,

士從此

而逝,則人主之患也。

處。 不可 鳥,無集于栩,無啄我黍。 此邦之人,不可與 與明。 言旋言歸,復我諸父。 言旋言歸,復我諸 兄。 黄 鳥

《黄鳥》三章,章七句。

《我行其野》,刺 宣王也

我行其野,蔽芾其樗。 昏姻之故,言就爾居。

爾不我畜,復我邦家。

此詩,甥舅之諸侯求人爲王卿士,而

者之所作也。 故曰,行於野而求庇,雖 蔽

芾之樗,猶可以息於其下,而況其非樗 也

不取。 哉 ? 人君之用人,苟有益於國,將無 今王獨弃其昏姻之人而不用,何 適 而

也? 則亦歸復吾國而已。

我行其野,言采其蓤。 昏姻之故,言就 爾

不思舊姻,求爾新特。 爾不我畜,言歸斯復。 成不以富,亦祗以異。 我行其野,言采其葍。

黄

不獲

似

續妣祖

,築室百堵,西南其户。爰居爰處,

敷? 兀 遂、當,皆惡菜也。 求新特,夫苟可用,豈必新之是,而舊之非 也。 雖然,如是而獲富,可也; 成,當作「誠」。 特,匹 宣王弃其 也。 大臣,君之 姻 誠不以 舊,而

我行其野》三章,章六句。

君子攸芋。

富

,則亦祗以爲異而已。

、斯干》,宣王考室也。

考,成也

秩秩斯干,幽 兄及弟矣,式相好矣,無相猶矣。 |幽南 Щ 如竹苞矣,如松茂矣。

相好而 之密如松之茂。宣王與其兄弟居之,又皆 盛如此,則又言其下之固如竹之苞,其上 深,南山幽幽,入之而益遠。 干,澗也。猶,圖也。 無相圖者,是以居之而安也。 澗流秩秩,窮之而益 既言宫室之

爰笑爰語。

壞。 似,肖也。爰,於也。厲王之亂 宣王謀所以續其先妣先祖者,故築其 ,而宫室敗

約之閣閣,椓之橐橐。 宫室,將於是居處,於是笑語焉 風雨攸除,鳥鼠攸去,

約,縮版也。 也。橐橐,杵聲也。 閣閣,上下相乘也。 芋,大也,亦作「吁」。 椓, 椓杵 君

子於是居焉,所以爲尊且大也。

君子攸躋。 如跂斯翼,如矢斯棘,如鳥斯革,如暈斯飛,

升也。 其恭也; 而矯其翼也。 起,如鳥之驚而革也,其軒翔,如暈之飛 此章言其堂也,其嚴正,如人之跂而翼翼 白雉五色日 其廉隅,如矢之急而直也, 君子於此升而 暈。 聽朝焉。 其峻

殖殖其庭,有覺其楹。 噲噲其正 噦噦其冥。

君子 攸

明也; 噦 此 此 有覺乎,其楹之直 猶 休息而安身焉。 章言其室也,殖殖乎,其庭廡之高 晦 噦噦乎,其夜冥之深廣也。 晦」也。 也; 噲噲,猶「快快」也。 噲噲乎,其正晝 君子於 也 噦 之

吉夢維何,維熊維羆,維虺維 下莞上簟,乃安斯寢。 乃寢乃興,乃占我夢。 虵

莞,蒲也。 家脩治閒暇之極也 於其中。 起而又占其夢。 簟,竹也。 寢既 成,設莞簟 此所以知其 而 寢 或

大人占之,維熊維麗,男子之祥, 維虺維她,

女子之祥。

之祥也 熊、羆、毛物、陽之祥也。 虺、虵,鱗物,陰

其泣喤喤,朱芾斯皇,室家君王。 乃生男子, 載寢之牀 載 衣之裳,載弄之璋。

> 乃生女子, 載寢之地, 載衣之裼, 載弄之瓦。 有善, 憂,則可矣。罹,憂也 而 寢之於地,卑之也。 非無儀,唯 子朱芾,諸侯以黄朱。 非君則王也,是以皆將服朱芾,煌煌然矣。 弄之以璋,尚其德 寢之於牀,尊之也。 而無加 無 飾 非婦人也,唯酒食是議,而無遺 斯干》九章,四 也。 也。 酒食是議,無父母詒 《韓詩》作「禘」。弄之以瓦,質 儀,善也。 也。 裼,褓也,即用其所衣 衣之以裳,下之飾 章章七 子之生於是室者, 喤喤,大聲也。天 有非,非婦人也; 句, 罹 五 父母 也

無

《無羊》,宣王 考牧 也。

五句。

其犉。 誰謂 爾 爾羊來思,其角濈濈。 無羊,三百維 羣。 誰 謂 爾牛來思,其 爾 無 牛,九十

衆

乎? 息 爲 羊 濈 無 以 二件乎? 濈 三百爲羣,其羣 牛之犉者九十,非犉者 然。 呞 黄牛黑 而動,其耳濕濕 屑 一尚多 E 犉 )也,得 然。 I尚多 聚 其 爲 也 角 無 一,得 羊 而

何 或降于阿,或飲于池,或寢或訛。 蓑 牲 所以禦暑。 訛 動 無 何笠,或負其餱。 不 也。 有 何,揭也。 物,類也。 三十維物,爾 蓑,所以 異毛色者三十,故 禦 爾牧來 雨。 牲 則 笠, 具。 思,

爾牧來思,以 矜矜兢兢,不騫不崩。 則 崩 牧 人有餘力,則取其 畢來,使升 ,羣疾也。 矜矜兢兢 薪以蒸,以雌以雄。 肱 則既升,言其擾也。 臂也。 麾之以肱, 畢來既升。 堅 薪蒸,合其牝牡 升,升牢也。 强 也。 爾羊來 騫, 虧也。 一,而牧 使來 思,

牧人乃

グ,衆

魚

維旟矣。 大人占之,

卷

第

+

維 有獲 隼 牧 宫室、畜牧,而美刺不與也。 首之以征伐、田 王之《小雅》,皆以政事之大小爲先後,故 陰陽備,故爲室家溱溱。 人 魚 日 有 旟 焉,此所以爲豐年也。 矣,實維豐年。 事于陸耳,今又捕 龜 虵,陰 獵,次之以官人,又次之以 物 旐 也。 維 旟矣,室家 溱 魚于水,水陸皆 鳥 龜虵 溱, 衆也。 隼 陽 曰旐,鳥 物 溱 溱。 也。 宣

《無羊》四章,章八句。

《節南山》,家父刺幽王也

憂心 節彼 恢,燔也。 節,高峻貌 民之視尹氏如視 家父,周大夫也 如惔,不敢戲談。 南 Щ 維 卒,滅也 也 石 、巖巖。 師, 南 Щ 太師 國既 赫 言 斬 赫 也。 無 絶 卒 師 斬 不見 也 尹 尹 、 民 何 也。 監 尹 用 具 視 氏 不 爾 監 也。 也。

三七

言。然尹氏卒不知國之將亡,至於滅絶而者,皆爲之憂心如燔,特畏其威,而不敢

天方薦瘥,喪亂弘多。 節彼南 自改也。 謗讟其上。 絕者矣。是以神怒而重之以喪亂 均,而不平其心,則人之榮瘁勞佚,有大相 於其上者,無不猗猗其長也。 猶不察也 山之實,草木是也。 ,曾也。 山,有實其猗。 山之生物,其氣平均如一,凡生 然尹氏曾不懲創咨嗟,求所 民言無嘉,僭莫懲嗟 赫赫師尹,不平謂 薦,重也。 尹氏 瘥,病也。 秉國之 怨 何。 以 而

我師。 天子是毗,俾民不迷。不弔昊天,不宜空尹氏大師,維周之氐。秉國之均,四方是維。

師,衆也。尹氏居高任重,而不享天心,苟氏,本也。毗,輔也。弔,愍也。空,窮也。

又窮我衆人哉? 昊天之所不愍,則尹氏宜有罪矣,而曷爲

三八

弗躬弗親,庶民弗信。 式夷式已,無小人殆。 皆膴仕,則小人進矣。 使爲 殆,危也。膴,厚也。不身蹈之,而欲民之 仕,察也。 可欺也。曷不試平爾心,而止爾不善, 不察,欲以欺之,曰吾則能之。 信之,民不女信也。 小人之所危乎? 罔,欺也。 弗問弗仕,勿罔君子。 瑣瑣姻亞 不知而 夷,平也。 凡姻婭之人,而必 不問,不審 君子亦不 則 已,止也。 無 膴仕 無 而

君子如届,俾民 昊天不傭,降此鞠訩。 其爭心,則爲訟者之心闋矣。 不常,而 届,止也。 傭,常也。 降 闋,息也。 鞠,盈也。 此 心闋。 謗訟歟? 昊天不惠,降此大戾。 君子如夷,惡怒是違。 違,遠也。 訩,訟也。 非也。 以爲昊天不 惠,順也。 君子如止 以爲昊天

順,而降此乖戾歟? 非也。君子苟平其

心,則惡怒者遠矣。

憂心如酲 不弔昊天,亂靡有定。 之,曰 有所 病酒 政,皆轉以 日配。 止 誰 誰 秉國 禍患之生與歲月增長,君子 秉國成。 相付,其卒使民爲之受其勞弊 成,平也。 成者? 不自爲政,卒勞百姓。 式月斯生,俾民不寧。 而 天不之恤,故亂未 不務人人自治 其 憂

所騁。 駕彼四牡,四牡項領。我瞻四方,蹙蹙靡

而後已。

項領,而 畜馬者,求其行也。今雖有四牡,徒好 在上,雖有 方,蹙蹙褊 不爲 小,無 賢 用。 人者而 所施吾騁矣。 非不能 莫能容,無有爲之用 行 也 蓋 E 言 我 小 觀 j 其 四

方茂爾惡,相爾矛矣。既夷既懌,如相醻矣。

者

也。

酢者。小人喜怒之不可期如此,是以君子將相賊者視其矛矣。及其解也,如相與醻茂,勉也。相,視也。方其勉於爲惡也,如

昊天不平,我王不寧。不懲其心,覆怨其正不忍立於其側也。

尹氏猶不自懲,乃反怨人之正己者。言其昊天不平尹氏之德,●故使王不獲安。然

爲惡無有已也。

下,以觀其治否。 氏不平之故。故使之改其心,以含養天民不平之故。故使之改其心,以含養天時,窮王之所以致天下之謗訟者,曰由尹家父作誦,以究王訩。式訛爾心,以畜萬邦。

四句。《節南山》十章,六章章八句,四章章

❶ 「德」,明本作「爲」。 當是。

一三九

牙便

《正月》,大夫刺幽王也。

獨我憂之而已。 獨我憂之而已。 獨我憂之而已。 不以爲愛也, 以爲此王聽用訛言之 大之。愈、痒,皆病也。四月純陽用事,而 去也。愈、痒,皆病也。四月純陽用事,而 大也。京京,憂不 是也。訛言之害大矣,然衆不以爲憂以痒。 以為此王聽用訛言之 以為此王聽用訛言之 以為此王聽用訛言之 以為此王聽用訛言之 以為以痒。 以為以痒。 以為以痒。

何至是?使我憂心愈愈,日以益甚,而反以侮我,曰言以欺世,内爲僞言以害君子,反覆無愧,言以欺也。莠,不實也。小人傾詐,外爲美

哀我人斯,于何從禄? 瞻烏爰止,于誰憂心惸惸,念我無禄。民之無辜,并其臣僕。

之屋?

刑御民,使無所措手足哉? 飲食而無畢弋之患,烏之所止也。奈何以之曰,王視烏之所止者,誰之屋歟? 有以之时,王視烏之所止者,誰之屋歟? 有以得り,獨憂也。禄,福也。幽王刑殺無辜,

云憎? 既克有定,靡人不勝。有皇上帝,伊誰瞻彼中林,侯薪侯蒸。民今方殆,視天夢夢。

定,人未有不爲天所勝者。 侯,維也。中林之木,莫不摧毁,而 從生也。 盪,高下相傾,大小相使,此治亂禍福之所 此天理之未定故也。 蓋天地之間,陰陽相 在危殆之中,視天夢夢,若無能爲者,不知 下,大家世族散爲皂隸,亦猶是 在焉,其殘之也,甚矣! 幽王播其虐於天 方其 未定,何所 不至, 申包胥曰「人 也。 及其既 維 民方 薪 蒸

「天網恢恢,踈而不失」。 不然,天豈有所衆則勝天,天定亦能勝人」,而老子以爲

虺蜴

?

召彼故老,訊之占夢。具曰予聖,誰知烏之謂山蓋卑,爲岡爲陵。民之訛言,寧莫之懲。

憎

而禍之耶?

適當其未定故耳

雌

雄

之雌 人謂 罪 Ш 以占夢, 曰予既聖矣, 安所復問得失? 言之人,豈可以爲無害,而莫之懲乎? 所 臣皆自謂聖人,譬如烏之雌雄也。 王曾不以是爲慮。老成之人徒召而訊 險阻 爲 爲 雄,形 未 卑,而爲岡 山之卑者,爲岡陵而已,意其不能 足,而 ,然岡、陵未嘗不爲 色無辨,人莫能知之。 又加之也 陵於其 上,譬如讒人,以 難 也。 或日 幽 譬 王 如 以 君 烏 之 然 訛 有

謂 維 天 號 蓋 斯 高,不敢不局。 言 有 倫 有 脊。 謂 地 哀今之人,胡爲 蓋厚,不敢不蹐

> 也。 局, 厚,不敢不蹐,畏其傷之也。 慎,未嘗敢肆。 曲 蜴,蜥 也。 蜴 蹐, 重 也 天雖高,不敢不局, 足也 君子之處 倫, 於世,小心 道 夫爲此言,則 也。 脊, 地 雖 畏 理

人,胡敢爲虺蜴之行,曾無所畏哉!過矣。然亦有倫理,非妄言也。哀今之

彼求我則,如不我得。 瞻彼阪田 由聖。」 未 仇 法也,如恐失我耳。及與之終日相 之如恐不勝者。 困於群小,譬如 扤 見 相 ,動也。仇仇,偶也。君子仕於亂 偶,曾不力 聖,若不 ,有菀其特。 克 用 特苗之生於阪 故尤之曰,方其求我以 見。 我 天之抓我,如 執我仇仇,亦不 也。 既 《書》曰 見聖, 田 亦 :「凡人 不 風 執、仇 世, -我力。 我 不 雨 克 克 爲 而 動

心之憂矣,如或結之。今茲之正,胡然厲

四

集 傳

矣 ? 姒威之。 燎之方揚,寧或滅之? 赫赫宗周, 襃

「正」、「政」通。 厲,惡也。 襃,國 也。 姒,

屢 載 終其永懷,又窘陰雨。 不至。 顧 輸 其僕,以求不墮其載。 則 故 陰 子永思其終,知其又將有大難,故曰「又窘 妣 輔,所以助輻者也。 姓也,幽王之嬖后也。 雨 無及矣,故教之以無棄其輔,益其 曰「乃棄爾輔」。 爾僕,不輸爾載。 「終踰絶險,曾是不意」。 王日爲淫虐,譬如 爾載,將伯助予。 」。幽王不虞難之將至,而棄賢臣焉, 苟其載之既墮,而後號伯以助予, 君子求助於未危 行險而 其車既載,乃弃爾輔 輸,墮也。 終踰絶險,曾是不意。 無棄爾輔,負于 威,亦滅也 告之而不信,故又 不知止者。 負,益也 (輻,顧 放難 爾 輻 君

憂心慘慘,念國之爲虐。

君子立於衰亂之朝,譬如魚之在沼,非其

彼有旨酒,又有嘉肴。 所樂,雖欲潛伏,而無以自蔽矣。 治比其鄰,昏姻孔云。

念我獨兮,憂心慇慇。 其鄰比昏姻,相與膠固爲一,而君子孑然 云,旋也。慇慇,痛也。小人以利相求,故

無朋也

佌佌彼有屋,蔌蔌方有穀。 民今之無禄,天

夭是椓。 者有居, 蔌蔌者有禄,小 **佌仳**,小也。蔌蔌,陋也。 哿矣富人,哀此惸獨。 人得志之謂 哿,可也。 佌佌

猶可勝 也, 惸獨甚矣。

民方無福

,故天之夭孽並

出而椓喪之。

富

也。

六句。 《正月》十三章,八章章八句,五章章

魚在于沼,亦匪克樂。潛雖伏矣,亦孔之炤。

曰

四二

詩也。 王也。 可 ? 鄭桓不 苟毛公誠改詩第,則他師將不肯信。 事,褒姒以色居位,●謂之艷妻,其誰曰不 使幽王之世,師尹、皇甫、番與鄭桓先後在 皇父不得並政,褒姒、豔妻不得偕寵,番與 之耳。其言此詩所以非幽王者,曰 交》、《雨無正》、《小旻》、《小宛》皆厲王之 小雅》無厲王之詩,鄭氏以爲《十月之 韓詩》之次與《毛詩》合,此足以明其非厲 且漢之諸儒、異師相攻、甚於仇讎。 毛公作《詁訓傳》,而遷其第,因改 ·得同位,此其所挾以爲厲王者也。 師尹 而

月爲純陰,故謂之陽月。純陽而食,陽弱月爲純陰,故謂之陽月。純陽而食,陽微而陰乘之也,交而不食者。交而食,陽微而陰乘之也,交而不食者。交而食,陽微而陰乘之也,交而不食者。交而食,陽微而陰乘之也,交而不食者。交而食,陽微而陰乘之也,交而不食,陽盛而陰不能掩也,故謂之陽月。純陽而食,陽弱

行,道也。 彼月而食,則維其常。此日而食,于何不臧。日月告凶,不用其行。四國無政,不用其良。

令,善也。山頂曰冢。崒,崔嵬也。高岸爲谷,深谷爲陵。哀今之人,胡憯莫懲。爗爗震電,不寧不令。百川沸騰,山冢崒崩。

聚子内史,蹶維趣馬,楀維師氏,艷妻煽皇父卿士,番維司徒,家伯維宰,仲允膳夫,

❶ 「居」下,明本有「正」字。

卷第十

彼月而微,此日而微。

今此下民,亦孔之哀。

食,天變之大者也。

然正陽之月,古尤

夏之四月爲純陽,故謂之正月。

十月之交,朔日辛卯。日有食之,亦孔之醜。

方

處

氏。 伯維宰」,未詳何宰也。 士目之。《周禮》有太宰、小宰、宰夫,「家 六人各有常官,而皇父兼擅羣職,故以 襃姒之黨,故及其 皇父、家伯、仲允,皆字。番、棸、蹶、楀 艷妻,褒姒也。 熾, 煽,熾也。 而並 虚處 七人者,皆 於位。 。 皆 卿 然

民富者,乃有車

馬

耳。

徹 抑此皇父,豈曰不時。 嘗殘 也。 也。 我牆屋,田卒汙萊。 時 是也。 民,禮則當然矣。 作而害民,民怨之矣,然猶曰,予未 皇父不知爲政,然未嘗自謂我 下荒則汙,上荒則 胡爲我作,不即我 曰予不戕,禮則然矣。 萊。 戕,殘 不 謀。 · 是

徂向。 不憗遺一老,俾守我王。擇有車馬,以居皇父孔聖,作都于向。擇三有事,亶侯多藏。

向,皇父邑也。亶,信也。侯,維也。憗,

卿,信 之老與其富民無不從者,言恣而且貪也 强 也 維多藏之人耳。 皇 父 自 謂 聖 矣, 以 然 卿 其 士: 建 出 國 封, 而 擇三 而周

四

四

下 黽 專也。 此者 囂 民之孽,匪降自天。 勉從事,不敢告勞。 噂噂沓沓,多言以 告勞乎? 故曰下民之孽,非天之所爲也。 囂,衆也。 人也,而豈天哉? 競,力也。 噂,聚. 無罪 相説,而背相憎,專力爲 也。 噂沓背憎,職 無罪 猶 沓,重 無辜,讒 且 見 讒,而 複 也。 競 口 「囂囂。 由 況敢 職,

**俲我友自逸。** 民莫不逸,我獨不敢休。天命不徹,我不敢悠悠我里,亦孔之痗。四方有羨,我獨居憂。

里,居也。痗,病也。羡,餘也。徹,通也。

● 「及」,明本作「極」。

之自逸,所謂知其不可而爲之者也。 天命之不通,我知之矣。然而不敢効其友

《十月之交》八章,章八句。

《雨無正》,大夫刺幽王也。

若此無罪,淪胥以鋪。 昊天疾威,弗慮弗圖。舍彼有罪,既伏其辜。浩浩昊天,不駿其德。降喪饑饉,斬伐四國。

此 無罪,而使之相與陷溺,無不徧焉,何 者,則既伏其辜矣,置而 之迅烈 然其若無窮者,奈何不長其德,既已生之, 者 鋪 駿 而又降喪亂饑饉,以 "長也。 其 ,徧也。 無所歸 所 以 ,曾弗之慮 爲《 咎, 曰天實爲之。天之生物, 浩 幽王之亂,民之無罪,而被禍災 舍,置也。 雨 無 然正》也 而 斬伐之哉? 弗之圖乎? 淪,陷也。 勿疑,可 雨之至也,不擇 也 胥,相也 豈天怒 彼 也? 若此 有 罪

> 勚。 周宗既滅,靡所 朝夕。庶曰式臧,覆出爲惡。 雨,而 哉 ? 善惡 達,故序以 受雨之無不 三事大夫,莫肯夙 而 此 非 雨焉。 所 所以爲政,此則是詩之所不及也。 以 爲「雨自上下者」也。 被 戾 爲《 幽王之世,民之受禍者, 也。 止。 雨 夫雨, 豈嘗 無 夜。 正大夫離 IE **>** 邦君諸 也 居,莫知我 有 而 侯,莫肯 衆 所 毛 《多如 氏 Œ 不 雨 如

勩,勞也。 惡,而不知已。 君子庶幾 離散,獨三公諸侯 長者也。 周宗,姬姓之宗也。 三事大夫,三公也。 E 幽王暴虐無親,宗族破滅,大夫 以 是 懼 在耳,而 正大夫,大夫之爲官 而 爲 善 亦 □, ●然 無肯勤王者。 戾,定也。 反 益爲

如何昊天,辟言不信。如彼行邁,則靡所臻。

● 「子」下,明本有「曰」字。

凡百君子,各敬爾身。 之者衆,王猶可得免耳。 憂之,則又告其群臣,使皆敬其身,庶幾輔 人恣行而忘反,我不知其 之曰,奈何哉法度之言,王終莫肯信者,如 辟,法也。 幽王日益不悛,君子呼天而告 胡不相畏,不畏于天。 所至矣。 既已

凡百君子,莫肯用訊。 戎成不退,飢成不遂。 以道聽之言而求其答之,譖愬之言而求其 御之臣憂之耳,群臣莫以告王者,徒告之 勢之所不免,而禍之必至者也。 既成,王雖欲進 不解,民且不能稼,則又將 成,王雖欲退 君子知其將有兵難,故憂之曰,苟兵難既 不能遂。」暬御,侍御 戎,兵也。遂,進也。 而休之,不可得矣。 而攘之,亦不可得矣。 曾我暬御,慘慘日瘁。 聽言則答,譖言則退。 也。 《易》曰: 幽王陵虐天下, 有飢患。 「不能 然獨 兵連 其侍 飢 退, 此 患 而

退之耳。

言,巧言如流,俾躬 哀哉不能言,匪舌是出,維躬是瘁。 處休 哿矣能

常可人意者,倭人之言也,此世所謂 言之忠者,世之所謂不能言也。 哿,可也。

能

子。 維 · 曰于仕, 孔棘且殆。 云不可使, 得罪于天 亦云可使,怨及朋友。

言也

也。 所謂不可使,而枉道者,王之所謂 且 于,往也。 友,此仕之所以 危也,何者? 直道者得罪 人皆曰往仕耳,曾不知仕 難 幽王之世,直道者,王之 于君,而枉道者見怨於 也 可使 一之急

謂 無言不疾。 爾遷于王都,曰余未有室家。 昔爾出 居,誰從作爾 室? 鼠思、 泣 . Ш

者不忍王之無臣與己之無徒也,則告之使 仕之多患也,故君子有去者,有居者。

復遷於王都。去者不聽,而以無家辭之。 定,無與和之者。故詰之曰,昔爾之去也, 誰爲爾作室者?而今以是辭我哉! 《雨無正》七章,二章章十句,二章章八句,三章章六句。

# 詩集傳卷第十二

### 小旻之什 小雅

(小旻》,大夫刺幽王也。

《小旻》、《小宛》、《小弁》、《小明》四詩皆以 子刪之矣。 旻》、《大明》。獨《宛》、《弁》闕焉,意者孔 小,蓋即用其舊也。 雅》者,謂之小,故其在《大雅》者,謂之《召 小名篇,所以別其爲《小雅》也。 雖去其大,而其小者猶謂之 其 在《小

謀臧不從,不臧覆用。 旻天疾威,敷于下土。 謀猶回遹,何日斯沮。 敷 ,布也。 回,邪也。 我視謀猶 遹,辟也。 ,亦孔之邛。 沮,止也。

> 邛,病. 也。 言天禍迅烈,遍於下矣,而王之

邪謀,終莫之改也

**渝** 渝 渝 訛 謀之不臧,則具是依。 訿,亦孔之哀。 謀之其臧,則具 我視謀猶 ,伊于胡底。 (是違。

潝潝,言相和 也。訿訿,言相詆 也。 底,至

也。 「伊于胡 底」,未 有所定也

發言盈庭,誰敢執其咎? 如匪行邁謀,是用

我龜既厭,不我告猶。謀夫孔多,是用不集。

不得于道。

獨。 譬如欲行,而不先爲行邁之謀,隨 行,是以終不得其道。 之者,故其功不成,故曰謀之在多,斷之在 卜筮數,故龜瀆而不告。 盈庭皆言,尚 誰 敢指其是非者 謀者多無斷而行 人 而妄 哉

言是聽,維邇 哀哉爲猶,匪 言是爭。 先民是程,匪大猶是經。 如彼築室于道謀,是 維 濔 徒

搏

日

暴虎,徒涉曰馮河。小人智慮不能

用不潰于成。

焉,是以不能遂成也。道,而與行道之人謀之,人心不同而皆聽程,法也。經,常也。潰,遂也。築室于

或肅或艾。如彼泉流,無淪胥以敗。國雖靡止,或聖或否。民雖靡膴,或哲或謀,

如是矣。

用,而使愚者壅之於上,則相與皆敗,無能用之,愚者可賴以皆濟也,苟廢而不事」也。雖世亂民辟,猶有賢者在焉。苟也。肅、艾、哲、謀、聖五者,《書》之「五止,定也。政淫,則民德無所定。膴,大止,定也。政淫,則民德無所定。膴,大

其流者,亦相與陷溺,腐敗而已矣。者從之而行,苟不疏其源,而瀦畜之,雖能爲矣。譬如泉水,苟疏而流之,則淤腐

戰戰兢兢,如臨深淵,如履薄冰。不敢暴虎,不敢馮河。人知其一,莫知其他。

及遠, 冰。」臨淵恐墜,而履冰恐陷,善爲國者,常 也。故曰:「戰戰兢兢,如臨深淵,如履 之, 喪國亡家之禍,遠在歲月,而 暴虎馮 河之患,近 在 目 前 不 則 知 知 薄 憂 避

七句。《小旻》六章,三章章八句,三章章

《小宛》,大夫刺幽王也。

明發不寐,有懷二人。宛彼鳴鳩,翰飛戾天。我心憂傷,念昔先人。

文、武、哀其業之將墜也。 難矣! 是故君子憂傷,而念其先王,有懷天,難矣! 小人而責其繼文、武之功,亦 旦也。二人,文、武也。宛然鳴鳩而求戾

人之齊聖,飲酒温克。彼昏不知,一醉日富。

一四九

各敬 爾 儀 天 命不 又。

齊,正也。 克,勝也。 彼昏,斥幽 王 也。

中原有菽,庶民采之。 又,復也。天命之去人,不復反也 螟蛉有子,蜾蠃 負之。

教誨 爾子,式穀似之。

下之衆爲王有邪? 蜾蠃負之以爲己子,無難也。 菽生中原,民無 菽,藿也。 螟蛉,桑蟲也。 有不獲采者。 亦將有取而教誨之 蜾蠃,蒲盧 今王豈以天 螟蛉之子, 也。

題彼脊令,載飛載鳴。 夙興夜寐,無忝爾所生 我日斯邁,而月斯征。

者矣。

於事不舍日月者,以自況也。 題,視也。 脊令飛 鳴 不能 自舍,君子之勤 故告王以夙

夜勉强,庶幾不忝其父祖

握粟出卜,自何能穀。 交交桑扈 ,率場啄粟。 哀我填寡,宜岸宜獄。

之何。

亦獄 能 也固宜。 世,而填盡寡弱無以行賂,則其陷 食粟,雖欲食而不可得也。 君子之不爲不義,出於其性,猶竊脂之不 桑 食穀哉? 扈 也。 竊 脂 曷不握粟而往試之,彼桑扈何自 卜,予也。 也 0 率, 循 或曰,卜之言試 也。 特以其 填 盡 也。 於岸 居 於亂 也。 岸, 獄

谷。 温 温 戰戰兢兢,如履 恭人,如集于木。 薄 冰 惴惴 小心, 如

此 君子遭亂,憂懼之辭 也。

小宛》六章,章六句。

^ 小弁》,刺幽王 也

弁彼鸒斯,歸飛提提。 何辜于天,我 《毛詩》之序曰: 罪 伊 「太子之傅作焉。」 · 何 ? 民莫不穀,我獨 心之憂矣,云如

于罹。

五〇

臨

干

憂也。 之。 姒, 弁,樂 訴 子獨不容於王,曾彼之不若,是以號 之也。 而好羣。 生子伯服,立以 鳥猶不失 也。 幽王娶于申,生太子宜咎。 提提,羣貌也。 卑居; 其類,民猶莫不相 爲后,而放宜 卑居,雅 穀,養 烏 養, 咎, 也, 也 又愛襃 天 而 將 雅 罹 M 太 殺 烏

踧 假 踧 寐 鞠 踧 也 下之所共由。今獨廢而不行,故其憂之深 周道 永歎,維憂用老。 踧,平易 ,窮也。 怒,思也。 ,鞠爲茂草。 夫婦之相安,父子之相愛,亦天 也。 疢,病也 岐 周之道,道之平者也。 心之憂矣, 疢如 我心憂傷,怒焉 疾 如 首 擣

不 維 屬、離 桑與梓,必恭敬止。 屬于毛,不離于裏。天之生我,我辰安在 而 不斃 ,皆附也。 ,見父母之所植 辰 ,日月所會也 靡瞻匪父,靡依 ,猶不敢不敬,況於 桑梓久 匪 母。

> 不善哉? 愛,豈我 父母之無 獨 不 何不祥至是也 無 瞻 所 依 離 也 屬 乎 哉 ? ! ? 不然,我生之辰 然 父 母之不我

菀彼柳 譬彼舟流,不 使漂然如無繫之舟,不知其所極也。 物之大者,無所不容。 淠,多也。 蜩 蟬也。 斯 鳴 ·知所 蜩 柳茂則 嗤 """" 嘒 嘒。 届。 多 也。 心之憂矣,不遑假 有漼者淵, 雈葦淠淠。 蟬 淵 而王獨不容其子, 漼,深貌 深則 多葦。 也。 寐 淠

臂彼壞木,疾用無枝。 鹿斯之奔,維足伎伎。 不可 曾莫之顧 獨 鳴 伎伎,舒也。 育后 而 大,非 求其雌 而 何也? 逐太子,兀然如壞木之無枝,而 獨 ,物無不有恩於其親者。 雊,鳴也。 以其愛,亦以 心之憂矣,寧莫之知 雉之朝 鹿走而留其羣,雉 其 雊 助 ,尚求 也。 其 親之 雌

相彼投兔,尚或先之。行有死人,尚或墐之。

君子秉 也。行,道也。墐,瘞也。君子,幽王也。 視也。投,掩也。 心, 維 其忍之。 心之憂矣,涕既隕之。 先,先投者而覺之

伐木掎矣,析薪杝矣。 君子信讒,如或醻之。 王之遇太子,曾伐木、析薪之不若。 太子 其顛,析薪者隨其理,猶不欲其摧敗。 太子失愛於幽王,有讒之者,則受而行之, 無罪,而妄加之也。 不復徐究,如獻酬之無不受也。 舍彼有罪,予之佗矣。 佗,加也。 君子不惠,不舒究之。 伐木者掎

于垣。 莫高 一我後。 匪 無逝我梁,無發我笱。 山,莫浚匪泉。 君子無易由言,耳屬 我躬不閱,遑

弔,何也?

恤

垣,而聽之者矣。 言,豈謂 之,泉深矣,而人猶入之。今王 浚,深也。 人莫 由,從也。 獲 知之歟? 既 以此告王,又恐 山高 矣,而 將 有 屬 輕 人 猶 耳 用 襃 于 讒 登

> 笱,猶《谷風》之義也。 《小弁》八章,章八句。

姒、

伯服

之害其成業,故

告

之

以 無

敗

Ŧī.

《巧言》,刺幽王也

昊天已威,予慎無罪。 悠悠昊天, 曰父母且。 幠,大也。已、泰,皆甚也。 政已甚虐矣,亂已甚大矣,予無罪,而 父母,❶然今我無罪,而遭此大亂,何 子困於讒人,故訴之於天曰,天之於人曰 無罪無辜,亂如此幠。 昊天泰幠,予慎 慎, 謹也。 無 也? 君

亂之初生,僭始既涵。 君子如怒,亂庶 僭,不信也。 **巡**遇。 涵,容也。 君子如 亂之又生,君子信讒。 祉,福 祉 亂 也。 庶 遄,疾 遄

人之。 也。 誅戮也哉 螫。」成王、周公之釁,比王之悟,亦嘗有所 事,則亂猶庶幾可止也。《小毖》之頌 君 後亂成。 知言之無忌,於是復進。 予其懲而毖後患。 一日覺悟,大有所誅賞,如楚莊、齊威之 沮,止 其始也,進而嘗之,君容之而不拒 君子以爲不幸而至此矣。若人 也。 小人爲讒於 莫予荓蜂,自求 既而君信之,然 其 (君,必 E. 以 辛 漸

盗言孔甘, 亂是用餤。 君子屢盟,亂是用長。 恣 隱,衆莫知也,而君遂信之,此小人之所以 之之謂也。 相要,此亂之所以日長也。 臣 春秋之際,君臣相 行也 ,利在不究其實,君遂從之,而徒 餤,進也。 讒人之誣君子曰,吾能 疑則 匪具 君子信盜,亂是用暴。 讒人之言,必有以 盟。讒人搆 止共,維王之邛。 盜者,伏 以 盟 其君 得 而 悦 其 得 誓

> 其位,維爲讒以病王也。 進也。止,職也。邛,病也。言小人不守人者,人君而味於甘言,此小人之所以獲

他人有心,子忖度之。 奕奕寢廟,君子作之。 度也。 也、「秩秩大猷」、天下之達道也。居天 毚,狡兔也。「奕奕寢廟」,天下之正 己耳目哉? 之而至者。 之正居,行天下之達道,他人之心可得 奕奕,大也。 於前矣。安用旁窺 雖有毚兔行於隱伏,將有 苟守吾正 秩秩,有叙也。莫,定也。 秩秩大猷,聖人莫之。 躍躍毚兔,遇犬獲之。 而 竊伺之,以讒人爲 ,則天下之情 爲 畢 我 下 居 見 獲 illi

子數之。往可行也,來不可行也,君子不木之可揉者,君子樹之,言之可行者,君蛇蛇碩言,出自口矣。巧言如簧,顔之厚矣。在染柔木,君子樹之。往來行言,心焉數之。

也。 中未必不愧也。 而已,中無有也。 用 也 今小人蛇蛇然徐爲大言,徒出於其 來 可 行 也 往往 巧言如簧,顔雖甚厚,其 不可 行 也, 君 子 不 由

既微且尰,爾勇伊何? 爲猶將多,爾居徒彼何人斯,居河之麋。無拳無勇,職爲亂階。

幾何?

也 骭 時有是人也。 瘍 其謀既大且多 爲 巧言》六章,章八句。 微 腫 足爲 水草之交曰麋。 ,其徒幾 尰。 猶,謀 何 而能然哉? 也。 拳,力也。 將,大

《何人斯》,蘇公刺暴公也。

彼何人斯,其心孔艱。胡逝我梁,不入我門。

伊誰云從,維暴之云。

公,蘇公之友有與偕譖之者,從之以過蘇艱,嶮也。梁,橋也。暴公爲卿士而譖蘇

暴公也。以暴公爲不足刺,而刺何人,則亦所以刺曰「刺暴公」者,譖出於暴公而何人與焉。公而不入見,故并譏之。此詩主言何人而

台耸下巾外,云下战丁。二人從行,誰爲此禍。胡逝我梁,不入唁我。

始謂我可,而今謂我不可也。始者不如今,云不我可。

不愧于人,不畏于天。 彼何人斯,胡逝我陳。我聞其聲,不見其身。

陳,堂塗也。

胡逝我梁,祗攪我心。 彼何人斯,其爲飄風。胡不自北,胡不自南。

飄風,暴風。言其去之速也。

爾之安行,亦不遑舍。爾之亟行,遑脂爾車。

壹者之來,云何其盱。

車矣。反覆究之,而不得其情,故曰一來时,病也。安行則當止舍,速行則不暇脂

見我,於女何病哉?

爾還而入,我心易也。還而不入,否難知也。

壹者之來,俾我祗也。

易,悦也。祗,安也。

伯氏吹壎,仲氏吹箎。及爾如貫,諒不我知。

出此三物,以詛爾斯。

知,而譖我哉? 苟誠不我知也,則出犬、箎,勢相次比,如物之在貫。女豈誠不我土曰壎,竹曰箎。與女義如兄弟,和如壎

豕、雞三物以詛之可也。

爲鬼爲蜮,則不可得。有靦面目,視人罔極。

作此好歌,以極反側。

皆能陰害人,而不可見。今與女相視無蜮,短狐也。靦,姑也。姑,醜也。鬼、蜮,

窮,奈何爲此禍哉?

《何人斯》八章,章六句。

《巷伯》,刺幽王也。

巷伯,寺人也。

萋兮 斐兮,成是 貝錦。彼譖人者,亦已

太甚!

讓人之構君子,其所以集成其罪者,猶織萋、斐,文相錯也。貝錦,錦之貝文者也。

者縷縷相錯以成爲錦也。

形而命之耳。瀺人之巫君子,亦必因其近哆、侈,皆張也。南箕,非箕也,因其有是哆兮侈兮,成是南箕。彼譖人者,誰適與謀。

似而遂名之。斯人自謂辟嫌之不審也。形而命之耳。讒人之誣君子,亦必因其近

捷捷幡幡,謀欲譖言。豈不爾受,既其爾遷。

人處,苟與之誠言,夫豈不受哉? 既而改捷捷幡幡,亦多言貌也。遷,改也。與讒

五五五

Ŧi. 六

之,以告人

驕人好好,勞人草草。 蒼天蒼天,視彼驕人,

矜此勞人。

好好,樂也。 草草 ,憂也。

豺虎不食,投畀有北; 彼譖人者,誰適與謀。 有北不受,投畀有昊。 取彼譖人,投畀豺虎。

凡百君子,敬而聽之。

楊園之道,猗于畝丘。

寺人孟子,作爲此詩。

作,起也。 楊園,園名也。畝丘,丘名也。猗,加也。 將之楊園,其道必從畝丘 一,以言

爲此詩,以告君子,使皆聽之以自防也。 讒 人欲譖大臣,亦自小臣始。是以孟子起

巷伯》七章,四章章四句,一章五句, 章八句,一章六句。

谷風》,刺 幽 王 也

習習谷風,維風及雨。 將恐將懼,維予與女。

> 將 安將樂,女轉 2棄予。

風 雨 之相須,猶朋友之相濟。 幽王之世,

天下俗薄,朋友窮達相棄,故以刺焉。

將安將樂,棄予如遺

習習谷風,維風

了及頹。

將恐將懼,真予于懷。

友之相將也。

頹,風之焚輪者。

風薄相扶而上,亦猶朋

習習谷風,維山崔嵬。 無草不死,無木不萎。

忘我大德,思我小怨。

草木之所以養也。 習習之風,草木之所以生也, 大德,而獨思我小怨哉? 不萎者,天地之功猶有所不足,奈何忘我 然不能使草不死、木 崔嵬之山,

谷風》三章,章六句。

蓼莪》,刺 幽 王 也

蓼蓼者莪,匪莪伊蒿。 哀哀父母,生我劬勞。

遭喪,哀其父母生己之勞,而養不終,如采者,將賴其養也。幽王之世,孝子行役而蒿不可食。采莪者將以食之,譬如生子蓼蓼,長大貌。莪,羅蒿也。羅蒿可食,而

蓼蓼者莪,匪莪伊蔚。 哀哀父母,生我勞瘁。

莪者之得蒿也

蔚,牡菣也。

缾之罄矣,維罍之恥。鮮民之生,不如死之

者,以爲不如死也。善也。人皆以生爲善,孝子之不獲終養善也。人皆以生爲善,亦上之恥也。鮮,缺八而罍大,使缾至於罄者,罍之恥也。

顧我復我,出入腹我。欲報之德,昊天罔極。父兮生我,母兮鞠我。拊我畜我,長我育我,恤,憂也。入而不見,則若無所至也。無父何怙,無母何恃。出則銜恤,入則靡至。

鞠,養也。腹,厚也。

疾也。穀,養也。卒,終也。 烈烈、律律,其可惡也,發發、弗弗,其可 虐政之病人,如大寒之視南山而聞飄風。 南山律律,飄風弗弗。民莫不穀,我獨不卒。 南山烈烈,飄風發發。民莫不穀,我獨何害。

《蓼莪》六章,四章章四句,二章章

八句。

《大東》,刺亂也。

有饛簋飱,有捄棘匕。 君子所履,小人所視。 《毛詩》之序曰: 饛,滿也。 足,其簋之飨饛然,其鼎之匕捄然。 重,下國困竭。 所以載鼎實也。 飱,熟食也。 君子思先王之世,諸侯 「譚大夫之所作也。」 幽 睠言顧之, 潜焉出涕。 周道如砥,其直如矢。 王不恤諸侯,賦 捄,長也。 棘 當是 役繁 匕 富

幽王,而遂不然,是以顧之而出涕也。今之君子猶及行之,小人猶及見之。至於時也,周之所以取於諸侯者,平均正直,凡

佻佻公子,行彼周行。 小東大東, 杼軸其空。 之也。 行於周道矣。 糾 竭其所 葛屨,則 人之杼軸空矣。然周人猶莫之恤,曰 自周視諸侯,皆東也。 糾,疏貌 有以往,盡輸之以來,而中心 可使履霜矣; 也。 公子,國之貴也。 佻佻,獨行 既往既來,使我心疚。 糾糾葛屨,可以 小、大皆取於東,東 猶有公子,則 也。 既,盡 於是 履霜 猶 列則 可 也。 有 病 盡 使

薪 有例氿泉,無 冽, 而 憂苦也。 復浸之,則腐,民已勞矣,而復事之,則 穫薪,尚 寒也。 憚,亦作「癉」,勞也。 側 |可載 浸穫薪。 出 也。 曰 沈 泉。 哀我憚人,亦可息也。 契契寤歎,哀我憚人。 穫,艾也。 薪已艾矣, 契契,

> 庶其息而安之。 病。故已艾,則庶其載而畜之,已勞,則

Ŧī.

來,勞來也。言勞佚之不平也。 東人之子,職勞不來。西人之子,粲粲衣服。

或以其酒,不以其漿。 舟人之子,熊羆是裘。私人之子,百僚是試 過人 也。 未必賢也。故曰雖則佩玉盛服,而非 其所職也。 言紀綱敗壞,無不失其舊也 舟人水居,而服熊羆之裘,所服 有醉於其酒者,有不得其漿者,然其所 也。 私人無籍於王室,而試百官,所 鞙 鞙 佩 玉 一貌 鞙鞙佩璲,不以其長。 也。 璲 瑞 非 也 其 其長 事 所 厚 非

挹酒漿。 東有 維 雖則七襄,不成報章。 維天有漢、監亦有 南 啓明,西有 有箕,不 維南有箕,載翕其舌。 可 長庚。 以 光。 簸 揚。 跂彼織 睆彼牽牛,不以 有捄天畢 維 北 女,終日七 有 ·, 載 維 斗,不 北 施之行。 有斗, 服 可以 箱

西柄之揭。

耳。 太白也。 也,西而不東,此所謂不成報章也。言東 其緯往而復反,此所謂報章也。 星之駕 七辰,辰一移,此所謂七駕也。 報章」。跂,隅貌也。襄,駕也。 察之。其言王雖在上,而 君子告窮,而 無 曰「東有啓明,西有長庚」。 曰「睆彼牽牛,不以服箱」,以爲維是獲免 人盡其車牛,以輸其職貢,勞弊於道路,則 人空其杼軸 維天有漢,監亦有光」。監,視也。 所用 「跂彼織女,終日七襄。 兩較 睆,明也。 之,則曰「有 間 言東人飲食既竭,雖有其器,而 也。 而 不敢 輸之王,王 牽牛,河鼓也。服,較也。 言王之百役皆取於東,則 正言,故爲 捄天畢,載施之行」。 無 曾無以報之, 雖則七襄,不成 啓明、長庚,皆 能明者,則 隱 人之織也, 焉 自旦至莫 前 言東 使 則 日 自

> 合也。 北有 已破 實揭其柄。 勞苦而爲之,西人暇豫而取之,則 無其實,則曰「維南有箕,載翕其舌」。翕, 畢,所以掩 有斗,西柄之揭」。斗,雖北之有也,而 弊 斗,不可 有箕而合其舌,無 則 日 捕 柄者,所操以取也。 以挹酒漿」。 「維南· 鳥獸也。 有箕,不可以 言其器雖 所揚也。言 言徒有其器,而 簸揚 四「維 在,而 東人 皆 維 西

《大東》七章,章八句。

忍予? 四月維夏,六月徂暑。《四月》,大夫刺幽王也。

先

祖

匪人,胡

於是! 言周之治世未幾 徂,往也。 傷生於亂世,曰 此所謂 四 月始夏,而 窮則反本。 先祖非人哉? 而 亂作也。 六月暑 「浩浩昊天,不 是以君子自 而忍生我 遂 往 矣。

五九

言幽王暴而剥下,下無完民也。 取焉,是以廢爲殘賊,而莫知其所以獲罪。梅、栗,有實之木也。 人以其有實也,朝夕山有嘉卉,侯栗侯梅。 廢爲殘賊,莫知其尤。

穀? 滔滔江漢,南國之紀。盡瘁以仕,寧莫相彼泉水,載清載濁。我日構禍,曷云能

我

有

王失道,諸侯放恣,天下治亂莫能相一,亦一泉之水無以紀之,則清濁不可常矣。幽

之者。 以 所宗,而人有 日構亂,而安能善彼哉? 猶是也。 紀 諸 侯,如江漢之紀衆水,使天 夫欲治是也,必先自治。 所賴,盡 瘁以仕,而 是以 思得王 上有有 下 今我 或 者 尚 有

鶉,鵰 鶉匪鳶,翰飛戾天。 故大夫有退 有蕨薇, 隰有杞桋。 其身也。 者,作此詩以告其哀憐天下之志,非以爲 逃散,非鶉非鳶而高飛,非鱣非 也。 桋或作 而 食蕨薇、甘 :「荑」。 匪鱣 君子作歌,維以告哀。 匪 幽王之亂,天下 杞 鮪,潛逃于淵。 夷 鮪 以 而 免 深潛。 於禍

山

匪

《四月》八章,章四句。

詩集傳卷第十二

# 詩集傳卷第十二

### 北山之什 小雅

乳 山》,大夫刺 幽 王 也。

陟彼北 山,言采其杞。 偕偕士子,朝夕從事

王事靡盬,憂我父母。

此 |説與《杕杜》同。 偕偕,强壯貌

溥天之下,莫非王土; 大夫不均,我從事獨賢。 率土之濱,莫非王臣。

賢,過人也。

四牡彭彭,王事傍傍。 嘉我未老,鮮我方將。

旅力方剛,經營四方。

嘉、鮮,皆善也。 將,壯也。

或燕 燕居 息,或盡 國。 或偃息在床,或

> 遲偃仰,或王事鞅掌。 不已于行。 或不知叫號,或慘慘劬勞。

> > 或棲

鞅掌,失容也

或湛樂飲酒,或慘慘畏咎。 或出入風議,或

靡 事不爲。

北 山 六章, 三章章

 $\Rightarrow$ 

六

句,

Ξ

章

四 句。

《無將大車》,大夫悔將小人也。 無將大車,祗自塵兮。 無思百憂,祗自疧兮。

之",思百憂,則 大車,牛車也。底,病也。 病及之。 將大車 譬如任小人者 ,則塵汙

患及其身,亦不可逃也。

無將大車,維塵冥冥。 無思百憂,不出于頻。

類,光也

無將大車,維塵雝兮。 無思百憂,祗自重兮。

雝 、蔽也。 重,累也

無將大車》三章,章四 句。

《小明》,大夫悔仕於亂世也。

明明上天,照臨下土。我征徂西,至于艽野。 念彼共人,涕零如雨。 二月初吉,載離寒暑。 心之憂矣,其毒大苦。 豈不懷歸。 畏此

罪罟。

不暇。念彼共人, 睠睠懷顧。 莫。念我獨兮,我事孔庶。心之憂矣,憚我 昔我往矣,日月方除。曷云其還? 也。 臨。 寒暑」則冬矣,是以思有共德之人而事之。 大夫行役,久勞而不息,故稱天之無不照 言臣下無賢勞而不察者也。 艽, 地名 初吉,朔日也。行始於二月,而「載離 豈不懷歸? 歲聿云

昔我往矣,日月方奥。曷云其還? 除,除陳生新也。憚,勞也。 政事愈

畏此譴怒。

伊戚。 蹙。 歲聿云莫,采蕭穫菽。心之憂矣,自貽 念彼共人,興言出宿。 豈不懷歸?

畏此反覆。

奥,煖也。出宿,不安寢也。

嗟爾君子,無恒安處。 靖共爾位,正直是與。

神之聽之,式穀以女。

者矣。故告之,使無以安處爲常,靖共其 穀,善也。有久勞於外,則必有久安於内 位而與正直,庶乎神之聽之,而以女爲

嗟爾君子,無恒安息。

靖共爾位,好是正直。

善也。

神之聽之,介爾景福

六句。 《小明》五章,三章章十二句,二章章

《鼓鐘》,刺幽 王也。

鼓鐘將將,淮水湯湯,憂心且傷。 淑人君子,

### 懷允不忘。

幽王作樂於淮上,而人疾之,故思古之君

子焉。

其德不回。鼓鐘伐鼛,淮有三洲,憂心且妯。鼓鐘喈喈,淮水湝湝,憂心且悲。淑人君子,

淑人君子,其德不猶。

若也,不若幽王也。維上也。鼛,大鼓也。妯,動也。不猶,不終言三洲,水落而洲見也。言幽王之久於始言湯湯,水盛也,中言湝湝,水流也,

鼓鐘欽欽,鼓瑟鼓琴,笙磬同音。以《雅》以

《南》,以籥不僭。

於籥。言幽王之不德,豈其樂非古歟?也。《雅》,二《雅》也。《南》,二《南》也也。《帝》,二《南》也。琴瑟在堂,笙磬在下。同音,言其和也。琴瑟在堂,笙磬在下。同音,言其和

樂則是矣,而人則非也。

《鼓鐘》四章,章五句。

《楚茨》,刺幽王也。

維億。以爲酒食,以享以祀。以妥以侑,以稷。我黍與與,我稷翼翼。我倉既盈,我庾楚楚者茨,言抽其棘。自昔何爲? 我蓺黍

介景福。

也。 見之辭也 於餘章詳言之。 食,以享先祖。於其享也,主人拜尸而 人去其茨棘,以蓺黍稷,以實倉廩,以爲 抽、除也。 之,祝勸尸而食之,所以事之無不至者,故 十萬曰億。妥,安也。 《楚茨》傷今而思古之詩也,故稱古之 與與、翼翼,蕃也。 凡詳言之者,皆思而不得 侑, 勸 也。 露積 介,助 日 庾。 安 酒

濟濟蹌蹌,絜爾牛羊,以往烝嘗。或剥或亨,

皇,神保是饗。 或 肆 疆 或 將。 祝 祭于祊, 孝孫有慶,報以 祀 事 孔 明。 介 福, 先 萬 祖 壽 是

無

笑語 爲豆孔庶,爲賓爲客。 執爨踖踖,爲俎孔碩,或燔或炙。 非 羞 王 從獻之俎 福。 也 在,故使祝博求之門内,其生所以待賓 而 飪之也。 卒獲。 0 9 特以享也,將以祭終而燕尸賓焉。 ,饔爨、禀爨 進之也。 后 .濟蹌蹌」,言有容也。 皇,大也。 庶羞 也。 於是先 神保是格,報以 肆,陳其骨體 也。 也,其實燔肉 莫 祊,門内也。 文莫,清 祖大而安饗之、報之以 庶,多 也。 保,安也。 踖踖,言有容也。 靜 獻醻交錯 也。 而 於俎 而 孝子不 介福 剥,解之也。 敬 多爲之者,以 介,大也 肝 也。 至 炙。❷ 萬 ,禮儀卒度, 君婦莫莫, 也。 知神之所 將,奉持 壽攸 君 故及 豆 亨, 酢。 婦 俎, 内 介 客

> 其 也。 無 非 燕 古者於旅也語。 度,笑語至卒而 也 」,獻 醻 交錯 前 無不得。 酢,報 無不徧 也 行 言和 禮 而 至 不 卒 亂 而

六四

苾芬孝祀,神嗜飲 熯,竭 孔熯矣,式禮莫愆。 齊既稷,既 稷,疾也。 於是祭將畢,祝致神意以嘏主 芬,香也。 莫愆」,敬之至也。 食芳絜,故 曰:「易幾 也。 報 ト、予也。 禮 匡 匡,正也。 而哭。」式,法也。 一既敕。 爾以 行既 食, 福 久,筋力竭 善其事 卜爾百福。 永錫爾極 禄,使其來如幾,其 工祝致告,祖 敕,戒也。 幾,期也。 曰 Ī, 矣,而 了時萬 一人,曰 如 齊, 《春秋 極,中 幾 茲茲、芬 齊孝孫。 時億。 整 式 如式, 爾 傳》 也 也 多 禮 飲

既

我

<sup>0</sup> ·其實燔肉而肝炙」,明本作「燔燒肉炙炙肝」。 内」,明本作「肉」。 其生所以待賓客也」,明本作「其待賓客之處也

物 如 法; 而 不 爾禮 匱 容莊敬,故報爾 言 各 隨 其 事, 以 而 中 報 . 和 之 以 應 其 萬

類

也

諸宰君婦,廢徹不遲。諸父兄弟,備言燕私。神具醉止。皇尸載起,鼓鐘送尸,神保聿歸。禮儀既備,鐘鼓既戒。孝孫徂位,工祝致告,

徹豆籩。既畢,歸賓客之俎,而燕同姓。尸遂起,奏《肆夏》以送之。諸宰徹饌,后堂下西面,祝致主人之意,告尸以利成。於是禮備,作鐘鼓以戒在位,主人就位於

樂具 孔 既 惠孔 醉 既 入 人奏,以 時 飽 ,維其 ,小大稽首。 綏後禄。 〈盡之。 神嗜飲 子子孫孫 爾殽既將,莫怨具慶。 食 ,勿替引之。 使君壽考。

所

以

尊賓客,而親兄弟也

樂皆人,以安其餘福。殽羞既行,兄弟無替,廢也。引,長也。祭畢而燕於寢,則祭後禄,祭之餘福也。將,行也。惠,順也。

君壽考。既順且時,兼盡而有之矣。子孫有怨者,皆慶於君曰,神乃歆嗜飲食,將使

《楚茨》六章,章十二句。

尚

能

勿替而長行之。

《信南山》,刺幽王也。

我疆我理,南東其畝。信彼南山,維禹甸之。畇畇原隰,曾孫田之。

我疆 也。 洪水,而 甸, 治也。 疆,畫經界也。 成 畇 王 墾 畇,墾闢 闢 汙萊,至幽 理,分土宜也。 貌 也。 曾孫, 王之世, 禹 成

上天同雲,雨雪雰雰。益之以霡霂,既優既迹皆在,而王弗治,故君子思古焉。

渥,既霑既足,生我百穀。

疆埸翼翼,黍稷彧彧。曾孫之穡,以爲酒食。

六五

Ŧ.

其

治

o F

烝,進也。

《信南山》六章,章六句。

畀我尸賓,壽考萬年。

場,畔也。翼翼,脩治也。彧彧,茂盛也

飲税曰穡。畀,予也。

中田有廬、疆場有瓜。是剥是菹、獻之皇祖。

曾孫壽考,受天之祜。

利 田 中 ·爲 瓜 成,剥削淹漬,爲菹 廬,以便田 事 ",疆 埸 而獻之,所 種 瓜, 以 以 盡 盡 地

四時之異物也。

祭以清酒,從以騂牡,享于祖考。執其鸞刀,

以啓其毛,取其血膋。

有 然後迎 清,玄酒 用騂牡。 鸞者 也。 牲 也。 周 而 尚 毛以告純 獻之,以 酒,鬱鬯、五齊、三酒也。 赤 也。 告肥 也,血 祭禮,以 也 以告殺 鸞 鬱 鬯 刀,刀之 也,取 降 神 牲

膟膋燔,燎以報陽也。

報以介福,萬壽無疆。 是烝是享,苾苾芬芬,祀事孔明。先祖是皇,

自古有年。今適南畝、或耘或耔、黍稷薿薿。倬彼甫田、歲取十千。我取其陳、食我農人。《甫田》、刺幽王也。

攸介攸止,烝我髦士。

此自 將 也。 畝; 之數也。 倬,明也。 南 薿薿,盛也。 此所謂十千也。 十爲成,成方十里,其稅百夫,爲田萬 畝 取 ,而視其耘耔,助其勤力,止其怠惰 古有年之法,不可廢者 其 井十爲通,通稅十夫,爲田千 一成之田,而歲取 陳 積 九夫爲井,井稅一夫, 甫,大也。歲取十千,井田一 以 介,助也。 時 耘,除草也。 發飲,以 以萬畝 烝,進也。 助 也。 農 以爲國 籽,雕 夫之乏困 是以 爲田 畝 用,又 髦,俊 本 親適 畝。 也。 成 通 白

進其髦俊,庶幾有年,以遵古之成法。 進其 、髦俊者,如漢寵力田之類歟? 所

謂

以我齊明,與我犧羊,以社以方。 我田既 臧,

農夫之慶。琴瑟擊鼓,以御田祖,以祈甘雨,

以 介我稷黍,以榖我士女。

孟春既郊而始耕, 蜡而息農夫也。 秋 齊,六穀也。 而祭社及四方,報其功也。 周官》: 獮 田 以 「祈年于田祖,吹《豳》、《雅》,擊 祀 方。」慶,賜 明,絜也。犧,純色也。 御,迎也。 則祭之,所以祈甘雨 也。 田祖、先嗇也。 農夫之慶,既 《周官》:「仲 秋成 也。

之慶。

報以介福,萬壽

無疆

攘其左右,嘗其旨否。 曾孫來止,以其婦子,饈彼南畝。 士鼓。」穀,養也。 禾易長畝,終善且有。 田畯至喜,

曾孫不怒,農夫克敏。

也 攘 取也。 敏 疾 禾易,禾生樂易也。 也。 成王之勞農也,農夫以其 長畝,竟畝

> 婦子 庶幾終善且有。 之勤於農事,則盡力於禾,其生竟畝 左右之饋 饋於南畝,於是田 而嘗之,以知其旨否。 於是成王無所譴者,曰農 畯至而喜之, 民知 如一 取其 成 王

曾孫之稼,如茨如梁。曾孫之庾,如坻如京。 乃求千斯倉,乃求萬斯箱。 黍稷稻粱,農夫

夫敏矣。

茨,言其多也。梁,言其積也。 無所不有也。 倉以處之,萬車以載之。 近者納稔,遠者納粟。 米稼既積,●乃求千 「黍稷稻粱」,言 古之稅法

甫田》四章,章十句。

大田》, 刺 幽 王也

0 米」,明本作「禾」。 炎火。 大田 及其蟊 既方既阜,既堅既好,不稂不莠。 載 畝。 歲之冬具來歲之種,戒來歲之事。 稼 時,故其生者皆直而大,以順成王之所欲。 矣,然後事之,取其 庭,直也。 南畝。 種 多稼 既耕而播之,其耕之也勤,而 賊, 也。 既 無害我田 播厥百穀,既庭且碩,曾孫是若。 若,順也。 種既 覃,利也。 戒,既備 穉。 利耜,而始有 俶,始也。 田大而種多,故於今 乃事 田 祖 0 有神, 秉畀 去其螟螣, 以我覃 載,事也。 事於 凡既 種之也 耜 南 備

蟊 似苗者也。 則成矣。 虫蝗不作,民以 方,孚而始房也。 食節日 既好,則美矣。 賊。 食心曰螟,食葉曰螣,食根曰 爲田祖投之火耳。 穉,幼苗也。 皂,實 而未成也。 稂,童梁也 仁人在上, 既堅, 莠, 則

彼有不穫穉,此有不歛穧。彼有遺秉,此有

滯穗,伊寡婦之利。

也。 故以 後其 也。 渰,雲興貌也。萋萋,雲行貌也。祁祁,徐 其 私。 秉,把也 時雨既降,民急其上,●先憂公田,而 餘 及其成也,田有餘穀,力不能 爲鰥寡之利。 穧,鋪 而 未 · 束者

來方禋祀,以其騂黑,與其黍稷。以享以祀,曾孫來止,以其婦子,饁彼南畝,田畯至喜。

以介景福。

其 成王之來視其 (成功。 《 大 九句。 田 騂黑,南北之牲 四 穫也,則遂禋 章, 二章章八句,二章章 也 ,蓋略言之耳。 祀 四 方, 以報

) 「民」上,明本有「斯」字。

有渰萋萋,興雨祁祁。

雨我公田,遂及我私。

瞻彼洛矣,維水泱泱。君子至止,福禄如茨。

靺韐有爽,以作六師。

洛,漆、沮也。泱泱,深廣也。茨,蒺梨也。

也。洛之水,泱泱其無窮,使洛愛其水,無靺韐,士之韠也,蓋染之以茅蒐。 奭,赤貌

維不愛其水,故無損於洛,而物蒙其益。所澤萬物,於洛無加也,而物失其利。洛

以其無窮,惠天下之諸侯,以結其驩心,故王者之有爵命,猶洛之有水也。古之王者

王。王遂命之,使將六師焉。傷今幽王愛諸侯之除喪而未命也,服其士服以朝於

其無窮,以失天下之諸侯也。

瞻彼洛矣,維水泱泱。君子至止,鞞琫有珌。

君子萬年,保其家室。

鞞,容刀也。琫,上飾, 珌,下飾也。此其

第十

所以錫諸侯也。諸侯有王者之命,乃能安

其室家。

瞻彼洛矣,維水泱泱。君子至止,福禄既同。

君子萬年,保其家邦。

《瞻彼洛矣》三章,章六句。福禄既同」,言與諸侯共之也。

《裳裳者華》,刺幽王也。

《毛詩》之序曰:「古之仕者世禄,小人在《毛詩》之序曰:「古之仕者世禄,是以知其时。」原其所以爲是説者,不過以詩之「乘世。」原其所以爲是説者,不過以詩之「乘世。」原其所以爲是説者,不過以詩之「乘於小人讒諂,則と詩之一。以詩之「乘於小人讒諂,則是詩之所無有,是以似之」

我心寫兮,是以有譽處兮。 裳裳者華,其葉湑兮。我覯之子,我心寫兮。

六九

君,以寫其憂,然後樂處其朝也。 葉,無有不善者也。今幽王積其不義,其其君矣。譬如堂堂之華,而附之以湑然之其君矣。譬如堂堂之華,而附之以湑然之其君矣。譬如堂堂之華,而附之以湑然之其別,充滿而發於外,人望見其容貌,而知裳裳,猶堂堂也。湑,盛貌也。君子內脩

矣。維其有章矣,是以有慶矣。 裳裳者華,芸其黄矣。我覯之子,維其有章

裳裳者華,或黄或白。我覯之子,乘其四駱。文也。君子之有文,粲然如華之盛也。 黄,色之上也。● 芸,黄之盛也。有章,有

盛也。傷今幽王之不善,無所往而非不也,故曰「乘其四駱,六轡沃若」,言亦不失也,則亦行而已。處亦君子也,行亦君子華之不黄也,則亦白而已。君子之不處乘其四駱,六轡沃若。

左之左之,君子宜之。右之右之,君子有之。

七0

諸中也。中誠有之,則其發於容貌者,睟君子左而宜其左,右而有其右。有者,有維其有之,是以似之。

《裳裳者華》四章,章六句。然其似之矣。

詩集傳卷第十三

❶ 「上」,明本作「正」。

義也。

366

# 詩集傳卷第十四

## 桑扈之什 小雅

《桑扈》,刺幽王也。

鶯,有文貌也。胥,辭也。幽王直情而恣交交桑扈,有鶯其羽。君子樂胥,受天之祜。

行,無復禮文法度,故思古之君子,樂循禮

安則如固有之。譬如桑扈之羽,鶯然有文義,以受天福。夫苟樂之,則其爲之也安,

交交桑扈,有鶯其領。君子樂胥,萬邦之屏。而不自知,亦非其强之也。

萬邦矣。領,頸也。屏,蔽也。樂循禮義,則足以屏

記まず、音質思じ。皮で重枚、高温をさ。頭方、而爲諸侯法、苟不以禮自戢難、而求四方、而爲諸侯法、苟不以禮自戢難、而求政、幹也。 

・ 武者 

・

兕觥,罰爵也。旨酒之和柔,而兕觥之設,兕觥其觩,旨酒思柔。彼交匪敖,萬福來求。

《桑扈》四章,章四句。

所以常自戢難也。

《鴛鴦》,刺幽王也。

震壽于飛,畢之羅之。馬之在牧者,無所 震壽在熙,報其左翼。君子萬年,福禄宜之。 震壽在厩,株之摧之。君子萬年,福禄 艾之。 乘馬在厩,株之摧之。君子萬年,福禄 艾之。 乘馬在厩,株之摧之。君子萬年,福禄 艾之。 並於其飛而取之。惟俟其飛而後取,故其 故於其飛而取之。相俟其飛而後取,故其 故於其飛而取之。相俟其飛而後取,故其

養。 則不忍絶其 則加之以秣。言君子之於物,將用其 用 福禄終其身也。 推」、「莝」通。 之,則委之以摧 此天下所以願其萬年,而享福禄也。 類; 秣, 將用 ; 粟也。艾,老也。 其在厩者 其力,則不敢 ,將用其 言以 ~薄其 力, 死,

《鴛鴦》四章,章四 句。

《頍弁》,諸公刺幽王也

嘉。 于松栢。 有頍者弁,實維伊何? **豈伊異人**? 未見君子,憂心奕奕。 兄弟匪 爾 他。 酒 蔦 既旨,爾殽 與女蘿,施 既見君子, 既

維宴。

庶幾説懌

哉 ? 我自貴,而忽兄弟哉? 奕奕,憂不定也。● 頍,弁貌也。蔦,寄生也。女蘿,兔絲 徒以 人加之首而貴之耳。 彼所謂弁者,實何 爾有旨酒嘉殺,曷 今王豈 也。 物 謂

> 不 與女蘿之託松柏耳,不見則憂,見則 與兄弟樂之也? 兄弟之於王 一,譬 庶幾 如 蔦

七二

王樂之。 王奈何獨 不顧: 哉?

松上。 時。豈伊異人? 有頻者弁,實維何期? 未見君子,憂心怲怲。 兄弟具來,蔦與女蘿,施于 爾 酒既旨,爾 既見君子,庶 殽 既

幾 有臧

霰。 豈 有頍者弁,實維在首。 一伊異 怲 死 · 怲,憂盛滿也。 喪 人? 無 日,無幾相見。 兄弟甥舅。

爾

酒既旨,

爾

殺

既阜。

如彼

雨

雪,先集維

樂酒

今夕,君子

無所 也。 雪將降,而霰先之,故不 復賴,而相告曰,苟今夕有酒也,君子 君子以是知死之無日,相見之無幾, 宴者,誅滅之先

「不定」,明本無此二字。

維以相宴而已,不知其它矣。知不可得免

之辭也。

《頻弁》三章,章十二句。

《車舝》,大夫刺幽王也。

間關車之舝兮,思孌季女逝兮。匪飢匪渴,

德音來括。雖無好友,式燕且喜。

並進,故君子思具車以逆賢女,雖飢渴而間關,設舝也。幽王嬖褒姒以亂政,小人

朝。雖無好友以事王,姑以奉王燕喜之不顧。庶幾內有賢妃,德音之士來會於

樂,猶愈於小人也。

依彼平林,有集維鷸。辰彼碩女,令德來教。

式燕且譽,好爾無射。

易,則令德之士將來教之。因以奉其燕無嶮,則雉集之。王者内無嬖后,其心樂依,茂貌也。鷸,雉也。辰,時也。林平而

樂,好之終身而無厭

雖無旨酒,式飲庶幾。雖無嘉殺,式食庶幾

雖無德與女、式歌且舞。

姑飲食焉可也,雖無德以配王,姑歌舞以恐賢女之不可必得,故曰雖無旨酒嘉殺,

樂之,猶愈於襃姒之在側也。

陟彼高岡,析其柞薪。析其柞薪,其葉湑兮。

| 鮮我覯爾,我心寫兮。

也。襃姒之蔽王,猶柞薪耳。今誠去之,鮮,善也。陟高岡而析柞薪,爲其葉之蔽

高山仰止,景行行止。四牡騑騑,六轡如琴。使我獲見王焉,則吾憂心庶幾寫矣。

觀爾新昏,以慰我心。

者。 聘賢女而致之,以慰我 景,大也。 行得行焉,則吾將具四牡,調六轡,以爲 今誠去襃姒,使我見王 襃姒之在 王側,君子無 心。 一,如仰 然 則褒 高 復得 Щ 姒 進

七四

在 雖 有賢女,而莫敢逆也。

車牽》五章,章六句。

《青蠅》,大夫刺幽王也 營營青蠅,止于樊。 遠 比 營營,往來貌 也。 讒 人焉。 樊,藩也。 也。 豈弟君子,無信讒言。 青蠅 能變亂白黑,故 止之於藩,欲其 以

營營青蠅,止于榛。 營營青蠅,止 于棘。 讒 讒 人罔 人罔極,交亂 極,搆我二人。 四國。

榛、棘,皆所以爲藩也 青蠅》三章,章四句。

《賓之初筵》,衛武公刺 時 也

賓之初筵,左右秩 酒既和旨,飲酒孔偕。 大侯既抗,弓矢斯張。 秩。 籩 射夫既同,獻爾發功。 鐘鼓既設,舉 豆有楚,殽 核 醻 逸 維 逸。 旅

發彼有的,以祈爾爵。

之属 既安賓,然後改 將祭,必大射以擇士。 次序也。 侯及弓,比其射夫 楚楚,脩絜也。 也。 大侯,君侯也。 旅,陳也。 殽,豆實也。 縣 以 而耦之。 偕,齊也。 避 將射,必先行燕禮。 射。 的,質也。 既耦,然後拾 既旅,然後張 核加籩 逸逸,往來 ~,桃梅

發求勝,以爵其不勝。

酌彼康爵,以奏爾時。 其湛曰樂,各奏爾能。 百禮既至,有壬有林。 籥舞笙鼓,樂既和奏。 錫爾純 賓載手仇,室人入又。 烝衎烈祖,以洽 一 嘏,子孫其湛。 百禮

壬,任也, 仇,敵也。 州諸侯所獻以助祭者,所謂庭實旅 林,君也。 烝,進也。 室人,宗室也。又,復也。 謂臣之任事者,卿 湛,樂也。 衎,樂也。洽,合也。百禮,九 載,則也。 大夫 手,取也 是 百 也。 也 康,

舞者 安也 宗室皆入於寢,而又燕於是,酌以安之,而 主人。 於其 大夫 能 弟, 曰将燕樂於寢。 不湛樂者。 其百禮 以樂之。 也。 與笙 膳宰,賓之敵也。 也 此章言既 一鼓和 於是神則嘏之以 其 , 先作樂以 其燕也, 以 祭既 應,以 禮至者,非其諸侯 畢,歸賓客之俎,而 射 而 水諸 以 故祭樂皆入,各奏其 進樂其 祭, 異 陽,故 賓 既 姓 福 取 爲 祖 祭 ,使其子 賓,膳 一考,以 其 秉 而 (敵,以 則 籥 燕於 而 合見 宰 留 孫 其 寢 舞 與 爲 兄 無 卿

飲

酒

孔

嘉

維

其令儀

是 其  $\Box$ 賓之初筵,温 未 既 醉 醉 解,不 止 止 一,威 威 ·知其 儀 儀 温 其恭。 抑 幡 秩 抑 幡 舍其 其未醉止,威儀 日 既 坐 醉 遷 止 ,威儀怭怭。 屢 舞 反反。 | 一個

矧

敢多又。

薦之以

時物

上 燕。 方其 章言先王之正 未 醉 也, 其 禮 禮 猶 故 在 此 爾 章 及 幽 其 王 既 之

既

賓既 既 是日 醉 輕 醉 既 醉止 而 數 則 一个,不 出 也。 不 並 一,載 可 抑 一受其 知其 號 知 抑 載 慎 也 福 郵。 呶。 密 反 亂 醉 側弁之俄 也 反, 我 而 不 籩 怭 顧 出 豆 怭 禮 屢 是 屢 媒 也 謂 舞 舞 嫚 伐 傞 幡 僛 也 傞。 僛。 幡

彼醉不 凡 匪 此飲 爵不識 也。 此 言勿言 章 一臧,不 酒 郵 申言其亂, 1,或醉 過也。 匪 由 醉 或否。 反 勿 語。 耻 傞傞,不 而 終 既立之監,或佐 由 式勿從謂 誨之也。 醉之言,俾出 止 也。 無俾 僛 僛 . 大怠。 之史。 童羖。 不 Œ

醉者 幽王 醉 爲之監,復爲之史,以 而 爲 强 耻 與 使 ,有否者。 哉? 公醉者。 其下相尚以 盍亦勿從而 故告之曰,夫飲 爲醉者之不善也 酒,至有 何察之,而乃 謂 之,使皆 以 酒 不 一,是 則 醉 反 爲 以 以 必 醉 耻 既 有 而

人知所以自戒,則雖三爵,而有不敢者,況未有童者也,「俾出童羖」,深戒之也。苟語,告其不醉者,使勿從醉者之言。羖,益怠焉,可也。故告其醉者,使慎其言

《賓之初筵》五章,章十四句。

又其多哉?

《魚藻》,刺幽王也。

王。以在藻頒首,爲魚得其性,蓋不識「魚魚何在,亦在藻耳。其所依者至薄也。然 無何在,亦在鎬耳,寡恩無助,天下將有圖之者,而飲酒自樂,恬於危亡之禍,亦如是之者,而飲酒自樂,恬於危亡之禍,亦如是魚也。毛氏因在鎬之言,故序此詩爲思斌。然 無在在藻,有頒其首。王在在鎬,豈樂飲酒。

魚

在

在藻」之有危意也。

在在藻,有莘其尾。王在在鎬,飲酒樂豈。

其旂。

徒視其旂之淠淠而徐也,其鸞之嘒

莘,長貌也。

然,就是。 魚在在藻,依于其蒲。王在在鎬,有那其居。

那,安也。

《魚藻》三章,章四句。

《采菽》,刺幽 其旂淠淠,鸞聲嘒嘒。 觱沸檻泉,言采其芹。 雖無予之,路車乗馬。又何予之,玄衮及黼。 采菽采菽,筐之筥之。 觱沸,泉始冽也。 清泉,吾將采其芹。 也。玄衮,玄衣而衮龍也。 來也,錫之以車馬,重之以衣服,不敢忽 筐、筥以待之,而況諸侯乎! 采菽以爲藿,物至微而用至薄矣,然猶設 王 也。 檻泉,正出 載驂載駟,君子所届。 君子來朝,言觀其旂。 君子來朝,何錫予之。 君子之來朝,吾將觀 黼,白黑雜也。 也。 故先王於其 **觱沸之** 

往迎之。於其所至,言無所不禮也。駕者暳而和也,吾以是知其有禮矣,是以駕而

既服,而三之曰驂,四之曰駟

人者如此,則天子從而予之矣。是以錫也。舒,緩也。君子之所以自敕,而交於恭芾,蔽膝也。邪幅,偪也,所以自偪束樂只君子,天子命之。樂只君子,福禄申之。赤芾在股,邪幅在下。彼交匪紓,天子所予。

邦。樂只君子,萬福攸同。平平左右,亦是維作之枝,其葉蓬蓬。樂只君子,殿天子之

之命,而申之以福禄

汎汎楊舟,縛羅維之。樂只君子,天子葵之。
樂只君子,福禄膍之。優哉游哉,亦是戾矣。
楊舟汎汎而無所定,縛纚可以維而止之。
大下之諸侯,撫之則懷,弃之則去,亦如舟之無定耳。古之明王,揆其所欲,而厚之以福禄,則無不至者。今幽王安於佚樂而以福禄,則無不至者。今幽王安於佚樂而忽遺之,則是亦戾王而已,無復懷者矣。

《角弓》,父兄刺幽王也。

之則離,是以告之使無相遠也。 弓之張也,翩然而反節自爲處,其勢無以 及其強也,翩然而反節自爲處,其勢無以 野騂九,網其反矣。兄弟昏姻,無胥遠矣。

爾之遠矣,民胥然矣。爾之教矣,民胥俲矣。

《采菽》五章,章八句。

上之所爲,下必有甚者。故此詩言幽王之

世,王族怨望相病,亦無有善者。

綽綽,寬也。裕,饒也。瑜,病也。此令兄弟,綽綽有裕。不令兄弟,交相爲蕍。

斯亡。 民之無良,相怨一方,受爵不讓,至於己

其非,此所謂一方也。 受爵而不讓者,知尤之矣,而至於己則忘民之相怨也以一方,而己未嘗以自反也。

以來之耳。

老馬反爲駒,不顧其後。如食宜饇,如酌

孔取。

饇,飽 必以 勝 畏其後之不克也。 强,老馬不自謂老,而任駒之任 而不顧。 其宜 取之節。 也。 爲 孔,空也。 譬如小人而任賢者之事,不 飽之節; 食而不以其腹之所宜止, 故告之曰,譬如食者, 老馬必憊,其駒 譬如酌者,必以其 後將 不 必

受爵而不以其量者,亦猶是也。則病,酌而不以其空之所容止,則溢。

毋教猱升木,如塗塗附。君子有徽猷,小人

與屬。

屬,王不强而親矣。特患徽猷之不立,無而能矣。塗之塗附,不力而堅矣。王族之猱,猨屬也。附,木桴也。猱之升木,不教

意綏之,亦釋然解矣。今王曾莫予之,居也,見日而消矣。王族之相怨毒,王苟有明,日氣也。遺,予也。雨雪之瀌瀌,盛雨雪瀌瀌,見晛曰消。莫肯下遺,式居婁驕。

如蠻、髦之不相及也。言王之視王族,雨雪浮浮,見晛曰流。如蠻如髦,我是用憂。

角弓》八章,章四句。

於其上而屢驕焉,而何以化彼哉?

七八

有菀者柳,不尚息焉。 上帝甚蹈,無自暱焉。

俾予靖之,後予極焉。

菀,茂也。蹈,動也。暱,近也。靖,治也。

人,無不庶幾息於茂柳者。 極,誅也。君子之願庇於王,譬如行道之 徒以 幽王暴

虐,神所不予,天意動矣。故相戒以無自

暱近。● 今雖使我爲治,後將誅我,不可

知也。

有菀者柳,不尚愒焉。 上帝甚蹈,無自瘵焉。

俾予靖之,後予邁焉。

惕,息也。瘵,病也。 邁,行也。 行 則

放也。

有鳥高飛,亦傅于天。彼人之心,于何其臻。

曷予靖之,居以凶矜。

鳥之高飛,亦傅于天則止。今王之心,不

知其所至,曾飛鳥之不若也。 曷爲使我治

第 + 四

《菀柳》三章,章六句。

之,而居我以凶危之地哉?

矜,危也。

詩集傳卷第十四

0 「近」下,原有「日」字,據明本刪

七九

# 詩集傳卷第十五

### 都人士之什 小雅

《都人士》,周人刺衣服無常也。

彼都人士,狐裘黄黄。 其容不改,出言有章。

行歸于周,萬民所望

都,美也。 都人士,士之有美人之行者也。

周,忠信也。

彼都人士,臺笠緇撮。 彼君子女, 綢直如髮。

我不見兮,我心不説。

爲物, 也。君子女,女之有君子之行者也。髮之 臺,夫須也,其皮可以爲笠。 疏密如一,而本末無異,有常之 緇撮,緇布冠

至也

彼都人士,充耳琇實。 彼君子女,謂之尹吉。

我不見兮,我心苑結。

姞也。《春秋傳》曰:「姞,吉人也。」尹氏、 充耳,瑱也。 琇,美石也。 實,塞也。 吉,

積也。

者,皆以爲尹、姞之女,言其知禮也。

苑

姞氏,周室昏姻之舊姓也。 人之見是女

彼都人士,垂帶而厲。 彼君子女,卷髮如蠆

我不見兮,言從之邁。

匪伊垂之,帶則有餘。 厲,帶之垂者也。蠆,螫蟲也,其尾上卷。 匪伊卷之,髮則有旟。

我不見兮,云何盱矣。

其自然,而非强之也。 髮由其自揚而卷之。 言古之爲容者,亦從 旟,揚也。盱,病也。 帶由其自餘而 垂之,

《采緑》,刺怨曠也。

終朝采緑,不盈一匊。 幾君子之歸而沐之。 人夫不在無容飾,故曰「予髮曲局」矣,庶 終朝采之,而不盈匊,意不在所采也。婦 緑,王芻也。 局,卷也。 予髮曲局,薄言歸沐。 言其知怨思而已,不 王芻,易得之菜,

終朝采藍,不盈一襜。 怨也。 五日爲期,六日不至而怨之,言非所當 藍,染草也。 衣之前蔽曰襜。 五日爲期,六日不詹。 詹,至也。

知義也。

之子于狩,言韔其弓。 綸,釣繳也。田、漁,君子之所有事,而婦 爲之綸繩,言無節也。 人不與也。 今也狩則欲爲之韔弓,釣則欲 之子于釣,言綸之繩。

卷 第

+ 五

> 觀者。 其釣維 何? 維 魴及鱮。 維 筋及鱮,薄言

此章言其悦之無已,故詠歌其釣之所獲。 於其獲也,又將從而觀之。

《采緑》四章,章四句。

《黍苗》,刺幽王也。 芃芃黍苗,陰雨膏之。 悠悠南行,召伯勞之。

宣王國申伯于謝,使召公往營之。召公之 勞行者,猶陰雨之膏黍苗。 哀今不能,而

思之也。

我任我輦,我車我牛。我行既集,蓋云歸哉。 召公之營謝,民有負任者,有輓輦 車者,有牽傍牛者。 凡行者皆集於謝,則 者,有將

我徒我御,我師我旅。 召公告之以歸矣。言不久役也 五百人爲旅,五旅 為師。 我行既集,蓋 **奉** 秋傳》曰: 云歸處。

「君行,師從,卿行,旅從。天子之卿視

諸侯。」

原隰既平,泉流既清。召伯有成,王心則寧。肅肅謝功,召伯營之。烈烈征師,召伯成之。

土治曰平,水治曰清。

《黍苗》五章,章四句。

《隰桑》,刺幽王也。

隰桑有阿,其葉有難。 既見君子,其樂如何。

其盛難然,見者無不悦之。故曰「既見君君子之在下,譬如桑之生於隰,其長阿然,

子,其樂如何」。

隰桑有阿,其葉有沃。 既見君子,云何不樂。

沃,柔也。

隰桑有阿,其葉有幽。 既見君子,德音孔膠。

幽、黑色也。膠、固也。

心乎愛矣,遐不謂矣。中心藏之,何日忘之。

不愛也。 以忘之,心不藏也。君子之所以不告,吾苟吾心誠藏之,何日而忘之哉? 吾之所苟吾心誠愛之,君子豈遠我而不告哉?

《隰桑》四章,章四句。

《白華》,周人刺幽后也。

幽后, 褒姒也。

申后之脩如此,幽王遠之,而近襃姒,使獨之,又以東白茅焉,言表裹無不絜也。今白華,野菅也。已漚則爲菅。取白華而漚白華菅兮,白茅東兮。之子之遠,俾我獨兮。

居焉,何哉?

爲質可知也已。有人如此,而王獨弃之, 爲絜也至矣,其生也,白雲露之,其所受以 天步,王者之所履也。猶,圖也。菅茅之英英白雲,露彼菅茅。天步艱難,之子不猶。

滤池北 稻田 其所及者遠。 曾不 賴矣。是以君子嘯歌傷懷而念碩人。碩 其常而愛襃姒,故恩止於一人,而下無所 恩,自王后始,其下將無不蒙澤者。 性,未有不流於東南者也,水流於東南,則 滮,流貌也。 流,浸彼稻田。 圖天步之艱難 而已,不及遠矣。王者推其親親之 豐鎬之間,其水北流。水之 逆流 ,非此人莫與共之也。 而北,則其所能浸者, 嘯歌傷懷,念彼碩人。 今反

王,而弃於外也。 爨,而反以爲炤。譬如申后之賢,不獲偶と,性竈,所以炤也。薪之善者,當以爲煁,性竈,所以炤也。新之善者,當以爲人,實勞我心。 人,而弃於外也。

人,申后也

鼓鐘于宫,外未有不聞者。幽王内有嫡庶鼓鐘于宫,聲聞于外。念子懆懆,視我邁邁。

慘慘其憂,而王視之邁邁其不顧,言無悛之亂,而求外之不聞,難矣。 君子之念王,

心也。

有鶖在梁,有鶴在林。 申后,譬之如養鶩而弃鶴也 於鶩,清濁 鶖,秃鶖也。 林,鶖則飽而 則有間矣。 鶖,鶴 鶴 則 飢矣。 ,皆以魚爲食。 維彼碩人,實勞我心。 今鶖在梁而鶴 幽王進襃姒 然鶴之 在 黑

震震在梁,戢其左翼。之子無良,二三其德。 鳥之雄者,右掩左,其雌,左掩右。言陰 陽之相下,物無不然。王曾是之不若也。 扁,卑貌也。底,病也。石之施於履者,乘 石也。石之扁然下者,可施於履者,乘 不可施於貴。譬如人之賤者,可以爲妾, 不可施於貴。譬如人之賤者,可以爲妾, 而不可以爲后。言物各有所施之,不可 改也。

《白華》八章,章四句。

縣蠻》,微臣刺亂也。

卿,出使於外,柰何曾不飲食,教載之哉?食無不託焉,而丘未嘗有厭。微臣附於公緜蠻,小鳥貌也。黄鳥之止於丘,飛行飲

飲之食之、教之誨之、命彼後車、謂之載之。縣蠻黃鳥、止于丘隅。豈敢憚行、畏不能趨。

飲之食之、教之誨之、命彼後車、謂之載之。縣蠻黄鳥、止于丘側。豈敢憚行、畏不能極。

極,至也。

《縣蠻》三章,章八句。

《瓠葉》,大夫刺幽王也。

幡幡瓠葉,采之亨之。君子有酒,酌言嘗之。

雖有牲牢饗餼,而不肯用也。將采而亨之,以爲飲酒之菹。傷今幽王,古之君子不以菲薄廢禮,雖瓠葉之微,猶

有兔斯首,炮之炙之。君子有酒,酌言酢之。「有兔斯首,炮之燔之。君子有酒,酌言獻之。有兔斯首,炮之燔之。君子有酒,酌言獻之。

酢,賓酌主人也。

醻,主人既卒酢爵,復酌賓也。有兔斯首,燔之炮之。君子有酒,酌言醻之。

《瓠葉》四章,章四句。

《漸漸之石》,下國刺幽王也

ぱし更E, ド ≧朋ミ。 漸漸之石,維其高矣。 山川悠遠,維其勞矣。

武人東征,不皇朝矣。

而欲以力平之乎? 吾見其高而已,不可以力征服之而不得,故告之曰,漸漸之石,漸漸之石,以亦以之。 幽王之亂,下國背叛,王將

八四

吾見其 暇 平 而欲 文德以來之。」遠人可以德懷,而不可 也; 使之朝也。 以 武 勞 Ш 人征之,吾亦見其益亂 而 ]1] 之悠遠,而 已,不可 孔子曰:「遠人不服,則修 盡 也。 欲 以 今諸侯背叛, 行盡之乎? 而已,不 '以力

武人東征,不皇出矣。
漸漸之石,維其卒矣。山川悠遠,曷其没矣。

勝,武人非所以來之也。

武人東征,不皇他矣。有豕白蹢,烝涉波矣。月離于畢,俾滂沱矣。卒,崔嵬也。没,盡也。出,出之於亂也。

月則 之過 蹢 涉水,故豕之進而 好水,而畢之性好 躁疾者也。 蹄也。 也 雨,月不至則否,故畢之至於滂沱,月 譬之諸侯好亂,而王又以武 豕四蹢白 烝,進 涉波,人之過也。 雨。 也。 日 畢, 噣 駭。 豕馴則居陸,駭 白蹢, 豕之尤 也。 豕之性 畢 臨 得 則

> 甚也。 他哉? 遑他矣」。 激,其亂遂 之,是以 蓋亦知誅之而已,此亂之所以益 懼 夫使武 連 而 而 深謀, 不解。 人征之,而尚 阻 故曰「武人東征、不 兵以自救,勢之相 何暇及其

《漸漸之石》三章,章六句。

《苕之華》,大夫閔時也。

苕之華,芸其黄矣。

苕,陵苕也。其華紫赤而繁,將落則黄。

言周室之衰,如是華也。

苕之華,其葉青青。知我如此,不如無生。

言華已盡矣,徒見其葉耳。

也。「三星在罶」,言不能久也。「人可以梁,寡婦之笱也。「牂羊墳首」,言無是道牂羊墳首,三星在罶。人可以食,鮮可以飽。

心之憂矣,維其傷矣。

詩集傳

食,鮮可以飽」,言無暇及飽也。

何草不黄,何日不行。何人不將,經營四方。《何草不黄》,下國刺幽王也。

草黄極則玄。久役而弃其室家曰矜。何草不玄,何人不矜。哀我征夫,獨爲匪民。歲暮草黄矣,而行者不息,言久役也。

芃,小貌也。棧車,役車也。車之行道,如有芃者狐,率彼幽草。有棧之車,行彼周道。匪兕匪虎,率彼曠野。哀我征夫,朝夕不暇。

《何草不黄》四章,章四句。

狐之循草,無有止期也。

詩集傳卷第十五

八六

# 詩集傳卷第十六

### 文王之什 大雅

文王》,文王受命作 東北。 周」也。 麗不億。上帝既命,侯于周服。]文王於是 戡之,東北咸集。《詩》曰:「商之孫子,其 以 王之世,紂猶在 受命稱王,九年而崩。 二,以服事商。其政行於西南,而不及 文王在位五十年,其始也,三分天下有其 命,維九年,大統未集。」此所謂「受命作 其後虞、芮質成於周,文王伐 · 然。 然學者或言武王克商 文王之治 上,則王號無所 周 也。 《書》曰:「誕膺天 西 南,諸侯之大者 而 施之。 稱王,文 黎 予 而 於

> 非者 存無 以即 也,故 不能哉? 炭而已。 之,非以成周之王也,爲不忍民之久於塗 矣,存之而已。 改歟,則固將釋之。 惡不悛,於是與諸侯觀政於商,以爲紂 以文王之世置而不問。 以其無此 此名也,以其有此實也; 之,其所以爲王之實亦亡矣。 子之事也,雖 其實 ,此不可 損於周之稱王,而其亡不爲益矣,是 可 不然,豈文王獨能事紂,而武 實也。 從世俗之説,必將有一人受其 间 以 不辯 稱王。 事 欲復爲諸 若其不改,則將伐 人。 空名雖存,而衆不予,其 也 紂雖 釋之,非復 及 其 至於武王,紂日長 侯 未 紂之失此名也, 行 而 服,而天下去 於 不 故文王之得 四 可 以 方,則 得 周事 之。 矣,是 伐 將 Ŧ 之 天

文王在上,於昭于天。周雖舊邦,其命維新。

八八八

有 言之。 如 哉 ? 周 聖人先天而天弗違,後天而奉天時,與天 君子曰,周之德豈不顯,而 國,數百千歲矣,至是始受命以有天下。 文王之在民上,其德上昭于天。 不 故 顯,帝命 文王行事,常若升降在帝左右者,蓋 也。 詩於天人之際,多以 木 · 時。 文王 陟 降, 帝 命 在 蓋周之有 帝 造出不 左 陟 右。 降 是

亦世。子。文王孫子,本支百世。凡周之士,不顯聲亹文王,令聞不已。陳錫哉周,侯文王孫

莫不世,而況其顯者乎? 士猶且獲世,而者,是何故也? 凡周之士,雖其不顯者猶孫,適爲天子,而庶爲諸侯,其祚無不百世立於天下者,未有非其子孫也。文王之子立於天下者,未有非其子孫也。文王之子不專利,而布陳之以與人,人思載之,是以亹亹,勉也。哉,載也。侯,維也。文王維

世之不顯,厥猶翼翼。 王國克生,維周之楨。 爲周之幹,言無所不容也。無所不容,此 有不可用者也。 翼翼不忘敬也,而況其顯者乎? 皇,大也。楨,幹也。「士之不顯」者,猶且 故能載周以至于今。」此之謂也。 所載 良夫諫曰:「夫利,百物之所生,而天地之 也。 況 文王之所以安也 曰:『陳錫載周。』是不布利 文王 也。 厲王之世,榮夷公以專利 一之子 而或專之,其害多矣。 孫 乎? 是以文王思大獲多士,以 思皇多士,生此 濟濟多士,文王以 此 所 謂 而懼 陳 爲 錫 卿 《大雅》 言士未 難 (士, 芮 載 王 乎? 寧。 周 或

穆穆,美也。緝,和也。熙,光也。假,大

服于周。言其德無所不懷,雖商人亦無有王,使有商之子孫。商之子孫衆矣,而維也。麗,數也。不億,不徒億也。天命文

與之較者也

也。京,周京也。哻,殷冠也,夏曰收,周膚,美也。敏,疾也。祼,灌鬯也。將,行厥作祼將,常服黼哻。王之蓋臣,無念爾祖。侯服于周,天命靡常。殷士膚敏,祼將于京。

作爭。

告於成王曰,王之進臣,可無念爾祖哉!不受者,言其德廣大,無所忌間也。故以尚皆服其哻。其臣周也新矣,然而文王無曰冕。藎,進也。殷人之來助祭於周者,曰冕。蓋,進也。殷人之來助祭於周者,

殷之未喪師,克配上帝。宜鑒于殷,駿命無念爾祖,聿修厥德。永言配命,自求多福。

不易。

修文王之德,順天命以求多福,則又告之聿,述也。配,順也。駿,大也。既告之使

世,維違天以敗。故曰「宜鑒于殷,駿命不以殷之未失衆也,其君皆能配天,及其末

易」,言天命之難保也。

天。上天之載,無聲無臭。儀刑文王,萬邦命之不易,無遏爾躬。宣昭義問,有虞殷自

度也。 命。 信之,則天載之矣。 而知 天,布明善問,度商之所以興 遏,絶也。 蓋天之所欲載者,非有聲音臭味可推 也。 知命之不易,故告之使無自遏 惟儀刑文王,則萬邦信之。 義,善也。「有」、「又」通。 八廢,以 萬邦 絕於 順天 虞,

《文王》七章,章八句。

天位殷適,使不挾四方。明明在下,赫赫在上。天難忱斯,不易維王。《大明》,文王有明德,故天復命武王也。

九〇

適,然以其不義,故使其政令不浹於四方。可易者,天子也。今紂居天位,而又殷之甚著,故天意之去就難信也。世之所謂不人君之德,其見於下者甚明,其發於上者

乃及王季,維德之行。 摯仲氏任,自彼殷商,來嫁于周,曰嬪于京。

天之難信也如是。

來者,遠自其父母而已然矣。季,行婦道於周京。言文王之賢,其所從摯國任姓之中女,自商之畿內而歸於王

之國也。 懷,來也。方國,四方來附 大任,仲任也。懷,來也。方國,四方來附昭事上帝,聿懷多福。厥德不回,以受方國。大任有身,生此文王。維此文王,小心翼翼。

在洽之陽,在渭之涘。 天監在下,有命既集。文王初載,天作之合。

載,成也。天既集大命于周,於文王之始

成人也,則爲作配於治、渭之間。治、渭之成人也,則爲作配於治、渭之間。治、潤之 定厥祥,親迎于渭。造舟爲梁,不顯其光。 文定厥祥,親迎于渭。造舟爲梁,不顯其光。 文定厥祥,親迎于渭。造舟爲梁,不顯其光。 之,卜而吉,則納幣以定之。造舟爲梁,不顯其光。 之,卜而吉,則納幣以定之。造舟爲梁,不顯其光。 之,卜而吉,則納幣以定之。

者, 曰上帝臨女矣, 無疑不克紂也。 武王,然其衆維武 矢,陳也。 牧野,商郊 王是爲,無 也。 紂 陳 不 欲 其 武 衆 王 以 拒 興

時 牧野洋洋,檀車煌煌、駟騵彭彭。 佐也。 維 無剛者肆之,會於清明之朝,而克紂。」 駵 馬 鷹 白 揚。 肆,縱也。《春秋傳》曰:「使勇而 腹 日騵。 涼彼武王,肆伐大商,會朝 師尚父,太公望也。 維師 清 尚 涼, 明。 父, 蓋

《書》所謂「甲子昧爽」也。

《大明》八章,四章章六句,四章章

八句。

父,陶復陶穴,未有室家。 緜緜瓜瓞。民之初生,自土沮漆。古公亶《緜》,文王之興本由大王也。

間也。古公亶父,太王也。復,復於土上有杜陽,杜水南入渭,言國於杜與漆、沮之豳之二水也。《齊詩》土作「杜」。漢扶風瓜之近本者常小,於其故土居也。沮、漆,縣縣,不絶貌也。瓜瓞,瓜近本之實也。

猶處於復、穴,無室家之盛。及遷於岐周,替如瓜之瓞,歲以益小。至於大王,其始密奔於戎狄,後世國於漆、沮之上,子孫衰也。穴,鑿地也。其狀皆如陶。然周自不

古公亶父,來朝走馬。率西水滸,至于岐下。而後大興焉。

爰及姜女, 聿來胥宇。

人也。 歸市。 下,及其妃大姜皆來相宅。 之,踰梁山,邑乎岐山之下,豳人之從者如 所以養人者害人。二三子何患無君?」去 所欲者,吾土地也。 不獲免,乃屬其耆老而告之曰:「狄 大王居豳,狄人侵之,事之以皮幣犬 朝,早也。朝發於豳 吾聞之,君子不 一,循水 言其妃 而 以 亦賢 馬 至 人 其 Ż 岐 而

曰止曰時,築室于兹。 周原膴膴,堇荼如飴。爰始爰謀,爰契我龜。

也。卜者,必刻龜而灼之。時,是也。 膴膴,美也。堇,藋也。荼,苦也。契,刻

廼慰廼止,廼左廼右, 廼疆廼理,廼宣廼畝。

自西徂東,周爰執事。

廣狹也。「自西徂東」,民之來自豳者也。也。理,分土宜也。宣,道溝洫也。畝,度慰,安也。左右,東西列之也。疆,畫經界

縮版以載,作廟翼翼。 乃召司空,乃召司徒,俾立室家。其繩則

爱,於也。

也。始建國者,宗廟爲先,廐庫爲次,居室室之所取直也。縮,束也。載,上下相承司空掌營國邑,司徒掌徒役之事。繩,宫

捄之陾陾,度之薨薨,築之登登,削屢馮馮。

爲後。

百堵皆興,鼛鼓弗勝。

捄, 虆也。 陾陾, 衆也。 度, 投也。 薨薨,

聲也。 鼛,大鼓也。 馮馮然堅也。 虆,投諸版中 登登,用力也。 築牆者, 而築之。 五版爲堵。 既 削屢,重 捊聚壤土,盛之以 成 擊鼛鼓以 而 削之,其聲 |復削治也。

廼立皐門,皐門有伉。廼立應門,應門將而不能止,言勸事也。

廼立冢土,戎醜攸行。

事于社而後出,謂之宜。也。戎,大也。醜,衆也。起大衆,必先有曰路門。天子加之以庫、雉。冢土,大社諸侯之宫,外門曰皋門,朝門曰應門,寢門

兑矣。混夷駾矣,維其喙矣。肆不殄厥愠,亦不隕厥問。柞棫拔矣,行道

夷之怨哉? 徒以國家未定,人民未集,故喙,喘也。古公之徙於岐周,其心豈忘混也。柞,櫟也。棫,白桵也。駾,突也。殄,絶也。愠,怒也。隕,隊也。問,聘問

枚, 閑 不 已繕完,則夫混 暇 敢 ",以 失聘問之禮,姑與之爲無憾。 行道 脩 兌 其政令,要吾所植柞棫 而 成蹊。凡 夷將不較 所 而自服。 以 爲 或 苟猶欲 拔 而 者 及 而 既 牛 其

虞芮 有先後,予日有奔奏,予日 奔 質 突我者,則維 厥 成、文王 以 蹶 自困 厥 生。 而 已,不能害我矣。 予日 有禦侮 有 疏 附,予

於西 既克崇, 起 大王肇基王迹,至於文王,其始猶 邑 焉,人其境,耕者讓 長 Ш 國亦衆,三分天下而有其二。 君 一,男女異路,班白提挈; 安,而崇在 之下,其地甚狹,故孟子言「文王方百里 相與 南 其後既克密須,而 而 然後 已,未 爭 ,田,久 鄠 涉 能 渭 作都 其地 而 及 畔,行 **於東** 不 平,乃 既 於豐。 國 廣,其 北。 入其朝,士 者 一於岐、渭之間 讓路; 然其政猶 皆朝周 其後虞、芮 所服 豐在京 或 人其 從 於岐 圃 爲 質 行 2 兆

> 喻德 也。 之所 也。 其所 無所 歸周者四十餘國。 讓 其禮義廉耻之心油然而 命 同之馮 大夫,大夫讓爲卿。 也 稱 不具。 以 爭爲間田 宣譽日 率下親上曰 虞、芮欲質其成,而 丟。 翊。 能 虞、芮之訟既平,其傍聞之,相 質,正也。 至於此 平陸 其臣 奔 而去。 奏。 無所不具者,文王之盛德 者,何: 疏 有間 武臣 附。 東北既集,文王於是受 成,獄 虞在陝之平陸 原焉 國之君愧焉,乃 哉? 折衝 相道 生。 文王 ,則虞、芮之 成 一有以 前後曰先後。 君子曰,文王 予以 也 動之, 爲 蹶, 一,芮 其 帥 所 在 以 臣 使 動 而

《縣》九章,章六句。

| 棫樸》,文王能官人也。

「生枚」,明本作「遂茂」。

九三

芃 , 芃棫樸, 薪之槱之。 乎 ? 也。 矣,然猶可以爲薪 槱,積也。 芃芃,盛貌也。 故其在朝也,其左右翼然趣之。言官 文王之官人,小大無所遺弃,亦猶是 小木而枹生,以爲無所用 棫,小木也。 而積之,而況其 濟濟辟王,左右趣之。 樸, 枹生也。 大者 材之

淠彼涇舟,烝徒楫之。 周王于邁,六師及之。 濟濟辟王,左右奉璋。奉璋 淠,舟行貌 之,而行淠然矣。 舟也,故舟載而已,不復事行也,使衆人楫 也,故文王 髦,俊也。 半圭曰璋、諸臣所奉也。 文王之朝,奉璋者皆士之俊也。 一官人 也。 烝,衆也。 而已,不復爲也,六師與 能得人而官之者,文王 峨 能浮而載物者 峨 峨,髦士攸 峨,盛壯 宜 也

> 不親之謂遠。 不能遠作 爲之章耳。 天之蒼蒼,豈自有章哉? 人,使爲我章哉? 文王老矣,無 鼓之舞之之謂作。 所復爲矣,然豈 則亦有雲漢以 遐,遠也。

九四

追琢其章,金玉其相。 張也。 取,然綱紀不自取 則金玉其相,以爲之綱紀 爲徒脩其身以御之,故外則追琢其章,内 追,亦「琢」也。相,質也。 紀,所以理也。 也 勉勉我王,綱 綱之紀之而網乃可 文王用 丽 己。 綱,所以 紀 人,而不 , 四方。

備也

《棫樸》五章,章四 句。

《旱麓》,受祖也。

瞻彼旱麓,榛楛 早,山 澤萬物,而麓之草木亦被焉。譬之如 楛,荆屬也。 名也。 濟濟。 濟濟,衆多也。 麓,山 豈弟君子,干禄豈弟。 足也。 榛,栗 山 作雲雨 屬 也。 周 以

倬彼雲漢,爲章于天。周王壽考,遐不作人。

之,而其所至者遠矣。

其福。以樂易求福,其報未有不樂易之先祖,其所以利人者廣,故其子孫亦受

者也

鳶飛戾天,魚躍于淵。 淵之深也,以爲不可入矣,然魚則躍焉。 天之高也,以 或疑之,何以異不信鳶、魚之能飛、躍哉? 之不能不信哉? 夫鳶、魚之能至此也,必有道矣,豈可以我 上,魚以之躍於下,而況於人乎! 或曰: 道在我,而物無不咸得其性。 鳶以之飛於 物,雖幽明上下無不能格,小人不能知,而 「君子之道費而隱。 爲不可及矣,然鳶則至焉; 君子推其 豈弟君子,遐不作人。 一誠 夫婦之愚, 心 以 御 萬

天,魚躍于淵。」言其上下察也。」 知焉。夫婦之不肖,可以能行焉,及其至知焉。夫婦之不肖,可以能行焉,及其至知焉。夫婦之不肖,可以能行焉,及其至可以與知焉,及其至也,雖聖人亦有所不可以與知焉,及其至也,雖聖人亦有所不

載,載於器也。 清酒既載,騂牡既備。以享以祀,以介景福。

皆不求而可以自得之謂也。 民斯燎之矣,君子樂易,則神斯勞之矣。 僚,謂熂燎,所以除草也。木苟柞棫,●則 瑟彼柞棫,民所燎矣。豈弟君子,神所勞矣。

之施于條枚,非以巧得之,蓋民之所樂莫莫,盛貌也。君子之託於民上,如葛藟莫莫葛藟,施于條枚。豈弟君子,求福不回。

<sup>● 「</sup>木苟柞棫」,明本作「柞棫茂密」。

奉耳。

《旱麓》六章,章四句。

《思齊》,文王所以聖也。

こりがデュリア(Top)。 思齊大任,文王之母。思媚周姜,京室之婦。

大姒嗣徽音,則百斯男。

又能繼其德音,無妬忌之行,以母百男,此稱周室之婦。周家比世皆有賢妃,而大姒周室之婦太姜也。大王始遷於周,故大姜者,文王之母大任也,能以德媚其國者,媚,愛也。京室,周室也。能以禮齊其家

至于兄弟,以御于家邦。惠于宗公,神罔時怨,神罔時恫。刑于寡妻,

文

王所以能全其聖也。

事天地百神,而無有怨痛, 下治其室家,言寡小君也。文王上順其先公,推其心以惠,順也。宗,尊也。恫,痛也。寡妻,猶

ummmmemeee<

肆戎疾不殄,烈假不瑕。

造。 不聞亦式,不諫亦人。 離離 其戎疾無有不殄,而大業無有不瑕者也。 文王之用人不求備,使士皆獲盡其力,故 雖士之不揚,陋於威儀者,莫不臨省之, 假,皆大也。 士之無射,短於技蓺者,莫不保任之。 在宫也、雝雝其和,其在廟也、肅肅其敬 古之人無斁,譽髦斯士。 和也。 烈,業也。 肅 肅 敬 肆成人有德,小子有 也。 瑕,遠也。 顯,揚 也。 文王之 戎、

小子有造,古之人亦不自厭弃也。然後文皆勉於進,雜然競作於下。成人者有德,此士之不學者也,然猶獲入而用之。故士式,用也。内無所聞知,而外不能以告人,

作之屏之,其菑其翳。脩之平之,其灌其栵。

「昔之人無聞知」,謂老者也。人也。古之人,猶言昔之人也。《書》曰王因其譽,以取其俊而用之,是以下無弃

帝遷明德,串夷載路。

木立死曰菑,自斃曰翳。灌,叢生也。

栵,

啓之辟之,其檉其椐。

攘之剔之,其檿其柘。

天立厥配,受命既

固。

《思齊》四章,章六句。

也。

串,習也。

夷,平也。

大王之徙

於岐

栭也。

檉,河柳也。

椐, 樻也。 檿, 山桑

《皇矣》,美周也。

皇矣上帝,臨下有赫。監觀四方,求民之莫。 是,大也。莫,定也。二國,夏、商也。四 皇,大也。莫,定也。二國,夏、商也。四 皇,大也。莫,定也。二國,夏、商也。四 皇,大也。莫,定也。二國,夏、商也。四 國,四方之國也。耆,老也。廓,大也。帝 國四方,求民之所歸定。夏商之政,不獲 天心,天乃究度四方,將擇其可者與之。 太猶須假而養之,至其老而不變,憎其惡 之寖大,乃眷然西顧,見周德之可依,而與 之寝大,乃眷然西顧,見周德之可依,而與 居焉。言天非私周也。

固矣。

有四方。 友其兄,則篤其慶,載錫之光。受禄無喪,奄對,自大伯王季。維此王季,因心則友。則

之者。既立之國,又與之以賢君,故大伯大王居周,而天祐之,至於草木無不省視兑,易直也。對,配也。人君國之配也。

矣,自立其賢妃大姜以配之,而其受命既

焉。四方之民習其道路,夷其險阻

而

歸

而

遷

周也,伐山刊木而居之,帝依其明德

之,來者載路而

不絶。

蓋天之祐之也

九八

子孫覆有天下。 友之。厚周之慶,而光施於大伯,以至於以王季之兄而讓於王季。王季因其心而

維此 比于文王,其德 克明克類,克長克君。 《春秋傳》曰: 子 聖,從後視之而無所悔,是以其福能施於 擇善而 不倦曰 孫 王季,帝度其心,貊其德音。 新, 照 臨 也 從 長,賞慶刑 曰比。」凡王季之行,雖文王之 四方曰 靡悔。 「心能 威曰君,慈和 明,勤施 王此大邦,克順克比 既受帝祉,施于孫子。 制義曰度,德正應和 無私 其德克明, 偏服 曰類,教誨 順

斯怒,爰整其旅,以按徂旅。以篤于周祜,以岸。密人不恭,敢拒大邦,侵阮徂共。王赫帝謂文王,無然畔援,無然歆羨,誕先登于

對于天下。

援,猶偃蹇也。

帝謂文王,無爲偃蹇不

欲得。 也。 密,所以答天下之望 安定陰密。 焉,由此道也。 日。」故文王之於密也,赫然征之而無 我先登于岸。《易》曰:「介如石,不終 不求,已至而不疑。 若安以俟之也。 事之已至,而先之者不知事之未及,故莫 以要致之,進者將以先取之。 進,已至而 按,止 是二者皆將失之, 不取; 也。 阮、共,周之二邑也。 密,密須也,姞姓之國,在 旅, 夫惟安以俟之,故未及而 亦無歆慕,好先未 周 師 譬如相與皆涉,要必 也 也。 何 對,答也。 也? 要之者不 退者 徂,往 至 留 知 將 而

之王。 原,居岐之陽,在渭之將。萬邦之方,下民我陵我阿,無飲我泉,我泉我池。度其鮮我陵我阿,無飲我泉,我泉我池。度其鮮

京、大阜也。矢、陳也。鮮、善也。將、側

崇,則徙居於豐。 崇,則徙居於豐。 崇,則徙居於豐。 一方,總也。於是拒之,入阮而止,不及共矣, 此所謂「以按徂旅」也。文王既克密須,於 我有也。於是拒之,入阮而止,不及共矣, 此所謂「以按徂旅」也。文王既克密須,於 是相其高原而徙都焉,所謂程邑是歟? 是相其高原而徙都焉,所謂程邑是歟? 以安祖旅」也。文王既克密須,於 也。方,總也。密人之兵,依山而侵阮,陟

天之所以歸之也。於是命之克崇,自是以與天爲徒,故無內外之異,無窮達之變,此王之德,不以識識,不以智知,漠然無心而以革」,爲之於窮約而忘之於盛大也。文以華」,爲之於窮約而忘之於盛大也。文

也。仇,怨也。鈎援,鈎梯也。臨、衝,臨有天下焉。凡言「帝謂文王」,以意推天

車、衝車也。

**,崇墉仡仡,是伐是肆。是絶是忽,四方以是類是禡,是致是附,四方以無侮。臨衝茀臨衝閑閑,崇墉言言。執訊連連,攸馘安安。** 

無拂。

忽,滅也。 問閑、茀茀,動摇也。言言、仡仡,崩阤也。 以,問也。馘,獲也。連連、安安,徐也。 既,問也。馘,獲也。連連、安安,徐也。 以,問也。馘,獲也。連連、安安,徐也。

《皇矣》八章,章十二句。

《靈臺》,民始附也。

經始靈臺,經之營之。庶民攻之,不日成之。

文王克崇而都豐、豐、鎬之間民始附之,於

是作靈臺焉。靈之言善也。《孟子》曰:

其臺曰靈臺,謂其沼曰靈沼。」經,度之也。「文王以民力爲臺、爲沼,而民歡樂之,謂

營,表之也。攻,作也。

經始勿亟,庶民子來。王在靈囿,麀鹿攸伏。

言不擾也。

濯濯,娱游也。翯翯,肥澤也。牣,充也。麀鹿濯濯,白鳥翯翯。王在靈沼,於牣魚躍。

**虡業維樅,賁鼓維鏞。於論鼓鐘,於樂辟雍。** 文王之囿,雖麋鹿魚鼈,無不得其所者。

植者曰虡,横者曰栒,栒上之板曰業,業上

鏞,大鐘也。論,講也。因民之樂,而講求之刻曰崇牙。樅,峻峙也。賁,大鼓也。

鐘鼓之度,以作辟雍之樂也。《莊子》曰:

「文王有辟雍之樂。」

於論鼓鐘,於樂辟雍。鼉鼓逢逢,矇瞍奏公。

鼉,魚屬也。逢逢,和也。矇瞍,瞽也

公,事也。

《靈臺》五章,章四句。

《下武》,繼文也。

下武維周,世有哲王。三后在天,王配

于京。

維周然耳。三后,大王、王季、文王也。武,迹也。先王既没,而其迹在下不絶者,

王,武王也。京,鎬京也。

王配于京,世德作求。永言配命,成王之孚。

孚,信也。三后之世,王迹既兆,其孚見作,起也。起而求其先世之德,以繼之也。

矣。及武王配天之命,而後成也。

成王之孚,下土之式。永言孝思,孝思維則。

媚兹一人,應侯順德。永言孝思,昭哉嗣服。

咸法則之。其所法者,其孝也。故人思所侯,維也。服,事也。武王既成王業,天下

孝,能嗣其先王之事者,豈不明哉?以媚之者,維順其德以應之。 然則武王之

孝於來世,使約其祖武而行,故能久荷天昭,明也。許,所也。繩,約也。武王昭其昭兹來許,繩其祖武。於萬斯年,受天之祜。

《下武》六章,章四句。 四方皆來賀之,不遠有佐之者乎? 受天之祜,四方來賀。於萬斯年,不遐有佐。

禄

而不替也。

《文王有聲》,繼伐也。

繼文者,言繼其文德。繼伐者,又兼言其

武功也。

文王烝哉! 文王有聲,適駿有聲。遹求厥寧,遹觀厥成。

以有聲者,能述大其先人之聲耳。凡求其適,述也。駿,大也。烝,君也。文王之所

之所以爲君也。

欲,遹追來孝。王后烝哉! 文王烝哉! 築城伊減,作豐伊匹。匪棘其文王受命,有此武功。既伐于崇,作邑于豐。

已。自其克崇作豐,而王業成,故以王后非以急成其欲,乃以述追其先君之勤孝而減,廣深八尺。文王城豐,大小適與成偶,匹,偶也。來,勤也。方十里曰成,成間有

王公伊濯,維豐之垣。四方攸同,王后維翰。

王后烝哉!

名之。

周,無有不順,此則文王之翰也。敢侮,此則豐之垣也。四方諸侯相率而歸文王君臣相與洗濯,脩絜其政,故天下莫

皇王烝哉! 豐水東注,維禹之績。四方攸同,皇王維辟。

維君也。皇,大也。武王之於文王,則王者,禹之功也, 四方之所以歸周者,武王豐水入渭,東注于河。豐水之所以東注

鎬京辟廱,自西自東,自南自北,無思不服。

業益大矣,故稱皇王焉。

皇王烝哉!

其小,則自辟廱。其外無不服者。廱,天子之學也。舉其大,則自鎬京,舉鎬京,武王之所都,在長安鎬水之上。辟

武王烝哉! 考卜維王,宅是鎬京。維龜正之,武王成之。

考,稽也。

況於武王未嘗不事哉? 故遺其子孫之水之於物,無所事矣,然猶以其澤生芑,而芑,草也。仕,事也。燕,安也。翼,敬也。

《文王有聲》八章,章五句。 位而稱王故也。文、武,則其正號矣。 王,後曰武王。蓋文王老而稱王,武王即 王,後曰王后。其言武王者,先曰皇 謀,以安後世之敬者。此詩言文王者,先

詩集傳卷第十六

# 詩集傳卷第十七

## 生民之什 大雅

《生民》,尊祖也。

周公制禮,推尊后稷以配天,故爲此詩,言

其所以尊之。

震 祀,以弗無 厥初生民 載夙,載生載育,時維 ,時維姜 子。 履帝武 (嫄。 生 敏歆,攸介攸止。 后稷。 民 如 何? 克禋 克 載

也,姜嫄禋祀郊禖,以祓去無子之疾,見大 母,姜氏之女日 禋,敬也。 介,覺也。 人迹焉 而履 弗,被也。 震, 娠也。 其拇,歆然感之,若有覺其止 嫄,爲帝嚳元妃。 武,迹也。 夙,肅也。 敏,拇 稷之生 后 稷之 也

有限。 然者。 蓋 蓋 之生,皆見於《詩》、《易》,不以爲怪,其説 所見疑所不見。故《河圖》、《洛書》稷、契 世不服。 不信萬物之變。 事之不可推者,何獨此。 而有以異於人,何足怪哉? 之生異於魚鼈,物固有然者。 故其生也或異。 之,物之異於常物者,其取天地之氣弘多, 於「牛羊字之」,「飛鳥覆之」,何哉? 竊非之。 氏獨不信, 曰履帝武者, 從高辛行也。 之者,於是有身。 廣 此詩言后稷之生甚明,無可 如此。 以 然學者以其不可 以「履帝武」爲從高辛行歟? 古之聖人不然,苟誠有之,不以 有限待 使後世復有聖人,無是固不可 物之變無窮,而耳目之見 虎豹之生異於犬羊,蛟蜃 無 肅 窮,則其 戒 推,而莫之信。 不 以耳目之陋,而 御, 爲説 雖近世猶有 疑者。 神人之生, 而 生 也勞,而 后 然毛 稷。 夫 至

以赫厥靈。 誕彌厥月,先生如達。 少之, 達之易,赫然其異於人,此豈上帝不安之 無疾而生子,是以不安而弃之。 姜嫄之元子也。 誕,大也。 然姜嫄乃反以其由禋祀之故,居然 而 有是亦 上帝不寧,不康禋祀,居然生子。 彌,終也。 不足怪。 既終其月而生,其生也如 不坼不副 達,羊子也。 此聖人之意 ,無菑無害, 后稷, 也

矣,后稷呱矣。 伐平林。誕寘之寒冰,鳥覆翼之。鳥乃去誕寘之隘巷,牛羊腓字之。誕寘之平林,會

穟,麻麥幪幪,瓜瓞唪唪。 以就口食。蓺之荏菽,荏菽旆旆。禾役穟實覃實訏,厥聲載路。誕實匍匐,克岐克嶷,

> 路矣。 嶷矣。 行列也。 唪唪,多實也 其性也。 言后稷之生,其體實長且大,其聲則載於 覃,長也。 及其始匍匐以就食也,其形則已岐 及其稍壯,遂知樹蓺五穀。 荏菽,大豆也。 穟穟,苗好也。 于,大 也。 岐 岐 旆旆,長也。 幪幪,苗盛 嶷 嶷,峻茂 言出於 也。 也。

好,實穎實栗。即有邰家室。茂。實方實苞,實種實衰,實發實秀,實堅實誕后稷之穡,有相之道。 弗厥豐草,種之黄

也。 邰,姜嫄父母國也,在今武功。 穀,故堯封之於邰 有助之者,雖茀穢豐草之地,皆能以 栗,不秕也。 相,助也。 極畝也。苞,茂也。種,生不雜也。 發,發管也。 茀,荒也。黄茂,嘉穀也。 后稷之爲稷官也,稼穡常若 秀,華也。 ,使即其母之家而居之。 穎,垂穎 褎,長 生嘉 也。 方,

誕降 降此,於是徧種之。既 肇,始也。 也。芑,白苗 秬,黑黍也。 是畝 . 嘉種 ,維秬維秠,維糜維芑。 恒之糜芑,是任是負,以歸肇祀。 后稷既 秠, 也。 一稃二米也。 封,而獲嘉 恒,徧也。 成穫而 棲之於畝 種, 日天實 任,檐也。 恒之秬 糜,赤苗 秠

印

上帝

負任以歸,而始祭天焉

羝以軷,載燔載烈,以興嗣歲 叟叟,烝之浮浮。 誕我祀如 位。 興 烈其肉以爲尸羞 祭祀、於是謀祭之日、思祭之備。及其將 叟叟,聲也。 揄 ",抒臼 則取蕭草與祭牲之脂, 藝之於行神之 馨香既聞,取羝羊之體以祭神,又 歲 何? 、繼往歲 也。 浮浮,氣也。 蹂,揉孰之也。 或春或揄,或簸或蹂。 載謀載惟,取 也 然後犯載而往郊,所以 此所 謂 既治其米以 孟 釋,淅米 蕭祭脂。 春祈穀 釋之 也。 燔 于 待 取

> 胡臭亶時。 牟,帝命率育」。 食。 也。 子祭天地,諸侯祭社稷,此禮之不可易者 罪悔,以至于今,是以天饗之也。古者 芳臭,信能至是也。 薦大羹。 卬,我也。木曰豆,瓦曰登。豆薦菹醢,登 盛于豆,于豆于登,其香始升。 疑之,天大雷電以風,禾偃木拔。及成王 嘉種,維秬維秠,維麇維芑」,又曰「貽 民方阻飢,后 也,而皆得祭天,此何禮也? 然后稷,堯之諸侯,周公,周之諸侯 天實佑之,而錫之嘉 亶,信也。 后稷肇祀、庶無罪悔、以迄于今。 稷教之播 及周公遭流言之變,成 時,是也。 自后稷始祭天, 種,於是民 種 ,詩曰「誕 洚水之後, 上帝居歆, 言非 獲 而 獨 我 粒 天 Ŧ 來 降 無 其

於是民」,明本作「民於是」。

0

爲之出郊,而天乃雨,反風,禾則盡起。蓋啓金縢之書,知其以周公故也,將逆周公,

而皆不得祭天,蓋天命之所不及故也。非私許之也。不然,二公之世賢者多矣,此。故堯與成王,因天之意而使之祭天,二公之德,上昭于天,天之所以佑之者如

八句。《生民》八章,四章章十句,四章章

《行葦》,忠厚也。

人乎? 方且欲生也,故禁牛羊,使勿踐之,而 微矣,仁人君子將於是 也。 敦,聚貌 泥泥,弱貌 故王者内則親 也。行,道 也。道上之葦,其爲物 也。 睦九族,外則尊事 何求哉? 苞,本也。 然 體, 況於 謂 其 也 幹

此所謂忠厚也。黄耇,凡以無逆其性,而非有所望之也。

戚戚,相親也。爾,近也。肆,陳也。少者戚戚兄弟,莫遠具爾。或肆之筵,或授之几。

肆筵設席,授几有緝御。或獻或酢,洗頭肆筵而已,老者加之以几。

奠斝。

不舉也。 本事也。 如,侍御也。斝,亦爵也。兄弟 是人,主人洗爵而醻賓,則賓受而奠之 是之,又有相代而侍之者。主人獻賓,賓 之思者,既陳之筵,又設之以重席,既授

**醯醢以薦,或燔或炙。嘉殽脾臄,或歌或咢。** 

醯醢

,醢之多汁者也。

薦禮,韭葅

則

醓

醢

燔,肉也。炙,肝也。臄,函也。脾函,所

敦弓既堅,四鍭既鈞。舍矢既均,序賓以賢。以爲加也。歌者比於琴瑟。徒擊鼓曰咢。

均, 敦 老,而以射擇其賓也 弓, 四 隅 畫 均 弓 也。 也。 賢, 鍭, 射 矢 中 也。 多 鈞, 也 參亭 此 將 也 養

鍭」,則徧釋矣。不侮,敬也。 「句」、「彀」通。 射禮,搢三挾一。 「既挾四

而養之。
一尺。祈,告也。酒醴既備,則以告於黄耇一門。祈,告也。酒醴既備,則以告於黄耇曾孫,謂成王也。醹,厚也。大斗,其長三曾孫維主,酒醴維醹。酌以大斗,以祈黄耇。

翼,左右之也。祺,吉也。台,鮐也。大老則背有鮐文。引,導之也。黄耇台背,以引以翼。壽考維祺,以介景福。

既醉》,太平也。

《行葦》八章,章四句。

既 醉以酒,既 德。 周 寢,旅酬至無筭爵,醉之以酒,而 故君子作此詩。 自文武至於成王,而天下平,無所 臣之所以願其君者,反復而不厭,此 飽 以德。 言王與羣臣祭畢而 君子萬年,介爾 飽之以 復 景 燕於 事, 福

既醉以酒,爾殽既將。君子萬年,介爾昭明。

所謂太平也

將,行也。

昭

明,顯著於天下也

昭 明 之福嘏於成王。 能終,終而復始,福無 融,和也。 有融,高朗令終。 俶,始也。 王者以卿爲尸,天子之卿 令終有俶,公尸嘉告。 昭明而 窮 也。 能 尸 和,高 以 是 無 朗而 窮

威儀。 其告維何? 籩豆靜嘉。朋友攸攝,攝

以

有以諸侯爲之,故曰公尸。

相敕,以無違禮故也。朋友,王之友臣也。尸之所以嘏主人者,以其籩豆靜嘉。君臣

攝 撿 也

威儀 孔 時,君子有孝子。孝子不匱,永錫

爾類

**祚胤** 其類維 孝子。孝之施於人無窮,故又能 君子之事神,其禮無不時者,故神錫之以 何 ? 室家之壺。 君子萬年,永錫 錫其

壺,廣也。 能錫其類,則室家之廣皆將化

之,則其胤嗣無不賢者矣。

僕。 其胤維何? 其僕維 · 何 ? 天被爾禄。 釐爾女士。 釐爾女士,從 君子萬年,景命有

以孫子。

僕,屬也。 之以女子而有士君子之行者也。予之以 釐,予也。天之所以屬之者,予

女士,而其子孫無不賢者矣。 既 醉》八章,章四句。

**鳧鷖》**,守成也

鳧鷖在涇,公尸來燕來寧。 爾酒既清,爾殽

既馨。公尸燕飲,福禄來成。

既嘉。公尸燕飲,福禄來爲。 鳧鷖在沙,公尸來燕來宜。 似焉。鳧、鷖、皆水鳥也。涇、水名也。 其容安詳, 鳧鷖之爲物也,愿而遲,其貌 將之以敬,不失其故而已。 尸之在廟也, 也。故此詩言祭畢而燕尸,絜其酒食,而 守成者,守先王之成法,而無所損益之謂 爾酒既多,爾殽

爲,助也。

尸來燕來宗。既燕于宗,福禄來降。公尸燕 伊脯。公尸燕飲,福禄來下。 鳧鷖在渚,公尸來燕來處。 爾 鳧鷖 酒既湑,爾殽 在潨、公

鳧鷖在亹,公尸來止熏熏。 潨,水會也。 來宗,來尊 也。 旨酒欣欣,燔炙 崇,重也。 飲,福禄來崇。

以

遵成王之法者。

芬芬。公尸燕飲,無有後艱。

亹,山絶水也。熏熏,和説也。欣欣,樂

也。芬芬,香也。

《鳧鷖》五章,章六句。

《假樂》,嘉成王也。

假樂君子,顯顯令德。宜民宜人,受禄于天。

保右命之,自天申之。

假,嘉也。《春秋傳》作「嘉樂」。申,重也。

言天之於成王,反覆申重而不厭,是以保

右而命之也。

不愆不忘,率由舊章。干禄百福,子孫千億。穆穆皇皇,宜君宜王。

億。適爲天子,庶爲諸侯,無不穆穆皇皇成王干禄而得百福,故其子孫之蕃至于千

を請兵遣,引うと蜀。 威儀抑抑,徳音秩秩。無怨無惡,率由羣匹。

受福無疆,四方之綱。

從衆之欲而已,不自爲,是以能受無疆之無所不容,故無怨,無所不矜,故無惡。

福,爲四方之綱。

之綱之紀,燕及朋友。百辟卿士,媚于天子。

不解于位,民之攸墍。

息也。 燕,安也。壁,息也。 下賴之以安,故百辟 曰,維不解于位,不解于位,故 卿 成王綱紀四方, 士 一思所 以 民 媚 獲休 之 圃 者 臣

《假樂》四章,章六句

篤公劉,匪居匪康。 迺場漂《公劉》,召康公戒成王也。

后

稷 始封 於邰,傳子不 窋 其孫公劉復 而失其官,❶ 脩 犇 后

丢。 稷之業,始居於豳,故召公稱之,以教 於戎狄之間,再世不顯。 言公劉之在西戎也,不康其居,外 則 成

治其疆場,内則積其 (倉廪。 内 外 /繕完, 則

於是 裹其 於是用兵於四方,以啓敵之行陣 始 餱 糧,思以 立。 篤, 輯 厚 和其民, 也。 戚, 而 斧 光其 也。 而 先 豳 揚, 祖 國

無永嘆。 篤公劉,于胥斯原。 ,鞞琫容刀。 陟則在巘,復降在原。 既庶既繁,既順乃宣,而 何以舟之?

鉞也。

維

玉及瑶

其所 公劉 其 相 胥,相也。 與 田 欲 則 進其玉、瑶、容刀之佩以帶之,愛之 原也,其民則已繁庶矣。 與之陟巘而降原,民滋愛之,於是 ,而後導之以 宣,導也。 事,故其民勞而不怨。 舟,奉也。公劉之相 公劉又能順

至也

篤公劉 覯 于京。 ,逝彼百泉,瞻彼溥 京師之野 ,于時處處,于時 原。 迺 陟 廬 南 旅 岡 于 迺

時言言,于時 語語。

此可 語。 教令,此可 覯京師。 溥,廣也。 始有朝廷邑居之正焉。 往百泉而 公劉之營京邑也審矣,自下觀之, 以居居民 望廣原; 審其可處矣,則經畫以定之, 以議政事。 京,大陵也。 此 可以 自上觀之,則陟南岡 蓋 廬 直言曰言,論難 自遷 賓 旅 嫲 ,此可以 三,至此 施 而 日 則 而 日

既登乃依,乃造其曹。 食之飲之,君之宗之。 篤公劉 于京斯依。 蹌 執豕于牢,酌之用 蹌 濟 濟, 俾 筵 俾 几。

公劉依京以營邑,宫室既成,其士蹌蹌,其

0 「子」,明本作「于」。

之,以爲飲酒之殽。殽用豕,酌用匏,新國饗之,賓登席依几,乃造其羣牧,搏豕而亨大夫濟濟,皆會於朝。公劉則命設几筵而

度其夕陽,豳居允荒。 其流泉。其軍三單,度其隰原,徹田爲糧。 篤公劉,既溥既長,既景迺岡,相其陰陽,觀

殺禮也

皆給足。於是又度其 周之遷,而其民未集,丁夫適滿三軍之數, 野人。古者大國三軍,以其餘卒爲羨。 寒煖之宜,水泉灌溉之利,辨其土宜,以授 是考之以日景,參之以高岡,以 宫室既成,則治其田原,既廣且長矣。於 西 嫲 田,以徹法頒之,一夫百畝,則三單之民適 而 人之居於此益大。 無羨卒,故曰「其軍三單」。 度其原隰之 夕陽。 允,信也。荒,大也。 什一 山西之田以廣之,而 而税曰徹。 相其陰陽 自 Ш

止旅乃密,芮鞫之即。止基乃理,爰衆爰有。夾其皇澗,遡其過澗。篤公劉,于豳斯館。涉渭爲亂,取厲取鍜。

澗者。 甚勤 也。 出吴山 之。水之内曰芮,其外曰鞫。 其始爲之基也,則已順其理矣。故其成 之可以治斤斧者也。 微,皆有所取之。 邑也,事有其備,物有其 宫室既成,田野既治,則營其邑居。 所居之衆益密,乃復即其澗之芮鞫 居之,則益衆而益有,其居有夾澗者,有遡 ,所以深戒成王,使不忘敬也 此詩言公劉之在豳,其業甚微,其功 皇、過,二澗名也。 西北,●東入涇。 亂,絶流也。 基,邑之所在也。 芮鞫, 芮水 處,至於厲鍜之 旅,衆也。 或曰: 厲、鍜,石 芮水 之外 其營 其後 而 居 而 言

● 「吴」,明本作「其」。

^ 公劉》六章,章十句

《泂酌》,召康公戒成王也。

泂酌彼行潦,挹彼注兹,可以餴饎。 豈弟君

子,民之父母。

注之於此,則遂可以餴饎。 或曰:雖行潦汙賤之水,苟挹之於彼,而 泂,遠也。行潦,流潦也。餴,餾也。 之於人,未嘗有所弃,猶父母之無弃子也。 則可以餴饎,言物無不可用者。 酒食也。流潦,水之薄也,然苟挹而注之, **念孟** 是以君子 子》曰: 饎,

泂酌彼行潦,挹彼注兹,可以濯罍。 此所以爲戒成王也。

豈弟君

雖有惡人,齋戒沐浴

1,則可

以事上帝。」●

子,民之攸歸。

罍,所以盛酒。

泂酌彼行潦,挹彼注兹,可以濯溉。 豈弟君

子,民之攸墍。

壓,息也。

《卷阿》,召康公戒成王也。 泂酌》三章,章五句。

以矢其音。 有卷者阿,飄風自南。 豈弟君子,來游來歌,

選於衆,舉臯陶,不仁者遠矣。湯有天下, 選於衆,舉伊尹,不仁者遠矣。」 其聲音,而自去矣。子夏曰:「舜有天下, 得樂易之君子而與之游,彼見其容貌,聞 然,雖欲多方以拒之,然其入也有道。 無自入之矣。小人之能得其君,亦如 之者,維曲阿卷然當道,則風自其南而去, 卷,曲也。 風之爲物,無所不入,未有能禦 風 維

0 「事」,明本作「祀」。 福

也

伴奂爾 游矣,優游爾休矣。 豈弟君子, 俾 爾

彌爾性 ,似先公酋矣。

其業矣。性之於人,莫不固有之也,然不 樂易君子,以終成其性,則能肖先君 酋,就也。 伴奂,縱強之意也。彌,終也。 得賢者,則不能自成。 人君伴奂優游無所事者,維 似,肖也。 而 就 得

彌爾性,百神爾主矣。 爾土宇昄章,亦孔之厚矣。 豈弟君子,俾爾

神祇咸主之也。 其厚甚矣。 維得君子以成其性,而後山川 昄,大也。章,著也。 人君土宇大而且著,

彌爾性,純嘏爾常矣。 爾受命長矣,茀禄爾康矣。 豈弟君子,俾爾

既康,維得君子以成其性,而後能常享此 **茀**,多也。嘏,福也。人君受命既長,百禄

> 有馮有翼,有孝有德,以引以翼。 豈弟君子,

四方爲則

在前則有馮,在側則有翼,孝著於內,德施

於外,以此引翼其君,而爲四方則,維豈弟

君子爲能當之耳。

四 顒顒卬卬,如圭如璋,令聞令望。豈弟君子, 方爲綱。

也。遠之則有令聞,近之則有令望,亦維 「顒顒卬卬」,高明也。 「如圭如璋」,純 絜

吉士,維君子使,媚于天子。 鳳皇于飛,翽翽其羽,亦集爰止。 藹藹 王多

豈弟君子爲能當之。

哉 ? 之,而後能媚天子也。 羽者,鳳也,不得其用羽者,則亦安能至 翽翽,羽聲也。 而能集於其所止者,衆羽之力也 王之吉士亦衆矣,然必有君子以使 藹藹,衆多也。 鳳皇之飛 然 而 用

鯔 高 吉人,維君子命,媚于庶 鳳 谐喈喈。 岡。 皇 于飛,翽 梧桐生矣,于彼朝陽。 君子之車,既 翽 其 (羽,亦: 庶且 人。 傅 于 多。 鳳皇鳴矣,于彼 夫。 奉奉萋萋,雝 君子之馬, 藹 藹 王 多

既閑

且馳。

矢詩不多,維以遂歌。

柔遠能

邇,以定

我

王

多也,維告以遂用之而已。 之,庶日苟至焉。 之者, 車必 盛,至於菶菶萋萋也,則鳳皇鳴於其上, 之,則植梧 王不知歟? **雝喈喈矣**。 實不食,故鳳 Ш 人,而衆人待之,則將不至。 東日 「朝陽。 急庶而 維君子亦然,其德有以 桐於朝陽以待之。 故召公爲此詩,其所陳者不 皇 鳳之性,非梧桐不棲, 鳴于高 多,馬必閑 成王之朝,蓋有是 岡。 而馳, 將 故其所 使梧 欲 得 以 絶於衆 人,而 此 桐 以 而 非 待 載 之 竹 雝 畜

六句。《卷阿》十章,六章章五句,四章章

民勞》,召穆公刺厲王也。

無縱詭隨,以謹無良。式遏寇虐,憯不畏明。民亦勞止,汔可小康。惠此中國,以綏四方。

遠能邇,而王室定矣。 良之人肅,則 則爲之。 維無良之人將悦其君而竊其權 非而妄從人也。 **汔**,幾也。 故無縱詭隨 中國,京師 寇虐 人未有無故而妄從人者, 無畏之人上, ●然後 也。 ,則無良之人肅 詭隨 ,以爲寇虐 者,不顧是 柔 無

無 民亦勞止,汔可 無縱詭隨 弃爾勞,以爲 以 謹 三休。 小休休。 惽 恢。 惠此 式 遏寇虐,無俾民憂。 中國, 以 爲 民 逑。

逑、聚也。惛怓、亂也。爾勞、勞舊也。❷

❷ 「勞舊」,明本互乙。

敬慎 無 民 惠 式遏寇虐,無俾正敗。 此 縱 亦 不慎也。 惕,息也。 王雖小子自遇,然用事於天下甚大,不可 勞 (威儀 詭 中 國,俾民 隨 止 以以 汽汽 以 泄,去也。 近 謹 可 憂泄。 有 图 小 德。 息。 極。 戎雖-無縱 民亦勞止 式 惠此 厲,惡也。戎,女也。 遏 詭 京師 寇虐 小子,而式弘大。 隨 無 以 以 謹 俾 綏 小 醜 作 四 慝。 厲 愒 國

王欲 無 民亦勞止, 汔可小安。 縱 玉女,是用大諫 詭 隨 以謹 繾 綣。 式遏寇虐,無俾正 惠此中國, 國 無 有 反。 殘

《民勞》五章,章十句。 女」,欲使王德純備如玉也。 「王欲玉缱綣,小人之固結其君者也。「王欲玉

凡伯,周公之後,爲王卿士。板》,凡伯刺厲王也。

靡聖管管,不實於亶。 上 欲無 帝板板,下民卒癉。 以大諫之。 不事 子知其將敗,而幸其謀之未遠,故作此 則不信聽,其自爲謀則不遠,自非聖人,而 厲王一失其德,而民皆不安。 板板,反覆不定也。 也。 所不事,不自實於其所誠能 亶,誠. 也。 天之禍福,反覆不定, 癉,病也。 猶之未遠,是用大諫。 出 話 不然,爲 告之以話言 管管,無所 而 猶 止。 不遠。 君

辭 天之方難,無然憲憲。 難, 之輯矣,民之洽矣。 艱難 也。 也。 沓沓而 艱 泄 民之不順,非 厲王暴虐恣行,故告之曰,天今方爲 難也。 以震動周室,無爲是 泄,猶 不已,是不能以服 蹶,震 沓沓 也。 有異志 辭之懌矣,民之莫矣。 動 天之方蹶,無然泄 也。 輯, 民 也,畏王之無 、祗以 軒 和 憲 軒而不顧 也 憲,猶軒 速亂 莫,定 泄。 軒 而

厭,而求以自免耳。苟無欲害之之心,而

出好言焉,民今洽而定矣。

我言 我 雖 君子欲諫王, 庶幾王信之,而其言易入。 維 異 服 事,及爾同寮。 ,勿以 爲笑。 則又以告其寮之信於王者, 我即爾謀,聽我囂 先民有言,詢 囂囂,行不顧 于 剪 堯。 囂。

可救藥。 蹻。匪我言耄,爾用憂謔。多將熇熇,不天之方虐,無然謔謔。老夫灌灌,小子蹻

也

服服

小行也

多 故 夫 可, 也 王,安得以 一憂未 Ħ 謔,戲侮 則如火之盛,不可復救矣。 而 非我老耄而妄言,乃女以憂爲戲 熇熇,熾盛 盡其款誠以告之,少者不信而驕之, 至 而救之,猶 爲戲 也。 灌灌 前 也。 不信哉? 上,款誠 言天方將爲 可 爲 也。 也。 老者知 蹻 苟 蹻,驕 虐 俟其益 其 不 以 耳 敗 貌

> 天之方懠 禍矣。 毗,而威儀迷亂,則雖善人,將相從尸 人,不以大言夸之,則以諛言毗之,或夸或 懠,怒也。 無 夸,大也。 爲 夸毗 威 毗,附 儀 卒 也。 迷 ,善人載 小人之於 Ë, 其

六

惠我師。民之方殿屎,則莫我敢葵。喪亂蔑資,曾莫

竭,又曾無以惠之者,變之興也,何日方愁苦呻吟,莫測其所欲。方世之喪亂困殿屎,亦作「唸吚」,呻吟也。葵,揆也。民

之有?

擕 天之牖民,如壎 和 導其天也,是以託之於天。 壎、篪,以言其 聖人之導民,如暗者之願明而 無曰益 其易也。 也 牖 圭、璋,以言其合也。 然其導之也,攜之而已,不求多 民 如

旋

。 孔易。 民之多辟 如璋如圭,如取 擕、 取 無 爲之牖焉。 自 立 如

王,往也。

旦,明也。

天之明也,人未有行

昊天曰明,及爾出王。昊天曰旦,及爾游衍。

敬天之怒,無敢戲豫。敬天之渝,無敢馳驅。

而不從者,奈何不畏也? 《板》八章,章八句。

甚,民尚安肯從王哉? 方世之治也,天下

於民,是以其導之也甚易。 今厲王求之已

詩集傳卷第十七

价人維藩,大師維垣,大邦維屏,大宗維翰, 懷德維寧,宗子維城。無俾城壞,無獨斯畏。 哉 ? 懷之則合,否則離散,無以自安矣。人皆 子,同姓也。此五者,皆王之屏蔽,以 价,大也。大人, 衆所服 今天下皆不順,雖有刑辟,尚何從立之 咸聽其上,而有一不從,故刑足以勝之。 者之蔽有甚於城,而莫知畏其壞也,所謂 也。大邦,大諸侯也。 「小人務知小者近者」而已。 曰「無俾城壞」,城之壞也,則知畏之。 五 故於次章教之,使懷來其羣臣。 大宗,强族也。宗 也。 大師,大衆 德

# 詩集傳卷第十八

#### 蕩之什 大雅

《蕩》、召穆公傷周室大壞也。《蕩》之所以爲《蕩》,由詩有「蕩蕩上帝」文章」,則其所以名篇,非其詩之意矣。文章」,則其所以名篇,非其詩之意矣。天生烝民,其命匪諶。靡不有初,鮮克有終。蕩蕩,廣大貌也。天之廣大,下民之所君心。今民被厲王之禍,咸謂天迅烈無恩而也。今民被厲王之禍,咸謂天迅烈無恩而多淫辟之命,何者? 天之生民,其命多辟。

### 而終之於亂也。

文王曰咨,咨女殷商。 曾是在位,曾是在服。 文王曰咨,咨女殷商。 流言以對,寇攘式内。 人以妖孽天下,女又興而任之,何哉? 皆是人也。滔,漫也。力,任也。天降是 禦,强梁捍禦不可告教之人也。 以祝詛相要,女則不復窮極其情僞,而遂 凡秉義以事女者,女則以爲强禦多怨之 斂克深少恩之人也。 以咨嗟商紂,蓋傷周室將有此禍也。强 召公知厲王之將亡,故爲此詩,稱文王所 受之,何也? 作,或作「詛」。 以爲寇攘於内。 人。凡民怨讟流傳之言有以告者,女則 至於小人詐僞 侯作侯祝,靡届靡究。 曾是强禦,曾是掊克, 而秉義類,强禦多懟。 天降滔德,女興是力。 朝廷之在位服事者, 掊克,掊 無 唯

以爲德。不明爾德,時無背無側。爾德不文王曰咨,咨女殷商。女炰烋于中國,斂怨

明,以無陪無卿。

無見臣也。音,音式也。魚然,氣健貌也。「無背無側」,前後左右

文王曰咨,咨女殷商。天不湎爾以酒,不義無良臣也。陪,陪貳也。

遠,在夏后之世。

從式。既愆爾止,靡明靡晦。式號式呼,俾

晝作夜。

爾止,則無所不至矣。
使然也,凡百不義,皆將從是起。故既愆痼,沉湎也。止,容止也。人之沉湎,非天

小大近喪,人尚乎由行。内奰乎中國,覃及文王曰咨,咨女殷商。如蜩如螗,如沸如羹。

鬼方。

亡,而人猶從之。亂止於京師,而鬼方皆之聲,如蜩螗沸羹之亂,君臣以是危於喪蜩,蟬也。螗,蝘也。奰,怒也。飲酒號呼

被其禍,言惡之遠也。

颠沛之揭,枝葉未有害,本實先撥。殷鑒不命以傾。文王曰咨,咨女殷商。人亦有言,舊。雖無老成人,尚有典刑。曾是莫聽,大文王曰咨,咨女殷商。匪上帝不時,殷不用

下,莫可救也。 畔,四夷未起,而其君不義,以自 矣。譬如商周之衰,典刑未廢,諸 颠,仆也。沛,拔也。 在商明矣。 拔,非枝葉之患所能 言商之鑒在夏,則周之鑒 爲也,其本實先 揭, 發也。 大木之 絶 於天 侯 自 未 撥

《蕩》八章,章八句。

作此詩,蓋追刺厲王,以自警也。 宣王十六年,衛武公即位,年九十有五而《抑》,衛武公刺厲王,亦以自警也。

庶

人

之愚,亦職

維疾。

道

一,則賢

者

可

外

占

而

知

内。

譬如

宫室,内

抑

抑,密也

抑

抑

威

儀

維

德之隅。

亦

有

言

靡

哲

不

愚 則 所 以 爲 國 者 略 備 矣。

0

隅,廉也。戾,罪也。天下有 哲人之愚,亦維斯戾。 酒。 其在于今,興 女雖湛樂從,弗念厥紹。 迷亂于政。 颠覆厥德,荒湛于 罔敷求先王,

克共 明 刑

覆其德,荒湛于酒,不念先王之典刑,而 今厲王作,起迷亂之人而任之以政,又 顚 尚

何以爲 | 國哉?

肆皇天弗尚,如彼泉流,無 夜寐,灑埽廷内,維民之章。 淪胥以亡。 修爾車馬,弓矢 夙 興

也。 之流, 和相陷以就亡竭。 天不屑厲王之行,君子憂之,恐其 政事以自救。 逷 ()遠也 戒,備也。 戎,兵也。 故教之,使修其 如 泉

質爾 人民,謹爾侯度,用戒不虞。 慎爾出話,

然後 故人君必先任賢臣,内秉直德以服天下, 循 辰,時也。 競,强也。 道者民之所順,而背理者民之所 先 事 而 爲國 訓,馴也。覺,直也。訏,大也 大 謀 者得 以定政 人 則 命,遠 强 , 失人則 圖 而 叛也。 時 弱。 告

之則。

無競維人,四方其訓之。

有覺德行,四

或

順

訏謨定命,遠猶辰告。 敬慎威儀,維

良

戎兵,用戒戎作,用遏蠻方。

得。

哲人之愚,非其質然也,畏罪故耳。

之愚,亦其

(職耳。

譬如

疾病、雖欲

免

而

不

容,則毁其

(威儀

,佯愚以辟禍。

故曰庶人

有繩直,則

外

有

廉隅。

至於亂世,賢者

不

明本無

則,

政事

既

修,又能敬其威儀以爲民

敬爾威儀,無不柔嘉。白圭之玷,尚可磨也。

斯言之玷,不可爲也。

起也。 質,成也。侯度,天子所以御諸侯之度也。 質,成也。侯度,天子所以御諸侯之則 與 ,成也。侯度,天子所以御諸侯之度也。

小子。子孫繩繩,萬民靡不承。矣。無言不讎,無德不報。惠于朋友,庶民無易由言,無曰苟矣,莫捫朕舌,言不可逝

視爾友君子,輯柔爾顔,不遐有愆。相在爾

神之格思,不可度思,矧可射思。室,尚不愧于屋漏。無曰不顯,莫予云覯

也。 見者耳。 遠者乎? 以是知其有咎不遠矣。 已,莫敢正言犯王者,左右無 吾視王所與友者,皆求所以和柔王顔 可得而厭之哉? 不視其在爾室者,尚且不愧于屋漏,況 西北隅曰屋漏。 神之至也,尚不可得 人之不愧于屋漏 言人雖莫見,而神鑒之 格,至也 苟以 也 爲 正人焉,吾 而 □曰莫予 不信, 曷 知之,矧 其 而

不僭不賊,鮮不爲則。投我以桃,報之以李。 辟爾爲德,俾臧俾嘉。淑慎爾止,不愆于儀。

彼童而角,實虹小子。

其容止,無僭僞殘賊之行,則民鮮不以爲辟,法也。虹,潰也。人君苟修其德,而慎

● 「不」,明本無。

誣也。 哉 ? 亦譬如童 法 矣。 徒自潰亂 譬如 今王無其實,而欲求民之法之則, 一牛而 投之以 求有 而 已。 桃 角之用,●人誰信汝 而 報 之以 李, 不 口

其維哲人,告之話言,順德之行。 崔染柔木,言緍之絲。温温恭人,維德之基。 謂我僭,民各有心。 其維愚人,

覆

此。此君子所以憂憤,而無如之何也。 被愚者,❷反謂我欺之耳,人心之不同 人,然後可以入德,告之以話言則 弓。不柔者,雖被之不從也。 緍 被也。 木柔矣,而被之以絲,則可以爲 故維温恭之 、順之。 如

虐之耳。

民之靡盈,誰夙知 匪 於乎小子,未知臧否。 |面命之,言提其耳。 而莫成? 借日 匪手携之,言示之事。 未知,亦既抱子。

少,而未知歟? 王不知善惡,而告之者亦至矣。 則亦既抱子,非少矣。 苟以爲尚 靡

> 誨爾諄諄,聽我 昊天孔昭,我生靡樂。 知。 成之者哉? 盈,不足也。 苟其蚤知,則蚤成之矣,豈有蚤知 言王之不能有成,由不知也 藐 人之才性,有所 藐。 視爾夢夢,我心慘慘。 匪用爲教,覆用爲虐。 未 足,獨 患不 而晚

借曰未知,亦聿既耄。 也。 夢夢,昏亂也。 君子之諫王,王非以爲教之也,以 諄諄,款誠也。 藐藐,不入 爲

天方艱難,日 於乎小子,告爾舊止,聽用我謀,庶無大悔。 遹其德,俾民 喪 大棘。 厥國。 取譬不遠,昊天不忒。

口

舊,久也。 將喪其國。 止,辭也。 譬如夏商,其類不遠。 天豈復 天方艱難周 室,日 吾

牛」,明本作「羊」。 被」,明本作「彼」,當是。

<sup>418</sup> 

弊,如桑之既采,民失其蔭,而受其病。

王肆行,暴虐以敗其成業,則王室忽焉

凋

故

也,如柔桑之茂,其陰無所不徧。

至於厲

僻之行,使民至於困急而無告也。 有差忒不然者哉? 然王曾不悟,益爲邪

《柳》十二章,三章章八句,九章章

《桑柔》,芮伯刺厲王也。

芮伯,爲王卿士,字良夫。

不殄心憂。倉兄填兮,倬彼昊天,寧不菀彼桑柔,其下侯旬,捋采其劉。瘼此下民,

我矜!

無黄落之漸。故詩人取以爲比,言周之盛物,其葉最盛,然及其采之也,一朝而盡,倉,悲也。 兄,滋也。填,久也。桑之爲菀,茂也。旬,徧也。劉,殘也。殄,絶也。

去了序之儿。 君子憂之不絶於心,悲之益久而不已,號

天而訴之也。

民靡有黎,具禍以燼。於乎有哀,國步四牡騤騤,旗旐有翩。亂生不夷,靡國不泯。

斯頻!

之,故以國步斯頻爲哀也。 國之動也。 黎,衆也。 馬旌旗而厭苦之。 厲王之亂,天下征役不息,故其民 具,俱也。 頻,數也。 夷,平 燼,灰燼 畜大物者,惡數動 也。 也。 泯,滅 見其 國步, 也 車

今爲梗。往? 君子實維,秉心無競。誰生厲階? 至國步蔑資,天不我將。靡所止疑,云徂何

强 行而安往哉? 資,天不吾養矣。 將,養也。 ,是以不能有所定者。 疑,定也。 故曰 而 王則實,然其秉心無 王尚不 競,彊 夫惟强 也。 求所 動 止定,欲 而能立 而 無所

然後可與止亂而起廢。

憂心 自 禦也。 此 西 ) 慇慇 · 矣! 徂 章行役者之怨也。 東 ,念我土宇。 ,靡所定處。 我之遇病 也。 我生不 多我 僤,厚 急矣 觏 也。 辰 痻 八孔棘 逢天僤 我之捍 病 我 也。 幸 怒

爲謀爲毖,亂況斯削。

告爾憂恤,誨爾序爵。

誰 得其道 能 今王之所任者,其 濯者? 其所當憂, 毖 气,慎 執熱 也。 一,適 逝不 賢者之能已亂,猶濯之能解 所以長 王 誨之以 豈 ·以濯 不 亂而自削耳。 何 叙 爲 其何能淑 能 爵 謀 善哉 Ħ. 日 慎 誰 ? 哉 能 載胥及溺 則 執 故告之以 熱 然 相 熱 與人 愐 而 耳 不 不

好 如 是 彼 遡 稼 遡 鄉也。 風 亦孔 ,力民代食。 僾, 唈也。 之爱。 稼穡 民 肅,進 有 維 肅 也。 寶 心 ,并云不 代食維 荓, 使也。 好。 逮。

於陷溺

而已。

君子 能 不息 好」,言雖勞而 甚於稼穡之勞,故曰「稼 事,以代禄食而已。 及 也。 雖 視厲王之亂 有欲進之心,皆曰 於是退而稼穑、盡 無 患 悶 也。 當是 然如 穑維寶, 時 遡 世亂矣,非吾 其筋力與 也,仕 風 之人, 代食維 進 之 唱 民 憂 同 所 而

哀 天降 恫 羣臣 痛 立王 不罹其禍而至於空匱者也。 喪亂 也。 中國,具贅卒荒 無肯并力以 ,王之所 恃以 贅,屬 ,滅我立王。 也。 念天禍者也 立者也。 荒,空也。 靡有旅力,以念穹蒼 降此蟊賊,稼穡 痒,病 旅,衆也。 言天下 也。 卒痒。 無 恫, 有

維 維 彼 此 既 此 惠 此所以 持其心,又博 不順,自 惠 順 君、民 也 無 0 不順也。 [獨俾 人所瞻。 民 人 謀 臧,自有肺腸,俾民卒狂 所 於衆,而考之於其 今則不然。 瞻 秉心宣猶,考慎其相 言無 所隱 「自獨俾 伏 輔相 也。

臧」,自謂賢 也。「自有肺腸」,自用其心

也 此民之所以 不 順 也

瞻彼中林,甡甡其鹿。 朋友已譖,不胥以穀。

亦有言,進退維谷。

甡甡,衆也。 朋友相 譖 不能相善,曾鹿之

不如,是以進退無不陷焉者。

維此聖人,瞻言百里。 維彼愚人,覆狂以喜。

匪言不能,胡斯畏忌?

察。愚人不知禍之將至,則反狂以喜。 聖人明於成敗,所視而言者百里,無遠而不

雖

然,彼未必不知也,乃以畏王而不敢言耳。

維此良人,弗求弗迪。 民之貪亂,寧爲荼毒。 維彼忍心,是顧是復。

至於殘忍之人,則顧念重復而不能已。 迪,進也。厲王之於賢者,未嘗求而進之, 上

荼毒之行,以求合王意。 之所好,下之所趨也,故民貪於昏亂,安爲

> 大風有隧,有空大谷。 維此良人,作爲式穀。

維 彼 隧,道也。 不順,征 大風之起,必有所從來者。 以 中垢

「有

民之所從 空大谷」,則風之所從起也。 心惡也。 征,行也。 垢,穢也。 厲王之不善, 言

善人之作也,以用其善, 小人之行也,以

播其穢,皆發其中之所有於外也。

匪 大風 用 其良,覆俾我悖。 有隧,貪人敗類。 聽言則對,誦言

善,反使天下皆爲逆德也 誦言,先王之言也。 風之起也有道,類之敗也有自。 貪人在 上,則類之所由敗也。 悖,逆也 聽言,道聽之言也。 由 王不用

弋獲。 嗟爾朋友,予豈不知 而 作。 如彼飛蟲,時亦

既之陰女,反予來赫

君子既責其君,則又責其僚友,曰我豈不知 爾所爲哉? 爾自謂莫吾禁者,譬如飛鳥

三五

如醉。

誰 獲也,覆庇而告之,奈何反以言赫我哉? 能執之? 然時亦有弋而獲之者。憂其

民之罔極,職涼善背。爲民不利,如云不克。

民之回遹,職競用力。

力而 之害民如恐不勝,故民日以邪僻,由上用 民之不可測知,職汝信用反覆之人也。上 競之也。

民之未戾,職盜爲寇。 雖曰匪予,既作爾歌 凉曰不可,覆背善詈。

背詈我哉? 之寇也。女苟信以爲是不可,則又曷爲反 戾,定也。民之未定,職上有盜賊之臣爲 爾雖曰是非我所爲,既作爾

《桑柔》十六章,八章章八句,八章章 六句。

歌矣,不可欺也。

仍叔,周大夫也

人 ! 倬彼雲漢,昭回于天。 天降喪亂,饑饉薦臻。 王曰 於乎,何辜今之 靡神不舉,靡愛

斯牲。 圭璧既卒,寧莫我聽!

耗斁下土,寧丁我躬! 上下奠瘞,靡神不宗。 旱既大甚, 藴隆蟲蟲。 吾聽也。禮,國有凶荒,則索鬼神而祭之。 雲漢,水之精也。昭,明也。 曰今之人何罪而罹此禍? 王遭旱而懼,夜仰河漢以觀雨之候而不得, 后稷不克,上帝不臨。 不殄禋祀,自郊徂宫。 靡神不舉,而莫 回,轉也。 宣

祭地,奠其禮,瘞其物。宣王憂旱,百神無 也。 所不尊。● 然后稷不能救,上帝不復饗, 藴,結也。隆,盛也。 郊,天地也。 宫,宗廟也。 蟲蟲,熱 也。 上祭天,下 殄,絶

雲漢》,仍叔美宣王也。

「尊」,明本作「舉」。

窮 而 無 告,故曰 與其 耗敗下土, 寧使我躬

之,無 使 人人被其 患也

周餘黎民,靡有孑遺。昊天上帝, 旱既大甚,則 不可 推。 兢兢業業,如霆如雷。 則不我遺。

胡 不 相畏? 先祖于推

推 遷也。 言王欲以身當之,而不能 也。

霆震於其上也。 兢兢,恐也。業業,危也。 天將不復使我有遺餘 恐懼之甚,如雷 胡

民

也

庶

爲 尚 不 相畏哉? 先祖之業,將於是 摧

落矣。

早既大甚,則 大命近止 季 不 瞻 可沮。 靡顧。 赫赫炎炎,云我無 羣公先正,則不我助。 所。

泪 止 不遠矣,然曾莫有瞻顧之者。 也。 早既不 止,民咸 日,我 無 **羣公先** 派所庇, 父母先祖

,胡寧忍予

正 ,先王之臣也。 庶官之長日 Œ

早既 大甚 一,滌滌 Ш JI 旱魃爲虐,如惔如焚。

> 我心憚暑,憂心如熏。 「羣公先正」,則不我

聞 神也。 寧使我遯去以避賢者,無以我故苦此 而莫之答,故曰 早甚,則山川草木皆盡,如滌 昊天上帝,寧俾我 惲,畏也。宣王所以祈旱者至矣, 苟吾之不善,不當天心,則 遯 去也。魃,旱

不 旱既大甚, 黽勉畏去。 知其故。 祈年孔夙,方社 胡寧瘨 不莫。 我以 早? 昊天上 憯

帝 ,則不我虞。敬恭明神,宜無悔怒。

位以避憂患,非人主之義,故黽勉不去,以 始以旱故,欲遯去以避賢者。 既又以 爲弃

祭社 及四方也。 虞,度也。 悔,恨 也

求濟斯難。畏,不敢也。 瘨,病也。

方社

趣馬 旱既大甚,散無友紀。 師 氏 ,膳夫左右。 靡人不周,無不能止。 鞫哉庶 īE. ,疾哉冢宰。

瞻 印昊天,云如 何里

瞻卬昊天,曷惠其寧! 大命近止,無弃爾成。何求爲我,以戾庶正。瞻卬昊天,有嘒其星。大夫君子,昭假無贏。

之哉! 之無私 也。 定爾庶正而已。 以弃爾之成功,且我亦何求爲哉? 星焉,故告其羣臣曰,明矣! 昭 明也。 於是 「贏矣。 又 假,至也。 印 然民之死亡不遠,無有 而愬天日,曷不惠 未有民不寧,而庶官定者 宣王卬以候雨,而見 至矣! 加 將以 不賙 寧 爾

《雲漢》八章,章十句。

《崧高》,尹吉甫美宣王也。

尹吉甫,周之卿士。

崧高: 維 氏 申及甫,維周之翰。 於天下。 子孫於周。 山 伯,實能屏翰周室,蔽其患難,而宣其德澤 穆王之世,其賢者曰甫侯,宣王之世 實爲四嶽,掌嶽之祀,嶽神享之,而祐其 大而高曰崧。駿,大也。 維嶽,駿極于天。 齊、許、申、甫,皆其後也 維嶽 四國于蕃,四方于宣。 降神、生甫及 唐、虞之間,姜 E 申。 申 在

申伯國也。召伯,召公虎也。登,成也。纘,繼也。謝,周之南土也。南陽有申城,

■「土」,明本作「國」。

王在

岐

周,故餞之於郿。

「謝于誠歸」,誠

王命召伯,徹申伯土田。王命傅御,遷其王命召伯,式是南邦,因是謝人,以作爾庸。

之臣也。私人,家臣也。庸,城也。徹,定其税也。傅御,傅王治事

私人。

俶,作也。藐藐,深貌也。蹻蹻,壯貌也。既成藐藐。王錫申伯,四牡蹻蹻,鉤膺濯濯。申伯之功,召伯是營。有俶其城,寢廟既成,

錫爾介圭,以作爾寶。往辺王舅,南土是保。王遣申伯,路車乘馬。我圖爾居,莫如南土。

濯濯、光明貌也。

申伯信邁,王餞于郿。申伯還南,謝于誠歸。寶。近,辭也,讀如「彼己之子」之「己」。

**圭尺二寸謂之介。** 

非諸侯之圭,故賜以爲

王命召伯, 徹申伯土疆。以峙其粻, 式遄

粮,使廬市有止宿之委積,故能使申伯無歸于謝也。召伯之營謝也,則已峙其餱

申伯番番,既入于謝,徒御嘽嘽。周邦咸喜,留行也。

戎有良翰,不顯申伯。

王之元舅,文武是憲。

曰,汝有良翰蔽矣。「文武是憲」,言其文番番,勇武貌也。申伯既入于謝,周人皆

武皆足法也。

揉,順也。肆,極也。吉甫作誦,其詩孔碩,其風肆好,以贈申伯。申伯之德,柔惠且直。揉此萬邦,聞于四國。

《崧高》八章,章八句。

《烝民》,尹吉甫美宣王也。

天監有周,昭假于下。保兹天子,生仲山甫。天生烝民,有物有則。民之秉彝,好是懿德。

人生而耳目心志莫不固有,此所謂「有物」

明之。 既 明且 一哲,以 保其· 身。 夙 夜 三 三 〇 匪 解

則能 也 聽 莫不 ,目則能視,心則能慮 有 是物,是物莫不 物用其 · 有 知 能則 故 耳

知 可 否 此 所 謂「有 則 也。 故 民能 秉常

則莫不 好德,維 其失常,乃有不善。 天之

仲 監 周 Ш 也 甫 以 ,其明實至於下,將保安宣王,乃生 佐之。 凡宣王之所以能 全其性

而 無 失其常者,皆仲山甫之功也。 詩 曰 :

豈弟君子,俾爾彌 爾性

翼。 仲 Щ 古訓是式,威儀是力。 甫之德,柔 嘉 維 則。 令儀令色,小 天子是若, 明命 心 翼

力,勉也。 若, 順 也 賦,布 也 使賦

保。 天 命仲 出 納 Ш 王命,王之喉舌。 甫 1、式是 百辟。 纘戎祖 賦 政于外,四 一考,王 一躬是 方

戎,女也。 發,發而 應之也

爰發

肅

肅

王命,仲山

一甫將之。

邦國若否,仲山

一甫

維仲山 之。我儀圖之,維仲山 不畏强禦。 事一人。人亦有言,柔 一甫,柔 人亦有言, 亦不茹 剛 德輔 甫舉之,愛莫助之。 則 亦 茹 不 如 吐。 之, 毛、民鮮克舉 剛 不 則 侮 吐之。 矜

衮職 有闕,維 仲 Ш 甫補之。

職也。 輔,輕 也。 上有過失,下莫敢言,而獨能 儀 匹 也。 愛,惜 也。 衮職,王 補之,

及。 仲 Ш 此 甫 以 見 出 其能舉德 祖 彭,八鸞鏘鏘。 · 四 牡業業,征 也。

彼 東 四牡 方 彭 一夫捷 王命仲· 捷,每 山甫 懷 城 靡

健,其 王命仲· 入徒 捷 Ш 甫 捷 城齊,祖祭而行,其 而敏,猶常恐不 及事 、馬業業 也 東 而

方,則 齊 也

歸。 四 牡 騤騤,八鸞 吉甫作誦,穆如清 喈 喈。 風 仲 Ш 仲山 甫 徂 甫 齊,式 永懷, 遄 其

内剛 柔 畏强禦」,此與漢汲黯、朱雲何異? 儀是力」,此與漢胡廣、趙戒 維則,令儀令色,小心翼翼,古訓是式,威 此 山甫、柔亦不茹、剛亦不吐、不侮鰥寡、不 曰「人亦有言,柔則茹之,剛則 佐,當天下之事矣。 烏乎 而 詩言仲山 外柔、非佞非狂,然後可以爲王者之 陷於佞,汲、朱剛 甫,其始曰「仲山 而近於狂,如 • 何異 非斯人,吾誰 甫之德,柔 吐之,維 ? 仲山 胡、趙 其終 甫 仲 嘉

《烝民》八章,章八句。

《韓奕》,尹吉甫美宣王也。

虔共爾位。朕命不易,榦不庭方,以佐戎辟。王親命之,纘戎祖考,無廢朕命。夙夜匪解,奕奕梁山,維禹甸之,有倬其道。韓侯受命,

第十

玄衮赤舄,鈎膺鏤錫,鞹鞃淺幭,鞗革金厄。 四牡奕奕,孔脩且張。 入覲于王。王錫韓侯,淑旂綏章,簟茀錯衡 搤之。 脩,長也。 奕奕,大也。 覆式也。 鞹,革也。 綏,大綏也。 侯秋見天子曰覲。淑,善也。交龍爲旂。 戎,女也。不庭,不來庭也。 之道,此韓侯之所從,朝周以受命者也。 雖梁山亦禹之所甸也。 也。禹之治水也,九州之鎮山無所不甸, 謂「治梁及岐」者,在今同之韓 言韓侯,故先叙其國,曰梁山之下有倬然 **鞗革,轡首也,以金爲小鐶而纏** 張,大也。 鞃,式中也。 眉上曰錫,刻金飾之曰 梁山 ,韓之鎮也。 韓侯入覲,以其介圭 介圭,韓所貢也。諸 韓,武之穆也。 淺,虎皮也 辟,君也。 城。 《禹貢》所 |鏤錫。 甸,治 幭, 將

韓侯出祖,出宿于屠。顯父餞之,清酒百壺。

噳,有熊有羆,有貓有虎。 慶既令居,韓

姞

及蒲。 其 殺 維 其贈 何 維 炰 ·何 ? 鼈 鮮 乘馬 魚。 路車。 其 蔌 維 籩 豆 何 ? 有且, 維 筍

侯氏燕胥。

王寵 行焉。 既 氏,諸侯之與餞者也。胥,辭也。 筍,竹萌也。 覲 韓 而 反國必祖者,尊其所往,去則 屠, 侯,故使顯父餞之。 地 蒲,蒲蒻 名 也。 顯 也。 父,周之卿 且,多貌也。 蔌,菜 殺 士 如 也。 也。 侯 始

諸娣從之,祁祁如雲。韓侯顧之,爛其盈門。于蹶之里。百兩彭彭,八鸞鏘鏘,不顯其光。韓侯取妻,汾王之甥,蹶父之子。韓侯迎止,

黄羆

黎比公也。蹶父,周之卿士,姞姓也。諸在汾水之上,時人以目王焉,猶言莒郊公、汾王,厲王也。厲王流于彘,晉霍邑是也,

侯一娶九女,二國媵之。諸娣,諸媵也。

蹶父孔武,靡國

不到

爲韓姞相攸,莫

如

韓

孔樂韓土

,川澤訏訏,魴鱮甫甫,麀鹿

噳

蹶父以王事行於四方,爲其子相善處而:燕譽。

伯。 蠻。 溥彼韓城,燕師 父以此善韓,而使韓姞居焉。 噳, 衆也。 之,莫如韓之樂者。 訏訏、甫甫,大也 實墉實壑,實畝實籍。 王錫韓侯,其追其貊,奄受北國,因 貓,似虎而淺毛。 所完。 以先祖受命,因 獻其貔皮,赤豹 慶,善也。 譽,樂也。 以 時 其 噳 百 蹶 嫁

《韓奕》六章,章十二句。

《江漢》,尹吉甫美宣王也。

既出我車,既設我旟。 江漢浮浮,武 也 南,出於江漢之間,命召公率兵循江而下, 夷之在淮上者也。 浮浮,水盛 ),維淮夷是求是病。 伐 《淮夷。 貌 夫 滔 滔 。 行者皆莫敢安徐, 曰 也。 滔滔,順流 鋪,病也。 匪安匪 匪安匪舒,淮夷來鋪 言用命也。 遊、淮夷來求。 貌 宣王自周而 也。 吾之來 淮 夷,

光洸,武貌也。淮夷既平,遂經營其旁國,四方既平,王國庶定。時靡有爭,王心載寧。江漢湯湯,武夫洸洸。經營四方,告成于王。

萬

年

!

匪 江 其疆 漢之滸,王命 或 疚 以告於王 極 中 匪 取 界,非 一棘,王國來極。 中焉 也。 耳。 빓 王命召公闢四方之侵地,而 病之,非以急之也,使來於 召 召公於是疆 虎,式辟四方,徹我 于疆 于理,至于 理其地,至南 南 疆 海 士。 治 海 王.

而止。

無

王

命 曰予小,召公是似。 敏於戎事,我是用錫汝以福 維召康公實爲之翰,女實肖召公之德,開 以徧治四方,而布行其政,曰昔文武受命, 公,事也。 旬,徧也。 召虎,來旬來宣,文武受命,召公維翰。 南方既平,王命召公來歸 宣,布也。 肇敏戎公,用錫爾 肇,開也。 敏,疾 於周, 祉 也

于周受命,自召祖命。虎拜稽首,天子釐爾圭瓚,矩鬯一卣。告于文人,錫山土田。

釐,賜 焉。 封 使受命於 有文德者也。 命 也 則賜圭 岐周 也。 有 岐 瓚、矩鬯以祭。 矩鬯,黑黍酒也。卣,尊也。 先 周 既錫之禮 王之廟,且召康公所從受 ,用其祖 召康公受封之禮 命,又廣其封邑, 文人,其先祖之 九

三四四

四 壽 虎 國 拜 ! 稽 明 首 明天子,令聞不已。 對 揚 王 休, 作 召 矢其文德, 洽此 公 一考。 天 子 萬

對 康 對成王命之辭。❶ 用召祖命,故虎之荅王,亦爲召康公所以 公之遺意 · 苔也。 考,成也。 也。 自「天子萬壽」以下,召 矢,施 也。 王命召公

江漢》六章,章八句。

常武》,召穆公美宣王也。 武

就

緒。

仲山 也。 七詩若無以異。 而在《小雅》,《崧高》歌申伯,《烝民》歌 而徐方既來,兵不勞而 常武》歌皇父,而在《大雅》。 不可常也。宣王之征徐方,王猶允塞, 甫、《韓奕》歌韓侯、《江漢》歌召虎, 然《六月》歌尹 精言之,則在《小雅》者, 吉甫 、《采芑》歌 民不病,則可 槩言之,則 方叔 常

> 皆 同 德,有不知其所以 征 伐 政 事 而 已; 在《 然而致者,此其所以 大 雅 者,皆 君 臣

異

也。

整 赫 一我六師,以脩我戎。 赫明明,王命 卿 士。 既敬既戒 南仲大祖 大師 ,惠此南國。 皇父。

而兼 宣王命其卿士皇父南征徐方,皇父以 大師 ,其大祖南仲,則文王之所 /卿士 使伐

玁狁者也。 蓋稱 其世 一功,以襃大之。

旅。 王謂尹氏,命程伯休父,左右 率彼淮浦,省此徐土。不留不處,三 陳行,戒我 師 事

馬。 之策命程伯休父,程伯休父於是始 而戒令之曰,往循淮之上而視徐 尹氏,尹吉甫也。蓋以卿士兼内史,故使 故於兵之出也,使之左右陳 其 土,無久 行列, 爲司

<sup>0</sup> 「命」下,明本有「受」字。

留處其地以患苦其民,使其三有事之臣復

就其業。

赫 徐 方繹騷,震驚徐方。 赫業業,有嚴天子。 繹,徧也。 也 之人莫不震動,如雷霆作於其上,不遑 赫赫業業之威,而畏之曰,有嚴哉,天子 舒,徐也。 ! 然王則徐而安行,不急不緩,而徐方 保,安也。 騒,動也。 王舒保作, 如雷如霆,徐方震 作,行也。 王之南征也,人望其 匪紹 紹,急也。 匪 遊

鋪敦淮濆,仍執 王奮厥武,如震如怒。進厥虎臣,闞如虓虎。 在 師 待之。 ,截然無侵 行至於淮上,則遂布其 既戰, 略 醜 虜。 者。 則 多 截彼 執 醜 淮 師旅 虜。 浦 ,王師之所。 ,敦集其陳 王師 之所

王 如 旅 11 之流 嘽 嘽 縣 如 飛 緜翼翼,不測不克,濯征徐國。 如 翰。 如 江 如 漢,如: 山之苞

> 苞, 測, 濯,大也。 不 本 也。 可 測 淮上諸侯既已服從,於是始征 緜 知 緜, 也。 靚 不克,不可 也。 翼翼, 敬也。 克 勝也。 不

徐國。

四方既平,徐方來庭。 王猶允塞,徐方既來。 猶,道 也。 王道充塞,而 回,違 也。 也 王將大征 徐人 / 來服 徐國,兵未及之,徒以 徐方不回,王曰還歸。 徐方既同,天子之功。 矣。 來庭,來王庭

《常武》六章,章八句。

安矣。

瞻卬昊天,則不我惠。孔填不寧,降《瞻卬》,凡伯刺幽王大壞也。

邦靡有定,士民其瘵。蟊賊蟊疾,靡有夷届。瞻卬昊天,則不我惠。孔填不寧,降此大厲。

罪罟不收,靡有夷瘳。

瘳,愈也。國有所定,則民受其福,無所填,久也。瘵,病也。夷,平也。届,極也。

ニニテ

定,則受其病。於是有小人爲之蟊賊,刑

罰爲之罔罟,凡此皆民之所以病也。

人。匪教匪誨,時維婦寺。 婦有長舌,維厲之階。亂匪降自天,生自婦哲夫成城,哲婦傾城。懿厥哲婦,爲梟爲鴟。此宜無罪,女反收之。彼宜有罪,女覆説之。人有土田,女反有之。人有人民,女覆奪之。

是聽也。言王不用教誨之言,維婦寺寺,寺人也。言王不用教誨之言,維婦寺

蠶織。 慝? 如賈三倍,君子是識。婦無公事,休其鞫人忮忒,譖始竟背。豈曰不極,伊胡爲

蠶 不中也, 曰是何用爲慝哉? 忮忒窮人,始妄譖之,而終不然,亦不 鞫,窮也。 三倍,君子豈有知之者哉? 織 以與公事,譬如君子而 忮,害也。 忒,變也。 知商賈,衆之 婦 商賈之 婦人 人而弃其 利 以其 自 雖 謂

所共怪也。

忌。不弔不祥,威儀不類。人之云亡,邦國天何以刺? 何神不富? 舍爾介狄,維予胥

殄瘁。

國之不殄瘁,不可得也。 明,責也。介,大也。弔,閔也。天何用責 和,責也。介,大也。弔,閔也。天何用責 起,武避遇祸,君子知其不可復輔,於是有 之不忌,而忌君子之正王者。夫天之降不 之不忌,而忌君子之正王者。夫天之降不 不慎其威儀,君子知其不可復輔,於是有 不慎其威儀,君子知其不可復輔,於是有 不慎其威儀,君子知其不可復輔,於是有 不慎其威儀,君子知其不可復輔,於是有 不慎其威儀,君子知其不可復輔,於是有 不慎其威儀,君子知其不可復輔,於是有 不慎其威儀,君子知其不可復輔,於是有

多於前也。幾,近也。 天降禍以執有罪,如罔之執禽獸也。優,天之降罔,維其幾矣。人之云亡,心之悲矣。天之降罔,維其優矣。人之云亡,心之憂矣。

觱沸檻泉,維其深矣。心之憂矣,寧自今

克鞏。無忝皇祖,式救爾後。● 不自我先,不自我後。 藐藐昊天,無不

泉之冽也,其源深矣。幽王之敗,其所從

危子孫尔。 戒敕以求鞏固者,庶幾上不忝父祖,下不 來者亦久矣,非今日而然也。 相戒曰,天之藐然遠 而 難信也,無有不自 故君子懼 而

瞻印》七章,三章章十句,四章章

召旻》,凡伯刺幽王大壞也

寧,我位孔貶。

旻》,以别《小旻》而已。毛氏之《叙》曰: 因其首章稱旻天,卒章稱召公,故謂之《召 旻,閔也。 閔天下無如召公之臣。」蓋亦

衍説矣。

旻天疾威,天篤降喪。 我居圉卒荒。 瘨我饑饉,民卒流亡,

> 也。 篤,厚也。 圉 邊邊 垂也。 旗,病也。 卒,盡也。 居,國中

天降罪罟,蟊賊内訌。 昏椓靡共,潰潰回

遹,

實靖夷我邦。 訌,潰也。 昏核, 刑餘 奄 人也。 潰,潰亂

**臯臯訿訿,曾不知其玷。** 也。 爲蟊賊,以潰其内。 人,❷爲邪僻之行,安然而夷滅其國。 靖,安也。天降罔 故昏 兢兢業業,孔塡不 以 執 核 有罪,使 羣不恭之 小人

其間,兢兢業業,日夜危懼,久而不安,猶 **臯臯,多告訴也。訿訿,多讒謗也。 臯臯訿訿,曾無有知其瑕疵者。** 不能保其位。 君子居於 小人

- 「救」,明本作「穀」。
- 羣」下,明本有「小」字。

如彼歲旱,草不潰茂,如彼棲苴。我相此邦,

無不潰止。

牌,胡不自替? 職兄斯引。維昔之富不如時,維今之疾不如兹。彼疏斯

也。 曷不自 與小人,精麤之不同,可指而 甚者。蓋指言幽王大壞之時也。 矣。至於今世,人民疲病,亦未有若此之 言先王之世,天下富樂,其人固不若是 牌,精也。 替 以 避君子,而乃自任以 兄,益也。 引,長也。 知也。 疏, 長 君子 此 麢 窮

溥斯害矣,職兄斯弘,不烖我躬? 池之竭矣,不云自頻。 泉之竭矣,不云自中。

亂哉

日蹙國百里。 昔先王受命,有如召公。 鍾也。 頻, 厓· 猶自任,以益大此亂,維曰不烖我躬,則 親,内則國人不附,其害徧至矣。 所不爲,曾不顧其害民以及其國也。 人,泉之竭由内之不出。 也。 泉,水之發也。 溥, 徧也。 於乎哀哉! 維今之人,不尚 故池之竭由外之不 弘,大也。 日辟國百里,今也 今外則 池, 然 諸 小人 侯 無

有舊?

間,服從之國日益衆耳。蓋虞、芮質成於者,言文王之化,自北而南,至於江漢之公治外,故周人之詩謂之《周南》,諸侯之公治外,故周人之詩謂之《周南》,諸侯之世,周公治内,召,以此職亂,豈不猶有舊德可用之人哉? 言世雖亂,豈不猶有舊德可用之人哉? 言

詩集傳卷第十八

七句。《召旻》七章,四章章五句,三章章

❶ 「國」下,明本有「不」字。

二三九

## 詩集傳卷第十九

## 清廟之什 周頌

也; 其 聲 《頌》,非如《風》、《雅》之詩,有徒作 子之什》,禮之小者也。 時則不倫,求之以其事則不類,意者 然其篇第之先後,則不可究矣。 制禮作樂,而爲詩以歌之,於是頌聲始作。 則頌有所未暇。 者也。文、武之世,天下未平,禮樂未 《臣工之什》,禮之次者也,《閔 相從乎?《 周 `頌》皆有所施於禮樂,蓋因禮 至周公、成王,天下既平, 清 廟之什》,禮之大 然時 有參差不 。考之以其 而 子 亦 不用 而 備 者 齊 小 以 作

> 推矣。 者。意者亦以其聲相從也,然不可得而

《清廟》,祀文王也。

對越在天,駿奔走在廟。不顯不承,無射於於穆清廟,肅雝顯相。濟濟多士,秉文之德。

人斯。

不顯 没矣,其神在 其敬、雝雝其和者,實來顯相其禮 於乎美哉! 駿,長也 肅然清 其在廟者。言文王之澤久而 者,猶不忘秉持其德,以對其在天而 不承 淨 哉? 日 清 其祀文王於清廟也,有肅 天,其主在 信矣! 廟。 對, 配 其 廟 也。 無 ,然士之 不忘,豈其 厭 越, 於 辭 人 奔 來 文王 也。 也。 走 助 肅

《清廟》一章八句。

《維天之命》,太平告文王也。

曾孫篤之。 之純。假以溢我,我其收之。駿惠我文王,維天之命,於穆不已。於乎不顯,文王之德

文王受命,未終而没,周公、成王繼之。天文王受命,未終而没,周公、成王繼之。天立之,以爲文王之德之致也,故以告之下大平,以爲文王之德之致也,故以告之下大平,以爲文王之德之致也,故以告之下大平,以爲文王之德之致也,故以告之下大平,以爲文王之德之致也,故以告之下大平,以爲文王之德之致也,故王繼之。天文王受命,未終而没,周公、成王繼之。天文王受命,未然而没,周公、成王繼之。天文王受命,未然而没,周公、成王繼之。天

《維天之命》一章八句。

《維清》,奏《象》舞也。

《武》。將舞《象》,則先歌《維清》,故其序也。文王之舞謂之《象》,武王之舞謂之《象》,武王之舞謂之

之禎。 維清緝熙,文王之典。肈禋,迄用有成,維周

緝,和也。熙,光也。周公之治周也,事爲 是以無不和治而光明者。君子推其所至,是以無不和洽而光明者。君子推其所至,是以無不和洽而光明者。君子推其所至,是以無不和洽而光明者。君子推其所至,是以無不和洽而光明者。君子推其所至,是以有成。其成雖當周公之世,不脩之政,政

四三

^ 維 清》一章五 一句。

烈文》,成王即政,諸侯助祭也。 則成王於是即政,亦非復其位,蓋復其事 其位,蓋行其事也。 故未嘗即政。 即 武王崩,成王無所復父,不得稱子,則逾 既已即位,而周公攝,則是二王者也。 不稱王命也,然則成王既已即位矣。 夷畔,周公相成王以黜商,有大政令,未嘗 成王之終喪也,以幼不能聽政,而 位,諒闇 於《詩》、《書》,無之。 周公攝天子位,以爲政七年而後反。 公,七年而復,故《書》稱武王崩,三監及 古之儒者,皆言武王崩,成王幼不能踐阼, 位 而 稱 而 王。 聽於冢宰三年,蓋免喪而復。 是以周公當國而治事,非攝 雖稱王矣,而不能治王事 其後七年,退而復辟, 古者君薨,世子即 聽於周 。余考 成 淮 蓋 Ŧ 年

以專

利,無靡以專欲,則王尊之矣。

念

其

也。

諸侯能

奉順王室

,則子孫安矣。

無封

錫之祉福

其曰「烈文辟公」,呼而

告之

成王朝享於廟、諸侯來助者、以

先祖之功,則繼其序者益大矣。勤

序其皇之。無競維人,四方其訓之。不顯維 無封 烈文辟公,錫兹祉 德,百辟其刑之。 也。 然則未終喪,而爲詩以作樂,可乎 之未嘗攝 即 靡于爾邦,維王其崇之。 位 也。 故此詩之序曰「成王 位明矣。 苟 成王 於乎前王不忘。 福 有即 或曰: 惠我無疆,子孫保之。 位、 一即政」。 有即 即 念兹戎功, 政亦即 政 即政 則 位也。 周公 小非

烈文》一章十三句。

教之也。烈,光也。辟、公,皆君也。

之矣。凡此五者,先王之所以不忘諸

侯

而

人,則四方順之矣。

敏於爲德,則

百

辟

憲

於擇

祖

考之命

《天作》,祀先王先公也。

彼徂矣,岐有夷之行。子孫保之。天作高山,大王荒之。彼作矣,文王康之。祀,時祀也。周之初,時祀猶及先公。

《天作》一章七句。

《昊天有成命》,郊祀天地也。

昊天有成命,二后受之。成王不敢康,夙夜方澤。詩稱昊天,是以知非祈穀之郊也。郊,謂冬至祭昊天於圜丘,夏至祭地祇於

將成其王業,不敢安也。夙夜積德以爲受天將祚周以天下,既有成命矣,文武受之,

基命宥密。於緝熙,單厥心,肆其靖之。

命之基,蓋未嘗求之,亦未嘗舍之也。未 曾求之,所謂宥也,未嘗舍之,所謂密也。 有之也者,聽其自至也,密之也者,欲及 有之也者,聽其自至也,密之也者,欲及 其特也。文武之所以答天命者如此。於 其特也。文武之所以答天命者如此。於 定之也。此詩有「成王不敢康」,而《執競》 有「不顯成康」,世或以爲此言成王而、 人,詩必從之。故《頌》之施於禮樂者備 及,詩必從之。故《頌》之施於禮樂者備 及,詩必從之。故《頌》之施於禮樂者備 人,於世無容易之。且詩曰「成王不敢康, 原夜基命宥密」,又曰「自彼成康,奄有四方, 成五十基命之君,而周之奄有四方, 非自成、康始也。

《昊天有成命》一章七句。

《我將》,祀文王於明堂也。

也; 者也。 將 者也,故舜之將攝也,受終于文祖 其不可易者也。 帝,顓頊之所自 之有功者也。 郊者,先世之有功者也。其所宗者,近世 代之所禘,皆其祖之所自出,廟之所不及 以 周 也,故禘黄帝 毁之廟。予竊以鄭氏爲不然,何者? 而宗堯。 此《傳》所謂 而宗禹。 記》曰: 以天下予人,必告其所從受天下。舜之 祖、宗爲明堂之配,而王氏以祖、宗爲不 人禘嚳而郊稷,祖文王而宗武王。」鄭氏 禹之將攝也,受命于神宗,舜之宗也。 其所祖者,廟之所自始者也。 「有虞氏禘黄帝 商人禘嚳而郊冥,祖契而宗湯。 夏后氏亦禘黄帝而 祀文王於明堂以 而郊譽,祖顓頊而 有虞氏繼堯,堯、譽非其姓 出; 堯、譽則舜之所繼而 而顓 頭,舜之祖,此 而 郊鯀 郊 配上帝者也 嚳 宗堯。 二,祖 祖顓 ,堯之祖 其所 有 顓 黄 功 四 頊 頊

> 矣。 宗,則其世之有功者 故祖宗之號,非所以施於明堂也。 后稷升於郊,此其 文王之詩,故文王亦 武之廟。《雝》,其所以禘太祖也,《雝》爲 也,先公之主禘於稷 自成也,故雖 以爲異者,后稷祖也。文、武皆王業之所 所從受天下者堯也,則舜之以堯爲宗也 夏商之所禘、祖 以 后 (所以 稷爲太祖 也。 猶 祖 廟,先王之主禘於文 矣。 異於夏、商 舜 至周亦然,其所 也,而 文王爲祖 一,而 其 其所郊 禘 而 於 一, 故 廟 明

我其夙夜,畏天之威,于時保之。文王之典,日靖四方。伊嘏文王,既右饗之。我將我享,維羊維牛,維天其右之。儀式刑

可以致之, 曰我今儀式刑文王之典,以靖乎? 蓋不敢必也。故自託於文王,庶幾奉其牛羊而獻之曰, 天其尚右我而饗此將,奉也。享,獻也。其饗上帝於明堂也,

我哉 之威,而保文王之法,庶幾 天下,苟 天之難致 天 不 遺 文 也 王 如 而 嘏之, 是,是以 可得 其 而致也。 夙 亦 夜畏 既 右 天 響

《我將》一章十句。

《時邁》,巡守告祭柴望也

保之。 載 王維后。 震之,莫不震疊。 時邁其邦,昊天其子之,實右 橐 弓 矢。 明 昭有周 我 求 懷柔百神,及 懿 ,式序在位。 德, 肆于 序 時 河 有 載戢干戈, 夏。 喬嶽 周 允 薄 王 允

者? 侯,豈 則日 祑 王者以 我 Ш 天實右序我 ][ 有 其 我是以能巡守於方嶽,柴告天地,望 周 時 徧 薄 巡 于 豈 震 行邦國, ,群神。 以 動之,而 是 有周 求多於諸 信矣,我周 矣。 日天其尚 無 不 不然 侯 震 哉 王維 四 慴 子 以 我 方之 君矣。 歸 哉 蓋 亦 諸 周

> 明 是 有德之人 次 也 而 叙 其朝 른 之羣 而布之於諸夏,以 然 後信能保有 臣,歛 其 甲 兵 天下,此 藩 而 屏 收 周 藏 室, 之, 謂 求 如

《時邁》一章十五句。

執競》,祀武王也。

磬筦將 執競武 自彼成康,奄有四方,斤斤其明。 既醉既 飽,福 將 王,無 降 禄來反 福 競 維烈。 穰 穰。 不顯成康,上帝 降福簡簡 一,威儀 鍾鼓 是皇。 反反。 喤 喤,

受多 至。 競,彊也。 之所君。 下莫能與之競,遂成其王業 而安之,然後能奄有四方,使其明無所 凡今所以能 一福者,皆武王之德之致 夫周之興也遠矣,至於武王,成 武王持其彊心,爲而不捨,故天 備其禮樂,脩其 也 而 安之,爲天 祭祀,以 喤 喤, 不 和

四

六

也。 也 將 反反,順習也。 (執競))一章十四句。 將 集 也 穰 反,復也。 穰 衆 也。 簡 簡 大

思文》,后稷配天也。

有五 無六天也。 善言之,故爲之辨曰: 天一而已。 然 或以其怪而不信。 鄭 稷配天」,此所謂郊稷,禘其祖之所自出 明堂,以配上帝者也。 將》,「祀文王於明堂」,此所謂宗祀文王於 天於圜丘,而以譽配之者也。 成 《周頌》有祭天之詩三焉,其一曰《昊天有 而以其祖配之者也。 氏。 命》,以「郊祀天地」,此 行,五行之神而尊之曰五帝,不可 古之論郊祀者,莫密於鄭氏,然世 古之帝王以五行之德迭王天 予以爲鄭氏近之,而 此三者,其説皆出於 其三曰《思文》,「后 所謂 其二日《我 禘嚳,祀昊 而 謂 天 不

> 光紀。 説則 以爲 以祀 後宣公作密畤以祀青帝,靈公作吴陽上畤 然則記者亦過矣。 之所謂感生者,禮之所謂祖之所自出也, 而生也。」此尚何以使學者信之? 含樞紐。 者,靈威仰。 又特祀其神,此 矣。至於周而爲木,故以其行王天下, 下,故以 古之帝王以五德 怪矣,曰:「昊天者,耀魄寶。 黄帝、下畤以祀炎帝。 主少皥之神,故作西畤以祀白帝, 帝王之以其德王天下者,皆其所感 火德者 白帝者,白招矩。❷ 赤帝者,赤摽怒。● 日 亦理之當然也。 相授 [炎帝 史稱秦襄公居西方,自 以以 而 有天下,其 土 德 漢高帝曰: 黑帝者,叶 者 然鄭氏之 黄帝者, 曰 然鄭氏 I 黄帝。 來尚 蒼 其 帝 則

標」,明本作「熛」。 矩」,明本作「拒」。

復作北 祖曰 者? 郊稷者,祀昊天 謂褅嚳者,大祭於廟 氏之學,有昊天 鄭氏之説古矣,而所以言之非也。 無 上之,曰 於明堂者,亦以 祖之自出者,嚳也, 下 廟 王 可 日 吾 1先妣。 也,未有禘祖 則 廟 者之祭天地、維外之、故爲之配以主之 禘於子之廟,非禮也。 聞 矣。 后稷,故周人之廟至稷而止。又推 無 周人推其受命之祖曰文王,始封之 天 畤 所 有 后稷生於姜原,則又立姜原 以祀黑帝。 姜原,帝嚳之妃,而特立廟,則 無廟則無主,無主則無以禘 禘,將禘於后稷之廟,是以 五帝, 而 而 配 之父,而 而 以稷配也。 無 昊天 不足 而以嚳爲祖也。 五行,故曰: 以嚳爲祖之所自 其説皆與鄭氏 也。」予 一,何也?」於 以 且夫肅之所謂其 祖 所謂祀文王 海竊非 配之者 「禮之所 若夫王 之, 之 所謂 父 也。 出 而 無 嚳 廟 而 何 故 是

出者非嚳,則所謂禘嚳者,誠配天也。是言之,嚳不得與宗廟之禘,而祖之所自禘,祖之父而爲之配,是外祖之父也。由

時夏。 時夏。無此疆爾界,陳常于貽我來牟,帝命率育。無此疆爾界,陳常于思文后稷,克配彼天。立我烝民,莫匪爾極。

德也。 後已。 物我 疆 此 民者,后稷之功也,能建皇極者,后稷之 降嘉種以遺之,使徧養於四方,無 食之,然使民復粒 堯遭洚水之患,黎民 其 一也,彼爾界也,布之於諸夏,使常 廣 遠 「立」、「粒」通。 乎 使稷有粒民之功, 近 ? 存於心,則安能 惟 其 功德 食 阻 也。 相 極,中也。 飢,后稷播 濟,是以謂之文 陳 而無皇極之德 方是時 常 于時夏,若 能 種 曰此 百穀 也 粒 之 以 烝 而 吾 天

❶ 「使」,明本作「後」。

二四

八

代有天下,八百年不絶乎? 德者,是以終不能有天下。 世之有功於民者,爲不少矣,而未見有其 也 亦未見若是其久者也,得非 不 然, 服 田 力穑之人, 而 雖或有天下, 自后稷以來, 能使其子孫 其 舊 

《思文》一章八句。

來、牟,麥也。

## 臣工之什 周頌

嗟嗟保介,維莫之春。亦又何求,如何新畬。嗟嗟臣工,敬爾在公。王釐爾成,來咨來茹。《臣工》,諸侯助祭,遣於廟也。

於皇來牟,將受厥明。

明昭上帝, 迄

用

豐

令・孟春》:「天子親載耒耜,錯之于參、釐,賜也。茹,度也。保介,車右也。《月年。●命我衆人,庤乃錢鎛,奄觀銍艾。

其如 歲。 其車右曰,今既莫春矣,其亦視爾田事,問 諸侯朝正於王,因助祭於廟,祭終而遣之, 保介之御 其亦大有刈矣。 降之嘉種 成法,有所不知則來咨度以定之。 遂戒其羣臣百工曰,戒尔公事,王既賜爾 庤,具也。 何而勸督之。昔后稷播殖百穀,天實 尔其亦使衆人具其田器,以勸田 ,大受其明,以至于今,常有豐 間 錢,銚也。 田 歲 鎛,鎒也。 日 新, 銍,穫也。 歲 既 曰 又戒 事, 畬。

《臣工》一章十五句。

所謂啓蟄而郊、龍見而雩是也。噫嘻》,春夏祈穀于上帝也。

<sup>「</sup>豐」,明本作「康」。

駿發爾私,終三十里。亦服爾耕,十千維耦。噫嘻成王,既昭假爾。率時農夫,播厥百穀。

數也。 野。 天 른 私 咸 至矣。我今率是典田之農夫,●令民無不 噫 上 田 夫之地,方三十二里有半,言三十里,舉成 澮,澮上有道, 萬夫有川,川上有路。」 萬 治野,夫間有遂,遂上有徑; 也。 有畛,百夫有洫,洫 ,遂及我私。」交相愛也。 播百穀,曰其大發爾私,盡三十里 嘻,歎也。天之所以成我王業者,既 既令之,民之服 民之奉上,則先其公,曰: 言人事盡矣,所不足雨耳,是以告之 噫嘻》一章八句。 耜廣五寸,二耜爲耦,萬夫故萬耦。 私,民田 也。 其耕者萬人,皆 上之告民,則 上有塗, 千夫有 《周官》: 十夫有溝, 「雨我 先 出 而 元凡 溝 公 其 於 後 昭

《振鷺》,二王之後來助祭也

二王後,杞、宋也。❷

在彼無惡,在此無斁。 振鷺于飛,于彼西雝。 國也。 周 振 譽,愛之至也。 容貌之修絜,如鷺之集於澤也。 周 爲 客。 無厭之者,然猶庶幾其能夙 振,羣飛貌 在此,在 戾,至也。 也。 周 雕,澤也。 也。 言客之至於廟者,其 庶幾夙 我客戾止,亦有斯容。 在 國無惡之者,在 夜,以永終譽。 二王之後,於 夜以永終此 在彼,在

《振鷺》一章八句。

報,謂秋祭四方、冬祭八蜡。豐年》,秋冬報也。

「典」,明本作「佃」。

❷ 「杞」,原作「祀」,據明本改

豐 年 蜡、社稷之功也。 《載芟》皆非宗廟之詩,而曰「烝畀祖妣」, 稌,稻也。 何也? 以爲所以能進享先祖者,皆方、 烝,進也。 ,烝畀祖妣。 多黍多 徐。 数萬至萬曰億,數億至億曰秭。 畀,予也。 亦自高廩 以洽百禮,降福孔皆。 皆, 徧也。 ,萬億及秭。 豐 年》、 爲 酒

《豐年》一章七句。

(有瞽》)始作樂而合乎祖 始作樂」,謂周公始成《大武》也。 也。 祖,謂

大祖文王也。

永觀 應田 喤喤厥聲,肅 有瞽有瞽,在周之庭。 厥成 縣鼓, 鞉磬柷圉。 **雝和鳴,先祖是聽。我客戾止,** 設業設虚,崇牙樹 既備乃奏,簫管備 舉。 羽。

樂官也。 樹羽,崇牙上飾也。● 應,小

0

鞉,鼓也。❷ 柷, 腔也。 小竹管爲之。管,如邃,併而吹之。 鼓之上。 鞞 也 田 當 縣鼓,大鼓 作 朄, 應鞞 也。 圉 之屬 局楊 周 人始 也。 也 皆 縣 簫 在縣 靴。 編

五〇

《有瞽》一章十三句。

《潛》,季冬薦魚,春獻鮪也。

季冬魚絜而美,春鮪新來,故獻於宗廟。

以 享以祀,以介景福 猗與漆沮,潛有多魚。

有鱣有鮪,鰷鱨

鰋

鯉。

鯉 漆、沮,岐周之二水也。 也。 鮪,鮥也。鰷,白鰷也。 潛,椮也。 鰋,鮎 鱣,大

潛》一章六句。

0 也。 「鼓」上,明本有「小」字。 樹 羽 崇牙上 飾也」,明 當是。 本作「崇牙上飾 也 樹 羽 置

羽

王也。 諱其名而廢其文者,後世之禮,而非周之 諱者,不以其名號之耳,不遂廢其文也。 昌 禘,宗廟之大祭,所謂禘祫者也。 太祖 故,疑之過矣。 厥後」,則太祖 或言周 人以 非 諱 文王 事 神, 也 而此詩有「克 然 周之所 文文 謂

有來雝雝,至止肅肅。相維辟公,天子穆穆。

於薦

廣牡,相子肆祀。

言得天下之歡心也。天子也,故於其薦大牡也,皆助陳其饌。其來也和,其至也敬,其助者公侯,其薦者

燕及皇天,克昌厥後。綏我眉壽,介以繁祉。假哉皇考,綏予孝子。宣哲維人,文武維后。

既右烈考,亦右文母。

哲,其君文武,故能安人以及於天。天地大哉! 我皇考文王之安我也。其臣明

禘之禮,先王之臣 致也,文母大姒之德,亦有以右我矣。 以 神人莫不蒙享其 宣哲維 眉 壽,助之以多福。 人」焉。 利,故 有 與 能 然 祭 昌 此 者 其 非 ,故於是 後 獨 嗣,安之 文王之 大 稱

《雝》一章十六句。

《載見》,諸侯始見乎武王廟也。

見》言「諸侯始見乎武王廟」,則《載見》之《烈文》言「成王即政,諸侯助祭」,而《載

作也,成王未即政歟!

載見辟王,曰求

厥章。

龍旂陽陽,和

鈴

、央央。

以介眉壽,永言保之,思皇多祜。烈文辟公,鞗革有鶬,休有烈光。率見昭考,以孝以享。

載,始也。軾前曰和,旂上曰鈴。鶬,經以多福,俾緝熙于純嘏。

貌也。諸侯始來見王,求法度以好其車載,始也。軾前曰和,旂上曰鈴。鶬,金飾

卷第十九

《有客》一章十二句。

與之厚也。

與之厚也。

與之原也。

而王之所以待辟公者,則亦以

明,從之以祭武王之廟,思介之以眉壽,而

《載見》一章十四句。

殷尚白。亦,仍也。言仍殷之舊也。萋薄言追之,左右綏之。既有淫威,降福孔夷。有客宿宿,有客信信。言授之繁,以繫其馬。有客有客,亦白其馬。有萋有且,敦琢其旅。《有客》,微子來見祖廟也。

旅,其卿大夫也。一宿曰宿,再宿曰信。萋、且且,敬慎貌也。敦琢,選擇之也。殷尚白。亦,仍也。言仍殷之舊也。萋

之至,故欲其能威福人也。也。夷,易也。能威人,則能福人矣。愛也。夷,易也。能威人,則能福人矣。愛「左右綏之」,言所以安之無方也。淫,大繁其馬者,愛之不欲其去也。追,送也。

《武》,奏《大武》也。

於皇武王,無競維烈。允文文王,克開厥後

嗣武受之,勝殷遏劉,耆定爾功。

也。劉,殺也。耆,老也。 其殺人,其成功也老矣。武,迹也。遏,止文王既開其迹,武王嗣而受之,勝殷而止於乎大矣! 武王無競之功,文王開之也。

《武》一章七句。

# 閔予小子之什 周頌

《閔予小子》,嗣王朝於廟也。

子,夙夜敬止。於乎皇王,繼序思不忘。永世克孝。念兹皇祖,陟降庭止。維予小閔予小子,遭家不造,嬛嬛在疚。於乎皇考,

達。今我夙夜敬止,則亦不忘此而已。 於乎 成王 庭,直也。 周之先君,能陟降在帝左右者,惟文王也。 祖文王,以其直心陟降天人之際,無有不 始見於宗廟,自傷嬛嬛無 我皇考武王終身能孝。 所依 維念我 怙, 蓋 皇 日

閔予小子》一章十一句。

訪落》,嗣王謀於廟也。

難。紹庭上下,陟降厥家。休矣皇考,以保 將予就之,繼猶判涣。 訪予落止,率時昭考。 於乎悠哉,朕未有艾。 維予小子,未堪家多

明其身。

詩也。 我 謀 《閔予小子》,成王朝廟,言將繼其祖考之 也。 昭 考武王之德。 《訪落》,謀所以繼之之詩也。 落,始也。 曰予將謀之於始,以循 然而其道遠矣,予不能 訪,

> 也。 以保明其身者,將何以致此哉? 若陟降近在其家者。 及也,將使予勉强以就之,猶恐判涣不合 今將紹文王,以 美哉! 其直心交際上下,常 此皇考之所

(訪落)一章十二句。

敬之敬之、天維顯思、命不易哉。 《敬之》,群臣進戒嗣王也。 在上,陟降厥士,日監在兹。 維予小子,不聽

無日

高 高

敬止。

日就月將,學有緝熙于光明。佛時仔

肩,示我顯德行。

《敬之》,羣臣所以荅《訪落》也。 高而不吾察,非獨人君陟降在帝左右,天 者,庶幾日有所就,月有所成, 亦常陟降以察其士,而況於王乎? 曰,天命之於人顯矣,不可易也。 不可不敬者如此。 王曰,我未能明所謂敬 講之以學, 故戒之 無謂 王之 其

二五四

可得也。佛,輔也。仔肩,任也。拂,使導我以德行,可以荅天顯者,然後敬使心之光明者,和洽而見於外,又屬任輔

敬之》一章十二句。

予猶蜂耳。 予其懲,是以毖後患。 信以爲是桃蟲 王始信二叔,以疑周公,既而悟其姦,故曰 生鵰,始小而終大。」蓼,取其辛苦也。 荓,使也。 桃蟲,鷦鷯也,古語曰:「鷦 ,則大鳥也。 苟使予,予將螫女。 昔也,始 耳,無能 予方未堪多難,而又集于 羣臣勿使予者矣, 爲 也,及其翻 然而 成 鷯

匪

且有且,匪今斯今,振古如兹。

《小毖》一章八句。 辛苦之地,其奈何舍我而弗助哉

《載芟》,春藉田而祈社稷也。

載芟載柞,其耕澤澤。千耦其耘,徂隰徂畛。王社。」王社在藉田中,藉田所祈也。《禮》:「王爲民立社曰大社,自爲立社曰

播厥百穀,實函斯活。驛驛其達,有厭其傑。思媚其婦,有依其士。有略其耜,俶載南畝。侯主侯伯,侯亞侯旅,侯彊侯以。有嗿有饁,載芟載柞,其耕澤澤。千耦其耘,徂隰徂畛。

有飶其香,邦家之光。有椒其馨,胡考之寧。萬億及秭。爲酒爲醴,烝畀祖妣,以洽百禮。厭厭其苗,緜緜其麃。載穫濟濟,有實其積,

畛,舊田有術路者也。主,家之長也。伯,散也。耘,除根株也。隰,新發之田也。載,始也。除草曰芟,除木曰柞。澤澤,解

麃,耘 也。 含也。 其長子也。亞,仲叔也。 茂甚也。 喰,嗜食聲也。依,愛也。略,利也。 能左右之曰以,所謂間民轉徙執事者 彊,民之有餘力 也 自 老,則胡考之所以安也。且,此也。 也。 ,以燕饗賓客,則邦家之光也, 驛驛,苗生貌也。達,出土也。 也。 活,生也。 傑,先長者也。 濟濟,人衆 而 既播之,其實含氣而生 來 助者,所 貌 也。 縣縣,詳密也。 旅, 衆子弟 飶、 謂 彊 以養耆 椒 厭然, 子 皆香 函, 振, 也。 也。 也。

《載芟》一章三十一句。

良耜》,秋報

社

稷也

其鎛斯趙,以嫭荼夢。荼蓼朽止,黍稷茂止。或來瞻汝,載筐及筥,其饟伊黍。其笠伊糾,畟畟良耜,俶載南畝。播厥百穀,實函斯活。

牡,有捄其角。以嗣以續,續古之人。以開百室。百室盈止,婦子寧止。殺時犉穫之挃挃,積之栗栗。其崇如墉,其比如櫛,

人也。 者也。 也。 往歲也。「續古之人」,庶幾不替其先也 牡,社稷之牲也。 畟畟,嚴利也。「或來瞻女」,婦子之來饁 挃挃,穫聲也。栗栗,精也。 趙,刺也。 《良耜》一章二十三句。 筐、筥,饟具 族人輩作相助,故同 荼,陸草 「以嗣以續」,興來歲、繼 也。 也。 糾然,笠之輕 百室,一族之 . 時 蓼,水草也。 人穀。

《絲衣》,繹賓尸也。

《序》稱高子之言曰「靈星之尸也」。《絲與祭同日。周曰繹,商曰肜。毛氏之諸侯曰繹,以祭之明日。卿大夫曰賓尸,祭之明日復祭曰繹,所以賓尸也。天子、

夏之言,凡類此耳。 又有以知毛氏雜取衆説以解經,非皆子衣》本宗廟之詩,其稱靈星,既已失之,然

胡考之休。 鼐鼎及鼒,兕觥其觩。旨酒思柔,不吴不敖, 絲衣其紑,載弁俅俅。自堂徂基,自羊徂牛。

之福。 爵, 具。 也。 舉鼎羃告絜,然後祭。 升門堂,視壺濯及籩豆,降適於基,告濯 禮,釋於廟門之外,其禮薄於正祭,故使士 俅 絲衣、爵弁,士助祭服也。 城,恭 無 遂視牲,自羊而之牛。 鼐,大鼎 有罐譁 也。 也。 敖慢者,於是神畀之以胡考 堂,門堂 鼒,小 也。 祭終,旅酬 鼎也。 紑,鮮絜貌 反告充已,乃 基, 門 吴, 譁也 塾之基 而 置 也。 罰

《絲衣》一章九句。

《酌》,告成《大武》也。

我龍受之,蹻蹻王之造。載用有嗣,實維爾於鑠王師,遵養時晦。時純熙矣,是用大介。

公允師。

所以 師。 者。 之。 之者。 晦而 祖之道,以養天下」,則是詩之所不言也。 鑠,盛也。 有於鑠之師而不用,退自循養,與時皆晦, 蹻蹻,武貌也。 武王之興也,實維文王之事信爲之 夫文王既造其始矣,故其 爲《酌》也。 夫方其不可 益明,其後既純光矣,則天下無 文王於是遂寵受之,蹻 遵,循也。熙,光也。介,助也。 載,始也。公,事也。 而《毛詩》之序曰 而晦,見其可而王之,此 後 然 「能酌: 有 起 嗣 而 不 先 之 助 王

**善说《的》乞句,其實入酌》一章八句。** 

舊說《酌》九句,其實八句耳。

桓》,講武、類碼也

王者將出征 一,則講 武 而類上帝, 馮于所征

之地。

有厥士。 綏萬邦, 婁豐年。 皇以間之。 于以四方,克定厥家。 天命匪解。 桓桓武王,保 於昭于天,

德上 天命之於周,久而不厭也,故武王桓桓,保 武王克商以安天下,屢獲豐年之祥矣。 有 可 其 廢 也。 昭于天,遂以代商有天下。 衆,用之四方之不服以定其家,●其 皇,君也。 間,代也。 言武之不

《桓》一章九句。

齊》,大封於廟也。

齊,予也

求定。 文王既勤止,我應受之。 時周之命,於繹思。 敷時繹思,我徂維

卷

第

+

九

之也。 之所以命諸侯者。 維以行求天下之定而已,非 之。然而 文王之勤勞,天下至矣,其子孫應受而有 敷,布也。 不敢專也,是以布陳之以 時,是也。繹,陳也。 於乎! 求 其 利 思,辭 陳之嘆 也,此周 與人, 也。

《齊》一章六 句。

《般》,巡守而祀四嶽河海也。

般,般遊

也

於皇時周,陟其 高山 嶞 Ш 喬嶽,允猶 翕 河。

敷天之下,裒時之對,時周之命。

嶞,狹長也。 大河受衆水者也。 喬,高 也。 裒, 猶,道 緫 也。 也。 對, 荅也。 翕 河,

0 安定其國家」。 用之四 方之不服以定其家」,明本作 「用之四 方于以

Ŧi. 七

天下無不緫荅其功者,此周之命也。 於乎美哉! 王之巡行天下也,陟其山嶽, 而道於大河。思其有功於民,是以至於敷

詩集傳卷第十九

《般》一章七句。

# 詩集傳卷第二十

#### 駉 魯頌

者,風之所自出,而國者,雅之所自成也 者,則爲是名矣。古之王者,治其室家,而 有天子之風,有諸侯之風, 有天子之頌, 侯而作《頌》,世或非之。余以爲不然。 行父請於周,而史克爲之《頌》。 然魯以 至僖公,魯人尊之。其没也,其大夫季 羽之野,成王以封周公之子伯禽。十九 其爲本也,必約 後及於其國,故以家爲本,以國爲末。 有諸侯之頌。二者無在而不可,凡爲是詩 魯,少昊之墟,而《禹貢》徐州大野 而精; 其爲末也,必大而 詩 諸 孫 世 蒙

猶在 《頌》之爲詩,本於其德而已,故天子有德 繼。 也。 粗。 也; 則國人頌之。商、周之《頌》,天下之頌 於天下,則天下頌之, 是遂廢,故詩惟《雅》爲非天子不作也。 於平王東遷,而喪其所以 是時也,王者之《風》雖亡,然其所 而爲十一。 及遠,而獨爲《黍離》。 既衰,衰始於室家,二《南》之風 則有二《南》,而無諸侯之《風》。其後王德 方其盛也,其《風》加於天下,橫被而獨見, 始於二《南》,而繼之以二《雅》,先其本也。 約 魯人之《頌》,其國之頌也,故《頌》之 也,故雖幽、厲之世,而《雅》不絶。 國異政,家殊俗,則周人之《風》不能 微則易失,著則難喪,是以文、武之詩 而 精者,其微 故風之爲詩,無所不在 也,大而粗者,其著 諸侯 諸侯之《風》分裂, 爲國,則《雅》於 有德於其國, 先絶 以爲 也。 而 當 至 國 不

六〇

《雅》、《頌》之作本於天子。 《風》、《雅 大師之自黜也, 魯之爲《頌》,諸侯之僭 之《頌》。 之《雅》; 謂之《風》; 以《 升歌《清廟》,下而管《象》,客出以《雍》,徹 説詩者則不然,曰 牡》、《皇皇 諸侯相見,歌《文王》、《大明》、《緜》,大饗 大夫以《采蘋》爲節, 士以《采蘩》爲節 也,以《騶虞》爲節; 其用之於樂也亦然。 《詩》而 詩 振 風,文王之未王也; 無所不在 羽》。 不然,於是從而爲之説,曰二《南》 美盛德之形容,而 》、《頌》爲樂之節者也。 者華》。」天子諸侯未 言天下之事,形四方之風,謂 響鄰國之使,歌《鹿 則《 也。 風》之作本於諸侯, 一國之事,繫一人之本, 諸侯以《狸首》爲節; 《記》曰:「天子之射 是二者無 《黍離》之爲風, 告於神 及其考之於 所不 心鳴》、《 有不 然古之 明 在 了, 謂 而 以 四 故

> 下 也。 也。 可 雜然交見於下,雖欲禁其爲詩,其勢亦不 之王者,慎其德 有天子而無 其俗風之實也、《頌》頌其德頌之實也。 諸侯,是以學者疑之。 合,又爲一説以救之,要將以尊天子 侯之樂之歌《雅》,上取也。 之説, 曰天子之樂之歌《風》, 下 天子,未嘗禁其爲詩,而 侯不善者廢,善者不能獨見,其化 而求其所以爲《風》爲《頌》之實,曰《風》言 得止矣。 ,則天子之詩獨見於世,諸侯之詩熄矣 及至王德已衰,諸侯國自 及其考之於樂 故未嘗爲之制,徒一其政於天 俗、諸侯 加 無 而不然,於是又從 失 而 今將折之,莫若 其 無德者哉? 其詩 (政,使天下 既 亦無 爲 爲 . 就 政, 也 由 一出 説 ·之諸 善 蓋 而 而 而 而 豈 惡 反 作 於 古 朏 不 諸

《駉》,頌僖公也

駉

駉

牡

馬

,在坰之野。

薄言駉者,有騅有駓,

有

騂

有

騏

以以以

車伾

伾。

思無

期

思馬馬

斯才。

倉

台

雜

毛

日

騅

黄

白

雜 毛

日

赤黄

日

倉

棋

FI

騏

伾

伾

有

力

也

材

有 駉 駉 驒 牡 有 黄 馬 以 在 坰 車 之野。 彭 彭。 思無疆 薄言 ... 者,有 思思 馬 斯 驈有 臧 皇,

及,以 臧。 有田 也。 不以 坰。 未 僖公推其誠心以治其國家,其思慮無所不 皇,純黑曰驪,黄騂曰黄。 之牧,牧外謂之野,野外謂之林,林外謂之 駉 駉 有 馬,有駑馬。 諸侯六閑,馬四 馬害農 農利於近,而遠不害馬,故養馬於坰 腹腹 不善者也 爲不 荷思馬而馬善,則凡其思慮之所及, 幹 可偏舉,故舉其 肥 也。 張 也 非 驪 故此詩四章,以次言之。 至誠,而能若是乎? 馬白跨曰驈,黄白 邑外 種,有良馬,有戎馬, 謂之郊,郊外 彭彭,有力有容 日 思馬 斯 謂 

也。

作,奮起

也

力 也

駉

有 駠 駉 駠 青驪驎 有 牡 黑身白 雒 馬 日驒 以 在坰 車 鬣 白白 繹繹。 之野。 日 雒 馬 黑鬣 薄 繹繹,善走也。 思 言 無 日 斁,思馬 駉 駱,赤身黑鬣 者,有 斯 驒 斁,厭 作。 有 駱 E

有 駉 駉 孔子 驔 於物 思其 邪。」 二目 陰白 也 故《易》曰「閑邪存其誠」,此「思無邪」之謂 故 牡 事 有 何謂 日: 然昔之爲此詩者,則未必 邪 白 雜 魚 馬,在坰之野。 成於思,而心喪於思,無思 則思而不失其正 也。 毛 ,以車祛祛。 E |《詩 也? 曰駰,彤白 魚。 有心未有無思者也 》三百,一言以 祛祛, 人生而有心,心緣物 薄言 雜 思 强 毛曰 無 健 邪 駉者,有駰 正 也。 颗,豪骭 思 存 蔽之, 曰 知此也。 其 而 一、思而 馬 徂 邪不起, 正 斯 一,行 也,有 別思, 徂 有 F 思無 不留 也 驔 騢 孔

子讀《詩》至此,而有會於其心,是以取之,

蓋斷章云爾。

《駉》四章,章八句。

《有駜》,頌僖公也。

振振鷺,鷺于下。鼓咽咽,醉言舞。于胥有駜有駜,駜彼乘黄。夙夜在公,在公明明。

有 駜.

有駜,駜彼乘牡。

夙夜在公,在公飲酒

振

振鷺,鷺于飛。

鼓咽咽,醉言歸。

于胥樂

子。于胥樂兮。 載燕。自今以始,歲其有。君子有穀,貽孫兮。有駜有駜,駜彼乘駽。夙夜在公,在公

安其君,故願其富且有後也。青驪曰駽。有歲,豐年也。

穀,禄

也。

臣

《有駁》三章,章九句。

《泮水》,頌僖公也。 者。 《閟宫》言公子奚斯作新 魯之廟也,自魯先君而有之矣,僖公因其 此詩言既作泮宫,遣將 所獲尚少也。 猶,淮夷卒獲」,有所未獲而欲終之,則 之功,予亦疑焉,然此詩有之。 舊而脩之,是以不見於《春秋》。 至於淮 秋》,其事皆不載,世有以是疑二詩之妄 予嘗辨之: 泮宫,魯之學也, 自僖公至於孔子八世,事之 出兵 廟。 以 今考於《春 式 克 閟宫, 淮 古 夷。 其 夷

乎? 以君臣 小者容有失之,其大者未有不録 君子惡居下流,天下之惡皆歸焉。」孟 貢曰:「紂之不善,不如是之甚也。是以 去其所不可,此孔子之所以爲《詩》也。 詩之言甚 達者之所自諭也。 之言必有過者,要不以惡爲善則已矣。 仁伐不仁,何其流血之漂杵?」夫二子之 言信矣,然孔子未嘗以廢《周書》。 「吾於《武成》,取二三策而已。 而 維 爲此辭,可也; 美而大,則君臣 可之,是以録之。 而孔子録之, 之辭歟? 録其 也。 所可 蓋好惡 以 或 今此 此 子 子 至 而 可 日

其 思樂泮水,薄采其芹。 、旂茷茷,鸞聲噦噦。 買 天子之學曰辟雝,諸侯曰 樂之, 曰吾思樂泮水之上, 雖 如璧,泮宫半之也。 魯侯戾止、言觀其旂。 無小無大,從公于邁。 僖公作泮宫,而 1 泮宫。 無 辟雝,水 所 得, 其 聊

> 茷,飛揚也。噦噦,和也。 采其芹而足矣,況於往而見魯侯哉? 茷

語,未嘗有所怒也,教之而已。 僖公之至於泮宫也,則好其顔色,和其笑其馬蹻蹻,其音昭昭。 載色載笑,匪怒伊教。思樂泮水,薄采其藻。 魯侯戾止,其馬蹻蹻。

既飲旨酒,永錫難老。 思樂泮水,薄采其茆。 也; **羣**衆。 茆,鳧葵也。 咸願神錫之以難老,使之順 苟無其道,雖有其衆不能服也,是以 夫苟無 僖公與其羣臣飲 其人, 魯侯戾止,在 順彼長道,屈此 雖有 其 從 長 道 酒於泮宫, 道 洋飲 不 以以 羣醜。 能 酒。 從 屈

·伯禽,故魯人化之,無有不孝者。 烈祖,伯禽也。僖公信文且武,其明至於允文允武,昭假烈祖。靡有不孝,自求伊祜。穆穆魯侯,敬明其德,敬慎威儀,維民之則。

願僖公之難老也

六匹

明 矯 矯 明 虎臣 魯侯,克明 一, 在 泮 其 ...獻 德。 馘。 既作 淑 問 泮 宫, 如 泉 淮 陶, 夷 攸 在 服 泮

古之出兵,受成於學。及其反也,釋奠於

獻

烝烝皇皇,不吴不揚。 不告于訩,在泮獻功。 濟濟多士,克廣德心。 南 譁輕揚,相告於訟者,是以能成功而還 忿狷之心,故於其征淮夷,而逖遠之 古「狄」、「逖」通。 學,而以訊馘告 也。 雖烝烝其衆,皇皇其大,未 訩,訟也。言其 桓桓于征,狄彼東南。 ( 羣 臣 嘗 於 有 東 獻 讙 無

也。僖公兵戎精繕,士卒競勸,故能克淮縣,弓健貌也。搜,矢疾聲也。束矢,百矢既克淮夷,孔淑不逆。式固爾猶,淮夷卒獲。角弓其觩,束矢其搜。戎車孔博,徒御無斁。

憬彼淮夷,來獻其琛。 翩彼飛鴞,集于泮林。 夷,甚 金也。 也。 之,況於人安有不化 鴞,惡聲鳥也,食泮林之黮,而猶以好音歸 其道,庶幾淮 琛,寶也。 善 荆、揚之貨,其至於齊、魯也,自淮 而 不 夷可 逆。 賂,遺 以 君子 元龜象齒,大賂南 食我桑黮,懷我好音。 盡 服者 也。 得 於是告之,使 也 哉? 南 金,荆、 憬, 揚之 覺 益 金。 悟 固

《泮水》八章,章八句。

而上。

閟宫》,頌僖公也。

之於泮宫。

周公之宇也」。夫此詩所謂「居常與許,復僖公能修泮宮也」,「《閟宫》,頌僖公能復駜》,頌僖公君臣之有道也」,「《泮水》,頌《毛詩》之序曰「《駉》,頌僖公也」,「《有

知三詩之序皆後世之所增,而《駉》之序則能也。而遂以爲頌其能復周公之宇,是以周公之宇」者,人之所以願之,而其實則未

孔

氏之舊也

之。因,神也。血,清淨也。實實,鞏固之。國,神也。血,清淨也。實實,鞏固魯以周公故,得立姜嫄之廟,僖公修而新

國也。

黍稷重穋,稙穉菽麥。 有稷有黍,有稻有秬。 無貳無虞,上帝臨女。 于文武,續大王之緒。 后稷之孫,實維太王,居岐之陽,實始剪商。至 也。 平,后稷乃始播種百穀,故曰「纘禹之緒」。 種 枚枚, 礱密 先 熟 日 一種,後 也。 敦商之旅,克咸厥功。 種後 致天之届,于牧之野。 奄有下土,纘禹之緒 奄有下國,俾民稼穡。 熟 E 穉。 洪水既

届,極也。敦,并之也。咸,兼也,能兼舉

先祖之功也。

爲周室輔。乃命魯公,俾侯于東。錫之山王曰叔父,建爾元子,俾侯于魯。大啓爾宇,

禽也。附庸,不能自達於天子,而附於大王,成王也。叔父,周公也。元子,魯公伯川,土田附庸。

春秋匪解,享祀不忒。皇皇后帝,皇祖后稷,周公之孫,莊公之子,龍旂承祀,六轡耳耳,

享以騂犧,是饗是宜,降福既多。

王室,故命魯公以夏正郊祀上帝,配以后莊公之子,僖公也。成王以周公有大功於

稷,牲用騂牡

萬 白 周公皇祖,亦其 舞 牡騂 洋 剛 洋 -,孝孫 ,犧尊將將。 〈福女。 有慶。 毛魚 秋而載嘗,夏而 俾爾熾 胾羹,籩豆大房。 而 昌 ,俾爾壽 楅 衡。

而臧。保彼東方,魯邦是常。不虧不崩,不

震 公致敬郊廟,而神降之福也。 不 下皆嘏辭也。三壽,三卿也。 炰,豚也。 胾,切肉也。羹,大羹、鉶羹 羣公不毛。犧尊,尊之以牛飾者也。 白牡,周公之牲也。 也 大房,半體之俎也。慶,尸嘏主人也。 騰。 祖,伯禽也。 秋將當,而 三壽作朋,如岡 楅衡,施於牛角所以 夏 楅 騂剛,魯公之牲 衡其牛,言夙 如 陵。 此二章言僖 戒 止 也。 也。 也 其 毛 觸

艾,萬有千歲,眉壽 髪台背,壽胥與試。 則莫我敢承。 貝胄朱綅,烝徒增增。戎狄是膺,荆舒是懲 公車千乘,朱英緑縢,二矛重弓。公徒三萬 俾爾昌 無有害 俾爾昌 而熾,俾爾 而 大,俾爾耆 壽 而 富 黄 而

持弓,右持矛,中人御。朱英,所以飾矛。大國之賦千乘。兵車之制,甲士三人,左

其壽而相與試其才力,以爲之用也 考,而託之以爲安也。「壽胥與試」者,願 繕其車甲器械,故其民無不欲其昌大壽 禦,言其强 承,禦也。 用之,是舉國而行也。 百人爲軍。」魯自襄公始作三軍,僖公之世 緑 朱綅,所以綴也。 三軍,次國二軍 馬法》:「兵車千乘,爲七萬五千人。」而 二軍而已。二軍而曰三萬,成數也。 「公徒三萬」者,大國之賦適滿千乘,苟 縢 所 以 也。 約 可以當戎狄,懲荆舒,而莫之 弓 此二章言僖公治其軍旅 也 而 增增, 衆也。 已。 周 故其用之也,大國 貝胄, 禮 貝飾 萬二千 胄也。 《司 盡

保有 及彼南夷,莫不率從。 泰 至于海邦,淮夷 Ш **鳧繹** 巖巖,魯邦所詹。 遂荒 徐宅。 來同。 莫敢不諾,魯侯是若。 至于海邦,淮夷 莫不率從,魯侯之功。 奄有龜蒙,遂荒 大東, 蠻

邦國是有。既多受祉,黄髮兒齒。 之宇。魯侯燕喜,令妻壽母。宜大夫庶士,天錫公純嘏,眉壽保魯。居常與許,復周公

願其壽考以復魯之侵地,宜其室家豆庶,羅,魯之四山也。故《春秋》「齊人歸鄆、澤,魯之四山也。故《春秋》「齊人歸鄆、」以,,魯之西山也。故《春秋》「鄭伯以璧假許田」。常,或作「嘗」。齊有「鄭伯以璧假許田」。常,或作「嘗」。齊有「鄭伯以璧假許田」。常,或作「嘗」。齊有「鄭伯以璧假許田」。常,或作「嘗」。齊有「鄭伯以璧假許田」。常,或作「嘗」。齊有「鄭伯以璧假許田」。常,或作「嘗」。齊有「鄭伯以璧假許田」。常,至也。龜、蒙、鳧、秦山,齊魯之望也。詹,至也。龜、蒙、鳧、泰山,齊魯之望也。詹,至也。龜、蒙、克、

徂來之松,新甫之柏,是斷是度,是尋是尺。以保有其所服從之國也。 願其壽考以復魯之侵地,宜其室家臣庶,

孔曼且碩,萬民是若。 松桷有舄,路寢孔碩,新廟奕奕。 奚斯所作,徂來之松,新甫之柏,是斷是度,是尋是尺。

是脩舊起廢,治其宫室寢廟,以順萬民福,内爲國人之所安,外爲鄰國之所懷,於也。新廟,姜嫄廟也,修舊曰新。奚斯,公也。新廟,姜嫄廟也,修舊曰新。奚斯,公

十句。句,一章十二句,一章十一句,二章章《閟宫》十三章,五章章九句,四章章八

以此爲正。此詩百二十句,舊分八章,非也,當

### 那 商頌

爲武王所滅,封其庶兄微子啓於宋,以奉成湯受命。其後既衰,則三宗迭興。及紂契爲舜司徒,而封於商,傳十四世,而

失。 孟 商 編《詩》而亡其七篇 十二篇於 猪之野。 後 七世至戴公,其大夫正考父得《商頌 其 周 地 在《 太 其 師 後 禹 歸 政 貢 衰,商之禮樂 以祀其先王,至孔 然春秋之際,大國略 徐 州 泗 濱 西 日 及 以 豫 子 放 州

疑而 所以禮之也。」予聞周之盛時,千八百 聖人之後也,是以天子巡守,不陳其 爲之説 曰 : 「宋,王者之後 也; 八詩,蓋 或 魯,

皆有變風,宋、魯獨無《風》而有《頌》,鄭氏

數世矣,而詩之載於太師者,獨十三國,其 有七十餘國。 後 世 陵遲,力强 變《風》之作先於《春秋》 相吞,而《春秋》所 見 猶

百

雖

不皆有詩,其有 不見於詩者,豈復皆有 詩 者, 雖檜、曹之小 説 哉? 意者 列 邶 或

且 燕、蔡之成國,宋、魯之禮樂,而 魏之亡,而有不能已。 獨此也, 齊桓、晉文,霸者之盛 其 無詩者,雖 有 不 血也,而 能

> 皆止 皆 夷,且僭周 而 不道也。 至微矣,然其詩屢作 無足疑者。 不 於 得 有 見。 詩 室 若夫吴、楚之國 則雖其無詩,蓋亦學者之所 衛 桓 莊 附 姜、 於《 而 不止,蓋事有適然, 齊 衛 襄 ₩, 公、鄭昭公事 文 ,雖大而 附 於《 用

《那》,祀成 湯 也

庸鼓 既 湯孫 猗與那與,置我 和 奏假 有斁,萬舞 且平、依我磬聲。 綏 我 有奕。 鞉 思 成 鼓。 於赫湯 我有 鞉鼓 奏鼓 嘉客 淵 簡簡,衎 孫 淵 穆 亦 嘒 不 穆 暳 我 夷 厥 管 烈 聲。 祖

顧予烝嘗,湯孫之將

自古在昔

一先民

有作

温

恭朝夕,

執

事

有

衎 商 猗,美也。 樂也 植鼓,周 假 懸 那,多也。 鼓。 至 也。 鞉 鼓,皆 置,植 磬, 玉 磬 所 也。 也 以 節 夏 庸 足 樂 鼓, 也。

幾

鍾 其 湯,樂奏而湯孫至,曰以是安我所思成之 所植鞉鼓,而奏之以作樂,以樂其烈 我今賴之,温恭朝夕,執事於此而已。 不和悦者。 祀事畢矣。 至於九獻之後,鍾鼓交作,萬舞陳於廷,而 於堂下,其聲依堂上之玉磬,無相奪倫 生於其思,故謂之思成。於是鞉鼓管籥作 日,乃見其所爲齋者。」凡此,皆非有也,而 語,思其志意,思其所樂,思其所嗜。 三闋,然後出迎牲。」故其祀成湯也,取其  $\Box$ 「自古在昔」,先民成湯造商,而遺之子孫 尚 也。 其 《記》曰:「齋之日,思其居處,思其笑 顧 顧之也。 商人尚聲,臭味未成,滌蕩其聲,樂 予烝嘗哉 客, 二 王 於時,王者之後皆來助祭, 以爲凡此皆湯德之致 後 也。 此湯孫之所奉者,庶 將,奉 也。 以也,故 ^ 齋二 祖 者 記 湯 E 無 成

無疆

顧予烝嘗,湯孫之將

將。 鬷假 約軝錯衡,八鸞鶬鶬。 既載清酤, 賚我思成。 嗟嗟烈祖,有秩斯祜, 烈祖》,祀中宗也。 中宗,大戊 無言,時靡 自天降康,豐年穰穰。 也。 有爭。 申錫 亦有和羹,既 綏我眉壽,黄耇 以假以享,我受命 無 來假來響,降 疆 及 爾 戒既平。 無 斯

疆

溥

所

嗟乎 猶以 以 修 故其耆老、黄耇、無疆之人,咸安於其位 時百官總 以畀我 絜 申錫於無疆,以 其 其 所 車 餘 我烈祖成湯有秩秩 服 至於廟,肅然無言,靡有爭者 思 福 復 以來助祭。 成之人,又重之以和羹。 興 我。 及爾中宗之所,故中宗 今既載清 既至,而 無 窮之福 酒於尊, 獻 其國 於 口

此」,古語質也。鬷,緫也。 天降之豐歲,以供其粢盛。言人既助之, 天文應之,然後庶幾祖考來格,而饗其 祭,報之以福,曰其尚顧予烝嘗哉,此湯 祭,報之以福,曰其尚顧予烝嘗哉,此湯 然,報之以福,曰其尚顧予烝嘗哉,此湯

《烈祖》一章二十二句。

《玄鳥》,祀高宗也。

高宗,武丁也。 高宗,武丁也。 古者君喪三年而給,明年春祀當作「袷」。古者君喪三年而給,明年春祀當作「袷」。古者君喪三年而始給之詩於太祖。此詩除高宗之喪,而始祫之詩於太祖。此詩除高宗之喪,而始祫之詩於太祖。此詩除高宗之喪,而始祫之詩次之,而後繼以時祀高宗之詩。

天命玄鳥,降而生商,宅殷土芒芒。 古帝命武

河,咸曰殷受天命,天下莫不宜之者,宜其 孕生契,堯封之於商。十四世而至於湯, 女,爲帝嚳次妃,見玄鳥墮其卵而吞之,因 景,大也。員,均 其至者祁祁,其多、其大而均,如衆水之赴 自是以疆域四方,四方諸侯賴之以安。 命,無有危殆,以至武丁之子孫,以武德王 始受命,以正域四方之諸侯。 玄鳥,乙也。古猶言昔也。糦,黍稷 奉黍稷以來助祭。 天下,無所不勝,是以諸侯建龍旂、乘車 不受命,遂奄九州而有之。 其後世世受天 也。 夫天子所居畿内千里, 契母簡狄,有娀氏之 四方之君罔 也

能何天禄也。此助祭者所以若是其多也。

《玄鳥》一章二十二句。

《長發》,大禘也。

君,又及其卿士伊尹。伊尹,蓋與祭於大禘,宗廟之禘也。故其詩歷言商之先

禘也。

之孫也。

立子生商。方。外大國是疆,幅隕既長。有娀方將,帝方。外大國是疆,幅隕既長。有娀方將,帝濬哲維商,長發其祥。洪水芒芒,禹敷下土

是始大。上帝則已立其女簡狄之子,以造之際,禹疏積水,以疆理諸夏之國,有娀於受命,深遠而明,其祥之見也久矣。唐虞夏,方之外也。幅,廣也。隕,均也。商之濬,深也。哲,明也。京師,方之内也,諸

玄王桓撥,受小國是達,受大國是達。率履

商室矣。

天。然而其心未嘗汲汲於有天下,凡以敬商之先祖既有明德,天命未嘗去之,至於湯商之先祖既有明德,天命未嘗去之,至於湯昭假遲遲,上帝是祗。帝命式于九圍。昭假遲遲,至于湯齊。湯降不遲,聖敬日躋。

不絿,不剛不柔,敷政優優,百禄是遒。受小球大球,爲下國綴旒,何天之休。 不競

圍,九州也。

天命而已,於是天命之,使用事於九圍。九

二七

昆吾、夏桀焉。

昔在中葉,有震且業。允也天子,降予卿士

實維 阿 衡,實左右商王

信矣! 自契至湯,其間 天之子商也。 蓋有微弱震動之憂歟? 降之卿士以左右商

王 ,而後商室以興。 《長發》七章,一章八句, 呵 衡 ()伊尹 四 也 章章七句

一章九句,一章六句。

曷。 武王載斾,有處 其勇,不震不動,不戁不竦,百禄是緫 受小共大共,爲下國駿厖,何天之龍。 長三尺,天子之所服也。湯既受命,執圭搢 **厖**,厚也。龍,寵也。 如旌旗之綴旒焉。絿,急也。遒,聚也。 珽以臨朝會,非以寵其身也,所以挈有下國, 球,玉也。 ·共」、「珙」通,合珙之玉也。駿,大也。 苞有三蘖,莫遂莫達。 小球,鎮圭,長尺二寸。 秉鉞, 如火烈烈,則莫 戁、竦,惺也 九有有截, 韋顧 大球, 珽 敷奏 我 敢

與三 也。 也。 歸 蘖,餘也。本 武 ·商,於是遂伐韋、顧。 既克之,則以伐 王, 湯也。「曷」、「遏」通。 韋,豕韋,彭姓也。 湯既受命,載 蘖皆不能自達於天下,故天下截 則夏桀, 蘖則 施秉 鉞 顧及昆吾,己姓 以征 韋、顧、昆 苞,本 不義。 也。 吾 然 桀

《殷武》,祀高宗也。

撻彼殷武,奮伐荆楚。 **采入其阻**,衰荆之旅

有截其所,湯孫之緒。

既伐,昆吾夏桀。

没,而殷道衰,楚人叛之。 高宗撻 以伐其國,人其險岨,以致其衆,戮有 撻,疾意也。 罙,深也。 裒,聚也。 然 自盤 罪以 用武 庚

齊一之,使皆即用高宗之次緒。 高宗伐鬼方,三年克之。」蓋謂此歟? 《易》曰:

維女荆楚,居國南鄉。昔有成湯,自彼氐羗,

昔成湯之世,雖氐羗猶莫敢不來朝,曰此既克之,則告之曰,爾雖遠居吾國之南耳,莫敢不來享,莫敢不來王,曰商是常。

至哉? 商之常禮也,況於汝荆楚,則曷敢不

禍適,稼穡匪解。

天命多辟,設都于禹之績。

歲事來辟,勿予

穡匪解,庶可以免咎矣。 咸以歲事來見於王,以祈王之不譴,曰予稼荆楚既服天命,諸夏之君,凡建國于禹迹者,

命于下國,封建厥福。 天命降監,下民有嚴。不僭不濫,不敢怠遑。

不敢怠遑,故使之制命于下國,封建其所天監視商,爲下民之所嚴,而不僭、不濫,

商邑翼翼,四方之極。赫赫厥聲,濯濯厥靈。

福

壽考且寧,以保我後生。

之中。赫赫、濯濯,光明也。後生,子諸侯歸之,上帝予之,故能以商邑爲四方

孫也。

松桷有梴,旅楹有閑,寢成孔安。陟彼景山,松柏丸丸。是斷是遷,方斵是虔。

《商頌》。 之,故追道契、湯、高宗,殷之所以興,作 公脩仁行義,欲爲盟主,其大夫正考父美 天下既治,然後伐其松栢,而新其宫室,既 當之,遂以韓嬰之説爲信。予考《商頌》五 因此詩有「奮伐荆楚」,則以襄公伐楚之事 長貌也。 丸丸,易直也。 成而無所不安,德之至也。景 旅楹 其説蓋出於《韓 ,衆楹也。 遷,徙也。 司馬遷言: 詩》。 虔,谌也。● Щ 近世學者 一大山 宋襄 梴, 也

● 「椹」,明本作「敬」。

二七四

王,豈復以命湯哉? 王,豈復以命湯哉? 王,豈復以命湯哉? 至,皆盛德之事,非宋之所宜有,且其詩有 三,皆盛德之事,非宋之所宜有,且其詩有 三,皆盛德之事,非宋之所宜有,且其詩有

句,一章五句。《殷武》六章,三章章六句,二章章七

詩集傳卷第二十

兼管内勸農營田事 詡 重校證刊于本州公使庫庚子淳熙七年四月十九日曾孫朝奉大夫權知筠州軍州事

#### 詩

集

傳

〔南宋〕朱 熹撰

1	采繁	鵲巢	召南	麟っ	汝墳	漢	芣艿	兔買	桃玉	<b>冬</b>	樛木	卷百	葛賈	關睢	周南一	風	詩卷第一	校點説明	E	ĺ	
录						六	五	五	五			三	葛覃 三		之一 一				每		
											騶虞 一三										

干旄 三一	三 三	IIO	二九			二八					二子乘舟 二六	二五	二五		二四	1111		111			
采葛 四四	葛藟	兔爰	中谷有蓷 四	揚之水 四	君子陽陽 四	君子于役	黍離 四(	王一之六 四	詩卷第四 四	木瓜 三ヵ	有狐 三八	伯兮 三八	河廣 三七	<b>芄蘭</b> 三七	竹竿三七	氓三五	碩人 三四	考槃 三皿	淇奥 三三	<b>衛一之五</b> 三	載馳 三

 $\equiv$ 

目

			1
	;		
六一	伐檀	五 一	出其東門
六〇	十畝之閒	五一	揚之水
六〇	陟岵	五.	子衿
六〇	園有桃	五一	風雨
五九	汾沮洳	<u>Ti.</u>	東門之墠
五九	葛屨	五〇	丰
五九	魏一之九	<u>Fi</u>	褰裳
五八	猗嗟	四九	狡童
五七	載驅	四九	蘀兮
五七	敝笱	四九	山有扶蘇
五七	盧令	四九	有女同車
五六	甫田	四八	女曰雞鳴
五六	南山	四八	遵大路
五五	東方未明	四七	羔裘
五. 五.	東方之日	四七	清人
五五	著	四六	大叔于田
五四	還	四六	叔于田
五四	雞鳴	四五	將仲子
五四	齊一之八	四五	緇衣
五四	詩卷第五	四五	鄭一之七
五二	溱洧	四四四	丘中有麻
五. 二	野有蔓草	四四	大車

詩

黄鳥 七一	終南 七一				車鄰 六八									綢繆 六五			山有樞 六三	蟋蟀 六三	+	<b>詩卷第六</b> 六三	碩鼠	言多作
	匪風	隰有萇楚	素冠	羔裘	檜一之十三	澤陂	株林	月出	防有鵲巢	墓門	東門之楊	東門之池	衡門	東門之枌	宛丘	陳一之十二	詩卷第七	權輿	渭陽	無衣	晨風	D

目 録		常棣 九五	皇皇者華 九四	四牡 九三		什二之一	<b>小雅二</b> ······ 九二	<b>詩卷第九</b> 九二			鴟鴞	七月 八三	十五				蜉蝣	曹一之十四 八〇
五.	采芑 一〇七	六月 一〇六	青青者莪 ············· 一〇五	彤弓 一〇五	<b>彤弓之什二之三</b> 一〇五	<b>詩卷第十</b> 一〇五	湛露 一○四	蓼蕭一〇三			魚麗 一〇二			南陔 一〇一	杕杜	出車 九九	采薇 九八	天保

六

小宛 一二八小旻 一二七	之五		雨無正 一二五		正月 一二〇	節南山 一一八			我行其野 一一四	E			 				鴈		車攻 一〇八
桑扈之什二之七 一五()	裳裳者華 一四	瞻彼洛矣   四	大田		信南山 一四		鼓鐘   四二	小明   四	無將大車 一四	北山	北山之什二之六  四〇	詩卷第十三   四〇	 大東 一三六		谷風 一三五		一 何人斯 一三二	巧言	小弁 一二九

詩卷第十五 都 采緑 都人士 菀柳 角 采 菽 青蠅 人士之什二之八 魚藻 車牽 苕之華 …… 黍苗 賓之初筵 漸漸之石 Ħ 草不黄 録 六 五 五 五 五 五 〇 九 九 八 八 八 五八 五六 Ŧī. 五四 五.四 五二 五二 Tī. 五. 五. Ŧī. 詩卷第十-大雅三……… 詩卷第十六 生民之什三之二 文王之什三之 生民 下武 靈臺 皇矣 思齊 行葦 大明 文王有聲 七 七

七一

七〇

七二一

七七六五

七九

七九九

四

八

維天之命 二一〇	清廟	周頌清廟之什四之一 二一〇	<b>頌四</b> ····································	十九				韓奕				桑柔 一九五			<b>什三之三  </b>	<b>詩卷第十八</b> 一九一	······	勞	卷阿 一八六	
 	小子 二一	小子之什四之三 二一			載見	 潛 二一六	有瞽 二一六	豐年 二一五	振鷺	噫嘻	工 三	周頌臣工之什四之二 二一四	文 二	執競	時邁 二一三	我將	昊天有成命 二一二	天作	烈文 二一一	

附識						商					魯	詩卷								
識(吳之瑗)	殷武	長發	玄鳥	烈祖	那	商頌四	閟宫	泮水	有駜	駉	魯頌四	卷第二十	般…	賚…	桓…	酌	絲衣	良耜	載芟	小毖
瑗):	i	:	:	:	:	四之五	:	:	:	:	四之四	+	:				i	i	i	i
			:	i		:														
			:																	
			:			:											:	:		
i						:											:	:		
						:														
:	:	:	:	:	:	:	:	:	:	:	:	:	:	:	:	:	:	:	:	:
三四				三九	三八	三八	三五	三四	三四	11111	===	=======================================	<u> </u>	=======================================	=======================================	= =	=	<u> </u>	二九	二九

# 校點説明

講學。 者衆。 此後,歸 制、侍講,四十天後因彈劾韓侂胄被免職。 潭州,修復嶽麓書院。 洞書院遺址、奏請修復舊觀、親自訂立學規、從 年(一一七九),知南康軍,任兩年。 罷同安主簿,此後陸續任一些地方閒職。 十九歲。二十四歲任泉州同安主簿。 因反對派 宋高宗紹興十八年(一一四八),進士及第, 晦,號晦庵、遁 朱熹(一一三〇 六十一歲知漳州,不久卸任。 五十四歲,建立武夷精舍,授業講學,附 建陽, 誣 其學爲「僞學」,被彈劾 建 滄州精舍,講學著述而終。 翁,别號考亭、紫陽,徽州婺源 ——一二○○),字元晦, 尋受召入朝,任焕章閣 其間走訪白 而革職 六十五歲 二十八歲, 淳熙 晚年, 罷官。 卒年 鹿 待 知 歸 六

學識淵博,精於教育,門徒甚衆,著作等身,理學、朱熹一生主要致力於講學和著書立説。朱熹

《序》解《詩》的傳統,正式提出棄《序》言《詩》的 就 外,朱氏《詩集傳》,擇善而從,不拘門戶,盡顯《詩 地詮釋《詩經》、新義疊出,而更切近詩文本義。 張,並身體力行,率先以《詩經》宋學的思路,系統 世、標誌着《詩經》宋學定於一尊。它一反先儒 經》宋學之特色。 經學、史學、文學等方面都 經學而言,最主要的 》學史上具有劃時代的意義。 詩集傳》是《詩經》宋學的集大成之作,在《詩 站在《詩經》學史的角度審視朱 作品之一就是《詩集傳》。 獨樹一幟,影響 朱熹《詩集傳》問 深廣。

系統。現存《詩集傳》主要有二十卷與八卷兩個版本

發展也有廣闊深遠的影響。

氏《詩集傳》,它不僅影響當時,對後來《詩經》學的

嘉堂文庫。
「則無所恃」四字起、至卷十七《大雅・板》亡佚、「則無所恃」四字起、至卷十七《大雅・板》亡佚、此爲殘宋本、自卷十二《小雅・蓼莪》三章朱傳此爲殘宋本、自卷十二《小雅・蓼莪》三章朱傳一卷本爲《四部叢刊》影印日本静嘉堂文庫藏本。二十卷的宋元刻本、留存甚少。較通行之二

代不見著録,四庫館臣認爲「蓋坊刻所併」。目前八卷本是明清通行的《詩集傳》版本,宋元兩

悉數删汰。 文夾注中有關異文、句讀、押韻、考辨的 音大量改爲直音,大量改變反切注音叶韻,並將經 本將二十卷本的經文夾注大量删改,如將反 並 十卷本屬於兩 書局本等八卷本,均出自同一 口 一無實質性差異,主要區别在於經文夾注。 史 可以肯定是明時坊刻所改 古澄校刊」本。 的 早 這些删改錯誤百出,且非出自一人之 個不同的系統。 本,爲 現 在 明 通行之清武英殿本、浙 嘉 靖 系統。 年 其中朱子之傳 間 洲 八卷本與二 撫 説明文字 福 建 八卷 人切注 監

本。 於一些音注的 卷本並非同一系統,只是基本接近。 司 時代較早、影響較大者有正統十二年(一四 傳》,爲二十卷本。 '禮監刻本、嘉靖三十五年(一五五六)崇正 經比勘,發現上述元、明三個版本與宋刊二十 臺北「中央圖 改變。 書館」藏有元刻十一 明代《詩 集傳》二十卷本刻 主要區 行本《詩 四 别 堂刻 《本, 七 集

統 元 上作了大量篡改的又一 明本屬另一個 現今傳世 的宋刻二十卷本是 系統,八卷本 系統。 則 是 在 個系 元、 統, 明 本系 上 述

文 庫 本次校點,以《四 本爲底本。此 本 一部 有將近 叢 刊》三編影 五 一卷爲 印 後 日本 人人抄 嘉

> 複製回國。 殆 卷,係王重民先生二十世紀五十 非 宋 刻 原 今將四部叢刊本所缺之頁據國 貌。 或 家 啚 書 館 藏 有 此 年 本 代 足 初 本 啚 從 的 膠 美 縮 國 微

膠

復

原補入。

二十卷本音注與底本互異之處,除明顯的誤刻外, 三十五年崇正堂刻本(簡 公遷《詩經疏義會通》、明代胡廣等的《詩經大全》。 本)參校。 澄刻八卷本(簡稱吉本)、 禮監刻本(簡稱明甲本)、 本(簡稱元本)、上海 本次整理, 通校本用臺北 另外還參考了元代劉瑾《詩 八卷本 「中央圖 圖 音 書 注 清武英殿八卷本(簡 稱 或 館 書館 明 家 所 概 Z 置 藏 不 本), 書 明正 所 取。 館 藏 所藏 統 傳通 以 元 元、明三個 明 + 刻 嘉 釋 明 + 嘉 年司 稱 靖 一行 殿 吉

不作校改。

校點 朱傑 人

## 詩卷第

#### **不熹集傳**

也。 風,所以用之閨門、鄉黨、邦國,而化天下也。 俗尚之美惡,而知其政治之得失焉。 或 變風,則亦領在樂官,以時存肄,備觀省而垂監 諸侯采之以貢於天子,天子受之而列於樂官,於以考其 人,如物因風之動以有聲,而其聲又足以動物 之凡十五國云。 風 謂 之風者,以 國者,諸侯所封之域,而風者,民俗 其被上之化以 有言,而 舊説二《南》爲正 其 言 十三國爲 又足 戒耳。 也 歌 謡 是以 之詩 以

奭之采邑,且使周公爲政於國中,而召公宣布於諸侯。廣。於是徙都于豐,而分岐周故地以爲周公旦、召公公亶甫始居其地,傳子王季歷,至孫文王昌,辟國寖國本在《禹貢》雍州境内岐山之陽。后稷十三世孫古周南一之一周,國名。南,南方諸侯之國也。周

南也。 周公相之,制作禮樂,乃采文王之世風化所及民俗之 閒,莫不從化,蓋三分天下而有其二焉。至子武王發! 路諸州。 鄠縣終南山北。 于天子也。岐周在今鳳翔府岐山 直 國而被於諸侯,不但國中而已也。其得之南國者,則 國中者,雜以南國之詩,而謂之《周南》。 身、齊家、治國 邦國。所以著明先王風俗之盛,而使天下後世之脩 詩,被之筦弦,以爲房中之樂,而又推之以及於鄉黨 又遷于鎬,遂克商而有天下。武王崩,子成王誦立。 於是德化大成於內,而南方諸侯之國,江、沱、汝、漢之 教,故繫之召公。」斯言得之矣。 謂之《召南》。 《趾》之化,王者之風,故繫之周公。南,言化自北 《鵲巢》、《騶虞》之德,諸侯之風也,先王之所以 鎬在豐東二十五里。《小序》曰: 、平天下者、皆得以取法焉。 言自方伯之國被於南方,而不敢以 南方之國,即今興元府、京西、湖北 縣。 豐在今京兆 言自天子之 「《關雎 蓋其得之 繫 而 府

也。 狀類鳧醫,今江、淮閒有之。生有定偶而不相亂偶,常並 通 遊而不相狎,故毛傳以爲「摯而有别」、《列女傳》以爲「人 未嘗見其乘居而匹處」者,蓋其性然也。河,北方流水之 名。 關關,雌雄相應之和聲也。 窕徒了反。 關 水中 雎七余反。 可居之地 淑 女,君 也。 鳩,在河之洲。 子好逑。 窈 雎鸠,水鳥,一名王雎 宛, 幽 閒之意。 音 求。 窈烏了 〇興

方也。 北反。 章本其未得而言。 反者,輾之過。 差,長短不齊之貌。 荇,接余也,根生水底,莖 也。 青下白,葉紫赤,圓徑寸餘,浮在水面。 紀之首,王教之端也。」 即可謂善説詩矣。 意不形乎動静。 其文意皆 作是詩。 女,寤寐求之。 差初宜反。 言能致其貞淑,不貳其操,情欲之感無介乎容儀,宴私之 和樂而恭敬,亦若雎鳩之情,摯 以爲之配,宫中之人於其始至,見其 以引起所詠之詞 世不常有,求之不得, 此窈窕之淑女,則當寤寐不忘以求之矣。 一字與 此窈窕之淑女,則豈非君子之善匹乎? 懷也。 君子則指文王也。 流,順水之流 悠哉悠哉,輾哲善反。 放此云。 言彼關關然之雎鳩,則 **荇行孟反。** 悠,長也。 」通,言其情 側者,轉之留。 夫然後可以 也。 彼參差之荇菜,則當左右無 漢康衡曰: 求之不得,寤寐思 而取之也。 周之文王生有 輾者,轉之半。 好,亦善也。 指 意深 則 菜,左右流之。 文王 無以 配 至 而 至尊而 之妃大姒 「窈窕淑女、君子好仇 也。 配 或寤 卧不安 有别也。 相 轉反側。 君子而 與 有幽閒貞静之德,故 聖德,又得 逑, 匹 ○興者, 或寐,言無 和 爲宗廟主。 或左或右, 轉者,輾 席之意。 鳴 爲 ○參初金反。 後凡 成 處子 於 也。 服。 如 其 言其 蓋此 方以 興 河 先 聖女姒 言興 釵 内治 洲 言 時 也 毛 窕 之周。 時 股,上 此綱 言無 叶 人此 之上 流之 〇此 相 他 傳 而 者 也。 淑 蒲 與

以

此云。 極也。 意也。 弦。 音邈。 美,故 則當采擇而亨芼之矣。 愛而娛樂之矣。 友叶羽己反。 荇菜,左右采叶此履反。 配 瑟,二十五弦。 采,取而擇之也。 君子而 其憂思之深,不 鍾,金屬。 ○此章据今始得而言。 成内治,故其喜樂尊奉之意,不能自已,又如 窈窕 蓋此人此德,世不常有,幸而得之,則 鼓,革屬。 皆絲屬,樂之小者也。 淑 參差荇菜,左右芼莫報反,叶 能 芼,熟而薦之也。琴,五弦,或 女,鍾 此窈窕之淑女,既得之,則當 自 已,至 樂之大者也。 彼參差之荇菜,既得 鼓樂 於 窈 如 此 窕 音洛。 也。 淑 友者,親愛之 樂則和平之 女, 之。 參 之 興 親

全體 樂而 以見其 也。 傷。」愚謂 句。 然學者姑即 皆 也 不過其 德 關雎 孔子曰: 端矣。 如雎 此言爲此 獨其聲氣之和 八則焉 鳩 》三章, 其詞 擎 至於寤寐 詩者,得 , 則 而玩其 而 《關 有别 詩人性情之正又可以 有 雎 反 不可 則 理 其性情之正,聲 側 章 》樂 以 后妃性情之正 得 琴 四 養心焉 而 瑟 而 句,二 不 聞 鍾 淫, 者, 則 氣之和 哀 亦 章章 而 見 其 可 固 其 哀 不

明 甲

 $\equiv$ 

此者也 而理萬物之宜。 母,后夫人之行,不侔乎天地 始,萬福之原。 孔子論《詩 》之本 议 自上世以來,三代興廢,未有不由 姻之禮正 《關雎》爲始。 康衡 日 ,則無以奉神靈之統 後品物遂 妃匹之際,生 言太上者民之父 而 天命 民

奚反。 愛之,雖極垢弊,而不忍厭弃也。 而服之無厭。 斁,厭也。 反,叶去畧反。 廢反。是濩,胡郭反。 時,葛葉方盛,而有黄鳥鳴於其上也。後凡言賦者放此。 直言之者也。 木,叢木也。喈喈,和聲之遠聞也。 ○葛之覃兮,施于中谷,維葉莫莫。 莫莫,茂密貌。 也。 黄鳥于飛,集于灌 葛之覃兮,施以豉反。 )賦也。 中谷,谷中也。 〇此言盛夏之時,葛既成矣,於是治以爲布 薄污我 蓋親執其勞,而知其成之不易,所以心誠 蓋后妃既 服之無 葛,草名,蔓生,可爲絺綌者。 刈,斬。濩,煑也。 私 成成締絡 斁。 爲絺耻知反。 萋萋,盛貌。 薄澣户管反。 ,而賦其事,追 音亦,叶弋灼反。 ,其鳴喈喈。 于中谷, ○賦者,敷陳其事而 言告師氏,言 精曰絲,麤曰綌。 黄鳥,鸝也 爲 我衣。 絡,去逆 是刈魚 叙初夏之 〇賦 居

> 上章既 服也。 ○賦 户 寧於父母矣。 衣乎? 將歸寧之意。 之以去其污,猶治亂 葛 也。 反。 成絺綌之服矣,此章遂告其師氏,使告于君子以 衣,禮服也。 何者當澣,而何者可以未澣乎? 言,辭 害 且 曰 : 也。 否 , 害,何也。 而 師,女師 方九反。 曰亂也。 盍治其私服之污,而澣其禮服 也。 寧,安也,謂 歸 澣,則濯之而已。 薄,猶少也。 寧父母。 我將服之以 問 安 莫後 也。 反。 之

已富而能儉,已長而敬不弛於師傅, 之本」,庶幾近之。 於父母,是皆德之厚,而 無贊美之詞。 《葛覃》三章,章 然於此可以見其已貴 人所難也。 句。 已嫁而孝不衰 此 序以爲「后妃 詩 后 而 妃 能 所 勤 自

寘之大道之旁也。 方采卷耳,未滿頃筐,而心適念其君子,故不能復采,而 大道也。 我懷人,真彼周 一采也。 馬 以不永懷。 虺 采采卷上聲。 〇后妃以君子不在而思念之,故賦此詩。 呼回反。 卷耳,枲耳,葉如鼠耳,叢生 懷,思也。人,蓋謂文王也。 叶胡隈反。 隤。 行。 )陟彼崔 耳,不 徒回 叶户郎反。 〇賦 反。 · 盈頃 祖回反。鬼,五回反。 也。 我 ○賦 八音傾。 姑 一如盤。 真,舍 陟,升也 也。 也。 頃, 欹也 筐 采采,非 周行, 託言

野牛, 賦也。 兕徐履反。 爲念也。 罷病而不能進。 又託言欲登此崔嵬之山 土山之戴 所音敷。 陟 雅注》引此作「盱,張目望遠也」,詳見《何人斯》篇。 品器,刻 病不能進也。 彼砠七餘反。 Ш 角, 育曰岡。玄黄,玄馬而黄,病極而變色也。 石 爲雲雷之象,以黄金飾之。 青色, 者。 觥,古横反,叶古黄反。 ·陟彼高岡,我馬玄黄。我姑酌彼 矣,云何吁矣。 於是且酌金罍之酒,而欲其不至於長以 虺 重千斤。 ] 隤,馬 痛,人病不能行也。 矣,我馬瘏 ,以望所懷之人,而往從之,則 罷 不能升高之病。 觥,爵也,以兕角爲爵 賦也。 維以不永傷。 1音塗。 永,長也。 石山戴土日 吁,憂嘆 姑, 矣。 且 兕 也。 也。 也 砠 我 此

内子也。 心,故衆妾樂其德而稱願之,曰 猶繫也。 之。 興也。南, 只,語助 履,禄。 樛 音洛。 居虯 南山 辭。 綏,安也。 反。 也。 君子,自衆妾而指后妃,猶言小 只之氏反。 木,葛藟 木下曲 〇后 记妃能 日 「南有樛木,則 樛。 君子, 力軌反。 逮下而 藟,葛類。 福 無 繫力追 嫉妬 葛藟纍 綏 之

伐之時,羑里拘幽之日而作歟?作,可以見其貞静專一之至矣。

然不可考矣。

卷耳》四章

章四句。

此亦后妃所自

征

《樛木》三章,章四句。

貌。 反。 斯 繩 比者放此。 也。后妃不妬忌而子孫衆多,故衆妾以螽斯之羣處 子孫,振 而子孫衆多比之。言其有是德而宜有是福也。 角長股,❶能以股相切作聲,一生九十九子。 羽, 兮。. 爾,指螽斯也。 揖揖側立反。 比也。 比也。 振音真。 ○螽斯羽, 薨薨兮。 薨薨,羣飛聲。 斯 揖揖,會聚也。 振振,盛貌。 羽,詵詵 比也。 宜爾子孫,蟄 所 繩繩,不絶貌。 蟄蟄,亦多意。 〇比者,以彼物比 巾反。 螽斯,蝗屬,長 宜爾子 兮。 詵詵,和 孫 後凡言 宜 而 直立 和集 此 爾

《螽斯》三章,章四句。

● 「角」上,吉本、《詩經疏義會通》本、《詩經大全》本有

二反。 反。 所居。家,謂一門之内。○文王之化自家而國,男女以 桃之有華,正婚姻之時也。宜者,和順之意。室,謂夫婦 而言也。婦人謂嫁曰歸。《周禮》「仲春令會男女」,然則 灼,華之盛也。木少則華盛。之子,是子也。此指嫁者 知其必有以宜其室家也。 正,婚姻以時。 ○興也。桃,木名。華紅,實可食。夭夭,少好之貌。 實之盛也。家室,猶室家也。 ( 蓁蓁,葉之盛也。家人,一家之人也。 其實。之子于歸,宜其家室。 桃之夭夭,於驕反。灼灼其華。 之子于歸,宜其室家。古胡、古牙二反。 側巾反。之子于歸,宜其家人。興也。 故詩人因所見以起興,而歎其女子之賢, 〇桃之夭夭,有蕡浮雲 )桃之夭夭,其葉 興也。 黄 芳無、呼瓜

故詩人因其所事以起興而美之,而文王德化之盛因可見俗美,賢才衆多,雖置兔之野人,而其才之可用猶如此,武貌。干,盾也。干、城,皆所以扞外而衛内者。○化行也。肅肅,整飭貌。置,罟也。丁丁,椓杙聲也。赳赳,之丁丁。陟耕反。赳赳武夫,公侯干城。興之丁丁。陟耕反。赳赳武夫,公侯干城。興肅,豫置,子斜反,又子余反,與「夫」叶。椓

特好仇而已也。 特好仇而已也。 一、興也。中林,林中。腹心,同心同德之謂,則又非肅,則非特于城而已,歎美之無已也。下章放此。○興,則非特于城而已,歎美之無已也。下章放此。○同。康衡引《關雎》亦作「仇」字。公侯善匹,猶曰聖人之同。康衡引《關雎》亦作「仇」字。公侯善匹,猶曰聖人之矣。○肅肅兔罝,施于中逵。赳赳武夫,公矣。○肅肅兔罝,施于中逵。赳赳武夫,公

《兔罝》三章,章四句。

采来芣音浮。苢,音以。薄言采叶此履反。 采来芣苢,薄言,有叶羽已反。之。赋也。有, 花草,草前也,大葉長穗,好生道旁。采,始求之也。有, 花草,草前也,大葉長穗,好生道旁。采,始求之也。有, 花草,薄言,搏方活反。之。赋也。掇,拾也。捋, 若苢,薄言,搏方活反。之。赋也。掇,拾也。捋, 若苢,薄言,搏力活反。之。赋也。掇,拾也。捋, 来芊苢,薄言,满言,满言,治,或曰其子治難 花草,薄言,满言,满言,治,或曰其子治難 来;草,薄言,满言,满言,治,或曰其子治難 来;草,薄言,满言,满言,。之。赋也。 采来芣苢,薄言,满言,一致其衽於帶閒也。 《芣苢》三章,章四句。

《桃夭》三章,章四句。

tí.

六

矣,不 至 反。 白色,長數 秣其駒。 翹翹,秀起之貌。錯,雜也。楚,木名,荆屬。之子,指游 女也。秣,飼也。 之子于歸,言秣其馬。 詠歎之也。 非復前日之可求矣。 淫亂之俗,故其出游之女,人望見之,而知其端莊静一, ○文王之化,自近而遠,先及於江、漢之閒,而有以變其 猶然,如《大堤》之曲可見也。泳,潛行也。江水出永康 漢陽軍大别山入江。江、漢之俗,其女好遊,漢、魏以 反。 不可泳思。江之永矣,不可方思。興而比也。 枝曰喬。思,語辭也,篇内同。漢水出興元府嶓 思 岷山 矣,不可方叶甫妄反。思。 矣,不可泳叶于誑反。 以江、漢爲比而歎其終不可求,則敬之深。 南有喬 '東流與漢水合'東北入海。永'長也。方'桴 可方思。興而比也。蔞,蔞蒿也,葉似艾,青 寸,生水澤中。 有 言刈其蔞。 漢之廣矣,不可泳思。 翹翹が遥反。 游女,不可求思。 成木,不 〇以錯薪起興而欲秣其馬,則悦之 因以喬木起興,江、漢爲比,而反復 可 駒,馬之小者 休息。 力俱反。 叶滿補反。 漢之廣矣, 思。 錯薪,言刈其楚。 吴氏 之子于歸, 興而比也。 漢之廣 江之永叶弋 日 江之永 韓 冢山,至 上 叶 詩》作 古 一竦無 也。 後

之曰: 彼汝墳 也。 尾赤。 室如 君子,怒乃歷反。 墳之人猶以文王之命供紂之役。 是時文王三分天下有其二,而率商之叛國以事紂,故汝 我遐棄。 歸,因記其未歸之時思望之情如此,而追賦之也。 也。汝水出汝州天息 也。魴,魚名,身廣而 不遠棄我也。 而又伐其肄,則踰年矣。 汝旁之國亦先被文王之化者,故婦 枝曰條,榦曰枚。怒,飢意也。 燬,焚也。父母,指文王也。 燬。 遵彼汝墳 而未已,然文王之德如父母然,望之甚近,亦 「汝之勞既如此,而王室之政方酷烈而未已。 魴尾本白,而今赤,則勞甚矣。 (,)伐其 賦也。 音毀。❷ ○魴符方反。 條 伐 斬而復生曰肄。 肄。 如 薄,少力細鱗。赬,赤也。 Щ 雖則如 其條枚。 調張留反。 至是乃見其君子之歸,而喜其 ,逕蔡、潁州 以自反。 調,一作「輖」,重也。 魚赬 燬,父母孔 其家人見其勤苦,而勞 孔, 甚。 遐,遠也。○伐其枚 叶莫悲切。❶ 人喜其君子行役而 人淮。 飢。 既 、勑貞反。 王室,指 見君子,不 邇,近也。 賦也。 墳,大防 邇。 尾,王 紂 魚 所 勞則 比 都

漢廣》三章,章八句。

<sup>「</sup>切」,元本作「反」。

<sup>「</sup>毀」下,明甲本、明乙本有「下同」二字。

事而貽其憂,亦通。 深、風化之美,皆可見矣。一説父母甚近,不可以懈於王獨有尊君親上之意,●而無情愛狎昵之私,則其德澤之者,蓋曰雖其別離之久、思念之深,而其所以相告語者,忘其勞矣。」此《序》所謂「婦人能閔其君子,猶勉之以正」

《汝墳》三章,章四句。

厚,故其趾亦仁厚。文主后妃仁厚,故其子亦仁厚。 振,仁厚貌。于嗟,嘆辭。❷ 文王后妃德脩於身,而子孫 蟲之長也。 音吁,下同。 未毁,有服之親。 也。 聞,或曰有額而不以抵也。公姓,公孫也。姓之爲言生 振公姓,于嗟麟兮。興也。定,額也。麟之額未 馬蹄,然後爲王者之瑞哉? 言之不足,故又嗟歎之。 言是乃麟也,何必鏖身、牛尾而 宗族皆化於善,故詩人以麟之趾興公之子。言麟性 興也。麟一角,角端有肉。 ○麟之角,叶盧谷反。 麟之趾,振振音真。 趾,足也。麟之足不踐生草、不履生蟲。 嗟麟兮。 興也。鱗,屬身,牛尾,馬蹄,毛 〇麟之定,都佞反。 振振公族,于嗟麟 公子,叶奬履反。 公族,公同高祖 , 祖 然

《關雎》之應,得之。 《麟之趾》三章,章三句。《序》以爲

之及人,皆指其一事而言也。其詞雖主於后 耳》言其志行之在己、《樛木》、《螽斯》美其德惠 之德。《關雎》舉其全體而言也,《葛覃》、《卷 章,百五十九句。按此篇首五詩皆言后妃 后妃而不本於文王,其亦誤矣。 成,則亦豈得而專之哉! 至此,后妃之德固不爲無所助矣。 終焉,而《序》者以爲《關雎》之應也。 王者之瑞,有非人力所致而自至者,故復以是 治之效。《漢廣》、《汝墳》則以南國之詩附 妃,然其實則皆所以著明文王身脩家齊之效 而見天下已有可平之漸矣。若《麟之趾》則又 至於《桃夭》、《兔罝》、《芣苢》則家齊而國 周南》之國十一 今言詩者或乃專美 篇,三十四 然妻道無 夫其所以

縣析爲岐山、天興二縣,未知召亭的在何縣。餘已見奭之采邑也。舊説扶風雍縣南有召亭,即其地。今雍召南一之二召,實照反,後同。〇召,地名,召公

<sup>「</sup>獨」,明甲本、明乙本作「猶」。

刻,今據元本、明甲本、明乙本改。「仁厚貌于嗟嘆辭」,原作「九曰黻皆繡於裳」,顯爲誤

八

《周南》説。

方之。 也。將,送也。 意,猶《周南》之有《關雎》也。 巢,則鳩來居之,是以之子于歸,而百兩迎之也。」此詩之 静純一之德,故嫁於諸侯,而其家人美之曰: 于歸 于歸,百兩成之。 化,能正心脩身以齊其家,其女子亦被后妃之化,而有 之子嫁於諸侯,送御皆 也。兩,一車也。 鳩性拙,不能爲巢,或有居鵲之成巢者。之子,指夫人 之。興也。鵲、鳩、皆鳥名。 成,成其禮也。 維 之子于歸,百兩將之。 白 鵲 兩如字,又音亮。 有 巢,維鳩居叶姬御反。 ○維鵲有巢, 車 兩輪,故謂之兩。 興也。 百兩 也。 鵲善爲巢,其巢最爲完固 盈,滿也 御 ○南國諸 維鳩盈之。 維鵲 五嫁反,叶 謂 興也。 御,迎也。 有巢,維 之。 衆媵姪娣之 侯被文王之 維鵲 魚據反。 方,有之 之子 有

《鵲巢》三章,章四句。

諸侯夫人能盡誠敬以奉祭祀,而其家人叙其事以美之 1,池也。 之事 于以采蘩,于 沚 叶上止反。 渚 也。 事,祭事也。 〇賦 沼于沚。 也。 于,於也。 ○南國被文王之化 于 以用之、公 蘩,白蒿也。

> 也。 敬也。 反。 中。 不欲遽去,愛敬之無已也。 也。《祭義》曰: 薄言還歸。 宫,廟也。 亦 猶 《周南》之有《葛覃》也。 或曰蘩所以生蠶,蓋古者后夫人有親蠶之禮。 之僮僮,音同。 于以用之,公侯之宫。 夙,早也。 或曰,即《記》所謂「公桑蠶室」也。 賦也。 「及祭之後,陶陶遂遂,如將復入然。」 公,公所也。 被、首飾也、編髮爲之。 夙 或 曰: 夜在公。 祁祁,舒遲貌,去事有儀 )于以采蘩,于澗之 賦也。 公,亦即所謂公桑 被之祁祁, 山夾水曰澗 ○被 僮僮,竦 皮寄

采蘩》三章,章四句。

亦既覯 未見君 也。 也。 感時物之變而思其君子如此。亦若《周南》之《卷耳》也。 阜螽, 蠜也。 陟 喓喓,聲 ○南國被文王之化,諸侯大夫行役在外,其妻獨居 彼 喓喓於遥反。 止 南山,言采其蕨。 子 忡忡,猶衝衝也。 7,憂 也。 ,我心則降。 心心 草蟲,蝗屬,奇音,青色。 ) 忡忡。 草 户江反,叶 止,語辭。 敕中反。 趯 未見君子,憂心 趯 託 歷反。 亦既 乎攻反。 趯趯,躍貌 見止, 阜 〇賦

初生無 惙 亦既 彼 似蕨而 説。 惙 ,疑即《莊子》所謂迷陽者。 南 見 Ш 差大,有芒而味苦,山 葉時可 張 止,亦 悦。 劣反。 1采其 食。 0 既 )賦也。 亦感時 亦 薇 覯 既 止 登山 見止 物之變也。 未見君子,我 閒人食之,謂之迷 夷,平也。 我心則 「蓋託以望君子。 亦 既 惙,憂貌 夷。 覯 止 賦 心 蕨 也。 傷 我 胡氏 薇 晄 也

草蟲》三章,章七句。

烹也。 于以 足曰 彼 之,維筐及筥。 祀,而其家人叙其 蒿。行潦,流潦也。 行潦。 齊側皆反。 釜。 及釜。 奠之,宗室牖 濱, 厓也。 于以采蘋, 蓋粗熟 大夫士祭於宗室。 〇此 音老。 足以 而 符甫反。 季女。 淹 藻,聚藻也,生水底,莖如釵股,葉如 見 以 事以美之也。 ○賦也。 居吕反。 〇南國被文王之化,大夫妻能奉 爲菹 南 其 ○賦 下。 循 賦 澗之濱。 也。 牖下, 序 也。 蘋,水上浮萍也。 有常, 也。 叶 于以湘之, 錡, 奠, 後五反。 室西南 方曰筐,圓曰 釜属。 嚴 置 〇
于
以 于以 敬 也。 整 隅 誰其尸之, 飭 有 宗室,大宗之 所 之意。 足曰 維 盛 江東人謂 謂 1 筥。 錡 宜 湘 成。 綺 祭 蓬

> 實以葅 也 齊、敬 而能敬,尤見其質之美,而化之所從來者 貌。 季,少也。 祭祀之禮,主婦 主 一薦 豆

采蘋 》三章,章四 句

也。 鋭反。 茇。 芾甘棠, 非特勿伐而已,愛之愈久而愈深也。 政,或舍甘棠之下,其後人思其 伯,方伯也。菱,草舍也。 者爲棠,赤者爲杜。 憩。 蒲曷反。 蔽带非貴反。 〇 蔽 芾 甘 棠,勿 翦 勿 敗,叶蒲寐反。 )賦也。 起例反。 勿翦 拜,屈。 勿拜 賦 〇鼬 翦, 也。 甘 也。 叶 翦其枝葉也。 説, 棠, 蔽芾,盛 〇召伯循行南國,以布 敗,折。 舍也。 變制反 德, 貌。 翦 勿拜,則 故愛其樹 憩,息也。 勿伐, 下章放此。 召伯 伐,伐其條 甘棠,杜 非特 所 召 而 梨 勿敗,則 説 勿敗 不忍 文王之 伯 也,白 蔽 傷

所

《甘棠》三章,章三句

叶 其 夙 早 (前日淫亂之俗,故女子有能以禮自守, 羊茹反。 也。 厭於葉反。 謂 南國之人遵召伯之教,服文王之化,有以革 行 多 浥於及反。 露 賦 也 行露, 厭浥, 豈不 濕 而不爲强暴所 意。 夙 行,道。 夜,

屋 ? 污者 獄 ? 沾濡 亦終不汝從矣。 言汝雖能致我於訟,然其求爲室家之禮有所不足,則我 我訟,亦不女從。 家,叶各空反。 鼠無牙,叶五紅反。 初未嘗備,如雀雖能穿屋,而實未嘗有角也。 能致我於獄。 故能穿我屋,以興人皆謂汝於我嘗有求爲室家之禮,故 然猶或見訟而召致於獄。因自訴而言,人皆謂雀 聘求爲室家之禮也。 子早夜獨行,或有强暴侵陵之患,故託以行多露而畏其 **豈不欲早夜而行乎**? 也。 ,自述己志 誰謂女音汝。 雖速我獄,室家不足。 ○誰 然不知汝雖能致我於獄,而求爲室家之禮 ,作此詩以絶其人。 謂 何以速我訟? 雀 速,召致也。 畏多露之沾濡 無 興也。牙,牡齒也。 何以穿我 無家,叶音谷。 角,叶盧谷反。 %墉? ○貞女之自 言道閒之露 叶祥容反。 而不敢爾。 興也。家,謂以媒 墉,墙. 誰謂 何以速我 何以 守 方濕,我 蓋以女 誰 也。 女無 雖 有角 如 此 谏 謂

六句。 《行露》三章,一章三句,二章章

赋也,小曰羔,大曰羊。皮,所以爲裘,大夫燕居之服。退食自公,委於危反。蛇音移,叶唐何反。委蛇。羔羊之皮,叶蒲何反。素絲五紽。徒何反。

龍反。 素絲 常,而從容自得如 食於家也。 素,白也。 也。革,猶皮也。緎,裘之縫界也。 南國化文王之政,在位皆節儉正直,故詩人美其衣服有 賦也。縫,縫皮,合之以爲裘也。總,亦未詳。 五 素絲五總。子公反。委蛇委蛇,退食自 緎。 紽,未詳,蓋以 自公,從公門 音域。 此 也。 委蛇委蛇,自公退食。 絲飾裘之名也。 而 〇羔羊之革,叶訖力反。 出 也。 委蛇,自得之貌。 〇羔羊之縫,符 退食, 退 朝 賦 而

《羔羊》三章,章四句。

其 乎? 於是又美其德,且冀其早畢事 違 殷然雷聲則在南山之陽矣,何此君子獨去此而不敢少暇 化,婦人以其君子從役在外而思念之,故作此詩。 斯此所也。遑,暇也。 興也。殷,靁聲也。 敢遑息。振 斯,莫敢或遑。 斯 a,在南 殷音隱。其靁,在南 )殷其靁,在南山之下。 莫或遑處。尺煑反。 山之側。 振君子,歸哉歸哉。 山南日 振振音真。 振振,信厚也。○南國被文王之 叶莊力反。 陽。 何斯,斯此人也。 山之陽。 君子,歸哉歸哉。 振振君子,歸哉 而還 叶後五反。 何 歸 斯違 興也。 也。 何斯違 何 息,止 殷

### 歸哉。興也。

# 《殷其靁》三章,章六句。

賦也。 之,則落之盡矣。謂之,則但相告語,而約可定矣。 待吉矣。 實二叶疏簪反。 之衆士,其必有及此吉日而來者乎? 辱也。故言梅落而在樹者少,以見時過而太晚矣。 王之化,女子知以貞信自守,懼其嫁不及時,而有强暴之 似杏而酢。庶,衆。迨,及也。吉,吉日也。 求我庶士,迨其謂之。 迨其吉兮。 摽婢 梅在樹者三,則落者又多矣。今,今日也 ○ 摽有梅,頃音傾。 小人反。 兮。 賦也。摽,落也。 有 梅,其實 求我庶士,迨其今兮。 賦也。 筐塈許器反。 七分。 塈,取也。 梅,木名,華 ○摽有梅 ○南國被文 求 頃 我 筐取 蓋不 庶

《摽有梅》三章,章四句。

征,行也。 寔與實同。 五,言其稀,蓋初昏或將旦時也。 征 蓋衆妾進御於君,不敢當 人承后妃之化,能不妬忌以惠其下,故其衆妾美之如此。 一,夙夜在公。 <del></del>
嘒呼惠反。 彼小星,三五在東。 寔命不同。 命,謂天所賦之分也。 夕,見星 肅肅,齊邀貌。 而往,見星而還,故因 興也。 嘒,微貌。 〇南國夫 肅 宵,夜。

> 所 命不猶。 叶力求反。 者,是以深以得御於君爲夫人之惠,而不敢致怨於 襉,襌被也。 之勤也。❶ 相應耳。遂言其所以如此者,由其所賦之分不同於貴 見以起 興。 肅肅宵征,抱衾與 興 興亦取「與昴」、「與禍」二字相應。 ○嘒彼小星,維參 其於義 也。 參、昴,西方二宿之名。 無所取 特取 補。 所林反。 在 直留反。 公」兩字之 衾,被 猶, 與 來往 也。 寔 口

好義者也。 無妬忌之行,而賤妾安於其命,所謂上好仁,而下必無妬忌之行,而賤妾安於其命,所謂上好仁,而下必無如忌之行,而以之一。 也。

江猶 乃能自悔 以。 待年於國而嫡不與之偕行者,其後嫡被后妃夫人之化, 左右之曰以,謂挾己而偕行也。 媵妾指嫡妻而言也。 決復人爲汜。今江陵、漢陽、安復之間蓋多有之。之子, ·有汜,而之子之歸乃不我以,雖不我以 不我以,其後也 闹 有 迎之。 汜,音祀,叶羊里反。 故媵見江水之有汜,而 婦人謂嫁日歸。 悔。 叶虎洧反。 〇是時汜水之旁, 媵有 之子歸,不 我,媵自我也。 因以 ,然其後也亦 ○興也。 起興,言

❶ 「來往」,元本、明甲本、明乙本作「往來」。

興也。沱,❶江之别者。過,謂過我而與俱也。 悔矣。 之子歸,不我過。音戈。不我過,其嘯 也。處 出聲以舒憤懣之氣,言其悔時也。歌,則得其所 巾 處。 ,安也。 江 有渚, 興也。 得其所安也。 之子歸,不我與。 渚,小洲也。 ○江有沱,徒何反。 水岐成渚。 不我與,其 與,猶「以」 嘯,蹙口 也歌 處 而樂

以不孝,各盡其道而已矣。 嫡惠不及媵妾,而媵妾不怨。蓋父雖不慈,子不可《小星》之夫人惠及媵妾,而媵妾盡其心。江、沱之《江 有 氾》三章,章 五 句。 陳氏曰:

或曰賦 束,猶包之也。 樕 白茅包死麕而誘懷春之女也。 故詩人因所見以興其事而美之。 反。 ○南國被文王之化,女子有貞潔自守,不爲强暴所污者 也,鹿屬,無角。 · 音速。 之。 玉。 也。 野有死魔,俱倫反,與春叶。 有女懷春,吉士誘之。 言以樸樕藉死鹿,東以白茅,而誘此如玉之 野有 興 也。 如玉者,美其色也。上三句興下一句 懷春,當春而有懷也。吉士,猶美士 死 樸樕,小木也。 鹿。 白茅純徒尊反。 或曰賦也。 林有樸蒲木反。 鹿, 白茅包叶補 熠 興也。 名, 有 言美士以 束,有 角。 也。 純 獐 苟

> 女也。 毋鷩我之犬,以甚言其不能相及也。 舒,遲緩也。脱脱,舒緩貌。 蓋可見矣 〇此章乃述女子拒之之辭。言姑徐徐而來,毋動我之帨 無使尨美邦反。 舒 而 脱 脱勑外反。 也 感,動。 吠。 兮,無 其凛然不可犯之意 帨, 符廢反。 ※感我 ψ 尨,犬也。 ○賦 始 也。 鋭

《野有死麕》三章,二章章四句,

章三句。

之華。 此何不肅肅而敬,雍雍而和乎,乃王姬之車也。 於是作詩美之曰: 貴以驕其夫家。故見其車者,知其能敬且和以執婦道, 棣,移也,似白楊。 而 王以後之詩,不可的知其何王之世,然文王、太姒之教久 曰王姬。 斤於、尺奢二反。 不衰,亦 王之孫,齊侯之子。 何 芳無、胡瓜二反。 〇王姬下嫁於諸侯, 車服之盛如此, 而不敢 彼襛如容反,與雝叶。 可見矣。 肅,敬。 〇興也。 何彼戎戎而盛乎,乃唐棣之華 何彼襛矣,華 雝,和也。 曷不 襛,盛也,猶曰戎戎 叶獎履反。 肅雝,王姬 矣,唐 周王之女姬姓,故 〇興 棣徒 如 之 此乃武 也。 帝 車。 也。 反

<sup>■ 「</sup>沱」,原作「汜」,據元本、明甲本、明乙本改。

之孫。叶須倫反。○興也。伊,亦維也。緡,綸也。絲之孫。叶須倫反。○興也。伊,亦維也。緡,綸也。絲○其釣維何,維絲伊緡。齊侯之子,平王事見《春秋》。未知孰是。○以桃李二物興男女二人也。適齊侯之子。或曰,平王即平王宜臼,齊侯即襄公諸兒。祐名,華白,實可食。舊説,平,正也。武王女,文王孫,木名,華白,實可食。舊説,平,正也。武王女,文王孫,

《何彼襛矣》三章,章四句。

公反。 即真 其事以美之,且歎之曰: 其春田之際,草木之茂,禽獸之多,至於如此。 身齊家以治其國,而其仁民之餘恩又有以及於庶類 白虎黑文,不食生物者也。○南國諸侯承文王之化,脩 所謂騶 于音吁。 彼茁則劣反。 歲曰豵,亦小豕也。 也。 嗟乎,翳虞。 出 虞矣。 一發五豝,猶言中必疊雙也。 壯盛之貌。 下同 者葭,音加。 ○彼 嗟乎, 茁者蓬,壹發五 此其仁心自然,不由勉强,是 叶 五紅 騶虞。 也,亦名葦。 反。 壹發五 〇賦 音牙。 騶虞, 獸 也。 豝。 而詩人述 豵。 矢。 加加

形於《鵲巢》而及於《騶虞》,則其澤之及物者廣矣。於《關雎》而至於《麟趾》,則其化之人人者深矣。《騶虞》二章,章三句。文王之化,始

以《騶虞》爲《鵲巢》之應,而見王道之成,其必有所徧,自有不能已者,非智力之私所能及也。故《序》蓋意誠心正之功不息而久,則其熏烝透徹,融液周

子謂伯 之家正 之功,至是而其所施者溥矣。 子。二〇程子曰: 鄭氏注曰: 樂、《周南·關雎》、《葛覃》、《卷耳》、《召 與?」○《儀禮·鄉飲酒》、《鄉射》、《燕禮 不可曉,當闕所疑耳。 **皥而不知爲之」者與? 唯《何彼襛矣》之詩爲** 化,而能脩身以正其家也。《甘棠》以下, 夫人、大夫妻,以 陳后妃、夫人、大夫妻之德,推之士庶人之家 巢》、《采蘩》、《采蘋》。《燕禮》又有房中之樂: 由方伯能布文王之化,而國君能脩之家以 也。 《而不爲《周南》、《召南》,其猶正 七十七句。 十五篇,先儒以爲正風,今姑從之。○孔 云房中者,后夫人之所諷 其詞雖無及於文王者,然文王明德 魚曰: ,則天下治矣。《二南》,正家之道也 召南》之國十 弦歌《周南》、《召南》之詩而 「女爲《周南》、《召南》矣乎? 見 愚按: 天下之治,正家爲先 當 時國 ○《周南》、《召南》二國 《鵲巢》至《采蘋》言 四篇,四 君、大夫被 抑所謂 誦,以事其君 牆面而 其 及其 王之 不用 立 民 也

巷莫不謳吟諷誦,所以風化天下。 也。故使邦國至於鄉黨皆用之,自朝廷至於委

詩

集 傳

四四

### 卷 第

徙居于楚丘。 之季,而紂都焉。 謂殷墟。衛故都即今衛縣。漕、楚丘皆在滑州。 至懿公爲狄所滅。戴公東徙渡河,野處漕邑。 淇水之北,百泉之南。 其後不知何時并得邶、鄘之地。 邶,南謂之鄘,東謂之衛,以封諸侯。 今懷、衛、澶、相、滑、濮等州,開封、大名府界皆衛境也。 封、衛則武王弟康叔之國也。衛本都河北、朝歌之東 太行、北逾衡漳、東南跨河、以及兖州桑土之野。 !邶、鄘地既入衛,其詩皆爲衛事,而猶繫其故國之名! 曉。 而舊説以此下十三國皆爲變《風》焉。 朝歌故城在今衛州衛縣西二十二里,所 鄘、衛,三國 武王克商,分自紂城 名。 在《禹貢》冀州 邶、鄘不詳其始 朝歌而 文公又 大抵 謂 西

反。 泛 芳劒 反。 有隱憂。 彼柏 舟,亦泛其 微我 無 酒 以 耿 敖 耿 八古幸 Ξī

詩

卷

第

妾也。 也。 習之貌。選,簡擇也。 也。 無酒 反。 日 也。悄悄,憂貌。 静 愠 取舍,皆自反而 可卷,而我心不可卷。 可依以爲重,故往告之,而反遭其怒也。 逢彼之怒。 如預反。 豈亦莊姜之詩也歟? 今考其辭氣卑順柔弱,且居變《風》之首,而與下篇相類 所依薄,但 故以柏舟自 憂之貌也。 言思之,寤辟避亦反。 于 居月諸,胡迭待結反。 ○言我心既非鑒,而不能度物。 不可轉也。 ,可以遨遊 以 威儀棣棣 , 羣小。 覯,見。 遊。 亦有兄弟,不可以 |泛然於水中而已。故其隱憂之深如 比。 比 閔,病也。 痛 而解之也。 賦也。鑒,鏡。茹,度。 無闕之意。 覯 古豆反。 言以柏爲舟,堅緻牢實,而 也。 愠,怒意。羣小,衆妾也。 也。 ,不可選也。 我心 泛,流 威儀 ○言石可轉, 微,猶非也。 〇我心匪鑒,不可 辟,拊心也。 《列女傳》以此爲婦人之詩 無一不善,又不可得而簡 貌。 匪席,不可卷眷勉 閔既多,受侮不少。 ○憂心悄悄,七小反。 有摽。 而 柏,木名。 微。 據。 賦也。 ○婦人不得於其夫 而我心不可 雖 摽,拊心貌。 有兄弟,而又不 婢小反。 薄言 據、依。 棣棣,富 不以乘載,無 〇我 言見怒於衆 耿 耿, 轉; '以茹。 此,非爲 往愬 心匪 小 〇賦 而 反。 明, 閑

五

比也。 澣之衣,恨其不能奮起而飛去也。 嫡、是日月更迭而虧、是以憂之、至於煩冤憒眊、如衣不 月則有時而虧,猶正嫡當尊,衆妾當卑。 不濯之衣。 厞 居 澣 活諸 語辭。 飛,如鳥奮翼而飛去也。 反 衣。 迭,更。微,虧也。 静言思之,不 匪澣衣. ○言日當常明 今衆妾反勝正 能 ,謂垢汙 奮 飛

## 《柏舟》五章,章六句。

就音尤,叶于其反。 爲裳,其失所益甚矣。亡之爲言忘也。 〇 如之何哉? 而女又治之,以比妾方少艾,而女又嬖之也。 治,謂理 兮,女音汝。所治平聲。 之憂矣,曷維其亡。比也。 之,不能自己也。 〇緑兮衣兮,緑衣黄裳。 詩,言「緑衣黄裹」,以比賤妾尊顯,而正嫡幽微,使我憂 已,止也。○莊公惑於嬖妾,夫人莊姜賢而失位,故作此 ·其、已。比也。緑,蒼勝黄之閒色。黄,中央土之正 閒色賤而以爲衣,正色貴而以爲裏,言皆失其所也 「衣正色,裳閒色。」今以緑爲衣,而黄者自裹轉 緑兮衣兮,绿衣黄裹。 而織之也。 我思古人有嘗遭此而善處之者以自厲焉, 俾,使。 兮。比也。女,指其君子而言 兮。 訧,過也。 上曰衣,下曰裳。 我思古人,俾無 心之憂矣,曷 ○言緑方爲絲 緑兮絲 然則我將 念記 而

> 也。 以 使不至於有過 風。 故思古人之善處此者,真能先得我心之所求也 淒,寒風也。 叶 · 孚愔反。 而 르 ○絺綌而遇寒風,猶己之過時 我思古人,實獲我心。 絲 兮綌兮, 凄七西反。 而 見 比

秋傳》。此詩無所考,姑從《序》說。下三篇同。《緑衣》四章,章四句。莊姜事見《春

興也。 也。 我 子州吁弑之,故戴嬀大歸于陳,而莊姜送之,作此詩也 子,以陳女戴嬀之子完爲己子。 莊公卒,完即位,嬖人之 雨。 于歸,遠送于南。叶尼心反。 子于歸,遠于將之。瞻望弗及,佇立以泣。 池,不齊之貌。之子,指戴嬀也。歸,大歸也。 歸,遠送于野。 燕燕于飛, 頡户結反。 興也。燕, 鳦也。 飛而上曰頡,飛而下曰頏。將,送也。佇立,久立 燕燕于飛,差初宜反。 燕 興也。 燕 于飛,下上時掌反。 鳴而 叶上與反。 上日 謂之「燕燕」者,重言之也。 上音,鳴 之頏户郎反。 瞻望弗及, 泣涕 池其羽。之子 而下 瞻望弗及 日下音。 其音。 之。之 ○莊姜無 送于南 如

<sup>▶ 「</sup>我」,元本、明甲本、明乙本作「亦」。

楊氏曰: 不見答於先君所致也。 如此,又以先君之思勉我,使我常念之,而不失其守也 勗,勉也。寡人,寡德之人,莊姜自稱也。 嬀字也 君之思 在 温,和。 衛 且惠矣。 州吁之暴,桓公之死,戴嬀之去,皆夫人失位 恩相 叶 以 惠,順 均 勗 信 )仲氏 反。 曰任。 囟肉反。 而戴嬀猶以先君之思勉其夫人 終温 淑,善 任 只,語辭 而 今反。 也。 人。 惠 先 賦也。 只, 君,謂莊公也。 ○言 戴 嬀 之 腎 實。 慎 仲氏,戴 其

《燕燕》四章,章六句。

厚也 我顧 兮,逝不 也。逝,發 古道相處,是其心志回惑,亦何能 也。 言日月之照臨下土久矣,今乃有如是之人,而 〇賦 居月諸 見棄如此,而猶有望之之意焉,此詩之所以 何也。 日 語 昌吕反。 也。 居月諸,下土是冒。 好 日居月諸,呼而訴之也。之人,指莊公 〇莊姜不見答於莊公,故呼日月而 古處,未詳。或云,以 照 呼報反。 胡能 下 有定,寧 胡能有定,寧不我 有定哉,而何 乃如之人兮, 古道 我 顧 如之人 1爲其獨 不以 爲

> 賦也。畜,養。卒,終也。不得於夫,而歎父母養我之不 兮母兮,畜我不卒。 使我爲可忘者邪。 方。德音,美其辭。無良,醜其實也。俾也可忘,言 定,俾也可忘。 蓋憂患疾痛之極,必呼父母,人之至情也。述,循 言不循義理也。 也。 乃如之人兮, 冒 覆。 賦也。 〇日居月諸,東方自出 胡能有 日旦 也。 必 音 出 日居月 無 定,報我不述。 東方,月望 良。 亦 何 出

燕》之前。下篇放此。 《日月》四章,章六句。此詩當在

燕

反。 也。 終日風也。 反,叶音貍。 自守,所 不敢言,而心獨傷之耳。 笑之時。 但以「終風且暴」爲比。言雖其狂暴如此,然亦有顧我 〇莊公之爲人,狂蕩暴疾。莊姜蓋不忍斥言之,故 浪笑敖,五 終風 悠悠我思。 以忤其意而不 但皆出於戲慢之意,而無愛敬之誠。 目. 惠然肯來。 暴, 也。 一報反。 顧 謔,戲言也。 見答也。 叶新才、新齎二反。 我則笑。 蓋莊公暴慢無常,而 中心是 叶如字,又陵之反。 ○終風 浪 悼 叶 音燥。 放 蕩 〇比也 比 且霾 也。 也。 則又使 莊姜 正 許 我 而

八

也。 曰曀。 將發而未震之聲。 言 也。亦比人之狂惑暫開 厚之至 又有莫往莫來之時,則 比莊公之狂惑也。 ± 則 其 人氣感傷閉鬱,又爲風霧所襲,則有是疾也。 懷。 陰 有,又也。不日有曀,言 也 寐,願言 虺 叶 惠,順 虺 胡隈反。 虚鬼反。 以比人之狂惑愈深而未已也。 風 也。 則 雖云狂惑,然亦或惠 且曀,於計 使我悠悠而思之,望其君子之深 嚏。 而 悠悠, 復 )比也。 其靁。 一蔽也。願,思也。 都麗反。 思之長 既曀矣,不旋 曀曀,陰貌。 反 寤言不 也。 〇比 不 然而肯 也。 H 終風 日 虺虺, 靁 有 陰而 而 懷,思 且 又 願 曀 嚏 風

# 終風》四章,章四句。<br/> 競見上。

我獨南行,有鋒鏑死亡之憂,危苦尤甚也。 言其所爲 土,土功也。 擊鼓聲也。 ,叶敕衆反。 平陳與宋。 城 漕 鼓 `因言衛國之民或役土功於國,或築城於漕,而 踊躍,坐作擊刺之狀也。兵,謂 其鎧,吐當反。 國 我 C 國中也。 獨 賦也。孫,氏。 不我以歸,憂心有忡。 南 行。 漕,衛邑名。 叶户郎反。 踊 躍 子仲,字, 用兵。 ○衛 人從軍者 ○從孫子 時軍 戈戟 叶 賦 也。 晡芒反。 之屬。 帥 鏜 也 自

> 得伸。 荀。 下。 浪反。 猶與 也。 者契闊之約如此,而今不得活。偕老之信如此 苦劣反。 相與執手,而期以偕老也。 室家,因言始爲室家之時,期以死生契闊,不相 闊,隔遠之意。 執子之手, 於是喪其馬,而求之於林下,見其失伍離次,無闘志也。 、吁自立之時,宋、衛、陳、蔡伐鄭之事,恐或 死 和 闊,契闊也。活,生。洵,信也。 也。 兮,不我信叶師 叶後五反。 也,合二國之好 生契苦結 意必死亡,不復得與其室家遂前約之信也 兮,不我 言不與我而 馬。 與子偕老。 成説,謂成其約誓之言。 叶 反。 滿 賦 活叶户 歸也。 也。 補反。 也。 闊, 人反。 舊説以此爲《春秋》隱 爰,於也。於是居,於是 叶苦劣反。 ,劣反。 于以求之,于林 兮。 )于音吁,下同。 叶魯吼反。 )爰居爰處,爰喪息 信與申 賦也。 ○從役者 與子 于 同。 吀 然也。 賦 嗟 嗟 嗟 公 忘棄,又 成 也。 〇言昔 歎 闊 洵 四 念其 以, 處 年, 叶 辭 音 契

## 《擊鼓》五章,章四句。

長,而心又其稚弱而未成者也。 風謂之凱 夭夭 於驕 凱 風,長 風 反。 自 養萬物者 母氏 叶尼心反。 【劬勞。 也。 棘,小 夭夭,少好貌。 吹 叶 音 彼 木,叢 僚。 棘 生,多 心。 0 比 劬勞,病 也。 南

苦 母生衆子,幼而育之,其劬勞甚矣。 故其子作此 惡,可謂孝矣。下章放此。 感動其母心也。母以淫風流行,不能自守,而諸子自 之下,猶能有所滋益於浚,而有子七人,反不能 復以聖善稱其母,而自謂無令人,其自責也深矣。 爲薪,則成矣。 責之端也 黄 但以不能事母,使母勞苦爲詞。婉詞幾諫,不顯其 使母至於勞苦乎? 有寒泉,在浚之下。 而我七子獨不能慰悦母心哉! 睍睆,清和圓轉之意。○言黄 我無令人。興也。 載好其音。 興也。浚,衛邑。○諸子自責,言寒泉在 詩,以凱風比母,棘心比子之幼時。 ○凱 然非美材,故以興子之壯大而 風自南,吹彼棘薪。 流行,雖有七子之母,猶不能 於是乃若微指其 有子七人,莫慰母 叶後五反。 聖, 叡。 睍胡顯反。 本其始而言,以起 令,善也。 事,而痛 猶能 有子七人,母 好其 院華板反。 自刻責,以 母氏 ○棘可 完安其 事母,而 無善也。 蓋日 音 〇爱 以 親 興 之 以 悦 浚 自

《凱風》四章,章四句。

自詒伊阻。 雉 于飛,泄 泄泄 興 飛 也。 之緩 泄 一移世反。 雉,野 也。 雞 其羽。 思。 雄者有冠,長尾,身 詒 遺。 我之懷

> 瞻彼 誠也。 也。 如 害又不貪求,則何所爲而不善哉! 貪。臧,善也。 見日月之往來,而 曷云能 實勞我心。 此, ,不知德行。 雉 ○婦人以其君子從役于外,故言雄 日月,悠悠我思。 于 而我之所思者,乃從役於外,而自遺阻 言誠又言實,所以甚言此君子之勞我心也。 何用 來。 飛,下上時掌反。 〇言凡爾君子,豈不知德行乎? 若能不忮 不 興也。下上其音,言其飛鳴自得也。 叶陵之反。 臧。 思其君子從役之久也。 下孟反,叶 賦 也。 0 叶新齎反。 )賦也。 户郎反。 其 百,猶凡也。 憂其遠行之犯患,冀其 音 悠悠,思之長也 雉之飛舒緩 不忮之豉反。 道之云遠, 忮,害。 〇百爾 矣君 也 自得 求 君

《雄雉》四章,章四句。

善處而得全也。

揭。 可佩 揭。 當量其 濟 渡 以 匏 苦例反。 處 (深淺 )此刺 渡 有 也。 水 苦 而後 淫亂之詩。 而 己。 〇比 葉, 渡水日 可渡,以比男女之際,亦 然今尚有葉, 也。 濟 涉, 有深 言匏未可用 匏 以衣 瓠 也。 涉。 而 則 涉 匏之苦者不 前 亦 深 日 渡處 厲,褰衣 未可用 則厲, 當 量度 方深,行者 之時 而 食,特 淺 涉 也 則 E

照遥 鴈,鳥 之招而後從之也。 也。〇舟人招人以渡,人皆從之。 比 其牡 鳴。 人之不然 叶 不暴,而節之以禮如此,以深刺淫亂之人也。 而納采請期迨冰未泮之時。 納采用鴈。 加 雝 比 雄,此常理也。 飛曰雌雄,走曰 也。 補 也。 淫亂之人不度禮義,非 歸 ध 美反。 反。 名, 妻, 鳴 招 比 招 似鵝,畏 鴈 舟子, 有 迨冰 也。 親迎以昏,而納 ,號召之貌。 人涉卬否,卬須我友。 不 瀰 叶魚旰 今濟盈 牝 濡 彌 叶 寒、秋南春北。 牡 以比男女必待其配耦 未 水 軌 爾 獎履反。 反。 泮。 而 反。 滿 ○夫濟盈必 居 其 日 貌 舟子,舟人主濟渡者。 八配耦 采、請期以旦。 旭 不濡軌,雉鳴而 美反,叶 濟 ○言古人之於婚 賦 許 鷕, 雌 也 盈 人涉 一前 玉 旭,日初出 而我獨 反。 濡 居有 犯 雝 雉 有 印 其 禮 雝, 聲。 **卢轍** 而 日 以 五 反。 叶 歸 否者,待我 相 聲之和 以 相求 反求其牡,以 郎反。 雉 軌,車 羽軌 從 姻 貌。 妻以冰泮 小 鳴當求 雉 也 反。 ,其求之 反。 而刺 鳴 轍 也。 也 求 此 友 其

《匏有苦葉》四章,章四句。

宜 怒。 習習谷 叶 暖五反。 風 以 陰 采 以 葑 雨 " 孚容反 黽 采 同 菲, 不不 妃鬼

> 薺。 死矣。 之衰, 也。 葑、菲 菁也。 止反。 反。 樂其新昬,如 反甘如薺,以 我,乃不遠而 進,蓋其足欲前 昬,夫所更娶之妻也。○言我之被棄,行於道路,遲遲 茶,苦菜,蓼屬也,詳見《良耜》。 薄 以其根之惡而棄其莖之美,如爲夫婦者 當黽勉以同 陽和而後雨 賦而比也。 送 ,猶有望夫之情 無 ..根 齊禮反。 我畿。 而棄其德音之善。 菲,似 〇比 )婦人爲夫所棄,故作此詩 莖皆可 )行道遲遲,中心有違。 下 澤降, 也。 心 兄 比己之見棄,其苦有甚於茶,而其夫方且 [甚邇,亦至其門内而止耳。 营, 莖 遲遲,舒行貌。 如弟 音祈。 而 ,而心有所不忍,如 宴爾 食, 習習,和 不 如夫婦 而 麤,葉厚而長,有毛。 宜 而 ,厚之至也。 德音 至於 其 不見 新昬,如兄如 誰 但德音之不違 根 和 舒 則 有怒。 也。 恤 而後家道成。 茶音徒。 有時 違,相背也。 違,及 薺,甘菜。 以 東 蓋婦人從一 相背然。 叙其悲怨之情。 而 風 又言采葑 涇 美惡。德音,美譽 謂之谷風。 又言荼雖甚苦 以 不可 苦,其甘 則 弟。待禮 不遠伊 故爲夫婦 同 下 宴,樂也。 畿,門 而故夫之送 可 渭 而終, 菲者,不 死 體, 以 以 濁 其顔 與 内 根 爾 叶 濔 反 也 也 如 新 宴 不 色 可 夢 同 想

❶ 「之」,原脱,據明甲本、明乙本補

舟,淺則 陳其治家勤勞之事。 泳,浮水曰 救叶居尤反。 **黽勉求之。** 舟之。 我之事。 逝我之梁,毋發我之筍,以比欲戒新昬毋居我之處,毋行 但以故夫之安於新昬,故不以我爲潔而與之耳。 矣,又以新昬形之,益見憔悴。 渚,流或稍緩,則猶有清 雖獨而未甚見,由二水既合而清濁益 以取魚者也。 空其中,以通魚之往 沚,水渚 出渭州渭源縣鳥鼠 出今原州百泉縣笄 湜 里鄉 恤 逝 音殖。 知不能禁,而絶意之辭也。 我 我 黨,莫不盡其道 泳游,不計其有與亡,而 也。屑,潔。 後。 就其淺矣,泳之游之。 而又自思我身且不見容,何暇恤我已去之後 梁,毋 游。 其 閲,容也。 沚 胡口反。 匍匐,手足並 之。 凡民有喪, 匍音蒲。 Ш 頭 音 來者也。 興也。方,桴。舟,船 言我隨事盡其心力而爲之,深則 以,與。 山 我 至同州 追 也 處。 ,東南至永興軍高陵 ○涇濁渭清,然涇未屬渭之時 符。 〇比也。 宴爾新昬,不 行,急遽之甚也。 婦人以自比其容貌之衰久 逝,之也。梁,堰石 笱,以竹爲器,而承梁之空 馮翊縣 然其心則固猶有可取者 古口反。 强勉以求之。 不我能慉,許六反。 涇、渭,二水名。 就其深矣,方之 入河。 分。 何有何亡, 我 然其 也。 人滑。 匐 湜湜,清 我 又周 ○婦 蒲 八别出 不 屑 潛 又言毋 障水而 北反。 人自 行 涇水 閱 以 日

> 當也。 慉,養。 怒,而盡遺我以勤勞之事,曾不念昔者我之來息時 我禦其窮苦之時,至於安樂則棄之也。 春夏,則不食之矣。 潰,户對反。 冬。 恐,謂生於恐懼之中。 今既遂其生矣,乃反比我於毒而棄之乎? 其昔時相與爲生 之善,故雖勤勞如此而不見取,如賈之不見售 市救反,叶 追言其始見君子之時接禮之厚,怨之深也。 言我之所以蓄聚美菜者,蓋欲以禦冬月乏無之時,至於 伊余來塈。 此,而女既不我養,而反以我爲仇 顛 反 我 覆。 以以 我爲 宴爾新昬, 有旨 洸,武貌。 阻,却。 芳服反。 市周反。 讎。 [蓄,勑 既 許器反。○興也。旨,美。 鞫,窮也。 ,惟恐其生理窮盡 潰,怒色也。 詒 既 既生既育,比予于 今君子安於新 我 以 昔育恐育鞫 六反。 阻 育鞫,謂生於困窮之際。 肄。 我 我德,賈音古。 ○承上章言我於女家勤 御窮。 亦以 以世反。 肄,勞。塈,息也。 讎。 ,而及爾皆 昬 御魚品 而 有洸 惟其 又言於我極其武 厭棄我,是但使 不念昔 張子曰: 蓄,聚。 心既 毒。 反。 音光。 用 反,下 至 也。 於 不 拒 及爾 顛 〇又 因念 同。 却 勞 御 通 也。 育

《谷風》六章,章八句。

式微式微,胡不歸? 微君之故,胡爲

乎 其臣勸之曰: 者,言衰之甚也。 言有陷溺之難,而不見拯救也 亦 而無所芘覆也。 露 微君之躬, 胡爲乎 胡爲 而辱於 衰微甚矣,何不歸哉? 也。 微 ()猶非 此 式 ○舊説以爲黎侯失國,而 發 也。 語 中 辭。 〇式 泥 露、露 中? 微 猶 中 我若非以君 也。 衰 賦 也 也 言 寓於衛 [有霑 再 泥 言 之 之

《式微》二章,章四句。此無所考,姑

《序》説。

君,而 也? 因上章「何多日 也。 俟而俱來耳。 也 而節疎闊,因託以起興曰: 子自言久寓於衛,時物變矣,故登旄丘之上,見其葛長大 曰旄丘。 叔 兮伯叶音逼。 ,必有與也。 賦也。 (但斥其臣,可見其優柔而不迫矣。 衛之諸臣,何其多日 旄丘 詩 之曲 誕,闊 處,安 之葛叶居謁反。 又言何其久而不來,意其或有 盡 也。 也 人情如此 」而言何其安處而不來,意必 處 兮,何多日 何其 叔、伯,衛之諸臣也。 也。 久叶舉里反。 與,與國 而 「旄丘之葛,何其節之闊 不見救也?」此詩本責 狐 兮, 也 也。 裘蒙戎 何誕之節 興也。 以,他 ○舊説 也,必有以 何其 故 故 有與國 前 就黎之臣 也。 高 而 處 得 相 衛

> 説近是。 耳也。 瑣,細。 是然後盡其詞焉。 其可憐也。 獎履反。 來救我也,但其人不肯與俱來耳。 大夫,而譏其憒亂之意。「匪車不東」,言非其車不肯 而不肯來耳。 車不東告於女乎? 蒙戎,亂貌 ,其人亦可知矣。 叔兮伯兮, 耳聾之人恒多笑。 尾,末也。 叔兮伯兮,褎由救反。 ,言弊也。 而衛之諸臣,褒然如塞耳而無聞,何哉? ) 瑣素果反。 至是始微諷切之。或曰「狐裘蒙戎」指 流離,漂散也。衰,多笑貌。 流離 但叔兮伯兮不與我同心,雖往 靡 〇又自言客久而 患難之餘,而其言之有序而 所 ○言黎之君臣流離瑣尾若此 兮尾兮,流 與 同 今按黎國 賦 如 也。 裘弊矣。 充耳。 離之子。 大 在衛西,前 夫 充耳,塞 狐 賦 蒼 我之 告 不 也 裘 至 叶 衛

《旄丘》四章,章四句。説同上篇。

祖。 矩反。 之處。 故其言如此。 武用干戚,文用羽籥也。 前 上處。 0 ○賢者不得志,而仕於伶官,有輕世肆志之心焉 簡兮簡兮, 賦 公庭 也。 賦也。 萬 若自譽而實自嘲也。 碩,大 舞。 簡,簡易不恭之意。 也。 方將 有力如虎 日之方中,在前上處,言當明顯 俣俣,大貌。轡,今之韁 萬舞。 執轡如 日 萬者,舞之揔名 碩人俣俣,疑 之方 中, 組 也

禮也。 孔。 賦也。 不得志於衰世之下國,而思盛際之顯王,故其言如此,而 美人,託言以指西周之盛王,如《離騷》亦以美人目其君 反。 爲榮而誇美之,亦玩世不恭之意也。 言其顔色之充盛也。 如 籥,餘若反。 又自譽其才之無所不備,亦上章之意也 意遠矣 下濕曰隰。 彼美人兮,西方之人兮。 渥 又曰西方之人者,數其遠而不得見之詞 翟,雉羽也。 隰有苓。音零。 絲爲之,言其柔也。 於角反。 以碩人而得 執籥秉翟 苓,一名大苦,葉似地黄,即今甘草也 右手秉翟。 赭,音者, 者,文舞 此 公言錫爵 ,則亦辱矣。 赤貌。 云誰之思,西方美人。 也。 御 叶 能 渥,厚漬也。 籥,如 使馬 陟畧反。 亭歷反,叶 即 興也。 乃反以其賚予之親洽 《儀禮》燕飲而獻工之 則 笛 〇 山 轡柔 而 榛,似栗而 公言錫 六孔,或曰 直角反。 赭,赤色也 有榛,側巾 也 如組矣。 ○賢者 西 小。 方

流。

聊

此 句 前 而抱關擊析,則猶恭其職也。 之間,不 [其中固有以過人,又能卷而懷之,是亦可以爲 舊三章,章六句,今改定。 東方朔似之。 角 兮》四章,三章 恭甚矣,其得 謂之賢者? 章四句,一 爲伶官則雜於侏儒 〇張子曰: 雖其迹 禄 如

詩。 日: 歸哉? 弟。 娣也。 市專反。 弟。」〇出宿于干,叶居 嫁來時,則固已遠其父母兄弟矣,況今父母既終,而 來時所經之處也。 畢,處者送之,飲於其側而後行也。 禰。 章之云也。 泉水,即今衛州共城之百泉也。 膏塗其率,使 載臺,胡瞎反,叶下介反。 ○賦也。 日而不思矣。 與之謀。 言毖然之泉水亦流于淇矣,我之有懷于衛,則 泉水自西北 靡日不 待禮反。 乃禮反。 國君夫人,父母在 ○衛女嫁於諸侯,父母終,思歸寧而 是以 賦也。 泲,地名。飲餞者,古之行者必有祖道之祭,祭 臻于 問 滑澤也。 · 思。 是以即諸姬而與之謀爲歸衛之計,如 )出宿于泲,子禮反。 問我諸姑,遂及伯姊。 於諸 干、言,地名,適衛所經之地也。 衛 女子有行,遠于萬反。 而 謨悲反。 諸姑、伯姊,即所謂諸姬 ,此字本與邁害叶,今讀誤。 東 彼泉水,亦 叶新齎反。 姑伯姊,而謀其可否云爾 、南來注之。 率, 則 活馬反。 車 還音旋。 歸寧,没則使大夫寧 軸 興也。 也,不駕則脱之,設之而 變力轉反。 淇水出 變,好貌。 流 飲餞于言。 禰,亦地 于淇。 毖,泉始出之貌 飲錢音踐 車言邁 相 不得,故作 州 也。 叶獎禮反。 諸姬,謂 名,皆自 父母 彼諸 林慮縣 脂,以 ○言始 於兄 下兩 亦無 兄 Æ 衛 口

除也。 也。 侯反。 肥泉,兹之永歎。 然豈不害於義理乎? 行 肥泉,水名。 瑕、何,古音相近,通用。○言如是則其至衛 〇既不敢歸,然其思衛地不能忘也。安得出遊於 我心悠悠。 回 旋 須、漕, 也, 旋其嫁 疑之而不敢遂之辭也。 叶它涓反。 駕言出遊,以寫我憂。 衛邑也。悠悠,思之長也。 來 之車 思須與 也。 漕 )我思 叶 疾矣 賦 祖

歸寧之義,則能自克者知所處矣。 人著之於經,以示後世,使知適異國者,父母終,無女思歸,發乎情也。其卒也不歸,止乎禮義也。聖女思歸,發乎情也。其卒也不歸,止乎禮義也。聖《泉水》四章,章六句。楊氏曰:衛 ,而寫其憂哉?

外,室人交徧 以自比。 ○衛之賢者處亂世,事暗君,不得其志,故因出北門而 北門,背陽向陰。 叶將其反,下同。 其矩反。 ,天實爲之,謂之何哉! 又歎其貧窶,人莫知之,而歸之於天也。 自 且貧,莫知我艱。 政 北 事 門,叶 殷殷,憂也。 天實爲之,謂之何 讁知革反,叶竹棘反。 埤避支反。 眉 貧反。 窶者,貧而無以爲禮 叶居銀 賦也。 益我。 反 殷 王事,王命使 我。 比也。

> 回反。 爲之事 哉,天實爲之,謂之何 我入自外,室人交徧 安,而交徧讁我,則其困於内外極矣。 又一切以埤益我,其勞如 埤,厚。 遺,加。摧,沮也。 也。 我, 政事 室,家。讁,責也。 之也。 一埤遺唯季反,叶夷回反。 政 此,而窶貧又甚,室人至無以 事,其 推祖回 哉 國之政 〇王事既 賦 反。 ○王事敦叶都 也。敦,猶 事 適我 也 我。 我。 自

信重 然不擇事而安之,無懟憾之辭 王視臣如手足, 豈有以 其艱,則無勸士之道 歸之於天,所以爲忠臣也。 一禄,所以勸士也。 《北門》三章,章七句。 矣。 事投遺 衛之忠臣 仕之所以不得志 之而 ,知其無可 至 一於窶 楊氏曰: 知 貧 柰何, 也 而 知 而 先 忠

其虚: 子餘反,下同。 比國家危亂將至,而氣象愁慘也。 徐,緩也。亟,急也。 而好呼報反,下同。 雱,雪盛也。 其 北 風 邪,音徐,下同。 其涼, 〇比也。 惠,愛。 只且,語 雨于付反。 我,攜手同行。 北風,寒涼之風也。 行,去也。 既亟只音紙,下同。 助 辭。 故欲與其相好之人去 雪其雾。 虚,寬貌。邪,一作 )言北風 叶户 涼, 雨雪,以 郎反。 康反。 寒氣

無非此 其虚 歸 反。 甚 霏,雨雪分散之狀。 而 赤色。烏,鵶,黑色。 匪 避之, ,則貴者亦去矣。 狐 而 雨雪其霏。 其虚 去不可不速矣。 其邪,既亟只 物,則國將危亂可 莫黑 且 曰 其邪,既 匪 是 烏。 尚 歸者,去而不反之辭 芳非 皆不祥之物,人所惡見者 可 亟只 耳。 知。 惠 反。 北 寬 而 同行、 徐 比 目. 風 惠 乎? 好 也。 其 而 同歸 我, 比 狐,獸名,似犬,黄 喈 好 彼 也。 其 攜 也。 猶賤者 音皆 禍 喈,疾聲 手 亂 也。 攜 〇莫 同 之迫 也 手 所 車 居 赤 也 同 見 奚 同

## 《北風》三章,章六句。

兖反。 詩也。 不見者 賦也。 又悦懌此女之美也。 不 見,搔蘇刀反。 相 賦 L',期 静女其姝, 静者, 閒雅之意。 彤管有煒,于鬼反。 贈以 也。 ○静女其變,貽 而不至也。 結慇懃之意耳。 孌,好貌。 赤朱反。 首 ○自牧歸荑,徒兮、徒計二反。 踟蹰,猶躑躅 於是則 踟 姝,美色也。 直知 我彤徒冬反。 煒,赤貌。 俟我 説音悦。 見之矣。 反。 也。 於城 蹰。 城隅, 言既得此物,而 此淫 彤 懌音亦。 隅。 直誅 管,未 管。 幽僻之處。 奔期 反。 愛而 會之 詳 古 何

> 美人 特以美人之所贈,故其物亦美耳。 静女又贈我以荑,而其荑亦美且異,然非此荑之爲美也 洵 也。黄,茅之始生者。 美 、之貽。 且 異。 異 曳二 同。 洵,信也。 音。 0 賦 也。 匪 女,指荑而言也。 女音汝。 牧 外野 也。 歸, 亦貽

(静女》三章,章四句

之。 想止反。 叶先典反。 好,而反得宣公醜惡之人也。 於齊,而聞其美,欲自娶之,乃作新臺於河上而要之。 以名此疾也。 名,人或編以爲困,其狀如人之擁腫而不能 婉,順也。 燕 殄,絕也。言其病不已也。 人惡之,而 之求,籧篨不殄。 及得鴻 婉之求, 新臺 離,麗也。 燕婉之求,得 **籧篨,不能俯,疾之醜者也。蓋籧篨本竹席之** 興 作此詩以刺之。 有 賊也。 河水浼浼。 、求燕婉而反得醜疾之人, 所得非 鮮,少也。 篷音渠。 泚 戚施,不能仰,亦醜疾也。 泚, 此 禮 賦 ○舊説以爲衛宣公爲其子伋 鮮 此 篨 反。 也。 明 言齊女本求與伋爲燕婉之 戚 音除。 每罪反,叶美辯反。 也。 洒,高 河 施 魚 新臺 水 瀰 不 峻 瀰,盛 興也。 瀰 之設, 也。 鮮。 有 瀰 ○言設魚 洒 俯者,故又因 也。 浼浼,平 所求也 鴻,鴈之大 期 十罪 鴻 莫 踐 燕, 則 燕 邇 反,叶 網而 也 反 反 婉

詩卷第二

此。 末見《春秋傳》。然於《詩》則皆未有考也。諸篇放末見《新臺》三章,章四句。凡宣姜事,首

子相殺,兄弟相戮,亦獨何哉!過同,俱惡傷父之志。然卒死亡,何其悲也。或父弟壽争死以相讓,此與晉太子申生不敢明驪姬之曰: 今讀《世家》言,❶至於宣公之子以婦見誅,曰: 今讀《世子,乘,舟》二一章,章 四 句。太史公《二子,乘,舟》二章,章 四 句。太史公

六十三句。 《邶》十九篇,七十二章,三百

亦作「余」。 通行本《史記・

0

二六

### 卷第三

### 之四説見上篇

他 靡,無也。只,語助辭。諒,信也。○舊説以爲衛世子共 不諒人只! 我之心乎? 不及父者,疑時獨母在,或非父意耳。 誓無他心。 自誓。言柏舟則在彼中河,兩髦則實我之匹,雖至於死, 伯蚤死,其妻共姜守義,父母欲奪而嫁之,故共姜作此以 蓋指共伯也。我,共姜自我也。儀,匹。之,至。矢,誓。 兩髦者,翦髮夾匈,子事父母之飾,親死,然後去之。此 髦,音毛。 ! 湯河反。 泛彼柏舟,在彼中河。 母之於我,覆育之恩如天罔極,而何其不諒 實維我儀。叶牛何反。之死矢靡 母也天叶鐵因反。只,音紙,下同。 興也。中河,中於河也。髮,髮垂貌。 髡徒坎反。 彼兩

則其絶之甚矣。

諒人只! 興也。特,亦匹也。慝,邪也。

特。

之死矢靡慝!

他得反。

母

也天只,不 髦,實維我

以是爲慝

泛彼柏舟,在彼河側。

**髪彼兩** 

《柏舟》二章,章七句

也。 也。 作此詩以刺之,言其閨中之事皆醜惡而不可言。 理或然 角,刺人。中冓,謂舍之交積材木也。道,言。醜,惡也 言之醜也。興也。茨、蒺藜也,蔓生,細葉,子有三 也。 詳,詳言之也。言之長者,不欲言。而託以語長難竟也。 詳也。所可詳也,言之長也。興也。襄,除也。 ○舊説以爲宣公卒,惠公幼,其庶兄頑烝於宣姜,故詩人 反。之言,不可道叶徒厚反。也。所可道 )牆有茨,不可束也。中冓之言,不可讀 讀,誦言也。辱,猶醜也。 牆有茨,不可埽叫蘇后反。 所可讀也,言之辱也。興也。東,東而去之 ○牆有茨,不可襄也。 中冓之言,不可 也。 中冓古候 也,

聖人何取焉而著之於經也? 蓋自古淫亂之君,自 公子頑通乎君母,閨中之言至不可讀,其汙甚矣。 《牆有茨》三章,章六句。楊氏曰:

二七

以謂 之言,亦無隱而不彰也。 聖人所以著之於經,使後世爲惡者,知 密於閨門之中, 世 無 其爲訓戒深矣 得 而 知 者,故 自 肆 閨 而 不

也。 也 翟衣,祭服,刻繒爲翟雉之形而彩畫之以爲飾也。 揚且子餘反。 之盛如此,而雍容自得,安重寬廣,又有以宜其象服。 之服也。淑,善也。〇言夫人當與君子偕老,故其 髮爲之。笄,衡笄也,垂于副之兩旁當耳,其下以 身事人,則當與之同生,與之同死,故夫死稱未亡人,言 宣姜之不善乃如此,雖有是服,亦將如之何哉? 容自得之貌。如山、安重也。 亦待死而已,不當復有他適之志也。副,祭服之首飾,編 也。君子,夫也。偕老,言偕生而偕死也。女子之生,以 是宜。叶牛何反。 委委於危反。 真忍反。 珈之言加也,以玉加於笄而爲飾也。 也? 玉之瑱吐殿反。 君子偕 玼 音此。 髮如雲,不屑蘇節反。 胡然 之哲星曆反,叶征例反。 佗佗,待何反。 老,副 兮玼兮,其之翟叶去聲。 而 子之不淑,云如之何? 笄 帝也? 也。 如河,弘廣也。 象之揥勑帝反。 珈。 如 賦 Ш 音 也。 加、叶居 委委佗佗, 玼,鮮 也。 髢徒帝反。 象服,法 河 言不稱 盛貌 胡然 河 服 紞 反 뒖 服 飾 度 雍 縣

> 也。 绤而爲之紲袢,所以自歛飭也。 絺之蹙蹙者,當暑之服也。紲袢,束縛意。 展衣者,以禮見於君及見賓客之服也。 之媛于眷反,叶于權反。 則以髢益之,髮自美則不潔於髢而用之矣。瑱,塞耳 也。 美色而無人君之德也。 褻衣之上,所謂表而出之也。」清,視清明也。 揚,揚且之顏叶魚聖反。 展陟戰反,叶 美,見者驚猶鬼神也。 辭。晳,白也。 象,象骨也。 紲息列反。 顔,額角豐 雲,言多而 揥,所以摘髮也。 諸延反。 滿也。 胡然而 袢薄慢反,叶汾乾反。 美 也。 展,誠也。 天,胡然而帝,言其服飾容貌 ○瑳七我反。 也。 也。 也。 蒙彼 也。 或曰: 揚,眉上廣也。 美女曰媛。 賦也。瑳,亦鮮盛貌 展如之人兮,邦 髢,髮髢也。 縐側救反。 兮瑳兮,其之 蒙,覆也。 也。子之清 「蒙謂加 以展衣蒙絲 揚,眉 見其 絲 縐 浴於 徒 上 廣 助

深心。 「展如之人兮,邦之媛也」,惜之也。」辭益婉而意益 「胡然而天也,胡然而帝也」,問之也。 三章之末云 「胡然而天也,胡然而帝也」,賈之也。 二章之末云 末云「子之不淑,云如之何」,責之也。 二章之末云 東 九 句,一章 八 句。 東萊呂氏曰: 首章之 《君子 偕 老》三章, 一章 七 句,一

思? 邑也,書所謂「妹邦」者也。孟,長也。姜,齊女,言貴族 叶辰羊反。矣。賦也。唐,蒙菜也,一名兔絲。沬,衛 於遥反。我乎上宫,叶居王反。送我乎淇之上 采麥叶訖力反。 唐於沬,而與其所思之人,相期會迎送如此也。 也。○衛俗淫亂,世族在位,相竊妻妾,故此人自言將采 也。桑中、上宫、淇上,又妹鄉之中小地名也。要,猶迎 爱采葑矣,沫之東矣。云誰之思? 美孟 我乎淇之上矣。賦也。麥,穀名,秋種夏熟者。 美孟弋矣。期我乎桑中,要我乎上宫,送 淇之上矣。賦也。葑,蔓菁也。 庸矣。期我乎桑中,要我乎上宫,送我乎 春秋》或作「姒」,蓋杞女,夏后氏之後,亦貴族也。 爱采唐矣,沫音妹。 美孟姜矣。期我乎桑中,叶諸良反。 矣,沫之北矣。云誰之思? 之鄉矣。 庸,未聞,疑亦貴姓 云 誰 t, 之

記》之語。 不可止也。」按「桑間」即此篇,故《小序》亦用《樂之音,亡國之音也。 其政散,其民流,誣上行私而「鄭、衛之音,亂世之音也,比於慢矣。桑間、濮上「鄭、衛之音,亂世之音也,比於慢矣。桑間、濮上

> <sup>爲兄,何哉?」</sup>○鵲之彊彊,鶉之奔奔。 良,善也。 奔奔、彊彊,居有常匹,飛則相隨之貌。 無良,我以 君,小君也。 公之言以刺之曰: 人之無良,我以爲君! 鶉音純。 ○衛人刺宣姜與頑非匹耦而相從也。 爲兄! 之奔奔,鵲之彊 「人之無良,鶉鵲之不若,而我反以 叶虚王反。 彊。 興也。人,謂宣姜。 〇興 人,謂公子頑。 也。 音姜。 鶉,鷂屬。 叶逋珉 故爲惠 人之

前。 之旨矣。 世有獻議,乞於經筵不以《國風》進講者,殊失聖經 身敗國而亡其家者,然後知古詩垂戒之大。 此篇,以見衛爲狄所滅之因也,故在《定之方中》之 獸,而國隨以亡矣。」胡氏曰: 天理滅矣。中國無以異於夷狄,人類無以 切言之者、《鶉之奔奔》是也。 遠言焉,或切言焉。遠言之者,《君子偕老》是也 因以是説考於歷代,凡淫亂者,未有不至於殺 「宣姜之惡,不可勝道也。 《鶉之奔奔》二章,章四句。 衛詩至此而人道盡 楊時有言、《詩》載 國人疾而刺之,或 異於禽 范氏 而近

日,作于楚室。 樹之榛栗,椅於宜反。 桐梓定丁佞反。 之方中,作于楚宫。 揆之以

三千。 丘也。 丘也。 曰 主駕者 終而果 人,星言夙駕,説始鋭反。 景廼岡」之「景」同。或曰: 楸之疏理白 星昬 匪直也人。 秉心塞淵,叶 望楚與堂,景山與京,叶居良反。 居楚丘,營立宫室,國人悦之,而作是詩以美之。 四木皆琴瑟之材也。爰,於也。○衛爲狄所滅,文公徙 小栗大,皆可供 度其日出人之景,以定東西,又參日中之景,以 卜云其吉,終然允臧。 之營室。楚宫,楚丘之宫也。揆,度也。 升 楚室,猶楚宫,互文以恊韻耳。榛、栗,二木,其實榛 而 爰伐琴瑟 種木者求用於十年之後,其不求近功,凡此類也。 桑、木名、葉可飼蠶者、觀之以察 堂,楚丘之旁邑也。 彼 善也。 獲其善也。 正中,夏正 叶倉新反。 虚 星,見 色而生子者。 起居 ○此章本其始之望景觀卜而言 籩 十月也。 實。 星 反,叶 賦 也。 ○賦也。 椅,梓實桐皮。 也。 ) 靈 起吕反。 説,舍止 於是 漆,木有液黏黑, 景,測景以 雨 定, 景,山名,見《商頌》。 賦也。虚,故城也。 既零, 北 一時,可 一均反。 于桑 方之宿 也。 矣,以望楚矣。 正 以 桐,梧桐 零,落也。 命彼 其土宜 田 方面也。 降觀 樹八尺之臬而 騋音 誉 · 叶 室 可飾 宫 徒因 來。 也。 也。 以至於 正 音官。 也 楚,楚 蘇氏 南北 反。 牝 此

> 問國君之富,數馬以對。 之馬七尺而牝者,亦已至於三千之衆矣。蓋人操心 而淵深,則 桑之務作。 然非獨此人所以操其心者誠實 也 ,而衛國之富亦可知矣。 無所爲而不成,其致此富盛宜矣。 文公於是命主駕者晨 七尺以 Ŀ 爲 今言騋牝之衆如此 騋。 此章又要其終而言也。 言 起 方春 而 駕車,亟 淵 深也 時 雨 《記 蓋其 既 則 往 生息之 而  $\stackrel{>}{\exists}$ 誠實 所 勞 而 勸 農

乃三百 澤而 秋傳 是爲文公。 姜子申,以廬於漕,是爲戴公,是年卒,立其弟燬 工,敬教勸學,授 文公大布之衣,大帛之冠,務材訓農 敗,死焉。 》衛懿公九年冬,狄入衛,懿公及狄人戰于祭 《定之方中》三章,章七句。 於是齊桓 宋桓公迎衛之遺民渡河而 方任能。 也公合諸 元年革 侯以城 車三 楚丘 十乘,季 南,立 通商 而 按《春 遷 惠 衛 官

可道。況女子有行,又當遠其父母兄弟,豈可不顧 者,莫虹也。 類,乃陰陽之氣不當交而交者,蓋天地之淫 〇比也。 女子有行, 蝃 言蝃蝀 蝃蝀, 虹 丁計反。 虹隨日 遠 在 于萬反。 也,日與雨交,倏然成質,似 東, 蝀 所映,故朝西而莫東也 而人不敢指,以比淫奔之惡,人不 都動反。 父母兄弟。 在東,莫之敢 氣也 叶 〇此 有 待 血 里 氣之 東

淵

而見,如 冒行 正理也。 道 不能無欲,然當有以制之。 自 姻 叶彌并反。 也 陰陽之和也。 言方雨而 守其貞信之節,而不知天理之正也。 謂男女之欲。程子曰: 而 也。 有 入於禽獸矣。 自 虹見 ○言此淫奔之人,但知思念男女之欲 《周 姻也 下而升也。 也。 今俗謂虹能截雨,信然。 禮 ,則其雨終朝而 遠 朝 ,大無信叶斯人反。 賦也。 兄 隮 以道制欲,則能順命。」 十煇,九日 弟父母。 子西反。 崇,終也。 乃如之人,指淫奔者而 無以制之,而惟欲之從, 「女子以不自失爲信。」命 止 矣。 于 隮。 從旦至食時 叶 西 蓋 滿 注 程子曰: 淫慝之氣有害於 以 補 也,不知 爲虹 反。 乃如之人 朝 爲 〇比 是不能 其 「人雖 則 雨 也

音

## 《蝃蝀》三章,章四句。

彼鼠, 不死亦何爲哉 禾反。 14 而 無 而猶必有皮。 止 止 相 興 息 牛何反。 也。 亮 死 反。 相 何 可以 視也。 也。 俟 鼠 相 而 有 鼠 人而無儀乎? 無儀,不 皮,叶 鼠 有 叶羽已反,又音始。 相 ,蟲之可賤惡者。 齒, 鼠 人而 有 何 人而 反。 何 無 無儀 1 〇興 〇言 而 而 則 叶 也 無 其

> 支體也。 而 無 禮 遄,速也 胡 不 遄 死 叶 想 此 反。

> > 興

相鼠》三章,章 应 句

也。 朱反。 邑曰都。 旗也,上設旌旄,其下繋斿,斿下屬終,皆畫 畀之,而答其禮意之勤乎? 此車馬,建此旌旄,以見賢者。 姝,美也。子,指所見之人也。 織組而維之也。四之,兩服、兩驂,凡四 特出之貌。干旄,以 蓋析翟羽設於旗干之首 ,,何以告站沃反。 高 ,何以予音與。 浚,衛邑名。邑外謂之郊。紕,織組也。 ,極其盛而言也 素絲組音祖。 者子 子居熱反。 五之,五馬,言其盛也。 素絲祝之,良馬六之。 紕符至反。之,良馬四之。彼姝赤 何 以畀必寐反。 干旄,在 旄牛尾注於旗干之首, 之? 也 之 ? 之,良馬五之。 城 賦也。旟,州里所建鳥隼之 都 彼其所見之賢者,將何以 畀,與也。 賦也。 )孑孑干旟,在浚之 浚蘇俊反。 城也。 之? 〇孑孑 析羽爲旌。 祝,屬也。 ○言衛大夫乘 [馬以 賦也。孑孑 鳥隼也。 而建之車 之郊。 蓋以素 載 之也 絲 叶

《干旄》三章,章六句。 此 上三詩,小

蓋所謂 之閒 樂善道 懲創 皆 故 以 生 而 往 爲 於憂患 事 Ľ 文 上其國。 公 他 而 無 時 興 ,死於安樂者。 所 詩 起 今破滅之餘 考 善端之時 也 蓋 見 然衛 其 列 也 ,人心危 本 於《定中 小序之言 故 以 以其爲 淫 亂 ,正其 , 疑亦有 如 載 此。 馳 有

本云。

水也。 將以 彼 皆善也。 能 反。 丽 乃作此詩,以自言其意 爲許穆公夫人,閔衛之亡 悠,遠而未至之貌。 涉 悠 果不以 視爾 印 旋 悠 不可歸之義來告,故 未至,而許之大夫有奔走跋涉 丘 濟 視 載 閟 不以我爲善,然我之所思,終不能 心則憂。 言 我歸 言 遠,猶忘也。 爾 ,閉也,止也。 馳 至 不 視爾不 載 采 爲 於 - 臧,我 驅 其 漕。 賦 叶 蝱 臧,我思不 濟,渡 我 爾 行 言思之不止 也。 祛尤反。 思不遠。 叶 亦不能 心以爲憂 E 徂 音 馳驅而 載 跋,水行 也。 侯反。 盲 既 則 旋反 自 叶 歸 也。 也也。 不 也。 歸 而 閟。 許 謨  $\exists$ 唁衛 來者, 大 我 而 歸 既 郎 將 吊 涉。 自己 既 濟 衛, 夫 ○言大夫既 反 以 失國 賦 不 嘉 以 而終不果 侯。 唁衛 夫人知 也。 我 跋 也 至 有 宣 曰 蒲 嘉 侯 一姜之女 嘉 所 唁。 衛矣。 末 渡之 於 其 至, 咣 旋 歸 反。 馬 必

> 行,道。 所因 也。 吏反。 反。 則亦少不更 極,至也。 芃,麥盛長貌。 大 但以其不知 蓋女子所以 故其在塗或 鬱結之病。 迎 亦豈 力不能救,故思欲爲之控告于大邦,而 爾所 誰極 百 而 ○又言歸 其 何所 真以 方,然不如使我得自盡其心之爲愈也。 且 尤 麥。 思 大夫,即跋涉之大夫。 過 狂 至乎? 善懷, 升高以舒憂想之情, 爲 己情之切至而言若是爾。 事 善懷者 途 也。 大夫君子,無我 稺 叶 而 叶新齎反。 控,持而告之也。 訖 且 在 狂妄之人爾。 賦 野,而涉芃 狂 〇又言以 力反。 也。 ,亦各有道。 大夫君子 憂 哉。 户 思 偏 郎 也 高 不如我所之。 控苦貢反。于大 ·, 猶 以其既不 反。 E ,無以 芃 我 阿丘 許人守禮, 《漢書》云「岸善 或采 之麥、又自傷 而 行 因, 君 我爲 有尤 許 滴 其野, 子,謂 一遍以 如因魏 國之衆 蝱, 然而卒不敢 衛 尤 有 而 又未 貝母 過 非 療 思 許國 芃 心終不 叶于其 人以 莊子之因 稺 鬱 賦也。 知 許 且 也, 邦 國之小 芃 其將何 之衆人 崩 爲過 之病。 止 主 稺 蒲 所 焉 反 誰 也 芃 紅 療 直

則

六句,一 一八句。 一章、三 一章以爲 馳 事 章四句,四章六句,五章八 見《春秋傳》。 四 一章。 章,二章章六句,一 按《春秋傳 舊説此詩 》叔 孫豹 五章, 句。 章

處

而

義重於亡故也。」則不得歸寧者,義也。雖國滅君死,不得往赴焉,蘇說合,今從之。范氏曰:「先王制禮,父母没,蘇於之四章,而取其「控于大邦,誰因誰極」之意,與

鄘國十篇,二十九章,百七十六句。

### 衛一之五

如磨。 貌。諼,忘也。○衛人美武公之德,而以緑竹始生之美 於何反。 盛,興其學問 脩飭有進而無已也。 君子,指武公也。 猗猗,始生柔弱而美盛也。 緑,色也。 況遠反。下並同。 兮。 興也。淇,水名。奥,隈 反。下同。 者,道學也 瞻彼淇奥,於六反。 治玉石者,既 赫兮喧兮者,威儀也; 瑟兮僴遐版反。下同。兮,赫兮咺况 有匪君子,如 淇上多竹,漢世猶然,所謂「淇園之竹」是 兮。 自脩之進益也。 如琢如磨者,自脩也; 治 孫以槌鑿,而復磨以沙石。 有匪君子,終不可諼況元反,叶 瑟,矜莊貌。 ·骨角者,既切以刀斧,而 匪、斐通,文章著見之貌也 切 《大學》傳曰: 緑竹猗猗。 有斐君子,終不可誼兮者 如 僩 磋,七河反。 ,威嚴貌。 瑟兮僩兮者,恂慄 如如 於宜反,叶 復磋 言其德之 切 如 如 以 也。 也 琢 晚

反。 稱也。 也。 戯 能 綽無飲東之意,戲謔非莊厲之時,皆常情所忽,而易致過 德之成就,而又言其寬 較,卿士之車也。 之,則盛之至也。金、錫,言其鍜鍊之精純。圭、璧,言其 綽兮,猗於綺反。重直恭反。 會,縫也。弁,皮弁也。以玉飾皮弁之縫中,如星之明 古外反。弁如 道盛德至善,民之不能 無適而非禮,亦可見矣。 差之地也。 謔不爲虐者,言其樂易 生質之温潤。 匪君子,終不可諼兮。 。此 謔兮,不爲虐兮。 充耳,瑱也。琇瑩,美石也。 ○以竹之堅剛茂盛,興其服飾之尊嚴,而見其德之 有匪君子,如金如錫,如圭如璧。 子丁反。 此之謂也 ○瞻彼淇奥,緑竹如簀。音責,叶 弛 而不張,文武不爲也, 然猶可觀,而必 寬,宏裕也。 有匪 星。 較兩輢上出軾者,謂車兩傍 君子、充耳琇瑩、音營。 瑟兮僩兮,赫兮咺兮。 忘也。」○瞻彼淇奥,緑竹 而 廣 《禮》曰: 而 有節也。 興也。 有節焉 綽,開大也。 自 興也。青青,堅剛茂盛之 如, 天子玉瑱,諸侯以石。 簣,棧也。竹之密比似 較古岳反。 和易而中節也。 ,則其動 〇以竹之至盛,興其 一張 張 猗, 嘆辭也。 一弛,文武之道 Mi 不弛,文武不 容周旋之閒 也。 側 蓋寬 善戯 分 重 歷

《淇奥》三章,章九句。按《國語》武公

長士 筵》亦武公悔過之作。 以交戒我。」遂作《懿 禮自防也,可知矣。 故《序》以此詩爲美武公,而今從之也 ,苟在朝者 有 Ŧi. ,猶箴儆 無調 于國 戒》之詩以自警。 我老耄而舍我,必恪 則其有文章, 衛之他君,蓋 E 自 卿以 而能 血無足 而 下,至 聽規 《賓之初 品恭於朝 以 及此 于

陸 反。 自誓所願不踰於此,若將終身之意也。 其不忘此樂也。 反。 之閒,而碩大寬廣, 之爲樂也。」二説未知孰是。 考,成也。 而猶卧也。 陵 碩人之軸 日 永,長。矢,誓。 獨 獨寐寤言,永矢 「考,扣也。槃,器名。 考槃在 賦 阿。 寐 也。 寤歌, 薖,義未詳,或云亦寬大之意也。 高平日 弗告者,不以此樂告人也。 盤 澗 桓 ○考槃在 無戚戚之意,雖獨寐而寤言,猶自誓 ,叶居賢反。 之意。 永矢弗過 獨寐寤宿,永矢弗告 諼,忘也。 陸。 八弗諼 軸,盤桓不行之意。 言成其隱 蓋扣之以節歌,如鼓盆 阿,碩人之邁。 夾水日 ○詩人美賢者隱處 碩 人之寬。 況元反。 古禾反。 處之室 澗。 ○考槃 碩,大。 永矢弗過 也。 ○賦 0 寤 叶 宿,已 賦 苦禾 潤谷 洲抬缶 晶 也。 在 也 權

美也。

盼,白黑分明

也

〇此章言其容貌之美

章

碩人敖敖,五刀反。

説始

说鋭反。

廣而方正。

蠶蛾

也。

其眉

細

而長

曲。

倩

П

輔

犀,瓠中之子方正潔白而比次整齊也。

者,亦言白

也。

領,頸也。

蝤蠐,木

蠱之白而長者。

螓,如蟬

而小,其

巧笑倩七薦反。

兮, 美

目

**盼**匹莧反,叶匹

見

反。

眉。

賦也。

茅之始生曰荑,言柔而

白

也。

凝脂

脂

寒而

如瓠户故反。

犀,螓音秦。

郊。

叶音高

四

牡

有

驕

,起橋反,叶

音

高

傳》曰: 反。 反。 宜親厚,而重歎莊公之昬惑也。 詩。 同,故歷言之。○莊姜事見《邶風·緑衣》等篇。《春秋 皆莊姜姊妹之夫,互言之也。 後生曰妹,妻之姊妹 臣也。繫太子言之者,明與同母,言所生之貴也。 褧焉,爲其文之太著也。 指莊姜也。 邢侯之姨,譚公維 而其首章極稱其族類之貴,以見其爲正嫡小君,所 膚如凝脂。 衣。 碩 「莊姜美而無子,衛人爲之賦《碩人》。」即謂 齊侯之子,衛侯之妻。 其 頎 日姨。 領如蝤似修反。 其 錦,文衣也。 機 東宫,太子所居之宫,齊太子 私。 反。 姊妹之夫曰私。 息夷反。 諸侯之女嫁於諸 衣 〇手如柔荑, 於既 反。 蠐,音齊。 〇賦 也。 東宫之妹 邢侯、譚公 也。 錦 褧 衣 碩 徒奚 則 苦 而 此 得 迥

三: 四 碩人》四章,章七

之四 反,叶 與夫人相親,而歎今之不然也 配,故謂諸大夫朝於君者宜早退 郊,乘是車馬 夫退,然後適小寢釋服。」○此 朝 庶姜孽 反,叶方月反。 也。 龍 朱纏之也。 云 活 馬。 茀,蔽 河 反。 鮪,似鱣 。黄色。鋭頭,口在頷下,背上腹下皆有甲,大者千餘 直 媵 許月反。 設 君日出 在齊西 臣。 遥 驕,壯貌。 古闊反,叶户劣反。 反 鑣 也。 也。 儀盛備如此,亦首章之意也 而小, 之盛,以入君之朝,國人樂得以 叶 鐮 鐮鐮,盛也。 衛東,北 而 魚竭反。 婦人之車,前後設蔽。 罛,魚罟也。 葭 音加。 視朝 直 量象反。 表驕 色青黑。 陟連反。 幩, 鐮 庶姜,謂姪 退 流人海。 反,叶 舍 庶士有朅 適路寢聽政。 言齊地廣饒 飾也。 大夫夙 菼 他 覽 反 。 翟,翟 也。 發發,盛貌。 濊濊, 罟入水聲也 鮪 施 ?言莊姜自齊來嫁,舍止近 音 洋洋,盛大貌。 ,無使君勞於政事,不得 于軌 眾音孤。 褒。 車 鑣者,馬銜 郊 河水洋洋,北流 也。 , 近 退, 孽孽, 盛 反。 夙,早也。 翟 揭揭,居 使人視大夫,大 郊也 而夫人之來,士 夫人以 欺列反。 菼, 薍也, 亦 茀 無 濊濊 發發,補末 使 音 爲 、鐵,人君 活活,流 四 莊公之 **宝** 2 程羽 ,呼活 牡 認反。 0 謂 麺

也。 也。 絲,蓋 爲期。 載 見 敗,而萬事瓦裂者,何以異此? 迷,後必有時 子涉淇,至于頓丘 新 之期矣,故及 卜, 蓍日 垝 而不免於見棄。 約以堅其志,此 蚩蚩,無知之貌,蓋怨而鄙之也。 無良媒。 - 筮所得 齎反。 ,男子之所 言。 我 復 俱毁反。 ○此淫婦 夫既與之謀 關, 初夏時 賄 筮。 卦 呼罪 爾 叶謨悲反。 也。 兆之體 心也。 來貿 期 居 體,兆卦之體也。 垣,音袁。 而 爲 反。 其計亦狡矣。 也。 而 悟,是以無往 氓,民也。 爾 而 蓋一失其身, 人所棄,而 ,尺之反。 乘垝垣以望之。 頓 不遂往,又責所無以 ,若無凶咎之言 筮,體 遷。 不敢顯言其人,故託言之耳。 漣。 丘,地名。 0 來即 將七羊反。 以望復關 叶祛奇反 賦 蓋男子而不知其誰何之稱 音連。 自 也。 無 抱 而 以御蚩蚩之氓,宜其 叙其 我 賄,財。遷 咎 不困 人所賤惡。 布 您,過. 可不戒 垝,毁。 謀 言。 布,幣。 「則以 既 既見之矣,於是問 貿 事,以道 耳。 子無 莫豆 見復關,載 也。 哉 叶 爾之車來 叶圭員反。 士君子立身 我 其事 一,徙 垣 貿,買也。 謨 其悔恨 怒,秋 爾 愆 悲 雖 墙也。 也 心反。 , 再爲之 期 絲 以欲 也 迎, 有 之意 彼 也 以 與 而

三六

其行。 靡室勞矣。 我往之爾家,而 子廉反。 自 也。 極,至也。 無所妨也。 爲節, 被棄之後,深自愧悔之辭。 又念其不可恃此而從欲忘反,故遂戒鳩無食桑葚,以興 黑色,多聲。甚,桑實也。 興也。沃若,潤澤貌。鳩,鶻鳩也,似山雀 下句戒女無與士耽 兮,猶可説也。 我 既遂矣,至于暴矣。 我徂爾,三歲食貧。 復自言其過不在此,而在彼也。 説,解也。 之期 于嗟女兮,無與士耽。 比也。 鬼,車 下同 失其正,則餘無可觀爾。不可便謂士之耽 下孟反,叶户郎反。 往 ○言桑之黄落,以 隕,落。 飾,亦名童容,婦人之車則有 )桑之落矣,其黄而隕。叶于貧反。 也 嗟 〇言桑之潤澤,以比己之容色光麗。 夙興夜寐,靡有朝叶直豪反 值爾之貧 鳩兮,無食桑 也。 女之耽兮,不可説 徂,往也。 女也不爽,叶師莊反。 桑之未落 士猶可説,而女不可説者,婦 ,於是見棄,復乗車而 鳩食葚多,則致 主言婦人無外事 比己之容色凋 兄弟不知 淇水湯 士也 湯湯,水 叶持林反。 甚。 罔 〇三歳 湯,音傷 音甚,叶知林 而小,短尾, 盛 , 咥許意反 沃若。 謝。 之。 貌。 ず, 唯以 也。 耽,相樂 爲 度水以 遂言自 爽,差。 之耽 惑實 貞信 其 貢 漸

> 晏。 其笑叶 反。 以至於此也。 老而見棄如此,徒使我怨也。 則 固有必然者,亦何所歸咎哉? 兄弟見我之歸,不知其然,但咥然其笑而已。 也。 而我總角之時,與爾宴樂言笑,成此信誓,曾不思其反復 晏晏,和柔也。 下之判也。 爾偕老,老使我怨。 人,不爲兄弟所齒,故其見棄而歸,亦不爲兄弟所 旦之暇。 爲婦,盡心竭力,不以室家之務爲勞。早起夜卧,無 之何哉? 行泮。 叶孚絢 叶伊佃 思其反之謂也 叶 音 與爾始相謀約之言既遂,而爾遽以暴戾 將黎反。 燥。 總 音畔,叶匹見反。 反。 反。 夙,早。 亦已而已矣。 此則興 角, 旦旦,明 矣。 女子未許 反 信 ○賦而興 心也。 是 誓 興,起也。 也。 静言思之, 不思 旦,叶得絹反。 既不思其反復而 淇則有岸,叶魚戰反。 《傳》 也。 〇言我與女本期偕老,不知 嫁則未笄,但結 淇則有岸矣,隰則 總角之宴,言笑 但自痛悼 中 咥,笑貌。 Ĕ: 及,與也。 新齎反。 躬 思其 自 而 至此矣,則亦 ○言我三歳 泮,涯 終 悼 髮爲飾 蓋 亦 不思 有泮矣 淫 恤 也,高 加 奔 及 也 其 晏 隰 從 玾 뒖

《氓》六章,章十句。

籊他歷反。竹竿,以釣于淇。 豈不爾

泉也。 萬反。 舟。 之西南,而東流與泉源合,故曰在右。 在左 詩。 淇,衛地也 檜,木名,似 語遊戲於其閒也。 儺,行有度也。 瑳,鮮白色。笑而見齒,其色瑳然,猶所謂 笑之瑳,七可反。 而自歎其不如也 遠莫致之。 言思以竹竿釣于淇水,而遠不可至也。 ,淇水在 駕言出 在衛之西 兄弟父母。 柏。 ○衛女嫁於諸侯,思歸寧 遊,以 ○承上章,言二水在衛,而自恨 楫,所以行舟也。 北,而 右。 ○淇水滺滺,音由。 佩玉之儺。乃可反。○賦 )淇水在 也。 東南流入淇,故曰 叶 叶 寫 滿 羽 我憂。 籊 彼反。 ,軌反。 籊,長 右 ○與《泉水》之卒章 1,泉源 ○賦也。 女子有行, 而 賦 ○思二水之在衛 而 也。 殺也。 不可 在 粲然,皆笑也 在左。 滺滺,流 左。 泉源,即 得 竹, 檜楫松 其不得笑 淇 故 泉 衛 在 作 也。 源 物。 巧 同 衛

## 《竹竿》四章,章四句。

汁,可 反。 則 佩觽 芄音丸。 啖。 支、枝同。 興 也。 不我知。 蘭之支,童子 芄蘭,草, 錐 容兮遂兮, 也,以 名 薩摩, 佩 象骨爲之,所 觽 蔓 垂 生 許 斷 帶 規反。 以解 悸 之有白 ,其季 結

> 兮。 興也。 韘,決也,以象骨爲之,著右手大指,所以 以知於我也。容、 成人之佩,非 也 朱韋爲之,用以彄沓右手食指、將 弦闓體。 鞢,能不我甲。 芄蘭之葉,童 言其才能不足以長於我也。 鄭氏曰: 童子之飾 遂,舒緩放肆之貌。 叶古恊反。 沓也,即大射所謂朱極三是也。 子 也。 知,猶智也。 韘。 容兮遂兮,垂 失涉反。 無名指也。 悸,帶下垂之貌 言其才能 不足 悸 佩 鈎

謂,不敢强解。 《 芄 蘭 》 二 章 , 章 六 句 。 此詩不知所

乎? 河南。 河廣乎? 祖爲體、母出 襄公即位,夫人思之,而義不可往。 也,乃義 刀 不容 但 賦也。 誰 ○宣姜之女爲宋桓公夫人,生襄公而 不可 口刀,言 誰謂 謂 跂足而望,則可 但以 葦,蒹葭之屬。 宋遠? 而不得往耳。 河 與與 宋遠 小也。 一葦加之,則可以 廟絶,不可以私反,故作 廣 ? 跂 以見矣。 曾不崇朝 終也 丘豉 葦 杭,度也。 誰 反。 韋鬼 行不終 謂 渡矣。 蓋嗣君 明非 反。 子 河 衛在 宋遠 )廣? 此詩。 望叶 賦 朝 誰 承父之重,與 杭 出 河 而 謂 而 至, 户 歸 北 武 宋國 言 不 小 郎 方 于 宋 言 可 誰 反。 反 在 至 谏

也。

H

三八

有存焉故也 而女子乃有知禮而畏義如此者,則以先王之化,猶 義,而不敢過也。 婦人之詩,自共姜至於襄公之母,六人焉,皆止於禮 將若之何? 之國,而不得養其母,則人之不幸也。爲襄公者, 人之不往,義也。 河 廣》二章,章四 生則致其孝,没則盡其禮而已。衛有 夫以衛之政教淫僻,風俗傷敗,然 天下豈有無母之人歟? 句。 范氏 日 有千乘 夫

疾。 無刃。 而爲之故也。 此,非無膏沐可以爲容,所以不爲者,君子行役,無所 以澤髮者。 也。蓬,草名,其華似柳絮,❶聚而飛,如亂髮也。膏,所 如飛蓬。 美如是。 雨 目其夫之字也。 殳,市朱反。 杲杲古老反。 比 伯兮朅丘列反。 ○婦人以夫久從征役而作是詩,言其君子之才之 也。 今方執殳而爲王前驅也。 沐,滌首去垢也。 **豈無**膏 其者,冀其將然之辭 爲于僞反。 《傳》 朅,武貌。 티 : 出 沐, 日。 兮,邦之桀兮。 女 桀,才過人也。 誰適都歷反。 王前驅。 爲説己容。 適,主也。 願 言思 0 ○自伯之東,首 冀其將 賦也。 伯 ○言我髮亂 爲容? 殳,長丈二而 ; 甘 伯也 其 雨 伯,婦 而 杲 執 主 如

> 北堂,以忘吾憂乎? 呼内反。 草,言樹之背。 苦,而寧甘心於首疾也。 而但願言思伯,雖至於心痗,而不辭爾。 出,以 ,非特首疾而已也。 背,北堂也。 比望 ○賦也。 其 君 痗,病也。 子 諼,忘也。 音佩。 然終不忍忘也。是以寧不求此草, 之歸 ○焉於虔反。 而 願言思伯,使我心痗。 ○言焉得忘憂之草,樹之於 不 諼草合歡,食之令人忘憂 歸 也。 是 心痗,則其病益 以不 得諼況袁反。 堪 憂 思之

而相 重之。 人情不出乎此也 傷慘怛,不啻在己。 之子,寡人之妻,傷天地之和,召水旱之災,故聖王 是以能成天下之務。兵者、毒民於死者也。 思以閔之,故其民悦而忘死。聖人能通天下之志 遺戍役,周公之勞歸士,皆叙其室家之情、男女之 恤之情; 離則思,期而不至則憂,此人之情也。 如不得已而行,則告以歸期,念其勤勞,哀 伯兮》四章,章四 亂世之詩,則録其室家怨思之苦,以 是以治世之詩,則言其君上閔 句。 范氏曰: 文王之 孤人 居

無裳。 有狐 比也。 綏綏,在彼淇梁。 狐者 ,妖媚之獸。 綏綏,獨行求匹之 心之憂矣,之

子

似」、元本、明甲本、明乙本作「如」。

妃耦,有寡婦見鰥夫而欲嫁之,故託言有狐獨行而憂其 蒲北反。 綏綏,在彼淇側。 處也。帶,所以申東衣也。 矣,之子無帶。 無裳也。 石絶水曰梁。 〇比也。濟乎水,則可以服矣。 有 狐綏 在梁則可以裳矣。 叶丁計反。 心之憂矣,之子無 綏,在彼淇 在厲則可以帶矣。 〇比也。厲,深水可 ○國亂民散,喪其 厲。 心之憂 ○有狐 服。 叶 厲

《有狐》三章,章四句。

玉名。 也。 也。 瓊 答之詞,如《静女》之類。 足以爲報也,但欲其長以爲好而不忘耳。 疑亦男女相 瓜, 楙木也。 居。 瑶。 投我以木瓜,叶攻乎反。 匪報 ○言人有贈我以微物,我當報之以重實,而猶 )投我以木李,報之以瓊玖。 匪報也,永以爲好也。比也。 匪報也,永以爲好也。 也, 實如小瓜,酢可食。 永以爲好呼報反。 〇投我以木桃,報之以 瓊,玉之美者。 報之以瓊琚。 比也。 也。 音久,叶 玖,亦玉 比 瑶,美玉 也。 名 舉 未 木 音

木瓜》三章,章四句。

詩卷第三

如

而

句。 地肥饒,不費耕耨 其人氣輕浮; 此,則其聲音亦淫靡。 有邪僻之心也。 張子曰: 衛 國十 其地平下,故其人質柔弱; 衛 篇,三十四 ,故其人心怠墯。 鄭詩放此。 國 地濱大河 故聞其樂,使人懈 其 其 章,二百 地 其人惰性 土 薄,故 其

### 詩卷第四

朱熹集傳

今河南 申。 地,在 者道里均故也。 爲《風》。 武公迎宜臼于申而立之,❶是爲平王。 周公始營洛邑,爲時會諸侯之所。 之南也。周室之初,文王居豐,武王居 王一之六 |幽王嬖褒姒,生伯服 於是王室遂卑,與諸侯無異。 申侯怒,與 《禹貢》豫州 府及懷、孟等州是也。 然其王號未替也,故不曰 王謂 、犬戎攻宗周,弑幽王于戲。 自是謂豐鎬爲西都,而 周 太華、外方之閒。 東都洛邑王城 ,廢申后及太子宜臼。 1周而 故其詩不爲 以其 北 畿 鎬。 得河 内方六 日 八土中 洛邑 徙居東都 Ξ̈́ 至成王 晉文侯、鄭 陽 ·, 四 爲東都 宜臼 百 其 方來 八地則 里之 影而 奔

心 摇 摇 彼 黍 知我者謂 離 離 ,彼稷之苗。 我心憂,不知我者謂 行 邁 靡 靡 我 中

> 哉 ! 粟也。 圓重。 實。 周室之顛覆,傍徨不忍去,故賦其所見黍之離離,與稷之 遷,大夫行役。 下垂,如心之醉,故以起興。 離 所以致此者,果何人哉! 苗,以興行之靡靡,心之摇摇。 悠,遠意。❷ 蒼天者,據遠而視之,蒼蒼然也。 息,如噎之然。稷之實,猶心之噎,故以起 悠蒼天,此何人哉 知我者謂我心憂,不知我者謂我 悠蒼天,此何人哉! 知我者謂我心憂,不 何 求 ,彼稷之穗。 0 行邁靡靡,中心 邁,行也。 離 賦 離,垂貌。 而興也。 悠 悠蒼 至于宗周,過故宗廟宫室,盡爲禾黍,閔 靡靡,猶遲遲也。 音遂。 黍,穀名,苗 稷,亦穀也,一名穄,似黍而小,或 天 叶 如噎。於結反,叶於悉反。 知我 追怨之深也。 行邁靡靡 賦而興也。 賦 鐵 ○彼黍離離,彼稷之 既歎時人莫識己意,又傷 因 而興也。 似蘆,高丈餘,穗黑色, 者謂 反。 摇摇 下 噎,憂深不能喘 穗,秀也。 我何求。 同 ,無所定也。 何求。 心如 )彼黍 〇周 此 何 稷穂 既 離 東 悠

《黍離》三章,章十句。

元城劉氏

<sup>「</sup>之」,原無,據元本、明甲本、明乙本被

意」,明甲本作「貌」。

感之心終始如一,不少變而愈深,此則詩人之意見稷之苗矣,又見稷之穗矣,又見稷之實矣,而所子忠厚之情則不然。其行役往來,固非一見也,初之,則其變少衰,三遇之,則其心如常矣。至於君常人之情,於憂樂之事,初遇之,則其心變焉,次遇

思 ! 黎反。 之久,不可計以日月,而又不知其何時 賦也。佸,會。桀,杙。括,至。苟,且也。 子,乃無休息之時,使我如何而不思也哉!」〇君子于 則下來矣。 期,❶且今亦何所至哉? 外,其室家思 牛下 庶幾其免於飢渴而已矣。此憂之深而思之切也 古劣反。君子于役,苟無飢渴! 役,不日不月。曷其有佸? 户括反,叶户劣反。 墻而棲日塒。 雞棲于桀,日之夕矣,羊牛下括。古活反,叶 來。 君子于役,不知其期。 叶新齎反。○賦也。君子,婦人目其夫之辭。鑿 雞棲音西。 是則畜産出 叶陵之反。 而賦之曰: 日夕,則羊先歸而牛次之。○大夫久役干 于塒,音時。 人尚有旦暮之節,而行役之君 雞則棲于塒矣,日則夕矣,羊牛 君子于役,如之何勿 「君子行役,不知其還反之 曷至哉?叶 日之夕矣, 可以 叶巨列反。〇 〇君子行役 來會也。 羊 將 亦

# 《君子于役》二章,章八句。

聲。○此詩疑亦前篇婦人所作。蓋其夫既歸,不以行役 招我由敖。 宜更詳之。 皆可謂賢矣。豈非先王之澤哉! 或曰、《序》説亦通。 爲勞,而安於貧賤以自樂,其家人又識其意而深歎美之, 簧, 等三十六簧也。 出聲,所謂簧也。故笙、竽皆謂之簧。 陽,得志之貌。簧,笙、竿管中金葉也。蓋笙竽皆以 其樂音洛。 和樂之貌。 植於匏中,而竅其管底之側,以薄金葉障之,吹則鼓 君子陽陽,左執簧,音黄。 翻,舞者所持羽旄之屬。敖,舞位也。 ○君子陶陶,左執翮,徒刀反。 只音止。 五刀反。其樂只且 由,從也。房,東房也。只且,語 且! 子徐反。 笙十三簧,或十九 右招我由 賦也。 〇賦 心也。陽 陶 之而 房。 右

《君子陽陽》二章,章四句。

月予還音旋。 不與我戍申。 緩流之貌。彼其之子,戍人指其室家而言也。 揚之水,不流束薪。 下同。 懷叶胡威反。 歸 哉 ? 下同。 彼其 興也。 音記。 哉懷哉,曷 揚,悠揚也,水 戍, 屯兵 之子,

) 「還反」,明甲本作「反還」。

ĮĽ

以

守

軍之境。 也。 懷,思。曷,何也。○平王以申國近楚, 申,姜姓之國。 平王之母家也,在今鄧州、信 而戍者怨思,作此詩也。 ○揚之水,不 取

束楚。 以爲箭」者是也。 今未知其國之所在,計亦不遠於申、許也。 也,亦姜姓。《書》「吕刑」、《禮記》作「甫刑」。 哉,曷月予還歸哉? 水,不流束蒲。 爲「吕侯」,後爲「甫侯」,是也。 伐,故遣畿内之民戍之。 「之」、「不」二字,如《小星》之例。 懷哉懷哉,曷月予還歸哉? 彼其之子,不與我戍甫。 《春秋傳》云「董澤之蒲」,杜氏云「蒲,楊柳,可 許,國名,亦姜姓,今潁昌府許昌縣是 叶滂古反。 興也。楚,木也。 當時蓋以申故而并戍之。 彼其之子,不與我 而 甫,即 揚之 孔氏以 興也。 吕

有

之民,供貢賊,衛王室而已。今平王不能行其威令 室有故 則其忘親逆理,而得罪於天已甚矣。 爲可怨,至使復讎討賊之師,反爲報施酬恩之舉, 有母而不知有父,知其立己爲有德,而不知其弒 賊,而平王與其臣庶不共戴天之讎 戎攻宗周而弑幽王,則申侯者,王法必 侯有故,則 ,則方伯連帥以諸侯之師救之。 之水》三章,章六句。 方伯 連 帥以諸侯之師 也。 又況先王之 討之; 今平王. 許不 天子鄉遂 申侯 與 知 犬

> 衰懦微弱而得罪於民,又可見矣。 守,故周人之戍申者又以非其 於天下,無以 保其母家,乃勞天子之民遠爲諸 職 而怨 思 則 侯 戍

嘆矣。 也。 矣。 艱難,遇斯人之不淑,而無怨懟過甚之辭焉。厚之至也 凶年而遽相棄背,蓋衰薄之甚者。 爲善事,凶禍爲不善事 不淑矣! 離,條其歗叶息六反。 暵,燥。仳,别也。 鵻也,葉似萑,方莖,白華,華生節閒,即今益 饉,室家相棄,婦人覽物起 中谷有蓷, 女 中谷有蓷,暵其 條、條然歡貌。 嘅其嘆 淑,善也。 匹 指 有 興也。 矣,遇 反。 蓷 暎其 古者謂死喪飢饉皆曰不淑。 嘅, 歎聲。 歗,蹙口出聲 脩,長也。 吐 離 **,雖今人語** 雷 、濕矣。 嘅 脩叶先竹反。 人之艱 矣。 反。 興, 口 艱難,窮厄也。 暵 而自述其悲歎之詞 愛 或曰乾也,如 條其獻矣,遇人之 有女仳離,啜張劣 也。 而詩人乃曰 猶 呼 難 反。 然也。 但 悲恨之深,不止 反。 其 ○曾氏 嘆土丹反。 興 其 蓋以 脯之謂 有女仳 〇凶年 母 也。 斯 草 一吉慶 日 也 蓷

<sup>0</sup> 作其不以此也哉」一十五字。 下,元 本、明甲 明乙本有 「嗚呼詩 而後春

嗟及矣,言事已至此,末如之何,窮之甚也。 暵濕者,旱甚,則草之生於濕者亦不免也。啜,泣貌。何反。其,泣矣。 啜其,泣矣,何嗟及矣! 興也。

티 : 棄,而知人民之困。 家相棄者,上之所殘也。 讀《詩》者於一物失所,而知王政之惡; 了,則夫婦日以衰薄,而凶年不免於離散矣。 於此亦可見矣。 「匹夫匹婦,不獲自盡,民主罔與成厥功。」故 世治則室家相保者,上之所養也。 《中谷有蓷》三章,章六句。 周之政荒民散,而將 其使之也勤,其取之也 亂 無以爲 一女見 伊尹 則室 范 氏

于羅。 此詩。 忠直受禍 生之初 爲,叶吾禾反。 然既無如之何,則但庶幾寐 寐無叱 離,麗。 言張羅本以取兔,今兔狡得脱,而雉以耿介,反 以比小人致亂 有兔爰爰,雉離于羅。 ,天下尚無 也 0 )周室衰微,諸侯背叛,君子不樂其生, 羅, 爲此詩者,蓋猶及見西周之盛,故曰 比也。 我生之後逢此 網。 雉 事,及我生之後,而逢時之多難如此。 離興 ,而以巧計幸免。君子無辜, 尚,猶。 兔性陰狡。 行罹 而不動以死耳。 也 罹,憂也。 下章放此 百罹。 爰爰,緩意。 我生之初尚 尚, 或曰,興也。 叶良何反。 幾 而以 方我 而作 性耿 也。 無

> 寐無覺 尚 之後逢 雉離于罿 可以掩兔。 爰爰,雉 ,則亦死耳。 無造,我生之後逢此 或日 此 造亦「爲」也。 百 居孝反,叶居笑反。 于罦。 施羅於車 昌鍾反。 [X] 尚寐 音孚,叶步廟 上也 我生之初 覺,寤也。 無 百憂。 庸, 聦 〇比也。 用。 1 反。 尚 比也。 叶 聦 有兔爰爰, 一笑反。 我生之 聞 罦,覆車也。 庸,我 也 一、罬也, 初 所

《兔爰》三章,章七句。

反。 河 父,而彼亦不我顧,則其窮也甚矣。 族,而流離失所者,作此詩以自歎。言綿綿葛藟,則在 而不絶之貌。 他人父,亦莫我顧 終遠于萬反。 母。叶滿彼反。 之滸矣,今乃終遠兄弟,而謂他人爲己父。 ,識有 〇興 縣縣葛 也。 也。 音俟,叶矣始二音。 《春秋傳》曰 岸上日 藟, 水涯曰涘。 兄弟,謂他人父。 謂他人母,亦莫我有。 力軌反。 滸。 叶公五反。 〇世衰民散,有 謂他人父者,其妻則 「不有寡君。」〇 在 終遠兄弟,謂 河之滸。 ○縣縣葛藟 〇興 叶夫矩 也。 己雖謂 去其鄉 緜 縣縣,長 母也。 Ŧi. 羽 記彼爲 里家 反。 在 E 河

四四

反。 昆。 相聞也。 ○興也。 在 叶古勾反。 河 夷上洒下曰漘,漘之爲言脣也。 . 漘。 謂 順春 他 人昆,亦莫我聞。 反。 終遠兄弟 謂 昆,兄 他

《葛藟》三章,章六句。

屬,乾之可灸,故采之。 故采之。 曰三秋,則不止三月矣。 也。 蕭 因以指其人,而言思念之深,未久而似久也。 不見,如三歲本與艾叶。 叶疎鳩反。 蕭,萩也,白葉,莖麤,科生 賦也。 彼采葛叶居謁反。 采葛所以爲絺綌,蓋淫奔者託以行也。 兮, 一日不見,如三秋兮! 曰三歲,則不止三秋矣。 兮,一日不見,如三月 ,有香氣,祭則焫以報 兮 ! ○彼采艾兮,一 賦也。 ○彼采 艾,蒿 賦

《采葛》三章,章三句。

毳衣之屬,衣繪而裳繡,五色皆備,其青者如菼爾,淫奔 [相命之辭也。子,大夫也。不敢,不敢奔也。 爾 行聲也。 大車檻檻, 思,畏子不敢。 毳衣,天子大夫之服。 **毳**尺鋭反。 賦 也。 衣 大車,大夫車。 如 菼,蘆之始生 ○周衰 吐 敢 也 反

> 也。 叶户橘反。 色。五色備,則有赤。 大車 哼哼,他敦反。 庶幾死得合葬以同穴而已。「謂予不信,有如皦日」, 夫,自以終身不得如其志也。 思,畏子不奔。 大夫猶有 穀,生。穴,壙。皦,白也。 然其去《二南》之化則遠矣。 能以 謂予不信,有如 刑政治其私邑者,故淫 賦也。 ○穀 毳衣 哼哼,重 故曰: 則 如 〇民之欲相奔者,畏其大 皦古了反。 異 此可以觀世 璊 室,死 一遲之貌。 生不得相奔以同室。 音門。 奔者畏 則同穴。 一變也 日 ! 豈不 而 歌 之 爾 賦 如

《大車》三章,章四句

乎? 食也。 羊反。 有麻之處,復有與之私而留之者,今安得其施施 施,喜悦之意。○婦人望其所與私者而不來,故疑 可食,皮可績爲布者。 留之子, 貽我佩玖。 將其來食。 其來施施。 丘中有麻,彼留子嗟。彼留子嗟,將七 〇丘中 〇 丘 中有李,彼留之子。 賦也。子國,亦男子字也。來食,就 有麥,彼留 子嗟,男子之字也。 叶時遮反。 叶舉里反。 子國。 ○賦也。 ○賦也。之子,并 叶獎履反。 彼 麻,穀名,子 留 也。 我而 國 而 丘 來 中

指前二人也。「貽我佩玖」,冀其有以贈己也。

丘中有麻》三章,章 王國十篇,二十八章,百六十 ·四句。

二句。

以封其弟友爲采地。 其封域山川,詳見《檜風》。 難,是爲桓公。其子武公掘突定平王於東都,亦爲司 一之七鄭,邑名,本在西都畿内咸林之地。 又得號、檜之地,乃徙其封而施舊號於新邑,是爲 咸林在今華州鄭縣。 後爲幽王司徒,而死於犬戎之 新鄭即今之鄭州是也。 宣王

好,猶宜也。 之。且將適子之館,既還,而又授子以粲,言好之無已 故作是詩。言子之服緇衣也甚宜,敝,則我將爲子更爲 舊說鄭桓公、武公相繼爲周司徒,善於其職,周人愛之, 緇,黑色。緇衣,卿大夫居私朝之服也。宜,稱。改,更。 叶古玩反。 適子之館兮,還,予授子之粲兮。 緇衣之宜兮,敝,予又改爲兮。 )緇衣之好兮,敝,予又改造叶在早反。 粲,餐也。 )緇衣之蓆叶祥籥反。 兮,還,予授子之粲兮。 或曰: 粲,粟之精鑿者。 兮,敝,予 賦也 賦也。

> 其德則安舒也。 又改作兮。 賦也。 蔗,大也。 適子之館兮,還,予授子之粲 程子曰: 蓆有安舒之義。 服稱

賢如《緇衣》。」又曰: 《緇衣》三章,章四句。《記》曰: 「於《緇衣》見好賢之至。」 好

反。 反。 仲子兮,無踰我園。 樹也。○莆田鄭氏曰: 也,生水傍,樹如柳,葉麤而白色,理微赤,蓋里之地域溝 字也。我,女子自我也。里,二十五家所居也。杞,柳屬 多言,亦可畏也。 豈敢愛之,畏人之多言。仲可懷也,人之 可畏也。 我諸兄。 可畏叶於非反。 仲可懷叶胡威反。下同。也,父母之言 無踰我墻,無折我樹桑。 我樹杞。 將七羊反。 仲子兮,無踰 ,皮青,滑澤,材彊韌,可爲車。 叶虚王反。 賦 也。 豈敢愛之,畏我父母。 也。 墙,垣也。古者樹墻下以桑。 賦也。園者,圃之藩, 仲可懷也,諸兄之言,亦 賦也。將,請也。仲子,男子之 此淫奔者之辭。○將仲子 無折我樹檀。 我 豈敢愛之,畏 里,無折 其内可 叶徒沿反。 叶 滿 將

「將仲子》三章,章八句。

四

六

馬,不 外曰野。 野,叶上與反。 且好 反。 或疑此亦民閒男女相説之詞 非實無居人也,雖有而不如叔之美且仁,是以若無 之,故作此詩。 叔段也。事見 不如叔 美,好也。 巷無飲酒。 叔 如叔也 服 于 叶許厚反。 乘也。 田 也 《春秋》。 仁,愛人也。〇段不義而得衆,國 中 言叔出 巷無 」,洵美且武。 洵美且 地 豈無飲 〇賦 因 服 而田,則所居之巷若無居人矣。 田、取禽 反。 馬。 也。 也。 酒,不如叔 叶 冬獵曰狩。 無 也。 〇叔于狩,叶 賦也。 滿補 賦也。 巷,里 人。 反。 適,之也。 叔 也 塗 ,莊公弟共 贵 也。 無 叔 無 洵 人耳。 始九 人愛 服 適 美 居

《叔于田》三章,章五句。

兩馬曰驂。 素苦反。 如如 戒其傷女。音汝。 火,焚而射 組,音祖。 叔 火烈具舉,檀 于田,乘乘下繩證反。 如 舞,謂 將七芊反。 也。 兩 烈,熾盛貌。 諧和中 **驂如** 一音但。 ○賦也。 節。 舞。 叔 無 皆言御之善也。 具,俱也。 叔在 楊素歷反。 狃 馬,叶滿補反。 叔亦段也。 ,女九反 藪,素口反,叶 襢裼, ,叶女古 暴 車 肉袒 · 衡外

> 解也。 旰反。 阜。 反。 日: 也。 之兩手也。阜,盛。 苦定反。 襄 言其田事將畢,而從容整暇如此,亦喜其無傷之詞也。 齊首、如手,兩服並首在 姑弘反。 揚,起也。忌、抑,皆語助辭。 爲上駕,猶言上駟也。 四馬皆黄也。 曰縱,覆簫曰送。 叔善射忌,音記。 而鄭人愛之如此。 、兩驂鴈行。 暴,空手搏獸 兩服齊首,兩驂如手。 符有反。 掤、矢筩蓋、《春秋傳》作 忌,抑 請叔無習此事,恐其或傷女也。」蓋叔多材好勇 控口貢反。 忌。 衡下夾轅兩馬曰服 賦 釋掤音冰。 叔馬慢叶黄半反。 也。 也。 〇叔于田,乘乘鴇,音保,叶補 户郎反。 慢,遲 又良御叶魚駕反。● 忌,抑磬 忌,抑縱送忌。賦也。 鴈行者,驂少次服後,如鴈行 公,莊 驪白雜毛曰鴇,今所謂烏 叔于田,乘乘黄,兩 前,而 也。 公也。 聘馬曰磬,止馬曰控,舍拔 忌,抑鬯敕亮反。 冰」。 兩驂在旁,稍次其後,如人 叔在藪,火烈具揚。 發,發矢也 襄,駕也。 叔在藪,火烈具 狃 鬯,弓囊也,與韔 忌,叔發罕叶 習 也 馬之上 或 人戒 乘黄 騘 弓叶 也 也

《大叔于田》三章,章十句。 陸氏

<sup>「</sup>叶」,原作「吁」,據元本、明甲本、明乙本改。

有大叔之號,而讀曰泰,又加「大」于首章,失之皆曰「叔于田」,故加「大」以别之。不知者乃以段曰:「首章作「大叔于田」者誤。」蘇氏曰:「二詩

好。 陶 **麃**鷹,武貌。矛之上句曰 敗而後已爾。 出之久,無事而不得歸,但相與遊戲如此,其勢必至於潰 河上。久而不召,師散而歸,鄭人爲之賦此詩。 翔,遊戲之貌。 丈,夷矛長二丈四尺,並建於車上,則其英重累而 二矛, 酋矛、夷矛也。 上地名。 乎 叶補岡 也 徒報反,叶徒候反。 存者喬而已。 一矛重喬,河上乎逍遥。 呼報反,叶許候反。 而自適之貌。 反。 還車也。 駟 介,四 賦 在彭 二矛 也。 〇清人 〇鄭文公惡高克,使將清邑之兵禦狄 )清人 重直 馬 ,叶普郎反。 清,邑名。 左,謂御在將車之左,執轡而御馬 左旋右抽,叶勑救反。 而被甲 謂 英,以朱羽爲矛飾也。 八在軸 勇力之士,在將車之右,執兵以 在消,駟介麃 一龍反。 喬,所以懸英也。 ○賦也。 也。 清人,清邑之人也。 ,叶音胄。 英,叶於良反。 駟介旁旁。 賦也。 旁旁,馳驅不息之貌。 軸 亦河 消 應。 駟 英弊而盡,所 亦河上地名。 上 介陶 中軍: **酋矛長**二 地 表驕反。 補彭反 名。 見。 河 其 作

> 不 即高克也。 擊刺者也。 歸,無 而言將潰,其詞深,其情危矣。」 所 聊 好,謂 抽,拔 賴, 姑 刃 容好。 遊戲以 也。 中 ○東萊吕氏 自樂,必潰之勢也。 將在鼓下, EI: 「言師久而 居車之中, 不

所制爾。 莫之卹乎?」《春秋》書曰: 亦可也。 情狀未明,點而退之可也, 〇胡氏曰: 清人》三章,章四 烏可假以兵權,委諸竟上,坐視其 使高克不臣之罪已著,按而誅之可 「人君擅一國之名寵,生殺予奪, 愛惜其才,以 一句。 鄭棄其師。」其 事見《春 禮馭之 散 也; 秋 惟 而

叶 武有力。 美其大夫之詞。 如濡,潤澤也。 不 者,當生死之際,又能以身居其所受之理而不可 洪姑、洪鉤二反。 渝。 羔裘如 渝,變也。 叶 容朱、容周二反。 彼其之子,邦之司直 濡 洵,信。 然不知其所指矣。 〇言此羔裘潤澤,毛順而美。 叶 彼其音記。 而 直,順。 朱、 而 〇賦 由二 侯,美也。 也。 之子,舍音 反。 羔裘,大夫服 洵直且 賦也。 其,語 彼服 助 也 此

❶ 「好」下,明甲本、明乙本有「也」字。

四七

子,邦之彦叶魚旰反。 司,主也。 英,裘飾也,未詳其制。 粲,光明也。 彦者,士之美稱。 孔,甚也。 () 羔裘晏兮, 《羔裘》三章,章四句。 豹甚武而 用 純 物, 臣 有力,故服其所飾之裘者如之。 兮。賦也。晏,鮮盛也。 下 · 之,故 三英粲兮。 羔 裘 而 以 彼其之 豹 皮爲

路兮攬子袪」之句,亦男女相説之詞 無惡我而不留, 反。 兮, 摻執子之手兮。 〇淫婦爲人所棄,故於其去也,擥其袪而留之曰: 不以己爲醜而棄之也。 遵大路兮,摻所覽反。 寁好叶許口反。 也。遵,循。 無我惡烏路反。兮,不寁币坎反。 故舊 |不可 摻,擥。袪,袂。寁,速。故,舊也。 `以遽絶也。」宋玉《賦》有「遵大 好,情好也 無我魗、 也。 執子之祛。叶 賦 也。 市由反,叶齒九反。 也 魗,與 ○遵大路 醜 同。 起據 子 欲

晦 爛 日 明 也 翱 鳴、士曰昧 將 昧 旦, 翔 天欲旦, , 弋 鳧 音 日。 晦 符。 明未辯 子 與 興 之際 鴈。 也 也。 明

《遵大路》二章,章四句。

之來叶六直反。 與子偕老。叶魯吼反。 賢夫婦相警戒之詞。言女曰雞鳴,以警其夫。 子之順之,雜 亦莫不安静而和好。其和樂而不淫可見矣。 味之所宜,以之飲酒相樂,期於偕老。 繳加諸鳧鴈之上」是也。宜,和其所宜也。 叶許厚反。 之,與子宜叶魚奇、魚何二反。 宴昵之私可知矣。 往,弋取鳧鴈而歸矣。 以起而視夜之如何。 而 玉,兩端皆鋭曰衝牙。 繫三組,貫以蠙珠。 之,雜佩 「鴈宜麥」之屬是也。 脩文德以來之」。 一,則不止於雞鳴矣。 故婦謂其夫: 其末各懸一玉,如半璧而 繁珩,兩端下交貫於瑀 明 之星,先 鳧,水鳥,如 以 ○賦也。 報之。 日 佩以問之。 雜佩者,左右佩玉 之,雜佩以贈叶音則。 而 中組之半,貫一大珠 既得鳧鴈以歸,則我當爲子和 意者明星已出 加,中也。《史記》所謂「以 〇 弋 〇射者男子之事,而中饋 婦人又語其夫曰: 鴨,青色,背上有文。 出 其相與警戒之言如此,則 兩旁組半各懸一玉 賦也。 者 也。 琴瑟在御,莫不静 言加叶居之、居何二反。 ,而下繫於 内 來之,致其來者 七,繳 一向,日 知子之好呼報反。 之。宜言飲 而爛然,則當 也。 而琴瑟之在御者: 璜。 兩 璜 謂 日 上横 長博而 若是,則 《内則》所謂 〇此 又以 瑀。 以 之。 〇知子 而 生 如如 曰珩,下 婦 兩 弱 不留 士 組貫 其滋 人之 弓微 方日 翔 子 百昧 所 酒 謂 而 可

親賢友善,結其驩心,而無所愛於服飾之玩也。 佩以送遺報答之。」●蓋不唯治其門内之職,又 曰 皆是也。 而 「我苟知子之所致 贈, 也。 氏 順,愛。 日 而來,及所親愛者,則 非獨玉也 問,遺也。 〇婦又語 欲 將 解此 凡 其 可 雜 夫

# 《女曰雞鳴》三章,章六句

反。 將將,聲也。 舜英。叶於良反。 同車之女,其美如此,而又嘆之曰: 美矣,而又都也。] 〇有女同 翔 舜,木槿也,樹如李,其華朝生暮落。 洵,信。都,閑雅也。〇此疑亦淫奔之詩。 彼美孟姜,德音不忘。 有女同車, 顔如舜 佩玉瓊琚。 德音不忘,言其賢也。 將翱將翔,佩玉將將。七菩 彼美孟姜, 華。 一行,叶户郎反。 賦 叶芳無反。 「彼美色之孟姜,信 洵美且 也。 英,猶華 孟,字。 言所與 顔如 姜, 也 賦

《有女同車》二章,章六句。

子都 木也。 且 荷華,扶渠也。子都,男子之美者 乃見狂且。 有扶蘇,隰 也。 〇淫 女戲 子餘反。○興也。 其 荷 所 華。 私 者 叶 日 芳 無反。 也。 扶蘇,扶胥,小 Ш 則 狂,狂 有 不 法蘇 X

> 狡童。 也。 矣,隰則有 Ш 子充,猶子都也。狡童,狡獪之小兒也 龍,紅草也,一名馬夢,葉大而色白,生水澤中,高 有 興也。 橋 荷華 松, 上竦無枝曰橋,亦作喬。 矣,今乃不見子 有游 龍。 都,而 不見子充,乃見 見 此 游,枝葉放縱 狂 人何

山有扶蘇》二章,章四句。

匹遥反。 則盍倡予,而予將和女矣。 此淫女之詞。言蘀兮蘀兮,則風將吹女矣。 叔、伯,男子之字也。予,女子自予也。 女。興也。 兮伯兮,倡,昌亮反。 也 蘀他落反。 漂、飄同。要,成也。 女。叔兮伯兮,倡,予要於遥反。 蘀,木槁而將落者也。 兮蘀兮,風其吹女。 予和 〇蘀兮蘀兮,風其漂 胡卧反, 女, 指 女,叔、伯也。 叔兮伯兮 叶 蘀 音汝。 户主 而 言 也 反。 叔 0

《蘀兮》二章,章四句

興

彼狡童兮,不與我言兮。 維子之故

- 明甲 本、明乙本作「當」。
- 甲本、 明乙本有「語」字。

子之故,使我不能息兮。赋也。息,安也。使我不能餐也。○彼狡童兮,不與我食兮。維女見絶而戲其人之詞。言悦己者衆,子雖見絶,未至於使我不能餐七丹反,叶七宣反。兮。賦也。此亦淫

《狡童》二章,章四句。

亦鄭水名。 惠思我,褰裳涉洧。叶于己反。 而必於子哉!「狂童之狂也且」,亦謔之之辭。 將褰裳而涉溱以從子。子不我思,則豈無他人之可從 且,語辭也。〇淫女語其所私者曰: 賦也。惠,愛也。 他 ,豈無他人。狂童之狂也 子惠思我,褰裳涉溱。 士,未娶者之稱。 鉏里反。 溱,鄭水名。狂童,猶狂且狡 狂童之狂也且 道 ! 側 子惠然而思我 子不我思,豈 巾 反。 子餘反。○ 賦也。 〇子 也

《褰裳》二章,章五句。

異志不從,既則悔之,而作是詩也。○子之昌兮,巷,門外也。○婦人所期之男子已俟乎巷,而婦人以有叶胡貢反。兮,悔予不送兮。賦也。丰,豐滿也。子之丰芳容反,叶芳用反。兮,俟我乎巷

**豈無駕** 謂嫁曰歸 錦褧衣 其始之不送而失此人也,則曰: ○賦也。褧,襌也。叔、伯,或人之字也。 將,亦送也。 俟我乎堂兮,悔予不將兮。 製裳。 車 以迎我而偕行者乎?」〇裳錦褧裳,衣 叔兮伯兮,駕予與歸。 叔兮伯兮,駕予與行。 ○衣於既反。 錦褧苦迥 「我之服飾既盛備矣 賦也。 反。 〇婦人既 賦也。 叶户郎反。 壯 貌。

《丰》四章,二章章三句,二章章

四句。

也。 列貌。 於反。 邇人遠者,思之而未得見之詞也。 墠,墠之外有阪,阪之上有草,識其所與淫者之居也。 藘,茅蒐也。一 甚遠。賦也。 即 門之旁有栗,栗之下有成行列之家室,亦 東門之墠,音善,叶上演反。 就也。 在阪。 音反,叶孚臠反。 豈不爾思,子不我即。 名茜,可以染絳。 東門,城 東門也。 陂者曰阪。 〇東門之栗,有 其 墠,除地町 室則 茹 賦 音 (邇,其. 也。 門之旁有 町町 識其 茹

東門之墠》二章,章四句。

膠。 洧反。 也。 〇賦 奚反。 見其所期之人而心悦也。 指所期之男子也。夷,平也。○淫奔之女,言當此之時, 也。 言積思之病,至此而愈也。 晦,昬。已,止也 叶音驕。 風 喈喈,雞鳴之聲。 既見君子,云胡不夷。 雞鳴不已。 瀟瀟,風雨之聲。膠膠,猶喈喈也。瘳,病愈 雨凄凄,子西反。 既見君子,云胡不瘳。 既見君子,云胡不喜。 風雨晦冥,蓋淫奔之時。 〇風雨 雞鳴喈喈。 風 賦也。 瀟瀟,雞鳴膠 雨 如晦,叶 叶憐蕭反。 凄凄,寒凉 音皆,叶居 賦 呼

《風雨》三章,章四句。

青,組綬之色。 縱我不往,子寧不來。 我,女子自我也。嗣音,繼續其聲問也。 衣純以青。子,男子也。衿,領也。 往,子寧不嗣音。 青青子佩,叶蒲眉反。 他悦反。 青青子衿,音金。 佩,佩玉也。 兮,在城闕兮。 賦也。 〇挑他刁反。 悠悠我心。 悠悠我思。 青青,純緑之色。 具父母: 叶陵之反。 悠悠,思之長也。 此亦淫奔之詩。 日不見,如 〇賦也。 叶新齎反。 兮達他末 縦我不

> 《子衿》三章,章四句。 三月兮。賦也。挑,輕儇跳躍之貌。達,放恣也

《揚之水》二章,章六句。

洛。 作此詩。以爲此女雖美且衆,而非我思之所存。不如己 目其室家也。員,與云同,語詞也。○人見淫奔之女而 白色。綦,蒼艾色。縞衣、綦巾,女服之貧陋者。此人自 我思存 之室家,雖貧且陋 我員。于云反。〇賦也。如雲,美且衆也。 出其東門,有女如雲。 編古老反。 ,而聊可自樂也。 衣綦巨基反。 是時淫風大行, 雖 則如雲,匪 巾, 聊樂音

思且。 惡之 闍 闉,曲城也。 乃 心, 有如此之人,亦可謂能自 子餘反。 皆有 藘,可以染絳,故以名衣服之色。娱,樂也 有女如荼。 闍,城臺也。茶,茅華,輕白可愛者也。 之,豈 縞衣 不 , 遊薦, 信 音徒。 哉 好 而 聊 不爲習俗所移 雖則 可與娱。 出 如如 其 茶, 闡 矣。 賦 匪 音 且 也 因。 我

(出其東門))二章,章六句。

得以適我願矣。 則零露溥矣; 遇於野田草露之閒,故賦其所在以起興。 揚,眉目之閒婉然美也。 而興也。 五遠反。 有 所欲也。 一人,清揚婉兮。 野有蔓草,零露漙 婉如清揚。 瀼瀼 兮。賦而興也。 亦露多貌。 有美一人,則清揚婉矣; 〇野有蔓草,零露瀼瀼。 邂 邂逅,不期而會 逅相遇,與子偕 臧,美也。 蔓,延也。 邂 徒端反,叶上兖反。 近相 與子偕臧,言各得 遇,適 溥,露多貌。 也。 言野有蔓草 邂逅相 〇男女相 我 臧。 遇,則 有美 願 清 叶

《野有蔓草》二章,章六句。

溱與洧,方涣涣叶于元反。兮。 士與女,

女相與 士與 且。 往觀乎?」蓋洧水之外,其地信寬大而可樂也。 冰解而水散之時 士 奔者自叙之詞。 「盍往觀乎?」士曰: 上巳之辰,采蘭水上,以祓除不祥。 藥,亦香草也,三月開華,芳色可愛。 節,節中赤,高四五尺。 方 曰 深貌。 與 既 ,贈之以勺 秉 女,伊其將謔,贈之以勺藥。 且往觀乎? 女,殷其盈矣。 且 萠 、戲謔,且以勺藥相贈 古 殷,衆也。將,當作「相」,聲之誤也 顔 子 且. 反,叶 餘 也。 樂。 藥。 反。 〇溱與 古賢 「吾既往矣。」女復要之曰: 荫,蘭也,其莖葉似 音洛。 且往 且,語 賦而興也。 洧之外,洵訏 反。 , ①而結恩情之厚也。 洧,瀏音留。 女曰觀乎? 一觀乎? 辭。 維 兮。 洵,信。 涣涣,春水盛貌。 故其女問於士 與 〇鄭國之俗,三月 女曰 女,伊 洧 澤蘭, 且樂。 訂,大也。 之外, 其 觀 賦 而 乎 此詩淫 於是士 廣 興 而 日 且 既 相 洵 勺

《溱洧》二章,章十二句。

百八十三句。《鄭》、《衛》之樂,皆爲淫聲。鄭國二十一篇,五十三章,二

「相」,明甲本、明乙本作「爲」。

詩卷第四

觀,豈不信哉!

五三

### Ŧi.

#### 朱熹

《禹貢》爲青州之域,周武王以封太公望。 歸之,故爲大國。 齊一之八齊,國名,本少昊時爽鳩氏所居之地, 四岳之後。 .至于河,南至于穆陵,北至于無棣。太公,姜姓,本 既封於齊,通工商之業,便魚鹽之利,民多 今青、齊、淄、潍、德、棣等州,是其地 東至于海

以爲真。 之聲也。 矣。」欲令君早起而視朝 將旦之時,必告君曰: 鳴,蒼蠅之聲。 人叙其事 雞既鳴矣,朝音潮。 蓋賢妃 而 其心存警畏而不留於逸欲,何以能此? 美之也。 當夙興之時,心常恐晚,故 賦也。 也。 「雞既鳴矣,會朝之臣 言古之賢妃御於君 然其實非雞之鳴也,乃 東方明叶謨郎 既 盈矣。 聞其似 反。 所,至 既 者而 已 則 於

> 歸矣。 矣,無庶予子憎。 賦 子同寢而夢哉? 甘,樂。會,朝也。○此三告也。 朝既昌矣。 蟲飛薨薨,甘與子同 也。 東方明 無乃以我之故而并以子爲憎乎? ,則日將出矣。 匪 然羣臣之會於朝者,俟 東方 賦也。 則 明, 昌,盛也。 蟲飛,夜將旦而百蟲作 言當此時,我豈不樂與 叶莫縢 同 上。 君 此再告也。 反。 月 不出,將散 出 會且 己光。 也 歸

雞鳴》三章,章四句。

反。 從,逐也。 儇許全反。 閒叶居賢反。 也 也 並 從兩牡兮,揖我謂我好叶許厚反。 不美可見,而其來亦必有所自矣。 且以便捷輕利相稱譽如此,而不自知其非也。則其俗之 茂,美也。 聖經從 兮,遭我乎峱之道叶徒厚反。兮。 子之還音旋。 南 日陽。 兩狼兮,揖我謂我臧兮。 獸三歲曰肩。 兮。 兮。 子之昌兮, 賦也。 ,似犬,鋭頭 並驅從兩肩兮, 兮, 遭 儇,利也。 還,便捷之貌。 遭我 ,白頰 我 〇獵者交錯於道路 乎 〇子之茂叶莫口 高前 乎峱之陽兮。 峱 賦也。 兮。 猛,山 揖 乃刀反。 廣 我謂 賦 並 名 也。 也 我

五四四

## 《還》三章,章四句。

閒也。 石似玉者,即所以爲瑱也。 乎一而。賦也。俟,待也。我,嫁者自謂也。 道婦及寢門揖人時也。●○俟我於堂乎而 外。瓊瑩,亦美石,似玉者。 瓊瑩音榮。乎而。 揖以人。時齊俗不親迎,故女至壻門,始見其俟己也。 往婦家親迎,既奠鴈,御輪而先歸,俟于門外。婦至,則 以 《昬禮》所謂升自西階之時也 黄乎而,尚之以瓊英叶於良反。 侯我於庭乎而,充耳以青乎而,尚之以 素叶孫租反。乎而,尚之以瓊華叶芳無反。 瓊英,亦美石似玉者。 充耳,以纊懸瑱,所謂紞也。 俟我於著直據反,叶直居反。 賦也。 〇東萊吕氏曰: 〇吕氏曰: 〇吕氏曰: 庭,在大門之内、寢門之 尚,加 升階而後至堂 乎而,充耳 此《昏禮》謂婿 也。 乎而。賦 《昬禮》,婿 著,門屏之 ",充耳 瓊華,美

《著》三章,章三句。

室兮。在我室兮,履我即兮。興也。履,躡。東方之日兮,彼姝赤朱反。者子,在我

行去也。言躡我而行去也。兮,履我發叶方月反。兮。興也。闥,門内也。發,兮,彼姝者子,在我闥叶它悦反。兮。 在我闥即,就也。言此女躡我之跡而相就也。○東方之月即,就也。言此女躡我之跡而相就也。○東方之月

《東方之日》二章,章五句。

莫。 號令也。 所以然者,以有自公所而召之者故也。 **瞿瞿**。俱具反。 力證反,叶力呈反。 晞,顛倒裳衣。 而又已有從君所而來召之者焉,蓋猶以爲晚也。或曰: 無節,號令不時。言東方未明而顛倒其衣裳,則既早矣, 自,從也。羣臣之朝,别色始人。〇此詩人刺其君興居 顛之倒叶都妙反。之,自公召之。 東方未明,叶謨 〇折音哲。 圃、菜園 〇 比 也。 不能辰夜,叶羊茹反。不夙 也。 倒之顛叶典因反。之,自公令 之。賦也。 柳,楊之下垂者,柔脆之木也。 柳樊圃,叶博故反。❷ 狂夫 瞿瞿,驚顧之貌。夙,早也。 郎 反。 晞,明之始升也。 顛 倒 〇東方未 都 老反。 賦 也 則 衣

- 「禮」下,元本有「所」字,「入」下,元本有「之」字。
- ❷ 「叶」,原脱,據元本、明甲本、明乙本補

五六

折 辰夜之限甚明,人所易知,今乃不能知,而不失之早, 之莫也 柳 樊 圃 雖 不 足 一件, 然 狂 夫見之猶 驚 顧 而 不 敢 越。 以 則 比

窮

### 《東方未明》三章,章四 句

之獸。 子容 乎魯矣,襄公何爲而 由,從也。 何 也。從,相從也。 雙,物各有偶,不可亂也。 止 道 字,又音亮。 山有狐,以比襄公居高位而行邪行。 也。齊子,襄公之妹,魯桓公夫人文姜,襄公通焉者也 止 ? 蕩 有蕩, ? ,齊子由 反。 止,曷又鞠居六反。 比也。 南 綏綏,求匹之貌。魯道,適魯之道也。 比也。 必告工毒反。 山崔崔, 婦人謂嫁曰歸。 其 齊子庸 冠 兩,二屨也。 歸。 畝 南山 緌 ,齊南山也。 加 莫後反。 既 子雖反。 ) 蓻麻. 復思之乎? 誰反。 咋 父母。莫後反。 庸, 矮,冠上飾 懷,思也。 歸 如之何? 既曰 止 ? 雙叶所終反。 用 止,曷又懷叶胡威 雄狐綏綏。 取 崔崔,高大貌。 也。 七 ○葛屨 庸 興 且文姜既從此道 喻 也。 止,語解 用此道以嫁于魯 也 反。 止,曷又 衡音横。 屨必兩,緌 既 蓻,樹 岸 Ŧi. 日告同 魯道有 狐,邪 蕩,平易 兩,如 如之 〇言南 從 反。 鞠 從 魯 必 歸 媚

> 不克。 之得窮其欲而 必先告其父母。 也。 ,曷又極止? 興也。 0 取妻如之何? 欲 樹 至此哉? 麻 今魯桓公既告父母而取妻矣,又曷爲使 者,必 先縱橫 克,能也。 析薪如之何? 匪媒不得。 耕 治 其田 極,亦窮也 畝。 既 欲 取 日 妻 者 得 斧

以告。 티 : 車。」此詩前 公會齊侯于濼,遂及文姜如齊,齊侯通焉,公謫之, 有家,男有室,無相瀆也,謂之有禮。 公十八年,公與夫人姜氏如齊。 「公將有行,遂與姜氏如齊。 《南山》四章,章六句。 夏四月,享公。使公子彭生乘公,公薨于 二章刺齊襄,後二章刺魯桓 公薨于齊。」《傳 申繻曰: 《春秋》: 易此,必 敗。」 了女 桓

心 也。 矣。 不給 音高。 怛 王之意。 田 怛 ,謂耕治之也。 猶忉忉 以戒時人厭小而務大,忽近而 ,則草盛矣。 怛。 無 無 無 忉忉,憂勞也。○言無田甫田也 田 也。 思遠 田 叶 音佃。 旦悦 甫 無思遠人也,思遠人而 田 甫,大也。 婉兮變叶龍眷反。 反。 甫田,維莠羊九反。 ,維莠桀桀。 勞 〇比也。 心 莠,害苗 切切。 桀桀,猶 圖遠,將徒勞 之草 無 音 人不至,則 兮,總 思遠人 也。 刀。 田田 驕驕也。 驕 甫 0 騎。 驕 田 耐 角 驕, 比 心勞 無功 而 丱 也 怛 叶

欲 遠、能循其序而脩之、則 蓋循其序而勢有必至耳。 見之未久,而忽然戴弁以 多時也。 而 古患反,叶古縣反。 弁兮。 則反有所不達矣。 突,忽然高出之貌。 比也。 婉孌,少好貌。 兮。 河以 出者,非其躐等 此又以明小之可大, 邇之可 未幾居豈反。 忽然而至其極。 弁,冠. 丱,兩角貌。 名。 〇言總角之童 而强求之也。 見兮,突 若躐等而 未幾,未

《甫田》三章,章四句

用耳。 也。 梅。 犬也。 也。 盧重直龍反。 偲,多鬚之貌,《春秋傳》所謂「于思」,即此字,古 重環,子母環也。 其人美且 令令,犬頷下環聲。 盧令令,音零。 一。 環,其 鬈,鬚鬢好貌。 七才反。 其人美且仁。 0 美 此 ○賦也。 詩大意 且 鬈。 ○盧 與《還》 鋂,一 賦 音權。 也。 重 主鋂,音 環貫二 畧 盧,田 〇賦 同。

《盧令》三章,章二句。

齊子 敝笱在梁,其魚 止 魴 一, 其 鰥,大魚也。 從 オ 用 歸, 反。 魴 鰥。 歸齊 如 雲。 也 古 頑 反,叶 如 比 雲,言衆也 也。 古倫反 敝 壞

> 比也。 厚而頭大,或謂之鰱。 才吕反。 歸 〇齊人以敝笱不能制 其魚唯唯。 齊而 唯 從之者衆 唯,行出人之貌。如水,亦多也 齊子歸止,其從如 唯癸反。 也。 大魚,比魯莊公不能 如雨,亦多也。 齊子歸 敝笱在梁, 雨。 止 比也。 其 其 敝 防閑文姜,故 從 魚 鱮 如 魴 在 ,似魴

年,「夫人姜氏會齊侯于防」,又「會齊侯于穀」。氏享齊侯于祝丘」。五年,「夫人姜氏如齊師」。七公二年,「夫人姜氏會齊侯于禚」。四年,「夫人姜公二年,「夫人姜氏會齊侯于禚」。四年,「夫人姜

汶音問。 弟。 濔。 公也。 魯道 發夕,謂離於所宿之舍。 鞹,獸皮之去毛者。 薄,疾驅聲。 濔、柔貌。 乃禮 叶 載驅 有 待禮反。 蕩, 四 水湯湯,失章反。 反。 簟,方文席也。 豈弟,樂易 薄薄,普各反。 驪 齊子 魯道 力馳反。 〇賦 蓋車革質而朱漆也。 ,發夕。 有 也。 也。 〇齊人刺文姜乘此車而 蕩,齊子豈開 驪,馬黑色也。 濟濟,子禮反。 茀,車後户 言無忌憚羞愧之意也。 行人彭彭。 叶祥龠反。 簟 市 也。 朱鞹。 夕,猶 改反,後同 0 濟 朱,朱漆 濟, 賦 垂 苦郭 必亡反。 來會 也。 美貌 宿 濔 也 也 反 薄

五八

魯道 亦以見其無恥也。 北二國之竟。 滔滔,流貌。 有蕩, 表驕反,叶音褒。 湯湯,水盛貌。 齊子 儦儦, 衆貌。 ○汶水滔滔,吐刀反。 翱 魯道有蕩,齊子遊 翔。 彭彭,多貌。言行人之多, 賦 遊遨,猶翱翔也 也。 汶,水名,在齊南魯 行人儦 遨。

《載驅》四章,章四句。

正音征。 若曰: 莊公也。十八年桓公乃與夫人如齊,則莊公誠非齊侯之 甥而又以明非齊侯之子。此詩人之微詞 布侯而設正。 的於侯中而射之者也。 成,言其終事而 稱也。言其威儀技藝之可名也。清,目清明也。 揚、目之動也。蹌、趨翼如也。臧、善也。 莊公威儀技藝之美如此,所以刺其不能以禮防閑其母 猗嗟,歎辭。昌,盛也。頎,長貌。 兮,美目揚兮。 公三年,❶「夫人姜氏至自齊」,六年九月「子同生」,即 猗嗟昌兮, 頒音析。 「惜乎,其獨少此耳!」 〇猗嗟 兮,展我甥叶桑經反。兮。賦也。 儀既成兮,終日射食亦反。 展,誠也。 :禮無違也。侯、張布而射之者也。 巧趨蹌兮,射則臧兮。 大射則張皮侯而設鵠,寶射則 姊妹之子曰 而長兮。 抑而若揚,美之盛也 甥。 也。 言稱其爲齊之 名兮,美目 〇齊人極道 按《春秋 若 名,猶 賦 也。 揚

> 子也。 處也。 兮。賦也。孌,好貌。 兮。 長萬可見矣。 婉,亦好貌。選,異於衆也,或曰: 而貫革也。 四矢反叶孚絢反。 言莊公射藝之精可以禦亂。 ) 猗嗟 舞則選雪戀反兮, 四矢,禮射每發四矢。 變 叶 龍 清,目之美也。 眷反。 兮,以禦 兮, 反,復也,中皆得其故 射則 齊於樂節也。 如以金僕姑射南 揚,眉 亂 貫 揚 叶 叶 婉 之美也 叶 眷反。 縣反。 紆

外,嗟嘆再三,則莊公所大闕者,不言可見矣!」 外,嗟嘆再三,則莊公所大闕者,不言可見矣!」 耳。」東萊吕氏曰:「此詩三章,譏刺之意皆在言好,威刑以馭下,車馬僕從莫不俟命,夫人徒往母,威刑以馭下,車馬僕從莫不俟命,夫人徒往母,威刑以馭下,車馬僕從莫不俟命,夫人徒往國君乎? 君者,人神之主,風教之本也。不能正國君乎? 君者,人神之主,風教之本也。不能正國君乎? 超子曰:「夫死從子,通乎其下,况以制母乎?」趙子曰:「夫死從子,通明三「子可以制母乎?」,

四十三句。

齊國十

一篇,三十四章,

百百

傳・桓公三年》。「三」,原作「二」,據明甲本、明乙本。按,真

爲晉獻公所滅而取其地。今河中府 而民貧俗儉,蓋有聖賢之遺風焉。 篇中「公行」、「公路」、「公族」,皆晉官,疑實晉詩。又 於《唐風》之前。 蘇氏曰: 首之北,析城之西,南枕河曲,北涉 之九魏,國名,本舜、禹故都,在《禹貢》冀 「魏地人晉久矣,其詩疑皆爲 猶《邶》、《鄘》之於《衛》也。」今按: 周 汾 解州 初 水。 晉 以 即 封 其地 而作,故列 其地 同 姓 州 雷

恐魏亦嘗有此官,蓋不可考矣。

必左。 銜反。 之云耳。 〇賦 揥。 提,徒兮反。 廟見之稱也。娶婦三月廟見,然後執婦功。 寒凉之意。夏葛屨,冬皮屨。 此,若無有可 而遂服之也。 急,故以葛屨履霜起興,而刺其使女縫裳,又使治其要襋 襋,衣領。好人,猶大人也。 〇魏地陿隘,其俗儉嗇而 也。 之,好人服叶蒲北反。 勑帝反。 糾糾吉黝反。葛屨,可以 女手,可以縫裳。 提提,安舒之意。 ,所以摘髮,用象爲之,貴者之飾也。 刺 宛於阮反。 此詩疑即縫裳之女所作。 矣,所以刺之者,以其褊迫急促,如 維是褊 心,是以爲刺。 然左辟,音避。 宛然,讓之貌也。 摻摻,猶纖 之。興也。 要於遥反。 履霜。 纖也。 〇好人提 之襋紀 糾糾,繚 佩其象 要,裳要。 摻摻所 叶音砌。 其人如 女,婦未 而 辟 者 戾 力

《汾沮洳》、《園有桃》三詩,皆言其急迫瑣碎之意。隘,計較分毫之閒,而謀利之心始急矣。《葛屨》、雖失中,本非惡德。然而儉之過,則至於吝嗇迫句。廣漢張氏曰: 夫子謂與其奢也寧儉。則儉

其之子,美如玉。 之公行也。○彼汾一曲,言采其藚。 英,華也。公行,即公路也,以其主兵車之行列,故以謂 於良反。 汾一方,言采其桑。彼其之子,美如 美則美矣,然其儉嗇褊急之態,殊不似貴人也。 夫之庶子爲之。○此亦刺儉不中禮之詩。 度,言不可以尺寸量也。公路者,掌公之路車,晉以卿大 濕之地。莫,菜也,似柳葉,厚而長,有毛刺,可爲羹。 族,掌公之宗族,晉以卿大夫之適子爲之。 之子,美無度。 一方,彼一方也。《史記》: 一曲,謂水曲流處。 蕢,水舄也,葉如車前草。 彼汾沮洳 美如英,殊異乎公行。户郎反。 出太原府晉陽山 ,言采其莫。 美無度,殊異乎公路。 美如玉,殊異乎公族。 ,西南人河。 「扁鵲視見垣一方人。」 音慕。 沮洳,水浸處下 言若此人者 彼其音記 音續。 英。 興 〇興 彼 叶

五九

國。 憂也。 之? 之非我,特未之思耳,誠思之,則將不暇非我 驕也。於是憂者重嗟歎之,以爲此之可憂初不難知,彼 者,見其歌謡 其實之 殺矣; 矣,其誰知之? 其誰知之,蓋亦 是哉,叶 且 彼人是哉,子曰何其? 心之憂矣,其誰知 言獨何爲哉? 齎反。○興也。殽,食也。合曲曰歌,徒歌曰謡。 袁 謡 聊,且畧之辭也。歌謡之不足,則 ○詩人憂其國 叶于逼反。不我知者, 有棘,其實之食。心之憂矣,聊以行 袁 極,至也。 其誰知之,蓋亦勿思。 音遥。 有桃,其實之殽。 將黎反。 而反以爲驕,且曰彼之所爲已是矣,而子之 心有憂,則我歌且謡矣。 蓋舉國之人莫覺其非,而反以憂之者爲 不我知者,謂我 罔極,言其心縱恣無所至極。 小而無政,故作是詩。 子曰 [何其? 心之憂矣, 謂我士也罔極。 士也 興也。 音基。 出遊於國 然不知我之心 勿思。 言園 棘,棗之短 心之憂 而自憂矣。 有 中 其,語 彼人 叶 而 新 則

《園有桃》二章,章十二句。

予子行役,夙夜無已。上慎旃哉,猶來無陟彼岵音户。兮,瞻望父兮。父曰嗟,

同作同 死 ! 役,夙 屺。 寐。 母叶 也。 也! 之曰: 言曰: 兮,瞻望兄叶 言其勞之甚也。 不忘其親, IŁ. 一蓋生則 季,少子也。 言無爲人所獲也。」〇陟彼屺音起。 滿彼反。 上慎旃哉,猶來無棄! 止,不得自如 叶想止反。 夜必偕。 「庶幾 賦 嗟乎,我之子行役,夙夜勤勞不得止息。」又祝 也。 故登 必歸,死則 兮。 慎之哉,猶可 Ш Ш 棄,謂死而棄其尸也。 無草木曰 虚王反。 尤憐愛少子者,婦人之情也。 以 ○賦也。 叶舉里反。 也 望其父之所 母曰嗟,予季行役,夙夜 止而不來矣。 兮。 岵。 以 山脊曰岡。 來歸。 上,猶 上慎 在 兄曰嗟,予弟行 賦也。 因想 尚 無止 旃哉,猶 或曰: 也。 必偕,言與其 像其父念己之 〇陟彼 於彼而 兮,瞻 山有草木 〇孝子 無寐,亦 止, 行 出 無 Ė 來 役

《陟岵》三章,章六句。

思與其友歸於農圃,故其詞 將 郊外所受場圃之地 心也。 兮,行與子還叶音旋。 還,猶 十畝之閒 歸 也。 ,叶居 也。 〇政 賢反。 閑閑,往來者自得之貌。行, 亂國 如此。 危,賢者不樂仕於其 兮。 兮,桑 〇十畝之外叶五 賦也。 閑 十畝之閒. 叶 胡 而 田

墜反。 賦也。 畝之外,鄰圃 者 泄 泄 以 也。 世 反。 泄 泄, 兮,行 猶 開開 與子 也。 逝 浙

## 一一畝之閒》二章,章三句

志蓋如 是真能不空食者。後世若徐稺之流,非其力不食,其厲 獸,是以甘心窮餓而不悔也。 干,則河水 然其志則 言有人於此用力伐檀,將以爲 廛。狩,亦獵 彼君子兮,不素 不 》「斷斷猗」、《大學》作「兮」、《莊子》亦云 也。 坎坎, 獵,胡瞻爾 不 坎坎伐檀叶徒※反。兮,寘之河之干叶 自以爲不耕則不可以得禾,不獵則 清漣而無 種之日稼, 飲之日穡。 漣,風行水成文也。 河 叶莊力反 也。 用力之聲。 胡取禾三百 水清且 貆,貉類。 所用,雖欲自食其力而不可 庭 餐七丹反,叶七宣反。 兮。 有縣 檀,木可爲車 兮,河水清且 輻 漣 音福 素,空。 車而行陸也。 力壓反。 音玄。 廛 人述其事而歎之,以爲 胡,何也。 猗,與兮同,語詞 直連反。 筆力反。兮, 餐,食也。 **貆**音暄。 猗。 而我猶爲 今乃真之河 真,與置同。 一夫所居 不可以 ○詩人 也 賦 E

> 賦也。 淪猗。 成文轉 兮? 伐輪兮, 真之河之漘順倫反。 十萬日 兮? 不狩不獵, 爾 不 賦也。❸輪,車輪也。 0 彼君子兮,不素 庭 如輪也。困,圓倉也。鶉,爲屬。 億,蓋言禾秉之數也。 不稼不穑,胡取 輻,車輻也。伐木以爲輻也。直,波文之直也 有縣 ,胡取 特兮? 胡瞻爾庭有 彼君子兮,不素食兮。 億 伐木以爲輪 兮? 獸三歲曰特。 禾三百 素門反,叶 兮,河水清 熟 也。 食 縣 禾 淪,小  $\Box$ 〇坎: 鶉 素 Æ 風,水 倫 音 倫 反。 反。 純 且

《伐檀》三章,章九句。

所 彼 比也。 樂音洛,下 碩鼠 莫我肯 碩 碩,大也。 鼠,無食我黍! 三歲貫古亂反。 同。 顧。 士。 歲,言其久也。 叶公五反。 樂土樂土,爰得我 逝 將去女,

<sup>▶ 「</sup>賦」,原作「比」,據元本、明甲本、明乙本改。

<sup>) 「</sup>賦」,原作「比」,據元本、明甲本、明乙本改, 「賦」,原作「比」,據元本、明甲本、明乙本改。

在樂郊,則無復有害己者,當復爲誰而永號乎? 在樂郊,則無復有害己者,當復爲誰而永號乎? 在、○碩鼠碩鼠,無食我苗! 叶音毛。三歲 世。○碩鼠碩鼠,無食我苗! 叶音毛。三歲 也。○碩鼠碩鼠,無食我苗! 叶音毛。三歲 國樂國,爰得我直。比也。德,歸恩也。直,猶宜 國樂國,爰得我直。比也。德,歸恩也。直,猶宜 國樂國,爰得我直。比也。德,歸恩也。直,猶宜 國樂國,爰得我直。此也。德,歸恩也。直,猶宜 國樂國,爰得我直。此也。德,歸恩也。直,猶宜 國樂國,爰得我直。此也。德,歸恩也。直,猶宜 國樂國,爰得我直。此也。德,歸恩也。直,猶宜 國樂國,爰得我直。此也。德,歸恩也。直,猶宜

《碩鼠》三章,章八句。

魏國七篇,十八章,一百二十

詩卷第五

八句。

六

#### 詩卷第六

小熹集傳

封之舊號耳。 遠,有堯之遺風。其詩不謂之晉,而謂之唐,蓋仍其始 徙曲沃,又徙居絳。 叔虞爲唐侯。 域、太行、恒山之西、太原、太岳之野。 唐一之十唐,國名,本帝堯舊都, 南有晉水。 唐叔所都在今太原府。 其地土瘠民貧,勤 至子爕乃改國 在《禹貢》 儉質朴,憂深思 曲沃及絳皆在 周 號 成 王以 日 晉。 州 封

九月在堂。 名,似蝗而小,正黑,有光澤如漆,有角翅,或謂之促織, 大音泰。 我 無 不樂,音洛,下同。日月其除。直慮反。 荒,良士瞿瞿。 蟋蟀在堂,歲聿允橘反。其莫。音慕。 康,職 聿,遂。莫,晚。 思其 居。叶 俱具反。 除,去也。大康,過於樂也 音據。 〇賦 也。 好呼報 蟋 無已 蟀,蟲 反。

> 乎? 逝。 閑之貌。 庶人乘役車。 厚,而前聖遺風之遠如此。 樂,則日月將舍我而去矣。 樂。而言今蟋蟀在堂,而歲忽已晚矣。當此之時 康,職思其憂。 不樂,日月其慆。吐刀反,叶佗侯反。 而敏於事也。 或出於平常思慮之所不及,故當過而備之也。蹶蹶,動 所治之事,固當思之,而所治之餘,亦不敢忽。 蹶蹶。俱衛反。○賦也。 良士之長慮却顧焉,則可以不至於危亡也。」蓋其民俗之 樂而又遽相戒曰: 勞苦,不敢少休,及其歲晚 職,主也。 大康,職思其外。叶五隊反。 盍亦顧念其職之所居者,使其雖好樂而無荒,若彼 今我不樂,日月其邁。叶力制反。 樂而有節,不至於淫,所以安也 瞿瞿,却顧 歲晚則百工皆休矣。 〇蟋蟀在 「今雖不可以不爲樂,然不已過於樂 好樂無荒,良士休休。 之貌。〇唐俗勤儉,故其民閒 務閒之時,乃敢 然其憂深而思遠也,故 逝、邁皆去也。外,餘 堂、役車其休。 〇蟋蟀在堂,歲 好樂無荒,良 慆,過也。 相與 無 蓋以事變 休 也。 而 賦也。 今我 無 聿 方燕 不爲 其 其

《蟋蟀》三章,章八句。

朱二反。子有衣裳,弗曳弗婁。力侯、力俱二反。山有樞,烏侯、昌朱二反。隰有榆。夷周、以

六四

馳,走。 反。 子有衣裳車馬,而不服不乘,則 答前篇之意而 多曲少直 女九反。 意愈蹙矣。 之以爲己樂矣。 鼓瑟? 白,葉差狹。杻,檍也,葉似杏而尖,白色,皮正赤,其理 Ш 有鍾鼓,弗鼓弗考。 八是保。 矣,他 有漆,音七。 樞, 荎也, 今刺 其死 也。 車 驅,策也。宛,坐見貌。 子有廷内,弗洒 ,材可爲弓弩幹者也。 人多憂則覺日短,飲食作樂,可以永長此 人人室。 且以喜樂、音洛。 叶補苟反。 〇山有栲,音考,叶去九反。 弗馳 山有樞》三章,章八句。 解其憂。 蓋言不可不及時爲樂。 他人 隰有栗。 榆 弗 興也。 是 也。 驅 〇興也。 故言 叶去九反。 愉 榆 Ш 袪 君子無故,琴瑟不離 1,弗埽。 一旦宛然以 「則有樞矣,隰則 白枌 子有酒食, 尤、 愉,樂也。 他侯、以朱二反。 考,擊也。 栲,山樗也,似樗,色小 且以永日。 虧于二反。 也。 宛其死矣,他 然其憂愈深,而 叶蘇后反。 死,而它人取 婁,亦 〇此詩蓋以 保,居有也。 隰有杻 何不日 有榆矣 宛 日也 宛 曳 於側 0 於 也 其 賱 沅

從子于沃。 石 叶 鬱鎛反。 子洛 反。 既 見君子,

> 後沃盛 邑也。 其憂。 妙反。 曲沃 之臣欲行其志,必先施小惠以收衆情,然後民翕然從之。 見之貌。 白石 也。 田氏之於齊亦猶是也,故其召公子陽生於魯,國人皆 傾晉,而民爲之隱,蓋欲其成矣。○李氏曰: 叔于曲沃,且自喜其見君子而無不樂也。 緩弱而石巉巖,以比晉衰而沃盛。 故欲以諸侯之服從桓 命,叶彌賓反。不敢以告人。 云 何 至而 也 諸 I皓皓。 從子于鵠。 侯之服 不 强 〇揚之水,白石粼粼。 叶一笑反。〇比也。 聞其命而不敢以告人者,爲之隱也。 而晉 不言,所謂 ○晉昭侯封其叔父成 樂。 微 揚之水》三章,二章章六句, 繡黼 古老反,叶胡暴反。 音 弱,國 洛。 我聞 領 而 叶居號反。 人將 0 丹朱純 有命,不敢以告人」也。 比 叛而 也。 朱繡,即朱襮也。 師于曲沃,是爲桓 也。 歸之,故 比也。 既見君子,云何 鑿 利新反。 素衣朱繡,叶先 作此 粼 巖 桓 鄰,水清 叔 貌。 古者不軌 桓叔 詩。 我聞 鵠,曲 也。 一叔。其 襮, 言水 有 領

章四句。

其

原作「日」

子, 之蕃 聊,語 九六反。 指、《序》亦以爲沃也。 興而比也。 被聊且,遠條且」,歎其枝遠而實益蕃也。此不知其所 且 碩大無朋。 助也。朋,比也。 椒 則采之盈升矣。彼其之子,則碩大而無朋矣。 聊 彼其之子,碩大且 興而比也。兩手曰匊。 椒、樹、似茱萸、有針刺、其實味辛而香 之實 椒 〇椒聊之實,蕃衍盈 且,歎詞。遠條,長枝也。 聊 衍 5月,子餘 盈 升。 篤,厚也。 篤。 反。 彼 其音記 椒聊 遠條且 且,遠 〇椒 匊。

《椒聊》二章,章六句。

也。 喜之甚 此。」既又自謂曰: 見三星之在 心也。在天,昏始見於東方,建辰之月也。 叶鐵因反。 詩人叙其婦語夫之詞曰: 〇國亂民貧,男女有失其時, 如此良人何! 而 直留反。 自 今夕何夕? 慶之詞也。 天。今夕不知 叶 「子兮子兮,其將柰比良人何哉! 繆芒侯反。 П 反 興也。綢繆,猶纏綿也。三星 何 今夕何夕? 綢繆束 夕也? 見此良人。子兮子 「方綢繆以束薪也,而 束薪,三星在天。 而後得遂其婚姻之禮 而忽見良 芻, 良人, 夫稱 叶側 見此 九反。

> 曰 : 此 星至此,則夜分矣。 此粲者 見此粲采旦反。者。 綢繆束楚,三星在户。侯古反。 則夜久矣。 懈 邂 反。 「女三爲粲,一妻二妾也。」 逅 ·何! 何 逅。 邂逅,相遇之意。 胡 興也。 興 豆 也。 一反,叶 美也。 户,室户也。 隅,東南隅也。 叶章與反。 很 П 此爲夫語婦之詞 此爲夫婦相語之詞 反。 子兮子兮,如 户必南出,昏見之 子兮子兮,如 昏見之星至此 今夕何夕? 也。 或

綢繆》三章,章六句

棠也。 反。 之人,何不閔我之獨行而見親,憐我之無兄弟 特以其不如我兄弟,是以不免於踽踽耳。 行踽踽,曾杜之不如矣。然豈無他人之可與同行也 人之詞。 比,輔。依,助也。〇此無兄弟者自傷其孤特而求助 弟,胡不佽七利反。焉? 踽,俱禹反。 嗟行之人,胡不比毗志反。 〇有杕之杜,其葉菁 湑湑,盛貌。 有杕之杜,其葉湑湑。 言杕然之杜,其葉猶湑湑然,而 **豈無他** 踽踽,無所親之貌。 人? 興也。 不如 私叙反。 焉 ? 我同父。 杕,特 子零反。 人無兄弟,則 於是嗟嘆行 同父,兄弟也 也。 人無兄 獨 而見 行 杜,赤 哉 助 雨

胡不佽焉? 興也。菁菁,亦盛貌。景景,無所依貌。桑經反。嗟行之人,胡不比焉? 人無兄弟,睘睘,求螢反。豈無他人? 不如我同姓。叶

《杕杜》二章,章九句。

乎、古慕二反。 我人究究。 袪,袂也。 斤於、斤御二反。 ,叶呼候反。○賦也。褎,猶袪也。 謂,不敢强解。 羔裘豹袪,起居、起據二反。 居居,未詳。 《羔裘》二章,章四 **豈無他人**? )賦也。 豈 無 〇羔裘豹褎,徐救反。 他人? 羔裘,君純羔,大夫以豹飾。 維子之好。 究究,亦未詳。 維子之故。 句。此詩不知所 自我人居居。 呼報 自 攻

櫟也 蓺,樹。 怙,恃也。 鳥名,似鴈而大,無後趾。 悠悠蒼天, 盬 9音古 言鴇之性不樹止,而今乃飛集于苞栩之上。 ,其子爲皂斗,殼可以染皂者是也。 肅 肅鴇 不能蓺稷 曷其有 羽, ○民從征役而不得養其父母,故作此 集于苞 所 季 集,止也。苞,叢生也。 栩。 父母 比也。 況禹反。 ·何怙? 肅肅,羽 盬,不攻緻 王事 候古反。 如民之 栩,柞 鴇 靡

> 也。 何食? 也。 **靡** 盬 常,復其常也。 稻米,水生而色白者也。 天,曷其有常 性本不便於勞苦,今乃久從征 悠悠蒼天,何時使我得其所乎! 〇肅 ,不能蓺 棘。 悠悠蒼天,曷其有極 肅 鴇行,户 王事 稻 比也。 梁。 靡 粱,粟類也,有數色。 郎反。 盬 父母何嘗? 不能 行,列也。稻,即今南方所食 一役,而 集于苞桑。 不得 蓺 ! 耕 肅 比也。 稷。 田 悠悠蒼 以 鴇翼 以供子職 王 極,已 食也 事

《鴇羽》三章,章七句。

也。 誅討不加,而爵命行焉。 已甚矣。 釐王貪其實玩,而不思天理民彝之不可廢,是以 於天地之閒。 猶在。武公既負弒君篡國之罪,則人得討之,而無以 如天子之命服之爲安且吉也。蓋當是時,周室雖衰,典刑 請命之意。言我非無是七章之衣也,而必請命者,蓋 寶器賂周釐王。 〇《史記》: 賦也。 豈曰 嗚呼痛哉! 無衣七兮! 侯伯七命,其車旗衣服皆以七爲節。子,天子 故賂王請命,而爲説如此。 王以武公爲晉君,列於諸侯。 曲沃桓叔之子武公伐晉,滅之。 〇豈曰無衣六兮 則王綱於是乎不振,而人紀或 不如子之衣,安且吉 然其倨慢無禮 此詩蓋述其 盡以 自立 以

服,比於天子之卿,亦幸矣。燠,煖也。言其可以久也。命。變七言六者,謙也,不敢必當侯伯之命。得受六命之子之衣,安且燠於六反。兮。賦也。天子之卿六

處於此乎?

〇葛生蒙棘, 蘝蔓于域。

予美亡

野,各有所依託。而予之所美者,獨不在是

則

誰

與而

《無衣》二章,章三句。

《韓詩 之心如此,則賢者安有不至,而何寡弱之足患哉 中心好之,則不已也。但無自而得飲食之耳。 弱,不足恃賴,則彼君子者,亦安肯顧而適我 曷飲於鴆反。 言此杕然之杜,生于道左,其蔭不足以休息。 發語詞也。曷,何也。○此人好賢而恐不足以致之,故 有杕之杜,生于道周。彼君子兮,噬肯來 有杕之杜,生于道左。彼君子兮,噬 中心好之,曷飲食之? 此也。 逝。 食音嗣。 適我? 之? 比也。左,東也。 中心好呼報反。 哉? 周,曲也。 夫以好賢 如己之寡 然其 噬

葉盛而 其夫久從征役而不歸,故言葛生而蒙於楚,蘞生而蔓于 予美亡此,誰與 細。 葛生蒙楚, 蘝音廉。 蔓,延也。 獨 予美,婦人指其夫也。 處? 興也。 蔓于野。 蘝,草名,似括樓 叶 〇婦人以 Ŀ 與反。

《有杕之杜》二章,章六句

也。 日|? 賦也。粲、爛,華美鮮明之貌。獨旦,獨處至旦 室。賦也。室,擴也。 君子之歸無期,不可得而見矣,要死而相從耳。 後,歸于其居。叶姬御反。○賦也。夏日永,冬夜 角枕粲兮,錦衾爛兮。 此,誰與獨息? 思之深而無異心,此《唐風》之厚也。」○ 居,墳墓也。 「言此者,婦人專一,義之至,情之盡。」蘇氏曰 夏之日。 ○夏之日,冬之夜。叶羊茹反。 ○夏日冬夜,獨居憂思,於是爲切。 百歲之後,叶胡故反。 興也。域,塋域也。息,止也。 予美亡此,誰 )冬之夜,同 歸于其 氏

《葛生》五章,章四句。

之也。 得焉 旃之然反。 爲言,苟亦無信! 人之爲是言以告子者,未可遽以爲信也。 〇此刺聽讓之詩。言子欲采苓於首陽之巔乎,然 采苓采苓,首陽之巔。 比也。首陽,首山之南也。 舍旃,苟亦無然! 斯人反。 叶 人之爲言,胡 巔,山 典因反。 舍音捨,下同。 姑舍置之而 頂 也。 旃,

從! 叶後五 遽以 采葑 旃 或曰興也。 苦,苦菜,生山田及澤中,得霜甜脆而美。 ,苟亦無然 爲然 采葑,首陽之東。人之爲言,苟亦無 反。 舍旃舍旃, 苟亦無然! 徐 下章放此。 人之爲言, 苟亦無與! 察而審聽之,則造言者無所得 比也。從,聽也 人之爲言,胡得焉 采苦采苦,首陽之下。 人之爲言 與,許也。 而 舍旃舍 讒止

附庸 西戎、犬戎所殺,平王東遷,秦仲孫襄公以兵送之。 王 子事周孝王,養馬於汧、渭之閒,馬大繁息,孝王封爲 中潏居西戎,以保西垂。 公遂有周西都畿内 非子曾孫秦仲爲大夫誅西戎,不克,見殺。 近鳥鼠山。 『襄公爲諸侯,曰: 一 之 十 一 而邑之秦。至宣王時,犬戎滅成之族。 初,伯益佐禹治水有 秦,國名。其地在《禹貢》雍州之域: 百里之地。 能逐犬戎,即有岐豐之地。」襄 六世孫大駱生成及非子。非 功,賜姓 至玄孫德公又徙於 嬴 及 宣王遂 氏。 及幽王爲 命

雍。秦,即今之秦州。雍,今京兆府興平縣是中

君子, 不樂,則逝者其耋矣。 而誇美之也。 及此寺人之官。將見者,必先使寺人通之,故國人創 君。寺人,内小臣也。 衆車之聲。 未見君子,寺人之令。 为呈反。 有漆矣,隰則有栗矣,既見君子,則並坐、鼓瑟矣。 君子,並坐鼓瑟。 興也。 田節反,叶地一反。〇興也。八十曰耋。 有車鄰 並 坐鼓簧。音黄。 白顛,額有白毛,今謂之的顙。 簧, 笙中金葉, 吹笙則鼓動之以出聲者也。 ○阪音反。 鄰,有馬白 令,使也。 ○阪有桑,隰有楊。 今者不樂,音洛。 有漆, 隰有栗。 顛。 今者不樂,逝者其 〇是時秦君始 田 〇賦 反, 君子,指 叶 逝者 也 〇阪 有車 因 反 見 則 見

六句。《車鄰》三章,一章四句,二章章

也。 六轡者,兩服兩驂各兩轡, 公之媚眉冀反。 駟驖 駿田 四四 [馬皆黑色如鐵也。 反。 子,從公于狩。 孔阜,符有反。 ,而驂馬 孔,甚也。 兩轡納之於觖,故惟六 叶 六轡在手。 始九反。 阜,肥大也 〇賦

故也。 歇驕 北園 歇 碩,肥大也。公曰左之者,命御者使左其車,以射獸之左 狼,夏獻麋,春獻鹿豕之類。❶ 之,舍音捨。 田 而射御之善也。 在 反。 田 奉時 許竭 和 時,是。 蓋射必中其左乃爲中殺。 手 在軾 銜 閑, 拔,矢括 以車載犬,蓋以 反。 輶 也 辰 」,亦此類。 也。 調 音由 辰, 時 媚 牡 驅逆之車 習 驕。 子, 所 也。 也。 拔 辰 〇遊于北 蒲 許喬反。 車 也。 歇 曰左之而捨拔無不獲者,言獸之多。 輶, 牡 親 末 - 鸞 鏣 驕,皆田犬名。 休其足力也。 置鸞於馬御之兩旁,乘車則鸞 牡,獸之牡者 反。 孔 愛之人 輕 也。 碩 0 園 奉之者,虞人翼以待射 彼 五御所謂逐禽左者,爲是 賦 也。 灣,鈴也 獲。 驕 也。 叶 反。 四 常 此 韓 也。 田 灼 馬既閑。 叶 亦 喙 愈《 事已畢, 載 ,效鸞鳥之聲 黄 反。 前 辰牡者,冬獻 E 畫 郭 独力 驗一 篇之意 獫, 反。 記 故遊 短喙 叶胡 0 反。 也 也 左 在 賦 日 于

## (駟驖》三章,章四句。

胤 留 反。 敕亮反。 鋈 音 小戎俴 游 環 沃。 轂,叶又,去聲。 脅 一錢淺 續 驅 叶叶 反。 叶 辭 居懼反,又居録 屢 收 反,又如字。 Ŧī. 駕 我騏音其。 発音 木。 反。 梁 茵音因。 陰 靷 之 音 陟

> 虎皮褥 者也。 出。 而上 東也。 之制 樹反,又之録反。 亦謂之靳。 寸,止容二服,驂馬之頭 之處,消 係駿馬之頸 横側揜之,以其陰映此軌,故謂之陰也。 驅擊馬,使不得 前係於衡之兩端,後係於軫之兩端,當服馬脅之外,所 兩驂馬之外轡, 環也,以皮爲環,當兩服馬之背上,游 屋之梁,又以皮革五處東之,其文章歷録然也 收,軫也,謂車 板屋 《左傳》曰「如驂之有靳」是也。 兵車則軫深四尺四寸,故曰 ,至衡則向下鉤之,衡横於輈下,而 廣 暢 亂 也。 楘,歷録然文章之貌 大車之轂一尺有半,兵車之轂長三尺二寸, 皆六尺六寸。 白 金 暢,長 ,後係陰版之上也。 左傳》曰 沃 ·前後兩端橫木,所以收斂所載 、騏文 内 貫其中而 灌 曲。 也。 入也。 其 言念君子, 也 環 兩朝將絶 其平地任載者爲 賦 以 不當於衡,故别爲二靷 陰,揜 者 也。 爲 執之,所 左足 也。 飾 車 小 一輪之中 也。 軌 鋈續,陰板之上 小 白 是 梁朝,從 戎,兵 温 也。 以 日 也。 蓋 戎俴 脅驅,亦以皮爲 其 制 移前却無定處 車 軌 輈 車 駿馬,使不 如 靷 大 文茵,車 衡 在軾 形 前 收 也。 君子, 車 持 之長 玉 軫 ,以皮 也。 穹 者 ·, 則 前 隆 以 俴 也 以 游環 中 有 上曲 前 而 引 五,五 在 深 尺 受軸 所 續 以 稍 車 其 靷 华 靷 板 外 引 曲 如

「春」下,吉本有「秋」字。

音納。 簪反。 音留 怨矣。 所與不共戴天之讎 其 其私情。 而征之,故其從役者之家人先誇車甲之盛如此,而 板爲屋。 中,兩服馬 八夫也。 期 ? 言念君子,温其在邑。 龍 是 心 蓋以義興師,則雖婦人亦知勇於赴敵,而 温 也。 盾 中,叶諸仍反。 四 胡 其如 ·曲,心中委曲之處也。 牡孔 順允反。 然 黄馬黑喙曰 玉,美之之詞 我 [也。襄公上承天子之命,率 阜,扶有反。 念之。 之合,鋈以觼古穴反。 騙古花反。 騧。 也 賦也。 驪,黑色 板 六轡 〇西戎者,秦之臣 屋 叶烏合反。 赤馬 者 驪是駿,叶 也。 I在手 西 **然黑鬣** 戎之 其國人往 方何 日 俗 也 駵。 疏 所 及

> 金以飾 檠弓體使正也。 雜羽之文於盾上也。 底 者 安也。 必二弓,以備壞也。 也。 當 秩秩,有序也 約也。 胷帶也。 也。 載寢載興,言思之深而起居不寧也。 以竹爲閉,而 伐,中 交韔,交二弓於韔中,謂 虎, 韔以虎皮爲弓室也。 宇 閉,弓檠也。 也,盾之别名。 以繩 約之於弛弓之裏 《儀禮》作 苑, 顛 鏤 文 倒 「製」。 安 置

## 《小戎》三章,章十句

之湄。 賦也。 遡遊,順流而下也。 所謂 不可至也。 人,猶言彼 葭未敗,而露始 從之,道阻 兼葭凄 在 水 兼,似 上下求之,而皆不可 兼古恬反。 中 遡 湄 人,在水 人也。 〇言秋水方盛之時,所謂 坻。 洄 在 ,水草之交也。 凄,白露未 且長。 而細,高數尺,又謂之薕。 爲霜,秋水時至,百川 從之,道 直尸反。 宛然,坐見貌。 方,彼一 葭 一方。 音加。 遡遊從之,宛在水中央。 晞。 躋,升 阻 0 得。 方也。 賦 且 蒼蒼 也。 也。 然不知其 躋。 所謂 在水之中央,言近 遡 蘇 彼人者,乃在水之 路 洄 灌河之時 凄 言難至 白 伊 鎙 · 逆 反。 凄,猶蒼蒼也 游 露 何所指 流 洄 從之, 而 也。 也。 音回 上 小渚 也 而

良

人, 秩秩德音。

陵

反。 載

0

賦

也。 厭

,四馬

直登反。

言念君子,

載寢

興。

厭 後駟

於鹽

反

羣,和也。 办矛,三隅矛也。 皆以淺薄之金爲甲,欲其輕

而易於馬之旋習

也。

孔

鋈錞,以白金沃矛之下端平

膺,交韔二弓,叶姑弘反。

竹閉緄古本反。

極也!

方,將也。

將以何時爲歸期乎?

軜,故謂之觼軜,亦消沃白金以

也。觼,環之有舌者。

朝,駿内轡也,置觼於軾

前以

爲飾也。

邑,西鄙

之邑

畫龍於盾,合而載之,以爲車上之衛。

必載二者,備破毁

叶朱倫反。

蒙伐 後駟i

有苑,叶音氲。 孔羣,公音求。

虎韔敕亮反。

矛鋈錞,徒對反.

何爲使我思念之

終南》二章,章六句。

之,道 謂伊 中沚。賦也。采采,言其盛而可采也。 坻。 人,在水之涘。 阻且右。叶羽軌反。 蒹葭采采,叶 小渚曰 此履反。 叶 沚 以、始二音。❶ 遡游從之,宛在水 白露未 已,止也。 遡 洄 從

蒹葭》三章,章八句。

不相直而出其右也。

己相戾也。 也。紀,山之廉角也。堂,山之寬平處 南 此秦人美其君之詞,亦《車鄰》、《駟驖》之意也。 裼之。」渥,漬也。其君也哉,言容貌衣服 狐裘,諸侯之服也。《玉藻》曰:「君衣狐白裘,錦衣以 衣繡裳。 爲車板。君子,指其君也。 在今京兆府南。 丹,其君也哉 子至止,錦衣狐 ,其居此位,服此服,長久而安寧也。 何有? 繡,刺繡也。 何有? 佩玉將將,七羊反。 有紀有堂。 君子至止, 條,山楸也,皮葉白,色亦白,材理好,宜 裘。叶渠之反。 叶將黎反。○興也。 有條 將將,佩玉聲也。 至止,至終南之下也。錦衣 有梅。 壽考不忘。 也 叶 如 稱其爲君也。 莫悲 壽考不忘者 黻之狀亞,兩 渥於角 南,山名 黻音弗。 〇終 反。

反。

興也。 鍼虎。 慄! 户橘反。 惴其慄! 氏之三子爲殉,皆秦之良也。國人哀之,爲之賦《黄鳥 氏。奄息,名。 鳥,止于桑。 可貿以它人,則人皆願百其身以易之矣。 慄,蓋生納之壙中也。 從穆公,則子車 事見《春秋傳》。 殱子廉反。 〇交交黄鳥,止于楚。 百其身。 奄息。 維此 交交黄 交交,飛而往來之貌。 彼蒼者天, 殱我良 惴 維此鍼虎,百夫之禦。 仲行,百夫之防。 我良人! 維此 惴 彼蒼者天, 殱我良人! 興也。 即此詩也。言交交黄鳥則止于棘矣,誰 特,傑出之稱。穴,壙也。惴惴,懼貌。 良,善。 鳥,止于棘。 奄息也。 誰從穆公? 其慄! 奄息, 三子皆國之良,而一旦殺之。 防,當也。 贖,貿也。 蓋以所見起興 百夫之特。 如可贖兮, 彼蒼者天,叶鐵因反。 從穆公,從死也。子車 誰從穆公? 人 誰從 言一人可 〇秦穆公卒,以子車 子車 臨 其穴,惴惴其 也。 臨 一仲行。 如 穆公? 人百其身。 臨 〇交交黄 其穴, 可 當百夫也。 其穴,叶 臨穴而 "贖兮, 户 惴 車 郎 若

音」,原作「反」,據元本、明甲本、明乙本改。

兮,人百其身。興也。禦,猶當也。

日: 皇之葬,後宫皆令從死,工匠生閉墓中,尚何怪 則莫知其爲非也。 衰,至於王政不綱,諸侯擅命,殺人不忌至於如此 而不免。 人,而三良與焉。蓋其初特出於戎翟之俗,而無明 以人從死,死者六十六人。至穆公遂用百七十七 壙,其罪 臨穴惴慄之言,則是康公從父之亂命,迫而納之於 而三子自殺以從之,則三子亦不得爲無罪。 於此,其罪不可逃矣! 矣。」君子是以知秦之不復東征 今縱無法以遺後 而棄民。先王違世,猶詒之法,而况奪之善人乎? 王賢伯以討其罪,於是習以爲常,則雖以穆公之賢 君子 黄鳥》三章,章十二句。《春秋 有所歸矣。又按《史記》: 論其事者,亦徒閔三良之不幸,而歎秦之 і Е 『秦穆之不爲盟主 嗣,而又收其良以死,難以在上 嗚呼,俗之敝也久矣! 但或以爲穆公遺命如 也。」愚按: 秦武公卒,初 也宜 其後始 今觀 傳

我 實 君子,指 多。 橘反。 興也。 君子,憂心 其夫也。 鴥,疾飛貌。 欽欽,憂而不忘之貌。 晨 風, 欽 欽 叶 晨風,鸇也 乎 悟 反。 如 何 如 鬱,茂盛 婦 彼 人以 忘

> 乎? 實多。 興也。駁,梓榆也,其皮青白如駁。 興也。棣,唐棣也。檖,赤羅也,實似梨而小,酢可食。 櫟矣,隰則有六駁矣,未見君子則憂心靡樂矣。 櫟,盧狄反,叶歷各反。 見君子, 夫不在, 醉,則憂又甚矣。 見君子,憂心如醉。 憂之甚也。 見君子,憂心靡樂。 此與《扊扅之歌》同意,蓋秦俗也。 而憂心欽欽也。 而 言 〇山有苞棣,音悌。 鴥 彼 晨 風,則 彼君子者,如之何而忘我之多 隰有六駁。 歸 音洛。 如何如 于鬱 影然之北 如何 何,忘我實多。 隰有樹檖。 如 林 邦角 矣。 〇山則有苞 何,忘我 Ш 反。 靡 樂則

《晨風》三章,章六句。

居而相謂曰: 于興師,則將脩我戈矛,而與子同仇也。 放 以 天子之命而興師也。 袍,襽也。戈,長六尺六寸。矛,長二丈。 而 相 稱 死如此。 王于興師,修我戈矛,與子同 先王焉。」或曰興也,取「與子同」三字爲義。 豊 無 蘇氏曰: 豈以子之無衣,而與子同袍乎! 衣 無 衣 〇秦俗强悍,樂於戰鬭,故其人平 與子同 「秦本周地,故其民猶思周之盛 與子同澤。 袍。 抱毛反, 其懽愛之心,足 王于興 仇。 叶徒洛反。 蓋以王 叶 八師,以 賦 也

賦也。澤,裏衣也,以 叶户郎反。 -戟也,長丈六尺。 師,脩我甲兵,叶 〇賦也。行,往也 我矛戟 其親膚,近於垢澤, 豊 曰 叶訖約反。 無衣 晡茫反。 故謂之澤。 與子偕 與子 與子偕行 同 裳。

何哉? 凡爲國者, 後世欲爲定都立國之計者,誠不可不監 **墮浮靡之習。** 俗至於如此,則已悍然有招八州 之化,如彼其忠且厚也。秦人用之未幾,而一變其 然本其初而論之,岐豐之地,文王用之以興二《南 抵尚氣槩,先勇力,忘生輕死,故其見於《詩 力農,而成富强之業,非山東諸國所及 無衣》三章,章五句。 雍州土厚水深,其民厚重質直,無鄭、 猛驅之,則其强毅果敢之資,亦足以强 其於導民之路,尤不可以不審 以善導之,則易以興起 而朝同列之氣矣。 秦人之俗,大 也 而篤 平此。 其 嗚呼 》如此 (所之 於仁 兵 而

重耳 之渭陽而作此詩。 行送之於咸陽之地也。 乘成證反。 也。 我送舅氏, 出亡在外,穆公召 黄 渭,水名。 日 賦 至渭 路 也。 車,諸侯之車也。 而納之。 陽。 舅氏,秦康公之舅,晉公子 秦時都確,至渭陽者,蓋東 何以贈之? 時康公爲太子,送 黄,四 馬

> 皆黄也。 此 故康公送其舅而念母之不見也。 ○賦也。 何 但别其舅而懷思耳。 以 贈 悠悠,長也。《序》以爲時康公之母穆 之? 我送舅氏, 瓊 瑰 瓊瑰,石而次玉 古回反。 悠悠 或曰穆姬之卒不可考 我 玉 佩 思 叶 叶 姬 蒲 新 已 齎反。 眉 卒, 反。

贈之厚也。」廣漢張氏 端而充之,則怨欲可消矣。」 狐之役,怨欲害乎良心也。 而念母之不見,是固良心也。 之,是爲文公。 立,是爲懷公。 里克所弑。 生卓子。 胡姬,生重耳。 晉獻公烝於齊姜,生秦穆夫人、太子申生。 悠悠我思者,思之長也。 公子皆出奔。 渭陽》二章,章四句。 驪姬譖申生,申生自殺。 秦穆公納夷吾,是爲惠公。 獻公卒,奚齊、卓子繼立,皆爲大夫 小戎子生夷吾。 王氏曰: 立之明年,秦穆公又召重耳 日 路車乘黄、瓊瑰玉佩者 「至渭陽者,送之遠也 使康公知循是心,養其 康公爲太子,送舅氏 而卒不能自克於令 驪姬生奚齊,其娣 又譖二公子,二 按《春秋傳》: 卒,子圉 娶大戎 前

音吁。 深廣貌。 之夏屋以待賢者, 於我乎夏屋渠渠,今也每食無餘。 嗟乎,不 承,繼也。 而其後禮意寖衰,供億寖薄,至於賢者 承權 輿,始也。 輿 ! 賦 〇此言其君始有渠渠 也。 夏,大也。 渠渠

意也。《權興》二章,章五句。漢楚元王敬禮 《權興》二章,章五句。漢楚元王敬禮 及王戊即位,常設,後忘設焉。穆生退 穆生設醴。及王戊即位,常設,後忘設焉。穆生退 起 一 [獨不念先王之德歟? 今王一旦失小禮,何足至此!]穆生曰:「先王之所以禮吾三人者,爲道之此!]穆生曰:「先王之所以禮吾三人者,爲道之人處? 豈爲區區之禮哉!」遂謝病去。亦此詩之久處? 豈爲區區之禮哉!」遂謝病去。亦此詩之久處? 豈爲區區之禮哉!」遂謝病去。亦此詩之久處? 豈爲區區之禮哉!」遂謝病去。亦此詩之

秦國十篇,二十七章,一百八

詩卷第六

七四

#### 詩卷第上

朱熹集傳

陳一之十二陳,國名,太皞伏羲氏之墟,在《禹貢》陳一之十二陳,國名,太皞伏羲氏之墟,在《禹貢》縣八東。其地廣平,無名山大川,西望外方,東不及豫州之東。其地廣平,無名山大川,西望外方,東不及豫州之東。其地廣平,無名山大川,西望外方,東不及豫州之東。其地廣平,無名山大川,西望外方,東不及

也。 也。 方、武放二反。兮。 羊、辰亮二反。 言雖信有 四方高,中央下,日宛丘。 子之湯他郎、他浪二反。 兮, 宛丘之上 國人見此人常遊蕩於宛丘之上,故叙其事以刺 情思 兮。 而 可 賦也。子,指遊蕩之人也 洵音荀。 樂矣,然無威儀可瞻望也 洵,信也。 有情兮,而 望,人所 無 湯, 望 瞻 辰 蕩 望 武

> 之道 出遊,而鼓舞於是也。 叶與,下同。 坎其擊鼓,宛丘之下。 叶後五反。 F,叶殖有反。○賦也。 ·數枚。羽,以其羽爲翳,舞者持以指麾也。 值,植也。鷺,春鉏,今鷺鷥,好而潔白,頭上有長 叶 徒厚反。 《宛丘》三章,章四句。 值直置反。 無冬無夏,值其 〇坎其擊缶,方有反。 缶,瓦器,可以節樂。 其 鷺 羽。 賦 無冬無夏, 也 鷺翻。音 翿 言無時 坎,擊鼓 翳 也。

仲氏之女也。婆娑,舞貌。○此男女聚會歌舞,而賦其 也。粉,白榆也,先生葉,郤著莢,皮色白。子仲之子,子 子仲之子,婆娑素何反。其下。叶後五 芬芳之物也。〇言又以善旦而往,於是其衆行,而男女 鬷,衆也。邁,行也。 如荍,祁饒反。 會于南方之原,於是棄其業以舞於市而 也婆娑。 方之原。 事以相樂也。 旦于逝,越以鬷子公反。 東門之粉,符云反。 賦也。穀,善。差,擇也。 無韻、未詳。 ○穀旦于差,初佳反,叶七何反。 貽我握 荍,芘芣也。 不續其麻,叶謨婆反。 椒。 邁。 宛丘之栩。 賦也。 又名荆葵,紫色。 叶 〇既差擇善旦以 往會也。 力制反。 逝,往。 反。 况浦 越,於。 0 反。 賦

華,●於是遺我以一握之椒而交情好也。」相與道其慕悦之詞曰: 「我視女顏色之美如芘芣之

《東門之枌》三章,章四句。

賦也。 之魴 也。 也。 者之詞。 其取妻,必宋之子 飽,然亦可 之洋洋,可 門之深者有阿塾堂宇,此惟横木爲之。 泌,泉水也。 姜,齊姓。 衡門之下,可以 言衡門雖淺陋,然亦可以遊 音房。 以 玩 以樂音洛。 樂 洋洋,水流貌。 豈 其 〇豈其食魚,必河之鯉 而 忘飢 取 也。 棲音西。 音娶。 飢。 叶獎履反。 〇此隱居自樂,而 賦 妻,必齊之姜! 豈其食魚,必 也。 息。 ○賦也。 衡門,横木爲門 泌水雖 棲遲,游 泌悲位反。 子,宋 不可 無求 河

《衡門》三章,章四句。

也。 彼 也 亦男女會遇之詞。 美淑姬, 漚,漬也,治麻者必先以水漬之。 東門之池,可以漚烏豆反。 東門之池,可以漚紵。 ,可與 蓋因其會遇之地、所見之物以起 語 五故反。 歌。 直吕反。 晤,猶 麻。 興 也 解 叶 彼美淑 也。 池 謨婆反。 城 0 興 此

> 晤言。 姬 可 可可 以漚菅。 與 興也。 晤 語 古顔反,叶居賢反。 菅,葉似茅而滑澤,莖有白粉,柔韌宜爲索 興 也。 紵 麻 屬。 彼美淑 東門之池, ·姬,可 與

《東門之池》三章,章四句

也。 揚起者也。 期 〇此亦男女期會而有負約不至者,故因其所見以起興 期, ,明星煌煌。 哲哲,猶煌煌也 ○東門之楊,其葉肺 東門之楊,其葉牂牂。 明星哲哲。 牂牂,盛貌。 興也。 之世反。 明星,啓明也。 東門,相期之地也。 〇興 肺。 子桑反。 也。 普計 煌煌,大明貌。 肺肺 反。 楊,柳之 昬以

《東門之楊》二章,章四句。

也。 墓門,凶僻之地,多生荆棘。 良,國人知之。 誰昔, 墓門有棘,斧以 昔也,猶言疇昔也。 知 而 不 斯所宜也。 斯, 已,誰昔然矣。 〇言墓門有棘,則 析也。 之。 夫,指所刺之人 夫 興也。 也不

果五反。 有梅,則有鴞萃之矣。 聲之鳥也。萃,集。訊,告也。 不知其何所指也。 改,則自疇昔而已然,非一日之積矣。所謂不良之人,亦 一不良,歌以 訊之而不予顧,至於顛倒,然後思予,則豈有 或曰,「訊予」之「予」,疑當依前章作 此人不良, 顛倒思予。 訊叶息悴反。 則國 ○墓門有梅,有鴞萃止。 夫也不良,則有歌其惡以訊 人知之矣。 叶演女反。 顛倒,狼狽之狀。 國人知之而猶 ○興也。鴟鴞,惡 訊予不顧,叶 而 0 墓門 之者 不

《墓門》二章,章六句。

勞反。 緑色,可生食,如小豆藿也。 旨苕矣,今此何人,而侜張予之所美? 之有私而憂或閒之之詞。 謂廷也。予美,指所與私者也。 徒刀反。 路謂之唐。 苕,苕饒也,莖如勞豆 防 侜予美? 〇中唐有甓,蒲歷反。 有鵲巢,邛其恭反。 誰侜 也。防,人所築以捍水者。 甓,瓴甋也。 沙陟留 反。 心焉惕惕。 故曰: 予美? 而細,葉似蒺蔾而青,其 鷊,小草,雜色如綬。 侜, 侜張也, 猶《鄭風》之所 忉忉,憂貌。 有旨苕。 防則有鵲巢矣,邛 邛有旨鷊。 心焉忉 使我憂之而至於忉 吐歷 邛,丘。 反。 徒雕反, 〇此 0 切。 惕惕 興 男女 也

> 忉 忉 也

防 有鵲巢》一章,章 四

兮。 兮。 月出照兮,佼人燎力召反。 舒窈糾之情乎? 幽遠也。 紹實照反。兮,勞心慘當作「燥」,七弔反。 舒慢於久反。 皓胡老反。 念之辭。 窈烏了反。 燎,明也。夭紹,糾緊之意。慘,憂也 興也。 興也。懰,好貌。慢受,憂思也。 月出 言月出則皎然矣,佼人則僚然矣,安得見之而 糾,愁結也。悄,憂也。○此亦男女相悦 《月出》三章,章四句。 皎,月光也。佼人,美人也。 兮,佼人懰力久反,叶 皎兮,佼古卯反。 受叶時倒反。 糾 是以爲之勞心而悄然也。 已小反。 兮,勞 兮, 勞心怪七老反。 兮。 慅,猶悄 僚音了。 心悄七小反。 舒夭於表反。 朗老反。 僚,好貌。窈 也。 而 兮。

反,下同。 也。 往夏氏之邑,故其民 胡爲乎株林? 夏南,徵舒字也。 匪適株林, 相與語 〇靈公淫於夏徵舒之母,朝 從夏南 從夏户雅反。 賦 一君 也。 南。 爲乎 株林,夏氏 叶 株 尼

邑

而

説音税。 乎? 故耳。 之忠厚如此。  $\exists$ 蓋淫乎夏姬,不可言也, 賦也。 于株野。 夏 説,舍也。 南耳。」 叶上與反。 我 7乘繩證 然則 馬六尺以下日駒。 非 故以從其子言之。 適 反。 株林 乘我乘駒 馬,叶 也 特以 蒲補反。 從 朝食 夏

後卒爲其子徵舒所弒。而徵舒復爲楚莊王所誅。其大夫孔寧、儀行父通焉。洩冶諫,不聽而殺之。夏姬,鄭穆公之女也,嫁於陳大夫夏御叔。靈公與夏姬,鄭穆公之女也,嫁於陳大夫夏御叔。靈公與《株林》二一章,章四句。《春秋傳》:

泗音四。 哉! 障也。 蒲 鼻曰泗。 有蒲與荷矣,有美一人而不可見,則雖憂傷而如之何 )彼澤之陂,有蒲菡户感反。 與崩。 人,傷如之何! 其員反。 寤寐無爲,涕泗滂沱而已矣。 彼澤之陂,叶音波。 蒲,水草,可爲席者。 有美一人,碩大且儼。 ○此詩大旨與《月出》相類。❶ 滂普光反。 古顔反,叶居賢反。 也。 寤寐無爲,中心悁悁。烏玄反。 卷,鬢髮之美也。 沱。 荷,芙蕖也。 寤寐 徒何反。 有蒲 有美 無 ○彼澤之陂,有 與荷。 魚檢反。 萏。大感反,叶 一人,碩大且 悄悄,猶 爲,涕他弟反。 〇興 言彼澤之陂,則 自目曰涕,自 也。 音何。 寤 悒悒也。 寐無 陂,澤

歐,矜莊貌。 輾轉伏枕,卧而不寐,思之深且久也。爲,輾轉伏枕。 叶知險反。○興也。菡萏,荷華也

七八

《澤陂》三章,章六句

之重複,亦何疑哉! 舉其不正 閒男女夫婦之詩 一何多邪! 四 俗之汙隆,民之死生,於是乎在。録之煩悉,篇 者,舉其正者以勸之也。變風之所以爲變者, 者,三綱之本,萬事之先也。 臣然後有上下,有上下然後禮義有所錯。 有夫婦然後有父子,有父子然後有君臣,有 萬物,有萬物然後有男女,有男女然後有夫婦 句。東萊吕氏曰: 陳國十篇,二十六章,百二十 者以戒之也。 道之升降,時之治亂, 變《風》終於陳靈。 正風之所以 有天地然後 其

君妘姓,祝融之後。周衰,爲鄭桓 《禹貢》豫州外方之北,滎、波之南,居 今之鄭州,即其地也。 邶》、《鄘》之於《衛 之十三檜,國 也。 名,高辛氏 蘇氏以爲檜 未知是否 火 公所滅而 ~溱、 詩 正 皆爲鄭作,如 祝 洧之閒。其 融 之墟, 遷國焉。

) 「大」,明甲本、吉本作「之」。

号反。 憂之。 檜君好潔其衣服,逍遥遊宴而不能自强於政治, 裘,諸侯之朝 心 羔裘如膏,古報反。 不 憂傷。 羔裘逍 豈不爾思,中心 〇羔裘翱翔,狐裘在堂。 「有曜,日照之則有光也。 思,勞 服 遥 賦 錦衣狐裘,其朝天子之服 心 也。 狐 ·忉忉。 翱 裘以 翔,猶逍遥也。 日出有 是悼。 朝。 音 万。 直遥 曜。 賦 0 也。 豈不 反,叶 賦 羊照反,叶 堂,公堂 也。 也 膏 爾 直勞反。 ,故詩人 0 脂 緇 )舊説 衣 所 也。 羊 主

則

韋爲之。

冕服謂之韍,其餘曰

韠。

**鞸從裳色,素衣素裳** 

《羔裘》三章,章四句。

祥之冠 矣,安得見此服乎? 欲其揔揔爾哀遽之狀也。 心 〇祥冠,祥則冠之,禪則除之。 庶見素韠 庶見素衣兮,我心傷悲兮,聊與子同 博傳徒端反。 賦也。 也。 兮,聊與子 庶見素冠兮,棘人樂樂力端反。 黑經白緯日 素冠則素衣矣。 音畢。 兮。 當時賢者庶幾見之,至於憂勞也。 如一兮。賦也。 一編。 賦 樂樂,瘠貌。 也。 我心蘊於粉反。 緣邊曰紕。 與子同歸,愛慕之詞 今人皆不能行三年之喪 庶,幸也。 博博,憂勞之貌 棘,急也。 舞,蔽膝也 縞冠素紕,既 兮, 勞 結叶 . 歸 韵

> 子曰: 子曰: 也。 三年之喪,賢者之所輕,不肖者之所勉。」 切切而哀,作,而 子也。」閔子騫三年之喪畢,見於夫子,援琴而絃, 作,而曰: 「先王制禮,不敢不及。」夫子曰: 夏三年之喪畢,見於夫子,援琴而絃,衎 三年,然後免於父母之懷。予也有三年之愛於其 父母乎? 閔子騫哀未盡,能 ,斬衰三年。昔宰予欲短喪,夫子曰: 藴結,思之不解也。 《素 『子夏哀已盡,能引而致之於禮,故曰君子 『君子也。」子路曰: 三年之喪,天下之通喪 冠》三章,章三句。 E 自割以禮 「先王制禮,不敢過也。」夫 與子如一,甚於同歸 「敢問何謂也?」夫 ,故曰君子也。 也。」傳曰: 按喪禮,爲父 而 一君

子之無 其枝。 之無知而無憂也。 子,指萇楚也。 亦似桃。 、胡瓜二反。 濕 知。 猗儺, 夭於 有萇丈羊切。 賦也。 〇政煩賦重,人不堪其苦,嘆其不如草木 賦 、騙反。 夭之沃沃,樂子之無家。 柔順也。 也。 ○隰 萇楚,銚弋,今羊桃也,子如 無家,言無累也。 之沃沃,烏 楚,猗 夭,少好貌。 有萇楚,猗 於可 毒 反。 沃沃,光 反。 儺 濕 樂 (華。芳 乃 澤貌 古胡、 音 小小麥 可 茛 反 洛

七九

也。無室,猶「無家」也。 楚,猗儺其實。 夭之沃沃,樂子之無室。 賦

《隰有萇楚》三章,章四句

飄。 怛,傷 賦也。 溉其釜鬵。 誰 反。 反。 周道而思王室之陵遲,故中心爲之怛然耳。 飄 發而車偈,則中心怛然。 將西 西歸 兮。 嘌,漂摇不安之貌。 魚 ? 遥反,叶 發,飄 顧 匪 歸 瞻 但 ,歸于周也。 風 0 誰將西歸乎? 顧 ? 周室衰微,賢人憂歎而作此 周 有西歸之人,即思有以厚之也 發 溉 揚 兀 瞻 貌。 道 古愛反。 叶 妙 懷之好音。 周道,中 反。 偈, 中 〇誰能亨魚乎? 月反。 弔,亦傷也。 兮, 疾驅 今非風發也,非車偈 有則我願慰之以好 之釜符甫 旧 心弔兮。 匪 貌。 都達 兮, 興 車 也。 周道,適周之路也。 反,叶 匪 . 嘌 匹 遥 反。 溉,滌也。 車 旦 詩。 有 誰 賦 鬵。 「則我願 一悦 偈 也。 反, 也,特顧 言常時風 反。 起 亨普 叶 П 竭 鬵,釜 以見 爲之 風 匹 反 風 瞻 庚 E

> 北、雷夏菏澤 其地也。 之野。 四 曹 周 或 武 名 王以封其 其 地 在 弟振鐸。 禹 貢 ※ 兖 州 陶 丘 之

爇反。 采采, 服。 麻衣 其君,或然,而未有考也。 能久存,故我心憂之,而欲其於我歸處耳。 蜉蝣之羽翼,猶衣裳之楚楚可愛也。 以時人有玩細娱而忘遠慮者,故以蜉蝣爲比而刺之。 狹而長,角黄黑色,朝生暮死。 憂矣,於我歸 華 叶 如雪。 蜉蝣之羽,衣裳楚楚。 〇比也。 飾也。 蒲 北反。 蜉蝣》三章,章四句。 息,止也。 心之憂矣,於我歸説 掘閱,未詳。説,舍息也 處。 心之憂矣,於我歸 比也。 〇蜉蝣之翼,采 蜉蝣, 蜉 楚楚,鮮 蝣 渠 叶 然其 掘 明貌。 略 創 求 也, 舉反。 (朝生暮死,不 《序》以爲刺 勿反。 息。 似 〇此詩 税 蛣 心 比 閲 也

殳也。 二反。 二反。 再命,赤芾黝珩; 彼候人兮,何何可 彼其音記。 之子,指小人。 ○興也。候人,道路迎送賓客之官。 之子,三百赤芾 芾,冕服之韠也 三命,赤芾葱珩。 切。 戈與祋。 大夫以上,赤 何,揭。 命,緼 芳 都 勿、 律 芾黝 蒲 都

匪風》三章,章四句

國

四篇,十二章,四

十五

一句。

子,不 反飢 朝隮 反。 言小人衆多而氣燄盛也。 今人謂遂意曰稱意。 其 **鳹澤,水鳥也,俗所謂** 公入曹,數其不用僖負覊,而乘軒者三百人 而 兮,南山 何戈與祋者宜 乘 維鵜 、味。 〇興 困。 ,雲氣昇騰也。 稱尺證反。 陟救反。 言賢者守道,而反貧賤也 也。 季女斯 徒低反。 可朝隮。 此 咮,喙。 刺 其 也 君 飢。 彼 其服。 婉,少 子兮反。 彼其之子而三百赤 遠 淘河也。 遂,稱。 其之 君 比也。 貌。 **薈**烏會反。 季女婉孌自保,不妄從 子 不濡 而 子, 叶 媾, 婉於阮反。 孌,好貌。 〇維 近 蒲 薈、蔚,草木盛多之貌。 小 不遂 寵 北 其 人 也。 鵜 反。 之詞。 翼。 兮蔚於貴反。 带 其 在 遂之爲 〇興也。 ,其謂是歟? 何 兮變力轉 媾。 梁,不濡 薈蔚 彼其之 彼 稱,猶 朝 古 鵜 隮 ₩. 文

《候人》四章,章四句。

美君子之用心均平專一,故言鸤鸠在 上,平均 也, 人君子,則 亦名戴 鳲鳩 如 也。 心 在桑,其子七兮。 其儀 勝,今之布 如結叶訖力反。 結 如 穀 其儀 物之固結 也 餇 兮。 則 子朝從 心如 而 淑 桑,則其子七矣。 不散也。 結矣。 人君 上下,莫從 也。 子, 鳲鳩,秸 然不知 詩 下

> 《大學傳》曰:有常度而其、 鳲 鳩 在 絲,則 〇興 反。 桑,則其子在梅矣。 如此也。《書》云「四人騏弁」。 有雜色飾焉。 弁伊 知也。」〇 鳲鳩在桑,其子 華發外,是以由其威儀 閒者有常度矣, 豈固爲是拘拘者 詞 桑,其子在 木,子自飛去,母常不移也。 IE 色,斯近信, 何所 也 君子 是國人。 也。 其儀不忒,正是四國。 騏。 其弁伊騏矣。言有常度,不差忒也。 指 ,其帶伊絲。 桑,其子在 儀 音其。 心 不 弁,皮弁也。 棘。 忒,故能 一,故儀不忒。 陳 「其爲父子兄弟足法,而後民法之也。」〇 正是國人 氏 〇興 日 淑人君子,則其帶伊絲矣。 淑 氣,斯遠鄙 Œ 一於外,而其 人君 也。 榛。 國 叶新 君子 騏, 人。 可,胡 **鸤鳩常言在桑**,其子每章異 帶,大帶也。大帶用素 儀不忒,則足以 子,其儀不忒。 ,在梅。 齎反。 側 今作「綦」。 動 馬青黑色者。 哉? 倍。 胡不萬年, 不 巾反。 容 叶于逼反。 心 萬 其見於 蓋和 如結 其帶伊絲 年。 叶莫悲反。 斯 淑 於内者 順積 遠 〇鳲 〇言鳲鳩 願 威 叶尼因反 īF. 弁之色亦 其 〇興 79 其帶伊 壽 鳩 國矣。 它得 丽 作 也 在 口

《鳲鳩》四章,章六句。

冽,寒也。 冽音列。 我寤嘆,念彼周京。 下泉,泉下流者也。 彼下泉,浸彼苞稂。 周京,天子所居也。 叶居良反。 苞,草叢生也。 音郎。 〇比 而 0 苦

也。 愛反。 之。 反。 以膏之。 蕭。 童梁,莠屬也。愾,歎息之聲也。 爲州伯,治諸侯有功。 古報反。 《大雅·公劉》篇。 彼苞蓍。音尸。 遂興其愾然以念周京也。 王室陵夷而小國困弊,故以寒泉下流而苞稂見傷爲比, 〇比而興也。 蕭,蒿也。 比而興也。芃芃,美貌。 疎鳩反。 之。 四國既有王矣,而又有郇伯以勞之。 傷今之不 京周,猶周京也。 四國有王,郇音荀。 愾我寤嘆,念彼京周。 ○芃芃薄工反。 蓍,筮草也。京師,猶京周 愾我寤歎,念彼京師。 〇言黍苗既芃芃然矣,又有陰雨 郇伯、郇侯、文王之後、賞 冽彼下泉,浸彼 〇冽彼下泉,浸 黍苗,陰雨 伯勞力報反。 也。 叶霜夷 比而興 詳見 膏 荷

於下,無閒可容息也。

陰道

極盛之時,其亂可知。

,則自當思治。

故衆心願戴於君子,君子得輿

亦變,則純陰矣。然陽無可盡之理,變於上,

則生 上九

如碩大之果不見食,將有復生之理。

易·剥》之爲卦也,諸陽消剥已盡,獨有

下泉》四

章,章

四

句。

程子

日

上九一爻

詩卷第七

氏曰: 循環之理,以言亂之可治,變之可正也。 道絶矣。 曹國四篇,十五章,六十八句。 詩·匪風》、《下泉》所以 亂極而不治,變極而不正,則天理滅矣,人 聖人於變風之極 ,則係以思治之詩,以示 居變風之終 也 0 陳

也。

### 詩卷第八

周公而作之詩以附焉。 戒成王,謂之《豳風》。 周公旦以冢宰攝政,乃述后稷、公劉之化,作詩一篇以 王徙居岐山之陽。十二世而文王始受天命。十三世 富實,乃相土地之宜,而立國於豳之谷焉。十世而大 衰,棄稷不務,棄子不窋失其官守,而自竄於戎狄之 隰之野。虞、夏之際,棄爲后稷,而封於邰。 武王遂爲天子。武王崩,成王立,年幼不能涖 一之十五 不窋生鞠陶,鞠陶生公劉,能復修后稷之業,民以 府武功縣。 豳 ,國名,在《禹貢》雍州岐山之北,原 而後人又取周公所作,及凡爲 豳在今邠州三水縣。 邰在今 及夏之 阼。

一之日觱音必。發,叶方吠反。二日之栗烈。七月流火,叶虎委反。九月授衣。叶上聲。

也。 也。 之。此章首言七月暑退將寒,故九月而授衣以禦之。蓋 也。 也。 音俊。 歲? 率婦子而 脩田器,二月則舉趾而耕。少者既皆出而在田,故老者 十一月以後風氣日寒,不如是則無以卒歲也。 艱難,故陳后稷、公劉風化之所由,使瞽矇朝夕諷誦以教 田畯,田大夫,勸農之官也。○周公以成王未知稼穡之 正之歲也。于、往也。耜、田器也。于耜、言往脩田 之先公已用此以紀候,故周有天下,遂以爲一代之正朔 日,謂斗建子,一陽之月。二之日,謂斗建丑,二陽之月 降始寒,而蠶績之功亦成,故授人以衣,使禦寒也。一之 之昏,加於地之南方,至七月之昏,則下而流矣。九月霜 叶獎履反。 叶力制 九月授衣。 前段之意,六章至八章終後段之意。 後凡言月者放此。流,下也。火,大火心星也。以六月 日于耜,叶羊里反。 變月言日,言是月之日也。後凡言日者放此。蓋周 此章前段言衣之始,後段言食之始。二章至五 舉趾,舉足而耕也。 觱發,風寒也。 至喜。 或曰: 反。 · 餉之。治田早而用力齊,是以田畯至而喜之 **饁炎**輒反。 無 春日載陽,有鳴倉庚。叶古郎反 發、烈、褐,皆如字,而歲讀如雪。 衣 賦也。七月,斗建申之月,夏之七月也 無 栗烈,氣寒也。褐,毛布也。 褐,音曷,叶許例 四之日舉 我,家長自我也。 彼南畝 "叶 趾 七月流火, 滿彼反。 反。 同我婦子 饁, 飾田 正月則 何 歲,夏 三之 以 一章終 也。 畯 卒 器 往

集 傳

DΠ

庚,黄 愛如 生而 而 不力於蠶 蓋 有鳴倉庚之時, 火授衣者,將言女功之始,故又本於此。 祁,衆多 今人猶用之,蓋蠶生未齊,未可食桑,故以此 桑,稺桑也。 遠 是 及 H 執 未齊者 此。 (時公子猶娶於國中, 其父母爲悲 公子子 鸝 遲 懿 也。 也。 漽 後章凡言「公子」者放此。 桑之務。 則 或曰 遲遲,日 懿,深 口 采蘩者衆。 而 歸 也。 彼 蠶 徐 故其許嫁之女,預以將及公子同 美 一始生,而執深筐以求稺桑。 也。 長而 微 祁 其風俗之厚,而上下之情,交相 也。 賦 也。 行 祁 公子,豳公之子 而貴家大族 暄 遵 而 也。 ~,循 載, 叶 此治 巨 户 也。 始 蘩,白蒿也 之反。 郎 蠶之女,感時 也。 〇七月流 反。 (連姻 微 行, 陽, 遂言春日始 女 爰 公室者 一,所以 温和 啖之也。 小 心 求 〇再 逕 而傷 火,八 然 傷 柔 也 又有 桑 忠 流

(黄,我朱孔陽,爲公子裳。 萑 斧 斨,七羊反。 户官反。 小桑也。 蠶月,治蠶之月。 七月 伯勞 也。 小桑不可條取,故取 鳴鵙,圭寬反。 湯, 韋鬼反。 遠 緝也。 枝 以伐 條桑,枝落之采其 揚 起 玄,黑 遠揚,猗於宜 蠶 者 八月載 也。 月條它彫反。 其 而 人葉而 賦 取葉存 也 有赤之色。 存 績。 其 化也。 萑 條 一葦,即 兼

音託

之日

于

,户各反。

取

彼

力力之

纘

反。

爲

公子裘。 叶渠之反。 二之日其同,

子管反。

武功,言私其豵,子公反。

獻豜古年反。

尤爲鮮 布。 采桑以 彫反。 報之也。 自愛,以奉其上。 既備,又 衣」之意。 成成之際 庶 色。 幾 而凡此蠶績之所成者,皆染之,或 明,皆以供 其 陽 於鳴鵙之後,麻 八成矣。 以上二章, 而 明 月其穫,户 也。 四四 蓄 而大小畢取,見蠶盛 又當預 月秀葽,於遥反。 之,將以 蓋至誠慘怛之意,上以是施之,下 上,而爲公子之裳。 言 專言 t 郭反。 擬 熟 月 蠶績之事 爲 來歲治 而 曲 暑 可 薄。 退 十月隕于敏反。 績 將 L 蠶之用 之時 而 以 來 玄或 五月鳴蜩 言勞於 而 ", 人力至 終首章前 故 是 黄, 治 績 於 八其 其 而 也 之月,則 月 冬之 以 而 朱 以 萑 者 是 爲 不

歲豕 于公。 同,竭作以 也。 月,則大寒之候 穫,禾之早者, 也。 貉,狐 也 者,私之以爲己有,而 賦也。 〇言 此 狩 狸 章 也。 也 自 専 可 貉 將 不榮而 四 か、至の 穫 言 纘,習 而 于貉, 月 也。 狩 取 獵 雖蠶桑之功無所 狐 陽, 而 實日 隕,墜。 猶言 狸 大者 以 繼之也。 而 之皮,以 終首 秀。 于 歷 則 獻之於上 章 耜 葽,草 陰 豵, 爲公子之裘 前 調調 四 也。 段 不備, 陰 名。 往 歲 取 豕。 蜩, 草 至 狐 恐其 也 狸 隕 也

室處 庚反。 八字一句。 鼠使不得 蟀之依人,則 三正之通于民俗尚矣。 庶人篳户,冬則 其 向 羽 月 户,後五反。 五 7婦子 隨 十月 墐 叶殖西反。 飛 一月斯 叔 ,七月在 時變化 葵及菽,音叔 空隙 而 · 日 : 歲, 一音觀。 此 苴,七餘反。 穴於其中,塞向以當北 〇六月食鬱及薁,於六反。 以 見 穹起弓反。 知寒之將至矣。 也。 螽 翅 老者之愛也 而 入此室 「歲將改矣,天既寒而事亦已,可以入此 塗之。 鳴 音終。 異其名。 夫。 十月蟋蟀入我牀下。叶後五 七月食瓜 室, 也。 叶徒苟反。 塞也。 同上。 東萊吕 宇,簷下 周特舉而迭用之耳。」〇言覩 賦也。 處。 采茶 動 窒珍悉反。 上與反。 八月剥普卜反。 動 股 於是室中空隙者塞之,熏 此章亦以 取股,始 向, 氏 賦 ,叶音孤 嗟我 音 也。 也。 日 風,墐户以禦寒氣。 六月莎 八月在宇, 北 1徒。 棣 此 出 躍 婦子,叶兹五 斯螽、 熏許云反。 屬。 牖 而以股 終首 薪 則 + 也。 酒 户 在 素 樗 七月亨 1章前 而 和 墐, 鳴 雞 曰 反。 也。 書反。 改 九月 則 歲 反 蟀 音 而

聚也 賓祭。 治之。 執治宫室之事矣。 ○言納於場 後種先熟曰穋。再言禾者,稻秫苽粱之屬皆禾也。 藁秸之總名。 之以爲場而納禾稼,蓋 紀力反。 執宫功。 菽 反。 樂,以終首章後段之意。 樗,惡木也。〇自 功,葺治之事 地,物生之時則耕治 去圃爲場 麥,叶訖 在田 九月築場 黍稷 瓜瓠苴茶,以 自 過 以 一、邑居之宅也。 壽 相 其乘屋, 菽, 者無所不備 來歲將復始 重直容反。 力反。 夏居之; 也。 禾之秀實而 日 是 爾于茅,宵爾索綯。 或曰,公室官府之役也。 此至卒章,皆言農 禱之辭 故畫 也。 ,博故反。 爲常食。 嗟我農夫,我稼既同,上 敢 以爲圃 其始 休息如 自 索,絞 播 二畝半爲 往取茅,夜 則 而此章果酒 穋, 古者民受五畝之宅,二畝半爲 也。 也。 田 在野者曰 百 我稼 也。 「穀,而 而 而種菜茹,物成 少長之義,豐儉之節然 此。 也。 壺, 瓠 納之於場也。 音六,叶六直反。 十月納禾 同 宅,在 吕 不暇於此 矣,可以 而絞索,亟升 稼。 稻 子 也。 氏 嘉蔬,以供老疾、奉 圃、飲食、 以 日 : 先種後 釀 邑,秋冬 也。 賦 徒刀反。 稼。 上人都 酒 古者用民之 瓜、 故也 也。 之際則 禾 也。 祭祀、燕 場圃 叶古護 其屋 禾 邑 不 同 麻 同 助

農 肅 其蚤,音早。 三之日納于 事 霜 十月滌 極 憂 勤 獻 艱 徒力反。 羔祭韭。 力證 難 之意。」 反。 場。 陰, 音九,叶己小反。 叶於容反。 朋 之日 酒 斯 鑿 饗,叶虚 冰 兀 冲 九 冲 月 H 良

愆陽 開冰, 也。 也。 而 雹,癘疾不降 於是大發。 始啓冰而廟薦之。 冰於地中。 有以解之。 陽氣之盛。 斬冰」是也。 取冰於山也。 反。 人輔相爕調之一事爾,不專恃此以爲 觥,虢彭反,叶古黄反。 也。 霜降 酒之禮 豳土寒多,正月風未解凍,故冰猶可藏 韭,菜名。 ,夏無伏陰,春無凄風 ,先薦寢廟」是也。 也。 殺羔 舉 ,兩尊壺于房户閒是也 十二月陽氣 蘊伏, 夫陽氣之在天地,譬猶火之著於物也,故 滌場者, 食肉之禄,老病喪浴,冰無不及。 至於二月,四陽作, 也。 ,民不夭札也。」胡氏 納,藏 冲冲,鑿冰之意。 羊, 獻羔祭 疆,竟也。 至於四月,陽氣畢達,陰 也。 農事畢 躋子奚反。 韭 蘇氏 萬壽 藏冰所以 而 ,秋無苦雨 而掃場地也。 後啓之。 日: 一 錮而未發,其盛在下 張子曰: 無疆 蟄蟲起,陽始 《周禮》「正歲 日 「古者藏冰發冰,以 躋 彼公堂, 備暑也。 7,升也。 《月令》「仲春獻 ,雷出不震,無 治 「藏冰開 也。」肅 賦也。 此章見民 兩尊 也。 氣將絶 凌陰,冰 用 是以 十二月 稱 日 冰,亦 事,則 蚤,蚤 鑿冰,謂 朋 彼 冬無 忠愛 灾霜 則 則 兕 納 常 羔 朝 室 今 冰 亦

> 以 獻于 公, 舉 酒 而 祝 其 壽 也

事。 而助 忠利 也。 霜露之變,俯察昆蟲草木之化,以知 迎寒,亦如之。」即謂此詩也。 上。 弱 女服事乎内,男服事乎外。 中 七月》八章, 父父子子,夫夫婦婦,養老而 春 、祭祀也時,其燕饗也節,此《七月》之義 「, 畫擊土鼓 章十 , 龡豳詩 王氏曰: 上以誠 以逆 句。 天 暑。 八時,以 慈幼、食力 愛下,下 仰觀 周 授 星

巢者,呼鴟鴞而謂之曰: 也。 惡鳥,攫 室。 比 誠 成王猶未知公之意也。 於孺子。」故周公東征,二年乃得管叔、武庚而誅之。 管叔鮮、蔡叔度監于紂子武庚之國。 叶眉貧反。 無更毀我之室也。 公相之而二叔以武庚叛,且流言於國曰: 武 可 · 庚既敗,管、蔡不可更毁我王室也 勤、篤厚也。 又叶上聲。 鴟 憫。 鳥子而食者也。 斯。 今既取之,其毒甚矣。 鴟鴞,既 鬻,養。 比也。爲鳥言以自比也。 恩斯 以我情愛之心,篤厚之意,鬻養此子 取我子,又叶 公乃作 勤 「鴟鴞鴟鴞,爾既取我之子矣 閔,憂 室,鳥自名 斯, 此 也。 詩 鬻 況又毁我室乎! 以貽 由六反。 武王崩,成王立,周 其巢也。 〇武王克商,使 王,託 「周公將不 迨天之未 鴟鴞,鵂 子之関 爲鳥 恩,情 毁 之愛 鹠 我 利 而 愛

既勸趍其藏冰之役,又相

戒

速畢場功

殺

入聲。

無

曉曉,急也。 堯反。 消反。 也。 居。 敢侮予 侯反。 譙,在消反。 勤勞如此者,以王室之新造而未集故也。 勞苦而至於盡病者,以巢之未成也。」以比己之前日所以 巢者也。蓄,積。 比也。拮据,手口共作之貌。 能治其國家,誰敢侮之!」〇予手拮音吉。 患難之意。 下土之民誰敢有侮予者!」亦以比己深愛王室而預 桑根,以纏綿巢之隙穴,使之堅固,以備陰雨之患 出入處也。 土,桑根皮也。② 陰雨,徹彼桑土,音杜,徒古反。 比 卒瘏,音徒。 己既勞悴,王室又未安,而多難乘之,則其作詩以 〇亦爲鳥言: 【雨又從而飄摇之,則我之哀鳴,安得而不急哉?」 予所捋力活反。荼,予所蓄租 〇比 牖户。 風 雨所漂匹遥反。 ○亦爲鳥言: 也。 故孔子贊之曰: 0 叶演女反。 予尾 亦爲鳥言: 叶後五反。❶ 譙譙,殺也。 綢繆,纏綿也。牖,巢之通氣處。户 租,聚。卒,盡。 日予未有室家。 「作巢之始,所以拮据以捋荼蓄租, **偷偷**,素彫反。 〇比也。迨,及。徹,取也。桑 「我及天未陰雨之時,而往取 「羽殺尾敝以成其室而 捋,取也。 摇,予維音曉曉。 翛翛,敝也。 「爲此詩者,其知道乎! 今女音汝。 瘏,病也。 綢直留反。 予室翹翹,祈 茶, 萑苕, 可藉 叶古胡反。 ,子胡反。 〇予羽 翹翹,危 下民,或 室家,巢 据,音 繆莫 防其 未定 則此 譙 也 子 呼 0

> 王,亦不得 而不汲汲 也

鴟 鴉 》 四 章, 章 五 一句

0

事

見

· 金

縢

西悲。 也。 反。 述其意而言曰: 公東征已三年矣。 得《鴟鴞》之詩,又感雷風之變,始悟而迎周 烝,發語聲。 繣結項中,以止語也。蜎蜎,動貌。 一與反。 |因追言其在東而言歸之時,心已西嚮而 濛,雨貌。裳衣,平居之服也。 ○賦也。 鄭氏曰: 我來自東,零雨其濛。 我徂 蜎鳥玄反。 敦都廻反。彼獨宿,亦在車下。 制彼裳衣,勿士行户郎反。 敦,獨處不移之貌。 東山,慆慆吐刀反。 東山,所征之地也。 士,事也。 「我之東 既歸,因作此詩以勞歸 者蠋,音蜀。 行,陳 征既久, 也。 此則興也。 慆慆,言久也。 我東曰歸 蠋,桑蟲,似蠶者也 而歸塗又有遇 勿士行枚,未詳其 枚,如箸, 烝在桑野。 不 歸。 ±. 枚。叶謨悲 悲 **嘴之**,有 無韻,未 於是周 成王既 叶 蓋爲之 於是制 我 雨之 後 叶 Ŧi.

義。

上 反。 詳。

8 0 0

叶」,元本、明甲本無。

皮」,元本、明甲本、吉本

此」,原無,據元本、明甲本、明乙本補

彼桑野 徂 果贏力果反。 在 東 」塗,則 居 Ш 矣,此 之服 又覩 敦然 而 慆 以爲 物起 之實,亦施羊豉反。 不歸。 而 自 興 獨宿 今可 而自嘆曰: 1者,則 以勿 我 來自東,零雨 爲行 亦 在此 「彼蜎蜎 陳嘴 (車下矣。]〇 于字。 枚之事 名蠋 其濛 伊 矣。 威 我 在

而

先 也

八八八

在

室,蠨音蕭。

蛸所交反。

在户。

後五反。

町

他

懷叶 宵行。 頂反。 其濛。 哉! 蛸, 之勞,在外之久,故每章重言,見其感念之深。 名,如蠶,夜行,喉下有光如螢也。 蔓生延施于宇下也。 而室廬荒廢至於如 我 小蜘 無人焉,故鹿以爲場也。 胡 亦可懷思而已。 徂 畽 蛛也,户 威 叶 鸛 東 反。 他短 户郎 古 Ш 玩 反。 一; 慆 無人出入則結網當之。 反。 也。 反。 伊 鹿場, 不 此,亦可畏 賦 此則述其歸未至而思家之情 鳴 威、鼠婦也。 不歸。 也。 可 于 畏叶於非反。 果赢, 熠燿,明不定貌。 垤,田 熠以執反。 矣。 我 〇章首四句言其往 室不掃則有之。 栝 來自 節 樓也。 然豈可 町 反,叶 畽 1東,零 燿以 也, 畏 施,延 遂言已 舍旁隙 地 而 伊 照 不歸 反 也 也。 可 反。 東 來 地

> 也。 東征之歸士未有室家者,及時而 九其儀,十其儀,言其儀之多也。○賦 白曰駁。 何二反。 九十其儀。 反。 倉庚于飛,熠燿其 徂 皆微物也。見之而喜,則其行久而感深可知矣。 「自我之不見此,亦已三年矣。」栗,周 亦思其夫之勞苦而歎息於家,於是洒掃穹窒以待 知,故 其夫之行忽已至矣。 室家者,相見而喜,當如何邪! 東山 其馬。 垤,蟻 倉庚飛,昬姻時 蟻出 縭,婦人之禕也。 其舊 , 慆慆不歸 塚 垤而 也 叶滿補反。 叶宜、俄二音。 如之何? 穹 鸛就食之,遂鳴 室, 也。 因見苦瓜繫於栗薪之上,而曰: 見《七 羽。 熠燿,鮮明也。 親 我來自東,零雨 母戒女而爲之施衿 其 新 月 結其縭,叶離、羅二音 叶奚、河二音。 之子于歸,皇駁邦角 唇 姻, 於其上也。 孔 土所宜木,與苦瓜 時物以起興 將 既甚美矣。 嘉 陰 黄 雨 白 叶居宜、居 〇賦 則 結帨也 其濛。 穴 介而 其 其舊 而 言 興

其唯《東 其情而閔其 望女也,四章樂男女之得及時也。君子之於人,序 章言其完也,二章言其思也,三章言其室家之 思」謂 男女及時」, 東山 Ш 到》乎?」 未至而思,有愴恨之懷。 一勞,所以 》四章,章 人愚謂 亦皆其心之所願 説 「完」謂 也。 説 十二句。 全師 以 使民,民忘其死, 而歸,無死傷之 而 至於「室家望 不敢言者。 《序》 日

歎于室。

洒

埽穹室,我征

聿

至。 自我

叶

入聲

有

都

過反。

瓜

苦,烝在

薪

不

叶

尼

因

反。

0

)賦也。 栗

鸛,

鳥,似

鶴者

也。 也。 也。 也。 也, 他其所以維持鞏固數十百年,而無一旦土崩之患之際,情志交孚,雖家人父子之相語,無以過之。 之際,情志交孚,雖家人父子之相語,無以過之。 激之情爲如何哉! 蓋古之勞詩皆如此。其上下 上之人乃先其未發而歌詠以勞苦之,則其歡欣感

哉 ? 皇,匡 征 五戈反。 正大,而天地之情真可見矣。 之人,亦皆能以周公之心爲心,而不自爲一身一家之計, 於天下,則撫之雖勤,勞之雖至,而從役之士豈能不怨也 而公以六軍之衆往而征之,使其心一有出於自私而不在 缺斨之勞,而義有所不得辭矣。 夫管、蔡流言以謗周公, 於正而後已。其哀我人也,豈不大哉!」然則雖有 斨,其勞甚矣。然周公之爲此舉,蓋將使四方莫敢 故言此以答其意。 隋銎曰斧,方銎曰斨,征伐之用也。 蓋亦莫非聖人之徒也。學者於此熟玩而有得焉,則其心 無有一豪自愛之私。抑又有以見當是之時,雖被堅執鋭 四 也。 巨宜反,叶巨何反。 今觀此詩,固足以見周公之心大公至正,天下信其 既破我斧,又缺我斨。七羊反。 國是皇。 哀我人斯,亦孔之嘉。叶居何反。 將,大也。 日: 哀我人斯, 〇從軍之士以前篇周公勞己之勤! 「東征之役,既破我斧,而缺我 周公東征,四國是吪。 既破 亦孔之將。 四國,四方之國 我斧,又缺我 周公東 賦也。 0 也

> 反。 也。 缺 我銶。 哀我人斯,亦孔之休。 錡,鑿屬。 音求。 吡,化。 周公東征 嘉,善也。 賦也。 兀 既 國 破 是 銶,木屬。遒. 道。 我斧, 在羞

**歛而固之也。休,美也** 

之。 私之哉! 流言,將危周公以閒王室,得罪於天下,故周 以叛,周公之爲相也,則誅之。 日以殺舜爲事,舜爲天子也,則封之。 也。蓋象之禍及於舜而已,故舜封之, 非周公誅之,天下之所當誅也。 破斧》三章,章六句。 迹雖不同,其道 范氏 周公豈得 管 日 蔡 啓 公 前 誅 則 商 象

媒,則亦不過即此見之,而成其同牢之禮矣。 也。 平日欲見周公之難。 媒,通二姓之言者也。 如 斧,則不過即此舊斧之柯,而得其新柯之法。 籩,竹豆也。豆,木豆也。踐,行列之貌。○言伐柯而 我 比今日得見周公之易,深喜之之詞也 何? 觀古豆反。之子, 籩豆有踐。賤淺反。 則,法也。我,東人自我也。 伐柯 匪媒不得。 如何? 〇周公居東之時,東人言此,以比 匪斧不克。 〇伐柯 比也。 伐柯,其則不遠。 之子,指其妻而 柯,斧柄也。 取七喻反。 東人言此 娶妻而 克,能 言 〇比 也。 有

# 《伐柯》二章,章四句。

於此,是以東方有此服衮衣之人。又願其且 無使我心悲兮。 復來東也。 今特於女信處而已。 周公,又自相謂而言,鴻飛則遵渚矣,公歸豈無所乎? 於女音汝,下同。 見其衮衣繡裳之服矣。 得見之,而言九罭之網則有鱒、魴之魚矣,我覯之子,則 龍首卷然,故謂之衮也。 黻,皆繡於裳。天子之龍一升二降。❶ 上公但有降龍,以 虎蜼也,皆績於衣; 章,一曰龍,二曰山,三曰華蟲,雉也,四曰火,五曰宗彝, 美者也。我,東人自我也。 囊之網也。鱒,似鯶而鱗細,眼赤。魴,已見上。皆魚之 我觀之子,衮古本反。 迎公以 女,東人自相女也。 九罭于逼反。 ,歸則將不復來,而使我心悲也 興也。高平曰陸。不復,言將留相王室而不 〇是以有衮衣兮,無以我公歸兮, 信處。興也。 賦也。承上二章,言周公信處信宿 六曰藻,七曰粉米,八曰黼,九曰 之魚,鱒ォ損 再宿曰信。 鴻飛遵陸,公歸不復,於 ○鴻飛遵渚,公歸無所, 〇此亦周公居東之時,東人喜 之子,指周公也。 遵,循也。 ○東人聞成王將迎 反。 也。 留 衮衣裳九 渚,小洲 於此,無 九器,九

《九罭》四章,一章四句,三章章

三句。

其胡。 慮之意,所以不失其聖而德音不瑕也。 之處己也,夔夔然存恭畏之心, 也。德音,猶令聞也。瑕,疵病也。 公之至,而其立言亦有法矣。 使讒邪之口得以加乎公之忠聖。此可見其愛公之深、敬 以爲此非四國之所爲,乃公自讓其大美而不居耳,蓋不 而不失其常也。夫公之被毁,以管、蔡之流言也,而 此,蓋其道隆德盛而安土樂天有不足言者,所以遭 跋其胡則疐其尾矣,公遭流言之變,而其安肆自得 公雖遭疑謗,然所以處之不失其常,故詩人美之。 大。膚,美也。 進而躐其胡, 躐也。胡,頷下懸肉也。載,則。 公孫音遜。 狼跋 公孫碩膚,德音不瑕。 蒲 則退而跲其尾。公,周公也。 碩膚,赤舄音昔。 赤舄,冕服之舄也。几几,安重貌。 末反。 其 胡 載 ○狼 其存誠也, 蕩蕩然 疐, 跆也。 **建**丁四 ○程子曰: 几几。 疐其尾,載跋 叶洪孤反。 反。 孫,讓。 老狼 興也。 其 周 有胡 〇興 大變 詩 無 乃 顧 公

潛或飛,能大能小,其變化不測。 然得而蓄之若《狼跋》二章,章四句。 范氏曰: 神龍

「二」,明甲本、吉本作「一」。

0

几,德音不瑕,其致一也。 是成。周公遠則四國流言,近則王不知,而赤舄几舜受堯之天下,不以爲泰。孔子阨於陳、蔡而不以舜受堯之天下,不以爲泰。孔子阨於陳、蔡而不以舜受堯之天下,不以爲泰。孔子阨於陳、蔡而不以為成。周公遠則四國流言,近則王不知,而赤舄也。此其可以蓄之,是以亦得醢而犬羊然,有欲故也。唯其可以蓄之,是以亦得醢而

正乎? 《豳》,遠矣哉。」〇《籥章》「龡《豳詩》以逆暑迎 句。 其道情思者爲《風》,正禮節者爲《雅》,樂 篇章之所在。 田祖」,則「龡《豳雅》」「以樂田畯」,「祭蜡則龡 可正也,惟周公能之,故係之以正。 矣。夫子蓋傷之也,故終之以《豳風》,言變之 之末何也?」曰: 公至誠,其孰卒正之哉!」元曰 者爲《頌》。 寒」,已見於《七月》之篇矣。又曰: 危而克扶,始終不失其本,其惟周公乎? 係之 之際,亦有變《風》乎?」曰: 《風》也?」曰 爾頌》」「以息老物」。則考之於《詩》,未見其 程元問於文中子曰 豳國七篇,二十七章,二百 成王終疑周公,則《風》遂變矣。 然一篇之詩,首尾相應,乃剟取其 故鄭氏三分《七月》之詩以當之、 「變《風》也。」元日 「夷王以下,變《風》不復正 : 「敢問《豳 「君臣相誚,其能 : 「居變《風 變而克正 : 「祈年于 「周公 風 非周 》何

詩卷第八

篇,讀者擇焉可也

可行。 調本 作者,皆可冠以《豳》號。 或以爲《雅》,或以爲《頌》,則於理爲通,而 以《七月》全篇隨事而變其音節,或以爲《風 節 有是詩 而 如又不然,則 偏用之,恐無此理。 而亡之。 《雅》《頌》之中凡爲農事而 其説近是。 其説具於《大田》、《良 故王氏不取, 或者又 疑 事亦 而 但

九

## 詩卷第九

#### 朱熹集傳

變也,則事未必同 小雅二雅者, 或歡欣和説,以盡羣下之情; 饗之樂也; 殊,而先儒説又各有正變之别。以今考之,正《小 詞氣不同,音節亦異,多周公制作時所定也。 正《大雅》,會朝之樂,受釐陳戒之辭 正也,正樂之歌也。 而 各以其聲附之。 或恭敬齊莊,以發先王之 其次序時 其篇本有大小 世 也 雅 り則 及其

爲一卷,而謂之什,猶軍法以十人爲什也。
鹿鳴之什二之一《雅》、《頌》無諸國別,故以十篇

鼓簧,音黄。承筐是將。人之好呼報反。我,音旁。我有嘉賓,鼓瑟吹笙。叶師莊反。吹笙 呦呦音幽。鹿鳴,叶音芒。食野之苹。叶

芩。

其今反。

我有嘉賓,鼓瑟鼓琴。

鼓 食 瑟 野

閒,而

其所以示我者深矣。

呦

呦

鹿鳴,

○興也。

恌,偷薄也。

敖,游也。

○言嘉賓之德音

蒿,鼓也,即青蒿也。

孔,甚。

昭,明

也。

視,與

足以示民,使不偷薄,而君子所當則傚,則亦不待言語之

蒿。 言也。 叶胡高反。 其所以和樂而不淫也與! 於示我以大道,則必不以 不歸德,君子不自留焉。」蓋其所望於羣臣嘉賓者,唯 如此,庶乎人之好我而示我以大道也。《記》曰: 忠告之益。 廷之禮以敬爲主,然一於嚴敬則情或不通,而 勸飽也。 將,行也。奉筐而行幣帛,飲則以酬賓,送酒食則以侑 客,或本國之臣,或諸侯之使也。 苹,籟簫也,青色,白莖如 示我 上下之情,而其樂歌又以《鹿鳴》起興,而言其禮意之厚 **恌**,他彫反,叶音洮。 簧,笙中之簧也。承,奉也。筐,所以盛幣帛 、周行。 我有嘉賓,德音孔昭。 〇此燕饗賓客之詩也。蓋君臣之分以嚴爲主, 周行,大道也。 故先王因其飲食聚會而制 我有旨酒,嘉賓式燕以敖。 叶 户 郎 反。 私 古者於旅也語,故欲於此 君子是則 筋。 惠爲德 〇呦 0 興 我,主人也。 瑟、笙,燕禮所用之樂 也。 呦鹿鳴,食野之 而自留矣。 叶 爲燕饗之禮,以 是 呦 側豪反。 呦, 傚。 賓,所燕之 聲 無以 嗚呼, 之 胡 牛刀反。 視 教 和 反 民 也 其

其 旨 股,葉如 八心,則 而 酒 和 欲 樂 以 其 非 竹 止養其 《教示之無已也 蔓生。 燕 音 洛。 嘉賓之心。 體、娱其外而已。 湛,樂之久也。 目. 湛。 都 南 興也。 反,叶 燕,安也。 蓋所以致其慇懃之 芩,草名,莖如 持 林反。 ○言安樂 我 有 釵

謂此三 朝日 樂不備,則 之以實,求之以 於此見矣。 樂亦然。 鳴》、《四牡》、《皇皇者 食幣帛爲悦哉? 羣臣嘉賓 燕 共心乎? 羣 君臣焉 臣、嘉賓之詩」。 詩。 鹿 而《學記》言「大學始教《宵雅 而 賢者不處也。 鳴》三章,章 ○范氏日 作,其後乃推 然則又爲上下通用之樂矣。 ,於燕曰賓主焉。 誠 夫婚姻不備,則貞女不行 所 華》,即 而《燕禮 以 賢者不處,則 而 得其心也 食之以禮,樂之以 八句。 用之鄉人也歟? 先王以禮使臣之厚, 謂此 》亦云「工 也。 按《序 一世得 賢者豈以飲 豈 肄 鄉 以以 本爲 飲酒 樂 也 歌 樂,將 然於 耐 此 《鹿 燕 亦 用 爲

贵 臣 一之事 也。 不 懷 騑 几 牡 騑,行不止 歸 堅 騑 也。 固 也。 騑 故 Ŧ 一之貌 爲 芳非 〇此勞使臣之詩也。 事 臣 靡 者 反。 周 奔 **盬**,音古。 道,大路 走於王 周 道 事,特以盡其職分 倭於危反。 也。 我 倭遲 夫君之使臣 心 п П 傷 遠之 悲。

子也; 乎? 黑鬣日 之所 待其 扶雨反。 集 勞臣 解王 也; 牡 或下,而集於所安之處。 凡鳥之短尾者,皆佳屬。 事 反。 以 其父,此 上下之閒,可 一而 而 而 感人心也。] () 于苞 鵻 靡盬,不遑啓 也, 傷悲 當爲 事。」范氏曰: 出 自安也。 駱音洛。 「忠臣 特以王事不可以不堅固,不敢徇 靡 駱。 使 當 鹽 無公義,非 君人者所以不 必先恩 〇 興 也。 栩。 而 於外,其 而 作「隹」,朱惟 者,公義 已,何 自傷哉? 孝子之行役,未嘗不念其親。 遑,暇。 謂 臣 故燕響之際 也。 況 馬。 而後 各盡其 勞於事而不自 翩 敢 甫 道路之回 也; 翩翩 忠臣也。 「臣之事上也,必先公而後私。 啓,跪。 處。 義。」〇 自 反。 翩者鵻,載飛載止,集于 叶 亦憂其憂如己而已 以 能 道 反。 滿補 爲 將,養也。 傷悲者,情思 飛貌。 今使人乃勞苦於外,而 賦 Ŧ ,叙其情以閔其勞。 矣。 自 勞 君子不以私害公,不以 遠 處, 也。 安,而 反。 哉? 事 四 載 如 傳日 言 居也。 齇, 靡盬,不 牡騑騑, 飛 嘽嘽,衆盛之貌。 此,當是時, 豈 君 深以 ○翩翩者鵻 載 夫不也,今鵓鳩 探 也。 私以廢公,是以 君之心,則 不懷 下,叶後五反。 其 爲 矣。 思 君之使臣,贵 情 無 憂 翩翩 追將: 嘽 歸 歸? 私恩,非 而代之言 也。 言 此聖人所 者 喧 猶或 不遑 不 駕 不 私 音 君之 白馬 家 范 他 思 此 敢 也 篇 事 氏 養 飛 丹 孝 恩 内 歸 四 以

傳

九

駸駸。 〇興 也。 杞。 將母來說。 也。 設言其情以勞之耳。 音 :其不獲養父母之情而來告於君也,非使人作是 起。 杞, 侵、寢二音。 枸檵 王 深、審二音。 事 也 靡 豈 盬 獨言「將母」者,因上章之文也。 駕 不 ○賦 不 彼 懷 遑 也。 四 歸 將 . 駱 ? 駸駸,驟貌。 母 載 驟 用 叶 助 滿 作 **諗**,告 救 彼 反 反 歌

所以 之樂,疑亦本爲勞使臣而作,其後乃移以它用 稱,亦正合其本事 而 《外傳 「勞使臣之來」,甚協詩意。 四牡》五章,章五句。 》以爲章使臣之勤。 也。 但《儀禮》又以爲 所謂 故《春 使 臣 按《序》言此詩 雖叔 1秋傳》亦 上下通用 孫之自 耳。 云

駪駪 之忠厚,亦可見矣。 不及矣。」蓋亦因以 也,美其行道之勤,而述其心之所懷曰: 臣之受命,亦唯恐其 駪,衆多疾行之貌。 煌 遣 于彼原隰矣。 煌 使臣之詩也。君之使臣,固欲其宣上德而達下情 也。 所巾反。 皇皇者 華,草木之華也。 此駪 華,芳無反,與「夫」叶。 征 爲戒,然其詞之婉而不迫如此。 征夫,使臣與其屬 夫,每 無以副君 駪然之征 我 馬 懷 高 之意也。 維 [夫,則其所懷思常若有所 平 靡 駒 日 及。 原。 也。 恭于、恭侯 故先王之遺使臣 興也。 下濕 于彼 「彼煌煌之華 懷,思也 日 皇皇, 原隰 隰 而 此

> 也。 反。 六轡如: 以協韻爾。 叶莫悲反。 程子曰: 自以每懷靡及,故廣詢博訪! 濡,鮮澤也。 由二反。 也。 · 音因。 沃若, 若。 如 陰白 絲。 濡 周 「咨訪,使臣之大務。」() 猶「如濡」也。 載 〇賦 雜毛曰駰。 下章放此。 六轡既 爰咨 周,徧。 馳 叶新齎反。 如 也。 載驅 朱、 諏。 均。 如丝,調忍也 爰,於也。 如 均,調也。 由二 ,周爰咨度。 度,猶「謀」也。 子須、子侯二反。 )我馬維駱,六轡沃烏毒 載馳載驅,周爰咨謀 載 ,以補其不及 反。 馳載驅 咨諏 詢,猶 載 我 謀,猶「 馳 訪 馬 載 「度 待洛反。 問 維騏 周爰咨 而 驅 也 也。 諏」也,變文 盡其 我 賦 虧 , 音其。 也。 馬 于、 詢。 使 也 賦 臣 如 虧

有不自治,而能正君 於周,敢 子 本爲遺使臣 使臣」,其説已見前篇。 以 「王者遣 ,所謂 ,則可以善君矣; 此 夫臣欲助其君之德,必 詩爲「君遣使臣」。《春秋》内、外傳皆云「君 君教使臣曰: 皇皇者華》五章, 《不拜教。」可謂得《詩》之意矣。 使於四方,教之以 而作,其後乃移以 君也。」 臣能 《儀禮》亦見《鹿鳴》。 每懷靡 聽 答 求賢以自助 諫 諏 它用也。 章四句。 及, 諏謀 則 善 可 道 諫 度詢 范 然 以 故 君 臣能 按《序 廣 氏 叔 必必 聰 孫 疑 曰 從 明 穆 亦

賦 駰

專以 威,畏。 當此之時 也。 每 丽 兄弟之變,如《孟 爲相求也。 惟兄弟爲相恤耳。 威 也。 棣也,子如 ○脊令飛則鳴,行則摇,有急難之意。 井益反。 以爲文、武之詩,則誤矣。 華,則其鄂 也。 反。 心 道之」者。 舉 如兄弟者乎? 脊令, 雝渠 死 此 良 喪、急難、鬪鬩之事爲言。 懷、思。 原隰 自 萊吕 朋 棣 令音零。 櫻桃 相矛盾者以見其 然而外見者,豈不韡韡 光 此詩蓋 故此詩反 沉況也 《序》以 有 明 氏 良薄侯反。 良朋 貌 |子》所謂「其兄關弓而射之,則己垂涕泣 裒,聚也。 日 至於積尸哀聚於原野之閒,亦惟兄弟 ○死喪之威,兄弟孔懷。 食。 一周公既誅管、蔡而作。 鳥也。 爲「閔管、蔡之失道」者得之。 ,不過爲之長嘆 永歎。 兄弟。 在 覆 言 此燕兄弟 疎其 鄂,鄂然外見之貌。 原,兄弟 Ŧi. 大抵舊説《詩 朋友之不如兄弟 況,發 一端,後不能 〇言死喪之禍,它人所畏惡, 矣,兄弟求 所 反。 待 吐丹反,叶 親,而親其 語 禮 之樂歌。 其志切,其情哀 乎? 息而 詞, 反。 急 韡 故 難 或 》之時世,皆不足 悉辯 凡今之人,則豈 它涓 以 韡 故此章以下 所 興 故言 煮 矣。 ,力或不 起 當作 也 叶 也 显示之以. 興。 反。 泥 常 沿反。 乃 賦 常 鬼 叶 棣 失 能 怳 0 岢 丽 而 也。 反 其 處 相 興 又

賦也。 聲。 歟? 具,俱 既 安且寧。 日: 叶 作也,聖人之言,小大高下皆宜,而前後左右不相悖。」 急 友 有 疎之分,使之反循其 兄弟有不具焉,則無與共享其樂矣。 價賓鄉反。 兄弟鬩 且 言安寧之後,乃有視兄弟不如友生者 及也。 侮,罔 序。 丽 難爲有差等耳。 除,胡可 具, 則同心禦之矣。 主反。 曰: 也。 「兄弟雖有小忿,不廢懿親。」( 上章言患難之時,兄弟相救非朋 兄弟之親 甫反。 和 答南反 助 許歷 雜施 保哉 孺,小兒之慕父母也。 也。 樂音洛 每 雖 爾籩豆,飲酒之飫 有良朋,況 而不孫,雖 反。 賦 有兄弟,不如 ,叶持林反。 瑟 ○言兄弟設 也。 或曰: 篤 詩人之詞,容有 有 于牆 木 雖有良朋, 豈能有所 鬩, 也。 良 而 且. 也 日 兄 朋 朋, 鬪 儒。 1厚於朋 永嘆,則 友之義 人之在難 很 有 ○賦也。 心既 禦 不幸鬪 也。 烝之承反。 友生。 賦 其 得 友 抑 北非不憂 亦 **翕**,許及反。 言 也。 , 悖理之甚 揚、然 敦矣,初 如 陳鑊 喪 務 朋 則 翕 友可 於慮反。 很 儐, 禁 由 妻子 亂 友亦 叶 助 于 憫 也。 源 豆以 親 陳。 比。 桑經反。 内, 既 乎? 春 也 但 及 미 l 秋傳 醉 也 疎 好 平 無 以 此 視 〇言 富辰 發語 呼 有 周 於 秩 兄 坐 外 弟 朋

乎? 帑,子。 究是 然者也。 然者也 兄弟於人,其重 具而後樂且孺 好合如 宜 東萊吕氏曰: 圖,亶其然乎 爾室家,叶 究,窮。 不誠 苟非是究是圖,實從事於此,則亦未有誠 琴瑟之和 也。 知其然,則所知者特其名而已矣。 圖,謀。 如 而 此。 樂爾妻帑者,兄弟翕 古胡 「告人以兄弟之當親,未有 兄 試 亶,信也。 反。 弟 以是究而圖之,豈 有不合焉 就用 爾 「乎」字爲 ○宜爾 妻 則 而後樂且 無 室家者 韻 以 音奴。 久 不 ○賦 其 不以 信 凡學, 1,兄弟 湛 樂 知其 其 也。 也。 爲 然

出

蓋莫不然。」

至親 五 有小忿,猶必共禦外侮。其所以言之者,雖若 於死喪矣。 有所不能已者言之。 之,以明兄弟之情其切如此。三章但言急難 約,而 |言兄弟之恩,異形同氣,死生苦樂無適 反爲路人,而人道或幾乎息矣。 一章,遂言安寧之後 收,❶但 曲 莫如兄弟之意。 漸次 卒章又申告之,使反覆窮極 常棣》八章,章 所以 有急難,便當相助。 至於四章,則又以其情義之甚薄 ,説盡人情矣。 著夫兄弟之義者,益深且切 其《序》若曰不待死 ,乃謂兄弟不如友 次章乃以 四 讀者宜深味之。 句 言又不幸而 意外不 而驗其 故下兩章 此詩首 生, 測 矣。 而 之事 至 章 ,而猶 ,則淺 然後 乃 益輕 -略言 相 是 至於 於或 言 至

> 樂歌。 遷,升。 平。 聲。 則神之聽之,終和且平矣。 遂以鳥之求友,喻人之不可無友也。 矣,不求友生。 所宜反。 自 以 興也。 幽 伐 相息亮反。 故以伐木之丁丁,興鳥鳴之嚶嚶,而言鳥之求友。 喬,高。 速諸父。 谷, 木 丁丁,伐木聲。 酒 遷于喬 有藇。 相,視。 彼鳥矣,猶求友聲。 叶桑經反。 扶雨反。 陟 耕 矧, 況 木。 象吕反。 反。 嚶嚶,鳥聲之和也。 〇伐 也。 嚶其 寧適 神之聽之,終和 鳴 既 木許許, 〇此燕朋友故舊之 人能 不 鳴 嚶 有肥 來 矣 嚶 篤朋友之好, 羜, 微 矧 求 呼古反。 於 我 伊 其 耕 直 弗 反。 友 吕

咎。 子》曰: 反,叶 友 茅」是也。 者,或以 牡 顧 之同 0 其 叶 蘇 姓 速諸 八九反。 吼反。 筐,或以草,沸之而 居五反。 而 藇,美貌。 舉大木者呼邪許。」蓋舉重 尊 者 舅。 〇興 陳饋八簋。 也 於音鳥。 其九反。 也。 羜,未成羊也。 微,無。 許許,衆人共力之聲。 一去其糟 粲洒 顧,念也。 寧適不 叶己有 也。 1所解 速,召也。 一勸力之歌 禮所 反。 反。 於,歎 來 微微 謂 既 也。 埽 辭。 諸父, 蘇蘇 我 有 淮 報 酒 南

反。

釃

收」,元本作「助」,吉本作「救」。

鮮明 旬反。 衍。 以至於失朋友之義者,非必有大故,或但以乾餱之薄不 也。乾餱,食之薄者也。 同儕者。無遠,皆在也。 此 德,乾餱音侯。 之不至也。 食以樂朋友如 先諸父而 分人,而至於有愆耳。 清矣。興也。衍,多也。踐,陳列貌。兄弟,朋友之 貌。 坎坎,擊鼓聲。 能 我,無酒酤音古。 飲酒以相樂也。 籩豆 舞我。 先施矣。 八簋 後 孔子曰: 諸 有踐,在演反。 近此,寧 見者,親 ,器之盛 迨音待。 〇伐 以愆。 蹲蹲,舞貌。 使彼適有故 「所求乎朋友,先施之未能也。」 也。 木于阪,叶孚臠反。 疎之殺也。 愆,過 先諸舅而後兄弟者,尊卑之等 故我於朋友不計有無,但及閑 我。 諸舅,朋 叶起淺反。 我暇叶後五反。 兄弟無遠。 也。 迨,及也。 坎坎鼓我,蹲蹲七 而不來,而無使我恩 咎,過也。 友之異姓 湑,亦釃也。 有酒 〇言人之所 而 民之失 〇言具 矣, 湑 思 尊者 飲 日 意

爲三章。舊作六章誤矣。」今從其説正之。「此詩每章首輒云「伐木」,凡三云「伐木」,故知當《伐木》三章,章十二句。劉氏曰:

厚 保定爾, 不除? 直 亦 慮反 孔之固 俾 爾 多益 俾 爾 以以 單 莫不 音 丹

也。 若反。 阜,如 反。 之意。 除 庶。 秋曰嘗,冬曰烝。公,先公也,謂后稷以下至公叔祖 交相與也。 遠也。爾有以受天之禄矣,而又降爾以福。言天人之際 穀,善也。盡善云者,猶其曰單厚多益 維 反。 詩燕其臣 詒 者,此必武王以後所作也。 也。先王,大王以下也。君,通謂先公先王也。卜,猶期 無 正如此。 以之反。 日不足。 除舊而 使之獲 此尸傳神意以嘏主人之詞。 館,酒食也。享,獻 興,盛也。高平曰陸,大陸曰阜,大阜曰陵,皆高 爲饎,尺志反。 賦 川之方至,言其盛長之未可量也。 祠烝嘗,于公先王。 岡 也。 賦也。吉,言諏日擇士之善。 , 臣受賜 福 如 〇天保定爾,以莫不興。 生 《書》所謂「昭受上帝,天其申命用休 保,安 爾多福。 如 陵。 無不 賦也。聞人氏曰: 此 也 也。 者歌此詩以答其君。 也。 庶,衆 如川之方至,以莫不增。 宜,受天百禄。 是用孝享。 也。 爾,指 叶筆力反。 也。〇人 天保定爾 宗廟之祭,春 〇神之弔 君 也。 文王時 君 戬,與 君以《鹿 叶虚良反。 固 日 民之質矣,日 蠲,言齋戒滌濯之 也。 堅。 俾 言天之安定 都歷反。 周未有日 1 日 降 〇吉蠲 「剪」同 一祠,夏 爾 ·爾,萬 鳴》以 爾 單, 戩 嘏 盡 」,語意 盡 古玄 子 下 也 如 뒓 餘 大

升 其質實無偽 上弦而就盈,日始出而就明。 柏之茂, 助爾而 米將落 「黔首」也。 飲 神之至矣,猶言祖考來格 食 爲德也。 而 新葉已生,相繼而長茂也 ,日用飲食 山之壽,不騫起虔反。 百姓 不爾 ,庶民也。 百 成承。 如月之恒,古登反。 姓 而 己。 騫,虧 爲爾德者,言 羣,衆也。 也。 賦也。 爲 爾 詒 也。 恒,弦升出 不崩 承,繼 黎,黑也 則 뒖 而象之,猶 也 也。 如日 也。 也 弔 如 言 松 月 至

《天保》六章,章六句

暇啓居 自言 詩。 也。 故。 玁 音險。 歸,歲亦莫音慕。 歸,則 玁狁,北 而以 興也。 所 其出 采薇采薇,薇 程子曰: -得已 狁 音允。 歲 采薇起 成之時采薇以食, 上之人固爲是以 亦莫止矣。 狄 而 也。 興日: 耳。 遑,暇。 之故。 毒 岭 作,生 亦作 民不由 然凡此所以使我舍其 蓋 采薇采薇,則薇 叙其 苦 而 叶則故 出 靡 不遑啓居,玁 其上,則人懷敵愾之心 念歸 勤 我 跪 地也。 室靡家,叶古乎反。 也,直以玁 苦悲傷之情,而 也。 期之遠 亦作 此 也,故爲其 狁 (室家 遺 成役 侵 狁 陵 而 之 之 之

> 弱也。 烈反。 春暮遺· 業業, 壯也。 何 ? 也。 爾,華盛貌。 維 純陰用事,嫌於無陽,故名之曰陽月也。 叶六直反。○興也。 啃 歸 戍人念歸期之遠而憂勞之甚,然戍事未已,則無人可 之防秋也。」〇采薇采薇,薇亦柔 夏代者至 矣。」又 而問其室家之安否也。 何 來,歸也。 「業業。 處 烈烈,憂貌。 次戍者。 日 我戍未定,靡使 君子之車。斤於、尺奢二反。 亦憂 ,復留備秋,至過 捷,勝也。 常 憂心孔 谑 古者 常之華。 此見士之竭力致死無還 豈敢定居 常棣也。 每秋與冬初 戍 載,則也。 剛,既 憂心烈烈,載飢 及役,兩 歲亦陽 ·疾,叶訖· 路, 十 彼爾然而盛者,常棣之華 芳無、 成 〇采薇采 公歸聘。 一月 戎車 兩番成 而剛 而 岸。 定,止。 力反。 還。 胡 而 也 也。 瓜二反。 月三捷。 興也。 今 心也。 君子,謂 聘,問 岸 陽,十月也。 年 又明年中 孔,甚。 事 薇 戎 在 行 車 靡 渴。 疆 將帥 -既駕, 圉 興 彼 歸 春 也。 生 時 剛 使 言 E. 而

彼 以定居 牡 乎? 四 牡 庶乎一 騤 騤。 月之閒,三戰 求 龜 反。 而三 子 所依,小

彼路車者,君子之車

也。

車既駕,

而

四牡盛矣。

何

人預自 棘。 我 戍 服也。戒,警。棘,急也。 翼,行列 子 服 日 此皆極 人道 相警戒乎? 役之所芘倚。 豬,東海有之,其 日 所 往 賦 腓 悲,莫知我 霏 道 使 渞 整治之狀。 也。 蒲 霏, 人,後世則牛羊而已矣。 其歸時之事,以見其勤勞之甚 而 其 北 芳菲反。 雪甚 騤 能 勞苦憂傷之情 反。 非 勵 騤 玁狁之難甚 動 且其行列 反。 貌。 强 也。 矣。」范氏 依 豈 (皮背上斑文,腹 哀。 象弭,以 也。 依。 不 行道 兀 遲遲,長 如 足 日 叶 牡 〇言戎車者,將帥 依 整 急,誠 D 日: 之排 也。 戒,叶 遲 今我 翼 於希反。 象骨 治,而 猶 遠也。 遲 乘 不可以忘備 「予於《采薇》, 飾 足 器械精 能 下 來 也。 訖 載 弓 動 察其 . 純 〇賦 〇此 力反。 弰 則 清,可 腓,猶 渴 也。 隨 也。 好 彌 章 載 他也。 雨 而 之所依 如此 氏 程 又設爲 爲弓鞬 玁 飢。 動 芘 楊 于 反。 子曰 也。」 雖 也。 狁 柳,蒲 付 反 孔 我 魚 不 mi 役

《采薇》六章,章八句。

所 節 力反。 我 來叶 車,于 六 直 王 反。 彼牧叶 莫狄反。 乃 彼 旦 反。 僕 其 謂

曰 : 任大責重爲憂,而 悄,憂貌。 隼龜蛇,《 内,蓋前軍 多難,是行也,不可以緩矣。」〇 將 子之言 設旗幟。 叶音高。 南 南 師 心悄 仲 各司其局 行之法,四 建,立 古 車於 夫 賦 彼旟音餘。 行三 方 往城于 於良反。 也。 也 矣。 彼旗 者 曲 況,兹也,或云當作 也。 郊外 朔方,今靈夏等州 Ė 狁 軍 出 禮 至牧,而後軍猶 于 僕夫 則士無失伍離次矣。」施 ,亦曰「臨 幟 一方之星 師 旄,注 》所謂「前朱 ′', 此 者,豈 方。 夫使之載其 襄。 以 僕夫亦爲之恐 天 勞還率之詩。 喪禮處之,命下 語 外 此 況 旐 旄 也 各 其 賦也。 不 旐 出 瘁。 斯 (人曰: 於旗干之首也。 事 隨 施 命我,城 音 自 而 其 雀 斾 之地。 東以 在 胡 懼」,皆 兆 王 方以 似 一而後 怳 從 耐 郊 我出我車 懼而 醉 不 周 飛揚乎? 追言 也。 彭 也。 行,而 我受命 反。 爲 玄 矣,建彼旄 之日,士 斾 王也 叶叶 彭 此 憔悴 彼 左右 武 設, 彭 斾 施。 其 意 戒 0 言出 也也 朔 鋪 子 也。」〇 鳥 於 始 飛 之曰: 耳。 陳 賦 衆 郎反 前 南仲 盛 一皆泣 但 湯之貌 隼 天子 受 周 也 也 叶 車在 將 東萊吕 日 王 蒲 ,之所 帥 進 出 氏 郊 此 也 三王 音 寐 方 在 征 時 退 日 蛇 旐 氏 以 悄 有 牧 而

之出 懷歸 行而 於是車 如此 勝之也。 忡。 蟲 曰 : 顯 爲 胡攻反。 也。 反。 戎狄之道 以哀敬爲本,而 之所謂『來』,歸 往時所見,與今還時 日簡書,策命臨 往」,在道 也 簡書, 黍稷 趯趯 雪載 不相悖也。」程 征 「《采 軟中反。 1戎而 也,其 馬 此 畏此 既見 守守 衆盛,旗 ○東萊吕 赫赫 所 時 薇 戒命 方華。 他歷反。 未歸也 塗。 謂 至家感 以》之所 也。 也 備爲本,不 簡 左 所尚 也。 後 遺 既見君子,我心則降。 南 而 青 或 《采薇》之所謂『來』,戍畢 旐 心可 之詞 王 氏日 ,豈既却玁 仲 在 子 龍 叶 則 鮮 日 時 謂 阜 所 隣 道 事 Ė: 賦也。 ,薄伐西 也 芳無 威。 明 上 降耳。 物之變而念之,以爲 往」, 也。 或 遭,以見其出之久也。 時也。」〇 ~ 。 以 也, (), 威 多 有 「大將傳天子之命以 央 二章之戒懼,三章之奮揚,並 反。 攻戰 0 急 難, 與 靈氣焰,赫然動人矣。 央,鮮 % 而還 城 華,盛 遣 此 然此南仲今何在 懷 未見君子,憂心忡 則 朔方而玁狁之難除。 戍 爲先 言其既 戏。 不遑 今我 以 ) 喓 喓 Ш 時 明 簡 也。 師以伐昆夷也與? 也。」〇 襄陵」之 也。 也 賦 書 啓居。 來思 歸 塗,凍 也。 相 於 在 此 未見 時 戒 遥 户江反,叶 塗, ) 昔我 赫 詩 河,雨于 此言 也。 東萊吕氏 命 釋 乎? 反。 令軍 之所 豈 而 威 而 也 而 此詩 泥塗 憂之 I 將 帥 本 名 不 草 其 付 謂 方 或 光

> 伐西戎 也。 奚反。 貴反。 於此之時 陽氏曰: 也。訊,其魁首當訊問 薄言還音旋。 薄之爲 卉,草也。 言 采蘩祁 獨言平玁狁者,玁狁大,故以爲始,以 聊 執訊獲醜而歸,豈不樂哉! 姜 「述其歸時,春日暄妍,草木榮茂,而禽鳥和鳴。 也 萋。 萋萋,盛貌。 蓋 歸。 祁。 不 七 勞 者也。 西反。 餘 赫 巨移反。 力 赫 矣。 倉庚,黄鸝也。 醜,徒衆也。 南 倉 1.件、玁 執 庚 !」鄭氏曰: 春 喈 訊 日 音信。 喈 夷,平也。 狁 遲 喈喈,聲之和 爲終。」 ,音皆,叶居 于 夷。 此 獲 卉 時 賦 歐 亦 許

《出車》六章,章八句。

曰: 月也。遑,暇也。 下章放此。 止 休息之期。 實,則秋冬之交矣。 時,室家感於時物之變而 王 一、征夫 事 「征夫亦可以暇矣,曷 靡 賦也。 杕 盬 傷悲。 遑 至于十月,可以歸 大計 〇有杕之杜 止 繼 萋萋,盛貌。 反。 嗣 〇此勞還役之詩。 而征夫以王事出,乃以日繼 賦也。 卉木萋止,女心悲 我 之杜 日。 思之曰: 睆, 其 爲 春將莫之時也 , 而猶 而 有 實 H 不歸 葉萋萋。 貌 月 睆 不至,故 特生之杜,有睆 故追述 陽 華 哉 嗣,續 版 止,女心 反。 女心 或曰 止 歸 也。陽,十 其 一,征 止,可 日 未 興 傷 而 還 實 也。 無 其 > 而

則春已莫而杞可食矣。 歸 則征夫其亦邇而將至矣。 如何哉! 則征夫之歸亦不遠矣。 **詒父母之憂也。然檀車之堅而敝矣,四牡之壯而罷** 木堅,宜爲車。 之而甚病矣。 況歸期已過,而猶不至,則使我多爲憂恤宜 多爲恤。卜筮偕叶舉里反止,會言近叶渠紀反 止,征夫邇止。 也。 而 孔疾。 偕,俱會合也。 無所不爲也。」 (痯,古緩反,叶古轉反。征夫不遠。 故且卜且筮,相襲俱作,合言於繇而皆曰近矣, )陟 叶訖力反。 彼北山,言采其杞。 幝幝,敝貌。痯痯,罷貌。 滿洧反。 〇言征夫不裝載而來歸,固已使我念 賦也。 〇匪 蓋託以望其君子,而念其以王 期逝不至,叶朱力反。 范氏曰: 載,裝。 載匪來,叶六直 車 ·嬋嬋 「以卜筮終之,言思之 疚,病。 尺善 王 〇登山 逝,往。 反。 反。 靡 也。 采 矣 杞 而 兀

衆志也。」范氏曰: 同 同日」,此其義也。」王氏曰: 異歌異日,殊尊卑也。 將帥及戍役,同歌同時,欲其同心也。 食, 》勞衆,故極其情。 秋 杜 》四 衆心也。 人而 章,章七句。 「《出車》勞率,故美其功。《杕 先王以己之心爲人之心,故 《記》曰: 振旅,則殊尊卑,辨貴賤,定 「出而用兵,則均服 『賜君子小人不 鄭氏曰: 反而勞之. 遣

能曲盡其情,使民忘其死以忠於上也。」

《鹿鳴》之什十篇,一篇無辭,見《華黍》。《南陔》此笙詩也,有聲無詞。舊在《魚麗》

凡四十六章,二百九十七句。

因以《南有嘉魚》爲次什之首。今悉依《儀禮》正之。故升《魚麗》以足《鹿鳴》什數,而附笙詩三篇於其後.白華之什二之二毛公以《南陔》以下三篇無辭.

《白華》笙詩也。説見上下篇。

瑟歌 經篇題之下必有譜焉,如投壺,魯、薛鼓之節 則有聲而無詞明矣。 以考其名篇之義。然曰笙、曰樂、曰奏,而不言歌、 中,奏《南陔》、《白華》、《華黍》。《南陔》以下, 南北面立,樂《南陔》、《白華》、《華黍》。 歌《鹿鳴》、《四牡》、《皇皇者華》,然後笙入堂下,磬 《鹿鳴》、《四 華黍》亦笙詩也。 牡》、《皇華》,然後笙人,立于縣 所以知其篇第在此者,意古 《鄉飲酒禮 燕禮 鼓瑟而 而亡 亦鼓 今無

#### 之耳。

偕叶舉 此。 麗,歷 鯊。 旨 患其不嘉,旨則患其不齊,有則患其不時。 其嘉叶居何反。 且 多,見主人禮意之勤,以優賓也。 此燕饗通用之樂歌。 故又名吹沙。 之大而有 〇興也。 今黄頰魚是也,似燕頭,魚身形厚而長大,頰骨正 而 音偃。 旨。 能齊, ○魚麗于罶, 魴鱧。 也。 音沙,叶蘇何反。 魚麗力馳 其時叶上紙反。 里 興也。 鰋,鮎也。 力解飛者。 罶,以曲薄爲笱,而承梁之空者也 有而能時,言曲全也 反。 鯉。 君子,指主人。旨且多,旨而又多 鱧 矣。賦也。 反。 君子有酒,旨且 矣。 ,鲖也。又曰鯇也。 有,猶多也。 鯊,鮀也,魚狹而小,常張口 即燕饗所薦之羞,而極道其 于罶, 賦也。 君子有酒 矣。 音柳 〇物其 音禮。 賦也。 〇物其旨矣,維其 或曰賦· ○物其多矣, 與酒 有。 蘇氏曰: 君子有酒,多 ○魚麗 有叶羽已反。 也。 叶。 且 今多而 多 叶羽已反。 下二章放 鱨 能 興 音 「多則 美且 嘉

皆閒歌《魚麗》,笙《由庚》,歌《南有嘉魚》,笙《崇章二句。按《儀禮·鄉飲酒》及《燕禮》前樂既畢,《魚麗》六章,三章章四句,三章

説者不察,遂分《魚麗 賓客,上下通用之樂。 丘 成王詩,其失甚矣。 吹也。 南 然則此六者,蓋一時之詩,而皆爲燕響 Ш 有 》以上爲文武詩、《嘉魚 毛公分《魚麗》以足前什,而 笙 一曲 儀 閒 代 也。 言

0

由庚》。此亦笙詩。説見《魚麗

子有酒,則必與嘉賓共之而式燕以樂矣。此 二反。 苦旦反。○興也。 汕 物,而道達主人樂賓之意也。 魚者也。重言罩罩,非 於沔南之丙穴。 )南有 汕 〇興也。 故其辭曰: 君子有酒 南 君子有酒、嘉賓式燕以樂。 所諫反。 樛居虬反。 有嘉魚,烝之承反。 南,謂 烝然,發語聲也。 南有嘉 ,嘉賓式燕綏之。 汕, 樔也, 以 君子有 江漢之閒。 木,甘瓠 一之詞也。 魚,則必烝然而 酒 嘉魚,鯉質,鱒 薄 然罩罩。 罩,篧也,編細 南有 嘉賓 音護 汕 〇此 魚 也 亦燕響通 式 興 嘉 罩罩之矣。 五教、歷 亦因所薦之 燕以衎。 魚 張教、竹卓 衎,樂也。 力追 鯽 竹以 肌, 東萊 用 各二 反。

吕氏 思,語詞也。 夷昔反,或如字。 直、陵之二反。 比而實興也。 美實纍之,固 或曰: 日 : 瓠 又思,言其又思念而不忘也。 又,既燕而又燕,以見其至誠 有 〇翩翩者雕,之誰反。 烝然來叶六 I 結 而 思。 甘有 思。 不可解也。」愚謂此興之取義者,似 苦、甘瓠則可食者也。 君子有酒,嘉賓式燕又叶 興也,此興之全不取義者也。 有 樛木,下 加 而 無 已

《南有嘉魚》四章,章四句。 說見

崇丘》。説見《魚麗》。

樂只君子,則邦家之基矣。 樂只君子 所以道達主人尊賓之意,美其德而祝其壽也。 用之樂。 草名,葉香可食者也。 樂音洛。 有李。 故其辭曰: 山有臺,叶田飴反。 Ш 無期。 有楊。 萬壽無 樂只君子,民之父母。 只音紙。 君子,指賓客也。〇此亦燕饗通 南山則有臺矣,北山則有萊矣。 興也。臺,夫須,即莎草也。 疆。 樂只君子,邦家之光。 君子,邦家之基。 樂只君子,則萬壽無期矣。 興也。 北 山有萊。 〇南山 叶滿彼反 〇南山 有杞, 樂只 叶陵之

> 黄也。 者。 久反。 甫反。 著枝端,大如指,長數寸,噉之甘美如飴,八月熟,亦名木 後。叶下五反。○興也。 杻,檍也。遐,何通。眉壽,秀眉也。 樂只君子,德音不已。 君子,德音是茂。叶莫口反。 楰,鼠梓,樹葉木理如楸,亦名苦楸。黄,老人髮白復 音苟,叶果五反。 〇南山 者,老人面凍梨色,如浮垢也。保,安。艾,養也。 樂只君子,遐不眉壽。 北 Ш 有楰。 有榜,音考,叶音口 樂只君子,保艾五蓋反。 音庾。 枸,枳枸,樹高大似白楊,有子 興 樂只君子,遐不黄 也。 ○興也。 叶直酉反。 北山 南 樹如樗,一名 Ш 有 栲,山 有枸,俱 杻 樂只 女 狗

《南山有臺》五章,章六句。說見

《魚雕》。

《由儀》。説見《魚麗》。

《詩》之「譽」皆言樂也。」亦通。〇諸侯朝于天子,天子與飲。譽,善聲也。處,安樂也。蘇氏曰:「譽、豫通,凡然蕭上露貌。君子,指諸侯也。寫,輸寫也。燕,謂燕以有譽處兮。興也。夢,長大貌。蕭,蒿也。湑,湑見君子,我心寫叶想羽反。兮。 燕笑語兮,是墓子,我心寫叶想羽反。兮。 燕笑語兮,是夢音六。彼蕭斯,零露湑息吕反。兮。既

處也。 禮反。 既見君子,則我 濃,厚貌。 露濃濃。 以警戒之也。 畜羣公子」,秦「鍼懼選」之類。 宜其家人。 泥,露濡貌。 乃禮反。 之,又因以勸戒之也。 也。爽,差也。其德不爽,則壽考不忘矣。褒美而祝 之燕以 曰鸞,皆諸侯車馬之飾也。 垂者也。 爲光。其德不爽,叶 斯 瀼瀼,露蕃貌。 敕弓反。 示 之美,正此類也。 令德壽豈。 沖沖,垂貌。 [日「既見」,蓋 既見君子,孔燕豈弟。 峰,轡也。 蓋諸侯繼世而立,多疑忌其兄弟,如晉「詛 奴同反。 孔,甚。豈,樂。弟,易也。 壽豈,壽而且樂也。 ,故歌此詩。 心輸寫而 瀼。 龍,寵 革,轡首也,馬轡所把之外 既見君子 **雝雝**,萬福攸同。 和、鸞,皆鈴也。 開改反,叶去禮反。 於其初燕而歌之也。 ○蓼彼蕭 如 攸,所。同,聚也 無留 羊反。 《庭燎》亦以君子目 也。 師 言 莊反。 恨矣。 蓼彼蕭斯, 故以宜其兄弟美之,亦所 爲龍爲光,喜其德之詞 既 ,鞗徒彫反。 ○蓼彼蕭 斯, 是以燕笑語而有譽 壽考不忘。 見君子,爲 宜兄宜弟,待 宜兄宜弟,猶 則零露湑然矣。 零露泥 軾 〇興也。 E I諸侯而 斯 有餘 也。 革沖 泥。 在 泥 頌 而

> 也。 盛貌。 亂,德足以將之也。 子,指諸侯爲賓者也。令,善也。 厭厭夜飲,不醉則不歸。 此亦天子燕諸侯之詩。 夜飲,私燕也。 允君子,莫不令德。 湛湛 厭 考,成也。 令儀,言醉而不喪其威儀也。 於鹽反。 湛 陽,日。 興也。豐,茂也。夜飲必於宗室,蓋路寢之屬 露斯,在彼豐草。 湛 豈弟君子,莫不令儀。 直 晞,乾 燕禮,宵則兩階及庭門皆設大燭焉。 减 〇湛湛 反。 飲 也。 )其桐 露 言湛湛露 興也。 蓋於其夜飲之終而歌之也。 露 厭 斯 醉 斯,在 厭,安也,亦 無 其椅,於宜反。 匪 厭厭 顯,明。 令德,謂其飲多而 斯,非日則不 陽 彼杞棘。 興也。 不 夜飲,在宗 允,信也。 也。 久也,足 晞 離離,垂 湛 湛 音 實 希 不 君

言令德令儀,雖過三爵,亦可謂不繼以淫矣。」 湛露》。」曾氏曰: 甯武子曰: 湛 諸侯朝正於王,王宴樂之,於是 四 ···章 「前兩章言厭厭夜飲,後兩章 章 应 句。 令春 1 秋 傳 賦

也

凡二十三,章一百四句。 《白華》之什十 五篇無

詩卷第九

#### 卷 第

## 彤弓之什二之三

臣者,則與「受言藏之」者異矣。賞賜非出於利誘,則 之,言其誠也。中心實欲貺之,非由外也。 之樂歌也。東萊吕氏曰: 「受言藏之,言其重也。受弓 與也。大飲賓曰饗。○此天子燕有功諸侯,而錫以弓矢 於事勢,至有朝賜鐵券而暮屠戮者,則與『中心貺之』者 顧惜之意也。後世視府藏爲己私分,至有以武庫兵賜弄 其速也。以王府寶藏之弓,一朝舉以畀人,未嘗有遲留 叶虚良反。之。赋也。彤弓,朱弓也。弨,弛貌。 人所獻,藏之王府,以待有功,不敢輕予人也。 賓,中心貺叶虚王反。 屯膏吝賞,功臣解體,至有印刓而不忍予者,則與 彤弓弨尺昭反。 之。鍾鼓既設,一朝饗 兮,受言藏之。 一朝饗之,言 我有 中心貺 貺

之醻。醻,猶厚也,勸也。 心好呼報反。 禮,主人獻賓,賓酢主人,主人又酌自飲,而遂酌以飲賓,謂 大到反。之。賦也。橐,韜。好,説。 之。鍾鼓既設,一朝醻市由反,叶 轎,報也。

飲酒之

受言囊古刀反,叶古號反。之。

我有嘉賓,中

〇彤弓弨兮,

抗之也。喜,樂也。右,勸也,尊也。

鼓既設,一朝右音又,叶于記反。之。賦也。載

反。之。我有嘉寶,中心喜叶去聲。

之。

「一朝饗之」者異矣。」○彤弓弨兮,受言載叶子利

它則九伐之灋,乃大司馬所職,非諸侯所專也。 專征者,如四夷人邊,臣子篡弒,不容待報者。 矢,又爲歌《彤弓》,以明報功宴樂。」鄭氏曰:「凡 恨怒也。覺,明也。 弓一、彤矢百、玈弓矢千,以覺報宴。」注曰:「愾 子曰:「諸侯敵王所愾,而獻其功,於是乎賜之彤 後世强臣拜表輒行者異矣。」 諸侯賜弓矢,然後專征伐。]東萊吕氏曰: 《彤弓》三章,章六句。《春秋傳》甯武 謂諸侯有四夷之功,王賜之弓 「所謂 與 其

也。 既見君子,樂音洛。 菁菁,盛貌。莪,羅蒿也。 菁菁子丁反。 者莪,五何反。 且有 中 阿阿阿 叶 中 五何反。 在彼中阿。 也。 大 陵日 〇興

崩

胡

〇六

莪,則 阿。 也。 者,見之而喜,如得重貨之多也。 或曰以 清載濁」、「載 興也。中陵,陵中也。 菁者莪,在彼中陵。 我心則喜。 菁菁者 在 楊舟,楊木爲舟也。 休者、休休然、言安定也。 子,指 「菁菁者莪 ·彼中阿矣。既見君子,則我心喜樂而 載 莪,在彼中沚。 賓客 馳 興 浮。 載 也。 也。 」比君子容貌威儀之盛也。 驅」之類。 古者,貨貝,五貝爲朋。 既 中 0 )此亦 沚, 沚中也。 見君子,我 載,則也。 既 燕 以 見君子,錫 興 音止。 0 賓客之 未見君子而 汎汎芳劒反。 載沉載浮,猶言「載 喜,樂也。 既見 詩。 則 我 下章放此 有禮儀矣。 錫我 言 休。 君子, 百 心 不 百朋 朋。 定

菁菁者莪》四章,章四 句

月也。 征 孔 牡 熾,尺 騤 騤騤,强 **、験**,求 圃 六月棲 棲棲,猶皇皇,不安之貌。 王 匡,正也。 素裳白舄 志 王 短貌。 反。 龜 國。 反。 棲, 常服,戎事之常服,以 〇成康既没,周室寝衰。 也。 我 叶 載是常服 是用 玁狁,即 于逼反。○賦也。 西。 急。 戎 車 獫 戎車,兵車也。 狁, 叶 既 叶 音 北狄 飭 蒲 耕韋爲弁, 棘。 北 六月,建未之 八世而 也。 反。 音 王 敕。 于 又以 属王 狁 四

> 也。 我服 子耳。 素矣。 子。 月而出師 以見馬之有餘矣。 師行日三十 馬齊其色,物馬齊其力。 之維 於是出征 服 玁 其常度也。 徐不疾,盡舍而止,又見其應變之速,從事之敏,而不失 祀、朝覲、會同,毛馬而 人作歌以叙其事 暴 ,子宣王 狁 虐 服, 戎服也。 叶獎履反。○賦也。 既 則 於是此月之中即成我服,既成我服,即日 蒲北反。 周 者,以 成,于三十里。 ,以正王國也。 一靖即 人逐 四 奏膚公。 王命於此而出征 里。 維此六月,既成 牡脩 之, 位。 〇既比其物, 如 三十里,一舍也。 共武之服,以定王 閑習之而皆中法,則又可以見教之有 出 此。 廣,其大有 命 居于 頒之。 熾,其事 尹吉甫 《司馬 有嚴有翼 吉事尚文,武 〇比 彘。 比物,齊其 ,欲其有以敵王所愾而佐天 而日四 凡軍 法》冬夏不興 帥師伐之,有 毗志反。 危急,故不得已,而王 王于出 狁 顒。 古者吉行日 事物,馬 我 内 7,共 音恭。 驪,則其色又齊,可 侵 事尚强 力也。 服 玉 征 一容反。 物 逼 或 功 而 近 叶蒲北 四 凡大事,祭 也。 頒之。 以佐 而 京 引道,不 五十里 今乃六 叶于 歸 則,法 反。 命

興」,元本、明甲本、明乙本、吉本作「比」。

元 本、 明甲本、明乙本、吉本作「比

其罪而 鎬,劉向以爲千里之鎬,則非鎬京之鎬矣,亦未詳其所在 反。 反。 也。 反。 之却而後 不自度量,深人爲寇如此,是以建此旌旗,選鋒鋭進,聲 之前鋒也。啓,開。 斾,繼旐者也。 也。方,疑即朔方也。 未詳所在。 言其深人爲寇也。 賦也。茹,度。整,齊也。焦、穫、鎬、方,皆地名。 牡既信,其乙反。既信且閑。 戎車既安,叶於連反。 也。 〇賦 元戎十乘,繩證反。 言將帥 狁 致討焉。 叶許言反。○賦也。 也。 ?,至于大音泰。 也。 。至于大原,言逐出之而已,不窮追也。先王 焦穫。 皆嚴敬以恭武事也。 穫,郭璞以爲瓠中,則今在耀 織音志。 嚴,威。 凡車從後視之如輕,從前視之如軒, 央央,鮮明貌。 直 織、幟字同。 一而壯 行,道也。 音護。 大原,地名,亦曰大鹵,今在大原 廣,大 涇陽,涇水之北,在豐鎬之西 律 文鳥章,白斾央央。 敬 原。 而 侵鎬胡老反。 也。 輕,車之覆 以先啓行。 臧,有所不戰, 元,大也。 如輊 猶言發程也。○言玁狁 鳥章,鳥隼之章也。 共, 與 顒,大貌。 文武 玁狁 竹二反。 「供 叶 而 吉甫,萬 戎,戎車也,軍 州三原縣 胡田 前 匪茹 及方,至 同。 戰必勝矣。 叶户郎反 也。 如 如豫 服, 軒,車 於良 也 邦

> 日友。 矣 ? 也。非文無以 進。侯,維也。張仲,吉甫之友也。善父母曰孝,善兄弟 以之爲法矣。 言其所與燕者之賢,所以賢吉甫而善是燕也 而行永久也,是以飲酒進饌於朋友,而孝友之張仲在焉。 自鎬,我行永久。 戎狄之法 〇此言吉甫燕飲喜樂,多受福 羽已反。 張仲孝友。 如 附 此。 吉甫燕喜, 吉 白交反。 甫 叶羽已反。 叶舉里反。 武無以 **尹** 古 威 甫 鼈 敵。 ··; 此 ○賦也。 膾鯉。 多受 飲於鴆反。 祉。 能 時 文能武 大 蓋以其歸自鎬 祉。 祉,福。 也 誰

《六月》六章,章八句。

汁出,肥可生食,亦可蒸爲茹,即今苦蕒菜。 叶訖力反。 行采之,人馬皆可食也。 **簟**第音弗。 乘其四騏,四 千,師干之試。 三千,法當用三十萬衆。 「畬。方叔,宣王卿士,受命爲將者也。 畝。 薄言采芑,音起。于彼新田 叶每彼反。 〇興也。 芑,苦菜也。 魚服,叶蒲北反。 騏 叶詩止反。 方叔涖 田 蓋兵車一乘,甲士三人,步卒七 歲日 路 下同。 音利。 菑,二歲日新田,三 鉤 青白色,摘其葉有白 膺俸 止,其車三 方叔率止, 奭,許力反。 一音條。 宜馬食,軍 此菑側其

0 淵

習也。 允反。 其盛 鈴在 音衡,叶户郎反。〇興也。 反。 涖 芑,則于彼新田,于此菑畝矣。方叔涖止,則其車三千, 鞅也。鞗革,見《蓼蕭》篇。 膺,馬婁頷有鉤而在膺,有樊有纓也。 車,戎路也。 十二人,又二十五 命服,天子所命之服也。朱芾,黄朱之芾也。皇,猶煌煌 軝祈支反。 師干之試矣。 方叔南征 )薄言采芑,于彼新田,于此中鄉。 止,其車三千,旂旐 瑲,玉 , 鐮曰鸞, 馬口兩旁各一, 四馬故八也。 而 軝, 散也, 以皮纏束兵車之 散而朱之也。 錯, 文也。 服其命服,朱芾音弗。斯皇,有瑲葱珩。 言衆且練也。 其飛戾天,亦集爰止。 「三命赤芾葱珩。」○鴻惟必反。 ,軍行采芑而食,故賦其事以起興曰: 聲。 師 師 奭,赤貌。 錯衡,叶户郎反。 必實 鞠居六反。 干之試。 又遂言其車馬之美,以見軍容之盛也。 葱, 蒼色 人將重 "此數 率, 簟第,以方文竹簟爲車蔽 如 也。 總率之也。 車在後,凡百人也。 〇宣王之時,蠻荆背叛,王命 中鄉、民居、其田 方叔率 葱 旅。顯允方叔,伐 、央央。 師,衆。 者 也。 八鸞瑲瑲。 ·止,鉦 翼翼,順序 方叔涖止,其 珩,佩首横玉 方叔率止, 彼飛隼,息 瑲瑲,聲 尤治。 然 薄言采 此 方叔 亦 七羊 也。 也

> 獲醜。 也。 盛也。霆,疾雷也。 猶,謀也。 之貌。蠻荆,荆州之蠻 焞,吐雷反。 下文所云也。 隼飛戾天而亦集於所止 進士衆也。 師告旅,亦互文耳。淵淵,鼓聲平和,不暴怒也。 師,五百人爲旅。此言將戰,陳其師旅而誓告之也。 人,而言「鉦人伐鼓」,互文也。 方叔元老,克壯其猶。 春秋傳》曰「出曰治兵,人曰振旅」是也。 聞其 興也。 或曰盛貌。 名而皆來畏服也 也。 荆 叶尺由反。戎車 於 言方叔雖老而謀則壯也。 來 振,止。旅,衆也。 伐,擊也。 巾 威。 ○蠢尺允反。 反。 如霆如雷。 程子曰: ,急疾之鳥 方叔 叶音隈。 振 也。 鉦以静之,鼓以動之。 鉦鼓 旅 ,以興師衆之盛而進退有節, 蓋當 「振旅 闐 大邦,猶言中國也。 嘽嘽,吐丹反。 也。 闐。 「與於北伐之功者,是以蠻 ○賦也。 方叔率止,執訊 言戰罷而止其衆以 爾蠻荆,大邦爲讎。 鞠,告也。二千五百人爲 顯允方叔,征 戾,至。 亦以鼓行金止。」〇言 徒 嘽嘽,衆也。 顛 蠢者,動 反, 闐闐,亦鼓 叶 嘽 徒 元,大。 而 嘽 伐 音信 入也。 隣 反。 知

《采芑》四章,章十二句。

我 車既 攻,我馬 既同。 四牡 龐 龐 鹿

也。 車。 厚反。 反。 之服 反。 械,復會諸侯於東都,因 營洛邑爲東都,以朝諸侯。 疾也。」龐龐,充實也。 也。苗,狩獵之通名也。 建 今開封府中牟縣西圃田澤是也。 以美之。首章汎言將往東都也。 宣王,内脩政事,外攘夷狄,復文武之竟土,脩車馬 散之貌。 言至 車徒者,其聲囂囂 田,屬東都畿内,故往田 數者有聲,又見其靜治也。 此 一旅設旄,搏音博。 廟齊豪,尚純 也。 章言 東都 好,善也。阜,盛大也。 駕言 ○之子于苗,叶音毛。 赤芾金舄,會同 四 言 時見日會,殷見日 赤芾,諸侯之服。 而 牡孔 行狩。 徂 侯 選徒以 來會朝於東都也 東 也。 阜。 ,則車徒之衆可知。 《獵也。 叶始九反。 賦 戎事齊力,尚 東,東都洛邑 符有 也。 也。 田 選,數也。 獸于敖。 有繹。 獵而選車徒焉。故詩人作此 金舄, 敖,近滎陽,地名也。 周室既衰,久廢其禮。 同。 甫 反。 〇此章指言將往狩于圃 攻,堅。 駕 草,甫田 選徒囂囂。五刀反。 赤舄 宣王之時未有 ○賦也。 東 〇田車既好, 彼 也。 强 囂囂,聲衆盛 賦 陳列聯屬之貌也 血也。 賦也。 同, 也。 而加 四 且車徒不譁 決拾既依,音 也。 甫 〇周公相 牡,四 齊 田車 田 金飾,亦諸 奕奕,連絡布 也。 之子,有司 獵 田田 鄭國,圃 爲鄭 齊 叶 傳 也。 〇此章 足, 成王, 至 獵之 叶許 而 此 日 地 奕 H 荷 惟 數 侯

日 次,與 悠旆 猗。 既 三等,自左膘 譁也。大庖,君庖也。不盈,言取之有度,不極欲也 也。 此章言田獵而見其射御之善也。 失其馳驅之法,而射者舍矢如破, IE 捨。 作「掌」,謂積禽也。 士大夫習射於澤宫,中者取之。 古者田獵獲禽,面傷不獻,踐毛不獻,不成禽不獻。 驚,如《漢書》「夜軍中驚」之「驚」。 〇此章言既會同而田獵也。 重相得也。 左臂以遂弦,故亦名遂。 之,著於右手大指,所以鉤弦開體。 也。 同 蕭蕭,悠悠,皆閑暇之貌。 張子曰: 矢如 「不善射御者、詭遇則獲、不然不能 、柴叶。 於寄、於箇二反。 達右耳本者次之,以 旌 馳,馳驅之法也。 助 充君 我舉柴。 破。 射夫,蓋諸侯來會者。 庖。 而射之達于右腢爲上殺,以 徒御不驚,大庖蒲爻反。 弓矢既 「饌雖多而無餘者,均及於衆而 彼寄、普過二反。 每禽取三十焉,每等得十。 使諸侯之人助而舉之,言獲多也。 子智反。 調 不失其馳,叶徒卧反。 伙,比也。 爲賓客; 舍矢如 讀 徒,步卒也。 是以 如 四 〇賦 同 則可謂善射御矣。」〇 破,巧而力也。 不驚,言比卒事不喧 0 黄既駕,兩驂不 同、協也。 調,謂弓强弱與矢輕 獲雖 射左髀達于右帽 與 蕭 )賦也。 也。 公同 蕭 也。 爲 皮爲之,著於 決,以象骨爲 叶。 御,車 而 不盈。 馬 乾 猗,偏倚不 柴《説 其餘 今御者不 豆, 有 庖 射 舍音 不盈 以 奉宗 蘇 文文》 擇取 也。 氏 蓋 與 賦 爲

成。 于征 總序其事之始終而深美之也 言至肅也。 事 亦 有 賦也。允,信。 有聞 通。 法則何患乎不均也?」舊説不驚,驚也。 信矣,其君子也。 〇此章言其終事嚴而頒禽均也。 音問。 展,誠也。 無聲。 誠 允矣君子, 聞師之行而不聞其聲 哉,其大成也。 展 不 0 也大 之子 - 盈, 盈 )此章

田

0

之,恐當作四章,章八句。 車攻》八章,章四 句。 以 五章 中以下考

之北 賦也。 我馬。 戊辰之日既禱矣,越二日庚午,遂擇其馬而乘之,視獸之 牝曰麀。 章推之,是日也,其戊辰與? 禱之,既祭而車牢馬健,於是可以歷險而從禽也。 〇此亦宣王之詩。 祖也,謂天駟房星之神也。 反。 升彼大阜,從其羣醜。 愚甫反。 田車既好,叶許口反。 吉日維戊,叶莫吼反。 庚午,亦剛日也。 謂洛水。 叶 麌麌,衆多也。 滿 補反。 漆沮七餘反。之從,天子之所 今自鹽 言田獵將用馬力,故以吉日祭馬祖 獸之所同, 麀音憂。 漆沮,水名,在西都畿内, 差,擇齊其足也。 章流 醜,衆也。 賦也。 人鄜坊,至同州 〇吉日庚午,既 四牡孔阜。 既伯既 戊,剛日也。 謂禽獸之羣衆也 同,聚也 禱。 符有反。 丁叶 涇渭 П 下 而

> 曰豝。 曰 : 也。 獎履反。 彼小 豝,音巴。 天子也。 儦,❶行則俟俟。獸三曰羣,二曰友。燕,樂也。 叶羽已反。悉率左右,叶羽已反。 反。 所聚,麀鹿最多之處而從之,於漆沮之旁爲盛,宜爲天子 以御賓客,且以酌 王者視彼禽獸之多,於是率其同事之人各共其事,以樂 獵之所也。 御,進也。 儦儦表驕反。 進於賓客而酌體也 「醴成而汁滓相將,如今甜酒也。」〇言射而獲禽以爲 壹矢而死曰殪。 〇賦也。 ○既張我弓,既挾予淪反。我矢。 醴,酒名。 瞻彼中原,其祁孔有。 殪於計 中原,原中也。 俟俟,叶于紀反。 兕,野牛 醴。 《周官》五齊,「二曰醴齊」。 反。 賦也。 也。 此大兕。 祁,大也。 發,發矢也。 以燕天子。 言能中微 或羣 徐履反。 · 或 〇言從 趨 而 叶羽已 則應 制大 豕牝 叶

周焉。 見師律之嚴焉,可以見上下之情焉,可以見綜 禮,可以見王賦之復焉,可以見軍實之盛焉,可以 「《車攻》、《吉日》所以爲復古者,何也? 《吉日》四章,章六句。 欲明文武之功業者,此亦足以觀矣。」 東萊吕 蓋嵬狩之 氏曰: 理之

<sup>0</sup> 原作「望」,據元本、明甲本、明乙本及毛傳改。

鴻鴈》三章,章六句。

俱反。 此歌 中也。一丈爲板,五板爲堵。究,終也。○流民自 則 舊説周室中衰,萬民離散,而宣王能勞來還定安集之,故 病苦也。矜,憐也。老而無妻曰鰥,老而無夫曰 哀 驕。] 大抵歌多出於勞苦,而不知者常以爲驕也 反。 鴈集于中澤,以興己之得其所止而築室以居,今雖 後三篇放此。 鰥寡可哀憐之人也。 肅其羽矣。之子于征 流民喜之而作此詩,追叙其始而言曰: 而終獲安定也。 肅,羽聲也。之子,流民自相 (事。」《魏風》亦 此 劬勞,其究安宅。叶達各反。○興也。 也。 之子于垣,音袁。 鰥寡。叶 勞于 叶音高。 調我 知。 野。 〇鴻鴈于飛,集于中澤。 云: 閒暇而宣驕也。《韓詩》云: ,謂我劬 宣,示 ○鴻鴈于飛,哀鳴嗸嗸。 果五反。 〇比也。 叶上與反。 然今亦未有以見其爲宣王之詩 「我歌且謡,不我 ,則劬勞于野矣。 肅 也 百堵丁古反。 其 流民以 〇興也。大曰鴻,小 知者聞我歌,知 羽。 爰及矜棘冰反。 謂 也。 鴻鴈哀鳴自比,而作 維彼愚人, 之子于征 征,行 且其劬勞者,皆 7知者, 鴻鴈于飛,則 皆作。 其 中澤,澤 叶徒洛 「勞者歌 出 Ė 於劬 五. 勞苦 言鴻 鴈。

> 曉也。 夜鄉 矣。」〇夜如何其? 夜未艾,音义,叶 至止,言觀 噦噦,近 噦 如何哉? 而觀其旂,則辨色矣。 庭燎晣晣。 枚并而束之,設於門内也。君子,諸侯也。 噦。 〇王將起視朝,不安於寢,而問夜之早晚曰: 至止 許亮反。 夜如 煇,火氣也。 而聞 呼會反。〇賦也。文,盡也。 夜雖未央,而庭燎光矣。 何其 一,鸞聲將將。 其徐行聲,有節也 其族。 之世反,與艾叶。 庭燎、大燭也。 晨,庭燎有 ? 天欲 音基。 叶渠斤反。 明 而 見其 七芊反。 諸侯將朝 夜未央,庭燎之光 煇。 君子至止 煙 朝者至 〇賦 光 許云反。 夜 〇賦也。 晰断,小 ,則司烜以 相 也。 如 雜 而聞其 何 也 鄉 如字。 晨,近 其 明 夜 也 ? 至

(庭燎》三章,章五句。

止。嗟我兄弟,邦人諸友。羽軌反。● 莫肯叶虎洧反。熇惟必反。彼飛隼,息允反。載飛載善沔綿善反。彼流水,朝直遥反。宗于海。

) 「羽」上,明甲本、明乙本、吉本有「叶」字

陵,而民之訛言乃無懲止之者。然我之友誠能敬以自持 也。率,循。訛,僞。懲,止也。 訛言,寧莫之懲。 之不能忘也。〇為彼飛隼,率彼中陵。民之 憂念之深,不遑寧處也。弭,止也。水盛隼揚,以興憂念 興也。湯湯,波流盛貌。不蹟,不循道也。載起載行,言 不念哉! 流水猶朝宗于海,飛隼猶 也。諸侯春見天子曰朝,夏見曰宗。 念亂 無肯念亂者,誰 起 則讒言何自而興乎? し載行。 飛 隼,載 沔 父 叶户郎反。 獨無父母乎? 母 .) 飛 載 流 我友敬矣,讒言其興。興 叶滿 揚。 始憂於人,而卒反諸己也 水,其流湯湯。 或有所止,而我之兄弟諸友乃 心之憂矣,不可弭忘。 洧 亂則憂或及之,是豈可以 反。 念彼不蹟,并亦反。 〇隼之高飛猶循 〇興 ○此憂亂之詩。 也 沔, 失芋反。 水 彼 流 中

六句。 疑當作三章,章八句。 卒章脱前兩句耳。 沔水》三章,二章章八句,一章

袁 反。 ,爰有樹檀,叶徒沿反。下同。 它山之石,可以爲 魚潛 鳴 在淵,或 于九皋,聲聞 在 于 錯。 渚。 音問。 七落反。 樂音洛。 其下維 于 野。 〇比 蘀。 叶上與 彼 也。 之 音

> 穀。 器,以石磨之,然後玉之爲器得以成焉。 美也。石之粗厲,天下之至惡也。然兩玉相磨不可以 惡木也。攻,錯也。○程子曰:「玉之温潤,天下之至 淵。叶一均反。樂彼之園,爰有樹檀,其下維 **臯,聲聞于天。** 之,觸類而長之,天下之理其庶幾乎! 之石而可以爲錯,言憎當知其善也。 定在也。 野,言誠之不可揜也。 所由然,必陳善納誨之詞 深遠也。蘀,落也。錯,礪石也。 亮,聞八九里。 鶴,鳥名,長頸, 而義理生焉,道德成焉。吾聞諸邵子云。」 人處也,横逆侵加,然後脩省畏避,動心忍性 它山之石,可以攻玉。比也。 園有樹檀而其下維蘀,言愛當知其惡也。 臯,澤中水溢出 竦身,高脚,頂 叶鐵因反。 魚潛在淵而或在于渚 也。蓋 赤,身白, 所爲坎,從外數至九,喻 魚在于渚,或潛 〇此詩之作,不可知其 一鶴鳴于九泉而聲 由是四者引而 頸尾 猶君子之與小 穀,一名楮 ,言理之無 黑 鳴手 其 聞 九

百五十九句。疑脱兩句,當爲二百六十一 鶴鳴》二章,章九句。 《彤弓》之什十篇,

四

詩卷第十

句。

### 詩卷第十一

朱熹集傳

## 祈父之什二之四

賦也。 爪士。 止 ? 胡反。 父, 亶不聰。 我於憂恤之地,使我無所止居乎?」〇祈父,予王之 於久役,故呼祈父而告之曰: 「予乃王之爪牙,汝何轉 也。爪牙,鳥獸所用以爲威者也。恤,憂也。 父薄違」是也。● 予,六軍之士也。 司馬也,職掌封圻之兵甲,故以爲號。《酒誥》曰 賦也。 亶,誠。 祈勤衣反。 父,音甫。 胡轉予于恤,靡所 鉏里反。 爪士,爪牙之士也。 尸,主也。 胡轉予于恤,有母之尸饔? 胡 轉子于恤 饔,熟食也。 止 予王之爪牙。 居 ,靡所底之履反。 底,至 或日司右虎 ? 言不得奉養,而 賦 也。 也。 ○軍士怨 元賁之屬 祈父, 叶五 祈

> 《祈父》三章,章四句。《序》以爲「刺责司馬者,不敢斥王也。」 後,必有成法。故責司馬之不聰,其意謂此法人皆聞之,役,必有成法。故責司馬之不聰,其意謂此法人皆聞之,有父母耆老而無昆弟者皆遺歸。魏公子無忌救趙,亦令使母反主勞苦之事也。○東萊呂氏曰:「越勾踐伐吴,

有以見其必爲宣王耳。下篇放此。
《祈父》三章,章四句。《序》以爲「刺言上」之詩。説者又以爲宣王三十九年戰于千畝,宣王」之詩。説者又以爲宣王三十九年戰于千畝,宣王」之詩。説者又以爲宣王三十九年戰于千畝,宣王」之詩。説者又以爲宣王三十九年戰于千畝,宣王」之詩。説者又以爲宣王三十九年戰于千畝,

乘也。 遥。 反。 伊人,指賢者也。 之維之,以永今朝。 賦也。皎皎,潔白也。 場, 圃也。 皎皎古了反。 縶,絆其足。 逍遥,遊息也。 白駒,食我場苗。 駒,馬之未壯者。 維,繁其靷也。 所謂伊人,於焉逍 〇爲此詩者,以賢者之 永,久也。 謂賢者所 繁陟立

普》改。
普》改。

貌也。 也。夕 謂伊 爵之不足縻,留之苦而不恤其志之不得遂也。 於優游、决於遁思、而終不我顧哉! 逸樂無期矣。 〇言此乘白駒者,若其肯來,則以爾爲公,以 反。 彼義反,又音奔。 火郭反。 客而投其轄於井中也。 庶幾以永今朝 相聞而無絶 而其人之德美如玉也。蓋已邈乎其不可親矣,然猶冀其 去而不可留矣,於是歎其乘白駒人空谷,束生芻以秣之, 人也。❶ 侯,叶洪孤反。 而 玉 駒,在彼空谷。 不 勉爾遁思。 人,於焉嘉客。叶克各反。 ^,猶朝也。嘉客,猶逍遥也。 或以爲來之疾也。 可 毋金玉爾音, 慎,勿過也。 留 繁之維之,以永今夕。 也 猶言横來,大者王,小者侯也。 故故 ,使其人 故語之曰: 逸豫 託以 然來叶陵之反。 叶新齎反。 勉,毋決也。 得以於此逍遥 其所乘之駒食 無期。 〇皎皎白駒 生芻楚俱反。 思,語 而有遐心。 毋貴重爾之音聲,而有遠 詞也。 ○賦也。 慎爾優游 遁思, ○皎皎白駒 蓋愛之切而 我 〇賦 而 思。 爾,指乘車之賢 場苗 叶祥龠反。 不去,若後 賦也。 賁然,光采之 食我場 猶言去意也。 也。 束,其人 爾爲侯,而 而 爾 豈可以 叶云 藿,猶 繁維 賢者必 三不知好 公爾 之 過 俱

《白駒》四章,章六句。

明。 之曰: 粟。 反。 無啄我黍。 無集于桑,無啄 道相與,則我亦不久於此,而將歸矣。」○黄鳥黃鳥, 〇民適異國,不得其所,故作此詩。 我邦族。 〇比也。 復我諸父。扶雨反。 叶謨郎反。 此邦之人 黄鳥 「爾無集于穀,而啄我之粟。 比也。 黄 〇黄鳥黄鳥,無集于栩,況甫反。 此邦之人,不可 鳥, 言旋言歸,復我諸兄。 榖,木名。 ,不我肯穀。 我粱。 無集于穀, 穀,善。 〇比也。 此邦之人,不可 託爲呼其黄鳥而 苟此邦之人不以 ,與處。 無 旋,回。 言旋言歸 啄 陟 角 復,反也。 言旋言 叶虚 與 復 Ŧ 告

之世。下篇亦然。 異於還定安集之時矣。」今按詩文,未見其爲宣王彼,則又不若故鄉焉,故思而欲歸。使民如此,亦彼,則又不若故鄉焉,故思而欲歸。使民如此,亦宣王之末,民有失所者,意它國之可居也,及其至之世。 下篇亦然。

我行其野,蔽必制反。 带方味反。 其樗。

▶ 「車」,元本、明甲本、明乙本、吉本作「駒」。

四

人責人忠厚之意。 以彼之富而厭我之貧,亦祗以其新而異於故耳。 也。特,匹也。〇言爾之不思舊姻,而求新匹也,雖實不 亦祗音支。 我行其野,言采其當。音福,叶筆力反。 思復。賦也。蓫,牛頹,惡菜也,今人謂之羊蹄菜。 反。 復我之邦家矣。 自蔽,於是思婚姻之故,而就爾居,而爾不我畜也,則 婚姻而不見收卹,故作此詩。 父,婦之父,相謂曰婚姻。 復我邦家。叶古胡反。○賦也。 敕雩反。 姻,求爾新特。 婚姻之故,言就爾宿。 姻之故,言就爾居。 以異。叶逸織反。 〇我行其野,言采其蓫。 成《論語》作 畜,養也。 言我行於野中,依惡木以 ○賦也。 爾不我畜,言歸 「誠」。不以富, 〇民適異國,依 樗,惡木也。 爾 萬,當,惡菜 不 我 此見詩 不思 敕六 壻之 其

師 爲其有同姓也,故教以睦。爲其有異姓也,故教以 姻。爲隣里 有父母也,故教以孝。 建官置師,以孝、友、睦、姻、任、卹六行教民。 救也 以時書其德行而勸之。 先王躬行仁義以道民厚矣。 猶以爲未也,又 《我行其野》三章,章六句。 ,故教以恤。 鄉黨相保相愛也,●故教以任。 以爲徒教之或不率也,故使官 爲其有兄弟也,故教以友。 以爲徒勸之或不率也 王氏 相賙

焉。方是時也,安有如此詩所刺之民乎!於是乎有不孝、不睦、不姻、不弟、不任、不恤之刑

反。 之宫,其室非一,在東者西其户,在北者南其户,猶言「南 祖者,協下韻爾。或曰謂姜嫄、后稷也。 爰居爰處,爰笑爰語。 必履反。 必然,然意則善矣。 友之閒亦莫不用此道盡己而已。」愚按: 己之所宜施者,無學其不相報而廢恩也。 人情大抵施之不報則輟,故恩不能終。 辭,猶所謂「聚國族於斯」者也。張子曰: 松之茂。又言居是室者,兄弟相好而無相謀,則頌禱之 此室臨水而 猶,謀也。〇此築室既成,而燕飲以落之,因歌其事。 也。干,水涯也。南山,終南之山也。苞,叢生而 無相猶叶余久反。 矣。兄及弟矣、式相好呼報反、叶許厚反。 秩秩斯干,叶居焉反。 如竹苞叶 祖,築室 面山,其下之固,如竹之苞; 補 或曰「猶」,當作「尤」。 矣。賦也。秩秩,有序也。 苟反。 百堵,西南其户。 賦也。 如 妣 似,嗣也。 松 南 兄弟之閒,各盡 西南其户,天子 茂 此於文義或未 君臣、父子、朋 其上之密,如 〇似續 山 叶莫口反。 「猶,似也 胡五反。 妣, 先於 叶 斯,此 固 矣, 所旃 也

<sup>「</sup>愛」,原作「受」,今據元本、明甲本、明乙本、吉本改。

子攸寧。 之處也。 美如 也。 東其 噲 暈之飛而矯其翼也。 其棟宇峻 之竦立而其恭翼翼也。 跂,竦立也。 企。 芋,尊大也。 除,亦去也。 束,板也。 去,君子 覺,高大而直也。 事 I音快。 也 畝 此, 音輝。 乃 而 也。 噦 起,如鳥之警而革也。 ○殖 徒檢、 閣閣 寝乃興,乃占我 其正 ,攸芋。 君子之所休息以安身也。 、碳,深廣之貌。 賦也。 音 翼,敬也。 君子之所居,以爲尊且大也。 無風雨鳥鼠之害,言其上下四旁皆牢密 爱,於 斯飛,君子 託 上 下 徒錦 殖市力反。 雉。 矢 楹,柱 也。 殖殖,平 斯 風 音征。 香于反,叶王遇反。 蓋其堂之美如此,而君子之所升以 二反。 相乘也。 躋,升也。 其廉隅整飭,如矢之急而直 棘,急也。 也。 雨 攸 冥,奥窔之閒也。 ,攸躋。 正也。 約 噲噲, 噦噦 乃安斯寢,叶于檢、于 其庭,有覺 如 除, 椓,築也。 夢。 〇言其 之 其簷阿華采 呼會反。 猶 矢行緩則 直 閣 庭,宫寢之前庭 斯 子西反。 叶 快快也。 慮 閣 大勢嚴 革 彌登反。 反。 橐橐,杵聲 0 下莞音官。 其楹 椓 其冥, 叶 賦 而 枉,急則 言其室 正,向 正,如 訖 如 晄 也。 0 鼠 翔,如 力反。 賦 角 跂 也 也 也 反 君 約 攸 明 首 音

祥。 放此。 拔樹。 蒲席 日: 牀,尊之也。 朱,諸侯黄 家君 泣 寢之牀,載衣於既反。 在左右,王中心無爲也,以守至正。 察之詳而敬之至矣。 辰占六夢之吉凶,獻吉夢,贈惡夢。 先王建官設屬,使之觀天地之會,辨陰陽之氣,以日月星 通,故晝之所爲,夜之所夢,其善惡吉凶各以 屬,占夢之官也。 〇祝其君安其室居,夢兆而 反。 維 何 . 喤喤,華彭反,叶胡光反。 爲君爲王矣。 也。 言男子之生於是室者,皆將服朱芾煌煌 虺蛇,陰物,穴處,柔弱隱伏,女子之祥 維 夢之有占,何也? 芸。 維虺維蛇,女子之祥。 虺,蛇屬,細 〇大音泰。 蛇。 維 朱。 熊 葦 賦 衣之以裳,服 Ė 市奢反 也。 維 簟 熊羆,陽物,在山 〇乃生女子 羆 頸 半 人占之,維熊維麗,男子之 故曰,王前巫而後史,宗祝瞽侑皆 ,叶于其、 圭日 大頭,色如文綬,大者長七八尺。 煌 彼宜 티. 煌 似 璋。 之盛 也。 有祥。 熊 一反,叶 之裳,載弄之璋。 而 · 土 朱芾音弗。 人之精神與 喤,大聲也。 長 也。 君 ,載寢之地 何二 亦頌禱之詞也。下章 彼 , 彊力壯毅, 男子之祥 頭 諸 其於天人相與之際 〇乃生男子 賦也。大人,大卜之 高 何 弄之以 反。 侯也。 脚、猛 反。 〇賦 天地陰 類 璋,尚其 維 斯皇,室 芾,天子純 憨多力,能 也。 至。 也。 )寢之於 虺 陽 〇或 流 鬼

母亦 儀,叶 則可矣。 之裼,他 非其吉祥可願之事也。 罹,憂也。 (也。弄之以瓦,習其所有事也。 矣。」故有閨門之脩,而無境外之志,此之謂 日 叶音麗。 婦人也。 《易》曰: 計 ○寢之於地,卑之也。 婦人之禮,精五飯,幂酒漿,養舅姑,縫 反。 蓋女子以順爲正,無非足矣。 唯 )賦也。 載弄之瓦。 酒 「無攸遂,在中饋,貞吉。」而 食是 唯酒食是議 裼,褓也。 議, 衣之以褓,即 叶魚位 有非,非 瓦,紡磚 父母 ,而無遺父母之憂。 反。 也。 婦 詒 人也 有 其 無 以之反。 孟 用 非 子之 則 前 無 亦

傳》宋元公賦《新宮》,恐即此詩。然亦未有明證。爲是時之詩也。或曰《儀禮》「下管《新宮》」,《春秋即位,更作宮室,既成而落之。今亦未有以見其必即在,可。舊説厲王既流于彘,宮室圮壞,故宣王令,五一章,四章章 七句,五章

濈 也。 濈。 )賦也。 呵 九 莊 ·之犉者九十, 而 立 動 黄牛黑唇 反 其 其 無 耳, 犉。 羊 ? 爾 濕 非特者尚多也。 4 日宇。 濕 而 來 純 三百 反。 思 羊以三百爲羣,其羣不 王 維 氏 日 : 耳 來 濕 其 濈 濕。 潍, 而息, 濈 其 和 角

"屯。 羊以 升。 凡爲色三十也。 何,揭也。 牛羊衆多也。 旐 其羊亦馴擾從人,不假箠楚。 兢,堅强也。 蒸,之承反。 不備,而於用無所不有也。 食,從其所適,以順其性。 微律反。 何笠,音立。 E 矜矜兢兢,不 音 實維 升,入牢也。 善觸爲患,故言其 賦也。 謂 側巾反。 兆 使升,則既升也。 或訛 病 人也 則耳 蓑、笠,所以 爾牲則 麄 ○或降 年。 旗 以雌以雄。 燥,安則 ○賦也。 旐 或負其 〇言牛羊無驚畏,而牧人持雨具,齎飲 爾牧來 音餘。 虧也。 ○言牧人有餘力,則出取薪蒸搏禽獸 騫 郊野所建,統人少; 薪,細曰蒸。 叶 具。 不 備 尼因反。 于: 和,謂聚而不 潤 崩。 占夢之説未詳。 崩,羣 雨。 餱。 是以生養蕃息,至於其色無 思 澤 呵 叶 ○爾牧來 居 三十維物,齊其色而别 叶于陵反。 人乃夢 音侯。 但以手麾之,使來,則 疾也。 何河可反。 或飲于池 大人占之,衆維 雌、雄、禽獸 律反。 麾之以 旐維 此詩言牧 相 肱,臂 觸 旗矣,室家 三十維物,叶 旗 溱溱, 衆也。 也。 肱, 畢 思,以 )賦也。 爾羊來思 州 也。 蓑素多反。 也。 濕 里所 唐何反。 矜矜兢 成,而 建, 之 魚

乃是魚,則爲豐年,旐乃是旟,則爲人衆。 人多。蓋人不如魚之多,旐所統不如旟所統之衆,故夢,

《無羊》四章,章八句。

何反。 致亂。 藍反。 而不敢言 爾瞻矣。 三公。尹氏,蓋吉甫之後。 赫 嚴,積石貌。 猗,倚也。 師 節 師 斬,絶。 一機世卿 憯七感反。 何用 未詳 尹 尹 彼 言節彼 節 喪息浪反。 不敢 ,, 不 南 也。 而其所爲不善,使人憂心如 ,皆不甚通。 其 不 言草木滿其旁,倚之畎谷也。」或以爲草木之 監,視也。○此詩家父所作,刺王用尹氏以 赫赫,顯盛貌。 Ш 」者,即此也。 平謂 監? 南 戲 然則國既終 具 ,有實其猗。 下 Щ 談。 爾 莫懲嗟 傳 曰: 同。 , 則 亂 何? 瞻 古銜反。 維石巖巖矣。 或 弘 彼 具, 俱。 叶 荐通,重 既 多。 (斬絶矣,汝何用而 《春秋》書「尹氏卒」,公羊子 南 實, 天方薦 ·側銜反。 師尹,大師尹氏也。 叶 卒子律反。 ○興也。節,高峻貌。 Щ, 滿。 ·遭哥反。 於宜反,叶於何反。 民 瞻,視。 也。 維 猗, 長 言 火烟 赫赫師尹 徂殿反。 憂 石 瘥,病。 無嘉 ○興也。 灼, 心 巌巌。 斬,叶側 恢,燔。 也。」箋云: 如惔 不察 又畏 ,叶居 ´, 則 瘥,才 弘,大。 以其威 、民具 哉? 有 何 銜

也。 毗,輔。 夷式 所任之人,有不當者則已之。 者,欺其君 尹氏,尹氏又委政於姻亞之小人,而以其未嘗問,未嘗事 壻之父曰 姻,兩 君子,指王 姻亞 昊天矣,則不宜久在其位,使天降禍亂,而我衆并及空窮 使民不迷,乃其職也。 之氐,而秉國之均,則是宜有以維持四 我 毗 禮 以自改也。」〇尹氏 以喪亂,人怨而 其 憯 (心,則下之榮瘁勞佚有大相絕者矣。 是以神怒而重 ,而不平其 曾。 反,叶都黎反。 師。 ,婢尸反。 其所弗問弗事,則豈 一,則 已,無 弗 鉏里反。 弔,愍。空,窮。師,衆也。○言尹氏大師 叶霜夷反。 也。 也。 無 躬弗親, 心 膴音武。 也。 俾民 故戒之曰: 壻 夷,平。 謗讟其上。 則 下同。 相 秉國之均,四方是維 謂 謂 節 殆。 ○賦也。 不 之何 大音泰。 今乃不平其心,而既不見愍弔 日亞。 庶民弗信。 彼 已**,** 止。 · 迷。 可以罔君子哉? 仕。 勿罔君子。 哉? 南 然尹 叶養里反。 汝之弗躬弗親 Ш 無以小人之故而至於危 膴,厚 賦 氐,本。均,平。维, 不弔昊天,不宜 則 、氏曾不懲創咨嗟,求 蘇氏曰: 殆,危 師 也。 有實其猗 ,維周之氏。 也。 叶斯人反。 仕 方,毗 也。 叶獎履反。 事。 瑣 「爲政 當平其心,視 ,庶民已不信 言 瑣 矣。 瑣 天子 輔天子, 主 罔, 瑣,小貌 素火反。 一委政 弗問 欺 維 不平 赫 也 持。 於 於 丽 所 周 丁

經反。 例反。 反。 鮂 夷, 君子憂之曰: 以見天人合一之理焉。 爲 式 必 所以靖之者,亦 均,而降此窮極之亂。 昊天不惠, 其 之小人,其卒使民爲之受其勞弊,以 成,不自爲 蓋無所歸咎而歸之天也。抑 因 《政不平以召禍亂者,人也。 夷式已, 躬必親,而民 國 亂 牡 〇賦 反。 惡 也 「天不之恤, 傭 俾民 俾 戾,乖。 四 烏 也 瑣 亂 而民之惡怒遠矣。 路 民 牡 敕 瑣 靡 反。 政 不 領反。 1 降 姻 龍 頂 誰 酒 之亂心息矣。 在夫人而已。 有定。 届,至。 亞, · 寧。 反 故亂 7,叶 闋。 此 秉國成者,乃不自爲政,而以付之姻亞 病 領。 怒 日 大戾。 而 是違。 0 諸盈反。 降 昊天不順,而降此乖戾之變。 醒。 未有 必 後皆放此。 古穴反,叶 憂心如酲 賦 叶唐丁反。 闋,息。 我 皆 此 也。 成,平。 膴 瞻 所 有以見君 傷王與尹氏之不能 鞠 君子無 君子無所荀 君子 社,則· 而詩人以爲天實爲之者 止,而禍患 項, 四 賦 卒勞百姓 違,遠 九 也。 胡 大也。 方,蹙蹙子六 六 至此也。」〇駕 卒,終 式月 小人 音呈。 〇不弔昊天,叶 如 派 臣隱諱之義焉,有 桂 反 也。 傭, 偏 届 反。 進 與歲 蹙蹙,縮小之 而平其 而 也。 斯 均。 ○言昊天 鶭 矣。 用 音 生 誰 月 其 戒,叶 鞠, 叶 也。 叶叶 秉 至, 心 音 蘇 桑 凶。 彼 或 如 經 Æ 桑 則 不 居

此誦 寧。 是以 也。 日: 周大夫也。 ○賦 既 如 詩 邦 許六反。 作 蓋小人之性 人之正己者,則 是則我王亦不得寧矣。然尹氏猶不自懲創其心,乃反 矣,故窮其亂本 也。 夷平悦懌 昏 氏 父周之世臣,義與國 ,乃復自表其 茂 誦 相 也。 君 ○言方盛 亂 者 以 不懲其心,覆芳服反。 翿 爾 言 本 則王 陳氏曰: 子 蹙 叶 窮究王政昏亂之所由,冀其改心易慮 尹氏之不平,若天使之,故曰「昊天不平」。 駕 市 惡 根 萬 無 足蹙然 疾容反。 究,窮。 則 病 四 心之蔽 所 無常,而 由 邦。 牡, 其惡以 反。 適 相 出 相 則 無 其爲惡. 而 與 ·而歸 於己。 可 息 而 一尹氏 枝 叶卜工反。 可 也。」李氏日 歡 矣。 訛,化。 心亮反。 往 習 葉 四 也。 相 然如 之所, 之王心焉。 俱 於鬪 皆 究 何時 牡 (厲威,使人不得戲 加,則視其矛戟, 存亡 以身當尹氏之怒而不 瘁。 賦 項 王 賓主而相醻酢,不以 領 亂,其 也。 畜,養也。 亦 爾 而 汹 故也。」東萊吕氏曰: 是以 已哉! 可 0 昊天 將 矛 茂,盛 怨其 何 以 鯎 喜 矣。 騁 孟 致亂者 無 式 所 也。家、氏。 怒之不 不平 矣。 可 聘 子 訛 ○家父自言 正。 往 哉 相,視 如 既 談。 曰 爾心,以 1雖尹 之地 而 家父音 欲 夷 可 以 叶 視 我 而 戰 期 氏, 爲怪 諸 人不足 既 也。 四 **灰 居** 家父 畜 父,字。 鬪。 懌,悦  $\pm$ 盈反。 如 方 番萬 作爲 也。 而 甫 此 畜 不 作 怨 若 及 則 篇 用

人之失,政事之過,雖皆君之非,然不必先論 適 政 (政事無不善矣,用人皆得其當矣。 不 足 與 間 也,惟 大人 八爲 能 格君 心之非。」蓋 也。 惟格君 用

時世皆不足信,今姑闕焉可也。 之終已七十五年,不知其人之同異? 大抵《序》之桓十五年有家父來聘於周,爲桓王之世,上距幽王桓十五年有家父來聘於周,爲桓王之世,上距幽王章,四句。《節南山》十章,六章章八句,四

五反。 之月也。繁,多。訛,僞。 我先,不自我後。叶下五反。 於病也。○父母生我,胡俾我瘉。 羣聽者又方甚大。然衆人莫以爲憂,故我獨憂之,以 節,不以其時,既使我心憂傷矣。 憂,幽憂也。痒,病也。 也。正月,夏之四月。謂之正月者,以純陽用事,爲 良反。哀我小心, 癙音鼠。 益甚之意。 言,亦孔之將。 下同。 音 〇疾痛故呼父母,而傷己適丁是時也。 政。 莠餘久反。 賦 月 也。 繁霜 念我獨兮,憂心京京。 瘉,病。 〇此詩亦大夫所作。言霜 將,大也。京京,亦大也 ,我心憂 言自口。 自,從。莠,醜 憂以痒。音羊。 而造爲姦僞之言以惑 好言自口,叶孔 傷。 憂心愈愈 音庾。 也 民 愈 叶 0 訛 降 正 居 失 陽 賦

彼故老、訊音信

之占夢。

叶莫登反。

具

日

爾。 之人虚 夢,不明也。皇,大也。上帝,天之神也。程子曰: 既克有定,靡人弗勝。音升。 將止於誰之屋也。 臣僕。 營反。 卑,爲岡爲陵。 憎而禍之乎,福善禍淫亦自然之理 時耳,及其既定,則未有不爲天所勝者也。 天反夢夢然,若無意於分别善惡者。 薪維蒸,分明可見也。 其形體謂之天,以其主宰謂之帝。」〇言瞻彼中林 誰 丞反。民今方殆,視天夢夢。莫工反,叶莫登反。 爲臣僕。未知將復從何人而受禄,如視烏之飛,不知其 言不幸而遭國之將亡,與此無罪之民,將俱 以爲臣僕。箕子所謂「商其淪喪,我罔爲臣僕 于誰之屋。賦也。 人衆則勝天,天定亦能勝人。」疑出於 我之憂心益 云憎。興也。 辜,罪。 [僞反覆,言 哀我人斯,于何從 并,俱 無 甚,而反見侵侮也。 禄。 之好 中林,林中也。侯,维。殆,危也。 也。 〇瞻彼 民之訛 民今方危殆疾痛 惸惸,憂意也。 醜 古者以罪人爲臣僕,亡國所 民之無辜,并必政反。 皆 不出 中林、侯薪侯蒸。之 言, 於 禄。 心, 而 寧莫之懲。 然此特值其未定之 此 有皇上帝,伊 憂心 而 ,號訴於天,而視 無禄,猶言不幸 但 申 夫天豈 被 出 烏 | 惸惸,其 ·包胥 囚虜 謂 於 也 口 則維 山 」虜亦 日 有 而 同

其特。 其非。 故? 岡, 而使之至此乎! 高而不敢不局,地 蜴,螈也。 天蓋 福 莫敢矯其非。 思言於衛侯 夢,官名,掌占夢者也。 者,又皆有倫理而 ○賦也。 曰予聖,誰知烏之雌 占夢,則又皆自以爲聖人,亦誰 言如此矣,而 辨者也。 不蹐。井亦反。 廣 矯之則逆而有禍 誰 平 高 哀今之人,胡爲 君臣既自賢矣,而羣下同聲賢之。 知 如不我得。 日 Ħ ○謂 天之扤五忽反。 局,曲 不敢不 虺、蜴,皆毒螫之蟲也。○言遭世之亂,天雖 陵。 烏 日: Ŧ 「有由 卿大夫出言亦自以爲是,而士庶人莫敢矯 Ш 之 懲 也。 猶安然莫之止 蓋卑,而其實則岡陵之崇也。 雖厚而不敢不蹐。 雌 可考也。 止 君 局。 蹐,累足也。 然焉。 雄。」抑 ,如此則善安從生? 雄 瞻彼 也。 之國 維 具 執我仇仇,亦不我力。 號 叶居亦反。 心世鬼反。 故 哀今之人,胡爲肆毒以害人, 叶 ,俱也。 阪音反。 君出言自以爲 事 亦似君之君 我,如不我克。 音豪。 老,舊臣 故陵反。 也。 將 能 號,長言之也。 别其言之是非乎? H 及其詢之故 烏之雌雄 非 其所號呼而爲此言 斯言, 也。 田,有菀音鬱。 謂 矣。」公日 蜴? 臣 《詩》曰: 賢之則 地 賦 是, 三乎!」( 訊 也。 蓋 有倫 今民 而 問 星歷 厚,不 脊,理。 順 似 山 也 彼求 一、訊之 大夫 之訛 而 丽 脊 「具 反。 謂 有 有 何 日

> 姒音似。 結之。 也。 字。 其 滅周也。❶ 之也。時宗周未滅,以襃姒淫妬讒諂,而 滅之者乎? 者,爲國政之暴惡故也。 嬖妾,褒國女,姒姓也。 也。火田 力韶反。 艱,而棄之甚易,其無常如此。 之,則又執我堅固如仇讎然,然終亦莫能 詞 特。 也 也。 東既 扤 而 阪 輸 夫始 天之扤 田 爾 今兹之正 一爲燎。 載,才再反。 ,崎嶇墝埆之處。 之方揚,寧或滅之。 威呼悦反。 也。 載,才再反。 而 然赫赫然之宗周,而一 我,如恐其不我 終其 求之以 力, 揚,盛也。 謂 永 ,胡然厲叶力桀反。 爲 用 威,亦滅也。○言我心之憂 之。 乃 力。 法則,惟 燎之方盛之時,則 懷, 將七羊反。 棄爾 宗周,鎬 菀,茂盛之貌。 賦也。 克,何 〇瞻 又 〇心之憂矣,如 恐 窘 輔 彼阪 褒姒足以滅之,蓋傷 京也。 哉 不我 正,政也。 0 求 赫赫宗周, 伯 隕 田 扶 王惑之,知其必 得 用也。 亦 一, 猶 助 反。 襃姒,幽 特,特生 雨 也。 遊 無 反。 子。 矣。 有能 有 所 厲 陰 求之甚 及其 菀 載 暴惡 之苗 叶 雨 撲 如 E 或 襃 得 之 结 如 而 演

0 已然之事而非 凡 也」下,元本、吉本有 矣其言 五十五 裹姒 慮其將然之辭今亦未能必其然否也 滅之有監戒之意而 「或日 此 東 遷後 無 憂懼之情 詩 也 時 宗 似 周 E

輻也。 曰 : 女反。 爾 賢臣焉,故曰『乃棄爾輔』。 如行險而不知止。 亦炤然而易見。言禍亂之及,無所逃也。 明,易見也。 燥,七各反。 矣,亦孔之炤。音灼。憂心慘慘,七感反。 沼,之紹反,叶音灼。 厥終無難也。 爾所載,而踰於絶險,若初不以爲意者。 苟其載之既墮,而後號伯以助予,則無及矣。] 〇無 言若能無棄爾輔,以益其輻,而又數數顧視其僕,則不墮 是不意。叶乙力反。 顧爾僕,不輸爾載。 也。 ,又有嘉殽。户交反。 輔,員音云。 其隣,昏姻 『終其永懷,又窘陰雨。』王又不虞難之將至,而 屢,數。 輔,如今人縛杖於 伯,或者之字也。○蘇氏曰: 念國之爲虐。此也。 ○魚在于沼,其爲生已蹙矣。 一説,王曾不以是爲意乎? 顧,視也。 于爾 君子永思其終,知 雨則 孔云。 亦匪克樂。音洛。 泥 〇比也。 輻。 僕,將車者也。○此承上章。 叶節力反。 、輻,以 君子求助於未危,故難不至。 無 念我 而 方六反,叶筆力反。 韻、未詳。 防輔車 員,益也。 易 以 終踰絶險,曾 其必有大難,故 蓋能謹其初,則 也。 沼,池也。 「王爲淫虐,譬 其潛雖深,然 也 治比毗 輔,所以益 )魚在于 )彼有旨 輸, 墮也 棄

> 今獨無禄者,是天禍椓喪之爾。亦無所歸怨之詞 **佌然之小人既已有屋矣, 蔽蔽窶陋者又將有穀矣。** 人也。 獨。 陟角反,叶都木反。 其此之謂乎! 子相安,自以爲樂也,突决棟焚,而怡然不知禍之將及。 至於此,富人猶或可勝,惸獨甚矣! 方有穀。民今之無禄,天夭於遥反。 (政施仁,必先鰥寡孤獨也 小人得 而我獨憂心,至於疾痛也。 賦也。 穀,禄。夭,禍。椓,害。哿,可。 志,有 佌佌,小貌。 蔽蔽,窶陋貌。指王所用之小 ○仳仳音此。 旨 哿哥我反。 殺 以 昔人有言,燕雀處堂,母 彼有屋,蓛蔌音速。 合比 矣富人,哀此惸 此孟子所以言文王 其 獨,單也。 里,怡懌 是椓。 〇佌 而 其 民

《正月》十三章,八章章八句,五

月,以夏正言之,建亥之月也。交,日月交會,謂晦朔之今此下民,亦孔之哀。叶於希反。○賦也。十食之,亦孔之醜。 彼月而微,此日而微。十月之交,朔月辛卯。叶莫後反。日有

賦也。

洽、比,皆合也。

云,旋也。

慇慇然,❶痛

日月相 無政, 間 月之食,皆有常度矣。 此 也。〇日月告凶,不用其行。 月則宜有時而虧矣,此日不宜虧而今亦虧,是亂亡之兆 謂之正月。十月純陰,疑其無陽,故謂之陽月。純陽 大者也。 有常度,而實爲非常之變矣。 下,必有參差而不正相合,不正相對者,所以當食而 陽,則日月之行,雖或當食,而 者脩德行政 司 同 於日而與之會。一歲凡十二會。 故日一歲而一周 食,陽弱之甚也。 人陵君子,夷狄侵中國 道也。 度,南 也。 度同道,則月亢日而月爲之食。是皆有常度矣。 日而食,于何不臧? 若國無政,不用 已會,則 晝 晝一夜 歷 不用其良。 :北同道,則月揜日而日爲之食。 然正陽之月,古尤忌之。夏之四月爲純陽,故 然其所以然者,則以 法,周 夜,則 則 ,用賢去姦,能使陽盛足以勝陰,陰衰不能侵 月光正 月光復蘇而爲朔。 天三百六十五 日行 其行 天,月二十九日 純陰而食,陰壯之甚也。 善使臣 滿而爲望。 而 ,則陰盛陽微,當食必食。 周而 度,月行 以爲不用 彼 月而 又過 一子背君父,妾婦乘 四國 蘇氏曰: 賦 月常避日。 度 方會,則月光都盡 朔後、晦 有奇而一 十三度十九分度之七。 也。 晦朔而日月之合,東 四四 無政,不用善人故也。 其行者,月不 食,則維 度。 分度 叶户郎反 行,道也。 望而日月之對 「日食,天變之 之 日月皆 前,各十五 周天,又逐 故其遲速 其常 、其夫,小 避日,失 〇凡 右行於 也 雖曰 左旋 然王 不 而 西 而 行 高 彼 食

> 沸、出。 也。 將 言 楀 仁愛人君 又出怪異以警懼之。 修省,改紀其政,而幽王曾莫之懲也。董子曰: 賦 深谷 賦 子内史, 蹶俱衛反。 維 而已,十月而雷電,山崩水溢,亦災異之甚者。 故爲谷。 百 不 也。 也。 也。 ·臧者, 有失道之敗,而 士、蓋卿之士。《周禮》太宰之屬有上中下士。《公羊 此 音矩。 ]1] 司 卿士,六卿之外更爲都官,以總六官之事也。 則 徒,家伯爲宰,仲允膳夫。 爲陵。哀今之人,胡憯七感反。 沸騰,山冢崒祖恤反。 爗 爗 故 皇父、家伯、仲 騰,乘也。 日月之食,皆非常矣。 深谷填塞,故爲陵。 丁輙反。❶ ,而欲止其亂也。□○皇父音甫。 爆,電光貌。 《春秋》日食必書,而月食則無紀焉,亦以此 区亢陽 維師氏,豔 而 天乃先出災異以譴告之。 不 山頂 曰冢。崒,崔嵬也。 勝,猶可 尚不知變,而傷敗乃至。 震電,不寧 允,皆字 震,雷 維 餘贍反。 趣七走反。 言 憯,曾也。 也。寧,安徐 也 而 也, 以月 崩。 妻煽 陰 不令。 勝 食爲 聚、蹶、 陽 音扇。 馬 〇言非 高岸 而 其 也。 聚側留 叶 高岸崩 常, 卿士,番 不 揜之,不 是宜恐 此見天心 爲谷, 滿 知自 莫懲。 盧經 方處 但日 或曰, 補 食 反。 省 反 家 食 可 爲

如

丁」、《經典釋文》、《十三經注疏》並作「于」。

DЦ

亮反。 盡也。 悲反。 者也。 州 不 供上役之常禮耳。 使 自以爲不時,欲動我以徙,而不與我謀,乃遽徹 也。 外,而嬖妾蠱惑王心於内,以爲之主故也。 居其所,未變徙也。 内史,中大夫,掌爵 宰掌邦治 蓋以宰屬 父,豈曰 士,掌王馬之政者也。 曰 3我田不獲治,卑者汙 河 謂 救 予不戕,在良反。 字士 車馬, 魚覲反。 美色日 縣是 天子公卿 大邑 下 汙,停水也。萊,草穢也。戕,害也。 ,發語 徹我牆 . 同。 而 ,皆卿也。 不 」、《左氏 兼 也。 也。 詞。 時。 總 三有 所封 六 居 《周禮 屋 時,農隙之時 豔妻,即褒姒也。 (禄廢置殺生予奪之法者 》所 官, 膳夫,上 〇言所以致變異者,由小人用事 胡爲我作,不即我 也 |有事, 亶侯多 事,三卿也。 田卒汙音鳥。 師氏,亦中大夫,掌司 老,俾守我 而高者萊。 位卑 謂 皇父孔聖,作都 禮則然矣。 》,畿内大都方百里,小都方 向。 周 向,地 前 士,掌王之飲食膳 公以 賦 也。 也。 名 重 蔡 又曰非我戕 亶,信。 作,動。 也。 ,在東都 孔 煽 仲爲己 萊。 王。 叶於姬反。 熾也。 · 甚 司 藏 也。 徒掌 也。 畿内。 謀? 侯,維。 朝 卿 于 ○言皇父不 即,就。 叶于 叶陵之反。 抑 得 士」是 向 才浪 聖 羞 邦 汝,乃下 我牆屋 方處,方 失之事 放 此 者也 馬 叶謨 五十 〇賦 今孟 通 反。 反。 於 明

痗。 父病之,而被禍尤甚故也。 方皆有餘,而 ○當是之時,天下病矣,而 悠,憂也。 徹 獨 此者,皆由 之所爲也。 役,未嘗敢告勞也,猶且無罪而遭讒。 也。 職 反。 悉與俱往,不忠於上,而但知貪利以自私也。 鐵因反。 人以爲卿。 也。 安於所遇 ,叶直質反。 居 也。 莫背 勉從事,不敢告勞。 憂。 五刀反。 由 重複也 人。 者,心不欲 里,居。 〇言皇父自以爲聖,而 反,叶呼洧 讒口之人耳。 噂噂沓 噂子損反。 ,而必傚我友之自逸哉 民 我獨憂,衆人皆得逸豫, 又不自 賦也。 莫不逸,我 下民之孽,魚列反。 我不敢 職,主。 痗,病。 沓多言 而 强 反。 自 囂,衆多貌。 留 强 沓徒合反。 競,力也。 二人以 以相説,而 獨憂我里之甚 之詞。 傚 兀 然此乃天命之不均,吾 ○悠悠我 羡,餘。 獨不 我友 方 無 衛天子,但 作都則不 有 有 罪 〈自逸。 敢休。 孽,災害也。 〇言黽勉從皇父之 2羡,徐 車 逸,樂。 背則相憎,專力爲 而 然下民之孽,非天 背蒲昧反。 無 馬 我獨 里, 一病。 匪 水賢 一有車馬 降自天。 勞 徹, 面反。 亦孔 〇黽 亦 賦也。 且 天命 富 以 而 噂,聚 均 民 以 民允 者則 爲 但 悠 之 不 四 取

叶

富 徂 蓄

十月之交》八章,章八句。

其辜。 謀也。 幾日 何哉? 三公也。 避讒譖之禍也。 謂六官之長,皆上大夫也。 反。 居 辜矣,舍之可也。此無罪者,亦相與而陷於死亡, 穀不熟曰饑,蔬 饉 族姓也。 夜。叶弋灼反。 不思慮圖謀,而遽爲此乎! 昊天不大其惠,降此饑 之後、羣臣離散、其不去者作詩以責去者。 也。浩浩,廣大也。昊,亦廣大之意。 )言將 後詩 疾 一,其 王 莫知我勩。 庶曰式臧,覆芳服反。 威 改而 浩浩昊天,不駿其 有易姓之禍,其兆已見,而天變人離又如 舍,置。 靳 大夫,六卿及中下大夫也。 戾,定也。 若此 反。 爲善,乃覆 周宗既滅,靡所止戾。 慮 淪,陷。 如 不熟日饉。 無 我,不 弗圖 伐 何昊天,叶鐵因反。 邦君諸侯,莫肯朝夕。 罪, 正,長也。《周官》八職, 夷世反。 四 遊 而 出爲惡 去者,自 胥,相。 淪胥 國。 離居、蓋以 舍音赦。 彼有罪而饑死,則是既伏其 疾威,猶暴虐也。 殺伐四國之人,如何昊天曾 而 德。 三事大夫,莫肯 叶于逼反。 我 以 不悛 鋪, 編也。 出爲惡。 也。 鋪。 降喪 也。 駿,大。 臧,善。 饑饉散去,而因以 勩,勞 彼有罪 普烏反。 下同 或日 故推本而言 息浪 正大夫 〇此時饑饉 旻密 也。 賦也。 一旦「正」 覆,反 德,惠也 疑 慮、圖,皆 外此。 反。 此亦東 叶祥龠 ,則如之 三事, 既 巾 也 宗, 夙 伏 反 饑 庶 賦

哿矣能 感反。 賦也。 日: 也。《國語》 爲惡不退。 憯憯,憂貌。 叶息悴反。 王之爲惡而 不 哉不能言 言及己,則皆退 有問而欲聽其言,則亦答之而已,不敢盡言也。 憂之,而慘慘日 遂,進也。 成不遂。 畏,不畏天也。 聽信,則 百君子,指羣臣 百君子, 言者也 之也。 信 王雖不善,而君臣之義,豈可以若是恝乎? 如 H 如彼 ),故非 言。 叶 瘁,病。 何昊天,呼 《易》曰「不能退,不能 瘁。 各敬 饑 斯人反。  $\check{\exists}$ 曾在登反。 瘁,病。訊,告也。○言兵寇已成,而王之 聽言則答,譖言則退。 不敬其身哉 行往 饉已成,而王之遷善不遂。 匪舌是出 一居寢有 巧言如 但出諸口,而適以瘁其躬。 也。 而離居,莫肯夙 徂醉反。 ○ 戎成不退,叶吐類反。下同。 哿,可也。 爾 而 天而 〇言如何乎昊天也,法度之言而 無 身。 如 凡百君子,莫肯以是告王 所 暬御之箴」,蓋如 訴之也。 流 彼行邁 我暬思列反。 底至也。 凡百君子,莫肯用訊 胡不相畏,不畏于天。 不敬爾身,不相畏也。 〇言之忠者,當世之所謂不 俾 尺遂反。 夜朝夕於王矣。 躬 遂」是 辟,法。 然凡百君子, 豈可以 處 則 休。 也。 靡 漢侍中之官也 使我替御 賦也。 御,憯憯千 臻,至也。 佞人之言,當 所 躬 暬御,近侍 賦 也。 者,雖王 戎,兵 其意若 之臣 不 出 飢 相 不

天子。叶奬履反。 反。 道者得罪于君,而枉道者見怨于友。此仕之所以難也。」 者,王之所謂不可使; 已反。○賦也。于,往。棘,急。殆,危也。○蘇氏曰 使其身處於安樂之地。蓋亂世昏主,惡忠直而好 「人皆曰往仕耳,曾不知仕之急且危也。當是之時,直道 公如此。 |所謂能言者也,故巧好其言,如水之流,無所凝 )謂爾遷于王都,曰予未有室家。叶古胡反。 孔棘且殆。 詩人所以深歎之也。 叶養里反。 亦云可使,怨及朋友。 而枉道者,王之所謂可使也 云不可使,得罪于 〇維曰于仕,銀 ?諛佞 滯, 叶羽 里

深,至於如此。然所謂無家者,則非其情也,故詰之曰:以拒之。至於憂思泣血,有無言而不痛疾者,蓋其懼禍之此。故羣臣有去者、有居者。居者不忍王之無臣、己之此。故羣臣有去者、有居者。居者不忍王之無臣、己之思,猶言 癙憂也。〇當是時,言之難能,而仕之多患如思,猶言 癙憂也。〇當是時,言之難能,而仕之多患如既,猶言 癙憂也。例,謂離居者。鼠爾出居,誰從作爾室? 賦也。爾,謂離居者。鼠

命名者,則必述詩之意,如《巷伯》、《常武》之類是之人於詩,多不命題,而篇名往往無義例。其或有章,八句,三章章六句。歐陽公曰:「古《雨無正》七章,二章章十句,二

昔爾之去也,誰爲爾作室者? 而今以是辭我哉

有所考也。 也。今《雨無正》之名,据《序》所言,與詩絶異,當也。今《雨無正》之名,据《序》所言,與詩之至,則是短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。 本皆十句,今遽增之,則長短不齊,非《詩》之例。

高二十六句。《祈父》之什十篇,六十四章,●

四

詩卷第十一

鼠思息嗣反。

泣血,叶虚屈反。

無言不疾。

「之什十篇六十四」,原脱,據元本、明甲本、明乙本

0

### 詩卷第十二

#### 朱熹集傳

## 小旻之什二之五

急反。 不善者反用之。故我視其謀猶,亦甚病也。 謀,不能斷以從善,而作此詩。言旻天之疾威,布于下 叶于封反。我視謀猶,亦孔之卬。其凶反。 何 土,使王之謀猶邪辟,無日而止。 日斯 旻,幽遠之意。 旻天疾威,敷于下土。謀猶回遹,音丰。 訿 臧,善。 沮。 泚,音紫。 ,伊于胡底。 具是違。 在吕反。 覆,反。 敷,布。 亦孔之哀。 邛,病也。○大夫以王惑於邪 謀臧不從,不 謀之不臧,則具是依。 猶,謀。 之履反,叶都黎反。 謀之善者則不從,而其 回,邪。 叶於希反。 ○潝潝許 〇賦

成也哉! 道。經,常。潰 程 雖 持,如將築室而與行道之人謀之,人人得爲異論,其能有 法,不以大道爲常,其所聽而争者,皆淺末之言。 言是争。 而亦何得於道路哉! 任其責而決之者。猶不行下邁,而坐謀所適,謀之雖 適所從,故所謀終亦不成。 其不善者則從之,亦何能有所定乎? 不潰于成。 之,故不復告其所圖之吉凶。謀夫衆則是非相奪,而 叶徒候反。○賦也。集,成也。○卜筮數則瀆,而龜 不我告猶。叶于救反。 ○言小人同 (韓詩》作「就」,叶疾救反。 )國雖 靡膴,火吴反。 ,匪大猶是經,維邇言是聽,叶平聲。 潝潝,相 叶巨又反。 靡止,或聖或否。方九反,叶補美反。 古語曰: 叶側陘反。 而 和也。 不和,其慮深矣。 賦 ,遂也。○言哀哉今之爲謀,不以先民爲 也。 如匪行邁謀,是用不得于道。 或哲或謀。 訿 「作舍道邊,三年不成。」蓋 先民,古之聖賢也。程,法。 訿,相詆 如彼築室于道謀,是用 蓋發言盈庭,各是其是,無 哀哉爲猶,匪先民是 發言盈庭,誰敢執其 謀夫孔多、是用不集。 也。 然於謀之善者則違之, 叶莫徒反。 具,俱。 〇我龜既厭, 底,至 出於此。 以是相 邇 莫 厭

二七

二八

戰 者,亦傳箕子之學也與? 雖不定,然有聖者焉,有否者焉。 也。艾,與「乂」同,治也。 兢,戒也。 也。徒搏曰暴,徒涉曰馮,如馮几然也。戰戰,恐也。 冰反。河。 矣。聖、哲、謀、肅、乂,即《洪範》五事之德。 焉,有謀者焉,有肅者焉,有艾者焉。但王不用善 寐反。○賦也。 人之慮,不能及遠。暴虎馮河之患近而易見,則知避之。 有善者,不能自存,將如泉流之不反,而淪胥以 兢兢,如臨深淵 如臨深淵,恐墜也。 人知其一,莫知其它。湯何反 止,定也。 如 彼 泉流 ,叶一均反。 淪,陷。 〇不敢暴虎,不敢馮皮 聖,通「明」也。 膴,大也,多 如履薄冰,恐陷也。 無 民雖不多,然有哲者 胥,相也。 淪 如履薄冰。 胥 以 敗。 豈作此詩 言國論 至 於 〇衆 叶 則 兢 戰 敗 賦 蒲

其大,而其小者猶謂之「小」,蓋即用其舊也。《大明》,獨《宛》、《弁》闕焉。意者孔子删之矣。雖去在《小雅》者謂之「小」,故其在《大雅》者謂之《召旻》、在《小雅》者謂之「小」名篇,所以别其爲《小雅》也。其明》,四詩皆以「小」名篇,所以别其爲《小雅》也。其明》,四詩皆以「小」名篇,所以别其爲《小雅》也。其也《小旻》六章,三章章八句,三章章

喪國亡家之禍隱於無形,則不知以爲憂也。

故曰

「戦戦

,如臨深淵,如履薄冰」,懼及其禍之詞也

宛於阮反。彼鳴鳩,翰胡旦反。飛戾天。

之,故此兄弟相戒,首以爲説。 猶温恭自持以勝,所謂不爲酒困也。 克,勝也。富,猶甚也。 以爲相戒之端。 昔之先人哉? 然之小鳥,亦翰飛而至于天矣,則我心之憂傷,豈能不念 叶 其子。式,用。穀,善也。 土蜂也,似蜂而小腰,取桑蟲負之於木空中,七日而化爲 也。菽,大豆也。 爾子,式穀似叶養里反。 子,蜾音果。 庶民采叶此履反。 去,將不復來,不可以不恐懼也。 則一於醉而日甚矣。於是言各敬謹爾之威儀,天命已 不又。叶夷益反。〇賦也。齊,肅也。聖,通明也。 不知,壹醉日富。 〇此大夫遭時之亂,而兄弟相戒以免禍之詩。 戾,至也。明發,謂將旦而光明開發也。二人,父母 鐵因 反。 我 是以明發不寐,而有懷乎父母也。言此 **嬴**力果反。 興也。宛,小貌。鳴鳩,斑鳩也。 心憂傷,念昔先人。 ○人之齊聖,飲酒温克。 螟蛉,桑上小青蟲也,似步屈。 之。 叶筆力反。 又,復也。 〇中原有菽,則庶民采之矣 負叶蒲美反。 螟亡丁反。 之。興也。 〇中原有菽,音叔。 時王以酒敗德,臣下化 各敬爾儀,天命 〇言齊聖之人,雖醉 彼昏然而不知者 **岭**音零。 明發不 之。 中原,原中 故言彼宛 翰,羽 寐, 誨 有

<sup>■「</sup>乂」,原作「又」,據元本、明甲本、明乙本及吉本改。

出而 也。 音零。 也。 甚。 之於刑辟 病寡不宜岸獄,今則宜岸宜獄矣。言王不卹鰥寡,喜陷 繁 日 犴,朝廷日 填與「瘨」同,病也。 交,往來之貌。桑扈,竊脂也,俗呼青觜,肉食,不食粟。 視也。脊令,飛則鳴,行則摇。 興 似者可教 救恤也。 亦月斯征矣。 身,又當教其子使爲善也。 也,似也,終上文兩 宜岸宜獄。 興善道 、夜寐,無忝 心,如臨 扈,音户。 ○視彼脊令,則且飛而且鳴矣。我既日斯邁,則汝 卜之, 曰何自而能善乎? 載飛載鳴。 温 也。 夙興夜寐,各求無辱於父母而已。 而 ,和柔貌 温 似 于谷。 然不可不求所以自善之道,故握持其 言當各務努力,不可暇逸取禍,恐不及相 可 也。 恭人,如集 微。 握粟 率場啄粟。 行 爾 教誨爾子,則用善而似之可 也。 句所興而言 岸,亦獄也。 如集于木,恐隊也 所生。 〇扈不食粟,而今則率場啄粟矣。 出 我日斯邁,而月斯征。 戰戰兢兢,如 1 蛉 - ,自何能穀。 ○題大計反。 有子,則 叶桑經反。 于木。 言握粟,以見其貧窶之 也。 哀我填 載,則。 《韓詩》作「犴」,鄉亭之 戒之以不惟 如臨 惴惴之瑞反。 而,汝。忝,辱 都田反。 負之,以 〇興也。 彼脊令, 薄 于谷,恐隕 興也。交 冰。 一獨善其 )交交 也 題, 賦

> 明白 穿鑿破碎,無理尤甚。 而 小宛》六章,章六句。 意極懇至。説者必欲爲刺王之言,故 今悉改定,讀者詳之。 此詩之詞 最爲

以

反。 詞也。 興也。 老。 矣。「心之憂矣、云如之何」,則知其無可柰何而安之之 號泣于旻天曰: 斯之不如也。「何辜于天,我罪伊何」者,怨而慕也 善。罹,憂也。○舊説幽王大子宜臼被廢而作此詩。 東呼爲鴨烏。斯,語詞也。 興也。弁,飛拊翼貌。鸒,雅烏也,小而多羣,腹下白,江 于天,我罪伊何? 踧周道,則 擣,春也。 弁彼鸒斯,則歸飛提提矣。 神慣 如擣。丁老反,叶丁口反。 爲茂草。 叶魯口反。心之憂矣,疾丑覲反。 。是移反。 弁薄干反。 毦 踧踧,平易 ○踧踧徒歷反。 不脱衣冠而寐曰假寐。 至於假寐之中而不忘永歎,憂之之深,是以未 將鞫爲 「父母之不我愛,於我何哉!」蓋 叶此苟反。 也。 茂草矣。 民莫不穀,我獨 彼鸒音豫。 周道,大道也。 心之憂矣,云如之何? 民莫不善,而我獨于憂, 周道,叶徒苟反。 提提,羣飛安閒之貌。 我心憂傷,則怒焉如 我心憂傷,怒乃歷反。 斯,叶 假寐永嘆,維憂用 疢,猶「疾」也。 鞫, 于 先齎反。 罹 窮。 如疾首 鞫九六 歸 何 ,則鷽 如此 飛 言 踧

焉

之奔, 也。 母。 老 孚計反。 則推之於天曰: 具器用者也。瞻者,尊而仰之。依者,親而倚之。屬,連 梓,二木,古者五畝之宅,樹之墻下,以遺子孫,給蠶食 也。○菀彼柳斯,則 有 于父母之毛乎? 至尊至親,宜莫不瞻依也。 辰,猶時也。 心之憂矣,不遑 而 ) 菀音鬱。 之生我 求其雌。 灌千罪反。 嘒嘒,聲也。 毛,膚 老 杖。 叶 是以憂之之深,昔猶假寐,而今不暇也。 獎履 也 今我獨見棄逐,如舟之流于水中,不知其何所 維足伎伎。 滿 譬彼舟流,不知所 設反。 體 反。 ,我辰安在? 彼柳斯,鳴 心之憂矣,寧莫之知。 ○言桑梓父母所植,尚且必加恭敬,況父母 疢 之餘氣末屬也。 叶千 如 者淵,萑音丸。 必恭敬 准,深貌。 **豈我不離于父母之裏乎**? 不屬音燭。 疾首」, 豈我生時 -西反。 八鳴蜩 一假寐。 其宜反。 · 嘒 博 矣 。 則 啃 然父母之不我愛,豈我不屬 又憂 蜩音條。 淠淠,衆也。 不善哉? 興也。 叶 彼 離,麗 于 靡 之甚矣。 雉之朝 届。 ·此里反。 壞 葦韋鬼反。 有灌者淵,則 毛,不 瞻 菀,茂盛貌。 胡 也。 <del>"</del> 罪 音戒,叶 何不祥至是 罪 届,至。 父, ○興也。 興也。伎伎 反 雊 裹,心腹 離 無所歸 維 ,古豆反。 呼惠反。 于裏。 淠淠。 居氣反。 在葦 )鹿 追, 依 桑 蜩,蟬 也 咎 也。 斯 厞 與 至 淠 暇

此則興 救反。 道。 墐音覲。 彼反, 以憂之,而 求其妃匹。 寧,猶何也 者尚倚其巔 言王惟讒是聽,如 掎,倚也,以 其子,曾視投兔,死人之不如,則其秉心亦忍矣 暴露而埋藏之者,蓋皆有不忍之心焉。 兔,尚或有哀其窮而先脱之者; 而究察之。 憂而涕隕也。 矣,涕既 或 有罪之譖 貌。 先 墐,埋。秉,執。 賦而 舍音捨。 蘇 叶居何反。 也 之。 薦 疾 之。 人莫之知也。 興 隕音蘊。 反,叶 夫苟舒緩而究察之,則讒者之情得矣。 物 今我獨見棄逐 人,而加我以非其罪 而 君子不惠,不舒究之。 ○鹿斯之奔,則足伎伎然。 也。 倚其巔 舒, 薪者尚 〇君子信讒,如 彼有罪,予之佗吐賀反,叶 君子秉心,維其忍之。 受醻 蘇晉反。 留 醻,報。 矣, 析薪 其 隕,隊也。 匪 也。 之。興也。相,視。投,奔。 爵,得即飲之。 隨 羣 Ш 其 也 ,如傷病之木 杝,隨其理 叶 惠,愛。 之。 理,皆不妄挫折之。 相息亮反。 雊 所旃反。 他敕氏反,叶湯 ,曾伐木析薪之不若也。 道有死人,尚或有哀其 〇相 行有死人,尚 雉 或 舒,緩。 鳴 曾不 也。 彼被逐而投 醻 也 ,憔悴而 今王信讒,棄逐 雉之朝 彼投兔, 佗, 市 加 伐木 惠愛, 由反,叶 究, 加 是以 湯何反。 無枝,是 雊 傷 今乃捨 也。 何反。 察 掎 病 人 也 或 之 緩 寄 市 知

于垣。 遑恤 子無易由言,耳屬于垣」之謂也。《小弁》之作,大子既廢 露此意,左右聞之,將樹功於舒王,大子危矣。」此正「君 將廢大子而立舒王。 躬不閱,遑恤我後。」蓋比詞也。東萊吕氏曰: 后,伯服爲大子,故 垣者,有所觀望 極深矣,而或入其底。 罪 泉 而猶云爾者,蓋推本亂之所由生,言語以爲階也 我 後。 無 君 浙 子 主左右 賦 我 無 而 告之曰: 梁, 易 比 李泌諫之,且曰: 而生讒 故君子不可易於其言,恐耳 也。 夷豉 無 山極高矣,而或陟其巔。 發 譖 反。 「毋逝我梁, 毋發 也。 我 符。 由 王於是卒以褒姒 言, 「願陛下還 我躬 我符。 不閲 唐德宗 音 宮勿 屬 燭 爲 泉 我

據也。 弁》之怨,親親 射之,則己談笑而道之,無它,疏之也。 也。」孟子曰: 以爲大子之傳述大子之情以爲是 而射之,則己垂涕 生大子宜臼。 一固哉 也!」曰: ,黜申后,逐宜臼。 親之過小者 《小弁》八章,章八句。 傳 高叟之爲詩也。 ⊟ : 後 也。 **|** | 凱 「高子曰: 「何以言之?」曰: 也。 得褒姒而惑之,生子伯服,信其 泣而道之,無它,戚之也。《小 親親,仁也。 風》何以不怨?」曰: 而宜臼作此以自怨也。 小弁》,親之過大者也 有人於此,越人關弓而 **《小弁》** 固矣夫高叟之爲 詩,不知其 幽王娶於申、 『怨。」日 小人之詩 其兄 開号 何所

> 磯也。 之過 大而 舜其至孝矣,五十而慕。」」 愈 流,不 不怨,是愈疏 孝 也。 也。 不可磯,亦 親之過 小而 不 孝也。 怨,是不可

賦也。 王也。 日: 甚也。 反。 納之,則亂庶幾遄已矣。 亂之又生者,則既信其讒言而用之矣。君子見讒人之 者,由讒人以不信之言始人,而王涵 君子信讒。 初生,僭側蔭反。 甚大矣,我審無辜也。此自訴而求免之詞也。 此其大也? 昊天之威已甚矣,我審無罪 予慎無罪。叶音悴。 者益勝, 辜,亂如此憮。 ,若怒而責之,則 沮。慈呂反。 賦也。 悠悠昊天,爲人之父母。 遗,疾。沮,止 悠悠,遠大之貌。且,語詞。 悠悠昊天, 曰父母 慎,審也。○大夫傷於讒,無所控告,而訴之於天 而 君 僭始,不信之端也。 子 益 君子如怒,叶 病 亂 火吴反。 始既涵。 也 也。 庶 君 幾遄沮 今涵容不斷 子 祉,猶喜也。 蘇氏 昊天泰憮,予 如 日 昊天 月。 矣。 胡爲使無罪之人遭亂 奴五反。 祉, 音含。 涵,容受也。 見賢者之言,若喜而 憮,大也。 七餘反。 ,讒信不分,是以 已威,叶 容不察其真偽 音 小人爲讒於其 〇言亂之所以生 耻 亂之又生, 也 亂庶過市專 慎 亂 昊天之威 已、泰,皆 無 君子,指 紆胃反。 ) 亂之 庶 罪 湍 無 如

信盗以 奕寢 束也。 賦 音 子信 無忌 必 他歷反。 徒以爲王之病而已。 嗜之而不厭,則 己 躍 他人有心,予忖七損反。 利於行。 人之心我皆得之,不能隱其情 而 〕亂,而 又以 也。 談。 躍 (大猷,則聖人莫之。以興他人有心,則予得而忖度之。 而比也。 以 (所主反。 叶 漸 跳 於是復 廟,君子作之。 盗 爲虐, 屢,數也。 謨郎反。 盗,指讒人也。 人之,其 躍躍 厞 疾貌。 君子樹叶上主反。 [屢盟以相要,則亂是用長矣。 君子不能 亂 維其言之甘而悦焉,則其國豈不殆哉! **毚**士咸反。 其 奕奕,大也。 進 則亂是用暴矣。 毚兔,遇犬獲之」比焉。 止 是 毚,狡也。 始 亂是用進矣。 一共,音恭。 亂 既 盟 用 也, 蛇蛇以支反 而君 一,邦國 是用 暴。 夫良藥苦口而利於病,忠言逆耳 進 餤,進。 卭,病也。 兔,遇犬獲叶黄郭反。 而 信 秩秩,序也。 有疑 〇奕奕寢廟,則君子作之。 営之, 長。丁丈反,叶 秩秩大猷,聖人莫之。 之,然後亂 盗言孔甘, 亂是用餤 維王之卭。 度待洛反。 然此讒人不能 讒言之美,如食之甘,使人 也。 則殺牲歃 君 容之而 往來行言, 碩 成。二〇 反覆興比,以 猷, 荏 道。 ○言君子不 血 之。 出 而 直良反。 不 监告神以 其恭反。 供其 拒, 甚 莫,定也。 反。 堲讒,而 躍躍 知言 見讒 相 ) 奕 ı Tiri 能 要 之

> 口交鬪 猶 者,無所用恥焉。」其斯人之謂與! 者,宜也,巧言如簧,則豈可出於口 樹之矣。 謂善言也。 行言,行道 孔 也。〇言此讒人居下濕之地,雖 其姓名,而 何人,斥讒人也。 叶居奚反。 河 侕 而彼顔之厚,不知以爲恥 之徒衆,幾何人哉! 爲讒謀,則大且多如此,是必有助之者矣。 五. 將多 反。 興 專 階,梯也。 也 往 之言也。 矣。 爲亂之階梯。 日 爾居 既微 音眉。 來 顔厚者, 荏 「何人」也。 行 染, 言 巧 此必有所指 徒 骭瘍 且 柔貌。 無 則 數,辨 言 頑不知恥 幾音紀,叶 尰, 拳音權。 心能 爲微,腫足爲尰。 言亦不能甚多也 如 斯, 又有微 也。 也。 柔木, 市勇反。 簧, 辨 語詞 矣。 也。 蛇 之矣。 孟子曰: 尰之疾,亦 無拳勇可 桐 顔 蛇,安舒 居希反。 無 哉 也。 賤而惡之,故爲不 〇 在染柔木,則 梓之屬 之 勇, 爾 若善 彼 勇 言之徒 水草交謂之麋。 厚 猶,謀。 職 「爲機 也。 何人斯,居 以爲亂, 伊 言 何能 何。 叶 爲 可 何。 而 碩 胡 用 可 亂 變之巧 勇哉 出 大大 其 賦 者 Ŧī. 君 所 而 也 反。 也 讒 知 П 子

字名篇。 《巧言》六章,章八句。以五章「巧言

彼何人斯,其心孔艱。叶居銀反。胡逝

耳。 可欺,女獨不畏于 之徑也。 畏于天。 豈嘗如今不以我爲可乎? 之。然不欲直斥暴公,故但指其 言其蹤跡之詭祕也。 二人相從而行,不知誰譖己而禍之乎? 之譖己也明矣。 問其所從,則暴公也。 者,其心甚險。 侯也。○舊説 而其逝我梁也,又不入而唁 可。 賦也。二人,暴公與其徒也。唁,弔失位也。 ()險也。我,舊説以爲蘇公也。暴,暴公也。 《之云。 梁,不 1南? 〇二人從行,誰爲此禍? 我聞 我心。 不入唁我? 〇在我之陳,則又近矣。 其爲飄 叶鐵因反。 叶尼心反。 其 我 胡爲往我之梁,而不入我之門乎? 暴公爲卿 也。 但舊説於詩無明文可考,未敢信其必然 聲,不見其 賦 門? 天乎? 也。 何 風。 不愧于人,則以人爲可 夫以從暴公而不入我門,則暴 人,亦 飄 ○賦也。 士而譖蘇公,故蘇公作 叶 胡 叶孚愔反。 風,暴風也。 始者不如今,云 柰何其 我。 若 逝我梁,祇音支。 貧反。 身。 不 彼何人斯 女始者與我親厚 從行者而 知其 聞其聲,而不見其身! 陳,堂塗也,堂下至門 譖 我 不愧 伊 姓 也? 攬,擾亂 胡果反。 既使我得罪 名 誰 欺也。 也。 于人,不 云 胡逝我 從 也。 彼何人 畿 孔, 詩 彼 之時, 胡 〇言 以内諸 矣 浙 何 公公 而

此三 伯、仲、兄弟也。 其詞益緩,若不知其爲譖矣。□○伯氏吹 何不一來見我,而 猶庶乎其説也。 况亟行,則 今則 言其 寸,圍三寸,七孔,一孔上出,徑三分,凡八孔,横吹之。 壎,大如鵝子,鋭上平底,似稱錘,六孔。 仲氏吹篪。 也。○言爾之往也,既不人我門矣。儻還而人,則我心 者之來,俾我祇 反,叶以支反。 而使我望汝之切乎? 以亟行而不人見我,則非其情矣。何不一來見 賦》云「盱 遑脂爾車。 字林》云: 貫,如 賦 (逝我之梁,則適所以 也。 往 物,以 來之疾 不遑舍。 繩 安、徐。 之貫物 何暇脂其車哉! 而 詛 盱,張目也。」《易》曰: 若 語 音池。 也。 壹者之來,云何其盱? 還 側助 」是也 使我心安乎? 《爲王臣,則有兄弟之義矣。 遑, 暇。 而不人,則爾之心我不可得 叶商居反。 風 也。 反。 然。 及爾如貫, 諒不我 相 賦也。 而 攪亂我心而 連 ○言爾平 爾還 爾斯。 舍,息。 不 今脂其車, 北 也。 爾之亟紀力反。 自 董氏 還,反。 而人,我心易 南, 時 諒,誠 叶先齎反。 「盱,豫悔。」《三都 否難知也。 亟,疾。 日: 徐行猶不暇息, 已 則與 竹曰篪,長尺四 則非 易,説。祇,安 壎 我不相 是 亟 樂器 盱, 知。 ,况袁反。 爾 况于反。 〇賦 我, 也,乃 詩 而知矣。 望 至 值 以 土 如 也。 此 也。 也 豉 何 託 mi

四

可也。 則不可得而見矣。 也。好,善也。 水中人影,其 土典反。 反 言其心相親愛,而 我知 反側之心也 極之時,豈其情終不可測哉? 側。 也。 而 賦 譖我哉 爲 也。 面目,視人 其 鬼馬 人輙病,而不見其形也。 反側,反覆不正直也。 血 蜮,短狐也,江淮水皆 聲相 以 女乃人也, 靦然有面目, 與人相視, 無 苟日 詛 蜮 盟 應和 , 音或。 罔 也。 誠不我 也。 極。 伯 知,則出此三物 是以作此好歌,以究極 與汝如物之在 則不可得。 作此 氏 吹 ○言汝爲鬼爲蜮 有之,能含沙以 燻,而 靦面,見人之貌 足好歌 仲 貫 氏 以 以 有 · 豈 吹 詛 極 靦 射 之 誠

善意從我,固 子之處己也 既絶之矣,而猶告以「壹者之來,俾我祇也」, 公,言其從行而已。 所謂大故也,故蘇公絶之。然其絶之也,不斥暴 責讒人耳。 篇文意相似,疑出 復合也 豈若小丈夫哉,一與人絶,則醜詆固 《何人斯》八章,章六句。 一忠,其遇人也恕,使其由此悔悟,更以 王氏曰: 所願 也。 一手。 不著其譖也,示以所疑 雖其不能如 暴公不忠於君,不義於友 但上篇先 此 刺聽 ,我固不爲已 者,此 此詩 拒, 而已。 蓋君 惟恐 篇 與 上

萋七西反。兮斐孚匪反。兮,成是貝錦。

詞。」 王氏曰: 舌聲。 之貌。 罪也。 通。 張矣。 反。 芳煩反,叶芬邅反。 尺是反。 彼 之禍亦既遷而及女矣。」曾氏曰: 其女音汝。 聽者有時而悟,且將以爾爲不信矣。 爾言也 七立反。 文致之,以成貝錦。 有遭讒而被宫刑爲巷伯者,作此詩。 萋、斐,小文之貌。 譖 下同。 翩翩,往來貌。 或 曰 : 適,主也。 南箕四星,二爲踵,二爲舌。 彼爲是者,亦已大甚矣。 )驕人 引謂 者, 兮,成是南箕。 翩翩, 「上好譖,則固將受女。 與謀。 遷。 、好好,勞人草草。 爾不信。 亦 「緝緝,人之罪。」●或曰「有條理貌」。 Ë 誰適與謀,言其謀之閟也。 音篇,叶 貝,水中介蟲也,有文彩似 賦也。 譖人者自以爲得意矣,然不慎爾言, 以比讒人者,因人之小過,而飾成大 大音 謀欲譖言。 叶謨悲反。 叶斯人反。○賦也。 捷捷,儇利貌。 批賓反。 泰。 彼譖人者,誰 甚。 ○ 哆 昌 者 反。 〇比也。 「上章及此,皆忠告之 然好譖不已,則遇譖 其踵狹而舌廣,則 謀 言因萋斐之形,而 豈 蒼天蒼天,叶 ○捷捷 食 欲 荏 不爾受, 幡 反。 譖 哆、侈、微 幡,反覆貌 錦。 緝緝,口 幡 適 ) 緝 比 1 幡 既 緝 也。 皆 張 時 大 歷

❶ 「罪」下,明甲本、明乙本、吉本有「也」字。

也。 鐵因 畀有昊。叶許候反。○賦也。再言「彼譖人者,誰 叶滿補反。 狀如此。 叶祛奇反。 設言以見欲其死亡之甚也。故曰「好賢如《緇衣》,惡惡 所共惡也。 北,北方寒凉不毛之地也。不食、不受,言讒譖之人,物 與謀」者,甚嫉之,故重言之也。或曰衍文也。投,棄也 補於君子 其字也。 如《巷伯》」。 詩使聽 地也。 而聽之。興也。 反。 草草,憂也。 食,投畀有北。 而謹之也。 也。 ○楊園之道,而猗于畝丘,以興賤者之言或有 寺人,内小臣,蓋以讒被宫而爲此官也。 昊,昊天也。投畀昊天,使制其罪。 寺人孟子,作爲此詩。 取彼譖 )彼譖人者,叶掌與反。 彼 蓋譖始於微者,而其漸將及於大臣,故作 驕 )楊園之道,猗於綺反。 驕人潛行而得意,勞人遇譖而失度,其 劉氏曰: 人, 矜此勞人。 楊園,下地也。 人,投畀豺士皆反。 有北不受,叶承咒反。 「其後王后、太子及大夫果 猗,加也 誰 凡百君子 也。 適與謀? 于畝丘 好 〇此皆 好, 孟 畝 子, 丘 投 豺

官之長,即寺人也。故以名篇。班固《司馬遷贊》道名,秦、漢所謂「永巷」是也。伯,長也,主宫内道五句,一章八句,一章八句。巷,是宫内不句,一章仙》七章,四章章四句,一章

亦謂巷: 故其《詩》曰: 宜無閒之可伺矣。今也亦傷於讒,則疏遠者可 内侍之微者,出 云 ·。」其説不同,然亦有理,姑存於此云。 「迹其所以自傷悼,《小雅·巷伯》之倫。」其意 伯本以 『凡百君子,敬而聽之』,使在位 被譖 · 入於王之左右,親近於王而日見之, 而 遭刑 也。 而 楊氏曰:

棄予。 也。 則風之所被者廣矣。 反。 朋友,豈可以忘大德而思小怨乎? 韻未詳。 置于懷,親之也。如遺,忘去而不復存省也。 叶烏回反。 谷風,維風及頹。 維予與女矣。 懼,維予與女。 木不萎。 風,維山 將,且也。 予于懷。 習習谷風, 故言習習谷風 叶演女反。 〇比也。 崔祖回反。 ○興也。 叶於回反。 柰何將安將樂而女轉棄予哉! 恐、懼,謂危難憂患之時也。 叶胡隈反。 崔嵬,山巔也。 音汝。 〇興 維風 然猶無不死之草,無不萎之木, ,則維風及雨矣。 頹,風之焚輪者也。 嵬。 徒雷反。 忘我大德,思我小怨。 人也。 及雨。 將安將樂,音洛。 將安將樂,棄予如遺。 五回反。 習習,和調貌。 ○習習谷風,維 將恐將懼,真之或 或曰興也 將恐丘勇反。 將恐將懼之時,則 無草不死,無 真,與「置」同 〇此朋友相怨 ○習習谷 谷風,東風 ○習習 Ш 女轉 崔嵬 將

## 《谷風》三章,章六句、

勞瘁。 比也。 死。於是乃言父母生我之劬勞,而重自哀傷也。 母則無所恃,是以出則中心銜恤,入則如無所歸也。 靡,無也。 民之生,不如死之久叶舉里反。 瘁,病也。 始華,如胡麻華而紫赤,八月爲角,似小豆,角鋭 蓼者莪, 父母生我以爲美材,可賴以終其身,而今乃不得其養以 而作此詩。 莪,美萊也。蒿,賤草也。○人民勞苦,孝子不得終養 (兮生我,母兮鞠我。 ,長丁丈反。 所以窮獨之民,生不如死也。 餅小,罍大,皆酒器也。罄,盡。鮮,寡。恤,憂 故缾罄矣,乃罍之恥,猶父母不得其所,乃子之 哀哀父母,生我劬勞。 蓼蓼音六。 似醉反。〇比也。 ○言缾資於罍而罍資缾,猶父母與子相依爲 母母 匪莪伊蔚。 言昔謂之莪,而今非莪也,特蒿而已。以 ○缾之罄矣,維罍之恥。 何恃? 我育我。 者莪,五河反。 出則銜 音尉。 蔚,牡菣也,三月始生,七月 拊音撫 顧我復我,出入 蓋無父則無所怙,無 哀哀父母,生我 恤, 比也。蓼,長大貌 莪 我畜喜六反。 入則靡至。 伊蒿。 鮮息淺反。 無父何 ○夢 而長。 腹

> 也。 也。 我。 也。 穀,我獨何害。 所以爲報也。 父母之恩如此,欲報之以德,而其恩之大如天無窮,不知 言終養也 風弗弗。 不善,而我獨何爲遭此害也哉? 發,疾貌。 律律,猶「烈烈」也。 復,反覆也。 鞠、畜、皆養也。 拊、拊 報之德,昊天 穀,善也。○南山烈烈,則飄風發發矣。 叶分聿反。民莫不穀,我獨 ○南山烈烈,飄風發發。 腹,懷抱也。 叶音曷。興也。烈烈,高大貌。發 弗弗,猶「發發」也。 图 循也。 極 罔,無。 育,覆育也。 賦 )南 也。 極,窮也。 Ш 律律, 不卒。 卒,終 民莫不 民莫 其 也

篇。《詩》之感人如此。 父母,生我劬勞」,未嘗不三復流涕,受業者爲廢此章八句。晉王裒以父死非罪,每讀《詩》至「哀哀章八句。晉王裒以父死非罪,每讀《詩》至「哀哀。《蓼莪》六章,四章章四句,一章

也。 棘匕。 矢。 所以載鼎肉而升之於俎也。 饛,滿簋貌。 言顧之, 潸所奸 君子所履,小人 有饛音蒙。 必履反。 飱,熟食也。 周道 **簋**音軌。 反。 如 所 砥,之履反。 焉出 排,曲 視。 飱,音孫。 砥,礪石,言平也。 涕。 貌。 叶善止 棘匕,以 音體。 有捄 直 音求。 〇興 如

言直 以歸也。 惲人,亦可息也 空。 勞矣,而復 穫,艾也。 而病也。 屨履霜,而其貴戚之臣,奔走往來,不勝其勞,使我心憂 疚,病也。 薄不奈勞苦之貌。公子,諸侯之貴臣也。 東方。杼、持緯者也。 東大東,東方小大之國也。 來,叶六直反。 徒彫反。公子,行彼周行。叶户郎反。 〇小東大東,叶都郎反。 而出涕者,則以東方之賦役,莫不由是而 砥,則其直如矢。 大夫作此以告病」。言有饛 其 穫薪 潸,涕下 叶枯郎反。 薪是穫薪, 而安之。」〇東人之子,職勞不來。 ○蘇氏日 ○有冽音列。 君子,在 〇言東方小大之國,杼柚皆已空矣,至於以 事之則 契契,憂苦也。 契契苦計 使我心疚。 是以君子履之而 ○《序》以 糾糾葛 尚 履, 興也。 故已艾則 柚,受經者也。 薪已穫矣,而 反。 可載叶節力反。 氿音軌。 惲,勞 行。 自周視之,則諸侯之國皆 爲「東國困於役而 簋飱,則有捄棘 屨, 杼直吕反。 寤歎,哀我憚丁佐反。 冽,寒意也。 小人,下民 也。 叶訖力反。 庶 可 小 其 泉,叶才勾反。 以 尚, 復漬之則腐。 人視焉。 載 空,盡也。 履 而畜之,已勞則 庶幾 周行,大路 西 也。 側出 也。 〇賦 輸 音逐 也。 傷 今乃 既往 於周 於 睠,反 日 周 也。 佻,輕 佻 哀 沈 顧 道 我 也。 既 佻 其 葛 在

其漿。 郎反。 隅也。 織 維天 彼 恤 乎其能成文章以報我矣。 維天之有漢,則庶乎其有 駕,謂更其肆也。 皂隸之屬也。 叶六直 以爲漿。 至酉,當更七次也。 也。經星一畫一夜,左旋一周而有餘,則終日之間,自卯 漢,天河也。跂,隅貌。 〇此言賦役不均,羣小得志也。 貌。舟人,舟楫之人也。 職,專主也 百僚是試。叶申之反。 我耳。 長 女,終 (人之子,熊羆 牽 庚。 有 牛 〇賦 反。 七襄,未 東人或與之以鞙然之佩,而 漢、監古暫反。 鞙 〇雖則七襄,不成報章。 日 叶古郎反。 鞙胡犬反。 來,慰撫也。 西人之子, 僚,官。 以服箱。 詳。 睆, 襄。 蓋天有十二次,日月所止舍, 明星 是裘。 ○言東人或饋 傳曰: 試,用也。 織女、星名、在漢旁、三星跂 貌。 賦也。 有 熊羆是裘,言富也。私人,私家 以監我。 佩璲,音遂。 西 無所赴 東有啓明 亦有光。跂丘豉反。 ○賦也。東人,諸侯之人也 捄 粲 牽牛,星名。 叶 人,京師人也。 「反也。」箋云: 天畢,載 渠之反。 粲 鞙鞙,長貌。 〇或以其 舟人、私人,皆西人也。 愬,而言 之以酒 而織女之七襄 衣 西人曾不以 服 叶 不以 服,駕也。 施之行。 私 惟天,庶乎其 . 謨郎 院 華板 酒 粲粲,鮮 璲,瑞 西 一駕 ",不以 蒲 其長。 八之子, 反。 1人曾 所謂 八爲長。 ,則庶 北 然如 也。 反。 反。 也 彼 西 不

明。 星也。 反。 報我之章,牽牛不可以服我之箱,而啓明、長庚、天畢者,亦 畢星也,狀如掩兔之畢。行,行列也。○言彼織女不能 行,而或先或後。 車 其舌,反若有所吞噬,斗西揭其柄,反若有所挹取於東。 南箕既不可以簸揚糠粃,北斗既不可以挹酌酒漿, 箕之北也。或曰北斗,常見不隱者也。翕,引也。舌,下二 無實用 天非徒無若我何,乃亦若助西人而見困。 不可以挹音揖。 箱 南有箕,不可 箕、斗二星以夏秋之閒見於南方。 其舌。維北 以其後日 南斗柄固指西,若北斗 ,但施之行列而已。 明 而 長 人,故謂之長庚。蓋 但金大水小,故獨以金星爲言也。 庚,皆 以 酒漿。 有斗, 1金星 簸 至是則知天亦無若我何矣。 波我反。 也。 而西柄,則亦秋時也。 西柄之揭。 維南有箕,載翕許急 以 其先日 揚。 金、水二星,常附 云北斗者,以 甚怨之詞 而 維北有斗, 音託。 出 故 ,而箕引 也 謂 〇言 其在 0 賦

《大東》七章,章八句。

四月、六月,亦以夏正數之。 匪 亂自傷之詩。 人乎,何忍使我遭 四 胡寧忍予 月維夏,叶後五反。 言四月維夏 此禍也? ? 叶 演女反。 建巳、建未之月也。 ,則六月徂暑矣。 無所歸咎之詞也。 六 月祖 〇興 也。 我先祖豈 徂 往往 〇此 也也。 亦

濁。 奚,何。 旬反。 刀反。 過也。 尤。 發。 也。 有。 烈烈,猶栗栗也。 亂 其不我有哉! 時而濁, 相 則誰之過哉! 則病,冬則烈,言禍亂日進,無時而息也。 H 也。〇滔滔江漢猶爲南國之紀,今也盡 卉,侯栗侯梅。 矣,則我將何所適歸乎哉! 視。 離 淒 淒 紀,綱紀也。 叶羽已反。 叶 叶于其反。 **瘼**音莫。 民莫不穀,我獨何害? 淒 凄,涼 〇山有嘉卉,則 翰 載,則。 適,之也。 江漢,南國之紀。 而我乃日日遭害,則曷云能善乎! 殊玉反。 飛 戻天。 西 風 構,合也。 也。 反。 矣,爰《家語》 謂經帶包 ○興也。 ○興也。 發發,疾貌。 我曰 匪 ○秋日淒淒,則百卉具腓矣。 相 叶莫悲反。 卉, 草。 鶉徒丸反。 白 叶鐵因反。 維栗與梅矣。 息亮反。 構禍,曷云能穀? 卉 〇相 )絡之也。 嘉,善。 滔滔,大水貌。 許 冬日烈烈, 貴反。 腓,病。 》作「奚」。 盡瘁以仕,寧莫我 穀,善也。 彼泉水,猶 廢爲殘 彼泉水,載 匪 侯,維。 匪 瘁,病 在位者變爲殘 叶音曷。 具 離,憂。 瘁以仕,而王 其適 腓。 賊,莫知 張連反 ○夏則 也。 有時 以專反 江、漢,二水 廢,變。 山有 飄風 〇興 滔 而 芳 瘼, 亂離瘼 清 、暑,秋 興 滔 菲 也 也。 賊 尤 載 其 反。 匪 叶

三八

《四月》八章,章四句。

百十四句。《小旻》之什十篇,六十五章,四

詩卷第十二

三九

#### 詩 集 傳

### 詩卷第十三

#### 北 山之什二之六

父母。 里反。 均平,使我從事獨勞也。不斥王而曰大夫,不言獨勞,而 溥,大。率,循。濱,涯也。 大夫不均,我從事獨賢。叶下珍反。○賦 叶後五反。莫非王土。率土之濱,莫非王臣。 不勤,是以貽我父母之憂耳。○溥音普。天之下, 食者,皆强壯之人,而朝夕從事者也。蓋以王事不可以 自謂也。○大夫行役而作此詩。 獨賢,詩人之忠厚如此。 朝夕從事。叶上止反。 涉彼北山,言采其杞。 叶滿彼反。○賦也。偕偕,强壯貌。士子,詩人 〇言土之廣,臣之衆,而王不 ○四牡彭彭,叶鯆郎 自言涉北山而采杞以 王事靡盬,憂我 偕偕士子,叶奬

> 不爲。 容也。 淺反。 刀反。 以爲少而難得也。將,壯也。 也。 巨九反。 安逸,不聞人聲也。鞅掌,失容也。言事煩勞,不暇爲儀 仰,或王事鞅於兩反。掌。賦也。不知叫號,深居 ○言役使之不均也。下章放此。 叶户郎反。○賦也。燕燕,安息貌。瘁,病。已,止也。 猶上章之言「獨賢」也。 所以使我者,善我之未老而方壯,旅力可以經營四方耳。 彭彭然不得息也,傍傍然不得已也。嘉,善。鲜,少也。 ,國,叶越逼反。 事傍傍。布彭反,叶布光反。 我方將。 或慘慘七感反。劬勞,或棲音西。 賦也。 或出人風音諷。議,叶魚羈反。或靡 )或湛都南反。樂飲酒,或慘慘畏咎, 咎,猶罪過也。 或息偃在牀,或不已于行。 旅力方剛,經營四方。 ○或燕燕居息,或盡瘁 旅,與「膂」同。○言王之 出入風議,言親信而從容 〇或不知叫號,户 嘉我未老,鮮息 遅偃 賦也。

章四句。 《北山》六章,三章章六句,三章

無 將大車,祗音支。自塵兮。無 思 百

于頻。 也。 兮。 車 言將大車,則塵污之。 自重直勇、直龍二反。 同,小明 維 車 祗,適。 祇 興 塵雖 維塵冥冥。 也。 自 古迥反。 也 疧 將,扶 疵,病也。 在 於勇、於容二反。 憂中耿耿然不能 氏 ○興也。冥冥,昏晦也。 進 日 也 思百憂,則 叶莫迥反。 兮。 〇此亦行役勞苦而憂思者之作 當 大車,平地任載之車,駕牛者 作 興也。 痕」,與「 兮。 病及之矣。 出 無思百憂,不 也。 雝,猶蔽也。 無 痻 思百憂,祗 同, 類,與「耿 無 眉 將 無 重 貧反。 大 出 將

# 無將大車》三章,章四句。

也。 音古。 故呼天而訴之。 之地也。 音求。 毒,言心中如有藥毒也。 罟,網也。 明明 心之憂矣,其毒大音泰。 ○賦也。 二月,亦以夏正數之,建卯月 野。 F 天, 〇大夫以二月西征,至於歲莫而 復念其僚友之處者,且自言其畏罪 如雨。 征,行。 叶上與反。 照臨 徂,往也。 下 豈不懷 士。 共人,僚友之處者也。 二月初 我征 艽野,地名,蓋 歸,畏此罪 苦。 也。 吉, 載 徂 念彼 初吉, 西 離 至 共音 荒 害。 朔日 而不 寒 于 遠

位,正 譴怒。 奥。 言當有勞時勿懷安也。 自 同。 於外也。 咎其不能見幾遠去,而自遺此憂,至於不能安寢,而 也。〇言以政事愈急,是以至此歲莫而猶不得歸。 蹙,急。 懷歸? 戚。叶子六反。念彼共 歲 衆,是以勤勞而 以是時往,今未知 彼共人, 睠睠音眷。 心之憂矣,憚丁佐反。 其 敢 )賦也。 傷悼,此章又戒其僚友曰: 歸 津云莫,采蕭穫菽。 還, 惲,勞也。 與,猶「助」也。 也。 於六反。 直是與。 治,遺。 賦也。 歲聿云莫。 君子,亦 ○嗟 畏 ○昔我往矣,日月方除。 此 曷云 睠睠,勤厚之意。 不暇 戚,憂。 除,除舊生新也。 爾 指其 何時可還,而歲已莫矣。蓋身獨 反覆。 穀,禄也。 神之聽之,式穀以 也。 其 僚 子, 當靖共爾 興,起也。 反覆,傾側 懷顧。 友也。 念我 還,政事 芳福反。 我不暇。叶胡故反。 人,興言出宿 無 昔我往矣, 以 嗟爾君子無以安處爲常。 心之憂矣,自 獨 恒 猶「與」也。 譴怒,罪 恒,常也。 位 豈不懷歸,畏 謂二月初吉也。 一安處。 惟 〇賦 愈蹙。子六反。 IE. 責也。 去聲。 直之人是助 也。 女。 靖, 事 日月 〇上章既 無常之意 孔 與「 〇言: 音汝。 曷云 詒 又自 出 而 煖。 庶 不 此 伊 昔

安息。 聽之,介爾景福。 則 神之聽之, 好是正直,愛此正直之人也。 靖共爾位 而以穀禄與女矣。 ,好呼報反。 叶筆力反。 ○嗟爾君子 介、景,皆大也。 ○賦也。 是正直。 息,猶「處 神之 怕

章章六句。 《小明》五章,三章章十二句,二

喈喈, 賢反。 居尤反。 悲,猶「傷」也。 乎爲反。 未詳。 人君子,其德不猶 而忘反。 湯,沸騰之貌。 始言湯湯,水盛也。 傷。 王氏曰: 憂心 淮水出信陽軍桐柏山,至楚州連水軍 音皆,叶居奚反。 聞者憂傷,而思古之君子不能忘也。] 〇鼓 ○賦 淮有三洲。 淑 將將,七羊反。 且 「尋有四尺」。 也。 回,邪也。 淑,善。懷,思。允,信也。 人君子,懷允不 悲。 「幽王鼓鐘淮水之上,爲流連之樂,久 喈喈,猶「將將」。 中言湝湝,水流也。 淑人君子,其德不 賦也。 淮水湝湝。户皆反,叶 憂心且妯。 淮水湯湯。 鼓 洲, **並鐘伐** 鼛,大鼓也。 淮 忘。 湝 上 馨,古毛反,叶 潜,猶 地。 終言三洲,水 敕留 賦 〇此詩之義 也。 音傷。 《周 入海 反。 回 氏 禮 將 日 》作 鐘 淑 雞

> 音,言其和也。《雅》,二《雅》也。 亦聲也。磬,樂器,以石爲之。琴瑟在堂,笙磬在下。 以灼反。 笙磬同音。 落而洲見 幽王之不德,豈其樂非古歟? 樂則是而人則非 籥舞也。僭,亂也。言三者皆不僭也。 言不若今王之荒亂 也。 不 僭。子念反,叶七心反。 言幽王之久於淮 以《雅》以《南 也。」 )鼓鐘 E 《南》,二《南》也。 也。 欽 》,叶尼心反。 欽 妯, ○蘇氏 ○賦也。 動。 也。」 日 同 言

説解之,未敢信其必然也。可知者。今姑釋其訓詁名物,而略以王氏、蘇氏之可知者。今姑釋其訓詁名物,而略以王氏、蘇氏之《鼓鐘》四章,章五句。此詩之義有不

爲 ? 也 奉祭祀者之自稱也。 楚楚,盛密貌。 音又,叶夷益反。 我稷翼翼。 食,以饗以祀,叶逸織反。 、祀筮族人之子爲尸,既奠,迎之使 ·萬曰億。饗,獻也。妥,安坐也。 楚楚者茨,言抽敕留反。 ,勸也。恐尸或未飽,祝侑之曰,皇尸未實也 我蓺魚世反。 茨,蒺藜也。 我倉既盈,我庾維億。 以介景福。 與與、翼翼、皆蕃盛貌。 稷。 抽,除 以妥湯果反。 叶筆力反。 也。 我 《禮》曰「韶妥尸」,蓋 處神坐,而拜以安之 其棘。 黍 我,爲有田 與 露積 與,音餘 以 〇賦 而

笑語卒獲

叶叶

黄

郭反

神保是格。

叶

剛

獻酬

市由反。

叶木各反。

爲豆孔庶

,叶陟略反。

爲賓爲客。

叶徒洛

或炙,之敕反,叶陟略反。

君

婦莫莫。音麥,

亦反,叶

七略反。

爲

俎

孔

碩執

叶

常約反。

或

燔

音

祭之人也。

慶,猶福也。

爨七亂反。

踖踖,七

《楚辭》所謂「靈保」,亦以巫降神之稱也。孝孫,主

其宜也。 長相勸 式。 反。 以嘏主人曰: 既久,筋力竭矣,而式禮莫愆,敬之至也。 卜,予也。 飲 獻酬也。 庶,多也。 萬時億。 叶須倫反。 式禮莫愆。 而復飲賓曰酬。 炙,炙肝也。 事而不得乎此。 從。主婦獻尸,兄弟以燔從是也。 食。 日 報 也。 既 女受禄于天,宜稼於田,眉壽萬年,勿替引之。 以 而交錯以徧也。 而敬至也。 格,來。 齊 主人酌賓曰獻。 卜爾 「皇尸命工祝,承致多 賓客筮而戒之,使助祭者既獻尸 介 賦也。 稷,疾。 既 苾蒲必反。 皆所以 期 福 爾禮容莊敬,故報爾以 叶起巾反。 爾 稷,既 賓受之,奠於席前而不舉,至旅 也。 百 以 酢,報也。 各隨其事而報之以其類 飲 熯, 竭 萬 豆,所 載 福 從 食芳潔 匡,正。 春秋傳》 牲 獻 壽 王 也。 叶筆力反。 卒,盡也。 也 芬孝祀 以盛内羞,庶羞,主婦薦之也。 也。 攸 賓飲主人日 工祝致告,徂賚孝孫。 一既敕。 ,故報爾 ○我孔熯而善反。 善其事日工。 酢。 《特牲》主人獻尸 〉曰「易 福無疆,于女孝孫,來女 碩, ,叶逸織 度、法 大也。 幾而 君婦,主 以 極,至也 永錫 如幾 也。 福 於是祝 哭」是 度也。 也。 而遂 主人又自 苾芬,香也 反。 爾 音機。 一婦也。 也。 《少牢 極, ,使爾無 **返與之相** 其 致 〇禮行 而 也。 獲,得 來如 神意 後 嗜 也 如 踖

使祝博求之於門内,待賓客之處也。

奉持而進之也。

祊,廟門内

也。孝子不知神之所在,故

孔,甚也。

明,猶備

剥其皮也。

亨,煮熟之也。

肆,陳之也

也,著也。

皇,大也、君

也。

保,安也。

保,

蓋尸之嘉

明,叶

. 謨郎反。

先祖是皇,神保是饗。

叶虚良

或將、祝祭于祊。補彭反,叶

補光反。

祀事

孔肆

烝 濟

嘗。

或剥或亨,普庚反,叶鋪郎

反。

濟子禮反。

蹌蹌

,七羊反。

絜爾

反。

孝孫有慶,叶袪羊反。

報以介福,

萬壽

無

疆

賦也。

濟蹌

蹌,

言有容也。

冬祭日烝,秋祭日

稷既盛,倉庾既實,則爲酒食以饗祀妥侑,而

事,以奉其宗廟之祭。

介,大也。

景,亦大也。

此

詩述公卿

有田

禄

者,力於

人何乃爲此事乎?

蓋將使我於此蓺

黍稷

也。

介大福

故言蒺藜之地

有抽除其

四三

甚

順

甚

禄。 矣,故以燕爲 既 之也。 也。 不遅。 告。 故於此將燕,而祭時之樂皆入奏於寢也。 廟之制 壽考。叶去九反。 畢,既歸賓客之俎,同姓則留與之燕,以盡私恩, 送 賓客親骨肉也。 也。廢,去也。不遅,以疾爲敬,亦不留神惠之意 戒 而歸者,誠敬之至,如見之也。 有怨者,而皆懽 嗜君之飲食矣,是以 大 飽 戒,告也。徂位,祭事既畢,主人往 於是神醉而尸起,送尸而神歸矣。曰皇尸者,尊 致告,祝傳尸意,告利成於主人,言孝子之利養成 夫之禮 叶 子子孫孫,勿替天帝反。 ,叶補苟反。 爾殺既將,莫怨具慶。叶袪羊反。 鼓鐘者,尸出入奏《肆夏》也。 ,前廟以奉神,後寢以藏衣冠,祭於廟而燕於寢 神保聿 ·古得反。 訖 諸父兄弟,備言燕私 力反。 也。 將受後禄而 慶醉飽,稽首而言曰: 〇樂具 神具 歸。 孝孫 小大稽首。 孔惠孔時, 使 儀 諸宰君婦, 綏之也。 醉止,皇 徂 君壽考也。 既 人奏,叶音族。 位 備 諸宰,家宰,非 叶 叶 爾殺既 神嗜飲 維 力人反 引之。 尸 蒲 又言: 鬼神無形,言其 其 作階下西 叶息夷反。 北 載 廢徹 且 盡 反。 向 進,與燕之人 起 一於祭既受禄 者之祭,神 一叶子忍反。 賦 以 君之祭祀 工 一人之稱 直 鍾 也。 所以 也 面 綏 使 既 祝 鼓 鼓 列 0 之位 反 П 君 醉 後 鍾 致 尊 醉 麺

> 於受福無疆者,非德盛政修,何以致之?」 觀其威儀之盛,物 所以推明先王致力於民者盡,則致力於神 時 《楚茨》極言祭祀所以事 無所不 楚茨》六章,章十二句。 盡,子子孫孫 品 之豐 當不廢 子,所以 神受福之節, 交神明 而引長之也 逮 致詳 吕 羣 氏 者詳 下, 日

賦也。 雰雰, 界也。 山也。 既 其畝,或東其畝也。 得田之。於是爲之疆理,而順其地勢水勢之所宜,或 矣。」〇此詩大指與《楚茨》略同。 我 畇 其遂東入於溝,則 理 優既渥,叶烏谷反。 畇 言信乎此南 也。 音匀。 理 ,南東其 信彼 同 甸, 敷云 雨貌。 雲,雲 者,定其 治也。 自曾祖以至無窮,皆得稱之也。 南山,維 反。 原隰 優、 Ш 畝 畇 色也。 者,本禹之所治,故其原隰墾闢 其畝南矣。 溝塗也。 益之 渥、霑、 曾 0 哟,墾 〇上天同雲,雨 叶滿彼 禹甸田見反,叶 孫 以霢亡革反。 將雪之候如此 既 足,皆饒 辟  $\blacksquare$ 畝, 壟也。 霑既 貌。 反。 其 叶 遂南入於溝,則 此即其篇首四 地因反。 〇賦 曾孫,主祭者之稱 治之意也。 足,生我 也。 長樂劉 徒鄰反。 于付反。 疆者,爲之大 雰雰,雪貌 之。 南山 百穀。 冬有 氏 句 其 音 我疆 終南 之意 畝 日 而 南 我 東

萬年也 雪,春 鶯刀, 以啟 年。 穡 翼 營反。 也。 是剥 血,以 先以鬱鬯灌地求神於陰, 之異物,順孝子之心也。 以盡地利。 田,内以二十畝分八家爲廬舍,以 孔五反。 和,萬物遂,而 孫之穡也。 彧,茂盛 清酒,清潔之酒,鬱鬯之屬也。 翼 菹, 叶 告殺 是菹 刀有鈴 而 其毛, 牡,享于祖考。 貌。 爲 求神於陽 酢菜也 泥因反。 益 受天之祜。侯古反。 也。 之以 達 酒 稷 於是以爲酒 瓜成,剥削 畀,與 ,側居反。 也。 於淵泉 中 人心懽悦,以奉宗廟,則神降之福,故壽考 食。 彧 取其膋,以升臭也。 取其血膋。 小 田 也。 枯,福 脊,脂膏也。 0 彧。 雨 也。 賦 有 潤 畀 灌以 《記》曰: 也。 淹漬 澤, 也。 食, ○言其田整飭 獻之皇祖。 廬 於 必寐反。 然後 主璋, ~六反, 場,畔 則 而獻之於尸及賓客 以 疆 叶去久反。 〇一井之田,其中百畝 祭以 饒治 迎牲。 爲菹,而獻皇祖。 啟其毛,以告純 騂,赤色,周所尚也。 音聊,叶 場 用玉氣 周 叶 也。 合之黍稷,實之於蕭 便田事,於畔 我 矣。 ○賦也。 清 有 於 人尚臭, 執者,主人親 尸賓 翼翼,整 而穀茂盛者 逼 瓜。 ★也。 酒 音勞。 曾孫壽考,叶 反。 執 1,從以 疆 灌用鬯臭,鬱 既 叶攻 其 中田, 曾 也。 壽 灌然後 飭 埸 0 上種瓜, 貴四 子反。 考萬 孫 賦 音 騂息 皆 執 陰陽 刀, 爲 田 亦。 也 也。 之 曾 時 1 戓 其

> 芬。 求諸陰陽之義也。」○是烝是享,叶虚良反。 牲,致陰氣也。 蕭合羶薌。 祀事 無疆。 凡 孔明 祭慎諸此。 蕭合黍稷,臭陽達於牆 ,叶謨郎反。 賦 也。 魂氣歸于天 烝,進也。 先祖是皇。 或曰冬祭名。 ,形魄歸 屋、故既 于地,故祭 奠,然後 苾 苾 報 以介 烘

《信南山》六章,章六句。

倬,明 攸 或 干。 必 日 俊士,秀民也。 能 上,稍耨壠 后稷爲田一畝三畎,廣尺深尺,而播種於其 有 祭之人也。 九萬畝,而以其萬畝爲公田,蓋九一之法也。 自 足 風與早 年,豐年 云 或 好, 音子, 叶 獎里反。 介攸止, 古 貌。 倬 有 農之子恒爲農 也 倉 陟 年。 也。 草 甫,大也。 也。 新 陳,舊粟 角 反。 謂此 因 烝我 薿, 反。 適,往 古 遺規其 叶 者 也。 茂 泥因反。 我 也。 **笔**音毛。 十千,謂一 野野 士出 盛 土以附苗 也。 取 貌 甫 處 其 農人,私 耘, 於 此 而 田 陳, 介,大。 詩 農,而 不 除草 根。 述公卿 成之田 暱 士。 適 黍稷薿薿。 叶 百畝 其 也。 壠盡 地 I. 南 音 烝, 鉏里反。 秀民之能爲士者, 因 商 有 嗣。 而養公田 畝 耔, 雠本 地 反。 進。 猷 不 田 方十 平 與 中。 禄者力於農 叶滿彼 我,食禄主 我 馬。 則 魚 農 里 苗 根 取 俊 賦 起 葉 也。 也。 反 反 也 以 而

髦士而  $\mathbf{H}$ 子 農夫之福 以祭方社 田 也,謂 氏配。 慶。 與我 禽以祀祊 便文以協 齊,與「築 以 盛,則是又將復有年矣。 年矣,今適南 所以粟雖 相 以 事 (稷黍, 日 祖 畯音 因,所積 食農人,補不足 爲禄食。 祈甘 以 善也。 ,則吹 記始 耕 叶 叶袪羊反。 犧 奉 方,秋祭四方,報成萬物。 勞之也 俊 獎 而 方 韻耳。 羊, 甚多 而 ,而曰我田 同。 雨 」是也。 《 豳 里 養其民 田 如 社 致之耳。 言倉廩 反。 畝 此。 田 至 雅 其 以介我稷 ,而無紅腐不可食之患也。 <sup>《</sup>曲 以 ,農人方且或耘或耔 祖 犧羊,純色之羊也。 即神農也。 喜 》,擊土鼓 臧,善。 積 社 琴瑟擊鼓 之 然其用之之節,又 ,助不給也。 饁 人也。 實 禮》曰: 之久而 一之所以 祭。 又作樂以祭田祖而 而 以 以 一于輒 攘如羊反。 知 方。 我 故 故 慶, 禮 黍,以穀我 ,以樂田 反 善者,非 於其所美大止息之處 言 齊 節 《周禮·籥章》「凡國 餘, 福。 稷日 蓋以自古 了,以 於 也。 我 音咨。 彼 則 此 《周禮》所 御,迎 田 一畯」是 又存 明築。」此 御牙嫁反。 我之所能 大 南畝,叶 ○言奉其 社,后土也 其左 合宜 來 既 田 而 祈雨 也。 七女。 百年, 其 ıŀ. 歲 臧,農 其 也。 又言自 而 新 謂 右 黍 取 言 叶 致也,乃賴 田 而 齊 稷又已 庶 穀,養也 羅 是以 萬 滿 祖 謨 序 散 ,以句龍 田 叶 有以 祈 古既 畝 賦也 其 夫 彼 郎 如 ,進我 其 「明」, 年于 羽 之 反。 P. 有

又

也。 之慶。 求千 之後,禾稼既多,則 庾,羊主反。 善而且多,是以曾孫不怒,而其農夫益以敏 相親之甚也。 畯亦至而喜之,乃取其左右之饋而嘗其旨否。 庾,適見農夫之婦子來饁耘者,於是與之偕至其所 旨,美。 非獨宗廟爲然。《曲 反。 水中之高地也。 無疆 大川, ,稷稻梁,皆賴農夫之慶而得之,是宜報以 曾 夫克敏 同 茨,屋 斯 孫之 也。 上。 其 叶 日 倉, 蓋,言其密比也。 「有道 祛羊反。 其歸美於下,而欲厚報之如此 旨 終 稼, 既又見其禾之易治竟畝如 乃 如 叶母鄙 否 京,高丘 長,竟。 田》四章,章十句。 曾 求 坻 求 如 且 禮》「外 孫 介倉以 萬 直基反。 茨 報 叶 有。 反。 周 斯 補 才私 也。 以 有,多。 處之,求車 王 事曰曾孫某侯某」, 0 美 箱 發」是 梁,車梁,言其穹 叶 介 賦 箱,車箱也。 反。 反。 也。 羽 如 福 已 敏, 止也。 京。 黍 禾 反。 如 一以載 曾 稷 萬 疾 易 梁。 孫,主祭者之稱 饁, 飾。 叶 壽 一,而知其 也。 稻 之。 以 大福 居 〇此 梁,農 無 於其事 孫 良反。 窿 豉 曾孫 言其 武王 而 也。 疆。 反。 曾 不 言 言 凡此 [收成 上 孫 愐 也 夫 之 賦  $\blacksquare$ 

Ш

畝

大 田 多 稼 既 種 章 勇 反。 既 戒, 既 備 乃

甫

之。取其利耜,而始事於南畝,既耕而播之。 其種也。 此詩爲農夫之詞,以頌美其上,若以答前篇之意也。」〇 勤,而種之也時 今歲之冬,具來歲之種, 庭 載 叶 且 Ė 碩 畝 止 若,順 叶 反。 ,故其生者皆直而大,以順曾孫之所欲 叶 其 常 也。 具 滿 以 約 也。覃,利。 反。 彼 我 ○蘇氏曰 反。 戒來歲之事,凡既備矣,然後事 覃 以 播 冉 泛是若。 反。 「田大而種多,故 穀 耜 叶 賦 載, 叶 也。 其耕之也 T. 種,擇 洛 里 反 反

賦也。 既 葉曰 反。 稂 中 設火,火邊掘坑,且 音郎。 方既阜,叶子苟反。 於檢反。 而付之炎火之中也。 螣,食根曰蟊,食節 ○言其苗既盛矣,又必 稂,童粱。 螣,音特。 我公田,遂及我私。 然非人力所及也,故願田 田祖有神 也,謂 萋萋,七西 莠,似苗。 及其蟊莫侯反。 爭甲 餘久反。 |焚且瘞,蓋古之遺法 始生而未合時 曰賊,皆害苗之蟲 · 秉 畁 炎 火 。 叶虎委 反 。 姚崇遣使 皆害苗之草也。食心曰螟, 反。 既 去此四蟲,然後 堅既好,叶許苟反。 去起吕反。 叶息夷反 興 雨 捕 祖之神、爲我持 賊。 蝗 祁 也。 ,引此爲證 也。 祁 如此 彼有不 實未堅者 無害我 可 其螟莫廷 以 雨 于付 田

> 日: 焉。 餘 畯亦至而喜之也。 叶筆力反。 黑,與其 畯至喜。 止 米狼戾,不殆於輕視天物而慢棄之乎! 共之,既足以爲不費之惠,而 得取之以爲利也。 飲之穧束,彼有遺棄之禾把,此有滯漏之禾穗 而 亦遺棄之意 八家皆私百 萋萋,盛 而蒙其餘惠,使收成之際,彼有不及穫之稺禾 徐則入土。 日 了,以其婦子,饈彼南畝,子、畝,並見前篇。 此 曾孫來矣。 「以介景福」,農夫欲曾孫之受福也 方各用其方色之牲。 有 貌。 天其雨我公田,而遂及我之私田 有 滯 黍稷,以享以 〇賦 公田者,方里而井,井九百畝,其 來方裡音因。 也。 不 畝,而同養公田也。 祁祁,徐 穗 斂 也。 〇言農夫之心,先公後私 ,伊寡婦 於是與其婦子, 饁 此見其豐成有餘而 力檢反。 曾孫之來,又禋祀四 也。 精意 雲欲盛,盛 以 之利。 此言「騂 祀,同上。 祀,叶 亦不棄於地 穧。 享謂之禋。 穧,束。 彼南 オ 黑黑, 逸織反。 賦 不盡取 則 計 也。 乎? 多 反。 畝之穫者,而 方之神 以 雨。 南北 渰,雲 中 7,又與 此 把 農 不然則 而 望此 彼 以其騂 爲 也。 夫相 而 以 有 孫 有 公田 興 欲 不及 賽禱 君 徐 來 遺 田 粒 寡

章九句。前篇有「擊鼓以御田祖」之文,故或疑《大田》四章,二章章八句,二章

我私」,而欲其享祀「以介景福」。上下之情 而欲 此《楚 雅 而相 然前篇上之人以 「報之以介福」。 一茨 報者 其詳 如此,非盛德其孰能之? 見 南 於 Ш 此篇農夫以 「我田既臧」爲「農夫之慶 風 甫 》之末。 田》、《大 「雨我公田 亦 田 未知其 影四 1,遂及 是 即

君子萬年 刀鞘也。琫,上飾。 服 武事,而諸侯美天子之詩。言天子至此洛水之上,御戎 師,六軍也。天子六軍。〇此天子會諸侯於東都,以講 茨,積也。韎,茅蒐所染色也。 都,會諸侯之處也。泱泱,深廣也。 官》所謂韋弁、兵事之服也。奭、赤貌。作、猶起也。 而起六師也。 子萬 矣,維水泱泱。 · 奭, 許力反。以作六師。賦也。 君子至止,福禄如茨。 也。 瞻彼洛矣,維水泱泱。 年,保其家 ,鞞補頂反。 ·,保其家 ○瞻彼洛矣,維水泱泱。 珌,下飾。 邦。 琫必孔反。 室。 君 子至止,福 叶卜工反。 賦也。 韐, 轉也, 合韋爲之。 亦戎服 韎音昧。 於良反。 君子,指天子 有珌。賓一反。 鞞,容刀之鞞,今 也。 洛,水名,在 〇賦 禄既 幹音 也。 、韻,未 同。 《周 同 也 閣

# 瞻彼洛矣》三章,章六句。

叶羽已反。之。 章也。 不似其所有也。 以右之則無所不有 里反。 之。 賦也。言其才全德備,以左之則無所不宜 反。 以 葉湑然而美盛矣。我覯之子,則其心傾寫而悦樂之矣。 譽處兮。 子,我心寫叶想與反。 其四駱,六轡沃若。 我覯之子,維其 蕭》首章文勢全相似。 夫能使見者悦樂之如此,則其有譽處宜矣。此章與《夢 美諸侯之辭,蓋以答《瞻彼洛矣》也。言裳裳者華,則 「常」,常棣也。」湑,盛貌。 或白。叶僕各反。我覯之子,乘其 有慶叶墟羊反。 之一祖戈反。之左同上。之,君子宜叶牛 之。 有文章,斯有福慶矣。 裳裳者華,其葉湑思呂反。 右叶羽已反。 興 也。 ,維其有之於内,是以形之於外者,無 維其有同上。之,是以似叶養 裳裳,猶堂堂。董氏云: 有章矣。 矣。興也。芸、黄、盛也。章、文 〇裳裳者華,芸其黄矣。 興也。 覯,見。處,安也。 之右同上。之,君子有 〇裳裳者華,或黄 我心 。維其有章矣,是 言其車馬威儀之盛 兮。 四駱。 〇此天子 我覯之 古古 本 乘 其

一 四 九

### 詩卷第十四

朱熹集傳

## 桑扈之什二之七

音洛。 之枯矣。頌禱之詞也。 之詩。言交交桑扈,則有鶯其羽矣。君子樂胥,則受天 君子,指諸侯。胥,語詞。祜,福也。〇此亦天子燕諸侯 不戢莊立反。 屏,蔽也。言其能爲小國之藩衛。蓋任方伯連帥之職者 君子樂胥,萬邦之屏。卑郢反。○興也。領,頸 翰,幹也,所以當牆兩邊障土者也。 交交,飛往來之貌。 ○之屏之翰,叶胡見反。 交交桑扈,侯古反。有鶯其 胥,叶思吕反。受天之祜。侯古反。〇興 不難,叶乃多反。 ○交交桑扈,有鶯其領。 桑扈,竊脂也。鶯然有文章也 百辟音璧。 受福 羽。君子樂 辟,君。

> 音求。 那,多也。不戢,戢也。 也。 求福,而福反來求我也。 思,語詞也。敖、傲通。 而然也。後放此。 豈不歛乎? 豈不慎乎? 其受福豈不多乎? 來求。賦也。兕觥,爵也。觩,角上曲貌。 言其 旨酒思柔。 所統之諸侯 ○兕徐履反。 皆以 交際之閒無所傲慢,則我無事於 彼交匪敖,五報反。 不難,難也。 之爲法 觥古横反。 也。 不那,那也。 戢,飲。 旨,美也 古語聲急 蓋曰 福

《桑扈》四章,章四句。

馬在 答《桑扈》也。鴛鴦于飛,則畢之羅之矣。君子萬年,則 左不用而右便故也。」遐,遠也,久也。 也。石絶水爲梁。戢,飲也。張子曰: 福禄宜之矣。亦頌禱之詞也。 長柄者也。 禄宜叶牛何反。 正一倒,戢其左翼以相依於内,舒其右翼以防患於外,蓋 .廐,音救。 君子萬年,福禄艾魚蓋反,叶魚肺反。 摧,莝。秣,粟。艾,養也。蘇氏曰: 鴛鴦于飛,畢之羅之。君子萬年,福 君子萬年,宜其遐福。叶筆力反。 羅,罔也。君子,指天子也。○此諸侯所以 之。 推采卧反。之秣音末,叶莫佩反。 興也。鴛鴦,匹鳥也。 ○鴛鴦在梁, 戢其 「禽鳥並棲,一 〇 乘 繩證 「艾,老也 畢,小罔 〇興 反。

摧叶 言以 隹、土果二反。之。興也。綏、安也、 福 君子萬年 祖爲、采卧二反。 禄 終其身也。」亦 ,則福禄艾之矣。 之。 通。 〇乘馬 君子萬年 〇乘馬 在 廐,則摧之秣 在廐 之

## 《鴛鴦》四章,章四句。

人乎? 既旨, 豉反。 匪 時 弟親戚纏緜依附之意,是以未見而憂,既見而喜也 頍者弁,實維伊 連草上,黄 也,葉似當盧,子如覆盆子,赤黑甜美。女蘿,兔絲也,夢 弁,皮弁。 叶弋灼反。 奕奕,憂 有頍者弁,實維何期 他。 叶弋灼反。 贵 有類缺婢反。 于松柏。 爾殺既 乃兄弟 心無所薄 湯何反。 伊 嘉、旨 (赤如 〇賦 異人,兄弟具來。 何乎? 而 金。 而興又比也。 ,皆美也。 嘉。 也。 蔦音鳥。 匪 既見君子,庶幾説音悦。 叶逋莫反。 他 此則比 也。 者弁,實維伊 叶居何反。 爾酒既旨,爾殽既嘉 此未燕兄弟親戚之詩。 又言蔦蘿施于木上,以 匪他,非他人也。蔦,寄 也。 與女蘿 頍,弁貌。 爾 未見君子,憂 君子,兄弟爲賓者也。 酒既旨, 豈伊異人, 叶陵之反。 ,力多反。 何? 或曰舉首貌。 ,則豈伊異 爾殺 故言 爾 蔦 施 比比兄 既 以

> 臧。 君子維宴。 無 怲 言死喪無日,不能久相 温,雪自上下,遇温氣而搏,謂之霰。 姑姊妹妻族也。 **方九反。豈伊異人,兄弟甥舅。** 類者弁,實維在首。 時,善。 女蘿,施于松上。 雨于付反。雪,先集 怲。 日 言霰集則將雪之候,以比老至則將死之徵也 親之意也。 叶才浪反。 具,俱 無幾居豈反。 兵命反,叶 也。 賦 霰,雪之始凝者也。 而興又比也。 ○賦而興又比也。 怲怲,憂盛滿也。 兵 叶 見矣, 旺 相見。 維 反 時亮反。 爾酒 霰。 但當樂 既 阜,猶多也。 既旨, 樂音洛。 蘇薦反。 見君子,庶 未見君子,憂 何期,猶 飲 久而 將大雨雪,必 臧,善也。 巨九反。 以 爾殺 盡 寒勝,則大雪 死 今夕之歡 甥舅,謂母 酒 伊伊 喪去聲。 、既阜。 何」也。 如彼 先微

# 《頻弁》三章,章十二句。

則設之。 賦 音來括 反。 也。 間關 季女逝石列、石例二反。 昏 關,設牽聲也。 車之聲胡瞎、下介二反。 禮,親迎者乘車 雖 無 好友,叶羽己反。 牽,車 今。 孌,美貌。 軸頭鐵 兮, 匪飢 也, 式 逝,往。 無事則脱,行 燕 思 厞 變力兖 渴

見爾 鮮,少。 歷反。 女,女亦當飲食歌舞以相樂也。 酒 誨之。是以式燕且 彼平林,則有集維 茂木貌。 以 也,望其 辰 相 葉湑思呂反。 : 德與 、式飲庶幾。 呼報反。 彼 辰,時。 女,亦指季女也。 喜樂 則 想 叶 碩女, 其 然之季女,故乘此車 此 我心寫兮矣。 覯,見也。 户 羽 女,音汝。 鷮,雉也,微 覯 燕樂其 也 郎 柞 反。 反。 碩,大也。 爾無射。 才落反。 令德來教。 新 兮。 八新昏 兮。 鷮。 依 ,而 ○陟岡而 譽 昏 心如如 之詩 式歌 被平 雖 ,而悦慕之無厭 小於翟, ○言我雖 興 辰彼碩女,則以令德來配己 爾,即季女也。 無 薪。 音 几 也。 鮮息淺反。 創. 亦,叶都故反。 · 往 而 牡 Ħ. 嘉 析薪,則 渴耳。 故言 林, Ш 叶居爻反。 陟, 叶 走 我 舞。 騑 殺 無旨酒、嘉殽、美德以 仰 音襄。 迎之也 而 閒 心。 有集 登。 式式 騑 雖無 沙陟 叶 關 且 賦 其葉湑兮矣。 也 然設  $\dot{\Xi}$ 鳴,其尾 我 被高 柞,櫟。 也。 孚非反 興 食 射, 一剛反。 他人,亦 維 式 燕 且 觀 析其作 也。 〇興 庶 此 厭 旨、 鷮。 爾,我心 車牽 岡 飢 幾 雖 嘉 長, 也。 也 湑, 音 者 我得 一而 依, 星 與 美 依

> 仁如 不足 女而 雅》曰 慰 〇高 也 此 5行, 我 Ш 415 道而 則可 焉日有孳孳,斃而後已。」」 也。 道 也 仰 行,中道而廢,忘身之老也 此又舉 山 景 如 仰 琴, 行 止 1則可 . 其 謂 始 六 行行 行,馬 而 調 止。」子 言 和 服 御 也 Ė: 良 ,不知年數之 以則可 表 也。 『詩之好 記 以迎 ₩ El

車舝》五章,章六句

聽也。 聽也。 交亂也。 猶「己」也。 亂 ○詩人以王好聽讒言,故以青蠅 罔極 DLI 君 或 子 營營青蠅 一,構古豆反。 己與聽者爲二人。 蠅 營營青蠅 無信 汙穢 叶 越 營營青蠅,止于 逼 能 讒 反。 變白黑。 止 我二人。 〇興 于 止于棘。 比也。 也。 樊,藩 飛聲 營營 棘,所以 興也 也。 煩, 比 讒 之,而 往 叶 君 人罔 構 士巾 爲 來 汾 子,謂 飛 乾 戒 合也 也。 反。 極 Ŧ 王 今交 一以勿 極 也 讒 人

^ 青蠅》三章,章四 句

章放 旅 酒 之初筵,左 既 簜 和 豆 旨 有 楚, 殺户交反。 酒 孔偕。 無 音皆 韻 户 革 叶 里 反 四

Ŧi.

下也。 也。 賦 鍾 射,張侯而不繫,左下綱 居一白質畫熊,其外 畫以虎豹,士布侯 大侯,君侯也。天子熊侯白質,諸侯麋侯 位是也。 旨,調美也。 林 反。 的,質也。 外,其餘各自 侯,弟子脱束,遂繫下 侯,張弓 武公飲酒 「射夫既同」,比其耦也。 也。 既 鼓 湛 籥舞笙鼓 楚,列 烈祖,以 功。 抗 既 大射,樂人宿縣,厥明將射,乃遷樂於下, 初筵 悔過 舉 設,叶 既調美而飲者 叶 貌。 祈,求也。 ,初即席也。 而 醻,舉所奠之醻 純 孔,甚也。 發 取匹,謂之衆耦 居 而作此詩。 殺,豆實也。核,籩實也。 衆 郎 、樂既 彼彼 治 耦拾發,各心 反。 畫以鹿豕。 質 有 百 子孫其 則 爵,射不中者飲豐上之觶也 反。 綱 各奏爾能 的 弓矢 齊一 偕,齊一也。 和 丹地, 畫以雲氣。 禮 也。 ,中掩束之。 左右, 筵之左右 此章言因射 射 ,叶丁藥 奏。 舉 ,至於設鍾 爵也。 禮,選羣 大侯張而弓矢亦張 斯 翿 湛 天子侯身一丈,其中三分 白 競云, 獻,猶奏也。 叶宗五 張 市 禮 逸逸, 反 由 都南 既 臣 我以 叶 設,宿設 至將射, 反。 而 射 鼓,舉 反。 爲 奴金反。 至,有 也。 飲者,初筵禮 赤質,大夫布 以 反,叶持 夫既 往來有 旅, 此求爵 逸 祈爾 一耦,三 醻 秩 而又遷 司馬命 逸 行若旦 節 也。 以 也 汝 序 一耦之 0 避 也。 有 衛 張

> 也。 賦也。 時,時 威 錫,神錫之也。爾,主祭者也。 手 醉 威 僊 其 始時禮樂之盛如此也。 讀曰抗。 人復酌,爲加爵也。 人,有室中之事者,謂佐食也。 爾能,謂子孫各酌獻尸,尸 百禮,言 豆 僊。 儀 仇,音拘,叶 儀 未 〇此言凡飲酒 祭也。 軒舉之狀。 怭 幡 醉 反反, 舞 0 彼 念記 其 幡 怭 其 止,威儀反反。 載號乎毛反。 、飲飲。 備 康爵,以奏爾 顧 未 蘇氏 **∀**⊟: 也。 禮 叶 毗 醉止, 也。 求、其二音。 也。 分遭反。 抑 日 必 壬,大。林, 者常始乎治,而 康,安也。 抑,慎 反。 「崇坫、康圭。」此 烝,進。 起其反。 幡 威儀 「時物也。」〇 幡 是 酢而卒爵也。 載 密 賓之初筵 舍音捨。 輕數 叶分邅反。 也。 日 衎, 時。 室人 呶。 酒,所以安體也。 是 又,復 嘏,福。 抑 盛 既 也。 怭怭 卒乎亂 也。 抑 日 叶 人 女交反。 此 也。 亦 既醉, 層、 其 又。 言禮之盛 言因 湛,樂也。 媟嫚 謂 也。 不 時 徙 日 温 坐 日 坊 賓手挹酒, 既醉 知 上之爵 遷 也。 既 温 祭 亂 其 其恭 而飲者 由 或曰 醉 秩,常 大也。 我 賓 也。 止 也。 康 賦

醉 止」,原脱,據元本、明甲本、 明乙 本 僊

五四四

狀。 恐之也。 大怠乎? 知,使不醉者反爲之羞愧也。 醉,故既立 之羖羊,必無之物也。 司正以監之,察儀法也。 之言,俾出童羖。 怠。 不臧,不醉反 否。 此,是害其德也。 叶牛何反。 既 今若此,則 醉者之狀。因言賓醉而出,則與主人俱有美譽。 止也。出、去。伐、害。 是謂伐德。 監、史,司正之屬。 矧失引反。 郵與「尤」同,過也。 叶補 叶養里反。 叶于其反。 而出,並受其福。叶筆力反。 而妄言則將罰女使出童 女飲至三爵 告之若曰: 美反。 監 無復 而 )賦也。 飲酒孔嘉 佐之以史。 有儀 敢多又。 恥。 匪言勿言,匪由勿語。 飲酒之所以甚美者,以其有令儀耳。 側弁之俄,屢舞傞 既立之監,或佐之史。 矣。 號,呼。 已昏 音古。三爵不識 識,記也。 「所不當言者勿言,所 燕禮,鄉射恐有懈倦失禮 式勿從謂,無俾大音泰。 孔,甚。令,善也。○此章極 謂,告。 側,傾也。 〇凡此飲 然 則彼醉者所爲不善 ,叶居何反。 安得從而告之,使 叶夷益、夷豉二反。 無 呶,讙也。 一羖矣,設言必無之物以 所 ○言飲 由,從也。 記 俄,傾貌。 矣,况敢又多飲 酒 酒者或 傞。 僛僛,傾側之 維其令儀 醉 『,或醉 ,叶失、 童羖 而 不 傞傞,不 素多反 醉至若 不 當 彼醉 由 〇賦 、志二 從 至 不自 或 醉 或 不 立

?」又丁寧以戒之也。

相類,必武公自悔之作,當從韓義。 《序》曰:「衛武公刺幽王也。」韓氏《序》曰:「衛武公刺幽王也。」韓氏《序》曰:「衛衛公刺幽王也。」韓氏《序》曰:「衛

那、安。 其蒲 叶去幾反。 有莘所巾反。 何在乎,在乎鎬京也 子之詩也。 頒,大首貌。 鎬,豈苦在反。 魚在 居,處也。 王在在鎬,有那乃多反。 言魚何在乎,在乎藻也,則有頒其首矣。 ○興也。 豈,亦樂也。 在 藻, 其 樂音洛。 尾。 ,則豈樂飲酒矣。 有頒 莘,長也。 〇此天子燕諸侯,而諸侯美天 王在在 符云反。 飲 酒。 ○魚在 鎬 興也。 其首。 魚在在藻, 其居。 飲 藻,水草 藻 酒 王 樂豈。 在

《魚藻》三章,章四句。

之,路車 子來朝,音潮。 采菽 玄衮古本反。 乘繩 采菽,筐音匡。 證 何 反。 錫 及黼。 馬。 子 音與。 叶 之筥音舉。 音甫。 滿 之? 補 〇興 反。 又 雖 何 無 予

姓也。 沸音 則玄衣黻裳而 章,則自華蟲以下。 反。 言今雖無以予之,然已有路車乘馬,玄衮及黼之賜矣。 反。 其馬,則知君子之至於是也。 淠,動貌。 巨斤反。 言如此 也。 叶 駿七南反。 觱沸,泉出貌。檻,泉正出也。 弗。 其 彌并反。 天子所予。 《必以筐筥盛之。君子來朝,則必有以錫予之。 在下。 孤卿絺冕三章,則 制,諸公衮冕 玄衮,玄衣而 君子,諸 本曰股。 諸侯來朝,則言觀其旂。 旂淠淠,匹弊反。 者,好之無已,意猶以爲薄也。 君子來朝 嘒嘒, 檻胡覽反。 侯 叶後五反。 載駟,君子所届。 邪幅 聲也。 交,交際也。舒,緩也。 也 〇此天子所 子男毳冕五章,衣自宗彝以 音與。 九章,已見《九罭 畫以卷龍 倡 樂只君子, 言觀 泉,叶 届,至 車 也,邪纏於足,如今行縢,所 衣粉米而裳黼黻。 樂只音止。 彼交匪紓 也。 也。 路以 其族。 鸞 以 才匀反。 見其族,聞 ○赤芾音 黼,如 聲嘒 答《魚藻》也。采菽 芹,水草,可 觱沸檻泉,則言采 》篇。 同 叶 巨依反,叶巨斤 斧形,刺 嘒。 禄申之。 ○言諸侯服 言采其芹。 君子,天子 居氣反。 音舒, . 弗。 其鸞聲, ○觱音必。 大夫玄冕 伯鱉冕 呼 在股, 下 叶上與 惠 〇興 又見 而 賜 反。 又 采 此 異

> 之也。 興也。 尸反。 君子 樂只 君子 申之以福禄也。 禄必膍之。 汎楊舟,則必以紼纚維之。 汎 福之所聚。又言其左右之臣,亦從之而至此也。 枝,則其葉蓬蓬然。樂只君子,則宜殿天子之邦,而爲萬 平平,辯治也。左右,諸侯之臣也。 偪,見於天子,恭敬齊遫,不敢紓緩,則 芳劒 , 萬福攸同。 君子,天子葵之。 葵, 揆也。 揆, 猶度 之。 紼, 繂也。 殿多見反。 反。 興也。柞,見《車舝》篇。 於是又數其優游而至於此也 優哉游哉,亦是戾叶郎之反。 〇維柞之枝,其葉 舟, 紼音弗。 纚、維,皆繁也。 天子之邦。 平平婢延反。 也。 樂只君子,則天子必 樂只君子, 膍,厚。 纙 蓬蓬,盛貌。殿,鎮 言以大索纚其舟 率,循也。 叶卜工 力馳 戾,至· 蓬蓬 爲天子 左右, 反。 福禄膍頻 也。 ,所與 維 維作之 〇汎 矣。 而 繫

《采菽》五章,章八句。

也。 反。 姻親 之爲物,張之則内向而來,弛之則外反而去,有似兄弟昏 矣。 騂騂,弓調 騂騂息營反。 近之意。 兄弟昏 和 貌 角弓, 姻,無胥遠 角弓,以角飾弓 相 也。 翩 〇此 兀 然反。 刺 叶於圓 王不親九族, 也。 其 翩,反貌。 反 反 矣。 叶 分 而 遭

亦已甚 將有 有 比也。 反。 而 馬 怨相讒以取爵位,而不知遜讓,終亦必亡而已矣。 使彼己之間,交見而 者,各據其一 善之兄弟,則 同 綽 兄弟昏 讒 爾,王也。 雖王 上。 不 佞, 音 反 民之無良, 有 不 知 至于己斯亡。 嗣。 猴也,性善升 裕。 矣。 爲 使 其 勝任之患也。 ○賦也。 饇 化之不善,然此善兄弟則綽綽有裕而 姻 宗 不勝 駒 飽。 , 道 宜 上之所爲,下必有甚者。 則 族 一方耳。 預、與二音。 由 2。屬 贵 任 饇 叶 相 孔,甚也。 毋 此 口 ,如老馬憊矣,而反自以 去聲。 怨 ,於據反。 令,善。 相怨 而 以 與 教 木,不待教 之 附 無蔽 若以責人之心責己,愛己之心愛人, 交相 爾之 又如食之已多而宜 相 詩。 屬。 猱 也。 遠 賦 方。 不 升木 ,則豈有相怨者哉 病矣。 哉 綽,寬。 也。 言 不令兄弟,交相 教 0 顧其後。 音蜀 言其但知 如 騂 言 矣、民胥傚矣。 而 一方,彼一方也。 騂 酌 小人骨肉之恩 蓋指 能 受爵 如 裕,饒。 痛,病 角 叶 孔 也。 爾之遠 弓, 塗 殊 讒己之人而 讒 )此令兄弟,綽 取 遇 既 叶下故反。 塗,泥。 爲 不讓,叶 飽矣,酌 害 反。 翩 駒,不 附 叶 不變。 以取 叶 然 况兄弟相 音娶。 本 於 ൬ 爲 之所取 顧 0 也 比 爵 言 圓 賦 反 其後 如羊 彼不 相 瘉 也 位 也 矣。 老 也 反 如 恕

> 消 **現**乃見反。 蠻 之,更益以長慢也。」( 作「屢」。 日: 漉 於 好 如 瀌 祚 如 附 讒 莫肯下 髦 之也 此 佞以 讒言遇明 也 矣。 驕 叶 來 曰音越。 流 莫侯反 之, 言其無禮義而 苟 遐稼反。 者當自 比 王 流 是 雨 也。 有 而 猶 于付反。 美 去 《韓詩》劉向作 雨雪浮浮 教 止 瀌瀌, 道 也。 我 猱 遺,式居婁力住反。 是用 而王甘信之不肯 則 升 相殘 蠻,南 盛 小人將 木, 雪 貌。 賊 又 憂。 瀌 · ', 見 也。 蠻 如 晛 反爲 丰」。 瀌,符驕 也 於 比 晛 日 泥 善 也。 曰 貶 氣 塗 下 以 之 也。 下 流 浮 附之,不 夷 章 反 ,而遺 Ŀ 浮,猶 《荀子》 放 張 加 此 也 見 棄 子 以

角弓》八章,章四 句

以 安也。極,求之盡 蹈 近 言 帝,指王也。 之,後予 比 彼有菀然茂盛之柳,行路 《戰國策》作「上天甚神 人誰 误侯皆 改我朝 菀 不 極 欲 音鬱。 不 蹈,當作 朝 而事之以 焉。 朝 事 也。 而 王 比 者 己 者 神 〇王者暴虐,諸 也。 靖王 獨至 柳 而 之人豈不庶 柳,茂木也。 言 王 室 則 甚 威 ,後必將極 無 靈可 三王必 尚 威 自 神,使 息 畏 暱 責之無 侯不朝 幾欲 也。 尚,庶 焉 其 人畏 所 就 暱 己 而作 之 近。 幾也。 俾 止 一息乎? 而 以 此 不 靖 甚 上 於 敢

泥 又

至

有菀者柳,不尚愒欺例反。 王朝周,而後反爲所辱也。或曰興也。下章放此。 其所至也。 之心,於何所極乎? 矜,遭凶禍而可憐也。 也。傅、臻,皆至也。彼人,斥王也。居,猶徒然也。 心,于何其臻? 高飛,亦傅音附。 惕,息。瘵,病也。邁,過也,求之過其分也。 「也」。俾予靖之,後予邁叶力制反。焉。比也。 無自瘵側界反,叶子例反。焉。《戰國策》作 如此則豈予能靖之乎? 乃徒然自取凶 言其貪縱無極,求責無已,人不知 曷予靖之,居以凶矜。 ○鳥之高飛,極至于天耳。彼王 于天。叶鐵因反。彼人之 上帝甚蹈,見 ○有鳥 興 凶

百八十二句。 一菀柳》三章,章六句。 《桑扈》之什十篇,四十三章,二

詩卷第十四

詩卷第十四」,原無,據全書例補。

五七

詩卷第十五

# 都人士之什二之八

網直如髮,未詳其義。 綢直留反。 士,臺笠緇撮。 盛,人物儀容之美,而作此詩以歎惜之也。 文章也。周,鎬京也。 也。都,王都也。 其制小,僅可撮其髻也。 彼都人士,狐裘黄黄。 ○彼都人士,充耳琇音秀。 音悦。 行歸于周,萬民所望。 直如髮。 黄黄,狐裘色也。 ○賦也。 七活反,叶租悦反。 ○亂離之後人不復見昔日都邑之 然以四章五章推之,亦言其髮之 叶方月反。 臺,夫須也。 君子女,都人貴家之女也 不改,有常也。 我 其容不改 不見兮,我 叶音亡。 彼君子女, 緇撮,緇 ○彼都人 實。 〇賦 布冠

> 之貌。 子女, 不望之乎! 其自然閑美,不假修飾也。 也,帶自有餘耳。女之髮非故卷之也,髮自有旟耳 盱,望也。 我不見兮,云何盱喜俱反。 伊 是不可得見也,得見則我從之邁矣。思之甚也。 蠆,螫蟲也,尾末揵然,似髮之曲上者。 厲。 盧也。」苑,猶屈也,積也。 有禮法也。」李氏曰: 昏姻舊姓也。 尹吉,未詳。 初邁反。 垂之,帶則有餘。 叶落蓋反。 卷髮,鬢傍短髮不可斂者,曲上卷然以爲 謂之尹吉。 繳質反。 我不見兮,言從之邁。 説見《何人斯》篇。○此言士之帶非故垂之 鄭氏曰: 人見都人之女,咸謂尹氏、姞氏之女,言其 〇賦 彼君子女,卷音權。 「所謂尹吉,猶晉言王謝,唐言崔 也。琇,美石也。 「吉,讀爲姞。尹氏、姞氏,周 我不見兮,我 匪伊卷之,髮則有旟。 然不可得而見矣,則 ○彼都 矣。賦也。 人士,垂帶而 賦也。 邁,行也。 心 以 美石 髮如薑 苑 旗,揚也 厲,垂 於 如 爲 飾 粉 蓋曰 厞 也。 瑱 反

《都人士》五章,章六句。

芻也。 局,薄言歸沐。 兩手曰匊。 終朝采緑, 局,卷也。 不盈 賦 也。 一匊。 自旦及食時爲終 猶言 「首如 弓六反。予髮曲 飛蓬 朝。 也。 緑,王

其釣 繩。 亮反。 叶多甘反。 專於事也。 之綸其繩。 若歸而欲往狩耶,我則爲之韔其弓。 詹,過期而不見也。 膝也。詹,與「瞻」同。 尺占反,叶都甘反。 君子之還也。 人思其君子, 維魴及鱮,薄言觀者。 而有 賦也。 維 獲也,又將從而觀之。 其 何 弓。 ○賦也。 又念其髮之曲局,於是舍之而歸沐,以待其 望之切,思之深,欲無往而不與之俱 之子,謂其君子也。理絲曰綸。 ? 而言終朝采緑而不盈 叶姑弘反。 終朝采 維魴音房。 五日爲期,六日不詹。音占, 藍,染草 五日爲期,去時之約也。 )之子于狩,尺救反。 藍 亦上章之意也 叶掌與反。 也。 之子于釣,言綸之 ,盧談反。 及鱮。 衣蔽前謂之襜,即 匊者,思念之深,不 欲往釣耶, 不盈 音叙,叶音滑。 0 )賦 〇言君子 也。 言韔 也。 六日 我則爲 於其 敕 不

《采緑》四章,章四句。

往營城邑,故將徒役南行,而行者作此。 大貌。悠悠,遠 悠悠南行, 陰雨能膏之。 芃 芃 蒲東反。 召伯勞力報反。 行之意。 悠悠南行,則惟召伯能勞之也。 黍苗, ○宣王封 陰 之。 雨 申 膏 伯 興 於謝,命召穆公 言芃芃黍苗,則 古報 也。 反。 芃芃,長

> 我行既 征師 從,卿行旅從。」() 任者也。 任音壬。 泉流既清。 誉,治也。 名,申伯所封國也,今在鄧州信陽 車者。五百人爲旅,五旅爲師。《春秋傳》曰: 營謝之役既成而歸也。 其水泉之利。 治曰平,水治曰清。 我行既集,蓋 ,召伯成之。 輦,人輓車也。 集,蓋 烈烈,威 此功既成,宣王之心則安也。 輦,力展反。 召伯 云歸 云歸 加加 ○言召伯營謝邑 肅謝 有 賦也。 處。 哉 成,王 牛,所以駕大車 征,行也。 我徒我 功, 我 賦也。 叶 肅 車 將黎 肅,嚴 召伯營之。 軍。 心 我 御, 徒,步行者。 ,相其原隰之宜,通 則 反。 牛。 功,工役之事也 寧。 正之貌。 原隰既 也。 我 賦 師 也。 叶 賦也。 集,成也。 魚 我旅 君行師 謝,邑 烈烈 御,乘 任,負 其反。 土

與《大雅·崧高》相表裏。 《黍苗》五章,章四句。此宣王時詩

既見君子,則 狀。○此喜見君子之詩。 然所謂「君子」,則不知其何所指矣。 處,宜桑者也。 子,其樂音洛。 有 其樂如何哉 阿, Sn] 下同。 美 其 ?貌。 言隰桑有 難, 如 有 詞意大槩與《菁莪 何 難 盛 ? 貌。 或曰 阿,則其葉有難矣。 乃多反。 皆言枝 也。 比也。 隰,下濕之 葉條 既 》相類。 垂之 - 章放

也。 子 反。 兮未敢言」,意蓋如此。 但中心藏之,將使何日而忘之耶!《楚辭 ○言我中心誠愛君子,而既見之,則何不遂以告之。 記》作「瑕」。 心藏之,何日忘之! 此 `,德音孔膠。音交。 )心乎愛叶許既反。 見君 隰 有 鄭氏注曰: 阿, 子,云 有 其葉有 四 愛之根於中者深,故發之遲 何 其 葉 ○興也。 不 瑕之言胡也。」謂,猶 幽。 賦也。 · 樂。 有 矣,遐不 叶 沃 於交反。 遐,與「何 興 幽,黑色也。膠,固 也。 鳥 》所謂「思公子 酷 謂 沃,光 反 既 同。 叶 見 澤 元而存 鬱 《表 也 而 君 縛

## 隰桑》四章,章四句。

之子之遠,而俾我 子之遠,俾我獨兮。比也。 言白華爲菅,則白茅爲束。 王娶申女以爲后,又得褒姒,而黜申后,故申后作此詩。 露,即其散而下降者也。 之子,斥幽王也。 叶 莫侯反。 明之貌。 華音花。 3獨耶 天步 白雲,水上輕清之氣,當夜而上 菅音姦。 俾,使也。 艱 二物至微,猶必相須爲 難 步,行也。 英英白 兮,白茅束兮。 ,之子不猶。 我,申后自 白華,野菅也。 天步,猶言 雲,露彼 我也。 已漚爲 比也。 用,何 時運 幽

有鶴在 者也。 也。 燥燥,而反視我邁邁,何哉? 所以使我嘯歌傷懷而念之也。 嘯 而棄鶴也。」〇 鶖則飽,而鶴則飢矣。 食。然鶴之於鶖,清濁則有間矣。今鶖在梁,而鶴在林。 秃鶖也。 薪 小水微流,尚能浸灌。王之尊大,而反不能通其 鎬之間,水多北流。碩人,尊大之稱,亦謂幽王 念子燥燥,七到反。 而反見卑賤也。 碩人,實勞我心。此也。 善也。 了; 门 歌 滤 邁邁,不顧也。 今時運艱 傷懷, 符彪反。 ○桑薪宜以烹餁,而但爲燎燭。 我。 五綱反。 林。 梁,魚梁也。 二三其德,則鴛鴦之不如矣。 其德 也 烘,燎也。 ) 鴛 念彼碩 難,而之子不圖,不如白雲之露菅茅也 維彼碩人,實勞我心。 烘火東反。 池 ○鼓 鴦 日 〇鼓鍾于宫,則聲聞于外矣。 北 比也。 猶 在 幽王進褒姒而黜申后 鍾于宫,聲聞音問。 煁,無釜之竈,可燎而不可烹餁 視我 人。 流,浸彼 · 如 「梁,戢 蘇氏 戢 也 比也。 樵,采也。 于煁。 其 邁邁。 0 日 : ○有鶩音秋。 左翼,言不失其常也。 其 稻田 (推) 滤,流 左 言 雲之澤 翼。 市林反。 比也。 以比嫡后之尊 桑薪,薪之善者 〇有 焦反。 鶴,皆以 貌。 叶地 比也。 ,譬之養鶩 燥燥,憂 北 扁 彼 寵 因 流, 魚爲 反。 彼

644

則寵之者亦賤矣。是以之子之遠,而俾我疷也。○百扁然而卑之石,則履之者亦卑矣。如妾之賤,愷反,叶喬移反。兮。比也。扁,卑貌。俾,使。疷,病反。斯石,履之卑兮。之子之遠,俾我底都

《白華》八章,章四句。

勞如 比也。 鳥,止于丘 之食之,教之誨之。 之、教之、誨之,又命後車以載之者乎? 者,爲鳥言以自比也。蓋曰縣蠻之黄鳥,自言止于丘阿 阿,曲阿也。 之、命彼後車、謂之載之。比也。縣蠻、鳥聲。 之食之,教之誨之。 鳥,止于丘隅。豈敢憚行,畏不能 而不能前、蓋道遠而勞甚矣。當是時也,有能飲之、食 隅,角。 側,傍。 何! 一黄鳥,止于丘 後車,副車也。 飲於鴆反。 側。 極,至也。 惲,畏也。 豈敢憚行, 《國語》云: 命彼後車,謂之載之。 命彼後車,謂之載之。 趨,疾行也。 之食音嗣。 〇此微賤勞苦而思有所託 阿。道之云遠,我 畏不能 「齊朝駕,則夕極 之,教之誨 ○緜蠻黄 縣蠻黄 極。 趨。

《縣蠻》三章,章八句。

炮叶蒲侯反。 報也。賓既卒爵而酌主人也。 也。炕火曰炙。謂以物貫之,而舉於火上以炙之。酢, 略反。之。君子有酒,酌言酢才洛反。 獻,獻之於賓也。 兔也,猶數魚以尾也。毛曰炮,加火曰燔。 首,炮百交反。 物雖薄,而必與賓客共之也。 然君子有酒,則亦以是酌而嘗之。蓋述主人之謙 有酒,酌言獻叶虚言反。 〇此亦燕飲之詩。 賦也。 有 醻,導飲也 之。 煩 之燔音煩,叶汾乾反。之。 反。 〇有兔斯首,燔之炙音隻,叶 君子有酒,酌言醻 酌 言幡幡瓠葉,采之亨之,至薄 言當 瓠 葉,采 之。 之。 ○有兔它故反。 ○有兔斯首,燔之 賦也。有兔斯首,一 之亨 賦 也。 叶 亦薄物也。 幡 之。 鋪 市周反。 幡 郎 反。 賦 陟

《瓠葉》四章,章四句。

勞苦,而作此詩 遑,暇也。 山 川悠遠,維其勞矣。 漸 言無朝旦之暇也。 並士銜反。 賦也。 也。 漸漸,高峻之貌。 漸漸之石, 下同。 武人東征,不遑朝叶 將帥出征,經歷險遠 之石,維 維其卒在 武人,將 其 高 帥 也

也。 反。 東征 其常性也。今其足皆白,衆與涉波而去,水患之多可知 波,月離畢,將雨之驗也。 出,謂但知深人,不暇謀出也。 烝涉波矣。 易,何。 此言久役,又逢大雨,甚勞苦而不暇及他事也。」 蹢,蹄。烝,衆也。離 ,不遑出矣。 川悠遠,曷其没叶莫筆反。 武人東征,不遑他湯何反。 没,盡 月離 也。言所登 賦也。 于畢,俾滂普郎 ○張子曰: ,月所宿也。 卒,崔嵬也。 歷 何時 )有豕 而 「豕之負塗曳泥 畢,星名。 可 白蹢,音的。 反。 矣。 謂山 盡 也。 矣。 沱徒何 「巔之末 武 不追 洮

之華, 罶 生,雖榮不久,故以爲比,而自言其心之憂傷也。 色,亦名凌霄。] 〇詩人自以身逢周室之衰,如苕附物 草》云: 「即今之紫葳,蔓生,附於喬木之上,其華黄赤 心之憂矣,維其傷矣。比也。苕,陵苕也。《本 音柳 苕音條。 叶桑經反。 ) 牂子桑反。 葉青青。 人可以食,鮮息淺反。 之華,音花。 〇比也。 羊墳扶云反。 子零反。 青青,盛貌。 芸音云。 知 首,三星 如 可 此,不 然亦何能 其 以 、黄矣。 飽。 〇苕 而

> 大也。 補苟 其飽哉! ○言饑饉之餘,百物彫耗,如此,苟且得食足矣,豈 反。 罶 , 笱也。 賦 也。 罶中無魚而水静,但見三星之光而已。 牂羊,牝羊 也。 墳,大 也。 瘠 可望 則 首

人傷之而已。」 「此詩其辭簡,其情哀。周室將亡,不可救矣。詩「此詩其辭簡,其情哀。周室將亡,不可救矣。詩《君之〉華》三二章,章四句。陳氏曰:

也哉! 反 兕非虎, 率 矜 ? 薄工反。 叶後五反。 我征夫, 豈獨爲匪民哉! 無妻曰矜。言從役過時而不得歸,失其室家之樂也。 草而不黄? 也。○周室將亡,征役不息,行者苦之,故作此詩。 夫,獨爲匪 ·彼曠野。 不將,經營四方? 之車,行彼周道 何草不黄? 古頑反。《韓詩》作「鰥」,叶居陵反。 何爲使之循曠野而朝夕不得閒暇也。 者狐,與 ○賦也。率,循也。曠,空也。○言征夫非 何草不玄? 何日而不行? 民。 叶 上與反。 興也。 車 叶。 何日不行? 哀我征 玄,赤黑色也。 何人而不將,以經營於四方 興也。 興 率 匪兕 叶 也。 彼 胡匀反。 继 芃,尾長貌。棧 夫, 徐履反。 -衰則 草。 叶 朝夕不暇。 既 -户郎 何人 黄而玄也。 哀我征 將,亦行 匪虎, 何

《漸漸之石》三章,章六句。

詩卷第十六

大雅三説見《小雅》。

朱熹

## 文王之什三之一

因反。 而代商者,皆由於此,以戒成王。此章言文王既没,而其 左右,旁側也。 顯,猶言豈不顯也。帝,上帝也。不時,猶言豈不時 羽已反。○賦也。於,歎辭。 命不時。叶上紙反。文王陟降,在帝左右。 (受天命,則自今始也。 :在上,昭明于天,是以周邦雖自后稷始封千有餘年,而 周雖舊邦,其命維新。 文王在上,於音鳥。下同。 〇周公追述文王之德,明周家所以受命 夫文王在上而昭 昭,明也。命,天命也。不 有周不顯 昭于天。 于天 ,則其 叶 也。 叶 鐵

哉,此衆多之賢士而生於此文王之國也!

文王之國能

生此衆多之士,則足以爲國之幹,而文王亦賴以爲安矣。

猶翼翼。 聞不已,是以上帝敷錫于周,維文王孫子。 譽也。 子。叶奬里反。 降,無時不在上帝之左右,是以子孫蒙其福澤,而君有天 不顯乎? 言。其傳世豈不顯乎? 語 士,文王以寧。 王國克生,維周之楨。音貞。 之士,亦世世修德,與周匹休焉。 百世爲天子,支庶百世爲諸侯。而又及其臣子,使凡周 支,庶子也。○文王非有所勉也,純亦不已,而人見其若 王,令聞音問。 我先王之左右,以佐事上帝。」語意與此正相 下也。《春秋傳》天王追命諸侯之詞曰: 顯 有所勉耳。其德不已,故今既没而其令聞猶不已也。令 之士,不顯亦世。 恪」亦「降」字之誤,理或然也。 矣。 辭。皇,美。楨,幹也。 周 陳,猶敷也。 雖舊邦而命則新 帝命豈不時乎? 思皇多士,生此 不已。 文王孫子,本支百世。 賦也。 哉,語辭。 賦也。亹亹,强勉之貌。令聞,善 而其謀猶皆能勉敬如此 ,則其命時矣。 濟濟,多貌。〇此承上章而 陳錫哉周,侯文王 猶,謀。 蓋以文王之神在天,一升 侯,維也。本,宗子也。 王國。叶于逼 ○ 亹 ○世之不顯,厥 翼翼,勉敬也。 濟濟子禮反。 「叔父陟恪,在 **亹**音尾。 故又曰 。則使之本宗 似。 也。 有 凡 或疑 周 思, 反。 多 周 岢

斥言 之,則可見矣。 麗,數也。 命,侯於周 有商孫子。 告之曰: 後,統承先王,修其禮物,作賓于王家 膚,美。 王之蓋才刃反。 居良反。 命 命集於文王,而今皆維服于周矣。 王之德,不已其敬如此,是以大命集焉。 殷之士助 之篤,進 而亦所以爲戒 京,周之京 夫入天子之國日 言文王得 ,於緝七人反。 緝,續。熙,明。 ○言商之孫子而侯服于周,以天命之不可 常。 敏,疾也。 進 所 厥 祭於周京,而 不億,不止於億也。 得無念爾祖文王之德乎? 無已也。 師 人之盛, 作裸將,常服 殷 也。 服。 也。王,指成王 蓋商之孫子,其數不止於億,然以上 敢 士 商之孫子,其 某士。 告 裸,灌鬯也。 臣,無· 膚 無 叶蒲北反。 而 僕 熙 亦不已之意。 **灬念**,猶 服 黼 敏,裸古亂反。 宜 夫」云 敬 商之服也 裳也。 則 其 念爾 殷 11 傳 言豈得 士者, 侯,維 爾。 也。 世 黼 冔,殷 將,行也。 上之顯 ○賦也。 祖 麗 音甫。 假 蓋,進 無念也。 〇侯 咔 也。 商 於是呼 不 古 蓋以戒 也 向 冠 時王 孫 賦 雅 億 日 也。 語 也。 也。 以 〇言 將于京。 服 冔。 酌 子 穆穆,深遠之 有 解。 王之蓋 不敢變焉 之臣屬也 王 爾 而送之也。 言其 常常 商 穆穆然文 諸侯之大 祖、文王 况甫反。 孔子 周, ,而不敢 先 假, 孫 也 八忠愛 代之 臣 一帝之 叶 而

駿音峻。 之未喪 永,長。 周,而 天下。 宰也。 叶鐵因反。 遏 厥 不易保,故告之使無若紂之自絶於天,而 儀刑文王,萬邦作孚。 則得國,失衆則失國。」此之謂也。 鑒而自省焉,則知天命之難保矣。《大學》傳曰: 之時,其 大之福,自我致之,有不外求而得矣。又言殷未失天 自修其德,而又常自省察,使其所行無不合於天理,則 善善 信之矣。子思子 爾 德 宣,布。 聲無臭 痛 不可不傳 躬。 至於「殷 駿,大也。不易,言其難也。 又度殷之所 載,事。 配,合也。 德足以配乎上帝矣。今其子孫乃如此,宜以 殷 息浪反。 永言 之亡也。」 命不易。 叶姑弓反。 上天之載, 昭,明。 不可 士 於後嗣, 儀,象。 配 膚敏,裸將 命、天理 日 得 以 命, 師,克 而 廢 以豉反。 度也,惟取法於文王 是以 宣 自 無 刑, 興者,而 維天之命,於穆不已。」蓋曰 也。 于京」,喟 昭義問,有虞殷自天。 念 無聲 求 法。 配 富貴 也。 叶 多 爾 上 師,衆也。 房尤反。 孚,信也。 折 〇賦 問 無 福 帝。 祖 無 之於 〇命之不 〇言欲念爾祖,在 常。」 然嘆 聞 臭。 也。 聿 叶筆 天。 布明 通 宜 蓋 日 于 0 上帝,天之主 **津**,發語 ○言天命之 鑒 叶 力反。 筆反。 賦 ,則萬邦作 然上 其 有、 微子之事 初 大哉 也。 于 善譽於 又 尤反。 天之 得 通 遏 辭 F 天 爲 於 天

之以此,其旨深矣。言「文王在上,於昭於天」、「文王陟降,在帝左右」,而終言「文王在上,於昭於天」、「文王陟降,在帝左右」,而終王之所以爲文也,純亦不已。夫知天之所以爲天,又知文之所以爲天也。「於乎不顯,文王之德之純」,蓋曰文王之所以爲天也。「於乎不顯,文王之德之純」,蓋曰文王

令聞不已,而不言其所以 章言文王之昭于天,而 君臣,而又以昭先王之德於天下也。《國語 而 兩君相見之樂,特舉其 際,興亡之理,丁寧反覆,至深切矣。 又言當以商爲監,而以文王爲法也。其於天人之 之子孫臣庶當以文王爲法,而以商爲監也。七章 唯及其子孫,而又及其羣臣之後嗣也。 又使其子孫亦來臣服于周也。五章言絕商之禍不 後嗣也。 三章言命周之福,不唯及其子孫,而又及其羣臣之 德,而上帝有成命也。二章言天命集於文王,則不 非周公不能作也。 而因以爲天子諸侯朝會之樂,蓋將以 唯尊榮其身,又使其子孫而世爲天子、諸侯也。 (吕氏春秋)引此詩,以爲周公所作。味其詞 明而不已者,乃可得而見焉。 其所以爲德之實,則不越乎敬之一字而已。然 《文王》七章,章八句。 四章言天命既絶於商 〇今案此詩,一章言文王有 不言 一端而言耳。 聞。 I其所以 至於四章,然後所以 然亦多詠歎之言 ,則不唯誅罰其身 昭。 東萊吕氏 故立之樂官 然此詩 戒乎後世之 次章言 六章言周 》以爲 意,信 之首 日

亦勉於此而已矣。則後章所謂修厥德而儀刑之者,豈可以他求哉?

反。 王。 叶户郎反。 乃使之不得挾四方而有之,蓋以此爾。 之德,則在上者有赫赫之命,達於上下,去就無常,此天 周公戒成王之詩。將陳文武受命,故先言在下者有明 位,天子之位也。殷適,殷之適嗣也。 適 其所從來者如此。 王季,文王父也。身,懷孕也。 言以釋上句之意,猶曰「釐降二女于嬀汭,嬪于虞」也 商,商之諸侯也。 氏任,音壬。 之所以難忱,而爲君之所以不易也。紂居天位,爲殷嗣, 之明也。赫赫,命之顯也。忱,信也。 忱市林反。 一,音的。 于京。叶居良反。乃及王季,维德之行。 賦也。擊,國名。 明明 大音泰。 使不挾子變反。 在下,赫赫在 斯,不易以豉 自彼殷商,來嫁 嬪,婦 蓋曰自其父母而已然矣。 任有身,叶户羊反。 仲,中女也。 也。 京,周京也。 〇將言文王之聖,而追本 反。 上。 四 方。 維 叶 于周, 日嬪毗申 任,摯國姓也。 挾,有也。 辰羊反。 王。 。 不易,難 賦 ) 擊音至。 曰嬪于京,疊 也。 天 生此文 明 〇此亦 也。 維此 明,德 天 難 殷 明

0

<sup>「</sup>而」,明甲本作「百」。

力反。 敬反。 文王 德於此爲盛。 也。小心翼翼、恭慎之貌。 氏曰: 期,而大邦有子也。 本,而言天之監照實 國也。子,大姒也。 而加「邑」。渭水亦逕此入河也。嘉,婚禮也。大邦,莘 治,水名,本在今同州郃陽、夏陽縣,今流已絶,故去「水」 獎禮反。 附之國也。 俔, 磬也。 有子 王之初年,而默定其配,所以洽陽、渭涘,當文王將昏之 他。 也。 音士,叶羽巳反。 ,,倪牽遍反。 初 張子曰: 作船於水,比 言卜得吉 《傳》曰 如今俗語譬喻物,曰「磬作」然也。」文,禮。 載,天作之合。 《韓詩》作 渭。 鼠 翼 )天監在下,有命既 不 昭,明。 也。 翼 回, 造舟 而以納幣之禮定其祥也。 造舟爲梁,文王所制 監,視。集,就。載,年。 「天子造舟,諸 之,而加版於其上以通行者,即今之 〇將言武王伐商之事,故此又推其 天之妹。 ,昭事上帝, 「磬」。《説文》云: 在於下, 蓋曰非人之所能爲矣。 懷,來。 以受方國。 文王嘉止,大邦有子。 爲梁,不顯 即前篇之所謂敬也。 其命既集於周矣。 回,邪 在洽之陽,在渭之 文定厥祥,親迎 侯維舟,大夫方舟,士 也。 叶 集。 其 越逼 而周 「俔,譬也。」孔 方國,四 光。 叶昨合反。 合,配 世 反 故於文 文王ラ 遂以爲 大邦 賦 也。 0 叶 也 叶 魚 뒖 筆

歆。 洋洋 疑也,設言以見衆心之同,非武王之得已耳。 爾心。」蓋知天命之必然,而贊其決也。然武王非必有 衆寡之不敵,而有所疑也,故勉之曰: 「上帝臨 牧野,則維我之師爲有興起之勢耳。 章言武王伐紂之時,紂衆會集如林, 旅 保之助之命之,而使之順天命以伐商也。 莘國,以 也。 莘,所巾反。 在朝歌南七十里。 言衆也。 言天既命文王于周之京矣,而克纘大任之女事者,維此 續、繼也。 生武王。 天子之禮 師 大商,會朝 ,其會如林。 言既生文王,而又生武王也。 于周 尚 一帝臨 其長女來嫁于我也。 《書》曰: 父, 檀,堅木宜爲車者也。 也。」 莘,國名。 車煌 保右音祐。 于京, 時 女,音汝。 不 長丁丈反。 顯, 清 煌 維 侯,維。貳,疑也。爾,武王 明。 「受率其旅若林。」矢,陳 長子,長女大姒也。 矢于 顯 鷹 叶 駟 也。 揚。 居 騵 叶 無貳 牧 命爾,燮伐大商。 良 謨郎 子維行 音元。 反。 涼音亮。 野 天又篤厚之,使生武王。 有 煌 反。 爾 ,維予侯興。 右,助。變,和 命自 煌 纘 然衆心猶恐武 以拒武王,而 心。 ○賦也。 子 ,叶户郎 鮮 行,嫁。 明貌 管 天 彼武 賦也。 反。 也。 叶 般 命 也。 汝,毋 洋 鋪郎反。 王 也。 皆陳干 商之 篤,厚 . 洋,廣 賦 女 此 如 叶 〇此 馬 Ŧ 林 也 肆 文 所 音

天下清明。 作「亮」,佐助也。肆,縱兵也。 日 王師衆之盛,將帥之賢,伐商以除穢濁,不崇朝 揚,如鷹之飛揚而將擊,言其猛 所以終首章之意也 貌。 師 尚 父,太公望 會朝,會戰之旦也。 也。 太師 凉、溪漢書 〇此 而

語》以此及下篇皆爲兩君相見之樂,說見上篇。商以終首章之意。其章以六句八句相閒。又《國德,以及武王。七章言武王伐紂。八章言武王克惟德是與。二章言王季、太任之德,以及文王。三惟德是與。二章言王季、太任之德,以及文王。三、以及武王。一章言天命無常,四章章八句。名義見《小旻》篇。一章言天命無常,四章章八句。名義見《小旻》篇。一章言天命無常,四章章八句。四章章八句。四章章八句。四章章八句。四章章八句。四章章八句。四章章八句。四章章八句。四章章八句。四章章八句。四章

名也。 苦寒,故其俗如此。 比也。 始遷岐周,以開王業,而文王因之,以受天命也。 者常小,其蔓不絶,至末而後大也。 余反。 也。沮、漆,二水名,在豳地。 穴,土室也。 或曰字也,後乃追稱太王焉。 縣縣 緜縣,不絶貌。 漆。 音 音七。 瓜瓞,田節反。 陶 家,門内之通名也 ○此亦周公戒成王之詩。 古公亶都但反。 大日 叶户橘反。 瓜,小日 民之初生,自土 民,周人也。 [ 瓞。 古公,號也。 陶,窑竈 父,音甫 豳 瓜之近本初生 未有家 地近 也。 追述太王 此其首 自 西戎而 亶父, 沮 陶

慰

廼止, 廼左廼右

叶

·羽己反。

廼疆

廼

悲反。 也。 以 焞」是也。 武。 謀居之。 地之美,雖物之苦者亦甘。 飴, 錫也。 日 人也,不可失也。」從之者如歸市。」○周 之。]去邠,踰梁山,邑於岐山之下居馬。 不以其所以養人者害人,二三子何患乎無君? 告之曰: 『狄人之所欲者,吾土地也。 侵之、事之以皮幣、珠玉、犬馬而不得免。乃屬其耆老而 王妃也。 滸,水厓也,漆、沮之側也。岐下,岐山之下也。姜女,太 水滸,呼五反。至于岐下。 公之時,居於窑竈土室之中,其國甚小,至文王而後 止於是而築室矣。」或曰「時」,謂土功之時 原。 言瓜之先小後大,以 堇音謹。 叶津之反。 〇古公亶父,來朝走馬。 膴膴,肥美貌。 爱契苦計反。 又契龜而卜之,既得吉兆,乃告其民曰 胥,相。 或曰以 契,所以然火而 茶如 〇賦 刀刻 宇,宅也。孟子曰: 賦也。朝,早也。 也。 飴。 龜甲,欲鑽之處 堇,烏頭 我龜,日止日時,築室于 比周 灼龜者也。 周,地名,在岐山之南。 於是太王始與豳 音移。爰始爰謀 人始 也。 叶後五反。 生於漆、沮之上,而 茶,苦菜,蓼 叶滿補反。 也。 《儀禮》所 「太王居邠,狄 走馬,避狄難也。 吾聞之也,君子 邠人曰: 原膴膴,音 〇言周 也。 人之從己者 我將去 謂「楚 屬也。 ,叶謨 廣平 可可 土

西水滸 也。 也。 築也。 翼。 上止反。 訖,則 所以爲直。 則 鼓役事。 登,削屢馮馮。 之陾陾,耳升反。 先,廄庫爲次,居室爲後。 司 陾陾,衆也。 (直,縮 一皐門,皐門有伉。 ,應門將將。 或日導 賦也。 畝 升下而上,以 而徂 興,起也,此言治宫室也。 削屢,牆成而 縮,東也。載,上下相承也。 乃召司 弗勝者,言其樂事勸功,鼓不能 鼓弗勝。 色六反。 東也。 凡營度位處,皆先以繩正之,既正則束版 其溝洫也。 賦 司空,掌營國邑。 其 度,投土於版也。 滿彼反。 大大界。 也。慰, 徒 周, 徧 相承 削治重複 扶冰反。 七羊反。 度待洛反。 版以 俾立 理,謂 音升。 安。 畝,治其田疇 自 載 也,言靡 苦浪反,叶苦郎反。 翼翼,嚴正也。 止, 也。 西 載,叶節力反。 别其條理 〇鼠 徂 也。 廼立冢土, 戎醜 薨薨,衆聲也。 百堵丁古反。 司 居 君子將營宫室,宗廟 鼛鼓,長 事 東 徒,掌徒役之事。 也。 也。 之薨薨,築之登 馮 言以索束版,投土築 不爲也。 叶古胡反。 馮 也。 也。 周爰執 捄,盛土於器也 牆堅聲。 右, 止 一丈二尺。 自西徂 宣 也 一,布 東西 作 排 廼立 登 皆興, 廟 其繩 乃 一登,相 音俱。 東 0 Ŧī. 列 而 繩 應 廼 爲 自 以 版 而 居 之 叶

> 拔道通 反。 質 木深阻,人物鮮少,至於其後,生齒 己,❶但不廢其自修之實耳。 之愠怒,亦不隕墜己之聲聞。 之間也。駾,突。 拔,挺拔而上,不拳曲蒙蔽 枝長葉盛,叢 矣,混音昆。 子洛反。 大衆,必有 立,而後因以爲天子之制也。 天子之門,而 未有制度,特作 混夷自服也。 厥成,文王蹶 愠、怒。 厥愠 賦 叶 ,混夷畏 也。 户 棫音域。 事乎社 王之正門曰應門。 郎 生,有刺。 隕,墜也。 肆,故今也,猶言遂也,承上起下之辭。 反。 之而奔突竄伏,維其喙息而已。 侯不得立焉。 二門,其名如 夷駾徒對反。 蓋已爲文王之時矣。 喙,息也。 反。 而 拔蒲貝反。 居衛反。 後出,謂之宜。 賦 棫,白 亦不隕 問、 也 也。 聞 傳 此。及周有天下 然大王始至此 ○言大王雖 將將 戎醜,大衆也。 蓋雖聖賢 桵也,小木,亦叢生,有 通 冢土,大社 兑,通也,始通 日 矣,維其喙吁貴反。 韻 ,謂聲譽 矣,行道兑吐外反。 生。 |漸繁,歸附日 一、敏反。 嚴 王 正 ○肆不殄 ○虞芮如鋭反。 不能 一之郭 也。 叶桑經 貌 不能 也。 岐山 厥問。 必 門 起大事,動 太王之 於絶混 道於作 亦大王所 司之時,林 衆,則 日 八之不怒 尊以 泉 田 也 殄, 門。 典 棫 爲 夷

▶ 「己」字,原脱,據元本、明甲本、明乙本補

O

予

臣折 或曰 翊。 異路, 於是諸侯歸服者衆,❶而文王由此動其興起之勢。 者四十餘國。」蘇氏 之境。」乃相讓,以其所争田爲閒田而退。天下聞之而 與朝周。 也。 上曰疏附。 ,叶下五 日 有 二國 平陸 衝 蹶 《傳》曰: 斑白者不提挈。 有禦侮 疏 、辭繁而不殺者,所以深歎其得人之盛也。 日 動 [ 禦 侮 。 有閒 人其境,則耕者讓畔,行者讓路。 人其邑,男女 ,然亦由 之君感而 附 而疾也。 叶 相 ...原焉,則虞芮之所讓也。」蹶生,未詳其義。 子 ○言昆夷既服,而虞芮來 虞、芮之君,相 上 道前後曰先後。 i 有此 賦也。 一聲。 相 日 生,猶起也。 E 謂 四 人其朝,士讓爲大夫,大夫讓 日 : 有 予曰 臣 虞 「虞在陜之平陸,芮在 之助 奔 、芮、二國名。 『我等小人,不可以 奏,與 有 與 而 喻德宣譽曰 予,詩人自予也。 争田 先 然,故各以「予 息薦 大走通, ,久而不平,乃 質,正。 質其訟之成 叶 奔 後 宗 同 履 少,胡 ·日」起 Ŧi. 是雖 率下 之馮 君 反 子 爲 豆

言至文王而 言作宗廟。 至 「縣》九章,章六句。 三章言定宅。 服 六章言治宫室。七章言作門社 混 夷。 九章遂言文王受命之事。 四章言授田 一章言在 居 民。 八章 五 餘 章

豳。

芃 説見上篇 芃 薄 紅 反。 棫 雨 逼 反。 音 薪之

> 奉璋。 經。 助之; 反。 趣叶此苟反。 槱 之間,其長竟天。章,文章也。 不作人。 彼雲漢,爲章于天。 追而及之。 彼涇舟,則舟中之人無不楫之。 邁,六師及之。 蓋德盛而人心歸附趣向之也。 言芃芃棫樸,則薪之槱之矣。 言根枝迫 音 ○賦也。 遐,與「何」同。 楫,櫂。于,往。邁,行也。六師,六軍也。 峩峩,盛壯也。 舟,烝徒楫 西。 也。 亞裸以璋瓚,左右奉之。其判在内,亦有趣向之 奉璋峩峩,五歌反。 迮 君王,謂文王也。 之。 興也。倬,大也。 蓋衆歸其德,不令而從也。 相 半珪曰璋。 附 之。 著 濟 作人,謂變化鼓舞之也。 髦,俊也。 也。 興也。 音接,叶 濟 興 也。 子禮 槱, 叶 祭祀之禮,王祼以圭 淠,舟行貌。 芃芃,木盛貌。 反。 鐵因反。 積 接人反。 雲漢,天河也,在箕斗二星 濟濟辟王,則左右趣之矣。 〇此亦以詠歌文王之德。 文王九十七乃終,故言壽 也。 周王于邁,則六師之衆 髦士攸宜。 ) 淠匹世反。 辟 )濟濟 濟 音 之。 濟,容貌之美 周王壽考,遐 壁。 涇,水名。 ○ 倬 陟 角 反。 辟王 樸,叢生 王 ○追對廻 周王于 彼涇音 〇言 叶牛何 烝 右

0 服 一元本、明甲本、明乙本、吉本作「周」。

質者至矣。勉勉我王,則所以綱紀乎四方者至矣。追之琢之,則所以美其文者至矣。金之玉之,則所以美其也。勉勉,猶言不已也。凡網罟,張之爲綱,理之爲紀。○綱紀四方。興也。追,雕也。金曰雕,玉曰琢。相,質反。 琢 陟角反。 其章,金 玉 其相。 勉勉我 王,反。 琢 陟角反。 其章,金 玉 其相。 勉勉我王,

不知何人所作。疑多出於周公也。 綱紀天下之人,而人歸之。自此以下至《假樂》,皆文王之德爲人所歸。後二章言文王之德有以振作文王之德爲人所歸。後二章言文王之德有以振作

在中。 反。 青金爲外,而朱其中也。 豈弟,樂易也。君子,指文王也。○此亦以詠歌文王之 鬱金煮而和之,使芬芳條鬯,以瓚酌而 也。瑟,鎮密貌。玉瓚,圭瓚也。 君子云爾。 禄也豈弟矣。干禄豈弟,言其干禄之有道,猶曰其争也 山足也。榛,似栗而小。楛,似 言旱山之麓,則榛楛濟濟然矣。豈弟君子,則其干 豈弟君子,干禄豈弟。 瞻彼旱麓,音鹿。 則必有福禄下其躬。 豈弟君子,福禄攸降。 ○言瑟然之玉瓚,則必有黄流在其中。 ○瑟所乙反。 黄流,鬱鬯也。 彼玉瓚,才旱反。 榛楛音户。 明實器不薦於褻味, 荆而赤。濟濟,衆多也 以圭爲柄,黄金爲勺: 興也。 裸之也。 叶呼攻反。 釀秬黍爲酒、築 早,山名。 濟濟。子禮 黄流 〇興

> 不回。 淵。 施以豉反。 貌。燎、爨也。勞、慰撫也。 豈弟君子,神所勞力報反。 必受福也。 載,在尊也。 節力反。 而何不作人乎? ○言鳶之飛則戾于天矣,魚之躍則出于淵矣。 豈弟君子 力,亦如魚躍,怡然自得,而不知其所以然也。遐,何通。 在下無力,及至乎上,聳身直翅而已。」」蓋鳶之飛全不用 鳶,鴟類。戾,至也。李氏曰: 流不注瓦缶,則知盛德必享於禄壽,而 祀,叶逸織反。 叶一均反。豈弟君子,遐 ○鳶弋專反。 興 騂息營反。 也。莫莫,盛貌。 備,全具也。承上章言,有豈弟之德,則祭 于條枚。 ○瑟彼柞棫,民所燎力召反。矣。 言其必作人也。 以介景福。 飛戾天, 牡既 莫回反。 回,邪也。 〇莫莫葛藟,力軌反。 備。 「《抱朴子》曰: 叶鐵 矣。 豈弟君子,求 叶筆力反。 叶蒲北反。 因 福澤不降於淫人 興也。瑟,茂密 反 酒 魚 〇賦 載,叶 興也。 「鳶之 也

《旱麓》六章,章四句。

大同上。姒嗣徽音,則百斯男。叶尼心反。○反。思媚美記反。周姜,京室之婦。房九反。思齊側皆反。大音泰。任,文王之母。莫後

衆多。 姜也。 者深也。 其爲周室之婦。 舉成數而 日 [此莊敬之大任,乃文王之母,實 上有聖母 京 言其 周周 ○惠于宗公,神罔時怨 也。 多 ',所以成之者遠。 至於大姒,又能繼其美德之音,而 也。 大姒,文王之妃也。 〇此 詩 亦歌文王之德,而 内百賢妃,所 能媚 徽,美也 神罔時 於周姜, 以 推 之妃大 百 助之 子孫 本言 恫 而

迎也。 音通。 家 也。恫,痛也。 邦。 ○言文王順于先公,而鬼神歆之,無怨恫者。 刑于寡妻,至于兄弟,以 叶卜工反。 刑,儀法也。 ○賦也。 寡妻,猶言寡小君 惠,順也。 御牙嫁反。 宗公,宗廟先公 也。 御, 其

曰: 而已。」張子曰: 儀法内施 「家齊而后 於閨 [門,而至于兄弟,以御于家邦也。 國 「言接神人,各得其道也。」() [治。」《孟子》曰: 「言舉斯心加諸彼 雝 離於 孔子

容反。 也。 無 射 肅 音亦。 肅,敬之至也。 在宫, 保,猶「守」也。 亦保。 肅 肅 在 叶音 不 〇言文王在閨門之内,則 顯, 廟。 鮑。 幽 叶音貌。 隱 0 之處也。 賦 也。 不顯 धध,和 射,與 亦 極其 之至 臨

,不諫亦人。此與下章用韻未詳

肆戎疾不殄,烈假古雅反。

不瑕

〇賦

也

雖無厭射,亦

常

有

r 所守

焉。

純

亦不已,蓋

如

在宗廟之中,則極其敬。

雖居幽隱,亦常若

有臨之

於法度。 譽,名。 絶,而光大亦無玷缺。 式,法也。 此兩句與「不殄厥 昆夷、玁 故今也。 令此士皆有譽於天下,而成其俊乂之美也。 此,故一時人材皆得其所成就。蓋由其德純 爲成人。 古之人無斁,音亦。 性與天合」是也。 髦,俊也。 統之屬 小子,童子也。 戎,大 雖 ○承上章,言文王之德如此,故其大難 無諫諍之者,而亦未嘗不入於善。 心也。 也。 愠,不隕厥問 〇承上章,言文王之德見於事者如 疾,猶 殄,絶。 ○肆成人 雖事之無所前聞者, 造,爲也。 譽髦斯士。賦也。 難 烈, 也。 相 有德,小 光。 大難, 古之人,指 表 裏。 如羑里之囚 聞 而亦 而 前 瑕,過 文王 不已,故 有 無不合 冠 傳所謂 雖 聞 不殄 以上 造 及 也 也 也。

《思齊》五章,二章章六句,三 章

章四句。

亦視也。 達各反。 四 胡郭反。 四方,求民之莫。 耆之,憎其式廓。 國 皇矣上帝,臨 方之國也。 莫,定也。二國,夏、商也。 〇賦 維彼四國,爰究爰度。 也。 皇,大。 究,尋。 維此二 乃眷西顧 下有 臨 度,謀也。耆、僧、式廓,未 視 赫。 國,其政不 也。 不獲,謂失其道也 ,此維與宅。 叶黑各反。 赫,威 待洛反。 明 也。 · 獲。 E 監 觀 叶 叶

規模。 翳。 宅也。 也。 柘。 之辟婢亦反。 臨下甚明,但求民之安定而已。 之德,以 路謂 之君 桑也。 叶紀庶反。 故求於四方之國。 爲杖者也。 河柳也,似楊,赤色,生河邊。 曰小木蒙密蔽翳者也。脩、平,皆治之使疏密 起也。屏,去之也。菑,木立死者也。 夷 模也 其 義。 阻 滿路而去,所 灌,叢生者也。 〇此章言大王遷於岐周之事。 章夜反,叶都故反。 一計反。 於是乃眷然顧視西土,以此岐周之地與大王 次 及文王伐密、伐崇之事 太王也。 或 開闢如此 柘皆美材,可爲弓幹,又可 作之屏必領反。 日 攘、剔,謂穿剔去其繁冗,使成長 攘之剔它歷反。 天立厥配,受命既 岐 脩之平之,其灌 之,其檉丑貞反。 周 串 謂 苟上帝之所欲致者,則增大其疆 之地 栵,行生者也。 夷載路、未詳。 「混夷駾矣」者也。 乃上 致 近 也。 也。 一帝遷 混 帝遷明德,串古患反。 憎,當 夷。 据, 費也, 腫 之,其菑 之,其、人,與人, 也。 此明德之君,使居 此 彼夏商之政 詩 大王居之,人物漸盛 作 或 蓋岐周之地 蠶 啟、辟, 芟除 其栵。 此其首章先言 叙 固。 也。 「增 其椐。 る日串 翳,自斃者 配,賢妃也,謂 大王、大伯、 節,似扶老, 一夷即 莊持反 賦 明德,謂 戍也。 式廓 既 也。 音例 Œ 混 羌居 反 也 直 也 作,拔 天之 得宜 一爲居 境之 其 啟 可

省其山 德如是 之有在 勉强。 言其 叶平 友。 拔 其 其兄以讓德之光,猶曰 又特言王季所以友其兄者,乃因 周道大興 王季之時而已定矣。於是大伯見王季生文王 是既作之邦,又與之賢君以嗣其業。 之少子也。 可當此國者以君之也。 而 而 卒成王業也 昆 蒲 ,自大音泰。 山 篤,厚。載,則也。 聲。 夷遠 叶 叶 此王 ,故能受天禄而不 既受大伯之讓 ,而見其木拔道 林之閒道路通 ,故適吴不反。 袪羊反。 羽已反。 遁。 也。 反。 奄有 其德克明,克明克類,克長丁丈反。 季, 然以大伯而避王季,則王季疑於不友,故 天又爲之立賢妃以助之, 心,非勉强也。 四方。 松 帝度 載錫之光,受禄 則友其兄 伯 柏 帝省息井反。 則 也。 王 斯 大王没 通,則 彰其知人之明,不爲徒讓耳。 奄字之義,在忽遂之間。 大伯,大王之長子。 王季,大王 待洛反。 益脩其德 賦也。拔、兑、見《縣 季。 兑。 失,至於文武,而 對,猶「當」也。 知民之歸之者益衆矣。 而國傳於王季,及文王 善兄弟曰 · 叶 維此 徒外反。 其 以 八心之自 其心, 虚 厚周 蓋自其初生大伯 其 王反。 Ŧ. 無 友。 是以受命 季, Ш 奄有 然 作對,言 喪 家之慶,而 兄,謂大伯 ,又知天命 》篇。 而無 則 因 四 武 〇言 邦 一方也。 浪反 篤 棫 伯 堅 待 擇 此 固 反。 其 則 其 其 與 於 丽 帝 亦

戰反。 如 王。 。 反。 願反。 悔,遺 反。 魚宛反。 克類 延及于子孫也。 者。至於文王而其 又清静其德 獎里反。 必里反。 樂記》皆作「莫」,謂其莫然清静也。克明,能察是非 此 其旅,以按音遏。 欲之動 %,能 也。 設爲天命文王之詞,如 順,慈 言其賞不僭, 以對于天 既 很 密 受帝 也。 分善惡也。 徂共。 〇賦 畔,離畔 比 王 也。 然歆 人不恭,敢 和徧服也。 音,使無 如字,或于况 毗至反。 也。 祉 羨,愛慕也。 )言上帝制王季之心,使有尺寸,能度義 羨,錢面 也。 音恭。 音 下。 故人以爲慶; (徳尤無遺恨。 度,能 帝謂 克長,教誨不倦也。 非 比,上下 恥。 援, 于文王 閒之言。 叶 徂旅,以 王赫 距大邦,叶卜攻反。 度物 反。 文王: 反。 攀援也。 後五 下所 施以豉反。 言肆 制 此 - 相親 一,其德 言 反。 斯怒 誕先登于岸。」叶 情以 是以既受上帝之福,而 是以王季之德能此 義 刑不濫,故 大 也。 也。 「無然畔援,于 篤 也。比于,至于也 言 0 邦 徇 ,叶暖五反。 舍 賦 于周 無然, 克君 于孫 靡 物 克順 此 也。 也 悔 而取 賞慶 人人以 祜,候五 帝, 岸 子 克 叶 言 秋 侵 彼 道之 爲威 謂 傳 虎洧 不 刑 也 阮 也 魚 口 文 六 威

在今涇州。

徂,往

也。

共,阮國之地名,今涇州之共

也。

須氏也, 姞姓之國

在

一今寧

州。

拒我也。 也。 往至于 及也。 之自 王 可。 侵自 也。 夏以 反。 天下之心。 先知先覺,以造道之極至。 溺於人欲之流,而不能 池 於漢爲扶風安陵,今在京兆府咸陽 所陟之岡,即爲我岡,而人無敢陳兵於陵,飲水於泉,以 在周之京,而所整之兵既遏密人,遂從阮 萬邦之方,下民之王。 是 枯,福。 1稱也。 矢,陳。鮮,善。 此文王征伐之始也。 也。 與 其鮮息淺反。原,居岐之陽,在渭之將 革。 阮 無飲我泉,我泉我 ,共,則 是以密 「予懷明德,不大聲以色,不長丁丈反。 爾 於 詢 其 疆 蓋 臨 懷, 是相其高原 旅 對 爾 不 赫怒整兵而 亦因其可怒而怒之,初未嘗有所畔 人不恭,敢違其命,而擅 周 眷 仇 識 我 師 念也。 也。 方,同 也。 不 將,側。 高 伐 以自濟。 知, 〇人心 出 往、遏其衆、以厚周家之福 宗墉。」 而徙都焉,所謂 明德,文王之明德 爾 蓋 遏 順帝之則。」帝 方,鄉 池。 賦也。依,安貌。 依其在京,叶 天實命之,而 兄弟 也。 無 有 文王無 所 矢 一賦 叶徒何反。度待洛 徂 也。 畔 縣。 我 也。 興師 旅, 援 疆而 是二者 ○言文王安然 陵, 程邑也。 密 予,設 爾 有所 旅 非人力之所 師 也。 出 帝 以 我陵 之往 以侵密 京,周 居 侵阮,而 歆 ~ 爲上 援 謂 以, 良反。 其 歆 共 而 文 文 我 地 帝 羨 能 則 京 者

無迹 皆攻城之具也。 臨,臨車 與國也。 訊音信。 非我也。」〇臨 故又命之以伐崇也。 其德之深微,不暴著其形迹,又能不作聰明,以循天理, 歸三年,伐崇侯虎而作豐邑。 之弓矢鈇鉞,得 之臣閎夭之徒求美女奇物善馬以獻紂。 謂 徐緩也。 虚屈反。 是類是 史記》: 與」也。 黄帝及蚩 ,强盛貌。 墉仡仡。魚乞反。 ,與天同體而已。 四方以無侮。 出 獲者不服,則殺而獻其 春秋傳》曰: 也,在上臨下者也。 師祭上帝 崇侯虎譖西伯於紂。 鉤援,鉤 夏、革,未 言言,高大也 碼,馬嫁反,叶滿補反。 四方以無 連連,攸馘古獲反。 尤也。 仡仡,堅壯貌。肆,縱兵也。 衝開 專征伐。 崇,國名,在今京兆 也。 梯也,所以鉤引上 致,致其至也。 文王伐崇,三旬不降。 吕氏曰: 閑,叶胡員反。 雖興兵以伐崇,莫非順帝之則,而 碼,至所征之地而祭始造軍 拂。 臨 連 是伐是肆,是絶是忽,叶 曰譖西伯者,崇侯虎也。 連、屬續狀。 衝 衝,衝車也 叶分聿反。 也。 左耳。 〇言上帝眷念文王, 茀茀,音弗,叶分聿反。 紂囚西伯於羑里。 「此言文王德不形,而 仇 安安。 附,使之來附 是致是附,叶上 府 城 方,讎 崇墉言言,執 安安,不輕 鄠縣。 ,從旁衝 ,所謂雲梯 紂乃赦 ○賦也。閑閑 馘,割耳 忽,滅。 國 退脩教 叶於肩反。 也。 西 突者 也。 也。 拂,戾 暴 法者 [伯,賜 者 兄 城 西伯 西伯 而 而 也。 弟 也。 也 茀 功

> 此所謂文王之師也。 一肆之也,則天誅不可以留,而罪人不可以不得故也。不足也,非示之弱也,將以致附而全之也。及其終不下滅之,而四方無不順從也。夫始攻之緩,戰之徐也,非力神,以致附來者,而四方無不畏服。及終不服,則縱兵以伐之,因壘而降。○言文王伐崇之初,緩攻徐戰,告祀羣

言天命文王伐密。七章、八章言天命文王伐崇。言天命太王。三章、四章言天命王季。五章、六章《皇矣》八章,章十二句。一章、二章

沼 不召自來也。《孟子》曰: 以望氛祲、察災祥、時觀游、節勞佚也。 子來。叶六直反。○賦也。 攻之,不日成之。 歡樂之,謂其臺曰「靈臺」,謂其沼曰「靈沼」。」此之謂也。 雖文王心恐煩民, 經度營表之際,而庶民已來作之,所以不終日 攻,作也。不日,不終日 作,謂之靈者,言其倏然而成,如神靈之所爲也。 王在靈 濯,直角反。 音灼。 經始靈臺,叶田飴反。 有 於音鳥。 ,叶音郁。 戒令勿亟,而 白鳥翯翯。 也。 經始勿亟,居力反。 物音刃。 「文王以民力爲臺爲沼 麀音憂。 亟,急也。 經,度 民心樂之,如子趣 經之營之。 户角反。 也。 魚躍 文王之臺, 鹿攸伏。 〇國之有臺,所 靈臺, 王在 賦 而成也。 文王 庶 庶 父事 而 方其 民 所 民

七六

紅反。 辟音璧。 蜴,長丈餘 得其倫理 尺。鼓四尺,中圍加三之一。鏞,大鍾也。 業, 栒上大版, 刻之捷業 沼,囿之中有沼 矇,無眸子曰瞍。 於論鼓鍾,於樂辟廱。 射行禮之處也。 處,以綵色爲崇牙,其狀樅樅然者也。 賁,大鼓也,長 維 其所處,不驚擾也。 囿 鏞 ,臺之下 〇虡 矇音蒙。 音庸。 也。 廱。 有 子音巨。 ,皮可冒鼓。 公,事也。 囿 辟、璧通。 也。 , 所 賦也。 水旋丘如璧,以節觀者,故曰辟廱。 於論盧門反。 古者樂師皆以瞽者爲之,以 瞍音叟。 業維樅,七凶反。 以 牣,滿也。 濯濯 域 聞鼉 虡,植木以懸鍾磬,其横者曰栒。 養 逢逢,和也。 如鋸 廱,澤也。 肥肥 禽 鼓之聲,而知矇 潤 **龍**徒河反。 澤貌。 奏公。 ム 魚滿而 也。 者 鼓鍾,於樂音洛 也。 辟廱,天子之學,大 麀, 翯翯, 躍,言多而得其所 有眸子 費扶云反。 賦 樅,業上懸 牝 鼓逢逢,薄 也。 論,倫也。 鹿 瞍 潔 也。 白 方奏其 其 而 鼉, 貌。 善善 無 似 聽 見 鐘 鼓 安 而 日 蜥 磬

樂之詞也 獸之樂也。 章四 句。 靈 東萊吕氏曰 章言文王有鍾鼓之樂也。 四 章, 二章章六 前二章樂文王有臺池鳥 句, 皆述民

嗣服。 維則。 也。 古反。 之信, 來許 言配命,成王之孚。 與天合也。王,武王也。 配 通用也。 武王能長言孝思 之人皆愛戴武王,以爲天子,而所以應之,維以 應,如「丕應徯志」之「應」。 可爲法耳。 下也。若暫合而遽離,暫得而遽失,則不足以成其信矣。 能繼先王之德。 緒,而有天下也。 也。三后,大王、王季、 作「文」, )媚兹 )成王之孚,下土之式。 于京。 京,鎬京也。 而爲四方之法者,以其長言孝思而不忘,是以其孝 ○賦也。 叶蒲北反。○賦也。 言文王 賦也。式、則,皆法也。〇言武王所以能成王者 武 來,後世也。 一人,應侯 其祖 若有時而忘之,則其孝者僞耳,何足法哉 叶居良反。 維 武王實造 周 昭兹,承上句而言。 而長言合於天理,故能成王者之信於天 ,而明哉其嗣先王之事 ○此章美武王能纘大王、王季、文王之 〇王配于京,世德作求。 世 許,猶所也。 文王也。 〇賦 於萬斯年,受天之祜。 有 順 配,對也。謂繼其位以對 周 叶孚尤反。○賦也。 侯,维。 德。 哲王。 也。 也。 媚,愛也。一人,謂武王。 在天,既没 下,義 哲王,通 永言孝思,孝思 永言孝思,昭 服,事也。 繩,繼武迹也。 兹、哉聲相近,古蓋 未詳。 争也。 后 言 而其 在天 大王、王 傾德。 〇言天下 或日字當 言 昭 1武王 三后 神上

侯皆賀。 武王之道昭 有佐。賦也。 )受天之祜 遐、何通。 佐,助也。 明 如此,來 賀,朝賀也。 四 世 方 能繼其 來賀。 蓋曰豈不有助乎云爾 周末秦强,天子致胙,諸 迹,則久荷天禄 於萬 斯 而 不 不

誤也。 只如舊説。且其文體亦與上下篇血脉通貫,非有「成王」字,當爲康王以後之詩。然考尋文意,恐當《下武》六章,章四句。或疑此詩有

築城 遹 其欲 邑,徙都也。 文王受命,有此武功。 而觀其成功耳。文王之德如是,信乎其克君也哉!」 ○此詩言文王遷豐,武王遷鎬之事。 文王之有聲也,甚大乎其有聲也。 求 未詳。 《禮記》作「猶 伊 厥 文王 文王烝哉  $\pm$ 寧, 后 豐,即崇國之地,在今鄠縣 有聲, 疑與「聿」同 烝哉 况域反。 遹 觀 ! 遹 厥 賦也。 作 賦也。 遹 成。 尹橘 ,發語 追 豐 伐崇,事見《皇矣》篇。 來孝。 反。 伊 既伐于崇,作邑于 淢,成 文 幹。 阢 蓋以求天下之安寧. 王烝哉 駿 而首章推本之曰: 駿,大。 《溝也。 音 叶許 杜陵西南。 匪 峻。 棘 六反,或呼 方十里爲 居力反。 有聲。 賦 也 也

學也。 張子曰 哉 ! 五里。 賦也。 之績。 子 者曰衆, 徙居鎬京,講學行禮,而天下自服也。 岐,而文王則遷于豐,至武王又居于鎬。 自 此武王未作鎬京時也。 東注,由禹之功。故四方得以來同於此,而以武王爲君。 也。皇王,有天下之號,指武王也。 是來歸, 胡田反。 追先人之志,而來致其孝耳。 其作邑居,亦稱其城而不侈大,皆非急成己之所 指文王也。 〇王之功所以著明者,以其能築此豐之垣故爾。 維豐之垣。 成閒 南 張子曰 至 賦也。 豐水東北流,徑豐邑之東入渭,而注于河。 `而以文王爲楨幹也。 其地 有 |此始爲天子之學矣。| 無思不服,心服 北 四方攸同,皇王維辟。 王后烝哉 天下不心服而王者,未之有也。」〇此言 清,深廣各八尺。 「靈臺辟廱,文王之學也。 有不能 鎬京,武王所營也,在豐水東,去豐邑二十 言文王營豐邑之城,因舊溝爲限 音袁。 「周家自后稷居邰,公劉居豳,大王邑 思 一容,不得不遷也。」辟廱,説見前 不服。 四方攸同,王 賦也。公,功也。 鎬 匹 京辟 〇王公伊濯,直角反。 叶 豐水東注,維 蒲 辟,君也。 廱,自 鎬京辟廳 棘,急也。 北 ○考ト維 當是時,民之歸 皇王烝哉 反。 后維 濯,著明 西自東 ○言豐水 翰。 欲 而 王 四 王 績,功 築之, 也,特 王之 一方於 **《孟** 心也。 烝 禹 叶

詩卷第十六

哉 ! 反。 賦也。言豐水之傍生物繁茂,武王豈不欲有事於此哉? 子」,則武王之事也。謀及其孫,則子可以無事矣。 言豐水猶有芑,武王豈無所事乎?「詒厥孫謀,以燕翼 也。子,成王也。〇鎬京猶在豐水下流,故取以起興。 其事之言也。]〇豐水有芑,武王豈不仕。 正,決也。成之,作邑居也。張子曰: 武王成之。 宅是鎬 |以欲遺孫謀,以安翼子,故不得而不遷耳。 治厥孫謀,以燕翼子。叶獎里反。 興也。 芑,草名。 仕,事。 京。 武王烝哉 叶 居 良 反。 1 維 龜 賦也。 治,遺。燕,安。翼,敬 正 叶諸 「此舉謚者,追述 考,稽。宅,居。 盈 武王烝 反。 或日 鉏里

有天下,非以力取之也。 無難也。又以見文王之文,非不足於武,而武王之不服」而已。蓋文王既造其始,則武王續而終之,武功稱文王。至於武王,則言「皇王維辟」、「無思武功稱文王。至於武王,則言「皇王維辟」、「無思

言文武者非一,安得爲文武之時所作乎? 蓋念爾祖」,則非武王之詩矣。《大明》、《有聲》并即云「文王在上」,則非文王之詩矣。又曰「無詩,以下爲成王、周公時詩。今案《文王》首句四百一十四句。《鄭譜》此以上爲文武時四百一十四句。《鄭譜》此以上爲文武時四百一十四句。《鄭譜》此以上爲文武時四百十四句。《

述文武之德,故《譜》因此而誤耳。正《雅》皆成王、周公以後之詩,但此什皆爲追

七八

### 詩卷第十七

### 朱熹集傳

### #

生民之什三之二

先媒配也。變媒言禖者,神之也。其禮以玄鳥至之日, 攸介攸止,載震載夙,叶相即反。 生民 用大牢祀之。天子親往,后率九嬪御,乃禮天子所御,帶 也, 祓無子, 求有子也。 古者立郊禖, 蓋祭天於郊, 而以 之世妃。精意以享謂之禋。祀,祀郊禖也。弗之言祓 時,是也。 叶日逼反。 弗無子。 《弓韣,授以弓矢,于郊禖之前也。 履,踐也。 厥初生 如 何 姜嫄,炎帝後,姜姓,有邰氏女,名嫄,爲高辛 叶獎里反。 時維后稷。 ? 民,時 克禋 一音因。 履帝 維姜嫄。 賦也。 武 克祀 民,人也,謂周人也。 敏叶母鄙反。 音原, 叶養里反。 載生載 叶 帝,上帝 魚 倫 反

乎? 也。 迫反。 人也。 於懈反。 苦,是顯其靈異也。 子尤難。今姜嫄首生后稷,如羊子之易,無坼副菑害之 然,猶徒然也。○凡人之生,必坼副菑害其母,而首生之 坼、副,皆裂也。赫,顯也。不寧,寧也。不康,康也。 叶獎里反。○賦也。誕,發語辭。彌,終也,終十月之期 人,何足怪哉!」斯言得之矣。 之生,異於魚鼈。 之氣常多,故其生也或異。麒麟之生,異於犬羊。蛟 氣生之也。」蘇氏亦曰:「凡物之異於常物者,其取天地 之始,固未嘗先有人也,則人固有化而生者矣,蓋天地之 此詩,以推本其始生之祥,明其受命於天,固有以異於常 周人所由以生之始也。 有人道之感。 上帝不寧。 如達。他末反。不坼敕宅反。 先生,首生也。達,小羊也。羊子易生,無留 ○姜嫄出祀郊禖,見大人跡而履其拇,遂歆歆然如 而使我無人道而徒然生是子也。 無菑音災。 然巨迹之説,先儒或頗疑之。而張子曰: 迹。 巷,牛羊腓符非反。字之。誕寘之平 夙,肅也。 敏,拇。 於是即其所大所止之處,而震動有娠,乃 不康禋祀,叶養里反。 物固有然者矣。神人之生而有以異於 上帝豈不寧乎? 生子者,及月 無害。 周公制禮,尊后稷以配天,故作 動 也,猶 叶音曷。 〇誕彌厥月,先生 不副,孚逼反,叶 驚 辰居側 異 豈不康我之禋祀 也。 居然生子。 以赫厥靈 室也。 誕寘之隘 「天地 也 居 平 龍

一七九

叶莫口 食也。 志,蓋其天性然也。《史記》曰: 茂密也。 枝旟揚起也。 反。 手足並行也。 幪,莫孔反。 克岐克嶷 於是始收而養之。 〇無人道而生子,或者以爲不祥,故棄之。 誕后稷之穡,有相息亮反。 叶 覃,長。 腓,芘。字,愛。會,值也。值人伐木而 菽, 荏菽旆旆 會 音 反 訏 蓋六七歲時也。 麻麥美。 伐 唪唪然多實也。○言后稷能食時,已有 久反。 口 厥豐草 實方實苞,叶 平 ,魚極反。 岐、嶷,峻茂之狀。就,向也。 役,列 實穎營井反。 及爲成人,遂好耕農。 實發 瓞 ,叶此苟反。 ,叶去聲 也。 翼覆之,以一翼藉之也 唪 載,滿也。 誕 蓺,樹也。 以就 誕實匍音蒲。 實秀,叶思久反。 唪。 禾役穟穟,音遂。 穟穟,苗美好之貌也。 寘 去 之 蒲苟反。 布孔反。 寒 滿路,言其 實栗,即 棄爲兒時,其遊 種去聲。 荏菽,大豆也。 食。 冰 之道 實種 路 堯舉以爲農 〇賦 蓺之荏 而 匐, 呱 覆 有此異 聲之大也。 上聲。 口食,自 收 之黄茂。 叶徒口反。 舖 實堅 麻麥幪 蒲 呱,啼 叶 敷 也。 過戲好種 種殖 幪幪然 北 去 救 而 匐 反 也 隘 聲 反 能 其

我反。 耳。 祀。 好也。 也。 祀如 巨。 未坼 任,肩任也。 糜,赤粱粟 糜芑,是任音壬。 古鄧反。 其有功於民,封於邰,使即其母家而居之,以主姜嫄 遷,而遂以其地封后稷歟? 實皆栗栗 稷降播種 也。 載。 也。 故周人亦世祀姜嫄焉。 維 供 叶養里反。○賦也。降,降是種於民也。 何 ? ,始也。稷始受國爲祭主,故曰肇祀。 穎,實繁碩 祭 **秠**,爭鄙反。 之秬秠,是穫是畝。 此漬其 蒲末反,叶蒲 ·然不秕· 發也。 」是也。 也。 祀 負,背負也。既成則穫 之也。 謀 也。 賦 或 芑,白粱粟也 音柔。 載 也。 種 也。 而垂 春傷容反。 秀,始穟也。 秬秠,言穫畝; 秬,黑黍也。 也。 惟 昧反。 是負。 末也。 邰,后稷之母 維糜音門。 茂, 釋之叟叟, 取 助 , 甲 嘉 也 〇言后稷之穡如此,故 栗,不秕. 穀 ○誕降嘉種 載燔載烈 坼 堅,其 或 叶 也 恒, 徧也, 謂徧 而 言 揄, 脂 扶委反。 可 盡 而棲之於畝 維芑。 糜芑,言任 家 叶滿 實堅 爲 也。 人 也。 所留 音由。 取 種 房 力 洧 稃二米者 也 既 之助 也。 也 如如 岢 羝 反。 反。 收 音起。 以 其 字 或 種 好,形 都 成,見 任負而 《書》日 或 恒 歸 誕 之也。 禮反。 烝 簸 叶 堯 滅 也。 文 恒 之 力 音 以 或

香。 浮,氣也。 蹂,踩禾取 承上章 以薦大羹也。居,安也。 繼往歲也。 烈,貫之而加 也。羝,牡羊 以來,前後相承 之肇祀,則庶無罪悔而至於今矣。 此章言其尊祖配天之祭。其香始升而上帝已安而饗之。 言應之疾也。 反。 《百年而此心不易,故曰『庶無罪悔,以迄于今』。 言周 ,膟膋也。 亶 悔,叶呼委反。 亶,誠也。 ○賦也。 用心如此也。」 一時,叶上止反。 其香始升,上帝居歆。 而 以 言 謀,卜日擇士也。 興 穀以 后稷之祀也。 也。 於火也。 ) 卬 五郎反。 宗廟之祭,取蕭合膟膋褻之,使臭達牆 嗣 此何但芳臭之薦,信得其時哉一 卬,我也。 時,言得其時 ,競競業業,惟恐 繼之也。 歲。 載,祭 以迄許乙反。 后稷肇祀,叶養里反。 四者皆祭祀之事,所以興來歲 叶音雪,又如字。 木曰豆,以薦菹醢 行道之神 鬼神食氣曰 釋,淅米也。 揄, 抒臼 盛音成。 惟,齊戒具脩也。 也。 曾氏曰: 有罪悔,獲戾於天。 庶,近。 也。燔,傅諸火也 于今。 也 下與「今」叶。 于豆,于豆于 歆。 叟叟,聲也。 0 簸 「自后稷肇 迄,至也。 也。 賦 揚, 胡,何。 也。 上與「歆 蕭,蒿 蓋自后稷 瓦曰 糠 我 臭 登 祀 無 閲 而

頒胙之禮也 一八句。 生民》八章,四 ) 歟? 此詩未詳所用。 舊說第三章八句,第四章十句。 豈郊祀之後亦有受釐 十句, 几

緝

章,皆以十句八句相間爲次。 訏、路, 音韻 今案第三章當爲十 ,每章章之首皆有 呱 句,第四章當爲八句,則去、呱、 聲載 「誕」字。 路, 文勢相 又二章以後,七章以 貫。 而 此

制

之。 爾,則 於客曰獻。 反。 燔 反,叶居訝反。 魚駕反。 初,而慇勤篤厚之意,藹然已見於言語之外矣。 踐履,則 疑此祭畢而燕父兄耆老之詩。 莫,猶「勿」也。 而未拆也。 聚貌,勾萌之時也。 莫遠具爾。 方體 或炙。 或歌 或肆之筵而,或授之几矣。 ,維葉泥泥。 敦徒端反。 御,侍也。 肆 方苞方體 或獻或酢,才洛反。 或号。 筵設席,叶祥勺反。 客答之曰酢 體,成形也。 叶 陟 具,俱. 或肆之筵,或授之几。 醓他感反。 略 有相 ,而葉泥泥 反。 行,道也。 五 也。 乃禮 行 洛 續 嘉 葦, 代 反。 主人又洗爵醻客,客受而奠之 泥 爾,與「邇」同。 反。 而侍者,言不乏使 殽 泥,柔澤貌。 醢 矣。 故言敦彼行葦,而 牛羊 勿,戒止之詞也。 脾 以 戚戚兄弟,待禮反。 賦 此方言其開燕設席 戚戚兄弟,而莫遠 授几有緝 洗爵 薦 婢支反。 也。 勿 叶 踐 設 奠斝。 肆,陳 即 成席,重 戚戚, 履。 略 興 臄, 也 反。 也。 讀者 牛羊 也。 席 苞 方苞 也 也 敦 或 略 叶 之 具 勿 0 甲 酒 詳

也。 孫,主祭者之稱。 庾反,或如字。 燕而射以爲樂也。 中,病不中者也。 辭,所謂 樹,如手就樹之,言貫革而堅正也。 也。《射禮 干純,奇則曰奇, 侮。 反。 音侯。 也。 鍭,金鏃翦 下珍反。 於琴瑟也。 多汁者也。 祺 均,皆中 四鍭。 ,音其。 湯來反。 維 賦也。敦、雕通 三訂之而平者,前 敦 既鈞,舍音捨。 無憮、無敖、 醹 敦弓既句,古候反,叶古侯反。 羽矢也。 ()音雕。 徒擊鼓 ,如主反,或叶奴口反。 也。 「搢三挾 用 四 背 也。 均則日左右均」是也。 肉。 射以中多爲雋,以 鍭 今祭畢而燕,故因 下同。 介景 公日号。 ,叶必墨反。 祈黄耇。 無偝立、無踰言者也。 鈞,參亭 夏 畫 炙用肝。 如 )曾孫 日 多中也。 (一。) 既挾四鍭,則徧釋 也。 樹,叶上主反。 福 醆, 有鐵重也。 ○言侍 矢既 弓既堅,叶吉因反。 也。 維主,如字,或叶當口 天子雕弓。 殷 臄,口 叶 叶果五反,或如字。 日 《投壺 均,序賓以賢。 筆力反。 以引以 謂三分之,一在前,一 御 斝 不侮,敬也。 周 不侮爲德。 酌 獻 而 上 舍,釋也 酬 ₩ E 句、彀通,謂 稱 以 肉 E 飲食 堅,猶「勁 人也。 之也。 或曰: 翼。 大斗 「某賢於某若 既挾子協 歌 賦 引,謂發 歌 醓 樂之盛 〇言 矣。 壽 也 叶 反 叶 厚

> 引導輔翼 祺,吉也。 此類也。 也。 」,「用蘄眉壽,永命多福」,「用蘄眉壽,萬年無疆 大斗, E 台,鮐 ,以享壽祺,介景福 〇此 以 业也。 介眉 頌禱之辭。 尺。 壽 大老則背有鮐文。 祈 云 耳。 求 欲其 也 也。 古器物款 飲此 者 引,導。 而得老壽,又相 人之稱 識 云 翼 用 蘄 以 萬

黄

起興 四句興二句,不成文理,二章又不協 章六句,五章章四句。 而無所興。 皆誤。今正之如 四 章,章八 鄭八章,章四 句。 韻 句。 毛七章,二章 毛首 章 以 章

意。 王也。 也。 也。 令終有俶,尺六反。 郎 享其飲食恩意之厚,而願其受福如此也。 爾 而尸但曰公尸。蓋因其舊。 反。 景 令終令命」是也。 昭明,猶光大也。 令終,善終也。《洪範》所謂「考終命」、 融,明之盛 爾 福 既 〇賦 爾 殺既將。 ,亦指王也。 醉 也。 叶筆力反。 以 也。 酒 殽,俎實也。 既既 《春秋傳》曰 俶,始 君子萬 ○此父兄所以答《行葦》之詩。 公尸嘉 〇昭 ○賦也。 飽 也。 以德。 如秦已稱皇帝 將,行 明 年, 公尸 「明而 告。 有 德 介爾昭 融, 也。 , 君尸也。 ,恩惠也。 未融 叶姑沃反。 子萬 亦奉持 ,而其男女猶 朗令終。 明。 既 君子, 周 年, 物銘 而 稱 叶 0 進 Ξ. 賦 所 明 > 謨

何反。 胤。 也。 子孫之事。 孫者,先當使爾被天禄,而爲天命之所附屬。下章乃言 年,景命有僕。賦也。僕,附也。 也。 苦本反,叶苦俊反。 可謂源源不竭矣。」( 以善矣。東萊吕氏曰:「君子既孝,而嗣子又孝,其孝 宜,又有孝子以舉奠。孝子之孝誠而不竭,則宜永錫爾 終,有嗣舉奠。 終篇,皆述尸告之辭。 嘉矣,而朋友相攝佐者,又皆有威儀,當神意也。自此至 茨》篇。 其終者必善其 稱公子公主也。 子有孝子。叶奬里反。孝子不匱,求位反。 以此告之。 爾 其胤維何? 祚,福 羊刃反。 鉏里反 類。賦也。孝子,主人之嗣子也。《儀禮》祭祀之 嘉 朋友攸攝,攝以威儀。 攝,檢也。○公尸告以汝之祭祀,籩豆之薦既静 ,清潔而美也。 禄 也。 始。 賦也。壺,宫中之巷也。 匱,竭。 其告維何? ) 其 僕 釐爾女士,從以孫子。 叶獎里反。 胤,子孫也。 告,以 今固未終也, 天被皮寄反。 君子萬年,永錫祚才故反。 維 其類維何? 類,善也。〇言汝之威儀既 ○威儀孔時,叶上止反。 朋友,指賓客助祭者。 善言告之,謂嘏辭 何? 錫之以善, 而既有其始矣,於是 釐 力之反。 爾禄。 **籩**豆静嘉。 叶牛何反。 ○言將使爾有子 言深遠而嚴 室家之壼。 也。 莫大於此 君子 説見《楚 0 叶 得其 欲 肅 居

爲之妃也。從,隨也。謂又生賢子孫也。○賦也。釐,予也。女士,女之有士行者。謂生淑媛,

使

《既醉》八章,章四句

汝反。 寧。 公尸來止 之宗,廟也。 來崇。興也。深,水會也。「來宗」之宗,尊也。 于宗,福禄攸降。 後五反。○興也。渚,水中高地也。 飲、福禄來爲。叶吾禾反。 反。 鳧鷖在沙,叶桑何反。 公尸來燕來宜 燕來寧矣。酒清殽馨,則公尸燕飲,而福 之明日,繹而賓尸之樂。故言鳧鷖則在涇矣,公尸則來 禄來成。 )鳧鷖在渚,公尸來燕來 鳧醫在深,在公反。 爾,自歌工 爾酒既多,爾殽既嘉。 **鳧音扶**。 爾酒既 爾殺伊 興也。 一熏熏。 崇,積而高大也。 一而指、 清, 鷖 晡。 於雞 鳧,水鳥如鴨者。 主人也。 爾殺既馨。 叶眉貧反 叶乎攻反。 公尸燕 反。 公尸 在 馨,香之遠聞 處。 涇 來燕來宗。 飲,福禄來下。 0 叶居何反。 公尸燕飲,福 旨酒欣欣,燔炙 鳧鷖在亹 计公尸 興 公尸 湑,酒之游者 鷖,鷗也。 也。爲,猶助 爾 禄來成矣。 酒既湑,息 也。 燕飲, 來 一。 叶牛何 〇此 一,音門。 「于宗 涇,水 燕 也 也 燕 來 北 叶

八四

也。欣欣,樂也。芬芬,香也。銀反。○興也。亹,水流峽中,兩岸如門也。熏熏,和説芬芬。叶豐匀反。公尸 燕飲,無有後艱。叶居

## "鳧鷖"五章,章六句

聲譽之美,又能無私怨惡以任衆賢,是以能受無疆之福 路反。 受禄于天。叶鐵因反。 音洛。 政刑也。○言王者干禄而得百福,故其子孫之蕃至於千 保之右之命之,而又申重之也。疑此即公尸之所以答 民人而受天禄矣。而天之於王,猶反覆眷顧之不厭,既 民,庶民也。 之,自天申之。 舊章。賦也。穆穆,敬也。 王,天子也。愆,過。率,循也。舊章,先王之禮樂 適爲天子,庶爲諸侯,無不穆穆皇皇,以遵先王之法 抑抑,密也。 ○威儀抑抑,德音秩秩。 穆穆皇皇,宜君宜王。 假《中庸》、《春秋傳》皆作「嘉」,今當作「嘉」。 君子,叶音則。 率由羣匹。 人,在位者也。 〇干禄百福,叶筆力反。 秩秩,有常也。 賦也。嘉,美也。 受福無疆, 顯顯令德。 保右音又。 申,重也。〇言王之德既 匹,類也。 皇皇,美也。君,諸侯 不愆不忘,率 四方之綱。 無怨無 君子,指王 宜民宜 命叶彌并反。 ○言有威 子孫千 也

> 臯陶賡歌之意也。 以終於「不解於位,民之攸壓」也。方嘉之又規之者,蓋 下交而爲泰之時也。 民所安息也。東萊吕氏曰: 之以安,則百辟卿士,媚而愛之。維欲其不解于位 也。 攸塈。許既反。 于天子。 爲 勞矣,上勞則下逸矣。不解于位,乃民之所由休息也 無惡,不爲人所怨惡也。 四方之綱。 解,惰。 叶羽已反。 叶獎里反。 《假樂》四章,章六句。 壓,息也。 此與下章,皆稱願其子孫之辭也。 民之勞逸在下,而樞機在上。 ○賦也。 百辟卿 泰之時,所憂者怠荒而已,此 ○言人君能綱紀四方,而臣 不解佳賣反。 燕,安也。 士, 鉏里反。 〇之綱之紀,燕及朋 君燕其臣,臣媚其君,此上 朋友,亦謂諸臣 于位,民 媚眉備反。 上逸則 ,而爲 詩 下 日 無

鉞。 安。康,寧也。場、疆,田 也。篤,厚 斯張,干戈戚揚,爰方啓行。 洛反。于囊,乃郎反。 積廼倉,廼裹音果。 方,始也。 篤公劉? 也。 無底日 公劉,后稷之曾孫也。 ○舊説召康公以成王將涖政,當戒以民 匪居匪康,廼場音易。 橐,有 餱音侯。 思輯 底 畔 日 也。 囊。 音集。 積, 糧,音良。 輯,和。 露 事見《豳風》。 叶户郎反。○ 用光。 積 也。 廼疆 于橐他 弓矢 居 食 硒 鯎

鞘也。 在巘, 在 封内也。 弓矢斧鉞 于 必孔反。 之遥反。 紛乾反。 叶上與反。 廼 土以居,而 如言容臭,謂鞞琫之中容此刀耳。 繁,謂居之者衆也。 師,衆也。 永歎,得其所,不思 「以如是之佩服 其餱糧 西戎不敢寧 時 陟南岡 詠 起 語 ○篤公劉 琫,刀上飾 公劉 魚輦反,叶 室 於 之備,爰始啟 容刀。 之? 既 思 語 ○篤 帶此 也。 京師 此 于時處 ,乃覯于京。 之事 順 以 輯 心公劉 廬 其 ,而親如是之勞苦,斯其所以爲厚 劒佩,以 高 廼宣 賦 治 也。 和其 以 維 後 一,逝彼百泉,瞻彼 魚軒反。 也。 叶徒招 舊 寄 F 告之 順,安。 其 世 玉及瑶 也 也。 處, 而 容刀,容飾之刀也。 ,于胥斯原。 前 行,而 民 田 溥,大。 因 衆居 上下於山原也。 人, 日: 巘, 疇 以 反。 旅 于時 復降在 無永歎。 所都 宣, 徧也, 言居之徧 遷都 也。 叶居良反。 而 實 山頂也。 賓 一,音遥 〇賦 光 其 覯, 厚 旅 爲 廬旅,于時言言 於 顯 倉 哉 董 也。 ○言公劉 京 見 也。 公劉 氏 嫲 其 廩 原。 師 也。 國 日 舟,帶也。 焉。 既庶既繁, 他安反。 直言曰言, (溥音普) 胥,相 也。 東 之於民 京師 富 或曰: ·必頂 京, 萊昌 蓋 「所 何以 至豳 Ħ. 亦 然 高丘 也。 反 之野 不出 謂 也。 後 於 氏 也 舟 容刀 以 京 民 日 欲 刀 也 也 庶 則 痈 相 無 叶 其 其

景以 定經制 三單。 景 爲主也。 依 交反。 寒暖之宜 以質也。 威儀貌。 乃造 廣  $\blacksquare$ 以 蓋 臣,而又爲之君爲之宗焉。 就用之字爲韻。 是廬其賓,於是言其所言,於是語其所語,無不于斯 E 誘其遺民,即其事也。」〇篤 原 語。 古者建國立 ,依几也。 爲 濟 廼 篤公劉,于京斯 廣 正四 也, 自上觀之, 糧 岡 七到反。 ,子禮反。 食音嗣。 以 方也。 音丹,叶多涓 宗,尊也,主也。嫡子孫主祭祀,而 言其 也 ,相息亮反。 俾,使也,使 此 整屬其民。 章言 此章言宫 度同上。 曹,羣牧之處也。 流 宗, 芟荑墾辟, 岡,登 其曹,執豕于牢,酌之用 泉,水 [營度 則 ○賦也。依,安也。 其事 俾筵俾几,既 陟 之飲於鴆反。 邑 南 室 泉灌 高以 反。 其 人爲之設筵 相 依。 上則皆 岡 居 其陰陽,觀其 既成而落之,既以 土 須。 (夕陽) 也。 而 望也 溉之利也。 地 東萊吕氏曰: 度待洛反。 覯 叶於豈反。 楚執 既 公劉,既 統於君,下 以豕爲殽 于 自 京。 廣 下觀之,則 豳 相 而 戎蠻子 几 之,君之宗之。 登乃依。 蹌蹌濟濟,羣臣 視 且 居 于是爲之居 也。 三單,未詳 長也。 允荒。 也。 其隰 用用 蹌蹌 流泉 溥 -則各統 而 登, 飲食勞其 族人尊之以 往 既饗 匏爲 既 致邑立 百 景,考日 登筵 匏 長, 七羊反。 泉 於宗。 燕, 同 賦 而 也 也 宗 上 軍 步 īfij 羣 有 望

有夾澗者,有溯澗 既止基於此矣,乃疆 也。 定居之時,涉渭取材而爲舟以來往,取厲取鍜而成宫室。 于豳 | 衲|。 横渡者也。 鞫居六反。 其皇澗,遡其過古禾反。澗。 此言辨土宜以授所徙之民,定其軍賦與其税法,又度山 公蓋因 通力而作,收則計畝而分也。 通 丁亂反。 西之田以 而居之,而豳地日以廣矣! 也。 芮,水名,出吴山 衆,人多也。 斯 鞫,水外也。〇此章又總叙其始終。 而脩之耳。 一井之田九百畝,八 館。 廣之,而豳 止基廼理,爰衆爰有。 之即。 厲,砥。 叶古玩反。 者。 有,財足也。 山西曰夕陽。 鍜,鐵。止,居。 理 人之居於此益大矣。 賦也。 其止居之衆日以益 西北,東人涇。《周禮·職 其田 涉渭爲亂,取厲 田野,則 家皆私百畝,同養公田 館,客舍也。 周之徹法自此始。 遡,鄉也。皇、過,二 允,信。 日益繁庶富足。 基,定也。 止旅廼密,芮 叶羽已反。 荒,大 ○篤公劉, 亂,舟之截流 密,乃復即芮 言其始來未 理,疆 取 也。 方》 其居 鍛。 八後周 夾 澗 作 理 則

《公劉》六章,章十句。

弟君子,民之父母。 可 音 餴 逈。 甫云 酌彼行潦,音老。 反。 饎。 叶滿彼反。 尺 志 反,叶 挹音揖。 0 昌 興 也。 里 一反。 泂,遠 注

> 母。」〇 饎。 成王。 也。 音雷。 티 : 以 也。 以濯溉。 也。濯,滌也。 强教之,弟以悦安之。 况豈弟之君子,豈不爲民之父母乎? 傳 饎 行 許既反。○興也。 「民之所好,好之,民之所惡,惡之,此之謂民之父 言遠酌彼行潦,挹之於彼,而注之於此,尚 河酒食 潦,流 豈弟君子,民之攸 泂酌彼行潦,挹彼注兹,可以 古愛反,叶古氣反。 也。 潦 也。 君子,指 泂 餴, 酌 烝 溉,亦滌也。塈,息也。 民皆有父之尊,有母之親。」又 彼行潦,挹彼注兹 王 米一 也。 熟,而以水沃之,乃 豈弟君子,民之攸 歸。 舊説以 叶古回反。 爲召康 日 : 可 〇興 以 再 可 戒 豈

《泂酌》三章,章五句。

**酋**在由反。 爾 以發端也。 游,歌於卷阿之上,因王之歌而作此以爲戒。 也。矢,陳也。 其 尼心反。 休矣。 有卷音權。 賦也。 豈弟 () 伴音判。 豈弟君子,俾爾 〇此詩 卷,曲也。阿,大陵也。 君子,來游來歌 賦也。 者阿, 舊説亦召康公作。 **奂**音唤。 伴奂,優游閑暇之意。 與歌叶。 彌 り與阿 爾 爾游矣,優 飄 豈弟君子,指 性,似先公 風 疑公從成 叶。 自 此章總 南。 以 矢 叙 王 王

明也。 爲則。 也。 君善始而 子,皆指 之間者矣。」〇言得 翼,有孝有德,以引以翼。 豈弟君子,俾爾彌 宇昄章既甚厚矣,又使爾終其身常爲天地山川鬼神之主 口、下主二反。 由 言爾既伴奂優游 以爲則矣。 端、涵養德性、 德,何也? 左右也。 茀、嘏,皆福也。常,常享之也。 百神爾主叶當口、腫庾二反。 也。 能事親者。 無方反。 廣王 或曰: 爾受命長矣,弗芳弗反。 Ŧ 賦也。 東萊吕氏曰: 也。 爾 心而歆動之。 蓋人主常與慈祥篤實之人處 豈弟 印 德,謂 土宇昄符版反。 此章以 鎮 也。 昄當作「版」,版章,猶版圖 馮,謂可爲依者。 矣。 矣,又呼而告之,言使爾終其壽命,似 其 君子,四方爲綱。 如 終 賢 躁 自此 得於己者。 **非** 也。 下,乃言所以 以 而 豈弟 爾 自 消 「賢者之行非 至第四 如 五章以後,乃告以所以 性,猶 其 性,純嘏爾常矣。 八邪,日 君子,俾爾 如 此,則 引,導 章,皆 令聞 翼,謂可爲輔 ○有馮符冰反。 矣。 豈弟君子,四 致上 改月化, 其德 其 也。 極 亦孔之厚叶 章 端,必 音 賦 ,其所以興 前 禄爾 言壽 也。 賦 也。 日脩 問 酋 福禄之由 也 有 也 彌 老 不 日 〇言爾土 終 康矣。 昄章, 者。 爾 在 有 致 而 也 顒 賦 人,相 言 起 孝 此 顒 也 有 方 有 大 其

興也。 高 子,猶曰「王于出征,以佐天子」云爾。 鳳凰于飛 故以爲喻」,理或然也。 其 此 印 不棲,非竹實不食。 又以興下章之事也。 翽 士,則維王之所使,而皆媚於天子矣。 曰鳳,雌曰凰。 維君子使,媚於天 威 君子之馬,既閑 王多吉人,維君子命,叶彌并反。 階階矣。 翽 而 出 羽 遂歌。 凰鳴之和 其 四方以爲綱矣。 嚴 媚于庶人,順愛于民也。 望 七西反。 也。 亦集爰 羽 梧桐生矣,于彼朝陽。 則 也。 君子之車 翩翩其羽,而集於其所 如 亦傅 賦 翽翽,羽聲也。 圭 也。 也。 如 止 鑑鑑 承 菶菶萋萋,梧桐生之盛也。 且馳。 音附。 璋,純 山之東日 上章,言得馮翼孝德 馬, 承上章之興也。 子。 藹藹,衆多也。 藹藹 君 喈 則 鳳 潔 于天。 既衆多 喈 子之車,既 凰 也。 興 朝 鄭氏以爲 王多吉士 唐何反。 也。 陽。 〇鳳凰鳴矣,于彼 于飛,翽 令聞 叶居奚反。 而 止矣。 叶 鳳凰,靈 既曰君子,又曰天 閉習矣。 媚,順 奉奉萋萋 鐵因反。 凰之性,非 奉奉布孔 矢詩 媚 「因時 鳳凰 譽 之助,則 藹藹王多吉 謝呼會 庶 于庶人。 也。 愛也 鳥 〇比 鉏里 于飛 鳳 其 且 雝 也。 凰 則 意 梧 也 反 藹 反。 雝 桐

繼王之聲而遂歌之,猶《書》所謂「賡載歌」也。曰: 是亦足以待天下之賢者,而不厭其多矣。遂歌,蓋

《卷阿》十章,六章章五句,四章

章六句。

勞止, 寇 無縱 命也。 師也。 名虎,康公之後。 而寇虐無畏之人止。然後柔遠能邇,而王室定矣。」穆公 其權,以爲寇虐,則爲之。 刺王而發。 刺厲王之詩。以今考之,乃同列相戒之辭耳,未必專爲 是非而妄隨人也。謹,斂束之意。 良。 或 「人未有無故而妄從人者,維無良之人,將悦其君,而竊 柔遠能邇,以定我王。 虐,無俾民憂。 逑,聚也。 以綏四方。 詭 式遏寇虐,僭七感反。 四方,諸夏也。京師,諸夏之根本也。 民亦勞止,汔許乙反。 柔,安也。 汔可小 隨 然其憂時感事之意,亦可見矣。蘇 ,以謹惽怓。 惛怓,猶讙譁也。 厲王名胡,成王七世孫也。 能,順習也。 無縱詭居毀反。 無棄爾勞,以爲王休。 惠 故無縱詭隨,則無良之人肅, 女交反,叶尼猶反。 此 賦也。汔,幾 ○《序》説以此爲召穆公 中 勞,猶「功」也。 言無棄 不畏明。 可小 悸,曾也。 國, 康。 隨,以 也。 詭隨 明,天之明 叶謨郎 惠 民 中 式遏 此 -國,京 謹 不顧 日: 反 中 無

> 得反。 息。 意。 中國 **汔可小惕**。 於女。蓋託爲王意以相戒也 綣,小人之固結其君者也。正反,反於正也。 諫。《春秋傳》、《荀子》書並作「簡」,音簡。 式遏寇虐,無俾正反。 不可不謹 正道敗壞也。 叶特計反。 舞俾正敗。 以世反。 無窮極之人也。 **詭隨,以謹罔** 爾之前 言王欲以女爲玉而寶愛之,故我用王之意,大諫 惠此京師,以綏四國。 敬慎 功 或 也。 也。 無縱詭隨,以謹 無 ○賦也。 威 休, 戎,汝也。言汝雖小子,而其所爲甚廣大, 叶蒲寐反。 有 〇民 起例反。 有德,有德之人也。 極。 (儀,以近有德。 殘。 美 惕,息。 也。 亦勞止, 汔可 式遏寇虐,無俾作慝。 無縱詭 惠此中國, 戎雖小子,而式弘大。 泄,去。厲,惡也。 民 王欲玉女,是用大 一醜厲。 亦 隨,以謹 叶于逼反。 勞止, 汔 賦也。 ,小安。 民 式遏寇虐, 俾民憂泄。 ○賦也。 亦 玉,寶愛之 罔極,爲惡 一繾 総。 可 Œ 無 1 敗 縱 吐

> > 672

《民勞》五章,章十句。

然,爲猶不遠。靡聖管管,不實於亶。猶上帝板板,下民卒癉。當簡反。出話不

定也。 反。 誠信。 如謡 心以爲無復聖人,但恣巳妄行,而無所依據,又不實之於 民盡病矣。 篇相類,但責之益深切耳。 之未遠, 受言之貌。 謀,聽我 無不定也。 非先王之道者,猶沓沓也。」輯,和。 蓋弛緩之意。《孟子》曰: 矣。賦也。憲憲,欣欣也。 矣,民之治矣。辭之懌叶弋灼反。 無 帝板板」者,無所歸咎之辭也。 春秋傳》 然泄 〇《序》以此爲凡伯刺厲王之詩。 ,古之賢人也。 叶思邀反。 無然憲 豈其謀之未遠而然乎? 辭輯而懌,則言必以先王之道矣,所以民無不合 0 Ĕ: 泄。 是用 囂囂。 服,事 鯎 而女之出言,皆不合理,爲謀又不久遠 癉,病 也。 憲。 我 以世反。 同官爲僚。」 大 先民有言,詢 也。 難異事 異事,不同 芻蕘,采薪者。 許驕反。 叶虚言反。 猶,謀 諫。 猶曰我所言者,乃今之急事也 此章首言天反其常道,而 也。 叶音簡。 辭之輯音集,叶祖 「事君無義,進退無禮 蹶,動也。 ,及爾同僚。 一即,就 職 我 世亂乃人所爲,而曰「上 管管 〇天之方 也 天之方蹶,俱衛反。 言 也。 古人尚詢及芻蕘,況 于劉初俱反。 治,合。 同 無 維 0 今考其意 泄泄,猶沓沓也 僚,同爲王臣也 囂囂,自得不肯 所 賦 服 矣,民之莫 也。 依 難 懌,悦。 也 板 一合反。 即 板, 言則 泥涓 與 而 使 其 前 反

稱。 資 西反。 於人,不以大言夸之,則以諛言毗之也。 載 其僚友乎 辟 無 反。 毋得夸毗,使威儀迷亂,而善人不得有所爲也。 飲食而已者也。 叶霜夷反。○賦也。懠,怒。夸,大。 喪息浪反。 則如火之盛,不可復救矣。」〇天之方情,音齊,叶 之,少者不信而驕之。 報反,叶毛博反。 老夫灌 亡,而卒無能惠我師 方愁苦呻吟,而莫敢揆度其所以然者,是以至於散亂滅 憂爲戲也。 熾盛也。○蘇氏曰:「老者知其不可,而盡其款誠以告 ,與「咨」同,嗟歎聲 P , 匹亦反。下同。 曰益,牖 灌灌,款款也。 0 無爲夸苦花反。 篪,音池。 可 民之方殿屎,許伊反。 灌 ! 夫憂未至而救之。 救 亂蔑 ,小子蹻 民孔易。 藥。 殿屎,呻吟也。 天之方 者也。 資,叶箋西反。 蹻蹻,驕貌。 賦也。 用 如 也。 無自立辟。 故曰: 蹻 璋 憂 以豉反,叶夷益 惠,順。 虐,無然 毗。 謔。 如 謔,戲 其畧反。 天之牖 猶可爲 非我老耄而妄言,乃汝以 圭 葵,揆也。 耄,老而昏也。 一<del>,</del> 如 断悔也。 多將 威儀卒迷, 師,衆也。 賦 毗,附也。小人之 曾 也。 謔 則莫我敢 也。 取 匪我言耄 民 熇熇,叶許各 莫惠 反。 老夫,詩 則不言不爲 苟俟其益多、 如 蔑,猶滅也 牖 如 〇戒小人 攜 民 開 我 虚 **燻**許元 又言民 之多 熇 明也 虐 人自 師 反。 箋

渝,用朱反。 反。 其有日監在兹者乎! 及爾游衍。 及爾出王。 反。 此,以明上之化下,其易亦然。 蹶也,虐也,懠也,其怒而變也,甚矣,而不之敬也,亦知 言天之聰明,無所不及,不可以不敬也。 通。言出而有所往也。旦,亦明也。 者至矣。 之而城壞,城壞則藩垣屏翰皆壞而獨居,獨居而所可畏 安,而德其本也。有德則得是五者之助,不然則親戚叛 翰,幹也。宗子,同姓也。〇言是六者,皆君之所恃以 大邦,强國也。 罪、胡威二反。 自立邪辟以道之邪? 而無所費,皆言易也。 言天啓其心 而 价,大也。大德之人也。藩,籬。師,衆。垣,牆也。 懷德維寧,宗子維城。 大師維垣,大邦維屏,大宗維翰,叶 無不在也。『禮儀三百,威儀三千』,無 「昊天曰明,及爾出王。 敬天之怒,無敢戲豫。 無敢馳驅。 也。 音往,叶如字。 無獨斯畏。叶紆會、於非二反。 叶怡戰反。 屏,樹也,所以爲蔽也。大宗,强族也。 壎 唱而篪和 辟,邪也。 張子曰: ○价音介。 ○賦也。 昊天 曰明,叶謨郎反。 今民既多邪辟矣,豈 昊天曰旦,及爾游衍」,無 昊天日日,叶得絹反。 ,璋判而圭合, 〇言天之開民其易如 「天體物而不遺,猶仁 無俾城壞,叶胡 人維藩,叶分遭 衍,寬縱之意。○ 渝,變也。王、往 板板也,難也 敬天之 取 事而非 求 〇賦 · 胡 攜  $\mathbf{H}$ 

物之不

詩卷第十七

體 四百三十三句。 也。」 《板》八章,章八句。 《生民》之什十篇,六十一章,

#### 詩卷第十八

朱熹集傳

#### 蕩之什三之三

君也。 信也。 終。 地之中以生,所謂 始爲怨天之辭,而卒自解之如此。劉康公曰: 是以致此大亂,使天命亦罔克終,如疾威而多 信者。蓋其降命之初,無有不善,而人少能以善道自終, 上帝,其命乃多邪僻者,何哉? 帝 ,其命多辟。匹亦反。 市林反,或叶市隆反。 叶諸深反,或如字。○賦也。 蕩蕩上帝,下民之辟。必亦反。 〇言此蕩蕩之上帝,乃下民之君也。 疾威,猶暴虐也。 命也。 多辟,多邪僻也。 能者養之以福,不能者敗以取 靡不 天生烝 蓋天生衆民其命有不可 蕩蕩,廣大貌。 有初,鮮克 民,其命 今此暴虐之 烝,衆。 疾威 「民受天 僻也。蓋 諶。 辟 有 匪

> 爲德。 慆,慢。 白交反。 反。 之也,乃汝興起此人而力爲之耳。 〇文王曰咨,咨 德不明,以無陪蒲回反。 怨謗之無極也。 使用流言以應對,則是爲寇盜攘竊而反居内矣,是以致 祝,怨謗也。〇言汝當用善類,而反任此暴虐多怨之人, 也。流言,浮浪不根之言也。侯,維也。作,讀爲詛。 言以對,寇攘式内。 女殷商。 飲之臣在位用事,乃天降慆慢之德而害民,然非其自爲 亡,故爲此詩,託於文王所以嗟嘆殷紂者。言此暴虐聚 也。强禦,暴虐之臣也。掊克,聚歛之臣也。服,事也。 是力。賦也。此設爲文王之言也。咨,嗟也。殷商,紂 曾是彊禦,曾是掊蒲侯反。克,曾是在位 禍。」此之謂也。 在服。叶蒲北反。 靡届 興,起也。力,如力行之力。○詩人知厲王之將 **烋**火交反。 不明爾德,時無背布內反。 靡究。賦也。而,亦女也。義,善。懟,怨 而秉義類,彊禦多懟,直類反。 ○文王曰咨,咨女音汝。 ○文王曰咨,咨女殷商。 于中國,叶于逼反。 天降慆他刀反。德,女興 侯作側慮反。 無 卿。 賦 侯祝,周救 也。 無側。 歛怨以 炰烋,氣 殷 女炰 商 流 詛

「朱熹集傳」,原無,據全書例補

九

九二

也。 人與 傾。 小大近 商。 既 帝爲此不善 天 健 叶上止反。 覃,延也。 從是用也。 變色也。 火故反。 稱其官, 郎反。 ,是以大命 **您爾** 不 、圖先王舊政 尚有 蜩、螗、皆蟬 賦 ○文王曰咨,咨女殷商。 湎 如 歛 也。 側 於喪亡矣,尚且 如無 喪,息 止, 蜩 式,用也。 面善反。 内 俾晝作夜。 鬼方,遠夷之國 典刑。 之時,但 止,容止也。 以 傾覆 老成人,舊臣 奰 如 人也。 靡明 爲 螗, 皮器反。 公,然 也。 浪 陪, 德 用 爾以 而 反,叶平聲。1 貮 言天不使爾沈湎 典 以殷不用 靡 曾 音唐。 多 如蟬 不可 刑 也。 舊。 爲 是莫聽, 晦,叶呼 由 文王 尚 叶羊茹 酒 也。 鳴, 可 救 也。 于中國 此 言前後左右公卿之臣 在 ) 文王 怨之事, 叶 如沸 也 舊,致 而行,不 如沸羹,皆亂 典刑,舊法也。 可 巨己反。 言自 日 反。 義從式。 洧 以 人尚乎 如羹。 答, 湯經反。 小此禍 反。 循 近及遠,無不怨怒 曰 咨, 於酒, 文王 匪 0 而 覃及 知 守。 )賦也 反 式 爾。 變 上帝不時, 雖 自 乃 也。 意也。 而 女殷 曰 鬼 由 號 叶式吏反 叶盧當反。 以 答女 無聽 〇言非 惟 大 雖 方。 咨 湎,飲 爲 式 不義 無 命 德 用 老 呼 殷 也 成 > 成 者 賦 叶 是 酒

> 典刑未廢,諸侯未畔 世。 女殷 於天,莫可救止 絶,然後此 反。枝葉未 言大木揭然將 木根蹶起之貌。 蒲末反,叶方吠、筆烈二反。 然周鑒之在殷,亦可知矣。」 叶 商 始 木乃 制、私列二反。 有害, 相 ,正猶此爾。 亦 撥, 蹶,枝葉未有折 隨 有 · 四 猶「絶」 而 頭拔 言 許易、瑕憩二反。 夷 水未起, 也。 ○賦也。 爾。 顛 殷鑒在夏,蓋爲文王歎紂之 殷 沛 而其君 鑒 鑒,視 蘇 傷,而其 氏日 不遠,在夏后之 顛沛 也。 先爲 根本之實已先 ,仆拔也。 本實先 紀竭、 夏后,桀 不義以自 商周之衰 去 例二 也 揭 絶

蕩》八章,章八句。

繩直則 角也。 故古之賢者道行 哲 衛武 人之愚 不 德之隅。 鄭氏 愚 外有廉隅也。」哲 公作此 抑 E : 威 庶人之 亦維斯 詩, 則有哲 儀, 心平,可 「人密審於威儀者,是其 人日誦 維 人之德者 愚, 戾。 知。 外占而. 德之隅。 庶, 於其側 亦 賦 職 也。 知内,如宫室 衆。 固必有哲人之威 維 以 抑 職,主。 人亦 自警。 疾 抑 德 密 有 必嚴 叶 立之制 也。 言抑 戾,反 集二反。 隅 正 抑 廉 也 有

<sup>「</sup>叶」,原作「呼」,據元本、吉本改。

之所爲 從之。 辰告, 行之道 後凡言「女」,言「爾」,言「小子」者放此。 反。 而愚 樂之從也。 可以爲天下法也。 故能盡人道,則四方皆以爲訓。 謂不爲一時之計,而爲長久之規也。 大。謨,謀也。大謀,謂不爲一身之謀,而有天下之慮 儀,維民之則。 今之所謂 衆人之愚,蓋有稟賦 政。 酒。 定,審定不改 ,則反戾其常矣。 明 如 謨定命,遠猶 謂以時播告也。則 有覺 厥紹。 也。 故必大其謀,定其命,遠 刑。叶胡光反。○賦也。 彼 叶音 叶子小反。 共,執 泉 紹,謂所承之緒也。 興 哲者,未嘗有 ·德行,下孟 八,尚 征。 流 市沼 也。 易 顛 無 刑 賦也。 也。 反。 女、武公使 其在于今,叶音經。 淪胥 之偏,宜有是疾,不足爲怪。 法也。 女音汝。 辰 法也。 厥德 命,號令也。 其 反。 罔 告。 無 競,强 威 敷 競維人,四 儀, 四國 心,荒湛 圖時告,敬其威儀 叶 敷求先王,廣求先王所 有覺德行,則四 ○言天地之性人爲貴 求先王,克共 雖 人誦詩而 )肆皇天弗尚 也。 則是 古得 今武公自言己今日 湛 辰,時。告,戒也。 順之。 猶,圖也。 覺,直大也。 訏, 夙興夜寐 無 樂 都 湛樂從,言 反。 哲 南反。 命己之辭 音 而 一方其訓 1洛。 敬慎 興 不 四國皆順 迷亂 下同。 遠謀 叶平 愚 况于 從, 九勇 然後 也 威

磨也。 方之遠 戎,兵。 也。 埽 羽已反。 舌言,不可逝叶音折 言,無曰 此 平,言語一失,莫能救之,其戒深切矣。故南容一日 意外之患矣,又當謹其言語。蓋玉之玷缺,尚可 話,言。柔,安。嘉,善。 也。 不柔嘉。叶居何反。 叶元具反。 此見矣。 周,備無不飭也。 相與而亡,如泉流之易乎? 市又反。 章,而孔子以其兄之子妻之。 晡亡反。 靡不 廷内, 質,成也,定也。 弗尚,厭棄之也。 ~,細 作,起。 承。 斯言之玷,不可爲叶吾 庶 ○質爾人民, 謹爾 而寢興洒埽之常,大而車馬戎兵之變,慮 苟矣。此二句不用韻 維民之章。 用戒戎作,用遏 慎爾出話,敬爾威儀,叶牛何反 無德不報。 民 遏,遠也。 賦 小子。 上章所謂「訏謨定命,遠猶辰告」者 也。 侯度,諸侯所守之法度也。 淪,陷。 易, 與舌叶。 玷,缺也。○言既治民守法,防 白圭之玷,丁簟反。 叶獎履反。 輕。 脩 叶蒲救反。 〇言天所不尚,則 是以内自庭除之近 爾 胥,相。 捫,持。 車 侯度,用戒不虞。 他歷反。 矣。 無 馬 子孫 莫捫 易以豉反。 弓 1 禾反。 惠于朋友 章,表。 逝,去。讎,答。 無言不 蠻 音門。 繩 矢 無乃淪 外 方。 也。 戎 虞,慮。 戒 備。 無不 及 於於 無 使 舖 口 陷

民

集 傳

九四

所不睹 之極功 信。」又 堅反。 效也。 故言語 射 非 測。 尚, 叶剛鶴反。 之理,無有言 承 至 居於室之時,亦當庶幾不愧于屋漏, 過 叶弋灼反。 媿于屋漏 友,庶民小子,則子孫 而不敬 乎? 一於是 李 :顯明之處而莫予見也。 和柔爾之顔色,其戒懼之意,常若自 矧, 況 幾也。 也。 有不 日 不 由 臧 蓋常人之情,其脩於顯者,無不如此 4 而 乎! 九也。 -何反。 聞 視爾友君子,輯 俾 武公及之,則 思。賦也。 思,不可度待洛反。 也。 「夫微之顯、誠 可得而 而不讎,無有 言 屋漏,室西北 . , 嘉 有 此 致 射、斁 不 無日 子思子 愆。 1言不但 可 差 不僭 叶 :測者。 失,常當執 輕 居何 不顯 繩 易其 通 不 相 繩 į. 厭 亦聖賢之徒矣。 輯,和也。 脩之於外,又當 當知鬼神之妙,無 德 而 賊 反。 不顯亦臨 之不可揜如 言 息亮反。 隅也。 也。 ,莫予云覯。 萬民 而不報者 鮮 ,蓋無人爲 「君子不動 守,不可 音 淑 靡 集。 息淺反 覯,見。 思,矧 遐、何通。 言視爾 然後 猶 不承矣。 在 爾 此。」此 放去 省日豈不 柔爾 若爾 懼 我執 爾 1戒謹 可 止,不愆于 而 有失 〇辟 友於君子之 爾。 格,至。 可 室, 敬,不言 不爲則 ※物不 持 皆謹言 正 恐懼 能惠 愆,過 射音亦, 顔 神之格 然視爾獨 , 況可 其 心誠 至 且 尚 · 叶 舌 一於有 一于朋 乎 日 天下 度 也 此 而 其 其 魚 之

者詳且 呼。 羊之童者 投 反 而又示之以 話言,古之善言也。 柔貌。柔木、柔忍之木也。緡、綸也。被之綸以爲弓也。 告之話 新夷反。 投桃報李之必然也。 潰亂也。 止,容止也 反。 心,言人心不同,愚智相越之遠也。 晚成 有知矣。 誰夙知 之,言示之事。 住而甚反。 我 小子,叶 小子。叶獎履反。 我們,叶七尋反。 以 切矣。 者 借曰未知,亦既抱子。 〇既 桃,報 而 言,順德之行。 温 人若不自盈滿,能 事。 求 僭,差。 温 戒以 假令言汝 而莫音慕。成。 其角 奨履反。 非徒 染而漸反。 恭 之以 脩德之事,而 昊天孔 也,亦徒 覆,猶反 彼謂不必脩德而可 賊,害。 面命之也,而又提其耳,所以 叶上止反。 李。 未 維德之基。  $\circ$ 未知臧 有知識,則 民各有心。 賦 , 潰亂汝而已, 豈可 柔木,言緡之絲。 則, 受教 也。 昭 與言叶。 彼 也。 又言爲德 叶 賦也。 童 戒 僭,不信 辟,君也,指武公也 匪 否。 也。 ○於音鳥。 而 汝既 音 則豈 同 面 灼 角 其維 非徒手携之也 其維 以服人者,是 無 音鄙。 Ļ 命之,言提 興 長 而 角日 也。 有既 心也。 實 大 人法之, 我 民 而 童。 足知 得 虹 民各有 **在**染 匪 乎音 抱 哉 户 叶 公

棘。 不忒。 時也。 作燥, 差忒,則知之矣。 將喪厥國矣。 悔,恨。 喪息浪反。 忽略貌。 夢夢,不明亂意也。 我藐藐。 用我謀,庶無大悔。 厥國也必矣 借曰未知,亦聿既 七到 音洛 也。 忒,差。 ○於乎小子,見上章。 他 耄,老也,八 万反,叶 得反。 厥國。 美角反。 舊,舊章也,或曰久也。 視 我之取譬,夫豈遠哉? 遹,僻。 爾夢 今女乃回遹其德,而使民至於困急,則 七各反。 П 慘慘,憂 (十九十日耄,左史所謂年九十 叶于逼反。 匪 夢 **遹**于橘反。 棘,急也。 用 叶虎委反。 ,莫公反。 誨 爲教 貌。 爾諄 耄。叶音莫。 諄 取譬不遠,昊 ,叶人聲。 〇言天運方此艱難, 告 諄,詳熟也。 止,語詞。 其德,俾民 諄,之純反。 天方艱 我 觀天道 爾舊 心慘 福禍之不 止 覆 〇賦 難 庶,幸。 用 有五 也 天 曰 爲 當

此。

此

几 以交戒我。」在興有旅費之規,位宁有官師之典, 士,苟在朝者,無謂我老耄而舍我,必恭恪於朝夕 九十五矣,猶箴儆於國,曰: 章十句。《楚語 有誦訓之諫、居寢有暬御之箴、臨事有瞽 居有師工 抑》十二章,三章 一之誦 》左史倚相曰: 史 不失書, 矇不失誦 「自卿以下至于師 一章 「昔衛武公年 八 句, 九 史之 以 章 訓

> 聖武 御之。 誦是詩 氏曰: 公。」韋昭 於是作《懿 而 不離 「侯包言武公行年九十有 |於其側。|然則《序》説爲刺厲王 E : 或戒》以 「《懿》,讀 自儆。 爲《抑》。」 及其 五 没 也 即 此篇 ,謂之睿 使 人人日 也

其病。 之盛時,如葉之茂,其陰 天而訴之也。 以敗其成業,王室忽焉凋弊,如桑之既采,民失其蔭而 盛,然及其采之也,一朝而盡 夫之詩,則其説是 貌。○舊説此爲 但《召旻》篇内二字並出,又恐未然。今姑闕之。 倉兄,與「愴怳」同,悲閔之意也。 填舊説古「塵」字。 不我矜。 塵」、「陳」同,蓋言 下民。不殄心憂,倉初亮反。 亂 其下侯旬。 苑音鬱。 故君子憂之,不絕於心,悲閔之甚而至於病,遂 生不夷,靡國不 比也。菀,茂。旬,徧。劉,殘。 彼桑柔,與「劉」、「憂」叶。 芮伯刺厲王而作。 四牡騤騤 也。 兮。 久也。 捋力活反。 無所不徧。 以桑爲比者,桑之爲物,其 倬彼昊天,叶鐵因反。 或疑與「瘨」字同,爲病之義。 泯 ,無黄落之漸。 旟旐 叶 采其劉 至於厲王肆行 《春秋傳》亦 ·彌鄰反。 填,未詳。 有翩。 兄 故取 與「怳」 殄,絶 篇内 瘼音 民 舊 以 日 倬, 説 批 比 葉 芮 多放 也 同 莫。 周 最 良 與

反

學

九

見病 覯,見。 亂 心也 也。 徂 維 也。 生 其所從來也遠矣。 危亡,天不我養,居無所定,徂 反。 止 声馬 哀,叶 况斯 棘 東 疑 ,逝不以 資,咨。 也, 一誰實 至今爲 頻,急蹙也。 徂,亦往也。 具 心,謂 我 辰,逢天僤都但反。 旌旗而厭苦之。 痻, 國 魚乞反。叶 急矣我之在邊也 禍 削。 音丁。 《爲此 無競。 一步蔑資 病。 黑首 以 將 依 濯 梗。 賦 養 告 棘,急。 禍階,使至今爲病乎? 燼 也。 ? 也。 〇厲王之亂,天下征役不 或 靡所定處。 競,争。 爾 ○憂心慇慇,念我 也。 -如字。 ,天不我將。 具,俱 叶 北 古杏反,叶 叶 其 土,❶鄉。宇,居。 其兩 自此至第四章,皆征 疑 斯 幸 咨 何 恤 厲,怨。 讀 辛 一。邊也 也。 頻 能 反。 誨 云徂何往? 無 如 反。 怒。 淑 燼,灰 所往。 《儀禮》「疑 爲謀爲毖 古 可或日 爾序 多我觀唇,武巾 誰 賦 載 梗,病也。 「黨反。 於 也。 叶暖五反。 生厲 叶子兩反。 燼 音 然非君子之有争 胥及 樂也。 爵 蓋曰 辰,時。 夷,平。 也 烏。 0 土宇。 息 立一之疑,定 階, 役者之怨辭 禍 賦 溺 叶叶 ,故其民見 君子 ○言國將 誰 平 有 也。 /,
猶 叶居 僤,厚 矣我之 靡 泯 音必。 能 自 根 音 叶 心原, 反 蔑 運 呼 西 實 所 滅 我 奚

也。 音羊。 同。 反。 使也。 逮。 孔之 穡維寶,代食維好」,<br/>
,言雖勞而 食而已。 所能及也。 相與人於陷溺而已。」( 者之能已亂 所當憂,而誨 哉,然而 人,唱而 寶、代食維 其 反。 有旅力,以 形 卒,盡。荒,虚 執 亂, 也,言危也。 愛。 好呼報反。 ○蘇氏曰: 熱,手 ,蒼言其 哀 不能息。 不 當是時 賦 滅 恫 得 於是 ,猶濯 也。 音愛。 我 之以序 其 持 音通。 好。 色。 道 熱 退而 立 毖 也,仕進之憂,甚於稼穡之勞。 雖 念穹蒼。 之能 《春秋傳》曰 物 也。 適 「君子視厲王之亂,悶 賦也。 是稼穑, 丢。 有欲進之心,皆使之曰世亂 慎。 民 爵 稼穡 也 所 中 言 解 旅,與 有 以 天降 況 國, 如彼遡 熱耳。 且曰 降 ,盡其筋力,與民同 長 遡,鄉。 肅 蘇 滋 無患也。」〇 亂 此 具贅 喪 賦 心,荓 誰 力民代食。 也。 氏 君 而 亂 不 也。 蟊 能 E 若綴 自 同。 僾, 吗。 風 然,則其何 執熱而 固 賊 削 恫, 之芮反。 爵 普耕 ,叶孚音反。 深,稼穡 耳。 已 旒  $\bar{\Xi}$ 穹,蒼天 滅 )天降 痛。 」然,與 辨 不濯 然 豈 我 故告之以 肅,進。 反。 别 事 如遡 所 具,俱 能 不 督 者? 卒 故曰『稼 ,以代禄 矣,非吾 卒 喪 也 善 立 此 云 謀 否 風 息浪 1哉? 之道 Ħ. 也 不 亦 > 其 慎

靡

<sup>0</sup> 土, 原作「上」,據元 本、 吉本改

哉? 理之君 後也。 狂以 言 能 明君,下有惡俗,是以進退皆窮也。 也。 性所巾反。 周徧謀度,考擇其輔 順也,順於義理 性,衆多並行之貌。 不胥以穀。 志,所以 ○言彼順理之君,所以爲民所尊仰者,以其能秉持其心. 詩之作,不 此中國 曲 百 獨 猶 喜,今 言朋友相譖,不能 又 視 傾火滅。 里。 ,則自以 斯 使民眩 而言者,無遠 王 叶 知的在 危盡荒 用事 此 暴虐,人不敢諫也。 畏忌。 徒沃反 蟊賊 其鹿。 維彼 以其相。 惠 者 爲 自 人亦 惑,至於狂亂 也。 則 君, 善, 何時,其言 ,是以危困 有肺腸,俾民 愚 譖,不信 我之稼穑 如 叶 相,必衆以爲賢而後用之。 宣,徧。 而 維彼忍心, 而不考衆謀,自有私見,而不通 民人所 有言 朋友己譖,子念反,叶子林反。 息亮反,叶平聲。 此。 不察。 相善,曾鹿之不如也。 巨已反。 我非 覆 也。 「滅我立 之極,無 也。 猶,謀。 又病而 愚人不 進退維谷。 瞻 狂 不能言 0 胥,相。 維 是顧是復。 賦 以 卒狂。 ○維此聖人, 力以 王」,則疑 不 )瞻彼 叶 相,輔。 知禍之將至,而 此 也。 也, 喜。 · 得 側 念天 良人,弗求 穀,善。 以 一菱反。 聖 如此 代 中 賦也。 彼不順, 匪 〇言上無 興也。 狂,惑 人炳於 在 彼不順 **.** 畏忌何 矣。 谷,窮 房六 和之 也 惠 不 衆 反 牲

此

也。 也。 式,用。 反。 反。 如 之,其害多矣。」此詩 醉,由王不用善 我之言而對之,然亦知其不能 如 於空谷之中。 征 大 貪亂,而安爲茶毒也。 憂,非一日矣。 公,芮良夫曰: 忽也。 大難。 「復而不已者,乃忍心不仁之人。民不堪命,所 ,故謂之荼毒也。 醉。 以 彼飛蟲,時亦弋 大 谷 中 飛蟲,時 敗 民 女,音汝。 中垢。 風 隱暗也。 類,猶言圮族也。 穀善也。 之貪亂,寧爲荼 夫利, 維此 匪用其良,覆俾我悖。 有隧,貪人敗類。 亦弋獲,言己之所言或亦 以興下文君子小人,所行亦各有道 人,而 ○嗟 百 古口反,叶居六反。 「王室其將卑乎? 良 反予來 垢,污穢也。 復,重也。 物之所 征以中垢,未詳。 人,作爲 〇言不求善人進而 所 反使我至此悖眊 爾朋 獲。 謂 王使貪人爲政, )大風有隧, 生也,天地之所載 貪人,其榮公也 赫 茶,苦菜 毒 友,予豈不 叶 〇大風之行有隧,蓋 聽 式 胡郭 叶 也。 聽言則對,誦 賦 黑各反。 有中, 其 夫榮公好 也,味 反。 也。 故誦 ○興也。 叶 也。 義或曰: 用之,其所顧 我以 音遂。 蒲 迪,進 猶 既之陰於鴆 與? 苦 知 言 厲 〇賦 日 寐 也 專 而 其 反。 王 干 m 不順, 也。 芮 而 以 利 説 中 或 也。 慮 征,行 作 肆行 或 多出 伯 而 心 能 而 耳。 道 之 車 如 興 念 夷 加

九

爲直諒 也。 僻也。 克。 得 子。是其色厲内荏,真可謂穿窬之盗矣。 爲 飾,以爲此非我言也,則我已作爾歌矣。 以小人爲不可矣。 民之所以未定者,由有盗臣爲之寇也。 爲之也。又言民之所以邪僻者,亦由此軰專競用 疑鄭説爲得之。善背,工爲反覆也。克,勝也。 凉,義未詳。 匪子,既作爾歌。 極,職涼善背。 往 也 寇。 往密告於女,反謂 反覆其言,所以深惡之也。 「陰覆於女,女反來加赫然之怒於己也。 民之回 ○言民之所以貪亂而 之, ,而實善背。又爲民所不利之事,如恐不勝而 涼日 《傳》曰: 陰 不可,覆背菩詈。 透, 及其反背也,則又工爲惡言以 叶 覆 我來恐動 職 必墨 也 叶韻未詳。 「涼,薄也。」鄭讀作 競 赫, 反。 用 不知所止者,專 威 也。」亦通。 力。 爲民 〇民之未戾,職 怒之 ○賦也。 貌。 賦也。 不 力智反。 言得其情,且 蓋其爲信 然其人又自 利 我 「諒」,信 以 由此 職,專 戾,定 張子曰 民之罔 如 回 力而 也, [遹,邪 雖 人,名 告 署 也。 也 曰 盗 君 文 亦 然

章章六句。《桑柔》十六章,八章章八句,八

著明

,不可揜覆也

倬彼雲漢,昭回于天。叶鐵因反。王曰

所謂國 於音鳥。 既 티 : 徂 既 内有撥亂之志,遇災而懼,側身脩行,欲銷去之。 卒,盡也。 光隨天而轉也。 浪反。 同 此旱災,而不能勝也。 殄,絶也。 者夜晴則 於王化復行,百姓見憂,故仍叔作此詩以美之。 丁反。○賦 丁我躬。 上帝不臨 如雷。 大甚, 宫。 大音泰。 奠其禮,瘞其物。 斁,敗。丁,當也。 昊天上帝,則不我遺。 與其耗斁下土,寧使災害當我身也。 「有凶荒,則索鬼神而祭之也。 天河明,故述王仰訴於天之詞如此也。 上下尊瘞,靡神不宗。 郊、祀天地 寧,猶「何 則不 也。 叶桑經反。 饑 賦 甚,藴 也。 叶力中反。 饉 音 雲漢,天河也。 薦、荐通,重也。臻,至也。 呼。 可 薦 黎民,靡有 藴,蓄。 也。 也。宫,宗廟也。上,祭天。 推 宗,尊也。 隆 在 臨,享也。稷以親言,帝以尊 何 何以當我之身而有是災 甸 圭璧既卒,寧莫我 蟲 ○舊説以爲宣王承厲王之烈 反。 辜今之人? 吐 耗斁丁故反。 蟲。 隆,盛也。 雷反。 昭,光。 孑遺。 克,勝也。 胡不 不殄禋 圭璧,禮神之玉也。 兢 回,轉也。 蟲蟲,熱氣 叶 兢 后稷不克, 神不 相畏,先祖 亦通。 言后稷欲 天 ·夷回反。 靡神不舉, 祀 下土,寧 降 舉 也。 言雲漢 天下喜 下, 自 言其 喪 也。 郊 息

爲虐, 也。 所反。 餘也。 于摧 也。 滌 所容也。大命近止,死將至也。瞻,仰。 反。 將自此 天又降旱 以恩望之矣。所謂垂涕泣而道之也。 先正、《月令》所謂 靡 天又不肯使我得 「憂心如熏。 滌徒歷反。 顧 恢,燎之也。 赫 也。 也。 止 言大亂之後,周之餘民無復有半身之遺者,而 而 父母 昊天上 赫炎炎,云我無所。 如惔音談。 叶果五反。 滅也 胡 災,使我 於羣公先正,但言其不見助。至父母先祖,則 也。 如 雷 寧 Ш 一先祖 反。 赫赫,旱氣也。炎炎,熱氣也。 無 瘨 如 逃 一帝 Ш 惲,勞也,畏 木,川無水,如 零 亦不見遺 雷, ○旱既大甚, 0 都 遯 羣公先正,則不 ,胡寧忍予? JII 田 羣公先正, 賦 而 祀百辟卿士之有益於民者以 言畏之甚 如焚。 反。 也。 去 , 俾我 也 叶樞倫反。 也 也。 推,去 我以旱,僭七感反 也。 摧,滅 叶符匀反。 滌 遯。 大命近止 熏,灼。 也。 早 而 則 則 子,無 除之也。 叶徒勾反。 不我 不 也。 叶 旱魃蒲末反。 顧,望也。 可 旱既大甚, 演女反。 我 兢, 遯,逃 右 言先祖 甚, 沮。 聞。 助 臂 我心憚 魃,旱 貌 也。 也 所, 叶 叶 之祀 羣 在 0 賦 微 賦

之「俚 救也。 也。 也。 也。 知其 我 反。 自言不能,而遂 夫徹膳,左 不豋,則趣馬不秣,師氏弛其兵,馳道不除, 師氏,掌以 印 夫 疚哉 早 曾不度我之心,如我之敬事明神,宜可以 方,祭四方也。 悔 E 音仰。 既大 左右,叶羽已反。靡人不周,無不能止。 帝,則不 祈年, 疚,病 或日: 以戾庶正? 、故。 同, 冢 無不能 命 宰,叶獎里反。 甚,散無 右布 也。 昊天,云如何里。 聊 兵守王門者。 孟 也。 近 祈年孔! 友,疑作「有」。 春祈穀于上帝,孟冬祈來年于天宗 賴之意 ·我虞。 止,言諸臣 11-大夫 冢宰,又衆長之長也。 止 社,祭土神也。 而不脩,大夫不食梁,士 黽勉,畏去,出無所之也。 不爲也。 無 也。 友紀。 君子,昭 叶 夙,方社 叶元具反。 棄爾 諸盈反。 膳夫,掌食之官也。 無有一人不周救 趣七口反。 里,憂也。 鞫,窮也。 瞻卬 成 虞, 度。 鞫 假 賦 不 居六反。 敬恭 昊天, 也。 莫。 音格。 何 印 與《漢書》「無俚 趣馬,掌馬之官 悔,恨也。 飲酒 庶正,衆官之長 友紀,猶言綱 無恨怒也。 馬 昊天,曷惠 瘨,病。 明 音 百 祭事 爲 師氏 哉 神 無 有 不樂。 姓者,無 歲凶 于僞反。 庶 贏 暳 不縣,膳 是 悸,曾 宜 呼 年 周 無 也

竭其 天而 非求爲我之一 將近,然不可 而仰天以 其 敢 精 訴 斥言 ? 之日 誠 而 望 雨 賦 雨 以棄其前 者,畏懼之甚,且不敢必 助 也 身而已,乃所以定衆正 Ŧ. 則 果何 以 嘒 有 昭 嗤 時 明 功,當益求 假 然 而 貌 之明 于天者,已 惠 昭 我以安寧乎? 星 所以 未 明 三云爾。 無 有 也。 昭假 假 餘 雨 於是 矣。 至 徵 者而修之,固 也 也 雖 張 語 今死 終又 子 然 0 羣 日 久 臣 早

## 《雲漢》八章,章十句。

周之楨 子孫 也。 王時 岱、南 鐵因 農之後 兀 維 其 方于 周 Ш 也。 作《吕刑 反。 而 霍、西華、 之 崧 爲 幹 高大,而 宣王之舅 爲之也 宣。 息中 屏 申, 翰。 維 神亨 唐 蔽, 虞四 者。 嶽降 反。 之。 賦 降 北 而 伯 申伯出 也也。 也。 嶽 其 宣 恒 ·胡干 或曰此是宣王時人, 高 神, 總總 (神靈 其 是 廖 故 此 山 維 也。 德澤於天下 皆姜姓 反。 亹 領方嶽諸侯,而 封于 大 詩 和 生 嶽 八而高日 申 駿, 推 氣,以生甫 一甫及 謝 四 ,駿音峻。 本 伯 之國 大也。 國 申 而 松。 申。 也 尹 伯之所以 王 于 也。 吉 h. 侯、 甫,甫 纘 而作《吕 嶽,山 蕃, 蓋 間作 奉 翰,幹。 維 極 申 祖 嶽 申 叶 申及 于天。 管 生,以 神之祭,能 伯 伯 詩以送之。 侯 一之尊 反。 分遭 刑 之先,神 也 實能 者,東 即 甫 反 叶

居

土

錫

爾

圭

以

爾

叶

補

近 如

鄭南

音

記

按

《説

文》從是,從丌。

今從斤

誤

也。 之長 起其 之貌。 寢 申 也。 申 東平王蒼諸子,而以手詔賜其國中傅,蓋 地因反。 是南 几 言 人,以作爾庸。 伯後世常守其功也。 法 事 也。 因 伯 佰 廟 也。 (功也。」徹,定其經界,正其賦 謝邑之人而爲國 謝,在今鄧州南陽縣,周之南土也。 邦,叶 既 之 命申 叶 續,繼 于 藐 召伯,召 路 深貌。 成。 功, 王命傅御, 私人,家人。遷,使 蹻 邑 逋 車 伯, 莫反。 也,使之繼其先世之事 トエ 渠略 乘 召伯是營。 1穆公虎 既 謝 式 繩 踽踽, 壯 反。 成藐藐,王錫 反。 王命召伯 或曰: 證 定 是 也。 南 也。 反。 世 遷其 南 申 國 鉤 鄭氏 貌。 執其 登,成也。 伯之宅。 邦。 馬 膺 是 就 大封之禮,召公之世 私 濯 日: 濯 有俶 式 國 功。 濯,光 税 ,徹申伯 叶卜功 人。 叶 也。 濯 也。 申 滿 也。 叶 庸 世執其 賦 尺 漢 補 明 伯。 賦 失 賦 叔 傅御,申伯 叶 古制 式,使諸侯以 也。 反。 貌 明帝 反。 功 也 吏 反。 達 也。 也 反。 土 (功,言 叶 亹亹 各反。 如 送 因 國 我 庸 此。 通各反。 俶,始 田 其 侯 爲 都 啚 王 職 一,强 王 城 0 印 家 國 使 之 也 也 謝 命 與 臣 LI 叶 爲

誦之詞

碩,大。風,聲。

反。

誦此

萬邦,

聞音問

于四國。

叶于逼反。

"; 其

碩,

其

風肆

武王爲法也。

○申伯之德,柔惠且直。

揉汝又

言文武之士皆以申伯爲法也。

或 曰:

申伯能以文王、

以爲喜,而相謂曰:

元,長。憲,法也。

勇貌。

嘽嘽,衆盛也。

邦咸喜, 戎有良翰。

叶胡干反。

不顯申伯,王

之元舅,文武是憲。

叶虚言反。○賦也。番番,武

申伯既入于謝,周人皆

叶分邅反。既入

于謝,徒御嘽嘽。

吐丹反。

周

之委積,故能使申伯無留行也。

召伯之營謝

數留,疑於行之不果故也。峙,積。粻,糧。遄,速也。

[也,則已斂其稅賦,積其餱糧,使廬市有止宿

○申伯番番,音波,

鳳翔府郿縣,在鎬京之西,岐周之東,而申在

時王在岐周,故餞于郿也。

言信邁、誠歸,以見王之

鎬京之東

式遄市專反。

其行。

叶户郎反。○賦也。

召伯,徹申伯土疆

,以峙直里反。

其粻,音張

賦也。揉,治也。吉甫,尹吉甫,周之卿士。

誦,贈工申

師所

#### 崧高》八章,章八句。

于郿

芒悲反。

申伯還

E,謝于

誠歸。

王

封圭也。 近,辭也。

申

南伯

信

邁

王

賤

淺

反

舅,南土是保。

叶音補。

○賦也。

介圭,諸侯之

于下。 好呼報 也。 《詩》至此而贊之曰: 焉。 式,法。力,勉。 訓是式,威儀 之德,柔嘉維則。 證性善之説。 必有則、「民之秉彝」也,故 氣,而全其美德者,又非特如凡民 保祐之,而爲之生此賢佐曰仲山 德者。而況天之監視有周 有親之類是也。是乃民所執之常性,故其情無不好此美 之君臣、父子、夫婦、長幼、朋友,無非物也,而莫不有 生衆民,有是物必有是則。 王命樊侯仲山甫築城于齊,而尹吉甫作詩以送之。 昭,明。 韻若、賦、未詳。 如視之明,聽之聰,貌之恭,言之順,君臣有義,父子 烝,衆。 天 生 假,至。保,祐也。仲山甫,樊侯之字也 反。 叶 色也。 烝 後 則,法。 其指深矣,讀者其致思焉。 是 五反。 民 懿 若,順。 是力。 7,有物 翼翼、恭敬貌。 ○賦也。嘉,美。令,善也。 德。 秉,執。彝,常。懿,美。 保兹天子,生仲 「爲此詩者,其知道乎!」故有物 令儀令色,小心翼翼 有則。 賦,布也。○東萊吕氏 天監有周,昭 「好是懿德」。 ,能以昭明之德感格 天子是若,明命使賦。 蓋自百骸、九竅、五藏,而達 甫 古訓,先王之遺典 而 民之秉彝,音 焉。 已也。昔孔子讀 而孟子引之,以 則所以 )仲山 甫。 鍾其 音 言 格 秀 天 官

也。 蓋順 祖考, 邦 蓋備舉仲山甫之職。」〇肅 侯,内則輔養君德,人則典司 應之也。 布之也。納,行而復之也。 Ш 法。 賦 命 言其發而措之事業也。 否,猶 甫蓋以冢宰兼太保,而太保抑其世官也 仲 É 國若否,音鄙。 政于外,四方爰發。 理以守身,非 戎,女也。 剛則吐之。 賦 儀是力,言其學問進修也。 哲, 山 令儀令色,小心翼翼,言其表裏柔嘉 人,天子也 王躬是 臧 則, 也 一甫 ○東萊吕氏曰: 否也。明,謂明於理。 侮 賦 不 ,式是百辟。 一矜古頑 也。 過 保其身。 王躬是保,所謂保其身體者 亦有言,世 其 趨 保。 肅 則 利避 維 ○人亦有言 仲山甫明叶謨郎反。 流肅,嚴 也 反。 此章蓋備舉仲山甫之德。」() 仲 出 害 俗之言也。 喉舌,所以出言也。 過 山甫,柔 「仲山甫之職,外則總領 肅王命,仲山 夙 ,而偷以 也 納王 政本,出則經營四 音壁。 其 叶方月反。 夜 則 將,奉行 计果五 哲 天子是若,明命使賦 匪 斯 命, 全軀之謂也 ,謂察於事。 無韻、未詳。 爲 柔則 茹 亦 解,佳賣反。 弱 納納 反。 王之喉舌。 不 也。 與? 〇賦 不,不 也。 也。 茹忍與反。 茹 甫將 之。 若,順 方。 也。 發,發而 出,承而 古訓 然則 〇不 謂 畏 剛 解,怠 保 此章 式 之 也。 以 亦 諸 仲

之,而 也。 反。 業反。 也。 闕」也。 舉其德,而能補君之闕者也。 維 知 柔 而 「古者諸侯之居逼隘 牡業業,征 甫獨能補之。蓋惟大人然後能格君心之非,未 助,而亦非人之所能助 於是謀度其能舉之者,則惟仲 衮職,王職也。 Ш 息淺反。 山甫之柔嘉,非軟美之謂,而其保身,未嘗枉 矣。 遷 ·仲山甫補之。 甫舉之,愛莫助叶琳五反。 於臨菑也。」 業業,健貌 而不能助者,能舉與否, 王命 不侮 恨其不能 四 ○言人皆言德甚輕而易舉,然人莫能舉 克舉之。 )人亦有 矜寡。 牡彭彭,叶 仲 夫捷 Ш 天子龍衮,不敢斥言王闕, 有以 孔 不 捷捷,疾 氏曰: 吐 捷, 言,德輶 ,則王者遷其邑而定其居, 助之。 賦 剛 也。 也。 鋪郎 在接反。 儀 故 貌。 彼 至於王職 蓋愛之者,❶秉彝 「《史記》齊獻公元年 不畏 啚 輔,輕。 反。 在彼而已,固無 東 Ш 羊久反。 叶 强 方。 )仲山 甫 方, 丁五 每懷靡 之。 樂。 而 有闕失,亦 儀,度。圖,謀 鸞鏘 E 齊 賦 反。 山甫出 也。 以 如 也。 故 此 是以 道以徇人 毛,民 及。 Ħ 鏘 待 好 有 傳 祖 祖 心 衮職 惟 於 德 也 不 能 誠 行 叶 仲 人 七 曰 則 也 祭 羊 極 Ш 之 愛

<sup>「</sup>者」,原作「也」,據元本、吉本改。

其心焉。曾氏曰: 風,化養萬物者也。 叶孚愔反。 夷主之時,至是而始 遄其歸,不欲 騤,求龜 甫徂齊,式遄其 治 王闕,尤其所急。 尹 吉甫深知之,作誦而告以遄歸,所以安其心 菑 仲山 其 久於外 獻公當夷王之時,與 鸞喈喈。 甫永懷,以 「賦政于外,雖仲山 以其遠行而有所懷 歸。 備 也。 其城郭之守歟?」〇 城彼東方,其 吉甫作誦 穆,深 音皆,叶居奚反。 慰 長 其 (心永懷,蓋 也。 此傳不合,豈徙 甫之職,然保王 思 穆如清 心。 故以 風, 賦 四 此 清 也。 有 仲 所不 詩慰 微之 風 式

#### 烝民》八章,章八句。

虔共 叶。 子而聽命也。 鎮也,今在同州韓城縣。 道 叶。 佐戎辟。 侯 韓侯受命 奕奕梁山,維禹甸之。 爾位 也。 無 武王之後也。 **、、廢朕** , 朕命不易。 音壁。 命,夙夜匪解。 易、改。 王親命之,纘戎祖考。 受命,蓋即位除 戎,汝也。 〇賦也。奕奕,大也。 甸,治 榦,正 榦古旦反。 也。 言王錫命之,使繼世而 也。 有倬其道,下 倬,明貌。 喪,以 音懈,叶訖力反。 不庭方,不來庭 士服人見天 梁山,韓之 不庭方, 韓,國名 上與 -與考

證反。 **鞗**音條。 何? 何? 于屠 大也。 弗錯 之國 爲表章者也。 交龍曰旂。綏章,染鳥羽或旄牛尾爲之,注於旂竿之首 錫,音羊。 以 侯初立,來朝始受王命而歸 金厄,以金爲環,纏搤轡首也。 以鞹持之,使牢固也。 鞹,去毛之革也。 介圭,入覲于王。 幦」,又作「幎」,以有毛之皮覆式上也。鞗革,轡首也。 也。 爲尹吉甫作,今未有據。 屠,地名,或曰 也。 賦也。 牡奕奕,孔脩且張。 衡,叶户郎反。 筍,竹 介圭,封圭,執之爲贄,以合瑞于王也。 馬路 維筍恤尹反。 **炰** 白交反。 顯父音甫。 革金厄。 鞹苦郭反。 既覲 "萌也。 鏤,刻金也。 車。 也。 而 鞃,式中也。 即杜也。 反國必祖者,尊其所往,去則 此又戒之以修其 蒲 籩 叶於栗反。 鼈鮮 淺,虎皮也。 餞之,清酒 及蒲。 王錫 蒲 玄衮赤 鞃 苦弘反。 蒻 一有 馬眉上飾曰錫,今當盧 下篇云召穆公凡伯 也。 顯父,周之卿士也。 魚。 韓侯,淑旂 謂兩較之間横木可憑 人作此以送之。 韓侯 其贈維何 ,子余反。 ○賦也。 月易,鉤 且,多貌。 )韓侯 幭,覆式也 百壺。 其 淺 幭, 莫歷 蔌 入覲,以 出 膺鏤 脩,長。 音速 侯氏, 綏 祖 ? 侯 淑,善 其 也。 者放此。 如始行 氏 出 音 丘反。 者, 也 張 漏 維 宿 也 其 作

羆,有 大 彼 甫反。 令,善也。 韓姞,蹶父之子,韓侯妻也。 靚也。 住反。 斤於二反。 爲于僞反。 諸娣,諸侯一娶九女,二國媵之,❶皆有娣姪也。祁祁,徐 汾王,厲王也。厲王流于彘,在汾水之上,故時人以目王 叶眉貧反。 祁祁巨移反。 甫。 諸 蹶之里。 韓 侯 時 鸞鏘鏘 猶言莒郊公,黎比公也。 之子。 來朝者之稱。 百 甫, 音洛,叶力告反。 城,燕 如雲,衆多也。 魴鱮 貓苗、茅二音。 妻,汾符云反。 大也。 蠻。 喜其有此善居也。 ○賦也。此言韓侯既覲而還 韓姞燕譽。 韓姞其 "; 叶獎履反。 百兩音亮,又如字。 甫甫,麀鹿噳噳,愚甫反。 因 王 噳噳,衆也。 如雲。 肩 胥, 反 錫 其 相 韓侯,其 反。 有虎。 ○蹶父孔武, 孔樂韓土,川澤訏訏,況 光。 也,或 師 韓侯顧之,爛其 王之甥, 韓侯 叶羊茹、羊諸二反。 所完。 相息亮反。 蹶父,周之卿士,姞姓也 燕,安。 相攸,擇可嫁之所也。 貓,似虎而 諸娣 É 語 慶既令居 迎 追 辭。 彭 蹶 譽,樂也。 魚覲反。 大計反。 其 以 彭,叶 先祖 俱 淺毛。 不貊 ~,遂以 靡國不到 攸,莫如 衛反。 ,母伯反 有熊 一受命, 0 親迎也。 侯 鋪郎反。 止, 從之, 盈 慶,喜。 賦 庁 父音 取 門。 御 溥 也。 有 韓 七

> 籍。 百蠻而長之,故錫之追、貊,使爲之伯、 齊,春秋諸侯城邢、城楚丘之類也。 公爲司空,王命以其衆爲築此城,如召伯營謝 墉,城。壑,池。 奄受北 燕,召公之國 其税法,而貢其所有於王也 其 或 貔 因 音毗。 籍、税也。 也。 以 其伯 師,衆也。 皮,赤豹 貔,猛獸名。 實 追、貊 黄 墉 王以韓侯之先因是 羆 ,以脩其城池,治 ○韓初封 ,夷狄之國 賦 也。 實 , 山 7時,召 溥,大 畝 實 城

韓奕》六章,章十二句。

田

音光。 心 或 求是伐耳。 總序其事,言行者皆莫敢安徐,而曰吾之來也 伐之也。 匪 匪 順流貌。 安匪 遊 載 庶 淮夷 定。 江漢浮 ○宣王命召穆公平淮南之夷,詩人美之。 舒, 賦 叶 淮夷,夷之在淮上者 四方,告成于 也。 唐 淮 來 江漢湯湯,書羊反。 浮,武夫滔滔。 丁反。 夷 求。 洸洸,武貌。 來 鋪 既 時靡 出 賦 主。 庶,幸 有 我 也。 也。 争 車 叶 浮浮,水盛貌。 鋪 也。 四 他侯反。 叶 武夫洸 既 方既 陳也 甾 設 ),惟淮 陘 此 反。 我 師以 夷是 此章 滔

0

作「勝 」,據元本、吉本改

也。 ○賦 功,則我當錫女以祉福,如下章所云也 以予小子之故也,但自爲嗣女召公之事耳。 布王命。而曰: 宣,布也。 叶養里反。 胡干反。 召虎,來旬來宣。 王國而已。 而治其疆界。 所取正也。 也。疾,病。 而 來極。 辟 拜稽首,天子萬年。 主 瓚,才旱反。 也。 無韻、未詳。告于文人,錫山 翰、榦也。 成 于周受命,叶滿并反。 音闢。 功也。 無曰予小子,叶獎履反。 虎,召穆公名也。 自江漢之滸言之,故曰來。 〇又言王命召虎來此江漢之滸,徧治其事,以 肇敏戎公,用錫爾祉。 於是遂疆理之,盡南海 〇言江漢既平,王又命召公闢四方之侵 棘,急也。 于疆于 非以病之,非以急之也,但使其來取正於 四方,徹 子,小子,王自稱 昔文武受命,惟召公爲楨榦,今女無曰 江 <del>和</del>音巨。 漢之滸,音 極,中之表也。❷ 理 文武受命,召公維翰。 我疆 ,●至于南 辟,與「闢」 叶 鬯初亮反。 亡。 下同。 禰因反。 也。 而 虎。 止也。 匪 海。 土田田 同。 肇,開。 召公,召康公奭 居中而爲四 自 召公是似。 賦也。旬,徧。 疚 王 ○ 釐 力之反。 〇賦 召 命 徹 叶虎委反。 厞 一卣。 能 ,井其田 也 叶 開敏 戎,女。 )王命 棘 召 地因 女

> 治此 之詞。 子,叶奬履反。 考,叶去久反。 意於武功。 其君之令聞,而進之以不已,勸其君以文德 疆。」語正相類。 天子休命,用作朕皇考襲 且祝天子以萬壽也。 子之美命,作康公之廟器,而勒王策命之詞,以考其成 休,美。考,成。 書也。人臣受恩,無可以報謝者,但言使君壽考 於文王之所,以寵異之。 廟,示不敢專也。 人,而錫之山 周 虎拜稽首,對揚王休,叶 卣 四 言錫爾圭瓚秬鬯者,使之以祀其先 尊也。 國。 古人愛君之心,於此可見矣。 川土田,以廣其封邑。蓋古者爵 文人,先祖之有文德者,謂文 矢,陳也。 但彼自祝其壽,而 叶越逼反。 令聞音問。 天子萬壽。 又使往受命於岐周,從其祖 古器物銘云: 而召公拜稽首,以 康公也。○此叙王賜 伯 ○言穆公既受賜,遂答稱 尊 ○賦也。 敦。 不已。 叶殖西反。 此祝君壽耳。 虚久反。 郝 「 解拜稽首, 敢對揚 其眉壽,萬年無 對,答。揚,稱。 矢其文德, m; 受王命之策 E 康公受命 人必於祖 又告于文 召公策命 也。 而已

「理」,據元本、明甲本、 明乙本、吉本改。

表」,原作「衣」,據元本、明甲本、明乙本、吉本改

# 《江漢》六章,章八句。

軍事,而使内史命司馬,以六卿副之耳。 父,而此章又命程伯休父者,蓋王親命大師,以三公治其 浦而省徐州之土。 韶尹氏策命程伯休父爲司馬,使之左右陳其行列,循 父,周大夫。三事,未詳。或曰: 也。尹氏,吉甫也,蓋爲内史,掌策命卿大夫也。 此徐土。 右陳行,户郎反。 世功以美大之。 此南方之國。 者,整治其從行之六軍,修其戎事,以除淮夷之亂,而 伐淮北之夷,而命卿士之謂南仲爲大祖兼大師而 南仲,見《出車》篇。 南國。 脩我 ,徐方繹騷。 叶蘇侯反。 ,叶宜却反。 下同。 我,爲宣王之自我也。 戎。 赫 叶越偪反。 不留不 祖,大師 明 詩人作此以美之。必言南仲大祖者,稱其 明 叶音汝。 有嚴天子。 〇王謂尹氏,命程伯休父。 蓋伐淮北徐州之夷也。 王 戒我師旅。 大祖,始祖 處,三事就緒。 命卿士 ○賦也。 皇父。 既敬既戒,叶訖 戎,兵器也。 也。 震驚徐方, · 叶 王舒保 音甫。 三農之事也。 卿士,既皇父之官 ·音所。 大師,皇父之兼 率彼淮 整我 ○宣王自將以 象吕反。 上章既命 ",匪 南 力反。 赫 如雷 :仲大音 上浦,省 六 〇言王 程伯 字皇 師, 〇賦 也 惠 阜 官

> 霆,徐 亂也。 鉤反。 丹反。 旅也。 也。 虜。 反。 怒。 征 可動也。 苞,本也。 臂而仍之。」截,截然不可犯之貌。 霆作於其上,不遑安矣。 庭。其師始出,不疾不遲,●而徐方之人皆已震動,如雷 動也。○夷、厲以來,周室衰弱,至是而天子自將以征 安行也。 義。或曰: 徐 王猶允塞,徐方既來。叶六直反。 鬫,奮怒之貌。虓,虎之自怒也。 虎。 叶暖五反。 也。 國。 截彼淮 不測,不 敦,厚也,厚集其陳也。仍,就也。 如 如飛如翰 方 紹,糾緊也。 如川,不可禦也。 如 天子自 川之流。 叶越逼反。 鋪普吳反。 震 飛 驚 如翰,疾也。 浦,王師之所。 可知也。不克,不可勝 進厥虎臣,關呼檻反。 保,安。 賦 如江 遊,遨遊也。繹,連絡 其 緜 ○賦也。 敦淮 威 也。 可 緜翼翼,不 緜緜,不可絶也。 〇王奮 如漢,如山之苞, 如江如漢,衆也。 作,行也。 畏 赫 濆。 也。 赫 嘽嘽,衆盛貌。 賦也。 ○王旅啴啴 顯 符云反。 厥武, 鋪,布也,布其師 也 舒 言王師 也。 測不克,濯 老子曰: 保 進,鼓而進之 業 也 如虓火交 翼翼,不可 仍執 如震 濯,大也。 如山,不 翰,羽。 大 叶補 如 也 吐 不

<sup>■「</sup>遲」,明甲本、吉本作「徐」。

此篇王實親行,故於卒章反復其辭, 王道甚大,而遠方懷之,非獨兵威然也。《序》所謂 ○前篇召公帥 同,天子之功。 不回,王曰 也 師以出,歸 庭,朝。 還 歸 四 方既 回,違也。 告成 叶 古回 平,徐 功,故備載 反。 還歸,班 以歸功於天子。言 ○賦 方來 其褒賞之詞。 也。 師 庭。 而 歸 「因以 也 道。 徐

# 《常武》六章,章八句。

夷届。 字。 之罔罟。 亂,無所歸 幽王嬖褒姒、任奄人以致亂之詩。首言昊天不惠 苗之蟲也。 敕留反。 徒活反。 無所定,則受其病。 反有酉、由二音。 彼宜有罪,女覆説音脱。之。 側界反,叶側例反。 瞻卬昊天,則 寧,降此 音戒,叶居氣反。 之。此宜無罪,女反收殖酉、殖由二反。 凡此皆民之所以病也。] 〇人有土田,女音 ○賦也。 咎之詞 疾,害。夷,平。 也。 填,久。 大厲。 蘇氏曰: 不我 之。人有民人,女覆奪 於是有小人爲之蟊賊, 罪罟不收,靡有 蝨 音牟。 厲,亂。 届,極。 惠。 邦靡 「國有所定,則民受其 瘵,病也 罟,網 賊 孔填舊説古 有定,士民 蟊疾,靡 也。 賦也。 蟊賊,害 夷 刑罪爲 〇此刺 而 其 降

多也。 哉 鞫 常相倚而爲姦,不可不并以爲戒也。 雖多,而非有教誨之益者,是惟婦 真自天降,如首章之説哉? 善,無所事哲,哲則適以覆國而已。 外,爲國家之主,故有知則能 鐵因反。 以 也。鞫,窮。忮,害。 叶必墨反。 禍甚於女寵,其言尤爲深切,有國家者可不戒哉! 反爲梟鴟,蓋以其多言而能爲禍亂之梯也。 能多言者也。階,梯也。 褒姒也。 維婦寺。 長舌,維厲之階。 其知辨窮人之言,其心忮害而變詐無常。 人忮之豉反。 倍,君子是識。 厥 收,拘。 上文但言婦人之禍,末句兼以奄人爲言。 哲婦,爲梟古堯反。 公事,朝廷之事。 極,已。 生自婦人。匪教匪 傾、覆。懿、美也。 豈曰 賦也。哲,知也。 説,赦也。 慝,惡也。 不極,伊胡爲慝? 忒,譖子念反。 忒,變也。譖,不信也。 叶居奚反。 婦無公事,休其蠶 寺,奄人也。〇言男子正 蠶織,婦人之業。 賈,居貨者也。三倍,獲利之 哲 梟、鴟,惡聲之鳥 特由此婦人而已。 城,猶「國」也。 立國。婦人以 爲鴟。 夫成 人與 故此懿美之哲 誨 亂匪降 歐陽公常言宦者之 城,哲婦 始竟背。 ,叶呼位反。 處之反。 奄人耳, 豈可近 無非 ○言婦寺能 若是則 既以譖 如 也。 哲婦,蓋指 自天,叶 賈音古。 竟, 蓋二 傾城 蓋其言 無 長舌, 音 入亂豈 位乎 妄唱 儀 佩 爲 而

王懼而 胥忌。 所宜識 下五反。 憂矣,寧自今矣。不自我先,不自我後。 幾,近也。蓋承上章之意而重言之,以警王也。 人之云亡,心之悲矣。 所謂女戎者也。 人以輔之,則國之殄瘁宜矣。 而反以我之正言不諱爲忌,何哉! 用婦人之故也。 也。〇言天何用責王? 之,則豈不爲 君子識其所以然。 云亡,心之憂矣。天之降罔,維其 極已,而 於 國 沸音弗。 前 ,式救爾後。 殄 白脩。 ,如朝廷之事,非婦人之所宜與也。 而 藐藐昊天,無不克鞏。 瘁。 不弔 ? 反曰是何足爲慝乎? 悪哉! 叶方未反。 今王遇灾而不恤,又不謹其威儀,又無善 檻胡覽反。 賦也。刺,責。介,大。胥,相。 不祥,威儀不類。 〇天之降罔,維其優矣。 是必將有夷狄之大患。今王舍之不忌 婦人無朝廷之事,而舍其蠶織 於後。 天何以 同 神何用不富王哉? 舍音捨。 上。 則 泉,維其深矣。 或日: 亦 ○興也。 賦也。 不 夫商賈之利,非 · 復 刺 夫天之降不祥,庶幾 白謂 介狄即指婦寺,猶 爾 ? 叶音古。 罔, 罟。 觱沸, 介狄 人之云亡, 其言之放 叶音 今賈三倍,而 凡以王 幾矣。 人之 優,多。 君子 弔, 関 恣 何

> 漢涌 鞏固之者。 無意於物,然其功用,神明不 而禍亂之極,適當此時,蓋已無可爲者。 泉。 來者猶必可救 上出 泉上 丁,其源 幽王苟能改過自脩,❶而不忝其祖 出 深 ,而子孫亦蒙其福矣 矣。我心之憂,亦非適今日然 藐 貌,高遠 測,雖危亂之極,亦 固 惟天高遠, 也。 ,則天意可 無 也 言 不 泉

章八句。 《瞻卬》七章,三章章十句,四

我邦。 中也。 之人也。 昏 削之詩也。 反。 **滇**都田反。 蟊賊昏椓者,皆潰亂邪僻之人,而王乃使之治平我邦,所 潰,潰亂 極丁角反。 亂也 卒荒。 圉,邊垂也。 旻天疾威,天篤降喪。 也。 叶卜功反。 共,與 我饑 回 賦 也。 遹,邪僻也。 泉泉泚 天 「恭」同, 靡共,音恭。 降罪罟,蟊賊 〇此刺幽王任用小人,以致饑 ○賦也。 饉,民卒流 篤,厚。 瘨,病。卒,盡 泚,音紫。 説與 訌,潰也。 潰潰 一供 息浪反,叶 通 夷,平也。 内訌 曾不知其玷 П ,謂供 昏椓,昏亂椓 我 居 也。 户工反。 其 〇言此 居 郎 魚 夷 反 喪 或 吕

<sup>) 「</sup>脩」,元本、明甲本、明乙本、吉本作「新」。

鍾也。 仍反。 《集注》作「遂」。 玷,缺也。填,久也。○言小人在位,所爲如此,而王 位孔貶。賦也。 丁險反。 潤澤也。相,視。潰,亂也。 也。潰,遂也。棲苴,水中浮草,棲於木上者。言枯槁無 我相息亮反。 黜。其顛倒錯亂之甚如此。 知其缺。至於戒敬恐懼,甚病而不寧者,其位乃更見貶 内之不出。言禍亂有所從起,而今不云然也。此其爲 弘反。○賦也。頻,崖。溥,廣。弘,大也。 矣,不云自頻。泉之竭矣,不云自中。 爲此故,至於愴怳引長,而不能自已也。 牌,其分審矣。而曷不自替以避君子乎? 也。兄、怳同。引,長也。〇言昔之富未嘗若是之疚也. 也。時,是。疾,病也。疏,糲也。 自替? 職兄音怳,下同。斯引。叶韻未詳。 維今之疾不如兹。彼疏斯粺,薄賣反。 而今之疚又未有若此之甚也。彼小人之與君子,如疏與 ?已廣矣。是使我心專爲此故,至於愴怳曰益弘大,而 泉,水之發也。 溥斯害矣,職兄斯弘,不災我躬。 叶 兢兢業業,孔填已見上篇。 此邦,無不潰止。叶韻未詳。 皋皋,頑慢之意。 故池之竭由外之不入,泉之竭由 如 彼棲音西。苴、七如反。 〇如彼歲旱,草不潰 維昔之富不如時, 牌,則精矣。 **訿訿,務爲謗毁也** ○池之竭 而使我心專 不寧, ○池,水之 胡不 叶諸 ○賦 ○賦 我 姑

> 至於江漢之間。 《召南》。所謂日闢國百里云者,言文王之化自北而南、 今世雖亂,豈不猶有舊德可用之人哉? 言有之而不用 時。促國,蓋犬戎内侵,諸侯外畔也。 其旁諸侯聞之,相帥歸周者四十餘國焉。 内,召公治外,故周人之詩謂之《周南》,諸侯之詩謂之 召公,康公也。 六反。國百里。於音鳥乎音呼哀哉,維今之 憂之曰: 人,不尚有舊。叶巨已反。○賦也。先王,文武也 如召公,日辟音闢。 是豈不災及我躬也乎! 辟,開。蹙,促也。○文王之世,周公治 服從之國,日以益衆。及虞芮質成,而 國百里。 昔先王受命, 又歎息哀痛 今也日蹙子 今,謂幽王之 而 言

《荡》之什十一篇,九十二章,七謂之《召旻》,以别《小旻》也。章七句。因其首章稱「旻天」,卒章稱「召公」,故《召旻》七章,四章章五句,三章

詩卷第十八

百六十九句。

二〇九

=

#### 朱熹集傳

故《序》以此言之。 或有康王以後之詩。 以其成功,告於神明者也」。 四 ●頌者、宗廟之樂歌、《大序》所謂「美盛德之形容 《周頌》三十一篇,多周公所定,而亦 《魯頌》四篇,《商頌》五篇,因亦以 蓋「頌」與「容」,古字通用

頌

### 周頌清廟之什四之一

類附焉。

凡五卷。

濟子禮反。 奔走在廟,不顯不承,無射音亦,與斁同。 (斯。《周頌》多不叶韻,未詳其説。 穆,深遠也。 於音鳥。穆清廟,肅雝顯相。 多士,秉文之德。 清,清静也。 肅, 敬。 對 雝,和。 越在天,駿 )賦 息亮反。 也。 顯,明。 於,歎 於

> 不顯乎! 天之神,而又駿奔走其在廟之主。如此則是文王之德豈 且和,而其執事之人,又無不執行文王之德,既對越其在 祭執事之人也。 王之樂歌。言於穆哉,此清静之廟,其助祭之公侯,皆敬 豈不承乎! 〇此周公既成洛邑而朝諸侯,因率之以祀文 謂助祭之公卿諸侯也。 越,於也。駿,大而疾也。承,尊奉也。 信乎其無有厭斁於人也 濟濟,衆也。多士,與

欲在位者偏聞之,猶古《清廟》之歌也。 也。唱,發歌句也。三歎,三人從歎之耳。」漢因 弦,練朱弦,練則聲濁。 疏越,壹倡而三嘆,有遺音者矣。」鄭氏曰: 復見文王焉。」《樂記》曰:「《清廟》之瑟,朱弦而 政之七年,而此其升歌之辭也。《書大傳》曰: 邑,烝祭歲,文王騂牛一,武王騂牛一」。 「周公升歌《清廟》,苟在廟中嘗見文王者 〈秦樂》,乾豆上,奏登歌,獨上歌不以筦弦亂人聲: 清廟》 一章,八句。《書》稱 越、瑟底孔也、疏之使聲遲 實周 王 「朱 然如 公攝 在新

乎音呼。 天道也。 維天之命,於音鳥。 不已,言無窮也。純,不雜也。 不顯,文王之德之純。 穆不已。 賦也。 〇此亦祭文王 於同上。 天命,即

之。 已」,蓋曰天之所以爲天也。 『於乎不顯,文王之德之 道不已,文王純於天道亦不已。純則無二無雜,不已則 純」,蓋曰文王之所以爲文也,純亦不已。]程子曰: 贊文王之德之盛也。 也。○言文王之神將何以恤我乎? 恤。 無間斷先後。」假《春秋傳》作「何」。 以溢《春秋傳》作 大順文王之道,後王又當篤厚之而不忘也。 收,受。駿,大。惠,順 「何」之爲「假」,聲之轉也。「恤」之爲「溢」,字之訛 言天道無窮,而文王之德純一不雜,與天無間,以 我,我其收之。駿惠我文王,曾孫 子思子曰:「「維天之命,於穆不 也。 曾 孫,後王也。篤,厚 有則我當受之,以 一天 篤

《維天之命》一章,八句。

至今有成,實惟周之禎祥也。然此詩疑有闕文焉 王之詩。 維清緝熙,文王之典。肇禋,音因。 用 有 熙,明。 言所當清明而緝熙者,文王之典也。 成,維周之禎。賦也。 肇,始。 禋,祀。 迄,至也。 清,清 〇此亦祭文 故自始祀 明 迄許 也。

《維清》一章,五句。

無疆,子孫保之。賦也。烈,光也。辟公,諸侯也。烈文辟音壁,下同。公,錫兹祉福。惠我

刑之。 我獲福 之也。 乎,前王不忘」,而曰: 刑之」,而曰:「故君子篤恭而天下平。」《大學》引「於 〇此祭於宗廟,而 也。此戒飭而勸勉之也。《中庸》引「不顯惟德,百辟其 强於人,莫顯於德。先王之德所以人不能忘者,用此道 助祭錫福之大功,則使汝之子孫繼序而益大之也。 也。〇言汝能無封靡于爾邦,則王當尊汝。又念汝有此 以自封殖也。 功,繼序其皇之。封靡之義未詳。或曰: 競維人,四方其訓之。 ,則是諸侯錫此祉福,而惠我以無疆,使我子孫保 無封 於音鳥。 而利其利。此以没世不忘也。」 靡 靡,汰侈也。崇,尊尚也。戎,大。皇,大 于爾邦,維王其崇之。念兹戎 以獻助祭諸侯之樂歌。 乎,音呼。前王不忘。又言莫 「君子賢其賢,而親其親。 不顯維德,百辟其 言諸侯助祭,使 封,專利

兩韻相叶,未詳當從何讀,意亦可互用也。《烈文》一章,十三句。此篇以公、疆

氏説。然其注末復云岐雖阻僻,則似又有「岨」意。韓子詩》薜君章句亦但訓爲「往」。獨「矣」字正作「者」,如沈傳》作「彼岨者岐」。今按,彼書「岨」但作「徂」,而引《韓王康之。彼徂矣岐,沈括曰:《後漢書‧西南夷王康之,彼作為山,大音泰。王荒之,彼作矣,文

賦也。 亦云「 險僻之岐山,人歸者衆,而有平易之道路,子孫當世 山,而大王始治之。大王既作,而文王又安之。於是彼 意也。夷,平。行,路也。〇此祭大王之詩。言天作岐 岐」字絶句。 彼 高山,謂岐山 岐有 岨, 有夷之行,叶户郎反。子孫保之。 疑 也。荒,治。康,安也。岨,險僻之 或别有 所據。 故今從之,而 定讀

#### 《天作》一章,八句。

向引此詩而言曰: 盡其心,故今能安静天下,而保其所受之命也。 承藉天命者,又宏深而静密。 武受之矣。成王繼之,又能不敢康寧,而其夙夜積德 密,静密也。於,歎詞。 子也。基, 積累于下, 以承藉乎上者也。宥, 宏深也 德,疑祀成王之詩也。 言天祚周以天下,既有定命,而文 肆其靖之。賦也。二后,文武也。 康,夙夜基命宥密。於音鳥。 《烈者也。」以此證之,則其爲祀成王之詩無疑矣。 昊天有成命,二后受之。成王不敢 「是道成王之德也。成王能明文昭 靖,安也。 是能繼續光明文武之業,而 〇此詩多道成王之 緝熙,單厥心, 成王名誦,武王之 《國語

《昊天有成命》一章,七句。此康王

之威,于時保之。又言天與文王既皆右享我矣,則 之。儀、式、刑,皆法也。嘏,錫福也。○言我儀式刑文 我其敢不夙夜畏天之威,以保天與文王所以降鑒之意 以享我祭。 王之典以靖天下,則此能錫福之文王既降而在此之右 之右乎,蓋不敢必也。 樂歌。言奉其牛羊以享上帝,而曰天庶其降而在此牛羊 之右,所以尊之也。〇此宗祀文王於明堂,以配上帝之 伊嘏 賦也。將,奉。 我將我享, 若有以見其必然矣。 古雅反。 維羊維牛,維天其右 享,獻。 儀式刑文王之典,日靖四 文王,既右享叶 右,尊也。 我其夙夜,畏天 神坐東向,在 虚 叶 良反。 音 申

親之也,以文王配焉。文王親也,配文王於明堂 牲用 日: 遠矣、配稷於郊、亦以尊稷也。 之委曲,故於季秋之月有大享之禮焉。天,即帝 秋享帝,而以父配之,以季秋成物之時也。」陳氏 至氣之始也。萬物成形於帝,而人成形於父,故季 本乎天,人本乎祖,故冬至祭天,而以祖配之,以冬 郊而曰天,所以尊之也,故以后稷配焉。 犢。其禮極簡。聖人之意以爲未足以盡 「古者祭天於圜丘,掃地而行事。 《我將》一章,十句。 明堂 程子曰: 一而日 器用陶匏 后稷 其意 「萬物

者古禮 亦以 王者,統於尊也。 萊吕氏曰: 文王所以法天也。卒章惟言畏天之威,而不及文 於文王,則言儀式其典,日靖四方。 親文王也。 ,而明堂者周 「於天,維庶其饗之,不敢加一辭焉。 尊尊 畏天所以畏文王也,天與文王一 制 而親親,周 也。 周 公以義起之也。」東 道備 天不待贊,法 矣。 則

戢,聚。 我求 位。 邦,諸侯之國也。 則是信乎周王之爲天下君矣。 能懷柔百神,以至于河之深廣,嶽之崇高,而莫不感格。 及河喬嶽。 序有周,薄言震之,莫不震疊。 以時巡行諸侯也,天其子我乎哉? 告,諸侯畢朝。 周也,既以慶讓黜陟之典,式序在位之諸侯,又收歛其干戈 有周矣,是以使我薄言震之,而四方諸侯莫不震懼。 疊,懼。懷,來。柔,安。允,信也。 〇既而曰天實右序 矢,而益求懿美之德,以布陳于中國,則信乎王之能保天 ·懿德,肆于時夏。户雅反。 載戢側立反。 時邁其邦,昊天其子之。賦也。邁,行 囊,韜。 允王維后。 ○此巡守而朝會祭告之樂歌也。 肆,陳也。 周制,十有二年王巡守殷國, 干戈,載橐古刀反。弓矢。 夏,中國也。 明昭有周,式序在 右,尊。 蓋不敢必也。 ○又言明昭乎我 序,次。震,動 允王保之。 懷柔百神 言我之 柴望祭 也。 又

語而命之也。命也。或曰: 此詩即所謂《肆夏》,以其有「肆于時夏」之命也。或曰: 此詩即所謂《肆夏》,以其有「肆于時夏」之

也。 昔武王克商,作《頌》曰「載戢干戈」。 禮》九夏之三也。」 吕叔玉云: 天子以饗元侯也。」 韋昭注云: 以爲周文公之頌。❶ (樊)、《韶夏》一名《遏》、《納夏》一名《渠》,即《周 《外傳》又曰: 《繁遏》,《執競》也。《渠》,《思文》也。」 (時邁》 一章,十五句。 「金奏《肆夏》、《繁遏》、《渠》, 則此詩乃武王之世周公所作 「《肆夏》,《 《春秋傳 「《肆夏》一名 而《外傳》又 時 · 三 三 :

集也。 七羊反。 郎反。〇斤斤,明之察也。 鍾 是皇。賦也。 彼成康,奄有四方,斤斤紀覲反。 競,豈不顯哉! 言武王持其自强不息之心,故其功烈之盛,天下莫得 一鼓喤喤,華彭反,叶胡光反。 執 穰穰,多也。 競武王,無競維 降福穰穰。 成王、康王之德,亦上帝之所君也。 此祭武王、成王、康王之詩。 言今作樂以祭而受福也。 如羊反。 言成康之德,明著如此也。 烈,不顯成康,上 磬筦音管。 〇喤喤,和也。 其 明。 競,强 降福 將將 叶 也 簡 自 而

「公」,吉本作「王」。

大也。 簡 ,是以既醉既飽,而福禄之來反覆而不厭也 威儀反反。 反反, 謹重也。 既 反,覆也。 一醉既 飽, 言受福之多, 福禄 來反。 而 愈益謹 簡 簡

詩、《國語》説見前篇。 《執鏡》一章,十四句。此昭王以後之

也。 也。 陳其君臣父子之常道於中國也。 思,語辭。文,言有文德也。立、粒通。極,至也,德之至 莫非其德之至也。且其貽我民以來牟之種,乃上帝之 命,以此徧養下民者。 匪 納夏》者,亦以其有「時夏」之語而命之也。 此疆 爾 ○言后稷之德真可配天,蓋使我烝民得以粒食者, 貽,遺也。來,小麥。牟,大麥也。 極 思文后稷,克配彼天。 爾界,叶訖力反。 貽我來牟,帝命率育。 是以無有遠近彼此之殊,而得以 陳常于時夏。 或曰: 立我烝民, 率, 徧。 此詩 叶曰逼反。 即所謂 賦 也。

《思文》一章,八句。《國語》説見《時

邁》篇。

五句。《清廟》之什十篇,十章,九十

## 周頌臣工之什四之二

ДŪ

之辭。 哉? 錢、銚。鎛、鉏。 斗柄建辰,夏正之三月也。畬,二歲田也。❶ 於皇,歎美 成,成法也。茹,度也。 敕之也。臣工,羣臣百官也。 此乃言所戒之事。 迄,至也。康年,猶豐年也。 覽》,其説不同,然皆爲籍田而言,蓋農官之副也。 莫春! 奄觀銍珎栗反。 命我衆人, 庤持恥反。 皇來牟,將受厥明。 之春,亦又何求,如 法以賜女,女當來咨度也。 成,來咨來茹。 然麥亦將熟,則可以受上帝之明賜 來牟,麥也。 嗟嗟臣工,敬爾在公。 皆田器也。 艾。音刈。○保介,見《月令》、《吕 明,上帝之明賜也。 如預反。 言三月則當治其新畬矣,今如何 〇此戒農官之詩。先言王有成 何新 明昭上帝, 迄用康年。 乃錢子淺反。鎛,音愽 銍,穫禾短鎌也。 嗟嗟保介,維莫音慕。 衆人,甸徒也。 ○賦也。 公,公家 畬? 音余。 王釐力之反。 嗟嗟,重歎以深 ,而此明昭之上 也。 言麥將熟也 艾, 穫也 庤, 具也。 於音鳥。 也。 爾

❶ 「二」,明甲本、明乙本、吉本作「三」。

帝,又將賜我 而 又將忽見其收成也 新 畬以 豐 年 也。 於 是 命 甸 徒 具 農 以 治

#### 《臣工》一章,十五句。

稼之屬,其職以萬夫爲界者。 汝衆庶。 並耕也。 川,内方三十二里有奇。 云萬人畢出,并力齊心,如合一耦也。 而並耕也。 夫,播其百穀,使之大發其私田,皆服 亦歎詞也。昭,明。 亦服爾耕,十千維 夫,播厥百穀。 發,耕也。 發爾私,終三十里」。 噫嘻成王,既 蘇氏曰: 蓋成王始置田官,而嘗戒命之也。 〇此連上篇,亦戒農官之詞。 蓋耕本以二人爲耦,今合一川之衆爲言,故 私,私田也。 「民曰「雨我公田,遂及我私」,而 駿音峻。 假,格也。 耦。 言三十里,舉成數 昭 假音格。 其上下之間,交相 溝洫用貢法,無公田,故 三十里,萬夫之地,四旁有 叶音擬。 爾,田官也。 發爾私 此必鄉遂之官,司 其耕事,萬人爲耦 爾。 昭假爾,猶言 〇賦 也。 爾當率是 時,是。 也。 率 耦,二人 忠 時 嘻 農

#### 噫嘻》一章,八句。

有斯容。賦也。振,羣飛貌。鷺,白鳥。雝,澤也。振鷺于飛,于彼西雝。我客戾止,亦

也。 王 以我革其命,而有惡於我,知天命無常,惟德是與,其心服 如是則庶幾其能夙夜以永終此譽矣。 此 鷺之潔白 言鷺飛于西雝之水,而我客來助祭者,其容貌脩整亦如 有事膰焉,有喪拜焉 客,謂二王之後。 永終譽。 ,忠厚之至也。」 無 在我不以彼墜其命,而 斁。 也。 叶丁故 彼,其國也。 或曰興 夏之後杞,商之後宋,於周爲客。 反。 **闷者也。** 也。 在國無惡之者,在此無厭之者 庶 有厭於彼,崇德象賢,統承先 在 〇此二王之後來助祭之詩。 幾 彼無惡,烏路反。 夙 夜,叶羊茹反。 陳氏曰: 「在彼不

#### 振鷺》一章,八句。

樂歌。 烝,進。 以 可以供祭祀、備百禮 無不熟矣。 稻也。黍宜高燥而寒,稌宜下濕而暑,黍稌皆熟,則 萬 治百禮,降 億及秭。 豐年多黍多稌,音杜。 蓋祀田 畀,予。 亦,助 祖先農方社之屬也。 咨履反。 洽,備。 語辭。 福 孔 神降之福,將甚徧也 皆。 數萬至萬曰億,數億至億曰秭。 , 編也。 酒 叶 爲 舉里反。 亦 言其收入之多,至 禮,烝 此秋冬報賽 有 高 〇賦 也。 力錦 祖 田 百 妣 稌 反 之 穀

《豐年》一章,七句。

音桃。 在位」、「我有嘉客」、蓋尤以是爲盛耳。 簫,編小竹管爲之。管,如篴,併兩而吹之者也。 祖。 也。 成,樂闋也,如「簫韶九成」之成。 如伏虎,背上有二十七鉏鋙刻,以木長尺櫟之,以止樂者也。 之,中有椎連底挏之,令左右擊,以起樂者也。圉,亦作敔,狀 柄摇之,則傍耳還自擊。 磬,石磬也。 后氏足鼓,殷楹鼓,周縣鼓。鞉,如鼓而小,有柄,兩耳,持其 永觀厥成。 鄭氏曰:「『田』當作『朄』,小鼓也。」縣鼓,周制也。 樹羽,置五采之羽於崇牙之上也。 厥聲,肅雝和鳴,先祖是聽。 〇《序》以此爲始作樂而合乎祖之詩。 簫管備舉。以上叶瞽字。○業、虡、崇牙,見《靈臺 設業設處,音巨。 磬柷尺叔反。 以上叶庭字。○我客,二王後也。 在周之庭。 圉。魚女反。 崇牙樹羽,應田縣鼓,鞉 獨言二王後者,猶曰「虞賓 賦 祝,狀如漆桶,以木爲 也。 應,小鞞。 既備乃奏,叶音 我客戾止 兩句總序其 瞽 樂官無 觀,規也 喤喤音 目

《有瞽》一章,十三句。

魚。 福 鰋音偃。 叶筆力反。 有鱣張連反。 猗於宜反。 鯉。 ○賦也。 與音余。 以享以祀,叶逸織反。 有鮪,叶于軌反。 猗與,歎辭。潛,慘也。 漆沮,七余反。 **鰷**音條。 潛 以 蓋積 有

魚,先薦寢廟。」「季春,薦鮪于寢廟。」此其樂歌也。鰷,白鰷也。《月令》:「季冬,命漁師始漁,天子親往,乃嘗養魚,使得藏隱避寒,因以薄圍取之也。或曰藏之深也。

《潛》一章,六句。

反。 古雅 烏。 耳,不遂廢其文也。 『克昌厥後』,何也? 文武,則備君之德。故能安人以及于天,而克昌其後嗣 燕及皇天,叶鐵因反。 之,以安我孝子之心也。 敬之諸侯,薦大牲以助我之祭事,而大哉之文王,庶其享 皇考,文王也。綏,安也。孝子,武王自稱也。 皆和且敬,以助我之祭事,而天子有穆穆之容也。 穆,天子之容也。 雝,和也。 相息亮反。 蘇氏曰: 燕,安也。 ○於,歎辭也。 反。 薦 有來 廣牡,相同上。 哉皇考,叶音口。 肅肅,敬也。 維辟音壁。 धध, 與公叶, 〇此美文王之德。 周 〇此武王祭文王之詩。 人以諱 廣牡,大牲也。肆,陳。 諱 曰: 其名而廢其文者,周禮之末失 相,助祭也。 事神。 宣哲維人,文武維 公,天子穆穆。 予肆祀。 周之所謂諱,不以其 克昌厥後。宣通。 篇内同。 綏予孝子。 文王名昌 宣哲 辟公,諸侯 叶養里反。 1,則盡 至止 言諸侯之來 ○言此和 賦 人之道 也。 名號之 叶獎履 肅 此 大也。 於音 肅 日

福,使我得以右于烈考文母也。母,大姒也。○言文王昌厥後,而安之以眉壽,助之以多尊也。《周禮》所謂享右祭祀是也。烈考,猶皇考也。文义。 烈考,叶音口。 亦右 文母。叶滿彼反。○右,也。」綏我眉壽,叶殖酉反。介以繁祉。 既右音也。」

及徹 《徹》也 「以《雍》徹 ,帥學士而歌徹,説者以爲即 **雝**》一章,十六 然則此蓋徹祭 句。 此詩。 所 《周 歌, 禮 《論語 而 亦名 大師 》亦 爲

穆,武王當昭,故《書》稱「穆考文王」,而此詩及《訪落 考,武王也。 盛如此。 助祭于武王廟之詩。先言其來朝,稟受法度,其車服之 旂上曰鈴。 語辭也。 革有鶬,七羊反。 烈文辟公,綏以多福 謂武王爲「昭考」。〇此乃言王率諸侯以祭武王廟也。 介眉 龍旂 載見賢遍反,下 壽。 章,法度也。 率見昭考,以孝以享,叶虚良反。 央央、有鶬,皆聲和也。 廟制,太祖居中,左昭右穆。 周廟,文王 陽 永言保之,思皇多祜。後五反。 陽 休有烈光。 和鈴 交龍曰旂。陽,明也。 同。 央央,於良反。 辟 俾緝熙于純嘏。 音 休,美也。 壁。 賦 也。 王, 載,則 軾前日 ○此諸 曰求厥 鞗 也 0 和 侯

> 于純嘏也。蓋歸德于諸侯之辭,猶《烈文》之意也。 而受多福,是皆諸侯助祭有以致之,使我得繼而明之,以下古。○思,語辭。皇,大也,美也。○又言孝享以介眉壽

《載見》一章,十四句。

也。 也。 孔 統承先王,用天子禮樂, 言所以安而留之者無方也。 宿曰信。 之繁,陟立反。以繁其馬。同上。〇一宿日 旅,其卿大夫從行者也。 舊也。萋、且,未詳。傳曰: 之,不敢臣也。 H. 一節言其始至也。 夷。追之,已去而復還之,愛之無已也。 ,七序反。 周 節言其留之也 薄言追之,左右綏之。既有淫威,降福 有客有客,亦白其馬。 、既滅商,封微子於宋,以祀其先王,而 繫其馬,愛之不欲其去也。此一節言其將 敦都回反。 亦,語辭也。 有客宿宿,有客信信。 〇此微子來見祖廟之詩。 所謂淫威也。 淫威,未詳。 琢其旅 殷尚白,修其禮物,仍殷之 「敬慎貌。」敦琢,選 叶滿補反。 賦 舊説淫,大也。 也。 左右綏之 以客禮 有萋有 客,微子 言授 宿 而此 去

(有客》一章,十二句。

於音鳥。皇武王,無競維烈。 允文文

殺。耆,致也。○周公象武王之功爲《大武》之樂。言武指。定爾功。賦也。於,歎辭。皇,大。遏,止。劉,王,克開厥後。嗣武受之,勝殷遏劉,耆音

王無競之功,實文王開之。

而武王嗣而受之,勝殷止殺!

定其功也。

之證,而其說誤矣。 《武》一章,七句。《春秋傳》以此爲《大武》之首章也。《大武》,周公象武王武功之舞,歌武》之首章也。《大武》,周公象武王武功之舞,歌武》之首章也。《大武》,周公象武王武功之舞,歌武》之首章也。《武》一章,七句。《春秋傳》以此爲《大

六句。 《臣工》之什十篇,十章,一百

# 周頌閔予小子之什四之三

傾反。 疚,哀病也。 成王自稱也。造,成也。 喪,始朝于先王之廟,而作此詩也。 祛候反。 閔予小子,遭家不造,叶徂候反。 在疚。音救。於音鳥。乎音呼。 永世克孝。叶呼候反。○賦也。 康衡曰: 「「煢煢在疾」,言成王喪畢思慕 嬛,與「煢」同,無所依怙之意。 閔,病也。予小子, 皇考,叶 嬛嬛 成王免 其

> 顔注亦云 「若神明臨其朝庭」是也。 公揖讓,登降堂只」,與此文勢正相似。 陟降於庭,猶所謂見堯於墻,見堯於羹也。《楚辭》云[] 祖,文王也。承上文,言武王之孝。 降庭叶去聲。 考,武王也。歎武王之終身能孝也。 意氣未能平也。 言我之所以夙夜敬止者,思繼此序而不忘耳。 皇王,繼序思不忘。皇王,兼指文武也。 岞 蓋所以就文武之業,崇大化之本也。」皇 維予小子,夙夜敬止。 思念文王,常若見其 念兹皇祖 於乎二字同上。 而康衡引此句 承上文

放比。 喪朝廟所作。疑後世遂以爲嗣王朝廟之樂。後三篇喪朝廟所作。疑後世遂以爲嗣王朝廟之樂。後三篇

使予勉强以就之,而所以繼之者,猶恐其判涣而不合也。將判涣。維予小子,未堪家多難。乃旦反。紹判涣。維予小子,未堪家多難。乃旦反。紹之、對,分。涣,散。保,安。明,顯也。○成王既朝之艾。判,分。涣,散。保,安。明,顯也。○成王既朝之艾。判,分。涣,散。保,安。明,顯也。○成王既朝之艾。判,分。涣,散。保,安。明,顯也。○成王既朝之艾。判,分。涣,散家。休矣皇考,以保明其庭上下,陟降厥家。休矣皇考,以保明其庭上下,陟降厥家。休矣皇考,以保明其。治我,所以繼之者,猶恐其判涣而不合也。將予勉强以就之,而所以繼之者,猶恐其判涣而不合也。將予勉强以就之,而所以繼之者,猶恐其判涣而不合也。

明吾身而已矣。 則亦繼其上下於庭,陟降於家,庶幾賴皇考之休,有以保

《訪落》一章,十二句。說同上篇

光明。 思,語辭 獎履反。 其高而不吾察,當知其聰明明畏,常若陟降於吾之所爲, 以豉反。 佛、弼通。 仔肩,任也。 〇此乃自爲答之之言。 曰: 肩,示我顯德行。 而無日不臨監于此者,不可以不敬也。維予小子,叶 而 不聰而未能敬也,然願學焉。 一示我以顯明之德行,則庶乎其可及爾。 (而明之,以至于光明。 士,日監在兹。 敬之哉,敬之哉,天道 敬之敬之,天維顯思,叶新夷反。 也。士,事也。○成王受羣臣之戒,而述其 哉 ! 叶謨郎反。 不聰敬止。 叶將黎反。 佛符弗反,又音弼。 下孟反,叶户郎反。〇將,進 叶津之反。 又賴羣臣輔助 日就月將,學有緝熙于 !甚明,其命不易保也。 庶幾日有所就,月有所進 無 日 高 〇賦也。 高 我 在 所 時仔音兹。 上,陟 負荷 顯,明 命不易 之任 が也。 也 我 言

《敬之》一章,十二句。

經反。蜂,自求辛螫。施隻反。肇允彼桃蟲,予其懲,直升反。而毖後患! 莫子荓普

所懲,而謹後患乎! 夢,辛苦之物也。○此亦《訪落》之意。成王自言 化而爲鵬。故古語曰「鷦鷯生鵰」,言始小而終大也。 桃蟲,鷦鷯,小鳥也。 拚芳煩反。 冲,未堪多難,而又集于辛苦之地,羣臣奈何捨我 爲大鳥,此其所當懲者。 毖,慎。荓,使也。 又 (集于蓼。音了。 飛維鳥。 蜂,小物而有毒。 荓蜂而得辛螫,信桃蟲而不 拚、飛貌。 〇賦 未堪家多難,乃旦反。 蓋指管蔡之事也。 也。 鳥,大鳥也。 懲,有 肇,始。 所 傷 鷦鷯 而 然我 允,信 知 知其 愐 一之難 戒 方 也 予 能 何

是。 忠》者,謹之於小也。謹之於小,則大患無由至 忠《小毖》一章,八句。蘇氏曰:「《小

之處也。畛,田畔也。 音釋,叶徒洛反。 俶 婦,有依其士。 彊侯以。 官》「柞氏掌攻草木」是也。 耘,徂隰徂畛。 音真。 載南畝。叶滿委反。○主,家長也。 載芟載作,側百反,叶疾各反。其耕澤澤。 有嗿它感反。 與以叶。 賦 侯主侯伯,侯亞 也。 〇耘,去苗間草也。 其饁,于輒反。 除草曰芟,除木 澤澤、解散也。 有略其耜,叶養里 伯,長子 侯旅,侯 日柞。 千 思媚 隰,爲田 其 其

也。 也。 宰》所 亞,仲 活,生也。 所左右者也。 《遂人》所謂 言餉婦與 謂 叔 厥百穀,實函斯活。 也。 「閒民,轉移執事」者,若今時 既播之,其實含氣而生也。 「以彊子、任甿」者也。 噴,衆飲食聲也。 耕夫相慰勞也。 ,衆子弟 也。 彊,民 略,利。 媚,順。 叶呼酷反。 己有餘 能左右之曰以。《大 庸力之人,隨主人 驛驛其達,叶 依,愛。 俶,始。載,事 力 而 ○函,含。 來 助

載

佗悦反。

驛驛,苗生貌。

達,出

土也。

古有年也。 獨今時有今豐年之慶,蓋自極古以來已如此矣。 之所以光也。以共養耆老,則胡考之所以安也。 秭。 有且,匪今斯今,叶音經。 飶,芬香也,未詳何物。 其香,邦家之光。 濟,子禮反。 人衆貌。實,積之實也。 厭,受氣足也。傑,先長者也。 0 且 表驕反。 爲酒爲醴,烝畀祖妣,以洽百禮 此。 有 振 有實其積,子賜反,叶上聲。 ○縣縣,詳 其 極也。 傑。 胡,壽也。 言非獨此處有此稼穡之事,非 有椒其馨,胡 積,露積 密也。 振古如兹。 厭厭其苗 仏也。 麃, 耘也。 以燕享賓客,則 有飶蒲即 考之 縣 載 萬億及 猶言自 濟濟, 穫 緜 邦 寧。 反。 且 濟 其 家

墉

載芟》一章,三十一句。 此詩 未詳

> 所 用 然辭意與 一豐 车 》相 似 其 用 應 亦 不 殊

作相助,❶故同時入穀也。 室,一族之人也。五家爲比,五比爲間,四間爲族。 挃,穫聲也。栗栗,積之密也。櫛,理髮器,言密也 盛。 朽止,黍稷茂叶莫口反。 猶謂蓼爲辣荼,或用以毒溪取魚,即所謂荼毒也。 茶,陸草。 呼毛反。 或來瞻女,婦子之來饁者也。 瞻女,音汝。 百穀,實函 斜,叶其了反。 南畝。 其比毗志反。 角 穫之挃挃,珍栗反。 畟畟 寧,安也。 茶蓼。斜然笠之輕舉也。 蓼,水草。 盧 叶蒲委反。 楚側反。 谷反。 斯活。 載筐及筥,其饟 其鎛音博。 殺時算如純反。 如櫛,側瑟反。 以似以續,續古之人。無 物而 ○賦 良 叶 耜,叶 呼 百室盈止,婦子寧止。 也。 啃 有水陸之異也。 筐、筥,饟具也。 酷 積之栗栗。 斯趙,直了反。 反。 畟畟,嚴利也 養 毒草朽,則土熱而 里 説見前篇。 以開 式亮反。 牡,有捄音求 趙,刺。 反。 百室。 俶 今南方人 其笠伊 薅,去也 尺 以薅 茶蓼 叔 人輩 如 反。

其

盈

<sup>「</sup>人」上,吉本有「族」字。

奉祭祀。 ○黄牛黑唇曰犉。捄,曲貌。續,謂續先祖以韻,未詳。 ○黄牛黑唇曰犉。捄,曲貌。續,謂續先祖以

末。亦未知其是否也。即所謂《豳頌》者,其詳見於《豳風》及《大田》篇之文》、《臣工》、《噫嘻》、《豐年》、《載芟》、《良耜》等篇文》、《良耜》一章,二十三句。或疑《思

話。 俅俅,恭順貌。 潔。禮之次也。 基,告濯具。又視牲,從羊至牛,反告充已,乃舉鼎幂告 言此服絲衣爵弁之人,升門堂,視壺濯籩豆之屬,降往於 思,語辭。柔,和也。昊,譁也。 也。紑,潔貌。載,戴也。 之反。兕觥其觩,音求。 不敖,音傲。 基,自羊徂牛,鼐 絲衣其紑,孚浮反。 基,門塾之基。 又能謹其威儀,不誼譁,不怠敖,故能得 胡考之休。賦也。絲衣,祭服 弁,爵弁也,士祭於王之服 乃代反。 旨酒 載弁俅俅。 鼐,大鼎。鼒,小鼎也。 〇此亦祭而飲酒之詩 思柔。不吴 鼎及鼒。 音求。 叶 自 音 津

牛、觩、柔、休並叶基韻。或基、蕭並叶紑韻。《絲衣》一章,九句。此詩或紑、俅、

於音鳥。鑠式灼反。王師,遵養時晦。

熙,光。介,甲也,所謂一戎衣也。 反。 蹻蹻然王者之功,其所以嗣之者,亦維武王之事是師爾。 既純光矣,然後一戎衣而天下大定。 之詩。言其初有於鑠之師而不用,退自循養,與時皆晦。 貌。造、爲。載、則。公、事。 實維爾公允師。 時純熙矣,是用大介。 王之造。 《酌》一章,八句。 叶 徂 賦也。 一候反。 於,歎辭,樂,盛。 允,信也。 我龍受之,蹻 載用有嗣 酌,即勺也。 龍,寵也。 後人於是寵而受此 〇此亦頌 踽踽,武 叶 蹄居表 《内則 遵,循 音 武武王 祠

《賚》、《般》皆不用詩中字名篇,疑取樂節之名,如「十三舞《勺》」,即以此詩爲節而舞也。然此詩與

曰「武宿夜」云爾。

也。」言君天下以代商也。 佳賣反。 德上昭于天也。 故此桓桓之武王,保有其士而用之於四方,以 王克商,則除害以安天下,故屢穫豐年之祥。 也。綏,安也。桓桓,武貌。大軍之後必有凶年。 克定厥家。 「周饑克殷而年豐」是也。然天命之於周,久而不厭也, 綏萬邦, 婁力注反。 桓桓武王,保有厥士。 於音鳥。昭于天,皇以 「閒」字之義未詳。《傳》曰 此亦頌武王之功。 豐年。 于 天命 、閒之。 以 定其家,其 《傳》所謂 DП 匪 而武 賦

傳

與? 爲講武類馮之詩,豈後世取其義而用之於其事也 爲講武類馮之詩,豈後世取其義而用之於其事也 有武王之謚,則其謂武王時作者,亦誤也。《序》以 武》之六章,則今之篇次蓋已失其舊矣。又篇内已 武》之一章,九句。《春秋傳》以此爲《大

工之德而不忘也。 文王既勤止,我應受之。敷時繹思, 大祖維求定。時周之命,於音烏。繹思! 我祖維求定。時周之命,於音烏。繹思! 我祖維求定。時周之命,於音烏。繹思! 我祖維求定。時周之命,於音烏。繹思! 我祖維求定。時周之命,於音烏。繹思! 我祖維求定。 時周之命,於音烏。繹思! 我祖維求定。 時周之命,於音烏。繹思!

篇。 武》之三章。而《序》以爲大封於廟之詩。説同上武》之三章。而《序》以爲大封於廟之詩。説同上 《齊》一章,六句。《春秋傳》以此爲《大

耳。嶞,則其狹而長者。喬,高也。嶽,則其高而大者。侯反。時之對,時周之命。賦也。高山,泛言山山喬嶽,允猶翕許及反。河。敷天之下,裒蒲以喬烏。皇時周,陟其高山,隨吐果反。

下,以答其意耳。 四嶽,凡以敷天之下莫不有望於我,故聚而朝之方嶽之四嶽,凡以敷天之下莫不有望於我,故聚而朝之方嶽之言美哉此周也,其巡守而登此山以柴望,又道於河以周泛溢,今得其性,故翕而不爲暴也。裒,聚也。對,答也。允猶,未詳。或曰: 允,信也。猶,與由同。翕河,河善

《般》一章,七句。般,義未詳。

章,一百三十六句。《閔予小子》之什十一篇,十一

詩卷第十九

Ξ

#### 詩卷第二十

朱熹集傳

氏所記當時列國大夫賦詩,及吴季子觀周樂,皆無

E

者,其説不得通矣。

魯頌 等州即其地也。成王以周公有大勳勞於天下,故賜 野,成王以封周公長子伯禽,今襲慶、東平府沂、密、 僖公之詩無疑耳。夫以其詩之僭如此,然夫子猶録之 又自作詩,以美其君,亦謂之《頌》。 禽以天子之禮樂。魯於是乎有《頌》以爲廟樂。 巡守不陳其詩,而其篇第不列於太師之職,是以宋、魯 亦安得而削之哉? 教化之遺意焉,則其文疑若猶可予也。況夫子魯人, 未純於天子之《頌》。若其所歌之事,又皆有先王禮樂 者,蓋其體固列國之《風》,而所歌者乃當時之事,則 十九世孫僖公申之詩,❶今無所考。 《風》。 有 》何 示 四之四魯,少皞之墟,在《禹貢》徐州蒙 也? 可揜 其或然歟? (者,亦《春秋》之法也。 先儒以爲時王褒周公之後,比於先代,故 然因其實而著之,而其是非得失 或謂夫子有所諱而削之,則 舊説皆以爲伯 獨《閟宫》一篇爲 或曰: 魯之無 羽 之

> 力也。 彭。 駉,腹幹肥張貌。 反。 馬,在坰之野。 毛曰騅,黄白雜毛曰駓,赤黄曰騂,青黑曰騏。 思無期,思馬斯才。 胚,符悲反。 牡馬,在坰之野。 文公「秉心塞淵」,而「騋牝三千」,亦此意也。 其立心之遠,故美之曰「思無疆」,則「思馬斯臧」矣。 之深廣無窮也。 皇,純黑曰驪,黄騂曰黄。彭彭,盛貌。 野,野外謂之林,林外謂之坰。驪馬白跨曰驈,黄白 驈户橘反。 之野。 叶鋪郎反。 無期,猶「無 駉 古榮反。 有皇,有驪力知反。 有騂 叶上與反。 臧,善也。〇此詩言僖公牧馬之盛,由 邑外謂之郊,郊外謂之牧,牧外謂 思無疆,思馬斯臧。 疆」也。 薄言駉者,有 有騏, 牡 薄言駒者,有騅 馬,叶 薄言駒者,叶章與反。 叶前西反。 才,材力也。 以車 滿 補 伾伾。 有黄,以車 ○賦也。 反。 驒 思無疆,言其 徒河反 在坰 音佳。 賦也。 ○駉 符丕反。 伾伾,有 倉白 古祭 駉 彭 有 衛 思 雜 之 E

● 「詩」,原作「時」,據元本、殿本改。

以其 毛曰 賦也。 祛。 連錢騘 流行矣。蘇氏曰: 之間,必使無所思而不出於正,則日用云爲,莫非天理之 下,未有若此言者。 懲,皆有以使 目 騢,音遐,叶 牡 一言以蔽之,曰 也。 作 詩》至此,而有合於其心焉,是以取之,蓋斷章云爾。」 駅。 繹 (要爲不過乎此 起居反。 陰白雜 也。 祛祛,彊 繹, 有 賦 豪骭曰驔,毫在骭而白也。二目白曰 坰之野。 不絶貌。 也。 ^ 人得其情性之正。 洪孤反。 有 駉》四章,章八句。 毛 馬 健 思無邪。」蓋《詩》之言美惡不同,或勸 思無 黑鬣 雒 日 也。 「駰。 驪驎 也。 故特稱之,以爲可當「三百篇」之義 「昔之爲《詩》者,未必 斁, 以 日 徂,行也。 學者誠 邪,叶祥余反。 日 隂,淺黑色,今泥騘也。 有 駱,赤身黑鬛 厭 薄言駉者,有 車 驒 也。 ·驔音簟。 ,色有深淺 繹 能深味其言,而審於念慮 作, 繹 然其明白簡切,通于上 孔子曰: 奮 有魚, 日 近班駁如 起 思 駵,黑身白鬛 也 知此 思馬 駰 「《詩》三百 音因 魚鱗,今之 也 魚,似魚 彤白 車 徂 祛 馬 雜

夙 夜 在 有 叶 後 蒲 五 在公明明。 必 反。 反。 鼓 有 咽 駜 咽 叶 謨郎反。 烏玄反 乘 繩證 振 醉 振 反。 鷺 鷺 黄。

> 兮 ! 鷺之下 已反。 飛也。 歸。 也。 治也。 于胥 在公,在公載燕。 公飲酒。 胥,相也,醉而起舞,以相樂也。 ○有駜有駜, 于胥樂兮! 也。 善善 振振,羣 ○有駜有駜,駜彼乘駽 君子有穀, 治孫子。 興也。青驪曰駽,今鐵騘也。 音 也,或曰禄也。 咽,與「淵 洛 飛貌。 振 兮 鷺 同, 鷺,鷺羽,舞者所 駜 興也。 ,鷺于飛。 自今以始, 治,遺也。 彼 鼓聲之深 也 乘牡 鷺于飛,舞者振作鷺羽 駜 叶獎履反。 馬 頌禱之辭 載,則 長 此燕飲而 鼓咽咽, 肥 歲其 夙夜 也。 呼縣 彊 ",或 也。 反。 在 于胥 有 坐 頌禱之辭  $\Box$ 或 明 夙 伏, 明 叶 亦 夜 羽 加 如 興 辨

有駜》三章,章九句。

夜夜 斤反。 宫 泮水,泮宫之水也。 東西南方有水,形如半璧,以其半於辟廱,故曰泮水,而 大,從公于邁 亦以名也。 思樂音洛。 魯侯戾止,言觀 蒲害反。 芹,水菜也。 鸞 諸侯之學,鄉射之宫,謂之泮 泮普半反。 賦其 事 噦 戾,至也。 其族。 以 噦 起興 水,薄采 呼 也。 叶其斤 會 茷茂,飛揚也。 反。 思, 反。 其 發 無 語 其旂 小 也 無 其 其

反。 噦,和 滑,江 醜。 老。叶魯吼反。 水 在 馘。 侯五反。 武,昭假音格 敬 醜,衆也。 魯侯戾止,在 和顏色也。 笑,匪怒伊教。 公、魯公也。 泮 明 淑 魯侯 淮夷攸 其德。 成 古獲反,叶 南 賦其事以起興也。 也。 獻 善善 馬 於學, ○賦也。 人謂之尊菜者也。 在 囚 此 其 此 也 蹻 泮,而 章以下皆頌禱之辭也。 飲於 〇明明魯侯,克明其 服 ,及其 蹻 藻 思 問 賦 敬 況 其音 洋飲 後 洋 烈祖。 訊 也。 順 泮 願 慎 反 壁 昭,明也。 賦其事以起興 叶蒲北反。 宫 其 彼 囚 反。 也,釋奠於學,而以訊 威 矯 而 侯 有是功也。 也。 長 酒。 水 昭昭。 茆,鳧葵也,葉大如 矯 儀 頌 淑 靡有不孝,自 戾止,其 道 ,薄采其 ,維民之則。 禱 長道,猶大道也。 囚,所 武貌。 問 假,與 既飲旨 之解 ,叶徒吼反 矯矯虎臣,在泮 如泉 也。 叶之繞反。 虜 馘,所格者之左 也。 「格」同。 〇穆 獲者。 馬 が。 蹻 濟 陶 德 酒 蹫 蹻 濟子禮反 馘 穆魯侯 叶夷 求伊祜。 叶謨九 盛貌 手,赤圓 蹻。 思 蓋古者 允文允 屈 告。 既 載 烈祖 屈, 作 此 錫 周 色 周 服 反 色 反 泮 羣 泮 難 耳 出 表 而

> 矢爲束。 搜。 揚。 金。 也。 此章前四句興,後四句如《行葦》首章之例。 琛,寶也。 淮夷,來獻其琛,敕金反。 食我桑黮,尸在反。 無不獲矣。 斁,言競勸也。 淮夷卒獲。 既克淮夷,孔淑不逆。 而 而大之也。 東 多 和,不争功也。 烝烝皇皇,盛也。 興也。 色留反。 一,克 不告于訩 或曰百矢也。搜,矢疾聲也。 元龜,尺二寸。 廣 尼 德心,善意也。狄,猶逷 鴞,惡聲之鳥也。 德 心 逆,違命也。 叶黄郭反。 戎車孔博,徒御無斁。 翩彼飛鴞,吁驕反。 反。 , 音凶。 角弓 不吴不揚,肅也。 烝 懷我好音。 桓 賂,遺 烝 在泮獻 桓 蓋能 ○賦也。 其觩,音求。 皇皇, 叶宜脚反。 點,桑實也。 于征 元龜象齒,大賂 也。 審固其謀猶 色也。 南金 功。 狄 不吴 觩, 弓健貌。 憬九永反 博,廣大也 不告于訩,師 集 式 他 荆 賦 (于泮) 憬,覺悟 南,謂 固 也。 歷 叶弋灼反。 束矢其 揚之金也 ,則淮夷終 話 反。 爾 廣,推 猶 也。 五 + 夷

《泮水》八章,章八句。

赫姜嫄,音元。其德不回。上帝是依,叶音 閟筆位反。宫有侐,況域反。實實枚枚。

赫

集 傳

三六

反。 大音泰。 反。 隈。 著,蓋有翦 大王自豳 啓爾宇,爲周 扶雨反。 上與反。 武,續大王之緒。致天之届,于牧之野。 治洪水既平,后稷乃始播百穀。 種曰稙,後種 僖公耳。 清静也。 之緒。象呂反。 穋,音六,叶六直反。 人歌咏其事,以爲頌禱之詞,而推本后稷之生,而下及于 有黍,有稻 無貮 奄有下國,叶 商之旅,克咸厥功。叶居古。 無 災 實實,鞏固也。 無貳無虞,上帝臨女。音汝。 無虞,上帝 徙居岐陽,四 建爾元子,叶子古反。 П 降之百 敦,治之也。 王,居岐之陽,實始翦 商之漸矣。 無 日 !有秬。 稺。 害 也。 室 〇賦 福 臨 奄有下國,封於邰也。緒,業也。 依,猶眷顧也。 輔。 彌 女,猶《大明》云「上帝臨女,無 方之民咸歸往之,於是 于逼反。 届,極 咸,同也。 也。 ,叶筆力反。 稙 徵力反。 枚枚, 礱密也。 求許反。 月 扶雨反。 閟,深閉也。宫,廟也。 不 也。 遲 俾民稼 ○后稷之孫,實 奄有下 猶言窮極 言輔佐之臣同有其 説見《生民》篇。 稺菽 〇賦 俾侯于魯, 陳 商。 時蓋修之,故詩 稷 也。 王曰叔父, П 穡。 土 反。 也 至于文 而 敦都回 一,纘 直 王迹 叶 有 龍 是 訖 侐, 反 維 稷 牛 叶 禹 禹 盾 力

俾 也。 不忒。 叶 既 俾 子,魯公伯禽也。 尊將將。 僖公致敬郊廟,而神降之福,國人稱願之如此也。 帝,配以后稷,牲用騂牡。 王以周公有大功於王室,故命魯公以夏正孟 知此是僖公者,閔公在位不久,未有可頌,此必是 子,而附於大國也。上章既告周公以封伯禽之意,此乃 音汝。○賦也。 功 而 言其命魯公而封之也。 宜、虚何二反。 六轡耳耳。 孫,莊公之子,叶獎履反。 」之類。 盧當反。 載嘗 侯于東。 而 耳耳,柔從也。 熾 周 章移、當何二反。周公皇祖 公 1,夏而 皇皇后帝,皇祖 而 亦 七羊反。 籩豆大房。 昌 萬 與 錫之山 ,俾爾壽 是饗是宜,牛奇、牛何二反。 春秋匪解,音懈, 附庸,猶屬城也。小國不能 焉 楅 啓,開。宇,居也。 也。 》洋洋,孝孫 春秋,錯舉四時也。 衡。 毛炰薄交反。 莊公之子,其一閔公,其一僖公。 王 皇祖 JIJ, 叶户郎反。 而臧。 成 此下當 土田 王 龍旂 ,謂羣公。 后稷,享以騂 也。 有慶。 脱 叶訖力反。 附 保彼 承祀,叶養里反。 叔父, 白牡 **越**側吏反。 一, 亦 庸。 忒,過差 句, 此 乃 章以 中解剛 周公也。 東 命魯公, 如 叶 其 春郊祀 周公之 自達於天 介方,魯 鍾 祛羊反。 (福女。 後皆 、、、、虚 也 享 僖 言 八

計反。 周公之牲也。騂剛,魯公之牲也。白牡,殷牲也。 福衡」是 羹,肉汁之有菜和者也。 犧尊,畫牛於尊腹也。 叶姑弘反。 與岡、陵等而爲三也。 也。三壽,未詳。鄭氏曰: 體之俎,足下有跗,如堂房也。《萬》,舞名。 震、騰,驚動 羹,太古之羹,涪煑肉汁不和,盛之以豋,貴其質也 去其毛而炰之也。」胾,切肉也。羹,大羹、鉶羹也 :王禮,故不敢與文武同。 、敢承。 而大,叶特計反。 毛魚、《周禮·封人》祭祀有「毛魚之豚」,注 朱英 烝徒增增。成狄是膺,荆舒是懲,則莫 千乘,大國之賦也。 萬有千歲,眉 也。 止觸 出 臺背,叶蒲寐反。 公徒三萬,貝胄朱緩,息廉反,叶息稜 緑縢,徒登反。 如 俾爾昌 秋將當,而夏福衡其 也 不 陵。 《周禮•封人》云「凡祭,飾其牛牲 不崩, 賦 或曰: 而 ○公車千乘,繩證反,叶 也。 盛之鉶器,故曰鉶羹。大房,半 熾,俾爾壽 爾耆 成方十里,出 魯公則 不 「三卿也。」或曰: 二矛重直 尊作牛形,鑿其背以受酒 有害。 秋祭 震 一而艾。 壽胥與 (牛, 言夙戒也 不 無所嫌,故用 名。 騰 而 革 叶暇憩反。 吾蓋 富。 車 試 龍 反。 乘,甲 叶方未 願公壽 俾 白 周公 於 神陵 五 士

反。

反。

朋 邦

功。 邦,叶 弓,備折壞也。徒,步卒也。三萬,舉 與試其才力以爲用也。○○泰山 國也。懲,艾。承,禦也。僖公嘗從齊桓公伐楚,故以此 爲步卒不過二萬七千人,舉其中而以成數言,故曰 所以飾矛。 繹,二山名。宅,居也。 山名。荒,奄也。 邦所詹。 美之,而祝其昌大壽考也。壽胥與試之義未詳 也。貝胄,貝飾胄也。 軍而已。 適滿千乘 法當用十萬人,而爲步卒者七萬二千人。 莫不率從。 至于海邦,淮夷蠻貊,叶莫博反。 三人,左持弓,右持矛 泰山、龜、蒙、鳧、繹,魯之所有。 二十五人。千乘之地,則三百十六里有 保 賦也。 「壽考者 有鳧繹,叶弋灼反。 · ト 工 反。 三軍爲車三百七十五乘,三萬七千五百人,其 , 荷盡用之, 是舉國而 狄,北狄。 緑縢,所以約弓也。二矛,夷矛、酋矛也。 泰山、魯之望也。 奄有龜、蒙,遂荒大東,至 相與爲公用也。」蘇氏曰: 莫敢不諾,魯侯是若。 淮夷來同。 大東,極 膺,當也。 中 謂徐國也。 朱綅,所以 -人御。 東 也。 遂荒徐宅,叶達各反。 詹,與「瞻」同。 荆,楚之别號 行也,故其用之,大國三 莫不率從,魯侯之 一 嚴嚴,叶魚炊反。 海 其餘 卒七十二人,將 諾,應辭。 綴 一成數 邦,近 也。 則國之東南 「願其 然大國之賦, 也。車千 奇 增 彼 海之國 賦也。鳧 王氏 其與 而 也。 也 也 萬

桷音角。 也。曼,長。碩,大也。萬民是若,順萬民之望也 反。 短。 疑也。有,常有也。 反。 公所脩之廟。奚斯,公子魚也。作者,教護屬功課 二山名。八尺曰尋。舄,大貌。路寢,正寢也。 母叔姜亦應未老。此言「令妻壽母」,又可見公爲僖公無 壽母,壽考之母,成風也。閔公八歲被弒,必是未娶,其 田也,魯朝宿之邑也。 黄髮兒齒。賦也。常,或作「嘗」,在薛之旁。許,許 魯侯燕喜,令妻壽母。 相 士,與里反。邦國是有。叶羽己反。既多受祉 聯屬 徂 故魯人以是願僖公也。令妻,令善之妻,聲姜也。 是度,待各反。 且碩,同上。 新廟奕奕,叶弋灼反。奚斯所作。 眉 . 來之松,新甫之柏。 叶逋莫反。 ,可以服從之國也。 有舄,叶七約反。路寢孔碩。叶常約 萬民是若。 兒齒,齒落更生細者,亦壽徵也。 居 是尋是尺。叶尺約反。 皆魯之故地,見侵於諸侯而未復 常常 ○天錫公純嘏,叶果五 與許,復 叶滿委反。 賦也。徂來、新甫、 周公之字。 宜大夫庶 是斷 孔曼音 新廟,僖 章程 音

四章脱 説八章,二章章十七句,一章十二句,一章三十 閟宫》九章,五章章十七句。 一句。二章章八 句,二章章十句。

> 次。 八句,二章章八句,二章章十句,多寡不均, 蓋不知第四章有脱句而然。今正其誤 雜 亂 無

四十三句。

魯頌》四篇,二十四章,二百

都亳、宋都商丘、皆在今應天府亳州界 其七篇,然其存者亦多闕文疑義,今不敢强通也。 二篇於周太師,歸以祀其先王。至孔子編《詩》而又亡 樂日以放失。七世至戴公時,大夫正考甫得《商頌》十 貢》徐州泗濱,西及豫州盟猪之野。其後政衰,商之禮 其庶兄微子啓於宋,脩其禮樂,以奉商後。 有天下。 其後三宗迭興,及紂無道,爲武王所滅。 商頌四之五 契爲舜司徒而封於商,傳十四 其地在《禹 世 而 商 湯

鼓。 烏。 反。 後出迎牲」,即此是也。 也。《記》曰「商人尚聲,臭味未成,滌蕩其聲,樂三闋,然 那,多。置,陳也。 孫奏假,音格。 嘒嘒管聲。 赫湯孫,叶思倫反。 猗於宜反。 奏鼓簡簡, 衎我烈祖 綏我思成。 既和且平,依我磬聲。 簡簡,和大也。 與音余。 舊説以此爲祀成湯之樂也。 穆穆厥聲。湯孫,主祀 那與,置我靴音桃。 靴鼓淵淵,叶於巾 衎,樂也。 賦也。 猗, 烈祖,湯 歎 辭

美也。 齊者。 序也。 聲。」此之謂思成。蘇氏曰: 「其所見聞本非有也 神明來格也。」《禮記 清亮也。 此人矣。 思耳。」此二説近是。蓋齊而思之,祭而如有見聞,則成 然必有聞乎其容聲。 語,思其志意,思其所樂,思其所嗜。齊三日乃見其所 之時王也。假,與「格」同,言奏樂以 言湯其尚顧我烝嘗哉? 昔曰「先民」。」顧予烝嘗, 敬也。言恭敬之道,古人所行,不可忘也。閔馬父曰: 昔,先民有作。 舞》陳於庭,而祝事畢矣。嘉客,先代之後,來助祭者 磬,無相奪倫者。至於此,則九獻之後,鍾鼓交作,《萬 亦不夷懌。庸、鏞通。斁,斁然盛也。奕,奕然有次 「先聖王之傳恭,猶不敢專,稱曰「自古」,古曰「在昔」, 夷,悦也。亦不夷懌乎? 言皆悦懌也。 思成,未詳。 祭之日,入室,僾然必有見乎其位。 蓋上文言鞉鼓管籥作於堂下,其聲依堂上之玉 庸鼓有斁、《萬舞》有奕。 磬,玉磬也。 鄭注頗有脱誤,今正之。淵淵,深遠也。 鄭氏曰: ₩ ⊟ : 出户而聽,愾然必有聞乎其歎息之 温恭朝 堂上升歌之樂,非石磬也。 此湯孫之所奉者,致其丁寧之 「齊之日,思其居 「安我以所思而成之人,謂 湯孫之將。將,奉也 夕,執事有 格于祖 我有嘉 周旋出户 考也。 自古在 穆穆, 嘒嘒, 生於 客,

那》一章,二十二句。 閔馬父日 ,庶幾其顾之也

正考父校商之名《頌》,以 《那》爲首,其輯之亂 日

云

疆

無疆。 音旁。 成。 也。 也。 敬之至,則又綏我以眉壽黄耇之福也。❶ 叶音昂。 齊一也。 之謂也。 調節也。 祀,如下所云也。 福,可以申錫於無疆,是以及於爾今王之所,而脩其 始,每言「羹定」,蓋以羹熟爲節,然後行禮。 「奏」「族」相近,族聲轉平而爲鬷耳。無言,無争,肅 〇此亦祀成湯之樂。 爾,主祭之君,盖自歌 及爾斯所。 叶音常。 ,叶户郎反。 嗟嗟烈祖,有秩斯祜。 鬷《中庸》作「奏」,今從之。 酤,酒。 言其載清酤而既與我以思成矣,及進和羹而肅 戒,夙戒也。平,猶和也。 鬷,《中庸》作「奏」,正與上篇義同。 時靡有争。 亦有和羹,叶音郎。 齊,與也。 既載 賦 八鸞鶬鶬。七羊反。 也。 叶音章。 清酤,叶候五反。 言嗟嗟烈祖,有秩秩無窮 者指之也。 思成,義見上篇。 烈祖, 湯也。 綏我眉壽,黄耇 儀禮於祭祀 候五反。 假音格。 既戒既平,叶 斯 秩,常。 所,猶 定,即戒平 和羹,味之 **贅**我思 申錫 以假音 無言 盖古 燕享之 言 此 敬 而 重

綏」,元本、明甲本、明乙本、吉本作「安」。

見》篇。 降福 格。 之而祖考來饗,則降福無疆矣。 康 降以豐年黍稷之多,使得以祭也。假之而祖考來假,享 少,豐 無疆。 將,大也。穰穰,多也。 言助祭之諸侯,乘是車以假以享于祖宗之廟也。 年穰 享 叶 約軧錯衡、八鸞,見《采芑》篇。 穰。 虚 良 反。 來 假音格。 我受命 言我受命既廣大,而天 顧予烝嘗,湯孫之 清溥將。 來饗,叶虚良 鶬,見《載 自天 反 降

《烈祖》一章,二十二句。

説見前篇

昔也。 有。 先后受天命不危殆,故今武丁孫子猶賴其福。 侯無不受命也。 所由生,以及其有天下之初也。 事見《史記》。宅,居也。殷,地名。芒芒,大貌。 遺卵,簡狄吞之而生契,其後世遂爲有商氏,以有天下。 春分玄鳥降。高辛氏之妃,有娀氏女簡狄,祈于郊禖,鳦 古帝命武 域,封竟也。 在武丁孫子。叶獎履反。〇方命厥后,四方諸 叶羽已反。商之先后,受命不殆,叶養里 帝,上帝也。武湯,以其有武德號之也。正,治 天命玄鳥,降而 湯,正域彼四方。 九有,九州也。 〇此亦祭祀宗廟之樂,而追叙商人之 生商,宅殷土芒芒。 方命厥后,奄有九 武丁,高宗也。 賦也。玄鳥, 鳦也 武丁孫 言商之

> 也。 也。 子 四 員,與下篇「幅隕」義同,蓋言周也。河,大河也 《殷武》卒章。《春秋傳》亦曰「商湯有景亳之命」是也。 景員維河之義未詳。 景員維河,殷受命咸宜,叶牛何反。 海之廣也。 止,肇域彼四海。 侯無不奉黍稷以來助祭也。 大糦尺志反。 何。音荷,叶如字。 言王畿之内,民之所止,不過千里。 周皆大河也。 武 龍旂,諸侯所建交龍之旂也。大糦,黍稷也。 ○言武丁孫子今襲湯號者,其武無所不勝,於是諸 王 靡 四海來假,音格。下同。 不勝。 是承。 何,任也。《春秋傳》作「荷」。 或曰: 〇假,與 叶虎洧反。〇止,居。肇,開 音升。 武王, 湯號, 而其後世亦以自 邦畿千里,維民 景,山名,商所 「格」同。 而其封域,則極乎四 祁祁,衆多貌。 來假祁祁。 乘,繩 百禄 都 也。 言景山 證 是 ·, 奉 反。 稱

《玄鳥》一章,二十二句。

哲,知。長,久也。方,四方也。 娀 用此語。 息容反。 下土方。 濬哲維商,長發其祥。 大國 方將,帝 絶句。《楚辭·天問》「禹降省下土方」,蓋 是疆 立子 一,幅 生 隕 外大國,遠諸侯也。 、音員。 一商。 洪水芒芒, 賦 既長。 也。 幅 深。

既發。 則既 降而 截。 達,叶 見也久矣。 湯 受小國大國 實基於此。 廣大之時,有娀氏始大,故帝立其女之子而造商室也 遲遲,久也。 帝是祗,帝命式 里起, 豈嘗中衰也與。 而商益大,四方諸侯歸之,截然整齊矣。 蓋契於是時始爲舜司徒,掌布五教于四方,而商之受命 降 日: 將,大也。 發以應之矣。 生 邊 賦 也。 有明德,天命未嘗去之,以至於湯。 他悦反。 也。玄王,契也。玄者,深微之稱。 適 叶方月反。相息亮反。 -遲,聖敬 「至湯 當其 上帝是敬 方禹治洪水,以 王者,追尊之號。桓,武。撥,治。達,通也 無所不達,言其無所不宜也。 發,應也。言契能循禮不過越,遂視其民 祗,敬。 隕, 〇言商世 玄王桓撥,叶 (時,其聖敬又日躋升,以 受大國是達。 而王業成 讀 相土,契之孫也。 于九圍 H 作 故帝命之,使爲法於九 躋。 〇帝 「員」, 世有濬哲之君,其受命之祥,發 也。 與與 (外大國爲中國之竟,而 命 謂 昭假音格。 天命會 周 必烈反。 九圍,九州 賦也。 不違,至于湯 土烈烈,海 也。 率履不越,遂 截,整齊也。 也。」降, 至昭假于天,久 湯齊之義未詳。 其後湯以 受小國 湯之生也,應 也。 或曰以玄鳥 遲遲,上 州也 契之母 〇商之 生 七十 履 也 家

流。 截。 曷。 賦也。 勇反。 聚也。 著也。 氏曰: 受 斾 其勇,猶言大進其武功也。 貢 奴版反。 垂者也。 皆天子之所執也。」下國,諸侯也。 小球大球之義未詳。 不 董氏曰: 駿音峻。 五葛反,叶五竭反。 「共、珙通,合珙之玉也。」傳曰: 也。 ·柔,敷政優優,百禄是遒。子由反。 小球音求。 《漢書 有虔秉 何音賀。 韋、顧 鄭氏曰: 小共大共、駿厖之義未詳。 何,荷。 敷奏其勇,不震不動, ○受小共音恭,叶居勇反。 「小球,鎮圭,尺有二寸。大球,大圭,三尺也 言爲天子而爲諸侯所係屬,如旗之縿爲旒所綴 不竦,小勇反。 尨。 莫邦反, 叶莫孔反。 「《齊詩》作「駿 》作「遏」,阿葛反,叶阿竭反。 既伐 競,强。 天之休。 大球,爲下 「共,執 音越。 莫遂莫達,叶陀悦反。 或曰: ,叶房越反。 絿,緩也。 也。 駹」,謂馬 態,竦懼 百禄是總。 不競不絿,音求。 猶小球大球也。」蘇 小國大國所贄之玉 火烈烈, 國綴張 「駿,大也。 或日小國大國所共之 優優,寬裕之意。 綴,猶結也。 也。」龍 叶德總反。 何天之龍,叶 也。 大共,爲下國 衛反。 苞有三蘖, 則莫 子孔 ,寵 厖, 武 也。 〇賦 厚也。」 氏 旒 不 我 敷奏 日 旗之 也 剛 戁 音 Η.

業。 天下 黨也。 昔在,則 丟。 子,指湯也。降,言天賜之也。 受命,載旆秉鉞以征不義。 王 維 一葉也。 當時用師之序如此。 截然歸 賦也。 阿 湯 允也天子,叶奬履反。 尹 曷,誰何也。」 前乎此矣,豈 也。 代氏曰: .而有天下也。阿衡,伊君官號也。 衡,叶户郎反。 商矣。 葉,世。 虔, 則夏桀,蘖則韋也,顧也,昆吾也,皆 「韋,彭姓。 敬 初伐韋,次伐顧,次伐昆吾,乃伐夏 一苞,本也。 也。 震, 謂湯之前世中衰時 懼。 恭 實左音佐。 桀與三蘖皆不能遂其惡 顧、昆吾,己姓。」〇言 行 卿士,則伊尹也。 業,危也。 蘖,旁生萌 昔在中葉, 降于卿士。 天 討 也。 承上文而 右音 曷、 與? 也 有 遏 又。 鉏 言至於 允也 言 诵 里反。 湯既 一,而 言。 商 Ħ. 天

也 書》曰: 之先君,又及其卿士伊尹,蓋與祭於禘者也。 蘇 氏曰: 《大禘之詩。蓋祭其祖之所出,而以 句, 也 贵 長發》七章, 一章九句,一 『兹予大享于先王,爾祖其 其起 「大禘之祭,所及者遠,故其詩 宜爲給祭之詩。 於 商之世歟?」今按大禘 一章八句, 章六句。 然經無明文,不可考 光從與享 其 《序》以 四 祖 不及羣 歷 章 配 言 也 章 商 此

敢怠遑。

命

于

下

國,

建

蘇氏曰: 也。 耳。 賦也。 南鄉 反。 禍 辟,音璧。 此商之常禮也。况汝荆楚,曷敢不至哉!」○天命多 不 年克之。」蓋謂此歟? 截然齊一,皆高宗之功也。《易》曰: 撻然用武,以伐其國,人其險阻 爲祀高宗之樂。蓋自盤庚没而殷道衰,楚人叛之。 之武也。深,冒。 湯 祈王之不譴,曰: 諸 濫 荆 侯,各建都邑于禹所治之地,而 來享,叶虚良反。 孫之緒。 適,直革反。 叶。 多辟、諸 楚 昔成湯之世,雖氐羌之遠,猶莫敢不來朝! 人其 氐羌,夷狄國,在西方。享,獻也。世見曰王。 既 他 平 下 「既克之,則告之曰: 昔有成湯, 阻 設都于禹之績。 達 ', 而 侯也。 民 反。 ,裒蒲侯反。 象吕反。 諸 有 裒,聚也。 稼穡匪解。 我之稼穡不敢解也,庶可以免咎矣。 侯畏服也。 嚴 來辟,來王也。 殷 莫敢不來王, 曰 ○維女音汝。 自彼氐都 ○賦也。撻,疾貌。 叶 武, 叶 湯孫,謂高宗。○舊説 五剛反。 荆之旅。 越逼 奮伐荆 ,以致其衆,盡平其地,使 音懈,叶訖力反。 爾雖遠,亦居吾國之南 皆以歲事來至於商,以 歲事來辟, 適、讁 天 反。 啼反。 「高宗伐鬼方,三 不僭 命降 荆楚, 通。 楚。 有 羌,莫 不濫 商是常。 殷武,殷王 截 ○言天命 其 · 下 居 高宗 以 面 敢 或 鼠 與 規

詩卷第二十

四句。

衆也。 直也。 勑貌。 乎他,皆在民之視聽,則下民亦有嚴矣。 濫,刑之過也。遑,暇。封,大也。○言天命降監,不在 叶筆力反。 章文意略同,未詳何謂 之數,既成始袝而祭之之詩也。然此章與《閟宫》之卒 高宗之神也。此蓋特爲百世不遷之廟,不在三昭三穆 梴,丑連反。 叶所旃反。 十有九年。我後生,謂後嗣子孫也。 高宗中興之盛如此。 後生。叶桑經反。 所以受命而中興也。 濫,而不敢怠遑,則天命之以天下,而大建其福,此高宗 赫赫厥聲,濯濯 遷,方斷陟角反。 叶於連反。 閑,閑然而大也。寢,廟中之寢也。安,所以安 遷、徙。方、正也。虔、亦截也。梴、長貌。 極,表也。赫赫,顯盛也。● ○賦也。 松柏丸丸。 旅 ○賦也。景,山名,商所都也。 楹 ○賦也。 厥靈。 壽考且寧云者,蓋高宗之享國五 ○商邑翼翼,四方之極。 有閑,叶胡田反。 是虔。 叶胡貝反。 壽考且寧,以保我 嚴,威也。 商邑,王都也。翼翼,整 濯濯,光明也。 松桷音角。 惟賞不僭,刑不 僭,賞之差也 陟彼景 是斷音短。 寢成孔 丸丸, Ш 有

章七句,一章五句。《殷武》六章,三章章六句,二章

《商頌》五篇,十六章,一百五十

) 「顯盛也」,原闕,據元本、明甲本、明乙本補

=

謐

附

數卷也 長 有 或 古 讀 雅•板》篇, 多,至《豳 爲 及其 方手勘 印。 宋本之善,實有遠勝 陳 雅 拜 袁又愷 莪 小字畫 徵 宋 袁廷梼 **>** 家 君 案徵 春 樓 本 注 舍弟絜 簡莊  $\stackrel{\cdot}{\Rightarrow}$ 藏宋 六月 風》而止,惜不 所 均影鈔 藏 詩 書 君 則 印、「五硯 書」、「楓橋五硯樓 楷 年 中, 本《詩 跋文云: 無 因 傳 文 今夏, ·
丈
所 》,前 與拜經 出其 中吴 所 汪 處 近薌國 假 恃 後 吾 藏 集 舊 近刻者。 拜 爲 鄉 吟課,適 傳 得徵君本,俾多校 主 樓本相伯仲。 藏本見眎。 四 兒子 參軍來齋中, 經樓 》,因 無題 向 某既 爲叔祖兔牀 字 有 二小方印 彙升 起,至 收 識 以 袁 得 惟缺卷 惟 藏印 他 君 周 楮墨 定 又 每 <u></u> 勘, 册大 見 太 先 或 自 句

氏曰『《韓詩》作「思」』」、《小雅》「外禦

注文如《周南》「不可休息」下「吴

下《

春秋

傳》作『侮

門開甫

反二,《

周 何

以

我

」,「假」下,「《

春

秋

傳

」下,「《春

秋傳》作『恤』,「彼岨

祁祁」。

頌 焉 《召南》「何彼穠矣」作「襛矣」、《鄘風》「終 耶 矣」作「胡然 風》「亦可畏也」作「不可」、《小雅》「胡爲 章注引同。 牛」、《齊風》「不能晨 作「兄弟父母」、《王風》「牛羊下括」作「羊 蓼莪》至《大 旂茷茷」作「茷茷」、《商頌》「來假祈祈」 「右享」,「屢豐年」作「婁豐年」、《魯頌》「 本豈即 》「彼徂矣岐」作 允臧」作「終然」、《衛風》「遠父母兄弟」 ? 知我者」俱作「不我 何 《唐風》「實大且篤」作「碩大」、《豳 缺 徵 頁 雅 君 卷 之 故 與《宋志》合。 朔日新卯」作「朔月」、《 相 物 以之篇 「彼岨」,「既右饗之」 符 耶 夜」作「辰夜」、《魏風》 與 ? 知者」、《小雅·鴻雁》三 抑 其 袁 君 間 自《 别 可 經 有 文, 小 其 本 作 周 如 厲

四

百

夫。 夫百

里,故鄭箋云:

「方三十三里少半

讀

『岐』字絶

雖阻僻」,則

「沈括

宰」。」據此,則是本或爲宋刻 筆,悉仍文公之舊,惟『家伯維宰』作 里。」今注疏本作「二十三里」,更 之,倘得重爲刊 刻監本爰坿數語 君所藏本,冀獲厚值耳。 「内方三十三里有 其缺卷及圖印,又書賈作僞以同 「是書雖刻於明之中葉,猶爲元儒 靖二年。 義》二十卷,初刻 布,俾家弦户誦, ,歸諸參軍。 《拜經樓藏 也。 余既校 誤。 考元 於正 而 參軍其珍藏 書 而《集傳》 元時 番陽朱公 則嘉 題 一統間, 録, 跋 於徵 翻 於坊 雕 手

思 附 學生員海寧星滄里人吴之瑗厚渠氏 參軍爲紫陽所自出,故又 道光戊 申 秋 七 月曬 書 推其 日 和 不 縣 匱 學

奇」,「二」亦當作「三」。 案疏引《周禮》「萬 有異説。《噫嘻》篇注「内方三十二里

新,田三歲日

畲。」一人手定之書,不

《有川」與「十千」之數相當,計萬夫之地

畝,方百步,積萬夫方之,是廣

長

夫有百步,三夫爲一里,則百

夫應

